


叢書集成續編

一八〇

新文豐出版公司印行

# 叢書集成續編 第一八〇册目錄

文學類



## 詩別集——清

澹庵自娛草二卷詞牘一卷附錄一卷	清	金應澍撰	江陰	一
仲安遺草一卷	清	金和撰	江陰	四一
思過齋雜體詩存十二卷	清	蕭培元撰	雲南	四九
慧珠閣詩鈔一卷附錄一卷	清	多隆阿撰	遼海	八九
玉鑑堂詩集六卷	清	汪日楨撰	吳興	一〇五
廿我齋詩稿二卷	清	尹藝撰	雲南	一七三
李叔豹遺詩一卷	清	李熙文撰	雲南	二五五
壽花軒詩略一卷	清	汪懋芳撰	荔牆	二八五
醇雅堂詩略六卷	清	阮鏞撰	金陵叢書	二九三
子尚詩存一卷	清	車書撰	金陵叢書	三四五
青霞仙館詩錄一卷	清	王城撰	清頌堂	三五五
大瓠堂詩錄八卷	清	孫周撰	觀自得齋	三七一
澹如軒詩一卷	清	朱鎮撰	蕙風	四四五
小方壺試律詩二卷附錄一卷	清	孫馮撰	古棠書屋	四五五
半農草舍詩選四卷	清	張廷棟撰	涉園	四六九
清籟閣詩鈔八卷	清	潘貞敏著	懋花庵	五〇一
海嶽行吟草十卷附錄一卷	清	劉興樾撰	沔陽	五四九
西農遺稿一卷	清	姚必成撰	金陵叢書	五八五

柳門遺稿一卷.....	清 楊 後撰	金陵叢書	六〇五
遲菴集杜詩一卷.....	清 孫毓汶著	念劬廬	六三五
梅齋詩稿四卷.....	清 畢應辰撰	雲 南	六四五
在莒集一卷.....	清 朱桂模撰	金陵叢書	六七七
屈廬詩集四卷.....	清 鄭知同撰	清代學術	七〇五

2256/08

W1118/08

澹 娛

庵 稿

白

光緒十九年  
癸巳陽月刊

敘

士君子當履涉危苦困心衡慮之際聽其言觀其行一出以冲愉澹泊之致曾不少損其天和者知必懷抱道德足於己不願乎外將無在而不俛仰自適也然其人則往往難之光緒庚寅江陰金公澐生以同轉運使權知赤溪廳事兆鏞居幕府公子仲安復從讀書因又得見公之尊人晴初先生時年八十矣風采岸然嗜飲耽詩一門風雅謳吟之聲相富和先生尤樂就予談每酒

澹齋自娛草

敘

一

酣為言少壯多故出入兵間繼客皖豫湘楚之交經歷險巇與夫人事叵測言之欲歎駭心實魄願聞出當時一二感事詠懷之作則神致蕭遠行徐以和若不改其素焉兆鏞蓋心嚮慕之而猶未覩其全也踰年先生歸道山又踰年淮文齋錄遺詩郵寄相示且謂生平知契最深宜為之序烏虜譎陋如兆鏞豈足以序先生詩哉惟自念頻年憔悴江海騷屑之感耿耿於中不可遏抑學道既日淺時時痛自咎責讀先生詩前後一軌不啻

鼓琴空山蕭然若無與於世由是瞿然而起憬然稍知所以治心之道洵乎曩所謂懷抱道德者惟先生其庶幾之是不可不紀以告後之讀是編者也先生五十以前詩均燬於兵燹存此兩卷益足寶貴末附仲安詩一卷仲安沈潛篤學於輿地阨塞討究至精閒喜為詩惜學未成前先生卒兆鏞哀之語淮文齋其詩附於後撫斯卷猶恍然在海天風雨中一燈熒熒論文時焉可慨也夫光緒十有九年癸巳二月番禺汪兆鏞

澹齋自娛草

敘

二

金府君家傳

府君諱應澍字晴初晚號澹齋江陰耆舊乾隆元年鴻  
詞科刑部主事鑑之曾孫歲貢生捧闈之孫嘉慶己卯  
舉人蒙城縣訓導諱次子也生而孝謹事大母蔣淑人  
母史淑人中年猶孺子色也父客徐州府君從與平湖  
張編修金鏞安陽田太守宏勳結文字交抗稽古之業  
久不遇於有司遂弃舉子業游河南宣防大政贊諸侯  
計畫時時內交中原老師及知名士道義切磋文酒間

澹齋自娛草

家傳

一

學且大就道光季年奉親教子不欲復出乃咸豐末寇  
起江南無完城父卒既葬舉家避地府君赴湖北襄陽  
道從子國琛治所逡巡至長沙又十餘年亂定拮据營  
繕家室復完投老田間孳孳以家庭手澤鄉井舊聞戰  
誓采獲為事於是先世遺文耆老著書寫定殺青令子  
武祥栗香室叢書綱羅枚失由江陰而推大之哀然數  
十百卷自撰栗香隨筆多識前言往行談藝有淵源亦  
數十卷蓋承府君志也武祥官廣東鹽運丁運同監鹽

權於廣西梧州府君康疆年七十五就養焉嶺外温煥  
宜老府君杖策登眺賦詩命酒無倦容鄭州大水府君  
舊游斥田濟振事

聞旌異建坊梧州偏災亦命武祥振捐者再桂林大吏  
入告於

廷府君惕然以為近名矣入廣州游粵秀山南園悠然  
以樂武祥署赤溪同知府君蒞教曰養民曰無畱獄固  
少壯游諸公間素所蓄積也光緒十七年六月以微疾

澹齋自娛草

家傳

二

告終赤溪官舍年八十一壽考君子有道佚樂海內不  
數觀云府君元配謝孝親好施予能制盛怒課子嚴性  
行於府君最近遇亂流徙江北府君以謀食率武祥客  
游未歸而謝淑人卒前府君三十年子一武祥孫章國  
子監生次孫和少俊春學有詩百篇府君卒之前一月  
和先疾沒其婦陸後十日殉夫外年皆二十一歲武祥  
有慧女珣者與陸同日病暈外年十七耳時皆未敢告  
府君知也所著澹齋醒語及詩詞若干卷

譚獻曰案狀先生生平蹈危者三其一游梁盜要諸路  
露白刃霍霍官軍方躡之盜逸其二庚申亂時三吳淪  
陷間道出走意外全濟也其三則長沙邸中有狂人持  
刃夜入寢斫右臂創甚隕絕而蘇尤意外之變然而同  
舍起縛狂人將治之先生茹痛乃曰是必疾耳非有怨  
於我可勿治比創合卒不治此狂盛德哉



澹齋自娛草卷上

江陰 金應澍 晴初

同治壬戌六月攜兒子抵南昌小住四旬余將赴

襄陽兒子先赴會昌困苦艱難又復遠別凄然

賦此

地棘天荆裏恩恩記束裝歸懷徒切切前路正茫茫烽  
火連年熾田園舉目荒椿庭哀永訣萱閣幸康強力已  
衰妻瘁謀從阿姊臧艱難嗟骨肉跋涉飽風霜鐵甕軍

澹齋自娛草

卷上

一

威壯金陵逆敵張同羣憑鳥獸當道避豺狼時鎮江官軍甚盛由

此附舟僱洋人護送過金陵賊不敢阻 波浪驚彭蠡親朋訪豫章悽皇同

客路蹤跡又他鄉江上挂帆去燈前離恨長只求兵革

息偕爾慶高堂

七月二十五日重過九江前附洋船曾泊於此

烽火連年不可留春風相送記江頭同浮彭蠡過長夏

重到潯陽又早秋一水尋源分九派半途滯蹟老孤舟

雲山繚繞頻東望卻悔當時忍遠遊

秋夜途中望月

底事半騷甚頻驚夜欲闌有家遭蕩析何處問平安卻  
怪天邊月偏教客路看幾時重聚首燈下話團圓

中秋夜泊襄陽

清輝五夜浩無邊襄水迢迢路幾千雁自北來猶客後  
月從東上在家先不堪烽火連三載有限光陰感百年  
回首白雲最深處長空同看一輪圓

鄂中歌

澹齋自娛草

卷上

二

逸亭姪以布政使銜觀察襄陽陳師漢上壬戌  
冬忽被左遷聞者扼腕而逸亭怡然自若不以  
得失攖懷爰紀其歷年勤勞王事血戰沙場為  
長歌以贈之名曰鄂中歌

君不見古來名將邦家光千秋青史垂煌煌後有作者  
令我想望而徬徨昨聞江淮楚漢口碑頌阿咸勛業民  
不忘溯從幼歲呼嚦露頭角岸序蜚聲爭刮目不愧吾  
家千里駒絕塵而奔快騰蹕趨庭石城會昌與浮梁佐

治循良能式穀痛惜先人中道亡况復偏災逢百六拔

劍斫地慨以慷奮然投筆從戎行首出江右功即彰隨

克廣信義甯州暨弋陽咸豐五年姪隨羅忠節公澤南克復江西各郡縣保奏以縣丞

歸部鄂中天下必爭地宜以全力扼其疆蒲咸崇通克

四邑勢如破竹銳莫當忠節公上書曾侍郎謂武漢居

因奏派忠節回援武漢姪隨行連克蒲圻咸甯上游胡

崇陽通城進攻武昌于六年保奏賞戴藍翎上游胡

楊集金口羅公率師次武昌胡文忠公林翼與楊軍門

岳斌率水陸自金口會師何期困獸忽反門蠢茲小醜猶披猖撲面一礮中要害

澹盦自娛草

卷上

三

凜然鬚髮目怒張春風杜宇啼紅血落日孤臣返碧蒼

六年春忠節公圍武昌軍于洪山屢戰皆捷三月羅公

初二公方指揮攻城忽賊礮中公右額遂卒于軍

之軍李公統秣馬厲兵辛苦共樊山鄂渚與齊安遞復

名城屢擒縱忠節殉難後李忠武公續賓接統其軍姪

魯家港于十一月二十一日復武昌連當年策畫皆諮

克武黃各縣屬七年保奏以知縣選用商始信士為知已用武漢迅掃烟塵清吳頭楚尾猶連

營鐘山恃險作犄角負隅四載莫敢撓水陸交攻誓滅

此鐵鎖摧折石壘平會師既靖彭蠡口旋軍遂拔潯陽

城先是四年秋賊奪江西戰艦沈塞湖口築壘石鐘山

軍仰攻數不利至六年克武昌後忠武率師直搗九江

久不下忠武謂九江賊恃湖口相犄角不拔湖口九江

不可得也乃定計水陸夾攻湖口姪隨同克尋陽江頭

復奏獎以同知直隸州選用並賞換花翎

陣雲黯雪色戈鋌血花染皖江轉戰更無前人不能為

李公敢偽貞天侯林啟榮久據九江及七年九月復湖

之礮敢榮珍賊數萬無脫者是泊平十月賊復滋三河

深入師行疲一甄兩甄鼓聲死仰天力竭空嗟咨勉道

君才十倍我軍國大事毋相辭當日感公相屬語潜然

但覺淚如雨躍馬重圍冒矢行欲乞援師救忠武出死

入生急整軍忽傳將星殞天宇皖撫李君孟羣師潰廬

八月也是月克楓香驛小池驛賊巢復太湖乘勝復潛

九壘用悍賊數萬守之三河破然後可進規廬州公時

統八千人自克柯城後令總兵趙克彰率六營守之又

命副將謝永祐守舒城于是所部僅五千人九月二十

八日抵三河破賊九壘忽為英王陳玉成自江浦六合

率大隊來援偽侍王李世賢自蘆州糾合捻匪來援

公直如大厦傾誓必滅賊安英靈無辜戰血傷心碧有

幸忠魂照汗青師次黃州姪為殉難從此搗師虎豹窟

何殊疾風掃秋葉衝鋒突騎一劍知屈指戰功百餘捷  
次年夏五暑氣蒸三十萬賊攻昭陵援軍雲集等兒戲  
諸侯壁上誰縱兵出奇制勝獨鼓勇投袂而起萬馬騰  
乘此精銳一當百會師益陽驚先登九年五月石逆達  
甚眾號稱數十萬連營百餘里逆首由南竄而來三大  
壘外其餘繫繫若貫珠者不可枚舉城四面皆被圍我  
軍援師先後至與賊營交錯相持莫能下胡文  
忠公調令率師上援與李希庵節使會師益陽先登果  
出賊不備扼險居高得地利地利既得當其衝官軍勇  
氣百倍雄一重官軍一重賊重重礮聲飛霹靂賊衆我

澹齋自娛草

卷上

五

寡正相逼飛下一軍穿陣入千人萬人都辟易膽落羣  
酋皆震懾逐北追奔不遺力掃清南楚是誰績駭隼造  
征東復西來如時雨救羣黎亞夫勁旅多嚴肅陶侃成  
軍自整齊六月十九日與李公由安化進駐藍田距寶  
匡家嶺逆巢掩旂鼓從山背襲之賊大潰資水而西直搗  
渡資水以拒遂戒各營勿動密調沈副將等出西路為  
橫截之兵毛參將等出後路為包抄之兵分頭設伏伺  
賊懈擊之聲震山谷斬賊無數其毀賊壘柵一百  
八十餘座獲賊二萬餘復于七月十二日追勦大戰于  
賀家坊復追擊于白茅寺沿途殲戮殆盡湘省以次肅  
清是役也諸軍雲集李公為總統而運謀定計姪  
之功居多故略顯門中丞以知府道銜保奏 皖江

又報妖氛起凱唱旌旄復東指更向軍前借箸籌決勝  
原知在千里雪花如掌天冥冥慘淡兵氣連山凝光寒  
鐵甲冷猶著風掣銅鉦凍不鳴慷慨誓師激忠義三軍  
挾纜歌同聲三軍踴躍潛師出潛師間道鳥飛疾銜枚  
直走天堂山堅冰載途馬蹄脫蹇出賊背批其吭疾雷  
掩耳駭不及大呼奮擊無遁逃入蔡軍威允堪匹 天  
子聞之顏色歡嘉乃不績催拜官遂由太守擢觀察豸  
衣繡斧何桓桓九年冬十二月副都統多隆阿總兵鮑  
超兩軍趨太湖逆首陳玉成率眾數十

澹齋自娛草

卷上

六

萬來援我軍悉力拒戰賊來日眾圍鮑營數匝聲息不  
通時歲暮雨雪姪請於胡文忠公激厲將士以八千人  
自松子關攝英山踰潛山之天堂橫出冒大雪憑高築  
壘表賊師而陣賊聞見大懼于是合諸軍夾擊之賊大  
潰遂克太湖潛山保 懷桐之賊踞巢穴乘勝進規即  
堪滅兩股賊能聚殲旃何至庚申蔓遺孽潛太克復後  
姪欲乘勝進  
現使賊盡殲于懷桐惜當時未採其議 一日金陵忽潰  
兵機一鈍金陵潰圍蘇杭繼陷傷哉  
圍烽煙到處劫灰飛可憐歌舞鶯花地風景蒼涼舉目  
非不獨東南半壁全局壞又見楚北羽檄紛交馳十年  
春黃  
破黃安等處 得勝之軍遂援楚子弟八千猛如虎孝德

據逆猶憑城飛梯飛石一齊舉九攻九設公輸機再懸  
再上偃陽取兩月環攻賊計窮絕流而漁穴燻鼠荐分  
節鉞駐巖疆纔識功高獨勞苦十一年三月初一日姪  
感拔其木城初九日克孝感縣遂攻德安府二十三  
等日于德安城外鳳凰山南壇山等處築炮台四月初  
七日設伏誘賊殺斃多名賊猶堅忍死守復分挖地道  
轟城屢坍而賊仍搶堵乃築四面長圍以困之七月十  
一日派定隊伍激厲將卒圖大舉部署甫定城賊五六  
千冒死突出亟揮諸軍截擊不得入伏兵四合架雲梯  
一鼓緣登斬守牌悍賊數十立將府城克復分兵窮追  
斬賊無算泊自德安回軍時胡文忠將易箒猶謂姪勞  
苦功高辛秋備兵襄樊中十奏 黼座皆元功峴山高

澹齋自娛草

卷上

七

水瀾瀾千門萬戶生春風克復孝感加按察使銜繼復  
放並加布政使銜七月奏署安襄鄖荆兵備道十德安以道員記名請旨簡  
月到任旋奉 諭旨實授計先後功績共十奏也樊城  
自昔擅形勝荆築城垣賴底定兵旣使勞城又成作苦  
不辭春插競從此閭閻獲保全黃童白叟咸相慶經年  
棠蔭漢江濱更見德威敷遠近即如今歲七月時越疆  
又解南陽圍南陽襄陽本接壤古來唇齒原相依率土  
莫非王臣事奚可吟域分兩歧嗚呼守土之官尚如此  
試問爾時專閫誰如斯同治元年七月髮逆馬融和等  
糾眾五六萬圍逼南陽勢甚猖

厥姪統率馬步督同彭總兵炳武等越境馳援于十六  
七兩日大敗賊眾立解城圍奉 旨交部從優議敘  
老夫私喜阿咸佐 王國楚漢江淮頌聲噴嚮用頻邀

聖主知

登奉 諭旨統兵勤 王長才早荷羣公識

官曾胡駱諸公一見皆 無那猜嫌出非意昨宵忽被彈  
歎為濟世才委以重任 章議豈謂當年勦賊勤翻成今日移官地為告江東父  
老知逢人莫道功名易我思虞羅難阻鴻鵠翔忌者益  
忌名愈揚嗚呼忌者益忌名愈揚君不見千秋青史垂  
煌煌

澹齋自娛草

卷上

八

癸亥除夕

萬水千山外身因負米存世間多梗路方寸即桃源蠟  
炬迎新歲魚書斷故園移家乖素願何日奉晨昏

甲子三月朔日抵武昌微疴有感

白雲黃鶴已千載今古茫茫百感俱夢裏不知歸路遠

病中更覺客身孤那堪嶺北懷遊子

兒于時贊頓 州之會昌縣可許

江南作釣徒流水落花春已暮家山東望幾踟躕

武昌舟次送友

揚帆又向鄂城還去年秋仲舟過武昌秋去春來轉胸間折柳繫

舟鸚鵡埭落花送客鳳凰山彈琴洞口雲千疊吹笛樓

頭月一彎太息征途猶故我何時同與返鄉關

舟抵湘鄉一名連道又名龍城

書劍飄零壯志銷湘流幾曲路迢迢春風客到龍城地

暮雨舟維雁齒橋鄉思又從三月起天涯更覺一身遙

此邦濟濟多英傑要看中興翊聖朝

贈果亭姪

澹盦自娛草 卷上 九

羨爾他鄉住團圓聚一家青山欣有託白髮笑同華今

古如流水升沈付落花故園何日返重與話桑麻

春柳

萬縷千絲綠正齊徘徊幾度向清溪春江送別懷前渡

曉月登程望遠隄千里尙勞青眼顧一枝定許白頭棲

依依城郭開晴處莫唱陽關最慘悽

乙丑初夏

芙蓉城外是吾家記得春風笑語譁池館當初饒讌詠

園林此後正繁華江南遠道憐芳草湘上羈蹤感落花

杜宇聲聲歸去好不堪佳節帶天涯

登長沙城樓

極目城樓入大荒古今人事感滄桑楚王宮殿埋芳草

賈傅祠堂曠夕陽晴放溼雲歸嶽麓風吹花氣渡瀟湘

不堪故國瘡痍甚白髮三年滯異鄉

丙寅重九清曉登嶽麓

清曉渡湘水攜壺登翠微尋碑懷北海採菊思東歸月

澹盦自娛草 卷上 十

落羣雜唱霜高一雁飛炊烟連萬戶紅日上征衣

丁卯早春

朝來旭日喜曛曛萬籟無聲百慮空一夜雨抽春草碧

半溪晴放早梅紅病多養氣逾良藥客久驚心歎轉蓬

差幸親朋同逆旅不須蹙蹙悵途窮

接林至山陸春岩大梁來書卻寄

握別俄驚十九年梁園觴詠聚羣僊如雲往事經千劫

望月他鄉各一天同調何堪嗟契闊衰年更覺意纏綿

春風萬里來芳訊喜極翻疑夢裏傳

開緘如對故人談意氣拳拳轉自慙赤膽君常傳洛下

白頭我未返江南佳音更望來重疊知已從來只二三

他日相逢緣倘假一尊還與酒同酣

水軒卽事

楊柳又依依他鄉筍正肥午晴花競發春暖燕爭歸樂  
事天涯徧知心海內稀不妨時展卷此處有真機

送夏書懷

澹盦自娛草

卷上

十一

碧天如水夜遲遲嶽麓山邊起客思院靜露侵人未覺  
樓高秋到月先知能澆礮礮除非酒欲寫衷懷只有詩  
回首衡茅歸未得湘江何日掛帆時

戊辰春仲偶成

澧蘭沅芷足婆娑轉瞬流光七載過客怯夜寒嫌酒少  
鳥喧春曉識晴多愁來惟有頻敲句老至何妨偶放歌  
今古茫茫同一轍憑他日日醉顏酡

奉家兄里門來書

字字披肝意倍親開緘尙喜墨痕新深規後輩謀偏遠

勉紹先型志好伸千古功名猶易得一家孝友最難

真涓陽忽憶平津館宅相還欣有替人

孫淵如先生爲  
金氏甥與先

君中表行來書言外孫鄒嘉  
來勤學能文故以此期之

驚心烽火重行行夢影迷離憶未清七載春風離別意

一封尺素弟兄情吳山東望添鄉思楚水南來溯客程

卻笑今生磨蠍盡幾時雁序快相迎

縱筆

澹盦自娛草

卷上

十二

幾輩投詩弔汨羅鍾靈衡嶽指嗟峨地多勝迹游難徧  
人到衰齡飲易酡功業可留身後少光陰虛擲客中多  
試看終古英雄事只付漁樵一浩歌

迎到春歸又送春年年鏡裏鬢絲新銜盃却喜來今雨

開卷常慙對古人舊事有情頻入夢好花無處不爲鄰

平生眼底多興替何必名園寄此身

左右有園每遇春  
晴輒同人游賞

閏四月四日兒子來湘省視八月三日返江右詩

以送之

七年父子苦離別一朝相見各歡悅嚴父翻作慈母心  
依依膝下情彌親望汝功名且由後骨肉何時長聚首  
慨然東望歌式微囊空欲歸不得歸我年六十汝三十  
勉旃好把家聲立今尙窮愁各一方面在江右吾三湘  
湘水迢迢又送汝揮手相看淚如雨相看客邸太恩恩  
何如前日不相逢相逢客邸情切切如何今日又離別  
雨中送兒子登舟

七載纔逢喜不禁十旬聚首太駸駸雨聲却共湘流遠

澹盦自娛草

卷上

三

離恨徧留嶽色深期汝壯年酬遠志祇余客况付長吟  
當時欲語皆無語流水橋邊萬里心

大西門外  
有流水橋

中秋前二日送別作

客中送客黯離愁難繫天涯不繫舟水複山重懷遠道  
月明露冷待中秋三湘聚首同輕別千里相思各倦遊  
祇我衰遲誇健在幾時倚素服先疇

別秋燕

秋雨秋風已斷腸更憐去燕繞空梁故園花底曾相識

老客樽前轉自傷今又歸來今又別爲誰辛苦爲誰忙  
若逢舊主還家後待汝年年到草堂

己巳元旦

爆竹聲中轉斗杓側身天地故鄉遙欣看雲物占豐歲  
定有忠良翊聖朝老健方知天意厚亂平更慮世風  
澆起來枕上留歸夢先去焚香謝九霄

春日感懷

江山遞今古一覽放懷寬功可傳名易才兼有德難春

澹盦自娛草

卷上

四

風如戀客舊雨竟辭官愛聽斜陽外漁歌起渺漫  
只爲稻梁資拌教骨肉離八年雙鬢改萬里一身羈早  
燕營巢急春蠶作繭遲杜陵差足幸垂老中興時

正月至三月陰雨遣悶

郵寄兒子  
蓮花廳幕

東風無力轉晴和日日涖曠喚奈何三月未曾花下醉  
一春偏向雨中過素心難得同鄉聚

謂陳春珊  
孝廉字益舊事難

忘客路多寄語天涯遠遊子莫教芳歲付蹉跎

祝黃素庵大令七十壽時己巳七月初五

德門舊口仰清華刺史循聲冀北誇尊甫宣之直判官直隸牧令數十年

政聲三世琴堂欣有子令嗣慕韓以知縣用加同知半

卓著銜現署辰州府沅陵縣丞

生宦海尚無家七旬蔗境期頤卜八邑棠陰歲月賒何

日東歸娛晚景一尊相對話桑麻

庚午正月十五

忽忽已花甲仍憐作客身元宵一樽酒湘水十年春明

月認前度清風懷故人窗梅開也未好報歲華新

三月二十四日有懷作

澹齋自娛草 卷上 五

回首趨庭日祥光聚一門春烟多翠色夜雨長苔痕此

幼年所作後起幸無恙詒謀欣尚存兒年剛六十白

髮溯淵源

六月四日為余六十初度魏盤仲刺史彥劉申甫

太守俊姚彥嘉通守嶽望徐然明上舍先後各

以肴酒為祝是月魏赴蘇姚赴鄂徐赴岳州即

席口占誌別

六秩筵開六月天荷花香氣送樽前客中難得逢知己

湘上何緣會眾仙詎料各懷投筆去卻看誰是著鞭先

座間似我頽然醉願其忘年祝大年

辛未元旦口占

醉倒屠蘇酒酣然樂有餘卻忘今老矣無計早歸歟白

首心猶穉青雲志未舒詒謀告孫子大業在詩書

善化令盛樸人司馬廣元宵張燈招飲賦謝

梓鄉底事會羣仙報道新春月正圓難得使君分鶴俸

卻教元夜啟華筵嘉賓賢主高千古綠酒紅燈又一年

澹齋自娛草 卷上 六

我是白頭湘上客愧承禮意更纏綿

辛未十月見燕感懷

何事小春燕差池振羽翰炎涼今已閱興替昔曾觀江

上家仍在天涯歲欲闌新巢知早就待我聚團圓

壬申元旦

昨歲小陽春祥光徧里門一封書寄我十月喜添孫幸

有詒謀在當思 先澤存明年賦歸去情話快開樽

用孟襄陽春曉五截韻二首



江南夢迴曉客似倦飛鳥春水碧於油底事歸舟少  
地僻不知曉起聽枝頭鳥蕭然別有天閒庭人迹少

接徐然明上舍書口占復寄

家居思作客客久又思家勸爾言非泛嗟予髮早華艱  
難悲亂後筆墨笑生涯能否重陽日同歸就菊花

癸酉送陸存咳通守 光治 歸里並寄家書

江水三千客路長客中送客各徬徨江南親友如相問  
春暖花香聚草堂

澹齋自娛草

卷上

七

客中積思成夢詩以誌之

不堪雙鬢已成絲久客難歸事可知無數興衰經眼過

老年記取少年時

甲戌湘上卽事

白髮嬉春日紅顏醉酒時病多思舊里事少積新詩倦  
鳥飛難定寒梅放較遲欲歸歸未得計拙有誰知

麗泉姪到湘需次賦贈

十餘年別一相逢握手談心憶舊容忽忽妙齡成壯歲

茫茫往事感離蹤人從客人情逾淡官到場時興自濃  
我正言歸汝方到雲山疊疊意重重

四月初二日偕錢子宣大令自長沙啟程旋里

十載羈湘兩鬢華輕裝細雨出長沙半帆紅日催歸客  
一路青山送到家江上忍攀新種柳籬邊待看故園花  
同舟琴鶴增行色情話逢窗興倍賒

舟泊金陵

此地昔曾過驚心賊據關青山悲亂後白首慶生還流

澹齋自娛草

卷上

八

水十年事歸雲千里閑舉杯佳節近且喜醉開顏

五月四日抵里喜賦七律四章

說到歸興喜欲狂青春作伴好還鄉迢迢遠客三千里

忽忽離家十二霜水漲湘江辭嶽麓雲開廬阜下潯陽

船頭一笑蒲帆駛坐看金焦兩點蒼

蒲綠榴紅節序新到家恰喜趁良辰衰年倍覺還鄉樂

和氣都成滿室春堂構重開綿世澤弟昆相見話天倫

最憐學語桐孫小也解迎門笑舞頻

回首當年感不禁  
催人歲月太駸駸  
自經滄海桑田劫  
莫報春暉寸草心  
借老愁分中婦鏡  
完貞淒斷女嬰砧  
瘡痍多少猶難復  
更續憂時老杜吟

養疴從此謝塵緣  
雲水安閒適性天  
著作尙餘先澤在  
詩書應啟後人賢  
何來梁燕營巢穩  
却值江魚入饌鮮  
行樂及時時一醉  
呼兒好繫杖頭錢

乙亥九月二十七日接兒子江右書

開緘不覺笑顏和  
彭蠡匡廬次第過  
慰我一言情最摯

澹齋自娛草

卷上

九

憶命心比憶兒多

丙子春日偶成

時向東皋策杖行  
堂前日日酒杯傾  
忽來粉蝶知花放  
更聽斑鳩喚午晴  
白髮青衫仍故態  
斜風細雨又清明  
文章事業期兒輩  
賸有新詩詠太平

賞菊

上年九月兒子自揚州買菊二十餘種寄歸  
植之後圃護以竹籬今年九月開復爛漫而  
兒又於今夏赴羊城  
因攜酒挈孫以賞之

去年買菊自揚州  
今日花開汝遠遊  
伴我衰年同瘦影

羨他傲骨耐深秋  
高風獨向籬邊留  
寄遊子何堪嶺外  
料得南枝梅放早  
平安幸慰倚閭愁

簾捲西風日未曛  
桐孫扶杖更欣欣  
非徒晚節精神豔  
也要平時灌溉勤  
恰值重陽供採擷  
居然五色鬪繽紛  
年年幸遂鄉園樂  
介壽東籬幾度醺

十月寄粵東示兒子

一紙平安寄依依  
別意深青山游子  
路白髮老人心嶺  
上梅頻寄樽中酒  
細斟此行非得已  
不必論升沈

澹齋自娛草

卷上

十

丁丑冬日偶成

菊傲霜天梅耐雪  
也同松柏後凋看  
始知晚節凌霜雪  
莫羨春風放牡丹

庚辰七十自述

彈指年華七十秋  
老翁今日更何求  
惟期瀛海歌安燕  
長向田園樂杖鳩  
千里歸來冰在抱  
半生辛苦雪盈頭  
讀書爲善承夙訓  
說與兒孫好自謀

江鄉六載息吾肩  
開到荷花又一年  
閒裏有書供嘯傲

老來無病卽神仙趨庭梁苑懷前度捧檄佗城隔遠天  
且喜桐孫都繞膝碧筒介壽樂陶然

秋日偶成同蔣季蓮廣文

課功十駕苦搜羅萬卷縹緗奈老何人到暮年思補過  
酒逢知己有高歌入秋明月清光好論古深宵感慨多  
且喜元卿移講席一編風雨共吟哦

贈季蓮廣文

絳帳草堂開絃歌歲月催茫茫千古事落落幾人才處

澹齋自娛草

卷上

三

世心無競持躬志未灰平生苦多病終老白雲隈

辛巳早春

案有琴書不患貧衰孱猶是苦吟身及時難得連宵雨  
垂老欣看萬物春出屋樹陰青作蓋過橋山色翠迎人  
北窗一枕高眠後時狎閒鷗到水濱

甲申秋日寄示兒子

屈指將稱八秩觴半生已悔馬牛忙恩恩汝又四年別  
渺渺予懷三徑荒堪笑幼孫求附筆要催游子早還鄉

須知知足心常樂處處危機在預防

澹齋自娛草

卷上

三

澹盦自娛草卷下

江陰 金應澍 晴初

乙酉夏五將赴廣西梧州留別親友

十年歸隱澹盦村白髮今還別里門捧檄定知兒色喜

舉杯相勸戚情敦謂蔣季蓮諸君衰孱欲覽波濤壯老健真叨

大造恩此去炎陬蕉荔熟好將風景細評論

七月初五日抵蒼梧

五千里外渡輪舟子舍歡迎慰白頭宦海幸逢環海靜

澹盦自娛草

卷下

一

老年補足少年遊牂牁水遠頓河湖冰井泉香樂唱酬

一路喜聞 寬大詔德洋恩溥到遐陬途中讀 允法人和議及發巨

帑賑兩粵水災二詔

輕裝纔卸便思鄉嶺外秋高未見霜花木四時開一色

兒孫兩地作重陽留大孫章家居風塵要識官難戀耕讀還虞

業漸荒相約遊蹤剛匝歲海天如鏡泛歸航

遊冰井寺登準提閣

客到蒼梧地剛逢異地秋曾經滄海遠補足少年遊虞

帝荒祠在城東有虞帝廟冰泉勝迹留冰井為元次山遺蹟天教娛晚節

子舍酒頻酬

高閣肅瞻仰禪心契古初神仙何處問塵累此間祛落

葉生秋思空山孰隱居不如歸去好舉室寄樵漁

丙戌仲春感賦

迎養欣兒志他鄉歲月賒老年常感舊春夢不離家歸

思三江水詩情五嶺花兩孫宜努力珍重在年華

接大孫伯豫家書喜四月十日得曾孫錫名福保

澹盦自娛草

卷下

二

字曾壽

一封書發笑顏開報道曾孫誕育期湯餅遙知喧故里

雲初更喜行孫枝怡逢竹報平安日快值花開富貴時

喜動全家同縱酒還借汝祖賦新詩

國初卜宅幾春秋二百餘年舊澤留四代一堂看繼起

九朝十世賴貽謀崢嶸頭角知英物矍鑠精神笑遠遊

準擬歸家同試醉團圓相慶更何求

秋曉登城樓

策杖巖城倚江天一覽問曉鐘亦并寺初日大雲山勝  
蹟尋三管高吟寄百蠻南交頻縱日且莫論時艱

攜仲安孫訪貢靜山茂才不遇

桂花香裏趁清遊攜得桐孫伴白頭且喜團圓待明月  
不妨皎潔弄寒流常懷故國頻聞雁欲看青山更上樓  
惆悵高人獨不見閒雲天際兩悠悠

丁亥端午

兩年端午度蒼梧小飲開筵意轉舒茵苔風病娛子舍

澹盦自娛草

卷下

三

石榴花發憶吾廬

家有紅黃石榴數株

持身澹泊心無累涉世寬

和慶有餘四代今還三處隔何時骨肉共安居

兒子兩公晉省

大孫妻  
子家居

除夕

海外家如寄樽前夜未闌他鄉同酌酌佳節話團圓有

子一官繫添丁四代歡

丙戌得曾孫名福保

不須占鏡聽餘慶卜

平安

戊子元旦

連歲歲朝雨今年元旦晴春風原有意曉日倍多情故  
里紅梅發炎荒白髮生兒孫同介壽一笑酒頻傾

清明

渡海五千里離家三四年春歸同是客老健竟如仙鶴

旱炫杯玦

白鶴岡有青龍廟頗靈異

鴛江競管弦

城西為鴛鴦江多花艇

南交

風景好紀麗有誰編

戊子四月蒙

恩嘉獎建坊適大孫率曾孫航海

來梧賦詩誌喜

澹盦自娛草

卷下

四

重疊佳音樂不支頻傳飛電到天涯受 恩垂老慚非

分爲善無多貴及時薄海一家逢運會同堂五世快期

頤南交正喜歌豐稔好趁清和進酒卮

五月十一日梧州大水避居城樓

百尺樓頭卧樓高接大荒江波何浩浩天意竟茫茫派

溯泔荆遠流歸渤澥長所嗟四瀆外疏鑿遠難詳

六月初一日水退攜孫返榷舍

水退蒼梧萬戶安攜孫歸亦我心寬蛟龍返壑波濤靜

鴻雁還家婦子歡斗酒百篇同酌酊一堂四代話團圓  
老夫矍鑠蒙天祐依舊吟哦興未闌

九月送心蘭四再姪並示兒孫

歎汝少孤早扁舟尙遠遊且談山水勝漫動別離愁白  
髮羈三管黃花又九秋汝曹宜努力歲月總如流

重陽節兒孫輩登高以步蹇未往賦此遣懷

老邁空嗟步履艱看人登彼翠微巔同簪黃菊偏多興  
久住蒼梧夙有緣獨酌曹騰渾似夢息機澹靜儼如禪

澹齋自娛草

卷下

五

一年一度重陽節笑數身經八十年

客邸紀懷

半生辛苦走風塵自笑仍爲萬里身嶺外久羈遊宦客  
夢中猶是少年人詩多古意難諧俗花到炎荒不斷春  
迴憶江南好風景老漁相約共垂綸

己丑正月人日喜晴廣州寓廬卽事

四年三管異鄉情一瞬重來客穗城最愛天時春漸暖  
卻欣人日雨初晴玉山樓閣參差見珠海帆檣次第迎

何事花田戲花去滿街聽遍賣花聲廣州人日有花田之遊

地北天南印雪泥只今回首總相思人生聚散原難定

世事炎涼本易知寄興還憑一壺酒感懷幸有百篇詩

故園松菊年年憶借隱歸來好及時

春仲遊南園至廣雅書局訪繆筱珊太史荃孫兼

以送別口占二首

水石得幽趣詩書發古香杜陵開廣廈陸賈豔歸裝夜  
雨過花徑春風憶草堂白頭相送處情話最難忘

澹齋自娛草

卷下

六

同作佗城客君歸我未歸朱陳情意重管鮑古今稀冀

北書常寄

眷屬留京

江南筍正肥清和當返棹

子擬夏相與間旋里

醉柴扉

季夏攜兒子遊粵秀山躋山響樓謁三君祠登天

海澄清閣遂入學海堂之啟秀樓小憩賦詩

恰趁春光好扶筇絕頂行江山入圖畫天海快澄清百

粵此雄鎮三君垂大名茫茫懷古意俯仰有餘情

端午卽事

榴紅綺綠總相思記得雲溪競渡時吾鄉龍舟之盛甲於天下萬里  
鄉心獨海中央半生浪迹走天涯年來豪氣惟中酒老去  
才華小詩猿鶴山林屢招隱莫緣薄宦滯歸期

新秋雜感

古往今來一局棋悲歡離合解人頭英雄滾滾同歸盡  
天地悠悠無了時蒼狗白雲隨處幻紅羊黑劫不勝悲  
老夫八十年來事感興惟餘一卷詩

九日登高

澹盦自娛草

卷下

七

百粵重陽似豔陽炎州終歲暖無霜菊花未放辜佳節  
嶺南菊花須稻蟹初肥憶故鄉雲嶺千盤通象郡波濤  
冬月始開萬派走獅洋此間山海誇形勝且趁登高盡一觴

久晴喜雨

人情共喜晴晴久雨亦佳既樂琴書潤還欣民物諧青  
山看海外白髮滯天涯生意窗前滿蒼苔綠上階

歸心日切賦此遣懷

决意浩然返斯爲能見機客懷猶可解世事竟全非松

菊幸無恙門闌歌式微呢喃草堂燕應盼主人歸

除夕偶成

今夕知何夕迎年復送年家家欣有歲處處快開筵老  
去情翻怯心平壽可延故園梅欲放芳訊望頻傳

畫燭搖紅裏炎荒寄此身客生今夜感人待隔年春對

酒情無限題詩筆有神一聲雞唱處雙鬢又添新

庚寅正月十五日立春

老人幡勝未嫌嘲明月團圓不待邀八十逢春懷令序

澹盦自娛草

卷下

八

兩逢元旦兩元宵道光九年己丑正月初一立春子年  
十九隨侍先君袁浦讀書光緒十  
二年丙戌正月初一立春子年七十有六兒子迎養梧  
州計元旦立春兩次嘉慶十九年甲戌正月十五日立  
春子纔四齡至今年己酉  
十元宵立春亦兩次也

春月久雨寒甚

只說炎荒暖誰知寒在春不嫌花事緩且喜歲華新度  
臘原無雪號寒亦有人老夫能耐冷恰稱舉杯頻

寓迴龍里花木頗盛詩以詠之

城市山林趣蕭森氣象舒晚風開茉莉初日照芙蓉時

和放翁句猶能驕士書余燈下尚能作楷何時故鄉返五畝更

安居

端午夏至

予年八十凡四逢端午夏至作詩紀之

客裡光陰速閒中歲月長八旬湖長至四度遇端陽桃

印方施戶蒲醪正舉觴晚年多樂事還喜壽而康

八十自壽

端辰長至歲朝春六度重逢到八旬諺曰夏至難逢端午日百年難遇歲

澹盦自娛草

卷下

九

朝春予逢夏至端午凡四次計道光十三年癸巳咸豐二年壬子同治十年辛未今光緒十六年庚寅皆端午交夏至又逢歲朝春兩次道光九年己丑光緒十二年丙戌皆係歲朝春也古諺尚傳難遇

日遐齡猶是未歸人百年似箭時光速四大如毬世變

新且喜重闈稱慶日荷花香裏聚天倫兒子今年亦五十矣

茫茫身世歎行藏滄海曾經兩鬢蒼老去祇慙名過實

前數年客梧州親友祝壽詩文愧名過其實年來差幸壽而康離懷梅嶺新

詩卷歸思蓉江舊草堂敢向蒼天無厭請一門五代聚

家鄉

中秋

六載南交節序更良宵又聽管絃聲年年今夜思家切

歲歲他鄉醉酒頻人易悲歡人易老月恒圓缺月恒明

不須感事吟秋興且向閒中詠太平

客憶

入洛浮湘後難忘鴻雪痕青山頻入夢白首屢承恩

餘興寄風月詒謀看子孫還宜歸去好陶令有南村

重陽盼家書

澹盦自娛草

卷下

十

嶺外六年客登臨輒杖藜久無鴻雁到只有鷓鴣啼秋

夜不成寐歸心未可稽良辰聊遣興採菊句重題

靜坐偶得

四大皆空相心清悟昨非塵根誰解脫方寸可皈依鑒

水必于止看雲胡不歸吟詩愛摩詰隨處有禪機

冬月六日行抵赤溪兒子接篆

漫說爲官與隱齊毛生捧檄比鸞棲一家笑語渡滄海

四面雲山環赤溪

是日風平浪靜由虎跳門出海行不及百里用兩火輪船拖送逾時即至



遠島炊烟都結市平沙出水漸成畦巖疆卅載經初闢

上考何人作首題應設於同治七年為海疆要缺

登眺偶成

萬巖峯巒繞巖疆氣象雄九州炎微盡一覽大瀛東赤

三面皆山惟官柳經秋碧蠻花破臘紅老夫占物候扶

杖快吟風

赤溪署作

官鼓聲喧應晚潮衙齋寂坐篆烟消樽前酌酌懷前事

澹齋自娛草

卷下

七

燈下團圓話此宵年老卻欣終歲暖時清不礙故鄉遙

遊蹤六載渾如夢轉瞬風光春又韶

署齋卽事

喜聽鳥語常憑檻愛看山光不下帷臘月蠻天如午月

石榴花發子纍纍

辛卯新正雜詩

樹擁川原壯花園屏宇寬青山當戶出滄海上樓觀五

管遊曾徧三湘夢已闌訟稀塵牘少萊舞有餘歡

元宵

金吾不禁夜燈火滿街懸蛋女施脂粉蠻奴拾翠鈿春

風吹處處明月自年年何幸占豐稔良宵聽管絃

初夏卽事

皓首八旬外炎荒七載過庭前詔詩禮境內聽絃歌地

僻風猶古時平海不波日長官舍靜一卷伴維摩

故里雲山遠他鄉歲月寬閒來頻得句老去尙加餐時

雨一春足

粵中稻凡再熟三月卽蒔秧

蠻花四季看曾孫扶杖好笑

澹齋自娛草

卷下

七

舞共承歡

衙齋

山色牆頭似畫圖一庭花木稱清娛下帷佳客詩頻和

謂汪景吾孝廉繞膝曾孫杖可扶蔭美垂簷排密篠蔬香入饌

有甘瓠歐陽公府如僧舍恰好持齋稱老夫

有感示兒

輿壤經初闢時和風雨調隔牆山色近高枕海聲遙守

潔官箴凜年衰壯志銷不如歸去好松菊故園招

澹齋詞牘 附

百字令 壬戌夏六月南昌客邸感懷

東西南北卅年來旅況總成陳迹舊日鶯花空悵望笑  
我早生華髮戢影田園寄情詩酒久已安蓬壁衰年離  
亂天涯又作羈客 却憶梁苑趨庭彭門託筆萍梗多  
飄泊此日江湖供嘯傲一樣青山明月兩脚飢驅長途  
負米且盡書生職白雲回望故鄉頻問消息

澹齋自娛草

詞牘

三

澹庵自娛草附錄

壽詩

定遠凌兆熊仲璣

耆宿東吳長南華九老行儒宗齊祭酒人仰魯靈光炎

海新詩卷澄江舊草堂霞觴稱子舍愛日正舒長

少小知名早從親萬里遊德星聚江左泥雪又中州高

詠梁園月清談鄴下秋紀羣交競納裙屐足風流

憂患中年感高懷絕俗紛紛紅羊消浩劫蒼狗幻浮雲大

澹庵自娛草附錄

度婁師德閒情宗少文君家有麟閣吟賞榮奇勲謂令姪逸

亭方伯

孝友徵天顯風詩賦鶴鳴女嬃有奇行漆室感伶仃中

壘貞姜傳河東伯姊銘一編成事畧青史播芳馨

舊事湖湘紀長歌行路難艱危曾備歷橫逆笑無端功

行神仙具襟懷天地寬比干陰德盛謠詠徧單寒

家有如椽筆龍文鼎可扛遺編珍守一醒語妙無雙摺

逸體俱備搜奇興未降粟香堪繼美藻采絢蘭芷

又振南來策仙真號地行虎門看海色羶峽聽江聲雲

水尋幽趣樵漁狎舊盟更欣腰脚健嘯詠遍滄瀛

老帶莊襟旨全空芥蒂胸談經參白社揮塵折青松瓶

鉢真詮契鬚眉道氣濃竭來冰井寺相對語南宗

四世同堂聚婆娑樂是翁黎眉登上齒艾髮驗方瞳荔

子紅雲宴蓮花綠水筍登龍集仙侶共吐氣如虹

令子同官久通家氣誼敦敦笙璫爭獻曲造弄敢無言未

撰東山杖遙傾北海樽期頤重介社繞膝有元孫

澹庵自娛草附錄

山陰汪琬瑒生

任嶼唐循吏仁山宋鉅儒名宗綿世澤耆宿叶元符介

叟三辰酒隨身五嶽圖長羸曦景永嘉月紀懸弧

養志當鱗鯨承歡有綵衣春秋趨學舍晨夕侍重闈經

既傳桓郁詩能補廣微天倫多樂事更喜禮無違

和樂覘同氣溫肫見此心不聞羹頡釜長護女嬃礎晚

近風非古平生意獨深友于關至性端弗媿儒林

師古耽文史因時託嘯歌心原如月澹氣總得春多冰

雪身松柏雲山志薜蘿湘中還嶺石蠟屐恣經過

幾歷須陀劫長存不壞身冲和消沴厲平等視冤親

恨原無著扶持合有神由來忘我相一任轉風輪

言就南陔養因為北戶遊丹砂探勾漏翠壁頰靈洲靜

遺塵中累間等物外幽高年能濟勝佳處每遲留

惠解千金橐炊生萬戶烟烏頭邀 寵錫鵠面荷安全

榮並延年杖功高續命田蘭陵稱美意弗祿自蟬媯

務本仁為質儲休理可徵因心原孝友繞剡見孫曾泰

澹庵自娛草

附錄

三

宇端能定謙衷不自矜從知比干策餘慶衍雲祚

早歲干戈後長春杖履中椿萱延愛日杞菊見高風名

父蘇明允詩人陸放翁試繙耆舊傳真與昔人同

發竿干齡始堯冀四照時三升河朔酒入艷樂天詩鶴

紀知難老皤生愧早衰願言隨福履更得祝期頤

六十有三異日翁舉百歲

賤子今年

之篤獻壽者亦八十餘矣

仁和王存善子展

儒術江陰盛人材萃此邦士夫崇氣節英達擅文章世

澤涵濡久門風篤愼長我公應繼起祖德豈能忘

梓里仁風播籃輿令子迎山容連象郡海氣薄羊城選

勝筇枝健承歡菽水清頻年親杖履何幸慰平生

鳳詔恩方賁鴻敷轍已蘇長河千里潤生佛萬家呼繞

膝孫曾樂從心歲月逾荷花生日近先為慶懸弧

南極徵祥應占星見廣州

南極老人星惟廣州夏至後見之天官書所謂老人見治命謂之壽星是也

問年同尙父服食學留侯天錫岡

陵算人添海屋籌如聞聰健甚玉杖漫扶鳩

唐時人年八十則賜杖

澹庵自娛草

附錄

四

番禺沈寶樞雲圃

玉牒稽華胄金貂溯漢儀名宗原烏奕曠代繼英耆鯉

訓趨庭日舉比講學時重闡瞻色笑宦轍快追隨淮海

清芬著榮陽令譽馳依蓮曾入幕拂薛屢尋碑獨醒塵

中眼孤標世外姿嘯歌聊自適澹泊久相期聚處天倫

樂焚餘手澤詒傳家編舊集述德賦新詩患難原鶴感

伶仃寡鵠悲讓兄裴楷宅銘姊柳州詞辟地澄江外結

廬湘水湄客居多阻厄賊斫賴扶持履尾占貞吉平心  
視險夷物情紛變幻吾道肯磷緇服領懷遊興筌陔遂  
孝私冰泉餐玉醴穗石擲瓊芝地選烟霞勝身長水石  
騎孫曾欣繞邈朝夕樂含飴推愛周羣類聞災憫子遺  
千金遙解橐萬戶曉成炊 露綉膺崇錫 奎章褒好  
施會 頌靈壽杖應醉輓金危務觀松柯茂香山第祿  
宜因緣嘗結佛儒雅信堪師有子如坡老其才邁退之  
一編名早立四始義深窺萊綵歡無極華筵樂可知躋

澹庵自娛草 附錄 五

堂同介祉百歲祝期頤

江陰繆荃孫後冊

戊子十二月荃孫遊粵進謁 晴初表丈備聆

緒論己丑三月回里丈訪荃孫於廣雅書局賦

詩送行獎借備至今夏六月丈八十大慶泚生

兄稱觴粵邸荃孫感今思昔成詩一千字以介

眉壽

耆舊東南望詞壇歲月長八旬躋大耋一老時靈光門

閱金坡貴孫曾玉樹芳荷香迎杖履蒸綵捧壺觴詩境  
儕元白仙蹤慕綺黃高風心夙仰懿行耳能詳綺歲登  
壇坫傳家富縹緗宏才先式杜別解本承匡疏雨飄琴  
磴飛花點墨牀書籤紅拭玉帶草碧連纒下筆驚鸚鵡  
空羣譽嘯嘯聲華希管邴體格慕班揚高節陶元亮清  
談顧長康黎吹看累歲蓬轉漸他鄉芹沼孚同學椿庭  
凜義方 尊甫官嘉定蒙城兩學 丈先後隨侍 亭纒登畏壘里又訪蒙莊  
古道來京洛問關八大梁船肩纒落月馬背又斜陽風

澹庵自娛草 附錄 六

士資聞見與圖樂品量郵程勤遠涉客味笑新嘗風爲  
催帆急雲因出岫忙離亭添唱和官閣賴匡勳志訂河  
渠熟謀資幕府良黃流安九曲綠酒醉干場別緒攀楊  
柳箴言佐桂薑縱添推解誼未免別離傷南國經烽燧  
東山缺斧斨頻年警風鶴一夕墮天狼節帥先絕險嚴  
城竟失防孫盧兵肆掠躡躡暴難當刃礪蓉湖畔旗舉  
射瀆旁聞聲驚鼓角望氣訝樓槍涕淚辭間里塵埃委  
橐囊壯游湖江漢清境訪瀟湘曉渡浮蘭漿宵程策笻

將旅居甘寂寂仕版謝皇皇避地劉成國依人陳孔璋  
還家萬里夢吟客九迴腸聞道江關復爭傳巨寇創征  
南推杜預敗北獲張璠轉徙十年久旋歸一葦杭天心  
悔兵火人海閱滄桑迨返前周里重開篤慎堂東舉偶  
舒嘯南野盡開荒食舊資生計謀新盼歲穰翻匙看白  
粳歆枕熟黃梁曲岸籬編枳連塍水蒔秧積儲欣有日  
生聚漸成坊鷗侶逢開徑鴻文製上樑芝蘭都挺秀花  
柳已成行安寢歌松柏呈材論桷栒綢繆勤牖戶絃誦

澹庵自娛草

附錄

七

廣門牆劄劄綿先澤圭璋著令望青山供偃仰白社樂  
倘祥有姊推貞孝持躬肅紀綱隱憂漆室歎靚閔柏舟  
章兩髦崇公乘千秋頌趙姜 恩榮褒綽襖歌詠徧膠  
庠堂構謀常遠詩書業更昌璠璣珍美質干莫露英鉞  
氣歛溫溫度文騰作作芒服官因奉養聽鼓效趨蹌大  
長縱橫地荒朝歌舞岡廣南徵地域拱北樓壓城隍宅  
漫尋虞仲臺先訪越王花田春似海榕寺月如霜自昔  
誇形勝於今尙富強照人殊磊落懷古益蒼涼捧檄來

梧桂收鹽混賈商猛寬期叶濟權度戒講張廉石晴先  
見貪泉酌不妨志難同燕雀語任費蠅塘久曠趨庭禮  
言迎浮海航重洋渡獅子大峽訪羚羊頰雪木棉老紅  
雲仙荔香腥風噓玳瑁蠻雨暗枕榔炎燠珠騰彩端溪  
玉截肪峰遙接衡永水遠導滇涯冰井元銘佚銅鐘漢  
鑄藏謫官才慕李異物記編楊比玉溫而栗捐金慨以  
慷烏頭蒙 寵錫雁澤集流亡慧業神仙具高懷物我  
忘身因頤養健集以紀游彰賤子初來粵高齋乍解裝

澹庵自娛草

附錄

八

掘衣情繾綣奉袂度汪洋話舊增振觸談今少否臧派  
原別衣鉢秘遂奉巾箱訪我剛春半談詩到夜央伸眉  
新月榭叉手抗風堂廊百宋千元處三忠十子傍花濃  
開匱匱石古譽奇礪扶卻一枝杖餐疑九節苜贈詩多  
獎借話別更傍徨月次林鐘律星占鴉火祥精神儕路  
國導引誚雲房松菊添懷想粉榆少頡頏飭躬看碩德  
積善兆餘慶頌禱殷三祝絃歌愧八琅鶴南飛一曲獻  
壽酌瓊漿

山陰汪 琬美生

澄江江上舊清門名宿今推齒德尊抱朴子方游越嶠

武夷君已見曾孫稱觴彌永南咳景 賜杖行叨 北

闕恩他日人間傳佚事七無三有合同論

耆英初度紀長羸瑤砌剛舒四葉萸生較荷花先廿日

身同椿樹閱千齡東華秘授延年訣南極光連處士星

自有飛霞堪作佩不煩五嶽寫真形

海甯羊復禮辛楣

澹庵自娛草

附錄

九

魯殿靈光峙上台星明南極紫霞開龐公隱德傳荆峴

仲武詩名動吹臺黃葉滿床編著述青山岸幘賦歸來

扶筇冰井聯裙屐萬里江山月照杯

時令嗣生同轉  
迎養先生於梧

州

西風匹馬歷神州鴻爪因緣記昔游嵩嶽白雲千仞峻

湘江明月一天秋

先生嘗  
遊豫楚

樊川作客青衫老劉向傳經

白髮愁閱盡年華丹井在烟霞收拾五湖舟

白華朱萼補詩篇海嶠遨遊不計年耆舊早分江表席

詞人例作嶺南仙枕椰絲暗蠻奴杖荔子紅圍鬻女船

更喜南宗參謁遍曹溪好證上乘禪

天風海水好論詩儒雅風流夙所師孝友門庭推石奮

文章豪傑比元之百年福壽茹芝日四世孫曾點領時

幸遇粟香叨授簡荷花深處獻霞卮

仁和葉慶垣叔達

秣侯門第重江東顧盼羣欽矍鑠翁詩佛香山唐白傳

芝仙商雒夏黃公指困慷慨榮 天獎手澤搜羅紹古

澹庵自娛草

附錄

十

風願奉兕觥親介壽南飛一曲愧難工

鴻博清芬久著稱百年繼述尙繩繩生成倜儻覘仙骨

志更和平驗壽徵通德門宜容駟馬武夷君已見孫曾

金章紫綬承 恩命還祝循陔福祿增

梅花標格鶴精神老去江湖自在身橫逆不仇人按劍

寬容能恕吏汗茵汀蘭岸芷三湘路狍鳥蠻花五嶺春

更喜文孫諸鳳子齊隨萊彩舞頌彬

不作畸人不學仙齋厨清靜偶逃禪桑榆晚景身尤健

粉梓遺文手自編栗里名高元亮節柏舟詩紀女嬰賢  
同攜李委腰間笛來祝靈椿壽八千

山陰陳 陔孝蘭

延齡曲奏荔支香吹到薰風快舉觴立德立言人不朽  
學仙學佛壽無疆流傳文采齊元白高卧烟霞傲綺黃  
笑指長庚星朗耀騷壇羣拜魯靈光

一枝綠玉不須扶繞膝孫曾學步趨秬國勛名付兒輩  
仁山理學起吾徒遊蹤虞氏傳經宅道貌蘇髯戴笠圖

澹庵自娛草 附錄

十一

爭說詩翁腰脚健白雲山上劔菖蒲

天鍾靈秀有前因萬善咸誇備一身遠事重闡孺子慕  
少無俗韻葛天民燎鬚特重堅貞操刻骨都銘博濟仁  
美意延年誠不謬四時獨得氣之春

看而好學守遺編磨琢能希衛武賢樂善曾邀 天語

寵積功應致地行仙比干策定雲初衍陸賈書由海國  
傳此日羣賢冠蓋集采簿爭記大椿年

溫柔敦厚古人風早歲耽詩晚益工五歲曾孫能熟讀

一時耆宿盡推崇道緣深固王摩詰風趣沈酣陸放翁  
一曲鶴飛新奏雅辦香端合奉南豐

有子中年負盛名容齋五筆已風行令聞廣譽粟香遠  
樂事良辰萊彩明自起浣衣娛萬石笑看傳硯得雙丁  
不才忝附雷陳誼鞠脰稱觴與有榮

法輪轉處驗元符屈指生平盡坦途賦斫神扶裴晉國  
樂天知命邵堯夫草堂手築饒歸計先集重刊示遠模  
待到百齡稱慶日澄江畫徧玉芝圖

澹庵自娛草 附錄

十二

龍池樂奏際時雍步幃文軒喜色濃仙侶來時初熟穗  
奇姿莫並後彫松杖朝典禮耆儒稱冠世聲華間氣鍾  
我學鴻裁獻詩句自慚細響雜笙鏞

丹徒尹恭保仰衡

百戰無前督八州江東曉將昔同游那知肥遯三高士  
猶勝英雄萬戶侯艾席葭牆身自健霜崖海岸氣橫秋  
通文達武承家學祖父辭章入選樓

虹橋一道敞巖扉羅拜曾孫燕幔亭有子官同鹽鐵使



閒身上應少微星悟窮泡幻耽禪偈覽徧山川注水經  
覓得丹砂成大藥羅浮咫尺見峯青

梁園積雪洞庭烟歸構元亭憶往年落葉空嗟天上事  
攜笻長作地行仙荔香珍重供三百椿壽道遙歷八千  
開寶遺民今見幾滄桑回首莫淒然

雲墩初奏董雙成靈園行厨一室盈賓座全銷常侍酒  
觥船徧酌聖人清青箱世業延門祚彤管風徽表女貞  
大厯元和諸體備詩篇應已共長生

澹庵自娛草

附錄

三

上元劉傳林東生

七葉金貂珥漢家於今世澤尚清華江湖退老開三徑  
書卷隨身載五車洛下詩名傳早歲塵中醒眼望天涯  
澹庵醒語蓋後來盛事尤難盡文子文孫筆九葩  
取獨醒之意

耆年八十嘯歌中嬰鑠人爭說此翁捧詔合來雙彩鳳  
奉旨捐金曾活萬灾鴻生天成佛推靈運賦斫神扶  
建坊

服晉公高卧羲皇窗北地尖酸不識晚來風

蓬島分神跨鹿來南瞻遊戲上春臺三湘波遠招詞客

五嶺雲開訪霸才明月清風標氣格高山流水盪胸懷  
千尋松柏青青立盡掃人閒撲面埃

草堂花發好開尊萬石仁風萃一門戲綵最工承色笑  
燎鬚常是痛嬋媛虞初流布如裁錦梵行精嚴只閉關  
願把南山侍作壽寸心默數級荃蓀

江陰繆祐孫幼岑

夫容江上集名流門第金張孰與傳洛下文章麗元圃  
徐州賦筆美黃虞瞻依雲舍情偏摯篤睦天倫誼獨周

澹庵自娛草

附錄

四

豈但爭傳貞孝傳褒然詩史重千秋

三湘五管地行仙丹荔黃蕉啟盛筵金帶布施甦萬口  
錦題傳播萃千篇才誇令子荒年穀惠溥人間續命田  
陰德耳鳴期上壽故鄉文獻仰華顛

瀏陽舒佐堯棠階

澄江之水明於鏡江上夫容澹相映碧水丹山淑氣多  
中有人焉古情性稔侯門第最清華海內流傳忠孝家  
博士高風紀芸葉詩人生日先蓮花讀書豈必求科第

入德有門惟孝弟束皙清修補伏詩尹焞善養娛親志  
空閨敲斷女嬰磁雪後松筠敬愛心李勣焚鬚不知痛  
鶴原急難綱常重堂上帷宜兄弟居園中粟與鄉鄰共  
蠶簡殷勤護昔賢木犀香裏自安禪王維仁興成詩日  
蘇晉長齋學佛年烟波一櫂江湖興香火千秋翰墨緣  
世間萬事心無競涉險如夷仗忠信潑雪飛來風漢刀  
裏創留得書生命蕉鹿回頭夢亦忘鄉關劫運弔紅羊  
驅車下澤雙蓬鬢剪燭羌村一草堂詩書素業忻無恙

澹庵自娛草

附錄

五

老去襟懷彌坦蕩教成詰嗣奮功名鵬圖拭眼青霄上  
超宗才品冠清流禹筮方紆百粵籌迎親爲補看山願  
就養翻爲渡海遊鴛鴦江上盤桓處椿庭正對雲山樹  
雛鳳親披舞綵圖慧龍雙和等秋句秋風遙聽澤鴻哀  
唾手千金助賑災仁人孝子心如日次第 褒綸天上  
來君不見行仁 帝錫成鳩壽賜笏於今推國壽自別  
蒼梧到越臺婆娑杖履留春久盤中蕉荔話坡公澗底  
舊蒲訪仙友濂泉清不減澄江釀成一例長生酒八秩

筵前奉壽鍾蘭陔奏雅樂融融長歌續賦東官客瑞采  
翹瞻南極翁

番禺汪兆鏞景吾

德曜輝南極照蓉江耆英健在蒼顏朱鳥曾把一枝頰  
玉杖闌徧嶺雲湘雪算清福人間誰匹生較荷花先廿  
日總青青不減凌寒柏眞嬰鑠有仙骨 延年豈必餐  
芝朮笑生平飽經冰霰翻成馨逸獨抱靈襟天趣永分  
付酒杯吟筆惟軫念鴻啓盈澤揮手千縑河潤廣拜

澹庵自娛草

附錄

六

旌閭 宸藻頌

鸞掖敷懿矩諧腰笛

金縷曲

萊綵承顏久喜今香霞屏爛漫

赤溪有霞屏山

錦堂開畫海屋

添籌宜此地歡動蠻花官柳

公抵赤溪詩云官柳經秋碧蠻花破臘紅

况繞

砌芝蘭森秀老子婆娑開歲月看兒曹小試經綸手應

一笑獻尊酒

曾孫詩卷還親授比隣士細書燈下古

今堪偶

齊沈麟士年過八十能燈下細書公小楷極工真不讓古人

我是莎廳梁上

燕幸視襄陽耆舊快聽取琅璈鏘奏更待 恩叨千叟

宴祝期頤重擊秦人缶先起舞爲公壽

同上

壽文

江甯陳兆熙耘黍

昔東園角里以隱士而享高年香山放翁以詩人而躋大耋古君子含章匿采獨全渾噩之天抱德煬和自獲神明之壽然而玉笈金繩之記逃矣難稽青松翠柏之文諛而非實使欲鋪張鴻竿盼飾駢詞則宜徵受嘏之由以作承歡之助也已惟我晴初先生系出稭侯才推大雅爲蟬嫣之世胄紹鴻博之家聲孝謹之風上希於

澹庵自娛草

附錄

十七

萬石沈潛之業確守乎一經而且視富貴如浮雲篤天親於愛日當夫嚳城從宦淝水隨車習詩禮於鯉庭省晨昏於鱸舍抽毫遠適高陸機入洛之名借箸前籌著賈讓治河之策方且逸情雲上壯思風騫泊乎叔換紅羊樓登黃鶴攬波濤於江漢採蘭芷於瀟湘是以杜老工詩子山作賦原本忠愛發抒性靈他如醒語一編足資勸戒格言萬本不厭傳抄風教所關詞章猶未已夫方圭而圓璧者材也蠡蹠而累僂者遇也先生青箱世

守朱紋家傳宜其筮連茹宏建樹鳳毛濟美鵬翮扶搖而乃同學輕肥後生臺省獨道然而任運常密爾而自娛所期無負於平生俗尚何關於得失又豈必席珍自炫務徇時趨美錦親裁方稱能事也哉且夫知之爲知祇求學問之實孝乎惟孝出以性情之真先生幼踐純修長叨乾陰羨魚孟筭致甘滑之潔羞夏簞冬缸問煥寒而敬進親心可得惟色爲難迨至采采循陔既廢蓼莪之詠蹲蹲舞豆乃聯常棣之輝最貞志於女嬃柏舟

澹庵自娛草

附錄

十八

迎養憶高風於德耀梁案同欽固已雍睦萃於一門孝友同於百忍矣若其守身似玉制行如銅其律已也以嚴其責人也以恕犯而不校更曲體夫物情險轉爲夷藉扶持於神力睦姻任卹魯子敬之指困守約含貞汪信民之咬菜蘇晉長齋以奉佛陶潛飲酒而樂天遺編揚先代之芬綱羅載籍卜築繼前人之業規矩高曾是又入鄭元之鄉可稱通德經傳昭之戶足式名賢者也卽今林泉怡養風月婆娑聯野局之鷗盟執騷壇之牛

耳松枝代塵石銚烹茶學湖上之芙蓉愛聞漁唱種堤  
邊之楊柳喜聽鶯聲舞平山水之間逍遙於塵市而  
外或諸孫自課八千卷惟與置書或鄰叟偕行三四里  
無煩策杖精強之氣畢見於眉端琴瑟之音時聞於戶  
外落落乎其有高致者乎世德繼承也如彼天懷高曠  
也如此信乎慈能受祉和乃集祥哲嗣淮生同轉鉤河  
學富寰海才優因仲穆之能官信元康為快吏但看子  
姓將規旌節花繁開到孫枝又卜科名草盛今年夏六

澹庵自娛草

附錄

九

月為先生七十壽辰凡夫東粵之寅僚皆望南山而申  
祝况某等居同桑梓誼託蔦蘿瞻福曜之光明奇徵亥  
字值薰風之解阜喜送庚郵 芝詰頒綸 寵賁迴鸞  
之字荷蒲獻酒虔修酌兕之儀從茲笏積滿床籌添盈  
屋卅三峯鍾靈毓秀誕人瑞於澄江九五福演範陳疇  
挺耆英於盛世所望立言立德再衍仁山一脈之傳行  
看杖國杖朝更上君子萬年之頌

元和袁寶璜渭漁

江陰縣之太岸里有仁厚隱德君子曰澹庵先生者乾  
隆朝薦舉鴻博明通榜進士刑部主事敬齋先生曾孫  
訓導歲貢生玠堂先生孫舉人教諭揀選知縣嘯崖先  
生哲嗣今兩廣候補鹽運司運同淮生同轉之嚴父也  
同轉以經濟文章為上官所倚重檄監鹺務於廣西之  
梧州則航海迎先生以遂定省願歲丁亥六月之吉先  
生年七十七矣同人謀所以壽先生者屬一言以佐稱  
觥某昔讀同轉所輯金氏文牘暨粟香隨筆諸書得略

澹庵自娛草

附錄

十

窺金氏家學源流竊歎同轉能仰承先生表彰前德之  
志羅遺佚於兵火之餘成一家言以垂不朽其用心尤  
近人所罕及於以知先生平日義方之訓誠能先其所  
先也先生事祖母父母以孝處兄弟以讓教子孫以慈  
且嚴律已以儉約養性以夷曠待人以子諒持躬以端  
謹寬厚有犯而不校樂善而不倦誠所謂仁厚而有隱  
德者先生少時家庭見聞之濡染遊遊之所晉接而居  
處者類皆一時耆碩其造詣固已度越輩流以累試不

得志於有司屏帖括不事閒爲詩歌自娛所著澹庵醒語詩詞稿均燬於兵近作又數百首大都發抒性靈不事雕飾而憂時感事之什亦復慷慨悲歌原本忠愛爲詩學之正宗余雖未得卒讀讀同轉詩文猶可想見其庭誥焉先生平居纂篤於內行洎經亂益眷眷於水木本原之誼旣命同轉輯文賸復重刊守一齋筆記篤慎堂燼餘詩稿用貽後嗣世守女兄一許字繆氏子未行而夫卒適繆守貞爲撰次貞孝事狀徵海內詩文表闡

澹庵自娛草

附錄

三

之得請旌於朝嘗逐以同居禮敬無少怠遇羣從兄弟慶弔大故仗助之不遺餘力人有以急難告者任調卹如己事必竟其事而後已而重創祖祠葺治先壙尤亟亟惟恐後其仁厚之根於天性者類如是生平游蹤所至嘗客中州復轉徙湘楚間所遇有絕險者幾瀕於殆矣屢而獲全人皆謂天祐仁德云先生夙耽禪悅嘗持出世法繡佛長齋尤好爲人談因果際身經浩劫破巢復完之後遊倦賦歸於舊居築夫容江上草堂闢

隙壤蒔花竹春秋佳日徜徉杖履於其中招二三親友情話相笑樂把酒覓醉陶然也間買瓜皮艇乘下澤車逍遙城市間日強步三四里不攜濟勝具見者莫測其爲七十以外人今者浮渤澥溯湖泮柯江度鈴羊峽訪冰井寺諸勝餐蕉啖荔歌嘯婆娑復輿邛杖間補少歲未游之樂天與厥福又何如也竊論人生之備福不外數端曰閭閻之清華也誥封之榮寵也家庭之雍睦也神明之康吉也孫曾之蕃衍也著述之流傳也有子之賢

澹庵自娛草

附錄

三

且孝而能其官也凡此數端固古今所歆羨侈談彼蒼恒靳惜而不遽畀焉者屈計先生所遇乃兼膺之而無少虧缺於其間然則今日之萊舞而祈年鞠脰而稱慶於膝下者謂非仁厚隱德之報乎詩曰君子樂胥受天之祐又曰君子萬年介爾景福請賡此以爲備福者侑一觴先生或笑而領之乎

山陰陳 咳孝蘭

懿夫黃綺辭榮乃延貞箕荀陳有子益鬯清芬修天爵

以引年冠人倫而垂範良以俗緣相枯薶薛適其邃懷  
世澤方滋芝蘭揚其餘韻然而過求枯槁亦何取乎聲  
聞但詡顯揚究無關於述作彼詩人戴笠作苦貽譏名  
士絕裾服勞忝職充隱者天機多滯遠宦者雲舍徒瞻  
必也含章蘊吉山林裕鐘鼎之華養志娛顏堂構際箕  
裘之盛解榮啟期之三樂卽享長生得顏延年之一端  
已堪名世如我晴初先生者復乎尙矣先生應含神之  
瑞生通德之門鴻博家聲學殊時尙蟬嫣世胄交締俊

澹庵自娛草

附錄

三

流抑且受硯弱齡聞詩綺歲小同經說得高密之真傳  
孟堅史才繼叔皮之傑作固已摩天有志擲地蜚聲然  
而名山之業難得志於有司學海之英每無心於應舉  
彼夫兔園肄習鴻博自矜雖高第之身登實通人所齒  
冷先生則幽人貞吉古誼切磋以謂富貴豈眞逼人孝  
友奚其爲政舞老萊之采不羨朝章浣萬石之膺何煩  
休沐心殷愛日日笑浮雲時則太翁廣文公上庠秉鐸  
遠道傳經而先生則定省鱸堂子與具酒間關鷗驛慈

明將車策貫讓之治河羨陸機之入洛眾流譽集二老  
顏開抑且勵貞節於斐砧英公羹粥就溫和於姜被揚  
播支帷凡推同產之恩悉體止慈之隱其少而立身事  
親有如此者陸天隨自署散人何子皙不交外物而義  
漿仁粟陰德耳鳴女布男錢陽春膚泮贍族助阮修婚  
費怨曠俱無救荒仿范氏義莊流離得所朱絲玉壺之  
節時論憚其清嚴整冠納履之防華士化其端謹佩東  
來慈儉之訓以美意延年信西方因果之談爲中人說

澹庵自娛草

附錄

四

法絕無嗜好但樂謳吟元白妙裁羲皇逸趣往往一篇  
甫就萬紙爭抄無騷客之怨傷得風人之敦厚惜乎稿  
經劫火傳鮮菽林而先集補刊長聆遺訓殘篇彙刻旁  
及疏宗無自名之心有同人之善是以平生涉境險化  
爲夷非禮相干犯而不校綠林知尊李涉黃巾亦避鄭  
鄉抑且矯激不爲誠信相與重展禽之踐諾九鼎無更  
得何道之妄言一縑可贈洵足以式浮振靡立懦廉頑  
其壯而博施約守有如此者今夫明德達人相因之理

積善餘慶獲報之常况潛節不曜時至則發皇求忠方  
殷情深於禱祀哲嗣淮生同轉幼承嚴訓長學壯遊韓  
渥能詩聲清于老鳳祖生待旦志奮于聞雞性既耐官  
祿能逮養探源流而立論直軼桓寬有綜核之兼長奚  
慚劉宴長吏誇其驥足名流譽其鳳毛詎致北山之移  
惟補南陔之什而先生益復勉以廉勤勗之練習問胡  
威之絹尚愧知情呈蘇過之詩亦堪志隱誰云抗俗未  
得著書惟說部之蒐羅實詞壇所鑽仰容齋隨筆同此  
澹庵自娛草附錄 美

九如而適形其媚與令子雲霞契誼豈敢貢諛况我公  
淵嶽深崇亦嫌聽倦用是驅除俗論屏斥游談舍南榮  
福海之浮夸竊東觀儒林之意旨鶴尊香溢鴻朗函陳  
開到芙蓉萬頃見濂溪香澤吟來棗竹九旬頌衛武純  
修是爲序  
番禺沈寶樞雲圃

夫烏篆著桂陽之籍幸衍遐齡鴛漿分菊井之泉叨登  
大臺固已爭光旗翼媲美蒼牙而况羨錫延洪翔機集  
澹庵自娛草附錄 美

淑神明鞏固履用康娛躡屨烟霞大得散仙之福放懷  
詩酒適然遺老之風蔚四代之雲初蘭庭慶洽渥 九  
乾之雨露 芝誥封榮如我晴初先生者乎先生吳會  
耆英澄江華胄家風彪炳仰車騎之奇勳化日舒長衍  
旄期之曼算今年六月上澣之吉爲先生七表有七誕  
辰爾時孔李通家潘楊世戚敲金戛玉鏤雪雕霞將以  
述清芬揚懿媿禮也特是將迎之術儒者輟談綽綽之  
祈達人弗受使第揆張洪竿舂飾腴言刻藻鋪芬評松

頌柏正恐臺端泉湧舌底瀾翻徒供黃絹之詞無與白  
華之雅蓋泛賡昌熾何如詳其貞固之符也濫祝期頤  
何如表其亨嘉之行也準斯爲斷可得而言先生夙挺  
殊姿生教至性幼以文孫之秀逮養重闈長修詰嗣之  
型承顏一室翼板輿而登降戲萊綵以博歡太翁學博  
公嘗秉鐸膠城擁氈淝水先生追隨馬帳走侍鱣堂蝶  
砌官間偕諸生而問字鯉庭春永趨講席以橫經既又  
敬纂華編勒刊瓊簡務使青箱遺業湖海流傳綵筆新  
澹庵自娛草 附錄 七

池作賓遊幕五侯好客都爲樓護傳鯖千里知名競向  
陳蕃下榻更不免味窮珍錯被極綺羅先生時念故綦  
無改初度狗馬勿榮於外聲伎不陳於前居室常裝不  
外被梳枕刷留賓潔饌亦維瓢勺杭皮其刻已有如此  
者然使界嚴畛域自固廉隅利密錙銖莫分餘潤則陳  
仲祗聞乎土蚓劉勝徒誚乎寒蟬空深持盈保泰之思  
何補益寡衷多之意先生律身則霜儉効義則風趨割  
宅無嫌指囷不吝馮煖燔貧家之券鍾離辦孤女之裝  
澹庵自娛草 附錄 八



之姿妙天質之自然殆詩品之最上其清才有如此者  
先生久籍暨陽翁稱望族百年喬木世擢珠柯五色甘  
瓜代綿丹雘科名草綠及第花紅至先生獨楚璞空呈  
隋珠莫采博十擲而輒韃射三發而折牙他人當之能  
無抑塞乃先生色空一視得失兩忘竿木逢場無非遊  
戲中流聚沫亦悟因緣冷看局外之棋閒說枕中之夢  
佛原自在遊更逍遙世事浮雲吾心明月甚或災加無  
妄毀集求全亦惟聽吐面之自乾務平心而不校則耳

澹庵自娛草

附錄

羌

目所接曠諸淵泉之源神志所移脫然畦封之表其雅  
量有如此者至於犀角標奇鳳毛濟美祥鍾桂實既天  
驥之呈材秀毓桐枝復石麟之接踵森森繞剡濟濟盈  
庭重以抱質洪龐稟靈粹美神峰自聳氣海常溫高允  
聰強聿標碩望伏波翼鏢羣仰奇姿近且領海來遊梧  
江就養蓮塘桃水無非娛老之方冰井溫泉盡是修齡  
之地陔蘭膳潔華黍笙和此又其禔祐覃臻祓禧駢萃  
然則伊摯云作善降祥史遷謂修道養壽先生殆兼之

與邇者景風介祉永日延庥斟益算之醪擊迎涼之脯  
青葵扇枕承歡幸有黃香綠芰開筵留燕倘同鄭敬某  
等欣逢攬揆敢效引嚶與北海同時儘多僥倖指南山  
獻祝莫罄揄揚惟願先生膺九秩之符衍十棋之筆襄  
羊平仁宇豫燕平福庭嘒嘒鍾祺嘒嘒葆吉朝中嘉  
爲熙瑞海內仰若靈光吾知他日陳祝嘏頌曼齡者又  
將重剡雉飫之觴而再奏鶴飛之曲也是爲序

先大夫自七十後每歲壽辰寅僚戚好以詩文相祝

澹庵自娛草

附錄

幸

者累數十百篇嗣緣輾轉移徙漸致散佚邇年檢行  
篋中僅存詩五十五首詞二首文四首亟附刊澹庵  
詩稿後壽言多公祝代撰今祇著撰者姓名雖十存  
一二而先大夫行誼及諸君子雅贖均足垂示子  
孫至家傳已刻卷端因以先太淑人傳并附卷末  
光緒二十二年丙申十月男武祥謹識

金母謝太淑人傳

山陽秦煥撰

太淑人姓謝氏武進羅墅灣人乾隆丙戌進士河南鄭州知州聘曾孫贈朝議公奕恩孫贈朝議公申甫女朝議早世太淑人方幼事大母以孝聞稍長佐母庀家事井井年二十四歸江陰金晴初先生家故貧太淑人私斥簋實具甘旨時尊章年皆五十餘而祖姑尤篤老羸病太淑人侍疾惟謹中需械膺皆手澣濯久而忘其勞母家歲時饋遺必進之舅姑以餉戚族日侍舅姑食時

澹庵自娛草

附錄

三

其所嗜而恒餒之家漸裕奉養尤備每祭祀躬執饗餼釜精腆鄉黨化焉舅里居盛賓友故人子弟問字來者從容文酒恒竟日太淑人治具必良雖倉卒無弗辦舅疇疾與先生迭侍憂見顏色疾已乃復初性憲施族有貧不能昏娶親喪不能舉者促先生厚伙之然約於自奉服布素嘗綴紉重疊所食率菜根麤粢食或餽敗則先婢媪嘗之曰吾非甘此欲惜物力以養福耳病不藥非昏眩必強起刻苦自力蓋天性然先生素方嚴嫉惡

無少假或盛怒得太淑人一言輒冰釋同治初元先生挈子出遊謀事蓄江南擾太淑人奉姑避地江以北貧無隔宿儲得食以奉姑而自啜糜粥當暑止一帳亦以奉姑而自寢姑榻前舊病店以轉徙困頓寢劇遂不起十月十二日也年五十四

秦煥曰余官桂林時晴初先生就養梧州耄學好善以捐振旌於朝今讀令子武祥所為太淑人行狀益以知先生生平與太淑人之賢若符契也武祥自言吾父

澹庵自娛草


附錄

三

之客中州也武祥方就傅隨吾母讀外家母督之嚴比吾父歸武祥稍長通諸經矣然每夜讀母篝燈手縫紉以待至丙夜無倦容至今思之未嘗不流涕武祥又言五六歲時嘗戲爨下姑有婢方炊以熾火傷武祥頸痛絕而仆姑將撻婢死母止之曰兒雖創不至死脫死命也婢豈故殺吾子者邪婢免杖而武祥卒無恙今項癭尤存嗚呼容人之量學士大夫所難能也而太淑人乃若是哉

8  
6  
2

仲安遺草



次子和夫婦及女珣事畧

嗟乎天道不可測人事不可知古今類然然未有如余所遭之酷者光緒辛卯六月痛遭先君大故先是五月間次子和卒其婦陸氏殉之吾女珣亦暴病以卒時僅半月而骨肉凋零悲慘之情殆非人境嗚呼豈余立身居官有遺行耶抑如佛氏之說所謂負宿孽者耶三人生平有不可沒者泣爲 府君行述之後因并紀之以誌餘痛焉和字仲安同治辛未十月十三日生生卽白

仲安遺草

事畧

一

哲眉目如畫性少鈍光緒乙酉余權嶢梧州和年十五來粵省我時始畢五經學爲制藝課暇余常率以出遊登大雲山過冰井寺訪唐元次山遺蹟渡灘江至白鶴岡余始教之爲詩和亦篤嗜所和冰泉詩曾爲刻入唱和集中其他善者頗夥復好地理之學凡古今沿革山川險要扼塞及外夷海島形勢皆購求善本分合勾摹考其要領今猶存巨帙焉戊子冬隨余返粵東省垣明年春適中表繆小山太史游粵和堅請隨其兄章附太

史舟返里應試海中遇風致患嗽疾抵里幾殆其母急歸視之尋愈然以時輒發勉卒試是冬就婚陽湖陸氏明年夏隨母挈婦來廣州十一月隨余至赤溪時冬日晴朗恒隨余及其師汪懔吾孝廉出郭登眺探陟巖壑不以爲疲自謂有山水緣多紀游詩其登圓山五古及出郭七古兩篇尤爲其師所激賞以爲通峭近坡谷間擬六朝人賦亦蔥蒨有致時方議撰赤溪廳志助余搜訪纂輯意甚勤至差喜孺子或可教乃歲底遽患腹痛

仲安遺草

事畧

二

泄瀉病不能興春間至省就醫迄無效延至五月十八日子刻卒年二十一生平所作詩凡百餘首卒前數日就床簀間自加編排命人鈔錄錄竟逾日而逝可哀也已其婦陸氏名慶湘字幼統與同庚和病篤婦親視湯藥遍禱神祇及和卒婦痛不欲生昏絕者再家人解救始甦昕夕悲泣不食卽於是月二十七日殉夫以沒臨沒時猶口誦孝經數十遍不絕婦爲陸祁孫先生女孫浙江候補通判陸光迨次女其母余從姊也始婦侍其

姑來粵余見其通書史習繪事言詞亦明敏識大體意甚嘉之豈意其甫及一年遽殉夫以終大節卓卓有如是耶將爲請旌於

朝以不沒其人也女名珣字淑儀光緒乙亥四月三十日生侍母至梧州時年十一已字蘇州顧農部子余以其女而幼也不加嚴督女紅之外輒與賭碁葉戲以爲笑樂而女輒喜讀書授以毛經孝經皆上口能作家書詞亦能達其意余所藏書有蠹蝕者女悉爲整理後其

仲安遺草

事畧

三

母歸視其兄和疾邸寓內事惟女是資中饋針黹咸有條理余少少異焉及來赤溪縣舍明敞院中花木蔥蔚女頗自適焚香瀟茗手一編不輟兼好肄書日爲余鈔錄詩文殆將盈尺筆法韶秀可觀蓋未學而能者也母及兄赴省內事復資之倚如左右手五月間爲吾曝衣晒書感暑遂病地無良醫至二十七日竟以不起年十七歲時吾父在病中猶數問何不見女來吾恐老人傷感也秘不敢告乃越數日而慘遭大故矣嗚呼骨肉

死傷之際有不忍言而亦有不能已於言者援筆書此不禁涕泗之滂沱也傷哉光緒十七年七月金武祥按次媳陸氏殉節後當於是年經在粵同鄉官具呈督撫學三院憲題請旌表禮部議准彙題光緒十八年十二月十六日奉旨依議欽此

仲安遺草

事畧

四

仲安遺草

江陰 金 和 仲安

游冰井寺憩準提禪林步 家大人韻 乙酉

訪古炎荒地言從郭外遊雲山曾入夢 冰井在大雲山麓初到梧州曾

夢游 亦井幾經秋松竹千重繞烟霞四壁收趨庭多樂

事詩境好頻搜

屈指重陽近登臨興不虛曾經滄海遠轉與故園疏唐

代尋陳迹江鄉憶隱居何如下帷讀典籍恣佃漁

仲安遺草

十一

喜心蘭兄至 丙戌

握手三千里離懷一笑開乍浮滄海棹試問故園梅風

雨催詩句江山慨竊才吳雲頻悵望何日共歸來

山行

古寺藏雲裏遙遙何處鐘攜筇欲相訪尙隔兩三峯

聞伯豫大兄將來粵屢夢見之作此感懷

鄉園回首重行行嶺樹江雲各繫情萬里關山勞夜夢

五更風雨壯秋聲鶴鶴別後依親舍鴻雁來時數客程

待到菊黃橙綠日團圓相慶笑稱饒

重九日借少懷心蘭兩兄登大雲山寄懷伯豫大

兄

又插茱萸節序新故鄉回首悵風塵江山望遠窮千里

兄弟登高少一人好景依然同去歲歸期相約在明春

南來屈指重攜手菊酒同傾介壽頻

重游冰井寺疊前韻

為訪名賢迹重來紀勝游江山曾幾日風雨又驚秋鶴

仲安遺草

二

阜雲常護龍洲漲乍收相看雨不厭佳句喜頻搜

紅塵飛不到高閣恍凌虛仄徑苔痕滑寒窗竹影疏祠

荒迷舜迹

臨江有虞帝廟 橋古近仙居 過會仙橋 把盞聊乘興桃源

漫問漁

送伯豫大兄旋里應試 丁亥

相聚忽半載聯牀樂事多何期辭嶺嶠依舊下牂牁有

路青雲上翠嶺滄海過即今揮手處離思滯山河

秋夜偶成



秋氣入殘夜蕭疏夢不成半窗殘月影千里故鄉情露  
冷螢無火天寒雁有聲簾邊當此地還欲請長纓

心蘭兄自桂林來梧見贈五律次韻奉和 戊子

山水甲天下經年快客游灘江渺千里又動別離愁飛  
電佳音捷在電報局凌雲壯志酬重陽佳節近且醉菊花秋

城東謁虞帝廟

洄溯牂牁路蒼梧萬里遙空山來蔽冕虛壁奏蕭韶瞻  
拜儀容古追思揖讓朝衣冠猶想像盛德邁唐堯

仲安遺草

三

家大人重建漫泉亭並補刻冰泉銘敬誌二首

漫叟傳遺愛冰泉舊有銘千秋留勝迹五嶺壯斯亭塔  
影當峯認鐘聲隔寺聽澄然清可濯古意滿巖扃

風雨重磨碣雲霞煥建瓴遙通灘水碧常對火山青修  
楔前番記登高幾度經炎荒多勝境考證值趨庭

別蒼梧有作

久作他鄉客驚心歲月過四年羈鎖嶠一棹下牂牁樂  
事全家聚名山兩粵多蒼梧風景好忍聽唱驪歌

三忠祠 已北

英雄終古不消磨國祚將移可奈何一片丹心扶社稷  
千秋碧血壯山河南來海上風濤急北望中原涕淚多  
留得崇祠鎮炎徼我來瞻拜一悲歌

廣州留別

漫說還鄉去偏增離別情長風送歸棹落日下孤城黃  
木灣頭路紅棉嶺外程珠江好風景佳節近清明

出虎門泊香港

仲安遺草

四

地勢天南盡滄溟指顧間九龍環絕島九龍山在二虎  
香港之北

接雄關風雨連三月波濤靖百蠻更嗟濠鏡近市舶滿

前山前山澳門在香港  
港西三百里

渡揚子江

遙指江城路鄉關物候新桃花千尺浪楊柳萬家春湖  
海嗟行客詩書屬此身伯兮同擊楫莫漫悵風塵

由江陰乘舟抵里門喜賦

聽到鄉音熟沿途客愁出圍認游子風雨送歸舟浩

劫懷前度炎州記昔游舜過巖畔路雲水自悠悠

江城秋感

書館添幽趣山光雨後佳夕陽明壞塔秋月冷空齋流水高人調乘風壯士懷不堪蕭瑟感風露立閒階

仲冬送心蘭四兄赴粵

風雪歲云暮胡為尚遠行慣拋游子淚長繫故鄉情萬里度梅嶺二年客穗城離筵今夕酒先是問歸程

屈指經行處長亭復短亭關山增閱歷身世感飄零纔

仲安遺草

五

返翻湖棹重浮粵海萍匆匆揮手去驪唱不堪聽

抵廣州作 庚寅

又作佗城客趨庭道路長一身行萬里三度涉重洋滿

院綠蕉暗堆盤紅荔香 重閣欣嬰鑠獻壽舉霞觴

廣州感懷

羊去當年不復回模糊難訪越王臺空池寂寞留仙迹

五仙館有仙人 舞榭荒涼慨霸才文字有靈差不朽雲足迹在池中

山無恙好重來行人莫問興亡事且飲珠江酒一杯

仲冬六日隨 家大人抵赤溪直隸廳任恭步

祖父大人原韻

乘槎壯志漫思齊鵬自高騫鳳自棲萬里波濤浮粵海

一川風月憶雲溪 和今春寓常州雲溪之北孟夏至粵 荒城小聚魚蝦市

膏雨初滋薯蕷畦 時久旱得雨 東郡趨庭多樂事鸞牋象管

試新題

侍 家大人登圓山敬步原韻

平疇如繡錯遠山儼翠障回峯居其間登覽心神曠冷

仲安遺草

木

泠澗泉流鬱鬱花木傍趨庭喜餘暇有同南樓望五嶺

到此盡巖疆獨雄壯昔年分鴻溝蠻觸不敢抗 土客累年搆讐

將中丞奏設廳治為土客分界 留茲名勝區氣象顯萬狀標高赤霞中

興寄青雲上天風浩浩來海氣相鼓蕩東望蓬萊山縹

緜指所向神仙本虛無不用乘槎訪卽事多所欣 用陶淵明

句如願亦相償卽看廣廈開轉瞬崇墉扃 時議重建書院擬築城垣

訟庭落花閒歸來更酬唱

出西郭行田間至南澗聽泉敬步 家大人原韻

岡嶺如環不可東登高欲窮千里目謝公喜搜山水區  
柳侯愛記巒荒俗林花艷舒鶴頂紅潭水澄逾鴨頭綠  
逸興猶看行負瓢天賴不勞歌按筑怪石突兀當關踣  
老樹連蜷卧澗曲趨庭詩學杜甫吟志隱篇效蘇過續  
悠然歸詠舞雩風何時更濯滄浪足

仲安遺草

七

雲南叢書集部之六十二

思過齋詩鈔

共十二卷

雲南圖書  
館藏板  
甲寅年刊

詩道性情非以絺章琢句爲工也性情正大者多端莊  
肅穆之音性情和平者得溫柔敦厚之旨兼而有之者  
其惟我

質齋同年乎 質齋官山左久予適主灤源講席講學  
論文相視莫逆旣得讀其應 制詩賦復以所爲古今  
體詩相示予受而讀之詩凡九集曰磨硯曰南游曰梯  
航皆其公車往來游歷山水之作也曰金臺曰槐市曰  
木天曰芝坊皆其留都夏課及供職太學翰詹之作也  
曰曉轡曰豸繡是爲守濟南及觀察任內近作境凡三  
易而詩亦隨之讀勵志諸詩可知其志學之正讀遺興  
思過齋詩鈔 序

詩詩可識其處境之恬至壬戌以後諸詩尤於民生休  
戚惓惓三致意焉可見其居心之厚言爲心聲一出於  
正大和平無靡曼佻薄之氣故曰詩可以道性情也他  
日歛厯封疆建樹愈偉則詩境又當一變以媲古人之  
一官一集何多讓焉予又將拭目而觀其後也是爲序  
同治庚午小陽春上澣年愚弟巨源拜書

序

歲庚午應辰客濟南復與 質齋觀察相晤置酒話舊  
各爲詩以相慰藉蓋別十年而始一聚也 質齋乃舉  
酒屬應辰曰吾與子生同歲居同里復同官京師茲又  
同遊山左吾甚幸子來願有所商推吾自束髮授書以  
至今日三十餘年矣中間自黔之楚自楚之吳歷淮徐  
達幽燕山川風土之異人事變遷之感欣戚不一致均  
寓之於詩而吾之詩不欲與時人較工拙者吾固有說  
焉請先言吾之所志質之於子可乎今夫詩之爲教至  
深遠矣世之工詩者非一人矣循流溯源大都各有師  
承字櫛句比語必求肖浸久而門戶之見分恃華者質  
反好麗者壯違人得一概自名所長誠有如昔人所譏  
者此吾之詩所以不敢有所摹擬剽竊聊以存吾之真  
也若夫巨託於芬芳悱惻之說而其詩蕩人心志如玉  
臺之詠香奩之作吾無取焉情也而義以裁之才也而  
學以範之軌於正而不固達於詞而不窒吾之所學所  
志者如是而已又嘗怪近世譽人之詩動曰爲李杜爲  
韓白爲薛陸不知數君子者皆負絕世之資抱萬夫之  
稟忠孝根於性生文章成於學問是以前詩傳之千百  
年而不做豈模仿於聲音格調者所可與語哉願子勿

以世俗之相譽者譽我而有以益我也 質齋之言如此應辰聞之服其粹然出於至正而又歉然若不足也及讀其詩則侑爽有風骨深厚有性情詩工矣而不以詩人自命則志量之宏近乎道矣應辰更何能爲 質齋益哉綜其詩凡九集蓋數十年之遊歷具焉他日由九集而遞有所加或郵寄應辰使得寓目不獨見兩人相知之雅將以徵 質齋之年愈進而學愈粹也弟畢應辰序

序

余以同治己巳秋陳臬山左滇南蕭公質齋實觀察濟東諸郡傾蓋而談如舊相識癸酉余承

命開藩而公適權臬篆左右必俱出入必偕雖稠眾相

接而意嚮所注恒有以異乎人人是秋共襄武闈

監閱技藝朝夕晤對甚相得也事未終而公歿知

公者莫不痛公之未竟其用余與公相交既久尤

悵悵乎若有所失其明年公子應椿哀公詩十二

卷鈔諸梓屬一言以爲序余受而讀之肅然凝然

若起公於九京斂容促膝而備述其生平蓋公之

精神意氣固無日不在吾心目間也嗟乎余安忍

序公詩哉公材若天授屬詞儷語敏妙絕倫徵引

六經如實已出其爲詩雅不欲規撫前人而直自

寫性靈自抒胸臆其風格在陶謝儲王之間而其

旨則三百之遺焉公通籍壯盛時朝朝詞館十有

餘歲出典濟郡年幾五十矣時巨逆初平創夷未

復公則涵濡噢咻休息又安尋至監司凡所以察

吏保民者皆一以實心行之不務煩擾誦督工督

賑諸什纏綿往復藹然仁者之言故生則人悅其

教沒則人思其德柳子厚云卽末以操其本可八

九得後之讀公詩者庶幾想見其爲人而益信余  
之惓惓惻惻久而不能去諸懷者甚非余一人之  
私也公子應椿讀書治古文克世其學其問序於  
余也蓋猶曲體公志而惜余之蕪陋講劣莫由張  
其萬一也儻質諸公之精靈毋亦有掀髯而笑者  
乎甲戌冬十有一月古六李元華謹敘



思過齋雜體詩存卷一 昆明蕭培元質為氏著

磨研集

勵志八首

江水不西流落日不東返百年瞬息間常虞來日短況復事優游不知時已晚光陰何其速功力何其緩家有五車書未必挂腹滿少小務荒嬉老大悲閒散催耕鳥尚勤促織蟲不懶晝寢戒宰予惜陰思陶侃

歆器戒乎滿風簫受以虛坐井以觀天霄漢幾無餘學問靡涯淡自足止拘墟山不厭塵壤高峻峙實區水不厭涓滴浩大成江湖黃帝訪陸桐文王容貌虞古人重思過齋詩鈔 卷一

取善集空遠謨嗟彼豈者適足為陋儒

辭散於籍籍志弛於膏梁日在飽煖中幾輩知自張識以練而遠節以苦而彰潤物是雨露成物是冰霜鎔金成鐘鼎琢玉秉圭璋古來非常器磨鍊發其光叔敖為楚相傳說佐商王築殿與居海辛苦久備嘗

兩翼不能走四足不能飛天事留缺限相制實相維伊誰矜術藝才方踰範圍我益人必損人瘠已乃肥尙巧天所忌恃智機恆危車阻於江海舟滯於崔巍順天以適用坦途得所歸老氏訓知足孔子戒無違

狂風難終朝驟雨難終日此語雖淺近於理則洞悉人

生天地間元氣為之質氣洩精必枯古人藏於密幾輩尙驕奢不知戒滿溢再熟地多傷千華木不實應思寵多危不如謙獲吉晏嬰辭爽塏禹王卑宮室

礎潤知天雨桑枯知天風機緘既已露防之在人功胡為慢於始焉能善所終蟻穴潰河堰蠹朽傾棟隆涓流既不慎浸成江海空履霜孔垂戒陰雨姬陳忠古人凡事豫弭患無形中臨渴而掘井智力為之窮

大厦非一木喬嶽非一峯眾擎易於舉古人重和衷胡為尙猜忌兩敗不成功獨律樂難奏獨采繪難工蛟龍資雷雨鴻鵠藉天風豈曰好依傍事成於大同相如下思過齋詩鈔 卷一

廉頗王且讓萊公忠懇兩相濟竹帛銘勳庸

山川興雲氣大地奮雷聲醞釀時已久霖雨被蒼生胡為挾一長即思秉國成無源水易涸無根本不榮僖子不知禮趙括不知兵貽羞在臨事國勢幾為傾南陽有龍卧西臺有鳳鳴古人不出世出必彰令名

園居

寂寂螺峯下園居院宇寬愛梅高品格與竹共平安簾捲風清座階空月到欄攤書消永夜漏盡不知寒

老鷹崖

鷲嶺飛來記昔年老鷹合號此崖巔路行蛇背疑無跡

徑轉羊腸欲到天下界雲烟爭變幻上方星斗看回旋  
何時借取愚公力不使巖岩阻道邊

涿州道中

大野連天豁遠眸幽燕地氣異南陬雲平如砥偏增險  
風利於刀不斷愁千古輿圖思督亢四郊濁霧起蚩尤  
消寒攜有鴟夷酒帶醉驅車過涿州

鴻雁

玉門關外數征郵馬邑龍堆萬里秋警夜預知霜露冷  
來賓非爲稻粱謀亂山楓葉遠行客野水蘆花孤泊舟  
多是隨陽欣得路肯同鷗鷺伴人游

思過齋詩鈔

卷一

三

秋日晚望

天地皆秋色川原入望中癡雲含宿雨高樹撼長風野  
水蘆花白寒山木葉紅斜陽飛鳥外獵馬去匆匆

感事

錢塘江上羽書來簇地狼烟掃不開甲士轟殘諸葛礮  
將軍沉醉越王臺飛旗奏捷爭功首輪幣和戎養福胎  
太息蒼生一何慘海邊白骨委蒿萊

聞雁

霜冷風高月未沉寒聲嘹唳感難禁玉關秋草孤臣淚  
湘水斜陽旅客心飛入雲中無片影聽來天外有餘音

江湖望斷空翹首何處寒衣搗暮砧

春日池上

九龍池上草萋萋小雨新晴燕子啼一角青山斜照外  
畫橋楊柳酒旗低

升庵先生草堂

一滴滇南萬里餘碧曉高處結幽居華山抱屋雲垂檻  
昆水當門月滿廬好鳥猶歌新選韻先生舊有高僧能  
記舊編書承天哭撼神如在嗚咽泉聲過石除

晚霽登五華山

五華佳氣鬱崔嵬晚眺欣逢霽色開萬戶春聲騰下界  
思過齋詩鈔 卷一 四

四邊山勢拱中台驚雷送雨過湖去殘日迎虹上嶺來  
丞相祠堂多少樹暮雲深處幾徘徊

雜詠

青青瓦上松鬱鬱籬邊草雨露滋其根不憂濕與燥於  
人兩無涉生機能自保不見鬢邊花日落已枯槁  
蜘蛛自織網蠅螂自轉丸含生天地間知覺具一端區  
區微物爾不敢求苟安統絳無一事晏寤日三竿  
寒蟬隱高樹吸露遂其生清風時一過忽爾得意鳴痾  
瘻承其下目注光瑩瑩早知爲所迫不如寂無聲  
金勒五花馳氣挾風雲滿馳驅長坡間前途樂坦坦

道寓坎坤一蹶氣爲短回顧策蹇人鳴鞭來緩緩

思過齋詩鈔

卷一

五

思過齋雜體詩存卷二 昆明蕭培元質齋氏著

南游集

黔南雜詠

去去黔南道蠶蠶不易行版圖羅甸國封土夜郎城屋  
傍巖腰結田從石罅耕此方多雨氣一日幾陰晴

地不平三里城難拓四方味甘諸葛菜香摘禹餘糧紅

味萬仞丹砂井千村石板房羣苗誰最盛競說狝家強

仲家苗  
種最盛

亂石森魚齒高峯峭虎牙雪瑩香稻米風落刺桐花盤

谷鳴銅鼓梯田聽水車小村無比戶零落兩三家

思過齋詩鈔 卷二

關路羊腸轉山民鬻髮卷劍撐天外嶺劍嶺極峭琴響峽中

泉響琴峽名鍛富陰陽鐵囊珍子母錢黃楊供製器利用十

分堅

盤樹巢千狄壺餐載一鷓鷓鴣極大土風烏撒衛香火

黑神祠祀南患水蛟頻伏登山馬善馳鉛丹饒物產作

貢達京師

苞穀沿村種葵花夾道香省方通象郡講學啟龍場規

畫周莊躡人才宋景陽侯封今更壯輝煥表功坊果勇

村識

術士

朱鳥肆炎威赤烏列火部蘊隆 蠱蟲生舟行苦溽暑環

坐似圍甌酷熱如蒸釜釜蒸甌 朔炎揮汗如揮雨舟中

兩術士雨爻占日午自謂算法精推測高千古舵嫗斥

其誣當年熱更苦術士言無驗翻為舵嫗侮問嫗雨何

時嫗言明告汝來日辰卯問甘霖一方溥術士推所云

詎嫗言如瞽詰朝天明時驚雷嘯玉虎滂沱兩時餘清

涼沁肺騎術士驚其神問術何所祖嫗曰我無術其術

在兩股足脛十餘年將雨痛酸楚以此驗時刻歷歷如

目睹嗟哉兩術士慎勿以術詡風起石燕飛雨來商羊

舞土占蟻有封石看柱潤礎氣機感應通捷於桴與鼓

思過齋詩鈔 卷二

況人萬物靈一身符二五精心體會之雨暘無齟齬推

算本渺茫小技何足數

舟次武昌登黃鶴樓遠望

蒲帆一片帶雲收選勝高登百尺樓萬壑西來連赤壁

大江東去下黃州當年騎鶴誰吹笛此日乘龍競渡舟

時值午節江中龍舟競渡濁酒一杯欄外灑芳洲鸚鵡自千秋

晴川芳草映疏櫺獨倚危樓倦眼醒夏口飲虹江水赤

漢陽過雨楚山青地逢勝境詩增壯客遇鄉人酒更馨

琴奏羽衣風颯颯似來黃鶴伴人聽遇同鄉門國賓與道人樓上對琴

游虎邱山

綠柳紅橋外雲林望虎邱樹含吳市雨山挹太湖鷺  
語穿花市蟬聲過竹樓劔池泉水潔四座若香浮

望月懷維新兄

故鄉好明月分照遠客吟遠客與家人望月各沾襟各  
心隨月回滇水家人望月思江陰江陰滇水千萬里惟  
有明月知此心

望淮陰釣臺

河濱烟雨莽蒿萊舟人爲指韓侯臺當年一竿不得志  
窮途日暮空徘徊徘徊日日在淮陰漂母一飯值千金  
一朝風雲會龍虎陳餘魏豹早成擒漢王素未識韓信

思過齋詩鈔卷二

三

連下全齊天地震躡足耳語知何詞假王賜以真王印  
真王印卽釣魚竿餌汝韓侯心暫寬賞功止在狗功列  
已兆走狗烹彭韓感恩不用刷通謀功戒宜泛五湖舟  
楚王不反終疑反天子僞爲雲夢游雲夢原是魚龍藪  
釣魚須用斬蛟手後車縛載魚上釣試問神鰲何處走  
長樂蕭蕭日色殘回首思爲漁父難惆悵漢皇思猛士  
不聞淮水悲風寒

王家營

危岸高千尺人家岸下多樓頭平赤墀屋脊走黃河露  
冷菘盈園霜高豆滿坡曉來車馬驟土去聽驪歌

水災歎

河伯排隊龍馬過傾江倒海翻鼉鼉萬丈銅隄截不住  
奔如雷電迅如梭水退汗泥滿平地行人一步一蹉跎  
馬蹄時時陷於淖極目不見松花坡道旁有乞叟未語  
淚滂沱今秋黃水溢大地生風波茫茫浩無際天水相  
盪唐高樹依稀止見杪低樹淹沒不見柯村墟淪作蛟  
窟窟屋舍旋爲蝦蟇窩況值大風起龍伯鬪干戈奔騰  
復澎湃浪疊山嵯峨漂溺牛與馬如蚪復如蚪一家爲  
魚驚存我雙鬢皤我聞叟語心戚戚河伯爲害太慘苛  
漢代河決瓠子口武帝曾製宣房歌不知疏濬策堵築

思過齋詩鈔卷二

四

計靡他東水高出地隄防時巖阿水勢愈高力愈暴一  
瀉千里皆盈科古堙洪水惟一鯨後世伯鯨何其多蕩  
析貽災沴萬姓罹坎軻狂瀾誰能挽疆吏計如何我聞  
大禹治水法徒駭馬頰疏九河九河故道徒駭馬頰鈞  
盤鬲津皆在東省餘不  
考

思過齋雜體詩存卷三 昆明蕭培元質齋氏著

梯航集

再赴禮闈留別家維新兄

棘闈幾度滯春明怕聽驪歌促遠行萬里京華三作客  
十分家計九勞兄治安待射金門策榮辱何關蕊榜名  
最羨邑封司馬氏伯康聚首話衷情

南車坡

石磴盤盤上危坡一線寬馬行紅樹杪人踏白雲端憚  
此黔山遠艱於蜀道難升高回首聽澗底水聲寒

再過老鷹崖

思過齋詩鈔 卷三

老鷹聳霄漢振翻凌長風俯瞰山千仞高摩天九重卓  
立萬千載作勢何奇雄坤輿妙鍾毓溷跡在蠶叢比之  
英傑士未與中原通胡不乘風去飛在東海東高出三  
山外下視蓬萊宮顛頂巢鸞鶴足趾踏蛟龍鵬雲刷其  
羽屨氣盡其胸饑啄鯨鯢飽渴飲滄溟空憑凌洲島上  
勝於峙黔中乾坤本浩大勿為滯其蹤

晚平黃平

去去黃平道天寒日又沉暮鴉千樹暗匹馬萬山深峯  
自雲間轉途從石罅尋漸知城郭近人語出疎林

施素道中

萬里京華客長途首自搔日斜人影瘦風勁樹聲高囊  
小書增重身孤劍助豪解鞍沽醉處濁酒當葡萄

晚泊

泊船依斷岸入夜怯衣單水落灘聲壯山高月影寒更  
長嫌燭短心靜覺舟寬儘有囊書在消懷幾度看

舟晚

繫纜蒼崖下江干路不歧舟如鄰舍集山問土人知澗  
逼泉流迅峯迴月上遲水村開晚市燈火照江涯

舟行即景

綠樹峯顛神女廟白雲洞口伏波祠水涯經過山涯轉

思過齋詩鈔 卷三

落日疎林見酒旗

盧生祠

盧生真睡否一夢有時醒我恠人皆睡邯鄲道屢經

留都感賦

關山何事苦驅馳變化魚龍各有期李固交游盈太學  
賈生文字重京師搏風鴻鵠空千里巢樹鷓鴣借一枝

客裏光陰容易過三餘珍重讀書時

思過齋雜體詩存卷四 昆明蕭培三質齋氏著

金臺集

新柳

斜風嫋嫋軟塵輕未到三眠倍有情  
客送玉關難繫馬  
曲歌金縷不藏鶯  
條侯營裏春初至  
陶令門前雨乍晴  
寄語桓温休感慨年來青翠漸盈盈

讀明史懷宗紀事

萬壽山高樹色涼  
驚風急雨撼天閭  
早教世子來靈武  
應有諸姬起漢陽  
到死不會忘社稷  
捐生猶覺愧先皇  
國君大禮千秋在  
宮廟於今祀帝王

思過齋詩鈔卷四

邱處士廬彈琴

茶烟細細竹烟疏  
閒理冰絃處士廬  
香霽松窗人靜後  
秋生桐閣雨晴初  
一彈有韻風清榻  
四座無聲月到除  
涿水曲終欵枕聽  
鴻音飛度碧天虛

月夜彈琴步潘星齋世艾曾瑩元韻

寄居碧山下泉石移我情  
夜靜琴初弄  
天空月正明  
賞音來大雅  
有約踐前盟  
彈到水仙操  
雲中一鶴鳴

題孫駕航楫夢游芙蓉巖記後

昔讀南華秋水篇  
莊生化蝶飛翩躚  
又閱蘇子赤壁賦  
黃冠羽衣身欲仙  
人生好夢不多得  
因心造境空卽色

奇哉孫子夢不凡芙蓉巖下路  
欵側尋幽選勝灣  
復灣別有天地非人寰  
曲徑通幽闢小院  
老禪跌坐雙鬢斑

竭誠肅禮前致詞欲語不語意遲遲  
主原是客客是主  
禪偈還索解人知  
一言醍醐灌頂清  
冰解雪消心洞明  
大悟方欲卽宗旨  
鼗鼓一聲幽夢驚  
吁嗟乎東華閣有芙蓉闕  
水晶宮殿誰玩月  
西華舊有芙蓉城  
瑤草琪花蔭檀栾  
世事滄桑變幻多  
惟有真性無消磨  
靈臺自具光明境  
何必身外訪巖阿  
君之故里饒樂事  
沂水舞雩春風和

雪

思過齋詩鈔卷四

彤雲漠漠起層陰  
花滿空階絮滿岑  
竹挺龍孫森玉樹  
梅栖鶴子蔚瓊林  
得天本賦聰明質  
到地無渝淡泊心  
填盡坎軻消盡垢  
人間何處軟塵侵

送黃矩卿先生告養旋滇

彩雲深處盼庭闈  
一表陳情拜紫扉  
二百年來人有幾  
吾滇以聊賦告養堂  
上八千里外客初歸  
先生自通籍  
具慶者先生一人耳  
迄今始還鄉  
好將朝旨編家乘  
還藉宮袍戲綵衣  
此去蘭陔風日暖  
五華佳氣藹春暉

秋柳

青陰曾護讀書堂  
悵望秋光欲斷腸  
漢苑蟬鳴斜照冷

隋隄鴉噪曉風涼歸家陶令心如水覽鏡王恭鬢有霜  
我憶故鄉春不老九龍池上四時芳

滇省柳四時不凋





柯絲核二百餘十字元時存四百餘字今又餘廿餘字雲錦織成天女

梭專攻馬鬣次第解文義委委仍蛇蛇特命廷臣大手

筆摹寫遺碑陋曹娥玉佩輝映珊瑚樹淋漓墨雨飛滂

沱鐵筆鐫成讀一過渾然元氣流太和從此籀文更生

色珍如玉律兼金科 帝曰大成門外置不僭古人謙

讓多宮牆左右共輝映豈駢金馬與銅駝灤陽贊學同

一製漢陽亦視摩遠歌前代過鉅筆鴻文示千古好與

舊鼓通切磋小臣辰麗奉執事近光壁沼霑恩波時共

諸生索精義上通周雅無偏頗別風淮雨訂已正日就

刀將心靡他規做筆力求健勁一洗褚虞之媚矜鐵書

思過齋詩鈔 卷五

三

銀鈞白玉石丙丁甲乙類摩挲十鼓以千槐市諸生盟

露讀芹宮學士臨風嘍高文共數左驂馬鼓又云左

箋不換右軍鵝 聖治遠邁周宣代第祿昌熾廢荷那

廣開大厦庇寒暖禮門義路無坎軻大道昌明燭天地

上如日月下江河巋然石經與之並多士好古休蹉跎

沈郎亭師以聽琴長歌見贈敬步元韻

萬丈泉落天姥岑瓏琤環珮鏗球琳幽聲嫋嫋穿疎林

清鐘遙聞孤城砧此情此景何處尋焚香試無松間琴

憶昔學琴游楚黔水榭山房朋盍簪蔡邕不覺音響沈

有誰琴德知情情仙樂無分古與今太和元氣同酌斟

冰雪消盡藤葛心一聲初動風蕭森微變宮移人若瘖

神與天游情不禁流水浩渺山崎嶇武陵若見桃花潭

我陪馬帳心所欽弟子敢比顏與參公退緇帷霽色臨

春風入座塵不侵陳編古義相温燂時命揮絃披素襟

歌詩賜我指南鍼一珠一字珍千金高唱遠和雲中禽

白雪陽春梅花吟如聞清廟明堂太古音

落葉

秋聲颯颯浩無邊掃盡朝烟與暮烟十里園林寒白露

萬家村郭見青天長風細雨來孤雁近水遙山響杜鵑

莫續離騷歎搖落微波曾泛洞庭船

思過齋詩鈔 卷五

四

不見濃陰晝掩門樵歌時出白雲墩殘枝滿地悲蕭瑟

大木擎天見本根畫角風高沙外磧清砧霜搗水邊村

婆娑漫道無生意紅處題詩字有痕

思過齋雜體詩存卷六 昆明蕭培元質齋氏著

木天集

王子禮闈揭曉感懷

日課槐街弟子員花風吹暖大羅天三馳驛路八千里

七戰春闈十四年自己亥至壬子共十四年凡七科畫壁泥金新甲第

書窗燈火舊因緣庭前暗灑思親淚未必題名唱九泉

家祭感懷

昨日報登科今朝祭禰祖哀哀劬勞恩罔極未寸補嗟

予生不孝少小失恃怙三歲背慈親十二喪嚴父弱齡

何所依有兄原善賈零丁兩相倚餽粥不辭苦忽爾思

思過齋詩鈔卷六

讀書棄商攻學圃水想蛟龍騰雲企鳳凰舞芝草本無

根韶英豈有譜自謂人有志何必論門戶兄也嘉其言

勉力供修脯廿歲冠童軍獻賦重學古廿四領鄉薦弁

冕十三府滇省計十三府鞍馬赴京華風雲會龍虎所思在顯

揚豈徒慕華廡不料時命乖坎坷難悉數七戰捷禮闈

歲逾三十五嗟哉通籍時親顏杳難覩有力供旨甘無

地瞻岬岵安能起九泉見兒榮珪組清酒奠一杯不到

泉下土鑪香縹緲鬢髮髯神依主人聲歡若雷我泣淚

如雨慈烏啼樹端颯颯風淒楚

漢高

手提三尺劍定鼎長安西一傳至孝惠呂后權倒持人  
彘事何慘不能庇一姬諸呂封侯王國祚幾暗移幸賴  
平與勃安定邦之基有謀誅霸王無策制悍妻

項羽

喑鳴聲如雷虓勇氣如虎不能用范增重瞳真似瞽有  
勇須有謀無謀勇何賈自詡善戰能垓下委黃土畢竟  
逞英雄死日猶赴武回顧呂馬童吾為德於汝

呂后

呂公善相人神術超千古擇婿儔伍中欣然遇漢祖有  
女配天子自謂光門戶魁柄欲暗移貽禍誅諸呂一女

思過齋詩鈔卷六

竟滅門相法焉足數早知椒房殃不如嫁農父

虞姬

垓下楚人多英雄祇長嘯烏騅嘆奈何盡是淒涼調帳  
中泣數行戈甲生朗耀江山事已非節烈心堪弔一劍  
殉君王英光地天照世無呂后祠花香虞姬廟

蕭何

項羽全勝時孰可櫻其鋒諸將謀野戰獨勸歸漢中養  
民以致賢一語邦基隆貴時識韓信賤時知沛公旌賞  
褒第一人功勝狗功漫云刀筆吏卓哉大臣風

張良

東海求壯士能報韓王讎  
圯上受素書借箸封留侯  
功成知引退好與赤松游  
辟穀復食穀呂后肆要求  
亦曰幸而免多病身無憂  
我愛鴟夷子五湖泛扁舟

韓信

漂母一飯恩重以千金報  
眞王不自立願請假王號  
以此細參之反狀從何造  
烏盡良弓殘呂后何其暴  
功高本震主疑忌兩相召  
深願當年逃蕭何追不到

范增

項羽弑義帝其心如豺虎  
不罪楚重瞳而謀漢高祖  
豈曰亞父尊虛名何足數  
鴻門撞斗時始呼羽爲豎  
君王思過齊詩鈔卷六  
三  
任自爲疽死道途苦不走  
亦不死羽殺范亞父

春郊卽事遇孫萊山有作

風絲蕩漾雨絲收喜趁新晴  
豁遠眸楊柳翠縈邨外路  
杏花紅上水邊樓西山煙樹  
開圖畫東海人文佐唱酬  
最喜農桑人意洽催耕處處  
聽啼鳩

感事八首

象郡烽烟掃不開紫荆山下  
羽書來椎牛不早誅戎首  
縱虎胡爲養禍胎伏莽渠魁  
爭制梃看花大吏笑銜杯  
傷心桂嶺灘江外處處狼氛  
起草萊  
紛紛羽檄走驂騑共望樞臣  
建壯猷已識樊崇爲虺蜮

偏教殷浩擁貔貅遠聞巨寇營  
三窟未見元戎展一籌  
昨到捷音叨上賞賊兵久已出  
全州

兩湖節帥擁高牙保障衡陽口  
自誇已奏虎羆屯戰壘  
忽聞梟獍犯長沙捲旗自改將  
軍令脫帽還乘賈客槎  
輕棄封疆如敝屣問心何以對  
天家

中山後裔擁虛名救急遷延太  
不情畫鶴迂行雲夢澤  
貪狼遽陷岳陽城鳧飛太守尋  
何處免脫將軍愧再生  
從此長江無鎖鑰赤眉東去挂  
帆輕

百雉城高緬鄂王土崩瓦解太  
倉皇儻教鵝鶴屯湖口  
未必鯨鯢陷武昌死有萬民填  
澤藪生無一士守封疆  
思過齊詩鈔卷六  
四

就中向寵軍猶壯遙見旌旗過  
漢陽  
勢如破竹走連營東望潯陽雪  
浪平土寇遍蹂三楚地  
泥人詐潰九江兵賊用寺廟土像列船前驅官兵見之卽潰風吹鼙鼓含哀  
韻月冷琵琶起恨聲地下香山  
如有識應將血淚灑蒼生

高駕樓船儘可攀院城南面大  
江環寇興草澤來偏速  
官避藩封去不還鷄火風高余  
闕廟鴉軍雲散小姑山  
可憐大府捐生處血濺蓬蒿夕  
照殷

石頭城下哭聲哀師潰梁山引  
寇來節帥遽收熊虎隊  
賊兵直到鳳凰臺地連吳會黃  
巾聚水斷秦淮白骨堆

太息六朝金粉地長蛇封豕聚汗萊

東寄謝雲舫大令

子澄時粵匪犯津門大令擊賊退遂協同軍帥剿賊

登城誓眾氣凌雲一戰津門卻寇氛撫字仁稱慈父母  
宣威勇冠上將軍相資兆姓椎牛力定佐元戎汗馬勳  
知有丹心深報國壘書前已慰忠勤

題錢香士太守蜀山陣雲立馬圖

陣雲滾滾壓山黑陰崖斷壑深不測烽火燭天白日寒  
蠶叢爭肆馬湖地名賊蛇鬪豕突豺狼奔血濺平沙斑駁  
痕同時誰有請纓志風雲叱咤思王尊先生蜀山匹馬  
來據鞍顧盼真壯哉萬峯高處一回首雄風直掃烟雲

恩過齋詩鈔卷六

五

開下視層巒與疊嶂萬戶千門指掌上柑子坪連茭竹

坪皆蜀地名板栗溪蜀地名水翻波浪血戰連朝朝連夕鳥道

羊腸森戈戟上馬殺賊劍光紅下馬作書盾墨碧舊日

胸羅十萬兵登高一呼天為驚瑠戈所向雷霆擊斫蛟

射虎驅鯢鯨巴山青青巴水流先生謀畧終千秋仁愿

高置烽火堠文饒增建籌邊樓經文緯武資利濟萬家

生佛重祠祭一洗巒烟瘴雨消不愧武肅之苗裔

思過齋雜體詩存卷七 昆明蕭培元質齋氏著

芝坊集

並蒂菊和畢星樓比部原韻

霜滿平臺月滿林疎枝瘦影弄陰陰清能避俗同稱隱  
淡到無言兩見心共擬芝蘭投契雅還如棠棣植根深  
羨他花萼雙輝處空谷無人自足音

題符耀山碧梧消暑圖

蒼鷹不解絲無異籠中鵝駿馬不脫羈疲於燕市駝人  
生得意知所止世途平坦無坎軻與君遠隔萬里外畫  
圖展玩勤觀摩脫巾危坐石泉畔蒼松翠竹交枝柯磊

思過齋詩鈔

卷七

落猶饒據梧心蕭閒無事襟抱和清涼世界逍遙境新  
茶還烹顧渚波憶昔風霜頗辛苦鳥道蠶叢鞍馬過楚  
水黔山荷門月八千餘里輕關河利鎖名韁忽脫盡及  
時行樂無蹉跎君不見彭澤陶靖節松菊供嘯歌又不  
見香山九老會風月雙鬢皤鴻雁高飛碧天外下界無  
人施網羅羨君瀟灑出塵早乾坤浩大佳日多華山翠  
海好烟景勝似腰金佩玉風鳴珂

長夏

長夏閒無事風簾燕子啼雨晴花氣潤日午樹陰低短  
榻尋長夢新詩補舊題一編欹檻坐飯熟又鳴雞

戊午秋日感事

獨行不愧影獨寢不愧衾君子重慎獨豈止清白箴况  
操月旦柄尤貴始終欽詎曰權在我不必思慮深蓬麻  
比蘭芷瓦礫當黃金顛倒任所為何以洽眾心屬垣耳  
誰掩懸河口難禁矧此隱微事天鑒相照臨仰視長星  
見秋八月長星見埽文昌六星光芒逾百尋共云埽文昌咎徵翰墨  
林

己未春日感事

福生必有基禍生必有胎徂禍以為福福無禍先來誰  
家統穆子載寶上金臺豈不聞聖言刑為君子懷舍刑

思過齋詩鈔

卷七

而懷惠禍始於多財水戒蛟龍毒山防虎豹災不防亦  
不戒噬臍焉足哀  
芝焚蕙為歎鹿死麋相悲關懷是同類豈曰心尙慈入  
井不能拯下石復何為幸災而樂禍君子深絕之火烈  
急相救不救身亦隨商鞅立法候俊臣設寶時一朝躬  
自羅雖悔其可追

京寓遣興

常恐緇塵染襟懷笑我疏琴彈風定後花種雨晴初室  
有高賢榻門無熱客車終朝無箇事樂意寄圖書  
是吏仍如隱非時不啟關籬花新畫本盆石小湖山結

友蘭多種封侯竹不刪明朝逢令節嬾去點朝班  
久不嫌官冷何須說俸微每償新酒債暫典舊朝衣爾  
雅徵魚鳥飽經考蕨薇任言倉粟盡得句勝珠璣  
顯晦安吾素升沈聽彼蒼書城森壁壘墨海拓封疆鼓  
吹蛙分部笙歌燕在梁何須誇鼎鼐陶瓦亦輝光

兵災歎有自南來者談及  
兵災詩以紀之

青青田中禾憂旱復虞潦一莖數十粒視之如珍寶銅  
馬從何來踐踏肆紛擾農夫重膏梁賊騎供芻草耕耨  
幾辛勤萬馬飼一飽

兀兀園中樓去天應尺咫繡幕與珠簾望之雲霞起夜  
思過齋詩鈔卷七

思過齋詩鈔

三

尚宿鴛鴦朝忽屯虎兇窗櫺供柴薪不問楠與梓曉來  
烽火明千金一炬燬

擾擾道間民鳥散矢樂土男婦駭相奔途遇狼與虎白  
刃擊頭顱霜矛貫腸腑一母抱兒逃劈面死於斧母死  
兒在懷飢猶吸母乳

緜緜衰齡叟育子重孝慈寢則勤溫清行則相扶持賊  
到子先死擄去隨奔馳使之飼戰馬未免筋力疲呼兒  
兒不應朝夕受鞭笞

娟娟弱歲女不離父母旁愛如掌中珠身衣綺羅香賊  
至驚失散委棄在康莊呼父父何在呼母母何方望賊

問父母貫胸洞一槍

庭庭久餓夫橫卧枯桑土賊去飢民來爭欲割其股泣  
日餓已久身瘦難供脯卽欲嚙食之待死再加斧生割  
受創難死割免痛楚

燦燦緋紅衣共云新嫁婦村前赤眉來夫婦驚相走夫  
行已無蹤婦行爲賊有相逼不相從刃斷左右肘昨日  
繫鸞絲今日死虎口

纍纍墻間塚地下百餘年野樹斫伐盡求木泉壤間大  
柳營壁壘小棺佐烽烟壁壘十分固官兵四圍連巨礮  
時轟擊白骨飛上天

思過齋詩鈔卷七

四

遣興

造化升沉不自由寸心知足總無憂冷官欣得奇書讀  
清俸能教儉德修蟋蟀晚風花嶼露芭蕉疏雨草堂秋  
此中樂意誰同賞明月流輝上小樓

壬戌夏改官山左出都留別

恩命叨承五月期行旌欲去又遲遲非關宦海防漂泊  
時東省拾 尙戀 君門悵別離十一年爲周太史 壬午  
惠初平 至今歲 二千石就漢官儀當門手植松兼竹爲報居停  
好護持

思過齋雜體詩存卷八 昆明蕭培元質齋氏著

聰轡集

登千佛巖遠望

翠嶂摩天雨氣收登高下視古齊州一城樹影青鋪地  
九點烟痕綠上樓鳩剪版圖欄外畫爽鳩季鶉華山色  
座中秋林邊遙望黃雲走東去長河挾霧流

酌突泉小憩

平坳清澈月華鮮蓬島瑤臺集眾仙黃鶴飛來雲外客  
玉龍吹起地中泉霞標樓閣開丹室水繞闌干浸綠天  
五斗塵氛都撲盡落花風送磬聲圓

思過齋詩鈔卷八

平陵懷古

巾車初下稷門時盛地滄桑繫所思百里山川譚子國  
千秋俎豆閔賢祠在城華不注悵三周路歷下亭吟七  
子詩更愛晏公臺上月四圍烟水望漣漪臺在湖

游龍洞

游山不陟高無以資遠眺攀巖不入深何以窮幽奧石  
磴天梯陡且懸錦屏千仞無人到神龍飛去巢窟空萬  
壑千峯豁一竅我來正值九月秋洞口落葉紅如燒蛇  
行蟻附探其幽山僧秉燭遣燈照始焉偃仄躬為鞠繼  
焉游行臂為掉險似韓侯度陳倉深如鄭莊開隧道混

沌知是何年鑿玲瓏曲折藏幽妙我欲比之禹穴深竟

委窮原求深造險途歷盡坦途開豁然天光生朗曜洞

口下視千尋深虛翠浮嵐擁羣峭環山松柏摩天高風

濤響入琴中操忽見雲端巨玉龍瀑布千聲下孤嶠我

昔黔西訪牟珠獅象魚龍形維肖又向楚南問桃源水

淺不容漁郎棹世事耳聞半屬虛目覩乃能領其要似

此幽境高且深羣靈到此愜心好有時霖雨救蒼生應

知神龍著功效鼓掌大呼造化奇霹靂一聲眾山嘯

有感

子罕非無寶平生重不貪利深因伏害苦極乃回甘有

思過齋詩鈔卷八

齒斯焚象纒絲故煮蠶老聃知足訓此意幾人諳

不作驕人能斯人詔更無海涵千頃濶山峭一峰孤豈

事風塵吏而忘德行儒永茲松柏性盤錯固根株

龍骨車北方灌田以柳具貫輶兩人犯注為力頗

短長曲直協方圓龍骨回環妙轉旋輕掣轆轤鳴夜雨

倒翻鱗甲噴飛泉引來楊柳谿頭水灌遍桃花洞口田

縱說機心殊抱養利民功在桔槔先

涼棚

槐蔭森森樾蔭連四圍華蓋起雲邊紅遮芍藥三弓地  
綠羃芭蕉十丈天院落引風消暑易樓臺無雨得秋先



應知葑屋炎氛苦廣厦何時構萬千

涼蓆

淨几明窗夏日長花飛冰簟散芬芳  
卧聽蕉雨雙襟冷坐引松風一榻涼  
滑皺細紋生澗澗倦移清夢到瀟湘  
衙齋慎勿高眠久酷暑民間少睡鄉

贈孟雨山博士

宅住三遷故里間圖書典籍座中環  
孟孫世胄尋宗派博士文名重斗山  
氣到和平年自壽心無計較性偏閒  
知君皓首多瀟灑家學能分義利關

哭鍾觀山水部

恩過齋詩鈔卷八

三

京華十餘載比屋居相聯君職司水部  
我秩官木天每當公退時相結文字緣  
賞奇復析疑深思琢磨篇借車或出入人疑  
伯仲賢嗣我官山左君仍滯幽燕雁書互  
相寄慰詞豈周旋方期補官後雲路鸞鳳  
騫誰料天數阨一病籍登仙臨風讀訃書  
不禁涕泗漣憶昔出都日君開花下筵  
離觴對斟處執手意拳拳誰知生離日即  
是死別年尋覽篋中詩字字墨痕鮮詩在  
人不在淚雨空如泉家山萬里路何日歸  
南滇翹首燕雲高秋風叫杜鵑

宿韓倉題壁

凍雲深處解征鞍寄宿山齋夜欲闌  
透屋雪風燈影瘦滿天霜月柝聲寒  
心恬不覺軒窗隘地靖方知宇宙寬  
獨坐且將茶當酒鑪灰撥處袖書看

寄畢星樓侍御

晴光漸轉豔陽晨回首京華又一春  
慚我三年稱郡伯喜君十疏列廷臣  
寒披竹素分清俸遠伴梅花贈故人  
裁簡獨無鍾水部封緘幾度暗傷神

重九前一日公譙雅鑒齋步劉月卿觀察元韻

寥空雁度曉風涼玉斝金樽酌桂漿  
老去諸公稱上客先期一日醉重陽  
丹心誰負經綸志青眼羞看傀儡場

恩過齋詩鈔卷八

四

庚亮開筵非勸飲龍山嘉士驗行藏

督石圩工有感並諭監工諸紳士

桑田變海海變田不能變泰山壁立之峯巔  
歲差移月月移歲不能移北斗建極之星躔  
泰山北斗無移變四時氣化空循環人生能  
立脚根定豈與世俗相推遷名利等塵土富  
貴如雲烟圭組列於後鼎鑊設在前悅之  
不動心怵之不變顏守我天生一片本來性  
任他翻雲覆雨紛倒顛誠心貫金石素念懷  
冰淵勿欺復勿慢終日惕乾乾聚土成高阜  
積水滙巨川能施貴能受得善執拳拳智府  
月明神氣朗靈臺風定心力專忍人之所

不能忍肩人之所不能肩百鍊純剛化爲柔繞指神貫  
元會運世千萬年禍兮福所倚福兮禍所緣禍福本無  
定寸衷豈爲毀譽牽榮以枯爲始枯以榮爲先榮枯本  
有定大節須因顯晦全民可樂成難圖始事在守正不  
爲偏直將民事作已事圖厥易兮思厥艱君不見戈返  
魯陽日石補媧皇天又不見箭射李廣石刀出耿恭泉  
人生誠意無少渝天地亦與相周旋寸心况有真主宰  
千回百折無咎愆成功勿得矜已善有德不可掩人賢  
規矩準繩毫無踰曲濟直兮方濟圓泰山能鎮八溟水  
北斗能操萬化權山斗自爲世所仰何嘗矜功耀德天

思過齋詩鈔卷八

五

地間

督修河牆卽事

長蛇一字大隄橫雉堞層層意匠精八百里來無斷岸  
萬千年久衛羣生恐賊北窺過休誇背水韓王陣直擅  
長城道濟名丁中丞巡過前營順水去下游鼙鼓帶風  
鳴

梅花疊前韻贈來子俊

水光清淺幾枝橫飽閱冰霜百鍊精月冷樓臺高格見  
春回天地暗香生久經醞釀偏多韻修到神仙豈爲名  
雪滿空階誰共守鶴來不爲朔風鳴

舟發蒲台晚次齊東

帆挂長風勢可乘溯流高破浪千層水邊城郭纔鳴柝  
雪裏樓臺遠見燈職重一麾塵作守武稱七德愧無能  
巡河幸與民心洽金鼓聲中皓月升

思過齋詩鈔卷八

六

思過齋雜體詩存卷九

昆明蕭培元質齋氏著

豸繡集

東平督賑感賦

河伯排旌旂波浪翻山阜鮫屋聚村墟  
鼉鼉棲畝畝千里稼穡場籽粒何所有  
水退餘沮洳無糧亦無莠哀鴻徧嗷嗷  
菜色悲黔首古昔重備荒餘三在耕九  
後世農政弛救荒重升斗上官稽冊籍  
下吏清戶口輾轉放賑時流亡日已久  
憑冊以賑之有籍人在否況或庸吏多  
假之蠹胥手實惠卽到民十室或一受  
哀哉浩蕩恩盡爲侵漁藪我聞富鄭公  
拯飢青州守賑法寓兵法絲毫

思過齋詩鈔

卷九

無所苟全活數萬人自謂功之首畢竟  
給饘粥不如屯糧糗美矣常平倉良法  
垂不朽積在無災先散在有災後井里  
足饗殮不必事奔走豐年不呼庚荒年  
如熟酉緬彼朱文公眞乃民父母

題易州陳笠亭先生五花書屋圖

吾家滇水五華麓五華山畔結書屋廿  
年筮仕燕與齊萬里滇山夢中逐笏山  
刺史結心知淡交如水心相服特出五  
花書屋圖先人手澤留芬馥山明水秀  
林陰生樓榭亭臺繞修竹讀書樂道居  
此間書香大啟燕山族君不見孫蘇門  
李盤谷一身僻處泉石間古今治亂關

心曲笏山此日紹先芬仁心再造生民  
福我愧無才領監司益友和衷資陶淑  
願教四府與一州書聲化去刁凌俗何  
日歸田五華山五華書屋書再讀

題陳笠亭先生臨流選石圖

燕山兀兀易水清山靈水秀鍾俊英  
中有傑人得逸氣臨流選石覘生平  
石比燕山高見吾礪砢磅礴之奇情  
流比易水清見吾虛沖激激之靈明  
讀書不讀漢秦下策仕當策賢良  
名臨流欲挽狂瀾轉選石思教砥柱撐  
我讀先生食菌詩疏食淡泊薄鼎烹  
又讀一篇金川頌喬俊堂皇武功成  
居官不出百里宰孤忠直作萬里城

思過齋詩鈔

卷九

二

告捷撤防喜賦

恠石能砥節清流可濯纓五花書屋  
歸讀日燕山易水證前盟漱石枕流  
同孫楚水鑑虛公石抱貞白髮曾與  
千叟宴山高水遠清風生

宿長清與高信齋夜談有感

飛騎告捷羽書馳計守魚山六月期  
鼓角雷轟驅虎豹旄頭星隕斬蛟螭  
柳營唱凱春風動部屋騰歡化雨施  
共道波臣能助順定推功績奏丹墀

月明如水天無星瓊樓收盡雲母屏  
四山蟬聲寂不噪清風吹到松花馨  
有客煮茗桐陰坐露滴石牀珠瓏玲

肯作閒雲過馬山幾處詩書紅藥院數家雞犬綠楊灣  
勤勤慰問農民苦屢次停驂十畝間

### 牛山書院

昔日牛山木孟子稱其美今到肥城西萬山何嶮嶮就  
其地考之以訛傳訛爾孟子牛山與牛山隕涕當以青州牛山爲是上聳千  
仞峯下營百尺壘大石虎豹蹲小石蝦蟆累松柏萬餘  
株青蒼拔地起中有讀書堂肇基李氏子幼學壯而行  
事績載明史書舍列三楹巖腰建基址石坊峙嶙峋去  
天應尺咫旁有龍王宮井泉何泚泚石山木多童此獨  
林木峙泉潤而脈榮有樹應不死讀書人杳然徘徊復  
思過齋詩鈔卷九

### 卷九

### 五

徙倚愛此泉水清我心兩相似山下出泉蒙山上出泉  
沈願借一泓泉廣敷功德水

### 櫻桃峪

天際插芙蓉晴峯接雨峯小橋通斷峽絕壁瀉奔淙石  
臥巖邊虎松蟠澗底龍回環穿曲徑山外不聞鐘

### 至聖林

聖林厓展謁晨起熱心香出望北門北松柏夾道旁樹  
陰石柱聳萬古長春坊甬道戟門入洙水貫紅牆過橋  
瞻饗殿翁仲分兩行角端與文豹磊砢相頡頏敬恭拜  
階下九叩肅冠裳禮畢循牆入楷樹依簷廊傳云子貢

植老幹異檀樟林道何逶迤一步一趨瞻瞻望

聖人墓如陵復如同豐碑崇十丈大書 文宣王左昭

泗水侯依然鯉趨堂右穆沂國公子思世系詳羅列千

萬樹鬱鬱復蒼蒼西僂端木廬三年築於場時有清風

來蒼草揚芬芳泰山何巍巍泗水何洋洋山高水復遠

聖域起中央道紹堯舜統德昭文武光生爲天所縱死

得地之藏天地同悠久絲絲聖裔昌景行弗忍去不覺

涕泗滂方今異端起海水濱邊防肆彼鯨鯢習紛然亂

紀綱究之燭火影馬能敵太陽是宜崇正學正存邪斯

亡豈曰道不行吾儒當自強我冀 聖人佑大道共昭

### 思過齋詩鈔卷九

### 六

彰擎天森砥柱倒海傾扶桑埽卻雲霧障冲霄飛鳳凰  
聖道公以溥教化被殊方五理崇性道六經炳文章水  
火而衽席干戈而笙簧共作道中人處處興膠庠日月  
耀重華五緯煥天閭乾坤大一統中興贊我

### 皇我 皇崇

### 至聖萬載聖林長

### 奎文閣

文光直射斗牛墟高建虹梁百丈餘三代理典奎壁府  
六經淵藪聖賢居劫灰幸免秦人火教澤常留孔氏書  
四海崇文探載籍西園東觀此權輿

蘭臺石室溯源流拾級高登最上頭書契以來宗厥旨  
春秋而後見斯樓圍橋壁沼三雍近玉檢金泥四庫收  
更喜憑欄瞻眺遠東山泗水豁雙眸

啟聖林

傷哉五父衢少小心所慕簇簇馬鬣封考古殷箋註步  
出闕里東二十餘里路方謁少昊陵又拜啟聖墓墓門  
虬龍蟠兩行松柏樹北望泰山青東縈泗水素南面拱  
防山翠聳屏風露秀氣鬱龍葱非烟亦非霧中央啟聖  
王合葬根基因相侍有聖兄伯皮東旁厝豐碑螭紐蟠  
定有鬼神護天地毓聖人靈秀若相助尼山發其祥防

思過齋詩鈔卷九

七

山衍其祥後學瞻拜塵心香升一炷

周公廟

四圍松柏繞階除猶記明堂攝政初九奏禘嘗天子樂  
千秋官禮聖人書道開泗水文宣統封受金天少昊墟  
八百年來三十世綱常名教此權輿

武定府城贈長春帆太守一首

疆分北海古稱雄斥鹵年來歲不豐半載城池三告警  
萬家廬舍九成空水災已苦爲魚患兵氣恒驚喚鶴風  
奇語棗州新太守流亡招集重田功

題范楫孫都轉梁覽鏡圖

天地未生人無形形已造斯人既已生有形形各肖求  
之皮相粗不如太初妙范公持圖索我詩我詩恐難窮  
其與披圖忽現宰官身攬鏡自將面日照觀君今日形  
與圖不同調君看昔日圖應亦啞然笑今日昔日本一

人昔何翩翩今何耄丈夫卓生天地間自有真形奏功  
效暑往寒來任推遷精神直符載與轉日月爲吾日光  
明生朗耀江海爲吾口吞吐洞其竅雲雷爲氣風爲聲  
上下古今呼吸到不失本來守其真健順陰陽通感召  
知君覽鏡鏡皆空非辨妍媸與老少前此百年氣已鍾  
後此百年神無耗光風霽月天宇寬不改如來始生貌

思過齋詩鈔卷九

八

題李采臣廉訪元華官梅圖

謂君欲學林和靖記曾金鼓連營合淝境謂君欲學孟  
浩然記曾鞭驅萬馬踏平川義旗所指雷電轟金戈鐵  
馬喧軍聲生擒渠魁捷書告由來元戎是書生書生舊  
有幽閒癖種竹莖花愛泉石梅花似我我似梅邀來明  
月成三益君不見羊叔子岳忠武緩帶輕裘天宇寬雅  
歌投壺詩律古丹青繪作官梅圖官到梅花人不腐香  
雪灑徧萬千家清芬處處成樂土棠甘化雨露南淮柏  
署春風布東魯他年和就金鼎羹歸與梅花同一譜

陵縣謁東方先生祠

圖識號歲星仙錄稱曼倩久慕先生名未觀先生面祠  
堂謹拜瞻衣冠實文彥憶昔上書時語語皆諳練待詔  
金馬門布衣荷寵眷直斥上林苑崇儉懲安宴所勸重  
農桑所戒侈修宮殿卓哉直臣風矯矯能正諫班固作漢  
書同列滑稽傳總因尚諷諧保身以免患小節有未修  
大節無所變君不見夏侯讚語工魯公書法善

和畢星樓侍御留別歷下元韻

鳳城同宦路迢迢往歲聯詩屢見招春雨藤花金谷酒  
秋風菡萏玉河橋一麾我守東山近三考君臨北渭遙  
辛酉星樓  
典試秦中相間齊秦數千里雲峯青翠望中條

思過齋詩鈔 卷九

山行口占

按部分巡半月餘霜凋村樹落紅疏每行嶺上初經道  
似讀人間未見書席地老農眠叱犢看山野客倒騎驢  
官途風景添吟興只恐倪迂畫不如

將至新泰

徂徠新雨接雲齊雨後行程步步泥夕照紅分峯向背  
野泉綠漲水東西烟寒古木翻鴉背石巨危坡滯馬蹄  
踏過沙河城郭近野蔬寒菜滿霜畦

過肥城陶山有懷陶朱公

沼吳計已就君王其自圖臣行臣之志扁舟泛五湖鳥

喙多疑忌胡可一朝居患難同匡濟安樂必剪除文種  
何所罪一死身無辜方知金鑄像欽慕寶矯誣亡身赴  
東海拜相辭齊都知足復知止深諳老氏書吳人稱范  
蠡齊人重陶朱驅車過山下青山幽鳥呼山在人如在  
高風千古無

平陰道中

層巒疊嶂石斑斑數載駢駢幾往還嘯谷風聲催白雨  
垂天雲氣壓青山每逢村落重經路預識林泉幾箇灣  
忽望前旌人不見馬行深入翠微間

將至陵縣 古平原郡地

思過齋詩鈔 卷九

十

落日驅車馬平原豁遠眸封疆唐大郡墟里漢重邱  
陵縣  
日重邱臨邑 雨溼沙邊路雲連樹外樓魯公碑碣在遺  
跡重千秋

思過齋雜體詩存卷十

昆明蕭培元質齋氏著

孔懷集

使院監試坐小滄浪懷潘蓮舫前輩斯瀛有作

星軺去去過龜蒙時試沂州玉尺掄才秉至公仙吏來從南

海上文宗仰遍泰山東我觴蓮子湖邊月小滄浪有額日蓮子湖頭

君采蘭陵郡下風何日旋車旌節返海棠汧上話離衷

試院水名

有所聞

客自潼關來歷歷爲我述目見轉餉車往來行何疾外餉從關入內餉從關出入者二三萬解官窮見骨出者

思過齋詩鈔卷十

一

數百箱軍士著赤紱問餉何爲出營官有妙術初時無缺額有罪卽相黜一戰死數千身死名不沒名存餉亦存請餉不請卹大帥厯稽核其數僅彷彿以此侵漁久視之如長物遣將運出關狡免有三窟營中箭一囊家內金萬鎰竟有予告歸居鄉擁巨室既貴而且富市僧皆黼黻天子念民生簡兵征疆備各省竭脂膏轉運無虛月豈爲供侵漁原重養兵卒似此填漏卮金穴空爲掘將以饑兵辭兵以缺餉逸其實餉無虛私囊早充溢賊在如有得賊滅如有失得失利私圖民生非所恤以斯求制勝承平在何日安得請尙方一一懲以律

李德生太史瑞裕歿於粵東詩以哭之

竟向羊城駕紫烟跨鶴人是玉堂仙三春楊柳行官道

五嶺梅花葬少年蝴蝶夢殘燕市月鷓鴣啼斷海南天

寶珠山色昆湖水一老扶筇總慘然

齊州小住解征袍憶別京華暫息勞風雅同瞻新太史

禮儀仍屬舊兒曹一枝玉樹丰神好萬里珠崖瘴癘高

天召修文玉樓去瓊林惜少賦詩豪

有所見

客軍有顯宦雕梁擁華屋寶馬跨金鞍香車馳玉軸綴頂聳貂冠章身著繡服騎從數十人趨塵前後逐一呼

思過齋詩鈔卷十

二

百諾應官吏如奴僕何德與何功享此無妄福憶守河干時泊舟傍隄宿舟中何所有粉白與黛綠夜深賊劫營突圍踰平陸蹂躪遍東邦民生無完族大帥雷霆怒幾難逃顯戮股栗伏轅門禡職歸統屬賊平帥怒平怒平愛更篤飛章保名將原官請開復屢敗免刑章一勝登薦牘又將舊技施不感新恩沐統領一萬人分成定四六四成肥私囊六成爲部曲部曲六千人數以一萬錄一月餘數千一年數萬足數年數十萬視之如土木一飯中人產一筵百人祿窮民竭脂膏富弁恣口腹見民肆虎威見賊甘鼠伏借問此爲誰軍門某提督

肥城道中

去去青山擁四圍山泉沃地麥苗肥呢喃入耳春聲膩  
楊柳溪橋燕子飛

官道無塵夜雨晴馬蹄朝踏翠烟輕杏花風裏春耕促  
隔樹遙聞叱犢聲

途中偶成

亂流汨汨下山谿水淺沙平路不迷出澗白雲環岫起  
齊屋綠樹繞村低花風弄笛眠牛背穀雨霑衣策馬蹄  
共說前途官路險嶙峋五嶺陟天梯五道嶺

重住穀城書院感賦

息過齋詩鈔卷十

三

憶守魚山時分兵講堂住庭森古柏枝階叢新榴樹偶  
步庭階時小詩曾自賦相隔四年餘重經舊游處榴已  
旁枝生柏益根株固物且日見新伊我仍如故實政鮮  
升猷實修無進步人豈不如物無乃多曠誤功墮於自  
滿過叢於自恕觀物須觀身借物以爲助無計駐年華  
有心聞覺悟進德與修業急務所當務

衛山看地中古廟感賦

神河滾滾東南流千萬蟄龍奔中州銅瓦箱地名在前  
忽掉首河伯列隊趨張秋張秋四望皆平陸滔滔黃水  
無收束蟄龍戲舞翻波濤漂沒萬家魚鱗屋遙見官山

與衛山二仙在張秋東山前古廟松柏環水來不見樓千仞水

退惟餘屋數椽廟南廟北皆沮洳神像衣冠辱泥塗牆  
脚陷窪二丈許簷牙出地三尺餘寶鼎狻猊土中掘豐

碑轟崖沙中淤森然隆棟猶復爾當時民居更何如吁  
嗟乎治水尙疏決神禹奏功烈九河分其支逆河引之

洩後世惟知修隄防曾傳漢武築宣房隄防愈高水愈  
暴試看兗州地底廟

將至東昌郡城

會通河下路縣縣聊攝封疆盡麥田十里遠離城外郭  
一樓高出樹中天西陬忠節思孫揆揆聊城人李東海克用害之

息過齋詩鈔卷十

四

清風緬魯連漸近紅橋回首望馬蹄踏破夕陽烟

莘縣途中卽景

拂拂鞭絲策錦鞍杏花春雨不知寒短牆低處槐陰下  
父老扶筇看長官

淺碧天光界四圍波痕林外盪清暉前途絕少池塘水  
知是晴光野馬飛

四無山水盡平疇淺翠深青入望收忽見芙蓉森一角

村邊綠樹樹邊樓

大名懷古

屹然巨鎮重天雄沙麓山低道路通山在府城外東郡沙堆似小山



屏藩韓相國北門鎖鑰寇萊公墟存五鹿餘新土五鹿墟在

郡城即晉臺冷重華悵故宮臺在城中衛靈所建最愛元臣張總

管大倉一語悟宸衷張宏範為大名路總管歲飢盡出倉糧以賑之世祖責問對曰存之

大倉世祖悟大倉民間也

### 大名會哨東寄李捷峯觀察同年

旌旂載道共分巡壤接幽齊是比鄰兩郡同霑三月雨

時兩郡一河中界萬家春兩守分疆小灘為界相離十載人如舊

皆存而一河出都與對話千言酒乍新休養正當兵燹後無

捷峯相別十年

### 將至臨清

思過齋詩鈔卷十

五

林立帆牆豁遠眸清源疆宇古方州地開水市低尋路

城隔沙灣遠見樓接壤齊梁開巨鎮分支汶衛貫雙流

自經前歲驚烽燧傍岸人家十萬稠兵燹之後城中一空官民傍河岸居之

### 陵縣曉發

巖邑驅車幾往還朝迎曙色出城關隔林煙細疑鋪水

平地雲高訝有山田善耕耘非盡瘠民勤教養豈皆頑

前途故里東方氏神頭鎮是東方故里矯矯先生不可攀

### 廢寺

頽垣斷壁草離離棟宇欹斜一木支村社年飢香火少

龍神運蹇雨風欺龍蟠斷碣橫苔砌螭紐寒鐘挂樹枝

地上緇塵多少字蟲書鳥跡有誰知

### 雙柳樹

道旁有高柳駢根出平陸密葉春含青長條秋競綠初

種紐雙柯盤旋若絲續日久精氣凝固若連理木根猶

判兩株柯已合一握應知天地間同氣即同屬嗟彼同

胞人恩如手與足時時猜疑生分居各異族人本同體

親疎離乖心腹物本異根生翕合同骨肉物勝人情疎

人逐物情篤人豈不如物分離在心曲

### 和簡南坪農部宗杰感滇事元韻

萬里滇陬悵微西廿年烽火警征鼙九邊風嘯花門聚

思過齋詩鈔卷十

六

六詔雲屯板屋低交趾莫來丹水象漢臣誰祭碧山雞

可憐瘴雨蠻烟外四野災民草樹棲

礦硎人炊萬竈烟燬開回紇構中邊只貪銀汞明輸幣

誰料金鍼暗伏絲聚蟻寇讎成蔓衍貫魚官吏等飽懸

初流不慎涓涓滴俄頃洪波漲眼前開礦互關起釁甚微官不為理巨禍

飄風驟雨吼金滄大節同欽七品郎太和縣孔公殉難往日禍

胎生瓦魯何年戎首伏干將長蛇封豕營巢穴洱海蒼

山弔戰場縱使天威知震懾補牢羊已嘆空亡回首杜

踞迤西大理府城三迤以迤西為富迤西不迤東迤南無能為也

變幻滄桑水上漚萬民空似釜中游已無潘美收南漢  
尚望岑彭下蜀州巖嶺雲沉蒙舍詔昆池月冷大觀樓  
督師更冀和衷濟銅柱功勳萬古留潘制軍殉難岑撫軍解省圍皆有功滇省

西南遙望彩雲鄉感慨情深九曲腸已解重圍空白馬

休將浩劫委紅羊能傾熱血成斑碧定掃妖氛露點蒼

點蒼山名我望渝城恢復早迤西若平滇省始靖凱歌勝似唱伊涼甘時涼告捷

夏日

日照闌干晷刻長報辰鐘籟聽鏗鏘風穿槐樹簾櫳敞

思過齋詩鈔卷十

七

雨過蕉窗枕簟涼旁引經言批案牘熟籌民事著文章

薰爐不斷烟痕嬾相佐臨池翰墨香

維新先兄生辰日致祭感賦四月廿一日

戚戚綺筵陳生辰作祭辰方祈仁者壽痛作古之人縱

上延年祝難回不老春若在世今歲稱觴惟飲泣地下

恐傷神

待雨

黑霧連天掃不開深所龍伯應時來移牀靜對芭蕉坐

繞樹先將菌菴栽萬木無聲鳩自喚四郊有信燕爭回

如迎好友今兼舊蛙鼓當階亟亟催

聽雨

靜倚闌干暑不侵琤琤簷溜有餘音遙喧荷葉涼傾耳  
疎滴梧桐沁到心樓倚松間人罷笛軒開竹外客停琴  
夜深尤喜芭蕉上響落珠璣愜素襟

賞雨

甘霖應候物華滋茗椀楸枰檢點時濯錦看來紅藥院  
跳珠玩到綠荷池雲山潑墨圖兼畫烟水橫船酒與詩  
不羨司空茅屋句杏林春色賦新詞

賀雨

下尺恩膏正及旬丹章競報九龍津已符霖雨蒼生願

思過齋詩鈔卷十

八

多沐乾坤大造仁四海有亭皆誌喜八方無物不回春

雨金雨粟功難溥底似甘霖被澤均

問友人病

病不生於病病在無病時寒暑不知慎起居不自持有  
病始醫病病已不可醫我有醫病法岐黃非所知神方  
是寡欲妙訣求勝私調養仁有性克治義之宜以此相  
持守聖學即醫師花重初開豔樹重始生枝豔衰誰著  
色枝斷誰續絲葆精須自養不養精易疲病根多自種  
根在病日滋即能治之愈病愈精已虧我有醫病法醫  
在無病時

偶成

夏日炎炎晝漏長揮來蒲箑汗沾裳捲簾迎爽花香撲  
移榻觀書樹影涼石與植松瞻泰岱盆池種竹對瀟湘  
最欣好雨初晴處高柳蟬聲噪夕陽

夏夜

高敞軒窗月滿牀清暉照入黑甜鄉風簾却暑澄心靜  
雨簾生秋貼背涼嬾數魚更停漏滴暗驅蚊陣避燈光  
歛神默領詩書味謝草江花有妙香

雨後

雨過庭陰似水涼纖塵不到讀書堂滴殘簷溜芭蕉響  
思過齋詩鈔卷十 九

吹動簾風菡萏香苔簾含滋鋪錦繡茶筌得火奏宮商  
故人倩寫蒲葵扇嬾覓新書錄舊章

登滙波樓望匡山藥山鵲山華山暨卧牛山諸峯

感賦柬寄張菊如廣文 士保

龍伯出海朝岱宗六鼇前驅催雨風冠來巨石如山峙  
歸然頭戴青芙蓉朝罷龍伯駐稷門相會灤水濟水神  
詰朝返駕還東海龍去鼇歸山獨存獨存諸峯在平陸  
碁布星羅斷復續瀛似玉笏森青空橫如錦屏列畫幅  
登高四望古平陵圖成八陣石嶠峻潑天好雨初過處  
小巫大巫青翠凝妙筆曾圖趙松雪鵲華秋色傳奇訣

遺却匡藥諸峯勝千古無人再補缺均是鼇冠海中山  
真面有傳有不傳與雲降雨職同盡自有功德存人間  
我與山靈緣非淺城頭矚目雲不掩滙波樓前旭照明  
俯視齊州烟九點

題周氏貞女撫弟圖

貞女周筠仙周蓋臣大令忠  
之胞姊也初父母無子祖望  
孫切貞女誓不字以奉祖且以事親比蓋臣生  
十日而母死貞女撫育之稍長則親為課讀迨  
父歿後貞女身理家務年二十一勞瘁以終臨  
終時囑曰葬我祖塋家人誤葬義地蓋臣長始  
移祖塋以遂其志焉

芝蘭繞砌松柏香梧桐垂蔭貞節堂幽窗義姊課弱弟  
篝燈夜讀聲琅琅賢哉周媛傳奇事巾幗獨抱鬚眉志

思過齋詩鈔卷十

十

以女代男怡祖親廿年守貞甘不字德門應徵麟趾祥  
天育子季家道昌子生旬日母氏死呱呱幃幙悲風涼  
悲風蕭瑟腸斷裂孝女兼瀝義姑血撫育既匡赤子生  
課讀不使青燈滅此恩如海義如天絲毫未報人升仙  
北邙山前葬義塚風雨泉臺啼杜鵑姊死年久弟年長  
先時軼事聞族黨泣血負土移祖阡從此貞魂安泉壤  
虬挺柏枝松蟠根梓里同欽貞女墳貞女盡仁兼盡孝  
父有子兮祖有孫吁嗟乎古傳緹縈女救父出囹圄又  
傳曹娥碑尋父出江渚救父尋父女勝男未聞存嗣昌  
先緒周氏筠仙古來無丹青繪出貞瓊圖義姊名高李

文媛女師德並曹大家姊兮撫弟弟哀姊請 旌應見  
豐碑峙棠棣華萼生光輝女貞花死根不死

輿中吟

飢種一頃豆寒種一頃棉豆熟子離離棉實顆圓圓豆  
花垂籬畔有誰羨鮮妍棉花落隴上有孰深矜憐吁嗟  
人愛羣芳譜豆花棉花焉足數牡丹爲花王蘭花爲香  
祖芍藥畫省仙芙蓉錦城主香色雖逾恒凍餒無所補  
棉可織豆可煮煮豆織棉衣食充野無哀鴻郊無鼠我  
愛豆花與棉花能救萬民飢寒苦

棉花

思過齋詩鈔

卷十

十一

簇簇含苞萬畝寬絕無娥媚倩誰看風霜鍊體方成實  
冰雪爲心不畏彈每遇雁來花始放無須蠶吐繭偏團  
一腔暖意資衣被能禦人間萬戶寒

秦始皇

端冕垂旒儼紫宸胡爲海上覓金身引人都向桃源去

願作神仙不事秦

求仙

阿房猶在祖龍終況置驪山一炬空就使楚人無虐燄

爲他朝作漢王宮

阿房

思過齋雜體詩存卷十一 昆明蕭培元質齋氏著

中興集

中興望

深仁厚澤衍雲仍緝緝絲絲

祖武繩大地山河開泰運諸天星斗應休徵明堂玉藻

文無逸菲食卑宮

禹弗矜九五福中

皇極建八千歲久

聖人興自順治至同治共八代六龍御宇

乾綱振萬象回春

思過齋詩鈔卷十一

鼎命凝永永鴻圖臻鞏固岡陵日月頌升恆

求賢如渴望伊萊行政需人仕路開玉燭思調天地化

金甌宜選棟梁材商家霖雨恢中葉漢代星辰應上台

端揆位該鳩鴈職宣徽望重鳳鸞臺平章軍國資公輔

旋轉乾坤賴相才變理陰陽熙

帝載雲龍風虎應時來

象緯高懸壁壘營元戎整武應星精果求萬里封侯將

自有三邊制勝兵慈父母思羊叔子上將軍選李西平

恩深雨露人知感威奮雷霆令自行

廟算如申司馬法問戎斯卜丈人貞賞功罰罪昭公信

指日

王師奏績成

理財何必稅錙銖竭澤而漁水亦枯萬井提封清賦歛

五雲

恩詔罷捐輸漫徵鴛眼錢中利須核魚鱗册內租黑地

不虧官府課官民隱匿之地黃金勝入帝王都漢家五稅

非長策禹貢三田是遠圖更汰冗官裁冗費度支何慮

匱無數

銓選真才邑宰難嚴分蒿艾與芝蘭共成天下昇平治

慎擇民間父母官欲使鏡堂瞻日月休教金穴售衣冠

思過齋詩鈔卷十一

萬家茅舍青天見百里桐封赤縣安循吏本非能吏比

邑侯合作甸侯觀漢家守令書褒壘矯矯龔黃政不刊

壁沼園橋教化隆大儒原具大臣風夙深霖雨蒼生志

先課詩書學士功顏巷孔墻傳道統潘江陸海陋詞雄

人師德在經師上國士名高策士中他日鴻猷光竹史

此時蟻術重芹宮永除異學崇真學利用賓王各效忠

紛若牛毛例更疎枝枝節節貴刪除欲符畢雨箕風願

須定金科玉律書六職分司周創始三章約法漢開初

宜教典守嚴官府免使權衡付吏胥鐵案如山難假借

錢神無路肆苞苴願將繁瑣俱銷淨皎日光天一

治化舒

星羅碁布峙營房

聖代旗兵有定章歲習神機兼習射人加生齒不加糧  
貔貅勇氣風雲壯烏鳥私情日月長已有正丁資戰守  
何妨餘子務農商一家八口養殮足九野三垣保衛強  
鄧禹十男兼十藝全家忠悃報君王

黃水橫行故道淤幽齊腴壤盡沮洳已籌北運供

天庾須使東流走舊渠銅瓦箱前隄唵築雲梯闕下海  
門疏旁支縱未歸徒駭正溜終須赴尾閘三汛安瀾憑  
渡象萬家連舍免為魚會通河道通無滯筐篚同陳禹

思過齋詩鈔卷十一

三

貢書

頻年外患海波揚內政勤修仰

廟堂

天子大經崇太學島夷正道避遐方孔門戒受廉希憲  
倭國威懷賊繼光

奮武揆文宏

帝治雕題鑿齒拜

天章從龍久已來真臘獻雉何難到越裳

聖教昌明恢九有黃友烏弋盡來王

賀蘭山下巨烽烟擾擾干戈已十年千里運糧無坦道

萬營接陣貴屯田宜求充國為都護慎選班超作定邊

城築受降降有日地名綏遠遠同天策籌諸葛攻心上

營做韓琦犄角連深望秦州齊奏凱

天兵南去靖黔滇

端冕垂旒

帝道臨還須百爾贊

宸襟果存赤手回天志各矢精忠報國心外守封疆遐

邇靖內司台鼎始終欽武功須繪麒麟閣文治非誇翰

墨林

德冒九州

思過齋詩鈔卷十一

四

君似日澤流四海汝為霖亮工熙績乾坤定一統山河

亘古今

接來子俊太守函手版正面稟字倒寫詩以嘲之

開函如見坦之前用王坦之故事手版胡為妙轉旋飲澗亦

虹頭注地翔空丹鳳尾朝天非關字跡更新樣欲望民

生解倒懸寄語黃堂賢太守持危還要重扶顛

過獨流觀勝營炮臺遺址感賦

烟漠漠水茫茫獨流河岸高且長往日潢池若不靖鯨

鯢鼓浪腥風揚蟻聚蜂屯滙淵數瑁操將軍開戰場

林鳳翔李開芳癸丑冬官踞獨流將軍保統兵攻剿獨流夜攻已募敢死隊元戎日

高眠胡牀矢機已不利神機祈佛郎佛狼機土臺高築

數十仗紅衣炮子聲碾碾火器運到炮位大者高者

摩天過低者墮地旁大炮高斤小者亦五六斤高者

朝擊暮轟九旬久賊自十月初盤踞攻至次年不聞渠

魁報死傷賊人巧計掘隧窺鳥鼠同穴深深藏勞師糜

餉徒曠日誰進天弓射天狼忽聞西岸鼓聲動萬馬馳

到忠親王電掣雷轟擊賊走怒如虓虎驅羣羊紅旗報

捷天日光吁嗟乎大將非恃勇天兵不尙強成功惟憑

一腔血赤心耿耿貫朝陽輕舟重過獨流鎮回思往事

心徬徨沙塵靜風露涼兒戲將軍今何在野田蔓草空

愚過齋詩鈔卷十一 五

臺荒

題俞勵堂求已圖圖畫一坐像一跪像皆勵堂小照寓以已求已之意

世人知求人先生惟求已求已之樂樂何如路有義兮

門有禮布衣溫暖菜羹香不羨膏粱與文綺求已能知

足求已貴知止知止安不危知足憂轉喜坐者原是我

跪者本非爾爾求人兮爾徒勞我求我兮我非鄙爾我

原屬一體親內證返觀寓妙理

都門雜詠

長安好風景翩翩士大夫身著時樣錦頭冠極品珠每

遇紛華境寶馬爭馳驅圍腰耀金帶握手誇玉壺官階

居何等堂台左右樞間或崇雅道委懷在圖書一幅好

山水不吝千金儲懸之齋閣中相賞復相諛與之談國

事笑言有醜醜鯨鯢暗鼓浪此事非吾圖

巍巍聳樓臺朗朗奏絲竹多少柏臺官愛聽梨園曲小

畫繼卜夜煌煌修燈燭舊劇與新歌一部猶不足他部

拔其尤眾美恣娛目甚或衣冠侶亦入優伶族賞賚數

百于視之如土木門內優童歌門外乞兒哭哭聲與歌

聲遙遙兩相續

民間起訛言西事實可歎花門詭計深官軍多離散忽

報羽書來大帥工文翰所敗實小挫所勝是大戰轉敗

愚過齋詩鈔卷十一 六

以爲勝招降已過半我聞羽書言大帥威不斷自從回

乞降反覆無忌憚初降拒東師再降復西竄三四五六

降朝降暮即叛渭南是前車滇南有鏡案大帥豈不聞

甘受羶中玩政府信且疑亦知多後患既知後患多胡

弗申廟算

津門水災歎

去歲丁沽上水波翻鴻濛田舍聚蛟蜃郭門走鼉龍越

海咫尺近海大胡難容謂是海不納土人云水至海口止而不流天

災寓其中天變自人召人險天降凶邇來人心幻波生

平地風機械深不測滔天多象恭行盡傾陷術難遂谿

壑胸狂瀾不可挽天運隨之窮汨没失人性淹沒罹匪躬

洪水走湯湯人民無安處蕩析離其居夫婦不相覩婦  
抱嬰兒逃日日行水渚偶爾遇平陸飢餓枯腸腑腸枯  
母已斃兒吸懷中乳死乳不育兒相與委塵土  
娟娟弱齡女愛如掌中珠忽聞驚濤至相携出里閭朝  
饑夕復餓委命在須臾不忍同一死微值售其軀父牽  
弱兒泣兒牽生父呼呼聲猶未息俄判東西途朝爲千  
金女暮爲賈人奴鞭笞所不計聊免填溝渠

防軍起壁壘岐岐復嶷嶷戟門峙戈盾戎帳羅旌旗天

思過齋詩鈔

卷十一

七

雨如海立洪水翻蛟螭登臺一回首四面雲濤飛大風  
鼓巨浪營壘傾其基征駒非海馬陸兵非水師豈無虎  
賁勇難與龍伯馳萬帳警呼嘯俄頃陷潢池昨日爲熊  
虎今日飽鯨鯢



思過齋雜體詩存卷十二 昆明蕭培元質齋氏著

中興次集

界首 泰安道中

雜遯前峯接後峯四邊雲擁碧芙蓉一橋跨澗通官道  
萬壑朝天護岱宗結屋樹低村遠近滾車途礙石橫縱  
瘠田處處思霖雨深望崇朝起蟄龍

魚山道

夜雨澗田疇曉渡魚山麓忽覺炎氣蒸天時催麥熟人  
逐麥浪行一色地天綠遙見水邊村村外環林木近村  
人語磨桑柘窳茅屋雞鳴短牆頭牛卧深巷曲萬柳綠

思過齋詩鈔 卷十二

陰深時有幽鳥逐老叟坐樹根見客躬為鞠云自仲春  
來時雨喜霑足麥秋卜豐收同享太平福停車與之語  
槐露浣塵俗邀我上高樓樓繞千竿竹憑欄試一望遠  
山排玉笏忽聞歌詠聲年豐耕且讀愛此清涼境更羨  
古風樸流連話農桑茗甌新舊續疑入柴桑村又似王  
官谷辭叟赴前村回首麥風馥

澗口道中遇雨

鳴鷗來自深源西五月時光布穀啼捲地風聲隨樹起  
垂天雲氣壓山低農田沾澗平魚齒官道無塵快馬蹄  
桑柘村邊榆柳外鵲華烟景望中迷

夏日偶成

韶華未可等閒過日進工夫養太和種福有田憑德溉  
澄心如鏡借書磨催耕桑土鳩聲急封埤槐陰蟻術多  
物理參觀須自勉慎無老大歎蹉跎

龍洞觀紅葉卽景

龍伯大開蕊珠宮龍華未放秋山風倩來青女施神術  
飛霜染遍千林紅金碧樓臺芙蓉殿山容爲客添葱蒨  
旌旗羽葆雲霞飛五色斑斕開生面我來曙色滿山阿  
鏗珠真玉泉聲多大巫小巫瑯嬛境千樹萬樹珊瑚柯  
忽聞山鳴谷爲嘯萬馬奔馳千軍噪霹靂一聲神鬼驚

思過齋詩鈔 卷十二

洞口誰鳴諸葛礮轉山同向佛峪來一步一曲巖徑開  
流水喜觀廬山瀑石亭高上通天臺同坐石臺遺俗抱  
勝境如到蓬萊島一洗胸中萬斛塵何必神仙羨黃老  
曲曲巖廊繞石屏奇觀得自未曾經千重火樹沿山赤  
萬疊嵐光入座青憶昔荒年勤祈雨步禱不碍岡巒阻  
層巖深入取龍泉立沛甘霖蘇赤土今年雨暘應三時  
萬民競誦豐年詩冠蓋豈爲游山至竭誠報賽升明齋  
龍伯效靈臻福佑夜雨洗塵開晴晝夕陽歸路回首看  
萬壑千峯皆錦繡

瞻岱嶽

上聳層霄第幾重東方作鎮應蒼龍五年肆觀朝青帝  
萬岫森羅拱岱宗功德遍施天下雨尊嚴高出丈人峯  
秦封漢禪終非禮何似

熙時祀典恭

將至郊城

霜風颯颯野雲開遙指高城落日纔蠶食封疆邾子國  
馬陵山水禹王臺臺基在山之西田多稼穡知年稔野鮮萑苻  
識吏才深慕古侯家學富遠人猶欲問官來

月夜偶城

時在沂郡官廨

官廨夜如年寒更斷復連大風撼高樹明月滿中天蝶

思過齋詩鈔

卷十二

三

冷莊周夢難催祖述鞭從公沂水上籌策是農田時量荒地

陳笏山以其祖柏閣老人古梅硯山合幀見贈詩

以辭之

柏閣先生大手筆畫名早列神仙籍梅花移自羅浮巔  
鍊龍背上湘妃立硯山笑兀瘦有神一朵芙蓉炫青碧  
梅品山容兩相輝妙手生春緬往昔雲散風流數十秋  
海角天涯判蹤跡笏山大令精誠通兩美合之會逢適  
贈我固感君惠深奪人所愛心轉感我願合浦早還珠  
君如趙城重返壁灑掃精舍退公時焚以心香懸齋壁

古梅喜帶古香來古硯山石神奕奕古香古石兩無虧  
子子孫孫勤護惜

聞大理克復全省肅清喜賦

羽書飛報凱歌旋寇警南中十八年瘴雨蠻雲消黑靄

蒼山洱海見青天夙知楊業能攻敵謂楊雲階總戎畢竟岑彭

善靖邊謂岑彭應識伏波銅柱立從茲六詔熄烽烟

花門族類遍蠻荒流寓宜分莠與良深幸金戈收爨嶺

須防鍊鎖斷瀾滄懸匏休使官充數伏莽還思寇易張

撫字招徠耕種日馨香高薦表忠坊

孝直里道中

思過齋詩鈔

卷一二

四


三五人家傍槿籬小村烟火起遲遲行人知是清明節  
石板房前挂柳枝

知

慧珠閣詩

沈著





序

平原太守望重真卿天寶諸公聖推子美存兩間之正氣賸一卷之遺詩心常照于汗青弗得其死血雖終于埋碧是謂如生未仰高山詎知流水岫巖多愛溪先生世行長白賦擬太玄祖揚佐命之勳品慕通德之里拔才貢樹載譽儒林寫張衡之四愁敏陳思于七步橫胸萬卷過目十行筆開江令之花門植陶公之柳慧珠題閣惜未觀于金牛唾玉成章詞殊麗于吐鳳迨夫講學鹿洞增價龍門作武城之絃歌奉文壇之圭臬陰濃桃李雅集吟哦陸放翁豈可三日無詩李太白早識浮生若夢乃赤眉之構亂竟白首以殉忠名留豹皮屍還馬革偉烈同于斷舌著作富于等身莫起九原垂燄萬丈爰搜殘簡刊列叢書允敷桑梓之榮聊慰松楸之弔比魯公年向八秩授命同規方杜陵歲長一齡遭時不造烏虜地理白骨淚墮岷山之碑人鑿丹心紙貴洛陽之市歲次丙子時維仲春徒河後學王暉謹序

蘇州府志

卷一百一十五

例封文林郎乙酉科捷貢生多公墓誌銘

張玉繪

嗚呼公之墓果何地耶而予乃銘之公少予六歲方冀公之銘予而予忍銘公乎哉然事至今日予又忍不銘公乎哉於是追爲之銘曰岫巖之精瀛洲之靈苞含符吐毓此奇英淵涵九德沉潛六籍人許麟龍品推圭璧天胡不弔哲人云亡少微慧他星隕平陽忠則酬君義則殉友浩氣常留是爲不朽公舒穆穆氏諱多隆阿字受溪先世長白人始祖揚古利追封武勳王世襲一等公太高祖麻穆嘉以領催於康熙二十六年調盛京遂爲岫巖人高祖諱花色第三子諱英保生德普公德普公生二子公其長也年十九補博士弟子員每試高等食餼乙酉舉拔萃科公之爲學專肆力於經於帖括不甚措意以是試京兆輒薦而不售有勸之揣摩時式者夷然不屑也同年何曉楓維壘爲禮部郎雅重公延公教子兼佐幕事會荊州滿合士子利衆與其佐領閱該將軍奏請各省撥旗人駐防所以示四方威重

蘇州府志

卷一百一十五

也今大半趨習文事則武備弱且令士子恃矜敢於抗上漸不可長請裁各省駐防旗人學額兼停其鄉會試疏入報可下禮部盛京亦在裁停中時或掌儀制司印主覆奏稿商諸公公謂盛京者俗所謂皇上老家也都京旗人皆自盛京移來謂都京旗人爲駐防可謂盛京旗人爲駐防則不可願以此持奏則盛京或免裁停乎何是之奏上盛京果獲免公之力也會何出守江西公辭歸既而何守平陽聘公爲山長掌書院事公辭何屢遣人促之不得已乃西初至諸生寥寥次年學舍至爲之滿值歲試縣令某聘公閱卷學額二十名公所取前二十名卷院試無一遺者一時服公衡鑑之精且傳以爲美談云哈公芬來撫晉淮任日接控呈八十紙哈公在部時素耳何清幹名悉以委之何以爲難公曰是無難願得兩造原卷得爲君覆意之凡窺要處爲君飛籤記之君斟酌審核可立辦也何從之不十日八十案報結哈公覆之則平反者稍類頌德狡展者俯首無辭哈公喜

稱賞何守者不置何乃嘆謂公曰吾向者自謂知君今而後始愧知君未盡也當是時廣西長髮賊盤踞江寧其別股賊竄入河南山東界勝宮保以大師燈之賊遂跳山西破垣曲和順等縣直指太原為鄉導者所誤突至平陽平陽鎮兵前已調往江寧協勦無守禦備城之南四鄉火起何急令閉城時癸丑八月初九日寅刻也於是何謂公曰兄處賓師位弟已派人護公可急去弟將與此城存亡矣公笑曰是何言愚與君同舉拔萃科君王臣愚獨非王臣乎且愚聞有聞友在難而赴之者未聞有見友在難而去之者君能殉城愚獨不能殉友乎何乃進而問計公曰君速徵兵近縣以助守急請援省憲以助勦南門當賊衝君率民役自守之東門次衝縣令守之西北二門非賊所急可塞其門令通判經應率老弱乘城以壯軍勢且勝宮保大軍壓賊後若能即日至者賊必奔逃城可無慮也何從其計且召夫人謂曰門內事一聽多兒主之城不守予不歸矣遂趨出公乃邀

蘇珠閣詩鈔 附錄

遼海叢書

縣尉俾巡街道撫百姓查奸細令府役具器械備糧糧供守備又念勝宮保兵未必能即時至令何之親信匿其四子於民舍都署甫定則聞南門槍礮轟震聲賊已至城下矣公乃蒐城中丁壯益南門守賊探知守備單弱日夜攻不息至次日申刻忽一探役喘息汗流而至曰賊攻南門不勝分兵攻東門破之主人下城與巷戰死矣公乃入見何夫人曰是當死夫人曰諾率其長女長媳自縊死次婦覓帶索不得刺刃死公視其已死乃出市至大堂則賊已入署矣問公何人公曰我太守友多某也賊首曰汝必讀書人可隨我無憂不富貴公曰讀書人斷不為賊且為賊亦斷無好死者何富貴云也賊仍以好言餽之公即大罵榜賊進矛於公公遂隕賊肆殺掠三日夜棄城去何之親隨稍稍集殮其屍及家人屍獨公屍不可得一役曰必得之賊入署時我匿於大堂捲棚上聞公罵賊賊刺公隕賊首怨曰此忠義士汝奈何殺之令斬刺公者又令人鋪大堂氈包裹公屍藏僻

靜處無令殘毀以為忠義者勸故曰必可得也衆相與搜索至署後無人處果得能裝開之得公屍面如生於是諸生亦少少集置棺斂之皆痛哭致奠而去甲寅四月喪自平陽歸其子女不忍死其親也開棺視面如生鬚眉亦如故且無少腐穢氣衆皆以為異乃另製衣衾棺木重斂之公狀貌魁梧目閃閃如巖下電性至孝執二親喪不茹葷不近內三年如一日重然諾喜氣節負幹畧不可一世以故所與神契者落落可指數讀書目數行下有疑難必虛心質詢得一確解喜動眉宇其好學蓋天性也生平無嗜好不避聲色不吸烟不飲酒然間與知己遇亦或連浮大白至十數不醉讀書外惟靜坐或間一漁釣取適性而已所著書有易原十五卷易圖說一卷易蠡十五卷毛詩多識十二卷蘇珠閣詩鈔十八卷文鈔四卷詩話四卷尤工堪輿學所著陽宅拾遺四卷地理一隅一卷已刊行德配尚氏子二長裕深岸生次裕涵業讀女三長與三未字次字李遂志時年六十

蘇珠閣詩鈔 附錄

遼海叢書

予自聞公死難信既為位寢門哭之又馳書於諸知交若董君玉林琪樹王樹三廷槐處訪其死難時事擬為立傳乙卯春其長君午坪跋涉五百餘里來求墓誌予不能以不文辭乃就所知真訪確者忍淚而為之誌更贊以論曰曉楓予同門友性明敏有應變才以受溪之幹濟佐之即守一危城可必無慮惜勝宮保兵不以時至又聞平陽一惡匪充湖南軍久從賊賊攻南門不利至東門其舊夥有預於城守者戰頗力匪自城下招之舊夥遂倒戈開城猝不可禦不然城不可破嗚呼人生之建功業立其成否固自有幸不幸哉斯二公者轉足悲已

慧珠閣詩鈔

桃花扇傳奇題詞

崑崙多隆阿爰溪

水逝花殘舊跡無  
團金粉半模糊  
芸亭老子多情甚  
演出南朝士女圖

綺樓深貯海棠嬌  
輕拍玉牙按玉簫  
一闋新聲君一笑  
六朝灰燼又南朝

赤眉求印擾天街  
甲馬森森劍戟排  
十里煙花遭劫火  
惟餘明月照秦淮

滾滾長江鐵鎖開  
吳姬越女下歌臺  
春燈可是中興樂  
召得干戈遍地來

衰草寒煙古渡頭  
漁人悲唱秣陵秋  
無情最是秦淮水  
猶與前朝一樣流

慧珠閣詩鈔

遊海叢書

娟香樓畔草萋萋  
樹自成陰鳥自啼  
一曲江南十斛淚  
橋西人重到畫西

卽事

烏雀暮歸樹牛羊  
暮歸村游子方駐馬  
阿母正倚門斗然見  
兒面喜極淚沾巾  
謂得汝病信憂集  
忘饗殮旅處縱云順  
懷鄉猶苦辛況乃  
值坎壈鬱鬱倍傷身  
鴻信既濡滯鯉書復  
沈淪望汝如望歲  
從朝望至昏

半日猶蹙眉此際  
眉忽展歡喜容  
偷詰問情款藥餌  
需人煎誰與爾相  
伴安否有人看  
誰與爾相善爾衣  
或單寒爾運亦屯  
蹇一一訴根原燭  
昏花再剪出門  
望星天斗柄已東  
轉昨宵覺夜長  
今宵覺夜短

來朝命庖割雞與  
炊稻菜灼菹菘片  
果陳乾梨棗烹任  
雖未精適口卽爲  
寶外鄉餖肥甘豈  
如鄉味好健胃復  
和脾毋使顏色槁  
憶昔

汝未歸觸目總煩惱  
煩惱日盆加髮髮日  
盆老汝久客異鄉身  
體須善保

生聚誰不喜生離誰  
不憂宜知離與聚亦  
各有其由守株終無  
益而令歲月偷何如  
越鄉國負笈事遠遊  
親師並取友三益須  
兼收子果能循此我  
亦弗多求遠遊必有  
方古人善爲謀家書  
類相寄魚雁莫勾留

旅次

宿鳥歸巢際行蹤暫  
駐時人忙問夜屢雞  
報更遲起視馬芻盡  
仰觀斗柄移征車急  
就路好鳥喚高枝

客久

客久思鄉切行裝整  
束頻言歸三月暮又  
負一年春野草饒征  
馬山花媚路人計途  
分遠近歷歷望城闕

遇雨

忽唱驪駒曲歸心已  
往還行旌辭野店風  
信過前灣急雨鳴深  
樹濃雲補斷山泥黏  
車馬滯世路總多艱

書院夜話

燒殘銀燭冷兀坐小  
樓東人話三更雨秋  
吟一夜風談深欲忘  
象客久羨歸鴻借問  
蕭齋裏鄉心若個同

秋遊

頓覺林泉好開遊異  
俗塵頑童尋熟果野  
犬吠生人露重秋光  
老農忙里俗淳迂疎  
見成性那敢說經綸

淺溪斜拗路老樹半  
藏村積稻都成帽編  
柴可當門懸流春石  
罅落葉匿雲根三兩  
農人坐閒將米價論

秋遊心倍爽况復值  
霜晴山好能醫俗才  
微敢釣名聞人論菽  
麥訪友叩柴荆老樹  
多乾葉因風作雨聲

倦倚松亭下秋煙鎖  
四圍牛閒當路臥雖  
健逆風飛漁傍白蘆  
泊樵

慧珠閣詩鈔

遊海叢書

肩黃葉歸丁東時入耳何處搗寒衣

村居

好鳥喚前溪春晴雨一犁岸栽新水山雲割亂峰齊葉碧禾盈畝花黃菜滿畦去年送人處依舊草萋萋

差覺強人意門前過客稀風和舒菜甲雨小養苔衣山靜雲偏出園荒草轉肥鄰家呼午飯野老荷鋤歸

古木陰如幄新茶葉坼旗燕忙穿樹急蜂醉出花遲村景皆成畫農歌半類詩不知三兩叟攜杖欲何之

行行桃李樹著意厚培栽地冷逢春晚花遲入夏開蝶隨狂絮去鶯送好音來我自閒觀水沙鷗莫浪猜

出省感事

征鞭遙指客匆匆三疊陽關曲未終在道惟依識途馬此生原似印泥鴻姑留冷面辭春酒敢把冰心告夏蟲借問高翔千仞鳳待時可

蘇珠閣詩鈔

三

遼海叢書

許信天翁

策馬頻催薄笨車夕陽隱隱半天霞依人我亦堂前燕見小誰非非底蛙牽惹餘情惟岸柳勾留客子賸山花知心獨有中宵夢夜夜催予速到家

春日雜興

物性宜探索閒從靜裏求風和知燕喜雨暴替花愁岡凸沙旋走田凹水聚流友人雲樹隔悵望意悠悠

夜宿棗林

旅館無人識幽懷祇自知孤燈聽雨夜小坐憶家時點碎敲階急念涼入夢遲驛亭街上柳一一發新枝

抵家偶成

纔繫紫騮馬隨敲白板扉一堂人盡喜千里客初歸泉水烹茶馥河魚入饌肥門前秋尚淺楊柳似依依

古風

四圍峰樹秀崑崙翠屏長中有讀書人結廬山之陽箋注搜毛鄭典謨遡虞唐敢道知希貴惟恐學業荒相彼幽谷蘭無言祇自芳

古人重實學今人盜虛聲竊取糟粕餘富貴博恩榮衣錦誇閭里策肥動公卿譬如三春花轉瞬萎荒城豈知松與柏終古性常貞

鵬搏萬里風乃貽鸞鳩笑士拓萬古胸乃致庸俗訥曲高和者稀誰解宮商妙守志須益堅切莫投時好人言何足憑登高發遠嘯

南山有松柏鬱鬱百千尋雲中聳幹直嶺上結根深飽沾雨露潤堅成鐵石心充作棟梁材巨室獨勝任寄語衆桃李莫急出山林

藤蘿附喬木青青引蔓長葉繁擬古柏華密傲甘棠自謂得所託豈復慎周防一旦木或頹與之俱同儻所以有志士獨立守故常

秋懷

茫茫四望且高歌如此秋光可奈何亦解情長添掛礙那因才短便

蘇珠閣詩鈔

四

遼海叢書

蹉跎吟蛩避冷多俚砌病葉將飛尙戀柯寂寞山林天又晚殘霞如縷上烟蘿

無須畫筆寫秋山鱗次雲山四面環入座偏宜嵐氣綠映門更愛夕陽殷欲監白水何嫌淡極重黃花不諱慳畫有塵綠背有夢問渠那日得清閒

襟懷恬淡欲無塵挹取晴光別樣新好客清於千歲鶴秋山雅似六朝人環齋古木當屏幃堆案殘書作比鄰記得前峰松徑下春間曾此坐花茵

一林黃葉繫詩魂緩步苔階踏綠痕水降深秋猶泛藻煙凝薄暮漸假村敢誇玉尺能量物欲覓金環待報恩蕭瑟西風掠亂起紛紛落葉打柴門

征人怨

滿面胡沙滿目塵相逢都是轉蓬身十年邊塞家無信二月關山草

葉打柴門

滿面胡沙滿目塵相逢都是轉蓬身十年邊塞家無信二月關山草



不春逐隊惟調鑿戰馬盼歸應念倚閨人夜深未敢登臺望多恐青

楓化鬼燐

咄咄書空手自又誤將歸信卜燈花霜催嶺外翻翻雁雪過營前瑟  
縮鴉豈有奇動分虎竹可憐寒夜渡龍沙金圍應有刀環步祇道征  
夫不憶家

伊州唱罷又涼州甲橫才閱幾秋塞上胡兒時浴馬圍中少婦定  
登樓心驚絕域雁空渡目極長河水自流苦戰沙場筋力盡論功衛  
霍獨封侯

噉噉猿猱啼夜闌男兒有淚莫輕彈烽煙匝地蒸心熱鐵甲如冰透  
骨寒每侍將軍接短戰曾因夜月望長安幾人博得封侯印贏取霜  
華兩鬢看

陽關旅況

廿日行殊倦今宵漏倍長山幽非故里月好是他鄉燭影侵窗暗泉

蘇州閣詩鈔

五

遊海叢書

聲漱耳涼階陰寒刺骨不覺已霏霜

東符象芝

淨掃堂階不受塵嚶鳴好鳥送聲頻三韓雲樹思吾友兩晉風標想

此人但蓄奇書資博雅

象芝為讀書世  
家藏書最富

莫愁宿債損精神

時家頗寒  
筆耕而食

園亭定有花如錦作賦吟詩正及辰

學最博雅  
上詩賦

不藏泉貨祇藏書滿架牙籤爛一廡擇友從寬規我做

象芝交遊最  
廣滿閣有到

處澤人說  
象芝之語

評詩近刻笑人疎

詩學西崑最  
詳漁洋梅村

西窗懷舊春歸後東閣愁

新月上初同輩莫將鄉愿比四時氣備有誰如

性溫厚人成  
以鄉愿譏之

滄桑遷變此情長一紙傳書又瀋陽祇賴賓鴻通信息生憎客燕語

溫涼小桃花發明書幌

時象芝弟  
子入作

老樹陰濃護講堂莫謂交情宜水

淡醇醪飲後想周郎

古意

碎瓦頽垣碧水西可憐紅粉委黃泥多情轉屬閉營燕猶弔花魂盡

意啼

遺悶

行雲流水兩溶溶感起秋懷鬱幾重管子差堪知老馬葉公原未好  
真龍蘭經舊雨香全滅菊傲嚴霜色不濃自笑向來癡特甚涉江尙  
欲採芙蓉

一著殘棋自悔疎從前毋乃近糊塗言詞弔詭盲男子喜怒懷私淺  
丈夫趨熱畏寒嗤燕婢貌慈心狠惡狸奴屈平憤著離騷賦問卜歸  
來又問巫

曉角清笳昨夜聽霜催草木盡凋零消愁有物惟醇酒知己難逢似  
景星檻外山眉今滅翠隄邊柳眼舊垂青宵深賸有團圓月獨為遊  
緬照北溟

人情閱向暗中探搜索文書再細參歇後誰曾識鄭五知兒我轉取  
朱三道深宜用虛懷領器重還憑大力擔悟得苦言為聖藥纔知諫

蘇州閣詩鈔

六

遊海叢書

果有回甘

瑕瑜相掩尙堪磨夢境沈沈可奈何睫在目前知者少人從創後悟  
來多寸心有覺都成悔尺水無風漫作波忘象忘言兼忘我低首未  
已又高歌

冬閨詞

瓊林玉樹淨無瑕輕送寒烟冷到家欲卜年豐今有驗枝頭密結霧  
淞花  
人自偷閒我自忙停針不語暗思量披圖數去將三九繡線應添幾  
許長

曉日曠曠暖不寒家家先備曬衣竿誰知卓午狂風起轉想前宵有  
月闌

雪霽野望

惟愛寒天淨晴遊東野東鞋溫宜履雪酒熱好當風草積村園白柴

燃店竈紅飛鴉知向暖噪日又盤空

血湧心田熱衝寒得得行風前孤柏勁雪後遠山明鶴淡飛無影冰

堅裂有聲浮雲何處是大地一同清

力學三年久平心愧未能山川如盪滌耳目盡清澄草沒雉眠雪橋

閒人涉冰仰觀兼俯察得意問山僧

庚寅元日

屠蘇小酌甕頭春淨几明窗不染塵詩欲求工常近拙書緣溫故始

知新每尋野老求遺事恆輯殘編壽古人架上牙籤分甲乙啟心何

異德爲鄰

香薰小屋暖於春靜掩雙扉遠俗塵家政宏規思率舊文章花樣喜

從新大蘇謔世惟談鬼小謝憐才更獎人一卷經書讀未盡車聲門

外又鄰鄰

古城

蘇珠閣詩鈔

七

遼海叢書

古蹟憑誰問殘碑僅記年碑在城東寺外上有大明正德嘉靖年字跡向可別識荒城今若此

古堞久頽然戟拾沙中鐵人耕郭外田倦倚危石坐老樹鬱春煙

莫笑峴山淚羊公傳至今此城應有主何事竟難尋跡向苔中沒春

從雨後深潮來衝鳥響似聽鼓鞞音

擬十索曲 三首

金粟散天香瓊枝綴玉藥采向小山頭攜入深閨裏服此駐紅顏從

郎索桂子

花開小院香花落兒童掃傷春春不知蜂蝶同懊惱何物許忘憂從

郎索萱草

清愛荷葉香涼喜藕絲片因泛蓮渚舟欲障蓉花面明月一手擎從

郎索團扇

關山月

月缺初擬雕弓彎月滿又比金刀環時缺時滿惟此月戌卒夜夜望

關山關山以外銀光爛關山以內人腸斷金波騰地倍加寒屈指已  
覺流光換流光已換仍不歸暗處隱燭青燐飛中原那計邊塞冷秋  
深猶未寄征衣望衣不至空咄咄撲面朔風砭肌骨忽聽關前畫角  
聲彷彿金閨砧敲月

獨不見

涼雨雖寒不成霰亂絲雖織不成絹征婦歲歲望征夫已去光陰如  
流電春露澤成桃李顏秋風瘦損芙蓉面道遠總覺寄書難敲砧又  
怯腕力倦婢娥弄影射長空照人歡娛在隔院酌酒定自勸金卮舞  
袖旋聽響玉鈿妾獨寂寞坐空閨歎息不覺淚如綫趾離作引如相  
通思君冀向夢中見

遠別離

春風駘蕩揚飛花怒馬馳騁人離家一日行程百餘里數日應到天  
之涯天涯遠望雲瀾漫天涯久住星霜換爭怪連宵夢轉多那堪積

蘇珠閣詩鈔

八

遼海叢書

歲書長斷一紙忽來千里書書來已是隔年餘此日差喜君無恙轉  
悵還鄉信仍虛草木託根各有處遊子行蹤偏無據鄰家前宵有客  
歸言君又渡桑乾去

春日詠懷

鳴春好鳥語雙雙又聽晨鐘向曉撞渡嶺閑雲穿石罅匝庭密樹蔭  
紗窗交人意淡恆違俗愛古心高不受降積悶年來遣未得澆書怡

喜酒盈缸

事不從心大半乖隨機何用巧安排花能蠲忿須尋種夢儻遊仙也  
慰懷暖谷生春消積雪和風無力破沈霾時爲三月三日陰算來差有家  
居好獨掩柴扉坐小齋

受戒何須讀楞嚴情多或許脫塵凡惟求長厚如張季莫蹈清狂似  
阮咸學積十年安我拙心澄一片任人譏何當駕得扁舟去好趁長

風飽掛帆

閨中詞

霧歛芳塘雨乍晴煙波初長水雲平鴛鴦可有修來福並蒂蓮中過  
一生

薰籠薰熱暖香柔繡帳重重盡下鈎底畏曉寒眠不起鸚哥屢次喚  
梳頭

春閨曲

一架茶縲引蔓長輕盈搖曳晚風香折來暫供花瓶養好待明朝助  
曉妝

花風有信盼花辰羯鼓催花不厭頻待到花開轉惆悵來朝花謝又  
愁人

菜花

野菽山肴尚許探園蔬滋味更宜諳栽培蘆葍倚村畔點綴籬笆到  
畝南苞坼今朝初吐豔羹調異日更分甘姚黃富貴稱名久無補蒸

蘇珠閣詩鈔

九

遼海叢書

黎也自慙

閒尋老圃到平疇細碎黃花一派幽開向畦中原樸素老歸林下也  
風流香清味淡偏多子春暮園荒已有秋笑彼凡英誇嫵媚一生惟  
上美人頭

踏青春詞

池塘新漲水平隄兩兩鴛鴦立岸西怪底閨中成對繡原來此物是  
雙柄

小雨初晴草色新深黃麗紫豔芳辰射干翠麥都簪偏如此山花也  
愛人

一派清音雜玉笙夕陽樓閣水雲亭侍兒不解求風曲賺得同人側  
耳聽

野水橫橋聚淺沙柳陰歷亂夕陽斜黃鸝却似多情甚沿路飛鳴送  
到家

消暑

午夢初醒靜蝶魂好書讀畢又重溫不留俗客長懸榻欲挹清風未  
掩門燕處堂簾須借福花沾雨露要知恩近來纔得安心法小事糊  
塗莫細論

慚愧年年自惹塵林園僻處好抽身蒙茸俗草難驚眼雅淡名花不  
媚人寡欲或為留壽客能開應屬葛天民多情已受情緣累且恐種  
多又種因

人蔘

草擅嘉名草亦靈遼東瑞草象人形獨含元氣鍾幽谷欲考良材注  
本經本經相傳野老知珍詳地道搖光散彩應天星搖光為北斗第  
七星盛京通志  
引春秋神農傳云搗病瘵切已能拯救不向松根采茯苓  
光散采而應為人蔘

園丁馴得向陰栽花不爭芳也自開本經自人蔘生  
陰地化無香氣每到世間誇異  
種須從谷內養靈胎大丹多是誤人物小草居然濟世才可笑秦皇

蘇珠閣詩鈔

十

遼海叢書

與漢武偏將仙藥訪蓬萊

也隨葦葦共敷榮榮朵子芽淺沿俗名俗於萌芽時得者曰芽薑  
於開花時得者曰朶子在野  
有時依紫椴盛京通志引高麗人獲寶云三椴  
葉背陽向陰有來求我假樹相尋五山將欲濟蒼生  
調和疾功原大變理陰陽性又平不是尋常凡草類求沽價亦重  
連城遼東蓬萊  
價最貴

益及人人性最仁不同人竟僅名人柔莖定續蒸黎命大補能迴天  
地春此草味甘原異俗其根年久更通神俗評人蔘單葉名把字雙  
葉曰二甲三葉曰燈臺四  
葉曰雙葉三葉者倍價三椴五葉須詳考勞汝岐黃作外臣

旅館消暑

深藏一室淡無言厭聽門前俗客喧雅愛閉花求物本靜參流水活  
心源事從錯後方知悔扇到炎中不解煩一片寒瓜心頓定何須強  
制驗風旛

松棚高蔭讀書堂抱膝吟詩逸興長冷眼觀人原近刻溫風入室尚

含涼蕉纔著雨聲先到菊未開花葉已香隔戶看雲雲自在不爲霖  
雨不空忙

閒情

閒情觸起上眉端往事從頭反復看潔已惟宜求雪鑑容人尙覺問  
心難耐居酒國思回暖悟到梅花漸忘寒記得前宵檐外立照人依  
舊月團圓

窗前九九點梅圖四壁清寒祇自娛俗眼誰能識玉璞素心久已託  
冰壺雲中白鶴惟求潔嶺上青松豈願孤小草靈根名遠志問渠還  
想濟人無

松山懷古

小憩松山下來尋山上松青松杳不見惟餘三兩峰忽憶舊戰壘因  
之詢遺蹤父老默無言微哂但務農升高望四極雲起鬱重重

杏山懷古

已度松山嶺因陟杏山岑山上土色紅猶疑戰血深有人荷鋤背言  
將折戟尋得此鑄農器勝於等閒金同坐談往事山鳥助清音

寧遠道中

車馬共悠悠長驅不暫留疏林黃葉雨遠浦碧雲秋水資佳興關  
河紀勝遊鄉心正無限歸雁下汀洲

獨吟

勞勞塵事恐無成獨自沈吟繞屋行月在身前應鑑我花於別後尙  
牽情耳聽地籟心長靜水過天風浪不平閉戶學書兼學劍此生未  
敢貌榮名

乙未元日

心驚歲月箭離弦駒隙匆匆又著鞭檢客遺書懷故友聽兒笑語想  
童年多能招忌原非福俗事看空轉近禪懶作應酬聊靜坐重簾緩  
下放茶煙

看破人情有別圖聽言且自託糊塗刪餘舊稿愜心寡數福新交知  
已無世俗澆漓競箕帚酒腸淺狹負屠蘇天晴一色雲全歛旭日輪  
紅耀火珠

丁酉元日

重簾高捲曉風柔散盡香煙未下鈎舊事紛煩纔住手新年景象又  
從頭杯中柏葉誰斟酌案左芸編自校讐試喚兒童烹活水晴窗小  
几足清幽

好山如許未登臨少待春和再一尋勝跡圖成從筆注幽懷寫出當  
詩吟亦知積冷芳華晚敢道隨年閱歷深海上雲飛將作雪清光映  
徹本來心

春柳

柳花未吐柳條柔纔沐春思葉已稠李固逢君登甲第王恭比汝擅  
風流肯隨文杏遮芳句欲傍垂楊隱畫樓自是向陽真得地清陰不

在曲江頭

當年曾讀義山詞也欲隨人唱柳枝暗託青雲添感慨隱牽紅豆助  
相思已過飛絮春芳老未到酣眠夢尙遲偶爾偷閒賞花外纔知不  
是少年時

夜漁詞

更雞尙未鳴乘月披衣起負網思夜漁行近溪頭止水淺剛沒膝網  
撒寒波裏撥刺激作聲鯊鮪十餘尾得意不貪多差足奉甘旨收網  
緩緩歸殘月墜煙水

惜春詞

已往許多春古人得所過去去不復回如水向東注四時景全佳惟  
春倍可慕萬紫與千紅一篇絢爛賦春來拒未能春去留不住惜春  
復惜春花飛又無數

暮春感事

太息人情薄似紗  
咲乖相聚亦天涯  
松蘿自號同心草  
荳蔻空傳並蒂花  
有鐵難多剛鑄錯  
其圭可寶竟留瑕  
悠悠泛泛良朋少  
誤聽浮言計總差

靜夜思量宜自慙  
漫將樛木託周南  
李生路側人知苦  
齊育園中味本甘  
飲恨無聲憐乳燕  
多絲自縛笑春蠶  
深閨月上看花影  
想像淒涼意不堪

### 落葉

質非堅固不禁寒  
又被嚴霜剝蝕乾  
月出皎兮天共老  
桑之落矣樹同殘  
楓橋偶泊吳江冷  
石徑全遮蜀道難  
不必芭蕉堪作紙  
柿林采取肆書丹

山坳隱隱露人家  
大樹連雲鎖晚霞  
此日談空無片葉  
來春仍作滿林花  
偶來杏塢思春燕  
莫對寒枝恨暮鴉  
落向波間漂水上  
聖人會意作浮槎

蘇珠閣詩鈔

十三

遼海叢書

### 殘蘭

曾將臭味結同心  
好按蘭花比素襟  
鼓瑟猶聽堯女怨  
臨澧已覺水香沈  
無多舊蕾憑誰紐  
有限根荄待客尋  
從此栽培勤保護  
零陵蕙草是知音

### 寒夜偶成

案左攤書子細尋  
俗緣全向靜中沈  
三冬月色三更淡  
一往詩情一夜深  
勉向時途管學步  
難將古調遇知音  
當年自恃年華富  
那想蹉跎直到今

狂風頓起吼庭槐  
幕地驚人倦眼開  
句得枕邊隨夢去  
心從靜後觸思來  
言能實踐殊關學  
悟到虛元不算才  
光射紙窗天欲曙  
殘燈猶映讀書臺

### 花影

芳春綺麗總堪誇  
朵朵紅雲簇絳霞  
共道梁園香有國  
誰知仙境夜

無非移來玉宇三  
更月印上瑤窗  
六扇紗借問嫦娥  
巧何似一枝幻作兩枝花

每到花天暖不寒  
佳人無語夜憑欄  
疑虛疑實形猶現  
非色非空悟轉難  
豔態可隨宵雨斂  
化身豈逐曉光殘  
參差又作玲瓏影  
海上金烏繼玉盤

### 南塘夏景

十畝園林入畫圖  
山莊佳景足清娛  
鳴塘下雨蛙棲樹  
綠蛙形小如鴨  
主兩俗呼之曰鴨  
穴待穿牆雀伏雛  
溪澗鷗多翻疊浪  
池深蚌老孕真珠  
年年作客勞車馬  
借問塵寰勝此無

撥卻荒藤過故墟  
晴遊何必駕巾車  
乘時博趣聊娛目  
玩景從心當讀書  
鶴立埕旁頻啄蟻  
鳩蹲洲畔自窺魚  
源頭活水悠悠去  
欲賞清流試問渠

### 書齋小景

偷閒逐日理詩瓢  
雅託名花慰寂寥  
濃綠酣紅我兼取  
階前補種美人蕉

### 新秋之密峯嶺因重遊窪子塘即景得句

蒼蒼木葉老將枯  
點綴峯樹似畫圖  
細語秋蟲隨草伏  
高飛鷲鳥入雲無  
馬行僻道憑衝勒  
人走危橋借杖扶  
嶺勢巍峩千百丈  
登臨絕頂望平蕪

### 登駱駝崖絕頂

才陟南崖又北峯  
羣峯疊峙不雷同  
千章喬木潑濃翠  
半壁斜陽逗淺紅  
磐石倚成危石枕  
大山環作小山宮  
詩懷眼界開如許  
頓覺塵緣一掃空

### 清籟軒秋日遣懷兼寄友人

文軒寄跡避羣塵  
雅愛時光景物新  
俗氣未除由近市  
秋光雖好不回春  
翼將熱血酬知己  
敢把冰心對友人  
月到窗前懷遠道  
清標還

蘇珠閣詩鈔

十四

遼海叢書

望德爲鄰

九日登松峯寺東山晚眺

秋山長聳秀有客忽登臨客去山仍寂蕭蕭落葉深天澄羣嶺息日  
哺半峯陰一歲年華好蹉跎又至今

樹影穿林入悠悠日已西霜濃黃葉淡風定白雲低偶有賓鴻至時  
看野鶴棲垂絲憔悴甚衰柳拂長隄

紅葉

青帘猶記挂前村紅杏花開引蝶魂向日曠脂誇紫塞今朝富貴豔  
朱門枝迎晚照初無影葉染青霜忽有痕錦片前程雲作錦乘槎欲  
擬訪天孫

白蝶

花影倚斜不待扶偶從花裏見花奴尤宜瑤草託琪樹也似冰心貯  
玉壺凡骨換來形亦幻真空悟到色全無瓊園調取妝臺粉再畫膝

慧珠閣詩鈔

十五

遊海叢書

王峽蝶圖

嫣紅姹紫入吟壇采取濃香蝶作團偶伴金鸞來秘館恆隨玉燕出  
雕欄居身淡泊能超俗立品清高卻不寒闈苑探花推重汝漫云本  
色入時難

黑蝶

儻伴青蓮住化城居身也忌太分明園中低舞春前集花下潛飛暗  
處行知白何妨言守黑嬉陰有意轉嫌晴繁花巷口稱王謝著得烏  
衣再訂盟

春遊出郊

和風習習送微涼穀雨初逢晝漸長紫燕飛飛穿杞柳青蛙閣閣鬧  
池塘無名小草同爭豔有色閒花亦解香偶值熟人談往事征車且  
緩駐斜陽

行次蚌溝

怪底晴光別樣新昨宵微雨浥浮塵青帘近杏三分豔綠水迎山四  
壁春小店難居偏有酒野蔬堪采尙無人村農時憩田塍畔細草茸  
茸當坐茵

瀋陽村居西軒卽事

村邊古木綠陰交已老榆錢匝地拋草醉濃煙鳩喚雨泥黏落絮燕  
營巢懶過市井嫌塵擾靜閉齋門待客敲何處風箏遊綫斷翩翩落  
上杏花梢

不希俗利不希名默對春光念慮平網結窗前蛛報喜音傳屋畔鶯  
呼晴三春景象隨時變一局圍棋莫論贏小立階前仰望天空不  
礙片雲行

得失何須太認真春來又是一番新苔衣印綠閒停屐柳眼垂青暗  
相人好鳥尙知求樂土遊蜂惟解戀芳塵色卽非空超色外翻開成  
案講佛因

慧珠閣詩鈔

十六

遊海叢書

望醫巫闔山

羣山如奔馬峻嶒嶺遠昨東昨縮凌河西陲控錦州北連紫塞關南  
赴碧海流峻嶺入雲表元氣共沈浮尖峰插天末石筍排戈矛削壁  
不可攀似拒人探幽下應有巨壑深遠蟄龍刺畫筆寫五嶽尙堪恣  
臥遊况逢真名山衆山非其儔何當因羽化高踞最上頭

我聞長白山山高數萬仞未入古版圖因讓此山峻拔地更摩天指  
作幽州鎮諸峰如兒孫俯首各効順木葉雖有名視此稱後進石產  
珣玕琪爾雅堪徵信疑卽今錦川珍奇同玉潤寶藏待人求山靈不  
慳吝竭來仙夏初殘花落成陣領略勿太疏停車子細認

山上何所有言有望海堂昔有耶律氏讀書山之陽高名標史册讓  
德邁尋常大地涵靈秀閱世產賢良賀公乃繼起進退慎行藏盜賊  
俱遵化干戈靖一鄉管公避魏亂龍頭姓名芳何如參性道後學見  
羨輜驅車過山側極目引領望古人不可作臨風慨以慷

巫能通鬼神醫能別生死與人均有益山名或取此小道有可觀今則失其理古寺大禪林安居永不徒鼓鏡雜鐘聲滿目佛家子更有老頭陀伊言祖李耳拜懺崇香燈住持雲霞裏釋家源無生豈在承歡喜道家源無爲豈在邀福社姑置兩不論倦遊將歸矣

關右道中雜詩二首

征鞭且止莫煩揮徒倚車中望翠微沿路細塵衝馬起隨風輕絮撲人飛驛旁列樹因時補水面殘花何處歸芳草萋萋欣茂對知他久已沐春暉

樹大陰清鳥亂啼一灣流水繞城西當頭雲晦霞光暗對面山高塔影低既向街前尋寓所又從壁上留題農人共說農工貴想到前宵雨一犁

旅懷呈德濟堂同年

纔覺涼風襲碧紗空堂老樹集昏鴉閒從窗下聽風葉也似春前感

蘇珠園詩鈔

十七

遼海叢書

落花詩寫性情存舊草水分甘苦試新茶飄蓬燕市勾留久旅館蕭條不是家

過十三站由南甸至牛莊作

匝地皆鋪雪飛禽爪印泥阜因平野小天入遠村低日淡雲增色天寒馬倦嘶人家遙在望已到巨壑西

渡碧流河

史名界

扁舟泊岸暫停橈穩渡輕車駟馬驕白浪疊生風燈水碧流忽溢海添潮臨河頓作澄清想飲酒能將碗碗澆遙指沙鷗三五個低飛斜

掠杏帘飄

再之金州次向陽堡作

山峰高復高海水深復深水深鍾錦貝山高毓黃金金州產金地名居人施網罟垂釣驗浮沈開礦不辭瘁披沙著意尋近海拾海月近山搜山林但得衣食足已慰百年心東望李蘭堡城輒古苔侵李蘭堡

向陽堡十五里西望石河驛喬木鬱成林亦十五里有古城烽臺頽欲盡太平已至今且自玩山水隴首聽鳴禽

溪村晚春

初換單衣尚覺涼遲遲日比小年長斑鳩聒耳纔呼雨紫燕依人又處堂煙走隨風流淺碧花飛如雨落殘香烹茶小助吟詩興久作林邊趁夕陽

不是爲農也在田此生祇合主林泉偶因小步來荒洲又對韶光憶

去年碧草舒鈎纔醒夢青蟲化蝶擬升仙詩中寓畫吾何敢莫道山村似朝川

過舊園

皴皮經雨緇蒼苔半悴花苞懶欲開幾樹棠梨枯若此我曾親見種時來嫩碧菁菁草又芳薺花細白菜花黃苔侵亂石堆泥土此是當年舊

蘇珠園詩鈔

十八

遼海叢書

草堂

成園古木尙棲鴉棘刺成叢雜野麻斷梗荒榛埋小徑相看不是昔年花

黯淡斜陽別有春殘花委地澆香塵不知來往銜泥燕可識從前舊主人

遊松雲寺

隨緣過北嶺緩步到禪林欲玩當前境因求現在心嚴霜花半隕秋老樹無陰縱得清涼意菩提何處尋

旅邸雜感

安居先要此心平察察爲懷是小明蟻垤雖微或疑步羊腸極曲恐難行人宜脫俗嫌違衆事不妨奇要近情回想春遊聽鳥語長隄林外鷓鴣聲

旅館雨夜

掃牀強伏枕蝶夢竟難尋蕭瑟三更雨淒涼一夜心壁寒燈影淡院  
溼柝聲沈倍助家鄉思幽蛩故故吟

刺麻屯曉發

旅宿難成寐催裝趁早行疏燈孤店冷殘月五更明冒曙人無語衝  
寒馬有聲途長時畏雨切切望秋晴

復州十詠

縷縷炊煙起陌頭隨風縹緲上城樓飛鴻渡嶺雲低就觸浪淘沙水  
急流日映荒臺千壑冷城東南山上霜催古木萬峰秋前生欠得長  
途債又自驅車下復州

地志詳查記未訛一州形勝入包羅山連北界花椒島島居城西北  
二十餘里

水繞東陲畢里河俗名碧流河一作畢里古史作畢  
魯源出蓋平縣布魯山南流入海戶尚淳良汚俗

少人敦禮讓古風多年年倘有豐年慶四野應聽擊壤歌

隨緣寓目盡怡情緩緩揚鞭計路行衰柳經秋全繞郭寒溪如帶半

蘇珠閣詩鈔

十九 遼海叢書

圍城鄉人淡泊差無競古跡流傳尚有名默想今宵天上月知他還

自照西平西平山在城北西北  
月為復州八景之一

渾淪元氣足包涵到處泉流水盡廿八里荒莊居郭北十尋古塔建

城南城南院內有古塔箇中應有靈光現寺內誰將佛果參灌頂醍醐

眞夢醒問渠可也湖龍潭龍潭山在城東七十里  
潭在復州八景內

危崖特立望西東削壁高延夕照紅苔徑今朝餘冷豔蓮池昔日足

香風蓮池香風亦是復州一景在城南  
二十里周圍約亦大二十餘里也人探勝蹟精神健物植深

秋色相空敗荷葉海上扁舟波浪湧迢迢一葉走孤篷

不須捫葛苦登攀策馬流連萬壑間溪水朝宗歸大海復州西臨海  
距城三十里

峰巒作勢赴橫山復州古為橫山縣此  
山在城西南近海村邊野老時來去浴外沙鷗

自往還鳥嶼周圍如片葉有人指點小舟灣

石枰留跡在山巔語帶荒唐說地仙老者手談拈子日樵人觀局爛

柯年柯山在復州東南二十餘里相傳山崩  
有石棋局謂柯山蹟亦在復州八景中小池如鑑澄秋影天

木干雲絡晚煙待到夜深明月上有誰悟徹慧珠圓

混混泉流出小塘村居父老得其詳因言此水三冬暖不似人情一

味涼看彼波中凝縷綠知他坎下毓硫黃溫泉在城  
東八十里每逢勝境留心

記此是遼東第六湯遼東溫泉最多余所知者鳳凰城一  
縣二海城蓋平各一復州為第六也

相逢何必問根苗博士為薪記兩遠地下神奇鍾石炭人間貨利設

煤窯煤窯在復州城南即城  
五十里地名五湖開山作穴如穿井引火成炊不采樵水

上輕舟代陸馬揚帆日望海門潮煤廠南距海口五里  
煤廠舟運便於用車

州城距鎮仰山靈四面峰巒翠屏菊蕊凝香三徑老鱗魚入市半

街隄寺中日色假樓赤永豐寺在城南關外永  
豐夕照亦八景之一島外雲光射海青願

氏將軍荒塚在開尋墓誌讀碑銘塚在城南

海城縣

再計前程續後程悠悠大路策車行山巒聳秀斜文寨山在城南  
三十里

石分堆析木城城在東南四十  
里基址尚存鶴已入雲懷士節雲中白鶴  
漢人鄉原人因擗

蘇珠閣詩鈔

二十 遼海叢書

戟想泉名許仁賢擗戟泉  
今名秋家莊於今遠溯高風格不羨荒郊駙馬營營在  
城東

人心叵測善逃形再莫輕言出戶庭吠吠連興獄訟親朋聚會謔

優伶山因冒雪頭先白柳遇逢春眼待青昔日龍頭屯尙在揮金艾

草想園亭管公屯在城北  
今名新臺子

觀物

萬物盡嬉春百卉多附熱嬌紅濃淡分麗紫淺深別燕麥與菟葵統

同歸一轍所以秋菊花獨自矜晚節晚節非不佳傲霜亦奇絕尙遜

嶺頭梅貞心堅與鐵不知天氣寒清極對白雪

暮秋由一面山之金州長句鋪作

時維月初三尙屬寒露節友人駕巾車邀我探巖穴匆匆整行裝悠

悠循軌轍清晨猶戒寒卓午始微熱爽氣拓清秋萬象同皎潔何須

事高攀卽此足歡悅况彼好峰巒環圍如屏列越嶺石齒尖留殘輪



歸錄

行行數十里西望一面山山峰插天起新霽  
秋顏石危撐上下群老鼓痕斑泉清出  
洞底溪流漾幾灣對此塵心靜惟覺客情  
閒駐車  
候幽賞片雲自往還村小藏凹裏炊煙  
出樹間夕陽冉冉下新月一  
鉤彎

夜行一更餘倦尋村莊宿小車街前停敲  
門進茅屋主人喜客來迅疾命童僕市  
遠少珍羞差慰家釀熟酌富洗塵佐食  
劑雞肉醃醉笑語溫燭翦花再覆拂牀  
且少眠雞鳴近載夙漸入黑甜鄉夢繞  
山之麓

來日向南行車從峽道走漸入山坳中  
四圍峰樹陡或如獅象駝或如牛馬狗  
或如小兒孫俯仰隨老叟或如孤立鶴  
羣雞為其偶大造呈奇觀形態包衆有  
仰面觀上天大若數十畝小憩借禪林  
烹茶代清酒

慧珠閣詩鈔

二十一

遠海叢書

磨盤山下路曲曲近水限浮沙沒車轍  
馬緩揚鞭催人家臨澗外旅店巷口開  
游倦趁早宿解裝入門來院僻雜草芥  
榻垢膩塵灰倦極難寐寐屢次剪燈煤  
小立石階下斗杓暗轉魁秋聲聽不盡  
落葉下荒臺

聞雞復命駕早渡碧流河河出山平縣  
在志許名里河再行三五里村小枕山  
阿橋橫東西澗場築南北坡老農呼歲  
數害稼暑雨多適逢三叉路未敢率爾  
過停車子細問周行亦不訛在原瘼  
白草除嶺陟翠螺牧童不解事猶作太  
平歌

紅日正三竿已到太平嶺霜嚴敢朝晴  
隨意觀山景草屋鎖炊煙黃葉淡村影  
沽酒店掛帘充饑客談餅更喜實主人  
飲食隨所請言及本州官立法獨尙猛  
治賊盜焚燒四民三人四境帖然此屬  
救時才差能安四境努力且加餐再試  
驥足騰

既到紅牆城城爲金州東界  
距市井一里餘稅駕天尙早

登彼烽臺高遠望秋光好海水湧清波  
舟帆懸素縞曲折順風行宛轉繞羣島  
長山大小島俱在市南市井在城東  
關儲貨實地名貌子窩古蹟莫尋討且  
自暢幽情得句入腹稿就下水東流誰  
挽狂瀾倒

昨宵尋店宿今朝問客程卓午風微動  
霧散一天晴連村多閉舍流亡合族行  
戶關大半寒草木敗縱橫差似已屋社  
不受天陽明尙有勾留者閒將水旱評  
連年遭淫雨那得卜西成宿愁因觸起  
感嘆難爲情

友爲金州人歸家就熟路因將捷徑尋  
轉被歧途誤一誤再誤餘日晚漸昏暮  
好月近上弦清光照奔赴風定晚煙  
暝輕籠若薄霧曲折避險溝巾車不留  
住尙有五六里指說長句鋪此地古名  
向關隘人聲依稀聞燈火出村樹

擬古

甲帳妾不見砧聲君不聞君懷深闔  
夢妾望塞邊雲不如天上月照

慧珠閣詩鈔

二十一

遠海叢書

妾復照君

擬古

世道幻於鬼人情薄如紙有人初娶  
妻恩愛真無比觀伊燕昵私若與同  
生死歲月曾幾何波瀾從中起來捐  
舊稿茶眷戀新桃李桃李非正顏延  
譽不知恥舊人如寇讐新人足歡喜  
結髮精練妻絕之已如此

重陽

麗紫殷紅照水涯開雲作色晚成霞  
峰頭翠蓋喬松葉潤側黃團野菊  
花淺淡似遊尋宿雁深林欲待未  
歸鴉年豐定少催租吏寂寂柴門  
靜不揚

旅邸久寓出郊有作

旭日流暉處處同幾知暖律入遼東  
疏楊細柳全含綠文杏天桃尙未  
紅已見陽光猶野馬還將雨意卜  
飛蟲栽培傾覆因材篤難體天

心補化工

覆轍檢令隋九藩同年

不盜虛聲不競長萬民歌頌是真祥曾聞仇讎化梟獍定看秦彭致  
鳳凰積著千秋讓子姓花飛一縣點公堂中河虎渡蝗蟲避豈讓前  
人獨擅芳

慧珠閣詩鈔

二十三

遼海遺書

慧珠閣詩鈔終

慧珠閣詩鈔勘誤表

卷	頁	行	字	誤	正
附錄	三	二二	一業立		立業
詩鈔	二	一七	一〇束		束
詩鈔	三	三三	一二裁		裁
詩鈔	九	二〇	一桶		樓
詩鈔	二	二二	一一思		恩
詩鈔	二	一六	八芳		方
詩鈔	一七	一八	一三壑		流
詩鈔	一八	二三	二〇疑		礙
詩鈔	二	二四	小註四民		市民

慧珠閣詩鈔勘誤表

遼海遺書

玉函

金銀

金匱

持

藥

中

藥

吳興劉氏  
嘉業堂刊

玉鑑堂詩集卷一

吳興叢書

烏程汪日楨著

同邑後學劉承幹編次

秋暮舟中

蓼花瑟瑟漾晴湖雁影疏疏傍碧蘆江上布帆江底月  
載將秋夢到姑蘇

題董鑄范參舟花坪長憶圖詩卷七四首

手把張融酒一瓶不教讀畫也惺惺天涯同作分飛鳥  
君是鴛鴦我存令謂未齋

家宴團圓昔日誇春風吹到又繁華從今只種相思草  
不看人閒富貴花

一樣乘鸞舊日姿費他潘岳悼亡詞倘教當着真真喚

未必終無下地時

一回展卷一魂消深夜孤燈只獨挑弄玉已無同去事  
秦臺空自憶吹簫若自題鳳皇臺上

次韻答戴秋憶四首

頻年碌碌感平生曠有粗疏懶性情煮胛時光真偏仄  
弈碁世事不分明何須博到錙銖利敢望傳來竹帛名

一水盈盈相阻處金蘭舊契且尋盟  
別後相思漫淚流天涯本與比鄰侔好如白傅娛三秦

莫學張衡賦四愁夢裏有途應共識閒中無句不相酬  
滿林紅葉飄零候瞬眼光陰又一秋  
中庭白醉愛冬陽今古閒來細較量世事多虛嘆墨子

文才全盡笑江郎塵閒那有登空道何處能藏隱化章  
還望他時頻過我與君同醉綺梅旁

紡車

比戶紡車鳴宵來聲唧唧伴我擁鼻吟咿哦互相雜民  
事有農桑男子勤稼穡婦人無公事所修在蠶織月得  
四十五全賴此永夕絡緯鳴秋風肌膚欲皸裂寸心如  
素絲緒亂難尋繹他年作嫁衣又為他人得織盡壁間  
燈我亦吟聲絕

夜坐

已逢長至候猶似小春時體弱知寒早窗深得月遲風  
威來北牖花訊到南枝最喜更籌永燈前一卷持

唐花

勝他翦綵出唐宮難火曾教晝夜烘只賸江梅三兩點  
清閒不入熱場中

囉噴曲

前月牽衣別歸期數正遙願君行估去莫上尾生橋  
擣衣曲

只恐遠成寒不惜擣衣苦但願郎心堅似此砧與杵

婕妤怨

回思遊龍日愁見玉階苔終歲如茵綠羊車來不來  
照鏡詞

對鏡理晨妝鏡裏妝何靚惟願妾與郎相將若形影

雜詩

駿馬處蒿萊不上黃金臺千金市駿骨驥驥相將來得  
士不愛士士至却復回世已無伯樂中心空紫洞苦遭  
鹽車厄胸次鬱不開

識字憂患始文章安足珍昔者秦始皇焚書非無因上  
古無書契愁不纏其身造字有蒼頡人始滴其真

人當貧賤時每憶一飯恩一朝得富貴不察雞與豚食  
前必方丈歌舞娛晨昏狐裘與短褐今昔殊寒温箕踞  
東面坐井蛙妄自尊千金不足貴一飯安足論王孫垂  
釣處干載波云云

世路盡崎嶇處世良獨難上古俗淳厚追憶空長歎有

如大海中滾滾多狂瀾插足塵寰閒何地身可安幸有  
田可耕不至飢與寒行路本非易慎勿跨征鞍

廢宅謠

落日荒荒映敗堵猶自依稀認門戶衰草何漫漫流螢  
草間聚我思人世真如寄生以自娛死相弃頽垣斷井  
瓦礫場盡是當年歌舞地君不見暴秦昔築阿房宮咸  
陽一火三月紅又不見黃圖臚載漢宮闕雕甍畫棟今  
無迹滄桑變幻原反覆深谷為陵岸為谷世間我亦王  
承福

賣兒行

母賣兒兒別母今年年苦飢賣兒藉餬口兒猶戀母不

肯行手牽母裾啼失聲母戒兒勿悲淚已如泉傾母非  
不愛子賣兒良有以兒去兩得存不然餓且死嗚呼有  
兒賣去心肝摧無兒可賣尤堪哀

和戴秋憶屋漏謠

春歸欲雨不雨天落花如雨在雨先今日傾盆雨更驟  
承雷不斷聲涓涓敲斜老屋上下濕廣僅容膝低齊肩  
有客埋頭坐兀兀耕視田擁書獨凭竹几讀芭蕉窗外  
何喧闐蕭然只環堵東鄰西鄰富厚原相懸君詩有東鄰何豪西  
鄰厚之句衣若懸鵝肘難蔽鎗已折足茶猶煎雨脚如麻坐  
不覺攤書相對無愁顏清貧一任俗人笑似狂非狂顛  
非顛傾君竹葉之美醜摩君玉版之花箋費君裁雲縫

玉一

四

月之妙手吟君縷冰刻雪之新篇始識讀書有至樂幽  
情都到花毫巔君詩寄我讀一讀為三歎男兒不能投  
筆向西域不能負耒耕東阡撐腸拄腹飢莫療守株待  
兔人誰憐敬墻敗屋世上知幾許安得杜陵廣厦千萬  
間

初夏江村晚步分韻得初字

濃陰滿庭綠草色餘平蕪好春已歸去倏忽及夏初聞  
步出柴門喜有良朋俱策杖遵微行清風襲衣裾桑陰  
一犬吠夕照明村墟古樹障茅屋直上炊煙孤遙瞻阡  
陌閒麥浪翻徐徐宛若雲藍紙畫作棋枰鋪一溪阻步  
屨淺水清而妹東坡詩有臨流水清而妹臨流恣吟嘯相與尋歸途

到門已曛黑斜月明窗疏

偶成

松關晝掩絕羈塵靜看湘簾漾水紋龍竹聲塵三逕雨  
鴨鑪煙聚半窗雲泛交朋友裁書懶得意詩篇錄稿勤  
若問忘機吾已久相疑底事海鷗羣

寄秋憶

次君與我締交深倘儻風流夙所欽名姓薦還遲狗監  
文章價早重雞林談天玉屑聞雄辯擲地金聲賦短吟  
何日攜將小蠻去白香山句是請小蠻去  
試覓老劉看謂酒榼也樽前重聽伯  
牙琴

秋夜坐月懷秋憶次董壺山 恂韻

五

冷浸中庭月徘徊眼界寬露寒蛩語靜風急雁聲酸觸  
緒人惆悵相思路渺漫悲秋何限意深夜倚迴欄

董鑄范

系舟

使人來索詩戲作用温飛卿愚儒輸

逋租句為韻

閉戶攤書自守愚且教磨硯學窮儒分陰可惜拋偏易  
寸鐵休持戰已輸裘典黑貂緣酒券門敲白板又吟逋  
秋來竟作潘邠老有客催詩勝索租

幽居

繞屋水灣環茅茨三兩間秋風颯然至落葉滿柴關入  
室唯良友登樓見遠山歸來喧宿鳥屋角夕陽殷

關蟋蟀十六韻

屈指西風到塵秋興又深爾方乘客氣吾未改童心好  
待金籠蓄何憂玉露淋瓦盆三浴待籬落一燈尋分局

葵爭喉登場馬載駿怒原憑寸草注欲擲千金旗鼓軍

威奮牙鬚武衛森錦裘披鎧甲鐵股仗霜鐔鬚觸爭何

益雌雄決自今陣非同螳列聲本勝蛙浮向口膚功奏

回頭敵陣臨兩蟲將鬪其一卻  
同謂之臨陳回頭技還嗤社鼠怯更笑書

輝宰相經曾讀將軍力可任酬勲叨粒米得意送餘音

東壁兵初罷西堂冷不禁幽微傳細語靜夜思惜惜

送亡妻靈柩安厝郎村感賦

塵昏鸞鏡掩妝樓空贖山阿土一抔白草憐卿將瘞骨  
青山歎我未埋憂鹿車共挽空留恨馬鬣初封更引愁

六

階下斷腸花又放傷心豈獨為悲秋

登尋東文昌閣同姚吟五師

益時

及鑄范壺山作

同泛輕舟水柵東危樓憑眺豁幽衷秋明露髻煙鬟外

人在雲窗霧閣中近水風翻蘆顛白遠村霜染樹搖紅

誰攜謝眺驚人句搔首青天問可通

對酒歌呈壺山

人生不稱意閒愁千萬端俯仰天地閒胸懷不能寬樽

酒幸未空相對聊盡歡浮君大白君勿辭舉杯聽我歌

新詩新詩未終曲激烈中心悲世人熙熙逐利來東門

車馬奔如雷掉頭不肯事清雅那知歲月頻相催嗟哉

世路何崔嵬我姑酌彼黃金壘肥魚大酒博一醉醉倒

聊作吳兒哈仰天大笑不可止問爾紅塵奔走何爲哉  
董夫子拜五經麴蘖夙所耽一飲不計航杯行到手莫  
暫停人間萬事鴻毛輕古來達士孰與京會當荷鍤從  
劉伶

夜坐

無限傷心處秋聲着意聽不知明月好愁擁一燈青

白秋海棠同壺山作

宛似三春月轉廊幾番疏雨洗紅妝冰魂脉脉秋離影  
涼露娟娟夜斷腸淚瑩瑤階微有迹夢回銀燭冷無光  
輕盈獨倚西風裏莫恨瓊姿總未香

寄戴銅士 錄金 次壺山韻

落葉滿庭宇相思日以深百域名士業一片故交心杜  
甫暮雲句鍾期流水琴鯉魚風正急好爲寄清吟

舟行晚眺

十丈蒲帆破浪紋篷窗獨坐酒微醺日趁斷港人呼渡  
風緊寥天雁喚羣兩岸荒蘆翻白雪干畦香稻擁黃雲  
星星蠟火停舟處小市寒更隱約聞

寒夜枕上作

深宵獨自擁桃笙竹籟聲虛夜景清觸緒平添愁萬斛  
支頤坐到漏三更松窗月白知燈暗紙帳寒深覺被輕  
卻笑我真同蠖屈冬烘頭腦愧平生

同人分咏歲暮故事得賣癡歎

誰把癡歎買沿街叫喚頻流光幾歲逼舊例小兒循滯  
鈍真慚我聰明易誤人願留思卷在常作葛天民  
擬自君之出矣

馮道

自君之出矣不復畫雙蛾思君如絳蠟夜夜淚痕多  
孝謹知名量更寬可憐亂世立身難卻教四姓恩榮外  
太傅銜加又契丹

同人游法華山用東坡韻

高峰直接碧落界泉水出亦飛一派舊游茲山只獨往  
今日攜朋胸臆快攝衣直上湖山澗咽石惟聞響泮泮  
具區一覽四萬頃始歎耳目平時隘孤墳宿草恣憑弔

三

八

總持舊蹟半殘壞若然長嘯萬峰巔狂態不畏山僧怪  
蒼松一逕穿雲來徒倚何愁赤日曬摩挲碧蘚讀殘碑  
字字藏稜作倒薤我生苦愛佳山水局促安能脫塵械  
置身偶到清淨區快癢渾如爪爬疥敢將新咏紀此游  
筆勢縱橫銳長鐵沈吟更示詩酒侶願于無忘雲水債  
次壺山立夏前二日偶成韻

春事匆匆又一年鶯愁蝶怨感無邊綠陰芳草消魂地  
細柳斜風覓句天浮白杯深宜我醉洗紅曲好爲花憐  
闌干十二部凭遍敲得新詩興欲顛

閏四月八日次吟五師雨夜韻

風風雨雨黯吟魂天擁濃雲日又昏聊借敲詩消此夜



卻教浴佛憶前番  
沾春屐印橋邊路  
煮繭香催野外村  
只有老漁應更喜  
三篙漲沒釣磯痕

寄袁子瑜 修瑾 惠州四首

嶺雲江樹總淒然  
相隔迢迢已六年  
只有多情屋梁月  
照人七十八回圓

銷夏年年啖荔枝  
炎天冰雪合編詩  
江鄉風味君思否

三月蒹蘆四月鷗 查夏重有炎天水雪集取諸吟蒹也

又看冬殘春復還  
遙知鄉思滿江關  
羅浮放徧梅千樹  
可似銅坑鄧尉山

別恨都教付短吟  
平安兩字慰離心  
女嬃定亦思家甚  
况復經年梗遠音

雨後偶成

昨日日沒胭脂紅  
今日不雨亦有風  
由來諺語是詩料  
占驗傳自田間翁  
黃梅天氣苦鬱塞  
小窗兀坐心疏慵  
覓句更苦詩思澁  
花毫已禿百鍊鋒  
忽然一雨倒盆盎  
簷瀑不斷飛淙淙  
農人插秧正盼雨  
餘潤波及青苔濃  
階前眾綠色尤淨  
清味一洗芥蒂胸  
故將好景佐吟抱  
造物惠我亦已豐  
世有詩人天所喜  
愚能使智拙使工  
哦成佳句每自詫  
詎知天意非人功  
淋漓與會莫孤負  
不然過眼終成空  
拂棧潑墨恣揮灑  
開襟更爲傾郵筒

夏日漫興

曠啟炎天莫向東  
生憎朝旭射窗紅  
安仁賦筆閒居裏

元亮詩懷飲酒中  
畏熱人情牛喘月  
耽吟樂意馬嘶風  
乖龍底事慳雷雨  
溽暑難教一洗空

鑄范見和雨後偶成詩賦此索和

雨餘聊復賦新詞  
妙詠煩君寫色絲  
萬綠閒庭摩詰畫  
三紅好句子和詩  
奚奴奔走心都怨  
後世傳鈔想太癡  
我已枯腸搜索盡  
塗鴉滿紙莫相嗤

夏夜

最愛中庭坐涼生  
暑氣收蟾光宵似  
畫蛩語夏先秋露  
重夜逾靜風輕雲  
自流不知何處笛  
到耳韻偏幽

哭戴駿伯芬二首

三春曾憶共班荆  
遠計初聞四座驚  
方幸蘭交尋樂事

三

那知蒿里起悲聲  
人來傳說還疑誤  
夢裏相逢尙似生

寄我花牋詩句好  
感懷忍檢篋中盛

深交十載兩心知  
使我開絨淚似絲  
張邵本來能擇友

鄧攸底事竟慳兒  
輪迴一度遺蟬蛻  
名姓千秋想豹皮

百日時光彈指頃  
別君詩又哭君詩

題美人曉妝圖

朝日曛曛度磚影  
芙蓉帳裏春眠醒  
攬衣推枕起晨妝  
柳腰無力花容靚  
奩開明鏡啟盤龍  
釵鈿縱橫寶髻鬆  
捲袖摻摻紅玉軟  
壓梳冉冉綠雲濃  
侍兒春暖羅衣薄  
金盆捧水臨妝閣  
鳳皇衫底玉瓏聰  
翡翠裙邊珠珞索  
青春豈識容輝減  
淺暈紅潮上蓮臉  
寶鼎初熏蘭麝飄

朱唇乍濕胭脂染教儂此事替生愁枕上春痕一線留  
蟬鬢蛾眉顏似玉水晶簾底有人不

鑄范以詩見貽疊韻酬之

匡居嘯傲殊足欣世上軒冕如浮雲可同三絕得名鄭  
不作四字書空殷蘿襟蕙帶樂閒散胸懷瀟灑早出塵  
與酣落筆搖五岳成篇不假研鍊勤未消纖塊已形穢  
盧前王後何敢云君詩音響清且越珊瑚敲碎頗黎盆  
挑燈按節讀新句擊瓿叩缶聲傳秦駭躍驚矯如駿馬  
縱橫不受六轡均我非周郎慚顧曲吟唔兀坐打頭屋  
莒蒲縱已具九節下拜還須向修竹相師相友亦有年  
企君苦少追風足左圖右史供披覽渾忘盛夏天鬱燠

王

十一

撐胸文字五千卷詩癖書淫笑貪黷日耕何日始有秋  
旁人難免多譏議酸鹹薄俗好總殊惟我與君同嗜欲  
煙霞澹泊每相期深交真覺如楊穆與君西陽搜逸典  
貫穿四庫第七錄青雲那復羨公卿莊叟曾云學爲福

再疊前韻索鑄范和兼示壺山

人生涉世何可欣白衣蒼狗天上雲論交幸與少平遇  
襟期坦率意更殷一室相對有至樂隙中不計野馬塵  
搜天幹地覓佳句蕙心蘭思何辛勤有時波濤驅史筆  
人云豈肯我亦云有時偶中徐逸聖自傾田家老瓦盆  
有時讀書稽往古收拾殘燼求先秦有時獨憑烏皮几  
援琴再鼓通三均新吟更復歌一曲機雲分住東西屋

壘篋倡和時有詩腹稿胸中貯成竹我欲從君附驥尾  
可許三人列鼎足每逢示我錦繡篇但覺披拂和風煥  
彩賤時更乞新詠無厭真如貨類贖君才勝我須十倍  
欽君敢以後言講飲醕竊喜得知已世上小兒非所欲  
何當結鄰日過從使我移情入淵穆洛陽紙貴可知不  
好把君詩細鈔錄一編在手時吟哦有才如此終爲福

以素筆乞鑄范畫山水

董君畫品雪裏蕉一揮紙上驅波濤經營意匠何慘澹  
下筆健捷如飛簡紛紛求乞殊可厭雖有絕藝深藏韞  
一請諒亦不我拒與君自是忘形交筠裁紙翦聚頭扇  
蒲葵紈綺非其曹丹青恰稱圖繪手點染爲我抽霜毫

王

十二

十日五日作水石波光森森山高千岩萬壑屢迴轉  
蜿蜒起伏騰青蛟苔蘚疏疏點可數松杉落落葉未凋  
煙嵐新妝媚秋日數椽野屋臨山坳芸窗荔壁塵不到  
參差上有三重茅鳴泉屋後飛瀑布想見清冽勝虎跑  
鏘珠濺玉赴谷口平溪渺瀰橫長橋行吟有客方策杖  
幾行疏柳垂絲繚鷗羣鷺侶疑可狎沿谿小艇撐漁篙  
對此好景自幽絕高隱何必新篇招我詩頗似摩詰畫  
可能此境圖中描畫成他日持我手遠勝數幅懸生綃  
動搖涼意滿襟抱盛夏酷暑俄頃消理絃更鼓琴一曲  
眾山欲響風騷騷以詩易畫倘見許厚貺奚啻千金叨  
中庭露坐涼甚

靜掩重門欲二更移床孤坐起吟聲夜涼暗覺秋將到  
雲動翻如月倒行白鳥喙長三尺利青螢光閃一燈明  
須知團扇捐還未莫向西風訴別情

鑄范和予乞畫詩云畫以詩索報以酒青州從事

吾應叨疊前韻答之

傾樽不用魚枕蕉酒船拍拍凌驚濤醉後落筆不經意  
於菟飲羽雕中騎元氣淋漓力雄健新硯一試刃未韜  
君畫本與詩爭勝惜哉紅友非深交吟成可與蘇陸匹  
繪出直是倪黃曹披圖覓句聊悅性臨窗時復飛窈窕  
詩篇畫本兩奇絕令我仰望嵩衡高精采紙上何炯炯  
快劍所斷長橋蛟流傳後世定不朽也如松柏終後凋

五

三

縱橫意氣恣潑墨石硯磨久成深凹詞壇君更樹一幟  
分封豈僅同邢茅倒醅雖復苦量窄小廉得食如雞跑  
俊才於世卻寡和詩人不數丁卯橋平生耽飲我自笑  
微醺輒解腰閒繚長鯨掉尾百川吸酒池頓減波三篙  
擘牋頗亦喜吟咏逸興坐待初筵招不矜獺祭詞藻富  
畫手空學龍眠描行當就君更乞畫煙輕霧薄裁吳綃  
佐以青州六從事坐令纖屑俗慮消寫生如見北苑筆  
清吟宛誦南國騷論詩讀畫快簪盃醪醪滋味應重叨

七夕詞

銀潢影沒明蟾魄烏鵲成橋斂輕翮花瓜穀板啟芳筵  
相傳織女渡河夕五銖輕曳仙府衣七襄停織璇宮機

玉露宵溥濕仙袂羅雲秋薄飄靈旂風前切切聞私語  
別後相思積如許便教永夜話團欒可奈經年悵修阻  
天公那得聘錢蠲兩情脉脉空延伫巧思爭似世間多  
愁絕癡牛與駉女世間乞巧卻情牽紅袖深宵人未眠  
爭向天孫求智慧宛針蛛盒排筵前那知相望明河際  
終古雙星自凝睇一卷荒唐志怪書遂教千載援成例  
我亦披襟坐晚風不將犢鼻挂庭中郝家書籍腹難曬  
郭氏駟車望久空惟有客言差可用夜涼合罄酒千鍾

詠古樂府五首

芒碭雲

芒碭山漢高里所居常有雲氣隨丈夫豈不當如是泗

五

四

上亭長作天子韓彭誅戮由呂雉戚夫人亦作人彘芒  
碭山頭野雞飛芒碭山上雲氣微漢家火德何危哉幸  
有周勃左袒來

女博士

女博士習文史此身不為袁家死五官中郎作天子當  
塗高鄴城屠今年破賊正為奴可憐女博士空負才華  
多柏舟之死矢靡他白圭有玷終不磨驚鴻游龍奈若  
何

解議圍

青絲障解議圍清談竟日玉塵揮小郎辭屈將何為咏  
絮才繁花舌一逞機鋒難諸客嗟哉王郎不意天壤有

逸少之子亦非親恨不參軍配新婦

孃子軍

孃子軍唐皇開國垂奇勳南山亡命數百人京師一定  
萬國賓長平公主七萬兵屹如山岳城不能褒公鄂公  
何足稱軍以孃子名勇略孰與京君不見黃天蕩夫人  
城

女主昌

女主昌以武代李周易唐唐皇在殺李君羨王者不死  
武媚孃武媚孃歌聲起後宮才人終禍水倘使將身作  
男子古來莽操不足擬嗚呼晉陽當日構詭謀毗沙門  
為張尹留後世父子多聚塵女主昌將誰尤

家山破

家山破新詞一曲更誰和北兵深入無摧挫家山欲破  
真無奈儒生只解工詞章安能南面為君王江南李花  
零落隨風颺重瞳子樂游台念家山破何為者江頭已  
唱檀來也

將至雙楊寄鈕山琴

涼秋動離懷空齋對風雨故人近何如盈盈一水阻憑  
欄望天末相思獨延伫便欲駕輕舟嘔啞聽柔艣為問  
入秋來新詩積幾許

月夜

如此中宵月幽庭景最宜池清魚易數露冷鶴先知靜

覺花香發閒看樹影移秋聲不堪聽可奈夜闌時

八月十五夜對月招鑄范

飛光欲暗牛斗星纖雲四捲開蒼冥一年一十二四月  
輪滿只有今夕萬里同陰晴舉杯欲飲思好友起視簾  
箔凝寒晶當頭暈明鏡團團海上生天公淨洗兩眸子  
澄波萬斛倒挽銀河清然犀水底一照海若驚揚鬢掉  
尾拍水魚龍腥瀟湘帝子何娉婷霓裳玉佩聲冬丁蓬  
萊彷彿如可即鸞鶴戾止雲駢停仙之人兮倏何處但  
見靄靄香霧浮空庭董君久不見感此睽隔情何不過  
我飲美酒百川吸盡奔長鯨瓊樓雙扉敞昂首長空青  
吳剛斫處桂樹流芳馨紫雲一曲欲向玉署珠宮聽酌

三

六

君鷓鴣杓鸚鵡鏞此中激灑映徹金波泓舉手招結璘  
大笑飛一觥露華下參影橫階前蟋蟀鳴秋聲廣寒月  
姊為君立深更明蟾欲落不肯落待君抽毫進牘三峽  
詞源傾

薄暮小立門外有作

颯颯西風冷袷衣平疇近水稻初肥波生圓沫知魚聚  
人立斜陽待鴨歸欲暝鄰家燈已上未霜老樹葉先稀  
昏黃月照空庭滿蟋蟀聲中自掩扉

秋日示鑄范

靜覺日猶永香煙燼怒猊雨多秋水闊雲重暮天低煮  
茗生魚眼搓橙擘蟹臍談心有良友何必宋窗雞

暮秋

滿眼秋光已欲殘  
霜天薄暮釀輕寒  
煙空遠岫齊挑響  
潦減寒江盡露灘  
近市人家謀酒易  
遺閒詩句覓題難  
宵來砧杵繁聲起  
把盞高歌且自寬

秋將盡矣菊花始放

霜意昨宵冷  
時光九月過  
東籬好秋色  
問訊近如何  
晚節原宜傲  
幽香不在多  
攜尊日相對  
何羨采芝歌

贈張春水 二首

孝友高風物外清  
清時猶不羨公卿  
君舉孝廉方圖中  
正科不就  
寫夢萱無影  
有北堂萱影圖  
林下聯吟絮有聲  
陸夫人璞卿水  
惠亦能詩  
石僧絲新畫稿  
篇章子野舊才名  
十年前已神交久  
今

王

七

日纔欣掃逕迎

提攜詩卷與琴囊  
來訪潯東舊草堂  
新雨叩門雙屐響  
清風入座一襟涼  
周旋容我情疏嬾  
談辯輸君氣激昂  
但得相逢休恨晚  
何當卜築傍鄰墻

玉鑑堂詩集卷二

烏程汪日慎著

同邑後學劉承幹編次

海寧舟中作

錯疑梅萼放溪頭  
烏柏荒村點綴幽  
霜意紅催千樹晚  
波痕碧浸一帆秋  
旅程排悶聊浮蟻  
畸士忘機許浴鷗  
日暮鹽官城外泊  
涼颿初起夕陽收

舟中讀鑄范滂溪權歌百首為題長句

清風橋口溪水清  
詩人風雨屋數楹  
鴻篇雅什足千古  
歷倒元白詞壇名  
忽然降格吟風土  
遺跡詳考太尉城  
一時俗尚固可紀  
古來文獻非無徵  
繼響圭塘歛乃集  
故將絲筆揚新聲  
打頭居室比舟小  
時聞空外柔鱗鳴

五

玉鑑堂詩集卷二

卻欣清景助吟思  
百篇頃刻揮毫成  
漁謳棹唱詎鉅製  
亦見才大如滄瀛  
縱付蓮娃與菱女  
直和鳳管兼鸞笙  
豈似嘔啞更啁哳  
山歌村笛難為聽  
殺青寫定出示我  
扁舟適有鹽官行  
篷窗吟諷不忍釋  
夜深獨擁三尺檠  
秋聲四面似相答  
萬籟蕭瑟蘆花汀  
鼓柁一唱塵慮滌  
滄浪之水濯我纓

安瀾園四十韻

綠野千秋著  
丹臺兩宇標蓬瀛  
連浩渺風月恣鏤雕  
疊石岡迴復栽花  
土沃饒古藤臨水樹  
修竹上山椒蛇  
蚓彎環逕虹霓宛  
轉橋塢深丹桂發  
岩迴絳桃天瀾湧  
清於染嵐堆黛欲  
描青杉橫小牖碧  
荇碍輕橈櫻顆珊

瑚樹楊絲翡翠翹  
漁磯坐煙雨曲水泛樽瓢  
十二飛樓  
做三千眼界遙  
相君當日住  
舊為海寧相國陳文簡公元龍別業  
塵域此

中趨梓里金貂擁  
槐廷鼎鼐調  
花開春擊鼓人靜夜  
吹簫旌建風曾相  
舊有相屋  
杯傾月可邀  
新盟結汀

鷺芳宴薦江珧舞態回  
紅袖歌聲記綠腰  
玉梭鶯語滑  
金勒馬蹄驕  
琴韻鳴珠柱  
茶芽煮石銚  
蘭焚煙細裊棠

睡燭高燒好著歸  
田錄如聞擊壤謠  
樓臺餘百尺  
雨露  
荷  
三霄雲暖丹楹護  
風和翠蓋飄  
時巡六飛騁行

在萬靈朝寵命題  
宸藻清音譜大韶  
鳳毛綿世德鸞  
輅扈清鑣  
文簡公于思亭先生官侍讀  
歸志初心遂  
豪情往事消人

留華屋感我為  
婿鄉招賢主誇三薛  
石民國琛用齋鴻達少山宗灝昆季

才名擬二龍園同游  
獨樂意可慰無聊  
來趁探幽屐剛

看指亥杓關心重  
駐足回首憶垂髫  
丁丑秋曾游此  
淺沼晨垂

釣孤燈晚聽潮  
詩情煙外樹畫本雪中蕉  
苔蘚尋陳迹  
亭池訂久要  
蠪蟻遍堂宇  
鷓蟀換昏朝  
遠嶂耀梅綻空

庭悴葉凋菊黃無  
戲蝶林黑有鳴鴉  
觸目頻興唱吟腸  
祇愧枵猶疑釣樂  
奏松籟起回颿

夜宿安瀾園  
深宵留宿景何清  
相國園亭舊有名  
小院夜涼延月色

幽窗夢醒警潮聲  
室生虛白孤燈暗  
葉墜危紅萬樹鳴  
我更游行思秉燭  
松濤竹籟總怡情

偶興

偶因就日向南榮蓬戶苔封道俗情迎暖江梅動春色  
塵風庭樹走濤聲書鄰茶鼎温常借硯傍香篝凍不成  
清況自吟吟思愜工詩何在不平鳴

舟行

放艇沿溪去斜陽沒半篙煙橫千嶂失水落兩厓高倚  
棹邀初月尋村買濁醪晚鐘來遠寺百八吼蒲牢

買舟將至海昌

一葉扁舟泊水隈片帆將到海濱來歸家待我攜樽賞  
寄語庭梅莫早開

寓意

窮儒誦詩書感恩因一飯自守箴瓢樂未覩金玉燦如

觀孟中水豈識海浩瀚富家擁厚貲踵決笑原憲一粒  
我已重千金彼未見炊蠟代荆薪抵雀用珠彈爨琴何  
足悲煮鶴良可歎有時鄙吝生亦復錙銖算垓築眾蟻  
勞牢破羣羊散縱知暴殄非習慣那能變盛衰亦須臾  
何用彼生羨我安我脫粟晚食勝珍饌一介取子嚴雖  
貧奚足患

夜坐

朔風生峭寒擁裘夜深坐回首故園春梅花應念我

歸家

月將殘歲欲暮帆影依依指歸路在家心常慰離家意  
難開夢回喜聽鄉語熟扁舟侵曉歸家來歸來一笑問

無恙寒香如雪離邊梅

得友人書

過從還憶仲冬初良友天涯又索居竹帛千秋文苑傳  
江湖一紙故人書深交已久心偏淡遠信能通迹未疏  
庭外寒梅開正好抱琴何日訪吾廬

題董茗菴先生遺集

我有詩癖成膏肓頗恨蘇陸今已亡先生遺詩數十卷  
直追二子相頡頏詞氣清空笑癡祭筆意變化參龍翔  
一編祇自寫肝肺千秋何足論短長此身雖朽名不朽  
詎止聲價雜林昂我初識君尚髫鬣君將五十鬢未蒼  
姿儀三春柳濯濯襟期千頃波汪汪彭家不取掉書袋

三

李生自負盛詩囊酒酣拔劍中夜舞高談雄辯鬚眉張  
兒時不解是何語但覺齒吻含風霜家貧囊益少儲粟  
先生覓句方徬徨氣含蔬筍語更妙微哦淒咽啼寒蟿  
始知迺甚樂疏水遠勝列鼎烹豬羊我年十三解吟咏  
殞官君已宿草荒狂搜險覓不知止亦有好句胸中藏  
言情卽景難彷彿先生腕底先掄揚開編恍若獲故我  
恨未親炙從門墻天若假年君尙在一燈相與論詞章  
上窮風騷下唐宋明燭今古分毫芒未必謂我作矇瞶  
騷壇獨自行俚俚

安瀾園觀梅花

平泉獨樂今誰匹千樹江梅態幽絕落英溪口舞春風

破蕊橋邊擁香雪趨炎雖近富貴家耐冷未改冰霜節  
芳園名勝想千載相國繁華空一瞥看花縱已到子孫  
玉砌朱欄早缺缺蒼涼池館不勝愁零落枝柯那可說  
疏籬幾同蘭蕙蕪寒花只共蓬蒿活寓公舊下董生帷  
謂若菴 幽栖如入林逋室新吟脫稿髭已斷破褐臨風  
膚欲裂神清骨冷與同調對影成三更宵月一自先生  
悲宿草姑射仙人亦悽咽十年未覩詠花人空谷幽姿  
分埋沒俗客何曾解愛憐游人歷亂爭攀折我來看花  
花欲殘斗柄建寅十八日幾枝點綴荒園裏感慨滄桑  
入詩筆索笑徘徊暮復朝旁人未免嘲寒乞花應許我  
託知音小劫莫悲風雨疾

五

五

正月二十二日陳石民用齋昆季招飲遂同至海

上觀潮

春帆十幅來海隅聽潮日日高樓居蕭條風景疑秋徂  
落梅如雪中庭鋪晨興窗下坐正孤君家置酒相招呼  
雜陳海錯羅盤盃開園翦韭擷春蔬瓊頭良醞如醍醐  
一飲爲君傾百觚酒闌坐起日已晡忽思觀海同嬉娛  
相將攜手出郊郭路近何必呼肩輿衣襟散亂行次且  
醉倒欲倩旁人扶濤聲已聽驚雷如奔走迅速時恐逾  
路人爭向捷徑趨心急轉覺途多迂爾曹竭蹶何其愚  
豈知我意與彼殊觀潮不及計匪疏望洋亦足舒鬱紆  
相於緩步姑徐徐海若有知還待子濤頭一綫萬馬驅

鯨魚逐浪如奔狐遠山煙靄疑有無熒帆蜃市凌空虛  
驚波鬱浪過須臾塵懷一滌清襟裾壯觀創見喜僕夫  
此行跋涉眞良圖游人興盡循歸途一痕斜日留桑榆  
會待高秋八月初與君挈榼兼提壺點波明月不夜珠  
夜潮雪捲雲模糊知君意氣尤豪粗醉吟走筆工描摹

放歌

頽波誰復挽江河拔劍中宵一放歌涉世可憐同調少  
傳名常妬古人多深交只爲錢刀耳定論將如竹帛何  
已覺閒愁消未得天公偏使病相磨

題陳文簡公元龍愛日堂集

出處一生著詩篇卅卷收文章唐手筆襟帶晉風流薄

三

六

譴名逾重 殊恩禮獨優芳園足娛老吟興更清遒

題秋憶蒲塘昔夢圖

記得當年住蒲塘一水旁鶯花春進酒風雨夜聯牀燕  
壘遷移慣鴻泥感慨長但教留此幘任爾有滄桑  
已恨推慈竹傷情只涕欲龍頭又淪沒雁序各分飛笑  
語成前夢蒼涼感夕暉豈惟人事改風景亦全非

折臂行爲姚璠濱前賦

昂藏七尺未衰老一鞭汗漫長安道當前夷險識未明  
顛躓摧傷信難保蒼穹高高不可問文士由來例潦倒  
今年君始來菰城酒酣爲我談平生曾經墮馬折右臂  
十年舊夢猶驚驚筋傷骨碎旋平復幸遇良醫三折肱



至今每逢陰雨夜往往臂痛常達明一肢幾廢由顛仆  
未識天心竟何故既不能握寸管萬言射策金門去又  
不能請長纓橫刀殺賊樓蘭路嗚呼此臂亦何用不過  
揮毫擅詞賦文章不值一杯水小技如何天尚妒君不  
見昔年瀚海冰山間將軍奏凱西征還三公折臂幾先  
兆領取封侯入玉關儒生只合棄置耳伏櫪壯心終不  
已勸君閉戶勤著述千秋業富名山裏左丘國語龍門  
史從古文人有如此莫把新豐老翁比

同珊濱銅士至天寧寺觀唐人書石幢過天聖寺

小憩

言尋梵王宮拄杖扣禪戶佛殿半傾頽林立經幢古苦

三

七

無人護惜摧殘委泥土淋漓屋漏痕缺畫何由補乃知  
天地間美惡同朽腐不見墓前碑終爲柱下礎

無塵訪古殿攜手復同行問路得蘭若到耳鐘磬聲浴  
龍記舊事小沼猶澄清畫竹泯遺迹古壁多敲傾池魚  
自驗喁林鳥無喧鳴不敢談世務恐使魚鳥驚

與許心如光清論詩作此贈之

古人論士先器識文藝末技非淵源知君孝友久稱著  
十年閉戶耕硯田卽觀詞賦已妙絕鴻章雅什飛聯翩  
才華升斗天所賦如何多寡君獨偏世人亦解學吟咏  
往往自詡錦繡篇不知元著在象外塗繪雜取青紅填  
豈無佳句足諷誦只就容貌誇麗娟菽麥能飽豈香稻

潢汙可飲非巨川賞譽未必定美好平生恥與爭先鞭  
海濱小住二十日忽過許子心歡然不須傾蓋已如故  
萍蹤邂逅寧非天情懷令我解鬱塞論詩相對青燈前  
君如駿馬謝羈勒枕中秘帙惟青蓮詞源浩翰倒三峽  
吟情豪邁驚四筵我詩頗喜出新意辦香虔祝東坡仙  
不將唐宋分軒輊與君嗜好知誰賢有如登山選各異  
終須同造高峰巔期君他日向廊廟德行尙在政事先  
何況雕蟲小技耳志士豈屑文章傳髯蘇傑句且移贈  
一鳴一止三千年

舟中對月用放翁韻

長天秋水無纖雲江空月出留征人不須回首念離別

三

八

倚棹江心臥明月三更清露侵衣冷兩岸蛙聲喚人醒  
忽驚低首見長空水底蒼茫涵倒影千頃平波一葦船  
恍疑羽化同飛仙江清月曉不知處鱗聲更入蒼煙去  
對月寄秋憶

冰蟾皎潔秋夜深長空不受纖塵侵邀將古月彈古琴  
成連海上契我心良友天涯別離久伴月停琴一回首  
情話何時共樽酒今宵對月相思否

鷗波亭懷古

鷗波亭邊鷗夢醒鷗波亭外波光冷斯是當年學士莊  
書名畫品誰堪竝四面蓮花一水湄晶宮清景好棲遲  
閩中更喜借蘇蕙膝上尤欣抱坦之畫竹新圖引鳳雛

簪花妙格重家雞隱居樂事隨疏縱可憐社稷非炎宋  
黍離麥秀起悲歌玉葉金枝成昔夢幾樹冬青望六陵  
深情可似西臺慟人世滄桑閱幾時我來弔古夕陽西  
間鷗浩蕩波澄淡終古荒亭峙雪溪不見王孫空想像  
亭前芳草自萋萋

岳忠武王名印拓本

神龍天矯凌蒼雲嘉名鐫就茗華文芝泥沁紙耿耿寸  
心赤何啻盡忠報國四字刺背紋班師詔下金牌走痛  
飲黃龍願終負三字獄莫須有二勝環置腦後九鼎遷  
移八寶亡何論繫肘黃金大如斗幸哉此印淪深淵韜  
藏免被風波掀魚龍驚避不敢齧白虹夜夜輝星躔江

九

頭漁父忽網得主棧無缺形模全忠魂寶氣共凝聚熱  
血不肯埋沈寃畫淮當日安半壁殘山賸水不若此印  
千秋完我昨王祠曾肅謁官印摩挲壁間碣西湖岳王祠壁間有  
三使官印歸來又復見拓本勝讀衛公記故物中宵展  
摹本石刻軸斐几鋪一燈黯淡幽窗虛秋聲蕭槭在庭樹猶疑背  
崕五百夜靜銜枚驅

秋暮感懷二首

不信西風解引愁蕭蕭聲滿荻蘆洲半窗冷雨驚殘夢  
一度新寒釀暮秋舛誤竟同書馬尾功名敢笑爛羊頭  
水雲鄉裏容吾住還幸尋盟有鷺鷗  
酒酣耳熱起悲歌漫把窗前鏡硯磨秋色儘留籬菊在

詩人自昔布衣多半庭落葉和愁積四壁蛩吟奈冷何  
獨坐深宵然絳蠟臨風也自淚滂沱

次壺山遺興韻

西風吹冷洞庭波無復三春氣候和著雨黃花如客瘦  
經霜紅樹得秋多酒中滋味知誰識閒裏光陰覺易過  
不信賞音塵世少過雲且自發高歌

疊前韻索壺山和

短晷匆匆等逝波可能返旆望羲和詩篇語妙知音少  
天地情鍾我輩多簪紱無心猿鶴喜敦槃有約鷺鷗過  
壯懷銷盡風懷在更唱吳儂子夜歌

再疊前韻索鑄范和

洶涌詩濤大海波鴻篇聲價擬隋和論交與我周旋久  
閱世知君感慨多俗客只宜扃戶避良朋還望抱琴過  
傳來百首新吟好夜靜燈前擊節歌時以詩集屬予點勘

鑄范既見和三疊前韻示之

高吟只合住煙波聊比空山好養和漫道流傳千古易  
可憐著述半生多文章自恥凌雲獻節序頻驚掣電過  
覓醉且教傾美酒花枝能舞鳥能歌

倒用前韻東鑄范

簞屨繩樞足嘯歌柴門畫掩少人過風吹一夜新寒劇  
詩吟三秋好句多漫翻篇章凌鮑謝卻愁技巧等垂和  
吟成苦被奚童促字畫匆匆缺磔波

大水謠

平原日落風蕭騷，畝畝滾滾生洪濤。秋來一雨三十日，  
枯槁補救嗟徒勞。農夫蹙額為予說，田禾盡被波頭漂。  
更愁入市捲閘井，欲追上古居槽巢。聖世雖無科斂擾，  
屢稜豈復餘脂膏。九天閭闔不可叩，惇惇赤子空啼號。  
吾聞日月天兩眼，司徒司空政柄操。文申張表久失職，  
股肱已折雙眸膠。但見天闕虎豹守，不知地窟龍鼉驕。  
長鯨老蛟恣凋瘵，魚頭戢戢誰能逃。且復摩挲匣中劍，  
蒼龍含景正在腰。更將悍石礪鋒鏑，會須斫盡鯨與蛟。  
穹蒼有意念黎庶，廊廟早見登夔臯。瘡痍徐復水歸壑，  
五風十雨玉燭調。我語農夫爾勿哭，明年秋穫應豐饒。

三十一

十二

餘糧棲畝穗布野，會見兩政麥秀興歌謠。

報災謠

報災人吞聲哭，田無禾穗無粟無錢難報災。有災亦大  
熟報災人可奈何，縣符旁午忙催科。報災不許徒奔波，  
報災人吞聲哭跳梁。黠鼠行負嶠，猛虎伏被災民走險  
鹿

次壺山薄暮口占韻

門外水雲重斜陽，曳短筇霜欺辭樹葉。風送隔林鐘排  
字書天鴈驚寒繞，砌蛩悔將裘換酒時已近初冬。

郎村山行

青山睡未起，曉霧輕霧霧歛忽氛靄。消晨噉吐岩缺我

來探幽景脚著登山屐，寒泉凍不斲瘦日淡無色。修篁  
夾道青落葉滿畦，赤日照霜華融沾衣。疑雨滴鼓勇上  
崇岡，胸襟暢幽鬱。但見山四圍不覺天一笠，吳興山固  
多何者聲名藉道場，與法華金碧事塗飾。安能及此山  
深邃少人迹，信知顯榮人終遜高隱。客奚童苦催歸，回  
首彌戀惜。卻顧白雲閒蒼然數峰碧。

鑄范見貽杭大宗雜著數種用東坡歐陽晦夫遺

接羅琴枕詩韻謝之

著書閉戶今幾年，誤身不信由儒冠。唯君與我有同癖，  
購置不惜揮縑纒。丈夫坐擁一萬卷，何羨夢裏遊槐安。  
殘編斷簡肯示我，知我有意迴狂瀾。堇浦先生本文傑，

三十一

十三

英雄遠勝東野寒，偶將餘緒事編刻。案頭猶足供尋看，  
紛紜錯雜搜典故。如流酒海積肉巒，流傳一落書賈手。  
價重不啻金與紬，忽蒙慷慨相惠贈。臨窗披閱隨研丹，  
有如邂逅遇良友。頓覺相對離愁寬，旁人覩此應大笑。  
謂彼毋乃儒生酸。

觀農人穫稻

吾聞古人訓力田，乃有秋如何竭辛苦。田禾仍歉收，今  
年秋雨多。低田盡漂沒，高田幸復存。水深亦盈尺，農夫  
腰鎌來赤足。入水中欲求一日飽，遑敢恤我躬。水寒冰  
似刀，鈎利傷足指。足傷不自知，但見血浮水。可憐數畝  
田，得米能幾何。縱使歲豐稔，飯甕何曾歌。況復苦飢饉

俯仰誠難足，周寮終未去。瘡痍豈能復，歛歛向蒼昊。欲  
叩天闈開有司，急征稅惇獨不暇。哀

野鷺

日落餘霞紅，蔽天飛野鷺。勢若波濤驚，更挾風雨速。駭  
愕出門看，羽聲喧肅肅。密如排陣雁，高比摩天鶴。倏忽  
數羣過，幾點猶在目。我聞野老言，此鳥善食穀。栖畝有  
餘糧，往往飽其腹。年年應候至，所幸歲成熟。今年苦淫  
雨，千畦生漲潦。過時未收穫，香稻多被啄。似惜田父勞，  
食盡免刈刷。一霎黃雲空，婦子吞聲哭。談虎令色變，聞  
此亦肩蹙。狼貪更羊狠，何減虞吏酷。殊難儕鷗鷺，無乃  
類鴟鵂。鯢鵬空自搏，鷹鷂未云逐。乞餘鴉雀飽，畏事鷲

鴟伏所由無，畏憚遂敢肆。荼毒吾欲擒，兇渠更教殲。醜  
族不能寢，爾皮會須食。爾肉矰繳招，七人風高鳴勁鏃。

次韻鑄范仲冬書感

蕭條况味問誰禁，愁比階前落葉深。風緊衣裘全失暖，  
天寒松柏豈無陰。隆冬節序逢殘歲，文士生涯託短吟。  
苦望良朋款門至，夢中咫尺恐難尋。

冬日書感

黎邱有鬼漫爭奇，覆雨翻雲例若斯。歲歉卻憂能健飯，  
學荒方悔誤吟詩。崎嶇世路千盤嶺，變幻人情一局棋。  
濁酒如聞增價值，偏因釋悶想傾卮。

屢約鑄范見過，輒爲風雨所阻。時予將之嘉興，亦

以風雨故不能解維鑄范有詩相示次韻答之  
比鄰處士家，過從興偏賒。兩地愁風雨，殘冬感歲華。道  
途多阻滯，咫尺亦天涯。悵望成新咏，紛飛六出花。

銅士用東坡汪覃秀才久留山中詩韻見贈次韻

答之

分明織就九張機，如此才華信我師。高隱有人甘自晦，  
浮名入世苦難辭。謝公已負登山約，陶令初吟止酒詩。  
還恐匆匆離別易，預教悽絕夜闌時。

疊前韻留別銅士

入洛年華遜陸機，與君交誼友兼師。花飛小院春無賴，  
柳折離亭酒不辭。相聚可憐纔浹日，獨吟從此懶敲詩。

天涯解道比鄰近，灑淚何煩判袞時。

次韻戴琴莊福謙見贈即以留別

款門有客訪茅軒，淪茗論詩笑語喧。水檻山光凝遠黛，  
晴欄花氣動微暄。新吟醉灑三升墨，舊隱歸尋數畝園。  
今日離懷倍悽惻，何如巴峽聽哀猿。

舊館村小泊

沿隄波影漲新痕，沽酒停橈醉一樽。茅屋臨溪橋壓水，  
人家都在綠楊村。  
郵程此地偶經過，日暖風輕氣候和。春色繁華在何處，  
桑麻彌望比花多。

題沈東江先生手書長卷

先生名謙字去矜仁和人勝國遺老工詩善畫自號東江漁者所著有東江集與毛馳黃張祖望陸驥武輩齊名稱西冷十子此卷爲仁和金氏所藏卷末先生自題云庚寅四月二十三日四鼓過寒山曉月映塔流屍觸船披衣起視悲愴欲絕天明因錄本年五言律四十四首聊以當哭云云蓋是時王師初下江南殘明餘孽猶未盡平也壬辰春三月吾友戴秋憶寄示讀之覺采薇之歌黍離之感情詞哀怨悱惻動人爰作二詩題其後云

扁舟一葉感浮生景運初開尙戰爭作賦蘭成才絕世登臺阜羽史無名金牛勝地纏兵氣玉樹南朝賸哭聲

避亂遺民還幸甚翁洲此日正長征

塔影沈流月鑿林青燐白骨偏江溥平添故國千行淚併入寒山一夜心筆札從容徵定力滄桑感慨付悲吟新詩卅首書長卷遺墨留傳勝谷音

長歌贈許心如

雙門突兀東潮勢鼉吼鯨吞潮轉肆去年此地初識君磊落襟期負豪氣與君傾蓋數言耳渺渺歸帆動離思此後相從凡幾度離合無端難悉識人生離合何足論努力千秋劭名義名山事業耿懷抱世上何人同此志萍蹤五月鹽官城榴花照眼菖蒲青相看握手了無事仰天大笑冠絕纓主人有酒能醉客客懷盡向深杯傾

浮雲世態不稱意胸中五岳誰能平酒酣令我一回首如君交誼孰與京空齋寂寞對一燈我將歌矣君其聽歌聲未終酒欲醒夜半潮聲驚客夢簾前風雨暗長檠

韻

寄袁子瑜惠州用東坡與正輔表兄游白水山詩  
子瑜表兄子舅氏子又爲子姊婿而程正輔爲東坡妹婿其戚誼略相似子瑜從宦惠州今九年矣白水山在羅浮之西適近惠州境內有湯泉瀑布之勝子瑜遊迹所及不知嘗登此山否惜予遠在八千里外不克躡屨同游以繼蘇程之軌爾暇日偶誦東坡此詩有感於懷爰次其韻作詩寄之云

袁安才思眞天縱家鄉慣唱江南弄登臨山水有同癖筇屐尋幽愛岩洞自從汗漫越嶺嶠九載何曾理歸鞵他鄉但覺風景殊離袂不識緇塵重只我鄉居伏畎畝局促醞雞在餅糞蠻風蚤雨道路遐惻惻離懷爲君動想見採奇歷崇岫峭壁題詩誰與共欲尋白水繼前賢好向羅浮續殘夢關山迢遞不可越新吟願託長風送萬樹梅花香欲絕百尺湯泉寒不凍清詩寫出山中景瀑布喧騰爭洶湧好憑魂夢去尋君莫遣風鑿鳴鐵鳳

苦旱二首

去年苦恒雨低田憂水潦今年苦恒暘高田愁雨少莫怪田閒人紛紛白頭早况復忙桔槔聊藉潤枯燥縱使

沛霖雨良苗半已槁我居斗室中湫隘比舟小願得驟  
雨來清涼洗熱惱炎暑奈焚如不暇問田稻爲我語農  
人分應作餓殍瓮中如有粟今日且一飽

風聲起林薄誤喜聞淋浪開門仰天視星斗生光芒或  
言病瘠人天意加憐傷或言怨咨多做戒垂穹蒼愚儒  
守章句妄語推襪祥桑林有自責洪水曾懷襄 聖代  
勞撫卹斯世遇堯湯甘霖倘時至秋穫或可望但教勤  
禱雩何必焚巫尪但教緩征稅何必烹宏羊

秋夜感懷

長空耿耿界銀河俯仰興懷感慨多夜靜秋聲愁蟋蟀  
月明寒影瘦藤蘿遊仙我欲騎黃鶴養士誰能殺白蠟  
且向芸窗磨鍊硯可憐歲序鎮如梭

題紀文達公閱微草堂筆記後三首

辰已興嗟閱幾時開編只恨我生遲司農學術天人貫  
吏部文章日月垂禹益圖經猶說怪洛閩弟子漫相嗤  
公自題云奇語洛閩門  
弟子裨官原不入儒家勸懲大旨關風雅莫比齊諧謬  
妄詞

言多據典論無偏作史三長在筆先研理密能探象罔  
成書速亦等夷堅春秋大義祛誣說河洛真傳溯舊編  
博洽名齊錢曉與陸健豈徒此帙足千年

戲語曾傳退食餘楹聯自挽燦瓊瑤浮沈宦海如鷗鳥  
生死書叢似蠹魚二語公自挽句也秘閣縹緗留手迹天山風

雪駐行車丹鉛今日披遺籍想見篝燈屬艸初

戲咏雪橋

層層雁齒積瓊瑤宛轉裝成費琢雕一樣曉寒曾印屐  
二分明月不聞簫玉闌晴絮風難捲銀漢飛虹影易消  
渾訝詩情如鄭五苦吟驢背劇蕭條

和鑄范八閩二首

旄頭夜落海雲邊曲突何人計萬全揭木已聞謀白屋  
拔釘猶自稅青錢雞籠社遠連兵氣鹿耳門開起燧煙  
壯志平生消未盡興懷投筆更茫然

自分難逃斧鉞誅跳梁且復緩須臾裏屍莫問銅符失  
乘駟還勞鍊甲驅醜族聚如龙味影孤城危甚雉離孛  
殲渠不日歸俘馘勝算由來仗廟謨

正月五日和鑄范坐雨書懷

空庭三日積愁霖獻歲偏令百感侵身世太倉餘一粟  
聲名傲帚亭千金疏梅欲放春猶淺舊雨聯吟意倍深  
莫歎相如徒四壁傳來新句盡球琳

鑄范假館子家有詩索和次其韻

題襟舊願幾曾違西漢儒林重布衣禮節粗疏交誼密  
錙銖較計世情非漫因鴻鵠思增繳翻笑驂騑受絡鞿  
攻玉有資深足喜不材應可免嘲譏

晨燈夜燭舊生涯學術宏深不自誇白社未妨威輦窺  
絳帷還笑季長奢文章小就嗤名士典籍多藏本世家

努力相期崇令德莫將輦輓炫詞華

讀東坡贈楊耆詩有感而作

酒酣拔劍起深悲  
悵觸偏因一卷詩  
窮達有時終莫測  
文章無命例如斯  
炎涼面目鵝籠幻  
遷改門庭燕壘移  
二十年前全盛日  
淒涼舊事不堪思

舊物青檀忍棄捐  
繁華過眼等雲煙  
家貧方解耽書史  
性懶安能事陌阡  
寒士牛衣曾啜泣  
狂生犢鼻也高懸  
不妨我尚誇華富  
負郭還餘數畝田

哭袁氏伯姊以繫日采廣州訃音

腸斷瓠歌傳來一紙書  
歸魂從萬里掩淚對雙魚  
宦迹辭鄉遠天涯  
賃廬居羊城十年住  
回首付長歎

五二

九

莫把蒼蒼問天心  
最不平知君常念弟  
況我已無兄  
離別終成悔  
庭闈尙繫情  
一棺歸未得  
嶺嶠瘴雲橫

古廟佛

庭砌蒿萊半已蕪  
空堂賸有鼠銜鬚  
飄殘紅雨香花歇  
銷盡黃金面目無  
說到六如原夢幻  
坐來雙樹閱榮枯  
誰知善病維摩詰  
猶有吳生粉本摹

野渡舟

偶然繫纜傍溪杉  
往返平波小似蟻  
舊路屢循難改轍  
便風縱好不張帆  
危灘橫處春潮急  
斷岸呼來夕照銜  
漫羨壯游誇破浪  
瞿塘象馬戒方嚴

隔墻花

屋角樓頭見幾枝  
還隨蘿薜共離披  
艷分比屋春同賞  
香趁東風蝶早知  
一瞥勝窺簾畔影  
半身如睹鏡中姿  
那堪咫尺紅墻阻  
愁殺尋芳杜牧之

伏櫪馬

風雲壯志未銷沈  
廢棄徒嗟暮齒侵  
邊徼馳驅猶有夢  
世途夷險久無心  
燕臺價枉千金值  
冀市恩曾一顧深  
俯仰龍旂莫惆悵  
鹽車還苦力難任

玉鑑堂詩集卷二

五二

二十

玉鑑堂詩集卷三

烏程汪日楨著

同邑後學劉承幹編次

貽孫愈思

修竹翳檀欒清溪圍滌澆中有數畝宮  
翛然謝塵鞅浮雲軒冕輕霽月胸懷朗  
文章力起衰直與韓柳仿經史入鎔鑄  
波瀾乃寬廣平易無艱詞唱歎有餘響  
但見溢清光語淡神蕭爽豈知下筆先  
覃思探象罔十年同里開一面疏還往  
獨有瓊琚辭擊節供欣賞登堂已恨晚  
久切山斗仰論文析疑義所得非意想  
鴻篇豈苟作要令百世放名山可問途  
我欲騰而上

次韻答愈思

愧我才偏薄詩人強自名惟君情獨契  
有眼月同明刻鵠期他日雕蟲悔此生  
文章根德義更勵歲寒盟

次韻答秋憶坐雨見懷三首

索居苦岑寂雲煙作供養別君幾何時  
草木日夜長入夏多淫霖占月輒瓦仰  
庭柯無鳥鳴砌草有蛙響忽傳新咏來  
颯颯天籟爽空齋倏如秋涼意在虛幌  
微言粲珠玉蕪語翦榛莽何啻一室中  
奇文共欣賞知君軼塵才迴作復古想  
求友情殷拳憤世意慨慷只應吾與君  
交誼今猶曩相思迹雖睽相印心無兩

我居南林聚老屋荒江濱友朋諒我懶  
揖讓無煩文隨巢老居士謂鑄胸襟滌  
纖塵史筆溯漢晉經籍探周殷

疑義共商榷契合真如神道同志無  
戾追逐龍與雲學業互砥礪如德必有  
鄰此意亦良厚我生非不辰遠期千載  
後幸勿歸沈淪所嗟天一涯素心猶有  
人一身集三益直諒兼多聞黃鵠有遠  
志不與雁鴛羣放言多高致難共世俗  
論何當列鼎足形影相與親古風或可  
作薄俗須君敦

規過賴良友非友過愈滋奈何勢利交  
不值金一鎰游戲日微逐衣冠競時宜  
知我意難合牽率幸可辭嗟彼入迷途  
一去無還時豈無款曲談貢諛無乃疲  
豈無勉勸語取善何所資空存矯俗願  
問子將安施捫心守愚拙涉世從嘲嗤  
晚成有大器所利非繭絲菑畚在經訓

所用非鐵錡為學貴心得慎勿求世知  
尺書可還往相友兼相師

舟行遇雨

陰晴變俄頃震地走驚霆雲擁千重  
黑天留一半青小舟依鷺宿急雨帶龍  
腥禾稻方愁潦窮途况我經

送趙積仲歸上海

兩載蕭齋快盍簪那教歸夢憶江南  
日窮古篆參蟲鳥心入叢編化蠹蟬  
安邑竟難留閱貢渭城可奈唱何戡  
深宵莫遣嚴更促煮茗聊為徹夜談

判袂依依感不禁贈言幾度費沈吟  
便誚題柱平生志莫改耽書舊日心  
此後相思惟夢去每當欲別轉情深



江鄉臘盡梅須放還擬同君踏雪尋

銅士書來詢近況予答書引東坡遷居臨臯亭詩

劍米有危炊針瓊無穩坐之句蓋有所感也銅

士因用東坡韻作詩寄示次韻答之

仲卿困牛衣文休給馬磨固窮士有常在道計乃左家  
有十畝田幸免於陵餓好學或拜經虛名莫驚坐豪華  
如一夢回首煙雲過空懷貨殖篇種竹千萬个局促負  
壯懷轅駒鈴馱朝來讀新咏愁城為君破緬彼羊舌  
賢憂貧真可賀幸俗德恐蕪吾師在楚些

前詩意有未盡再作一首

人生陳迹循團團牛轉磨愚惹本天性動覺與時左故

五三

三

人百里外工詩守寒餓助我先德承尺書飛入坐志大  
才轉疏廢學乃吾過敢望駟馬門廣可容局个便欲租  
蹇驢詩思瀟陵馱來詩勸以韻語自遣侘傺雖無聊歡顏可時破  
未擬追顏原且須躡郊賀古人不我弃一唱巫陽些

戲咏壁者

蹒跚如此劇艱辛顛躓頻遭遇太屯始信世途平亦險  
誰知物理屈猶伸推心未遇趙公子掩口難禁齊婦人  
安步向憂蹉跌易前車有鑒善持身

白蘋洲懷柳文暢

一泓碧水涵青蘋汀洲當日留詩人洞庭歸棹瀟湘客  
愛此江南日暮春五字新咏劇清婉千載流傳猶繾綣

紅帶飛來水欲波蒼茫夕照前溪晚鴉軋聲催發棹謳  
水花風葉一江秋白蘋香斷西風起臘有平波渺渺流

昇山懷王逸少

青山一角如玦環松杉落落蒼苔斑一從佳客此登眺  
遂使名滿東南閒巖扃幽寂忘機地落日低徊動吟思  
卻憶山陰道士居清遊同此留連意晉代風流歲幾更  
一邛一壑總關情不知古嶺幽篁籟何似蘭亭絲竹清

三癸亭懷古

路入煙霞嶺亭留翰墨場賢猶思刺史義獨取昭陽遺  
迹餘唐代名山溯夏王榜應修月斧址恰倚雲岡憶昔  
平原相來游極樂鄉班春熊軾至錫瑞隼旗揚韻海成

五三

四

新稿書巖發舊藏文如探宛委體更異凡將屬草編難  
定生花管正忙西園邀伴侶東閣聚篇章疑入芝蘭室  
初營薜荔房深山勞相度好景可徜徉合作聽鸚館殊  
非射鴨堂回環圍螭壁璀璨駕虹梁時喜千支會名垂  
歲月長拈毫書大字懸額在中央山氣三秋爽嵐光六  
月涼圖經鐫石柱卷帙頓書倉窗列東西檻人來上下  
牀曲欄藤引蔓小院竹飄香妙詠南樓月清談北海觴  
鴻文傳藝苑麗藻入詩囊研削時光久搜羅掌故詳編  
書纔此地游宦又他方封邑尊東魯行人悵北邙庭荒  
衰草白簷破夕陽黃忠節空彪炳遺編亦渺茫伊誰尋  
古碣更為詠甘棠露冷蛩蛩咽風微蝙蝠翔杼山憑弔

處極目感滄桑

天目山

雙瞳皎皎不在天天目乃在茲山巔兩池左右夾明鏡  
炯如日月雙丸懸高高三萬六千尺幸有梯棧相鈎連  
羣峰縱橫不可數奔騰起伏龍蜿蜒或如神鼇忽潛伏  
或如靈鷲方高竊或如太華巨靈擘或如玉屋夸娥遷  
或如仄徑垂一縷絕頂上作螺髻旋或如掘井深九仞  
陰洞下有蛟龍淵其中一峰挺且秀蓮花鏡削藤蘿纏  
名藍隨處可棲隱石筍卓立清泉濺但見雲氣在山半  
不知雷鼓聲喧闐盤渦轉轂上高頂兩崑崙終古情臚圓  
珠宮貝闕疑可覩元華蒼草何芊緜白衣山人招我往

五三

五

通眉長爪將無仙我欲從之梯磴絕浩歌金石寰空裏  
何當百斛醉春酒煙霞永結山靈緣若然長嘯萬山響  
舉手更拍洪崖肩乘風徑欲到閩苑相逢一笑三千年

葉少蘊石林園

疊嶂橫蒼弁清池映碧琳名園前代迹片石古人心突  
兀青厓峙嵯峨綠蘚侵地偏岡起伏巖古徑幽森勝事  
今何在高情夙所欽詞人曾久住此地發清吟明月瓊  
瑤路春風翡翠岑有時攜蠟屐當日佩朝簪階秩登祠  
部聲華重翰林防江垂鉅績領郡矢清箴武衛龍韜壯  
軍籌虎帳深團兵威獨奮轉餉力能任神武冠初挂茗  
溪路可尋官非持節使家有買山金卜築三椽屋言歸

一水溥雲根圍峭拔瑤筍列崎崑力士開偏速夸娥負

莫禁鐫劖疑斧鑿搜剔等璆琛精舍留真意新居愜素

襟兼山收麗景承詔仰綸音放論宜巖下清游喜竹陰

躋雲瞻勝概愛日見忠忱界啟清虛府泉鳴太古琴米

顛原石癖皇甫亦書淫讀易占凶吉搜聞記古今春秋

推甲子謨詰辨辛壬玉潤書纒續金樽酒屢斟螺髻工

位置鳩杖好登臨古嶺煙嵐合寒林夕照沈巖阿終寂

寂歲月已駸駸勝地棲狐鼠遺編付蠹蟬層巒疑黛點

峭石銳霜鐔老鶻巢庭樹羣麋覓野苓階敬藤繞蔓徑

仄棘抽鍼破屋秋風圯空山夜雨淋巖尋羅漢舊訪古

思愔愔以上戊戌年  
至癸卯詩

五三

六

能無

能無三宿戀此是百年居棄擲摧燒後辛勤締造初光  
陰原過客天地亦遽虛安宅期無曠修仁企子輿

讀史

虛聞左手執干戈幾見卷阿有遂歌涑水徒勞爭夏竦  
漢廷羣擬代蕭何備員妮妮譏非過伴食容容福轉多  
不信大名須大行元公諡法定傳訛

讀漢書雜詩十首

紛紛巫蠱獄繁滋帝意先懷詛上疑特詔祠官除秘祝  
孝文明聖竟前知

誰道能居一障閒辯窮方悔忤權奸斷頭何必匈奴使

疑案千秋是狄山

計較鋪銖駟僮徒輕財翻遜牧羊奴樸忠久已邀宸鑒  
何不從烹桑大夫

多事平津禁挾弓銷兵愚與始皇同卯金不蹈亡秦轍  
全仗吾耶一議功

叩頭流血尙生瞋丞相威能困弄臣傳與後王應踵武  
法堯禪舜又何人

昔日隨輿且莫云平陽更降大將軍輸他太主歸堂邑  
會葬翻教共董君

弗鬱魚龍瓠子河宣房未塞起悲歌增卑培薄多勞費  
治水從來下策多

玉三

七

敬父如何反議刑當車數語願垂聽信知儒術西京盛  
門卒陳詞亦引經

安世由來學術奇亡書二篋誦無遺驚心洪範論皇極  
厥罰常陰竟未知

三古遺經久不磨專家詰訓莫輕訶伏戎新莽誣妖讖  
持較茲茲誤孰多

讀潘安仁哀永逝文志感

振觸殘編讀淋漓淚幾行惟君真語妙令我亦神傷生  
覺歡顏少悲偏逝日長鼓盆如可遣吾欲問蒙莊  
淚與聲俱下因之感慨新浮生原夢幻愁緒忽紛縈息  
謗期無辯懷憂患有身翻教羨桑戶而已反其真

五人墓

厥公有旨誰敢沮緹騎傳呼逮吏部吏部未逮五人怒  
此輩須擊殺庶令閹黨懼吏部既逮五人死恨不誅逆  
闕束身見天子千秋論定洵無誤富貴須與草頭露不  
信權璫祠今爲五人墓媚璫巡撫勢赫奔馬鬣高封在  
何處巡撫誰毛一鷲

漢承安宮鼎歌

鼎爲溫鍊華日鑑所藏銘曰承安宮銅鼎容一升重  
十四斤甘露二年安長丞福掾祿守令史宣夕世造  
第五凡三十一字

玉三

八

溫君嗜古信成癖金薤銅花富撰著尊彝臚列摹款識  
墳索斟斟爛傳註就中漢鼎尤瑰奇遠壓商鐘及周錄  
字鐫卅一在口側造器之年記甘露西京隸古斯足珍  
拓本流傳等球璐宮名承安文炳然想見簷楹絢丹腹  
書尋白阜有缺略記溯黃圖乃禡誤嘉名丞採取吉祥  
福祿來同行休祚令史三人宣夕世藉補官儀證員數  
射斗如瞻紫霄氣容升可斟黃鍾度斤重十四煩討擘  
次居第五亦詳具初無饜餐偉厥觀不遣回雷玷其素  
匹諸太璞謝雕琢疇信吉金出冶鑄有稜在腹製頗殊  
以鉉貫耳輕可措推詳大小辨蕭蕭爾雅毛詩差足據  
形圖弁上協詰訓名鼎寶蕭茲曷故對文則異散則通  
寶器洵爲攷古助憶當陽武續大統政嚴綜嚴民饒裕

聿聞重器守七鬯誰敢暉臺動觀覲大烹函牛曾養賢  
少汁燴雞當進御尙方薦几承黼黻鼎實陳筵佐簋簠  
美陽所得寶奇寶桐邑尸臣留記注子高好古識銘勒  
或仿范模供造作吁嗟史籍久緜奪坐使沈疑終莫悟  
周康祠廢劫灰盡埋沒人閒分朽蠹絨膝一日歸弄藏  
神鬼千秋應呵護照人古色尙班駁引我新詩劇飛翥  
苦吟庶免軒轅嗟集古或恐歐陽妒

貽鐵華

珠墳筌典儘研覃著述何心艷笏簪交到忘年如水淡  
書真有味比茶甘說經義勝曾規杜攷古編成不愧郊  
莫訝袁生來往數喜從休榷接清談

卽事

不好初聞告鳩媒病魔愁陣兩堪哀閒情一賦難磨玷  
綺語三生未懺災窈窕本輪中婦艷嬌癡難備下陳材  
前生我是維摩詰空際天花任去來

虎邱謁白公祠次銅士韻

虎阜崔嵬積翠浮唐賢祠宇至今留村翁潔祀桐鄉社  
太守清名鬱石舟酒國詩城羈五馬山光帆影眩雙眸  
祠旁有山光帆影眩雙眸  
影閣登眺頗勝落燈風裏生朝近嘈雜神絃祝麥耶

菱湖舟中做裘被竊

扁舟夜靜泊荒村爲爾無端警旅魂昔日曾疑肱篋論  
他時應念解衣恩莫嗟閱頁引同累差幸張儀舌尙存

二語皆有可奈春深寒轉劇篷窗坐擁布衾温

題蔣生沐光熙篝燈教讀圖三首

儀表推賢母傳來一幅圖哀絃吟寡鵠編袂泣慈烏萬  
卷遺書在三年宰木枯折菱勞督課尙憶識之無  
燈影幢幢裏寒窗夜漏深能誦畫荻教無負鑿楹心黯  
澹凝珠穗淒清聽玉琴蓼莪詩可廢血淚定沾襟  
年少誇才穎翩翩終賈儔由來顯親志端在立身訓縹  
帙名山富緹油信史留期君三不朽努力紹前修

題鮑聽香正言聽烏圖

城上烏尾畢逋墨痕黯淡聽烏圖愁雲冷月交模糊烏  
夜啼夜向晨淚痕掩抑聽烏人生也不辰嗟鮮民鮑君

三

十

鮑君真孝子顏烏名著東陽里傷心早廢蓼莪篇反哺  
私情有如此君不見仰天一呼雙淚垂烏頭變白古有  
之烏頭變白不變孝與慈鮑君鮑君作圖之意將在斯  
吁嗟乎桓山羽翼空悲哽鳩鷹變化真俄頃父母何異  
野人等此圖此意誰能領

題紀孝子峻宿墓圖

一艇傍佳城終身孺慕情但求安素志原不爲浮名獨  
處曾三載長眠共五更披圖溢純孝風化式鄉氓  
擬東坡書王定國所藏煙江疊嶂圖用原韻

山中久住不見山舉頭但見浮青煙卻從畫裏見眞態  
平波遠合山蒼然不知在山出山清與濁懸崖自瀉珠

廉泉鏘珠濺玉赴谷口隨山曲折歸平川畫師揮灑信  
好手釋思乃在荆關前經營尺幅劇慘淡意匠常到非  
想大明窗淨几一披覽筆鋒直與詩爭妍安得圖中妙  
境在人世卜築便擬歸耕田君不見湧金浮玉好風景  
萍蹤偶住凡幾年至今魂夢尙縈繞溪雲山月空嬋娟  
半弓何日占清曠風晨雨夕聯床眠暮頤泉石更幽邃  
神栖傳有飛空仙誅茅待作比鄰約隱居共結山靈緣  
息壤在彼言不食抽毫進牘定有和我琳琅篇

偶興

白日都亭晚悲風易水秋如何同一劍頃刻變恩讐

奚榆樓疑於峴山顯化寺側創立蘇文忠公祠誌

五三

事四首

山鄰學士路縈紆終古溪灣尙姓蘇學士山蘇灣皆以公得名青綬

聲名傳北宋碧湖風景冠西吳刊章下郡臺臣捕解厄

修齋野老趨莫道穹碑無墮淚羊公峴首竟何殊公峴山詩

云我非羊叔子

側近招提構一椽商量秋菊薦寒泉昔歌太守來何暮

今喜詩翁老更賢主列贈官榮錫命詩譚題主予以爲宜稱宋贈太師前

祠部員外郎直史館場依選佛好參禪蘇文忠公渾疑白鶴峰前

路卜築新居筮日遷

遺愛流傳萬古長浙江西畔是桐鄉依然蘋藻陳筵潔

記否芙蓉繞郭香公在湖時有繞城觀荷花詩對戶遙嵐晴撲翠隔

湖斜照晚浮黃若憑山水論軒輊或恐暮頤遜道場  
吟魂長傍響溪澗笠屐高風想見之酒醑烏程臚臘祭  
歌繙白紵送迎詞采椽茅屋鳩工易紙閣蘆簾靜坐宜  
祠旁餘屋一間爲一椽銅符遺宦蹟伊誰更創九賢祠  
讀書習靜之所  
峴山舊有九賢祠公其一也久地

榆樓又募修峴山明霞墓誌事二首

情癡司李說馮君曾記摩挲斷碣文魂到此山猶墮淚

夢來何處更爲雲一語卽司李題墓門句芳鄰長傍鴛鴦塚墓側爲吳

葬次太守幻影空疑蛺蝶裙贏得埋香傳勝蹟峰腰三

尺美人墳

礪石鳩材更築成荒涼墓道半敬傾綺羅早化紅心草

環佩重招白玉京老去詞人猶好事勾留過客也多情

他年弔古來裙屐記取風流處士名

冬夜讀書感懷

寒雲頽空雪覆屋夜半伊吾出深竹一編古史足低徊

振觸令人淚盈掬名留竹帛知幾人餘子由來殊碌碌

如何信史猶傳疑佳傳曾求米千斛首陽東陵同一軌

大好耕樵伏岩谷嗟予自憐還自笑囊裏醯雞苦局促

搜尋萬卷時鑽研俯仰千秋得歸宿或乘軒冕榮五鼎

或處衡茅甘半菽雞口誠知勝牛後鶴脰眞難續鳧足

季倫豪富阮籍貧士龍善笑唐衢哭一非一是信誰賢

不惠不夷應我獨讀聖賢書志何事一任涼暄如轉轂

生材自古必有用求賢記否三熏沐金門對策求治安  
玉關殺賊奮馳逐不然便作由東鄰進取羞爲五穀鬻  
鄉閭式化社可祀名山著書史能錄紛紛醉夢彼何人  
奈何我亦塵鞿縛蠹蟲食字不成仙鼯鼠飲河徒滿腹  
持躬未解師夸毗知命何煩推珞琤開樽痛飲盡百榼  
拔劍悲歌終一曲寒燈欲盡寒飈鳴黃雞催曉更籌速

題嚴子弓妹壻 餐花室詩集

不炫雕蟲巧悠然寫性情人原如菊淡思覺比茶清壯  
氣江山助良材竹箭呈誰云楊汝士能壓樂天名

予既作前詩子弓意猶未足復成八首 用皇甫持正體

復壁注孟子邠卿有題辭同名乃異實厥體初非詩以

三

三

詩代序跋不知昉何時沿俗遂成例貢諛良可嗤贈言  
古有法頌必寓以規譬如躍冶金鍛鍊斯益奇譬如連  
城玉磨琢斯無疵佞臣固已矣諍友夫何疑

君才何卓犖琢句多天成居然先正流其言明且清有  
志在大用霖雨施蒼生由來廊廟器不專以詩鳴下以  
式里俗上以追韶英豈如苦吟人徒作蒼蠅聲竿頭冀  
日進既精益求精他年執牛耳獨主騷壇盟

君從滇南來水程瀘州始沿江放巨艇直送江入海驅  
馬赴燕臺還轅返若水統計足所經曲折萬餘里快誦  
紀遊詩山川助奇詭令我成臥遊宛見風物美卓哉真  
我師報之應拜稽吾讀乙部書方將攷地理

稽古虞夏書有曰詩言志大序本宣尼首卽申其義是  
以古大家所作必有爲或以託懷思或以闡幽邃始知  
古人詩詩外更有事山水供模範輿地誠宜誌交親感  
離合譜牒亦可記試讀戰場文精思便能至

操觚莫率爾前哲昔所嗤先學五言製曾未六甲窺自  
從風騷後歷代多文辭沿流更窮源學貴無常師才力  
所到處淺深皆有裨茂古固云妄泥古無乃癡要得古  
人意勿襲古人詞斯能自運化毫端具鑰鑰

有唐韓退之碩學渺無對自云爲時文不免汗浹背有  
宋陸務觀清才絕流輩自云詩未工猶爲俗人愛論世  
知其人立志固有在想當下筆時今古盡函蓋好語本  
如珠一一洗疵類選哉古之人直可取而代

三

古

漁洋取妙悟竹垞譏空疏要知兩家言一軌非歧趨清  
思是其主挂角羚羊如非詞意莫達乃藉藻采摭帶經  
有遺集此腹非空虛用較曝書亭誰曰難齊驅日驗更  
心得古語良不誣能行萬里路更讀萬卷書

君詩數百首字字皆琅玕奈何勤下問索我題卷端匹  
諸蘇合香奚取蜨螂丸頌規兩無當緘默非所安妄想  
牛蹄涔可益大海濶詩成更自笑曷不先反觀視曉乃  
不見責人斯無難我予陪我盾此論終須刊

擬東坡墨妙亭詩用原韻二首

穹碑宣聖題延陵後人筆陣多騫騰漢鑄唐勒相輩出

瑤光一散皆鵬鷹荒陂野草半埋沒土花剝蝕刑無稜  
忍將球壁委榛莽斷紋碎瀨漸流冰由來寶物不終闕  
搗呵神鬼猶依憑伊誰搜剔徧遺逸臙焦商徵泯愛憎  
紫髯學士本循吏聯鑣五馬輝緹縉風流好事邁前哲  
郡齋卜築歌陝登明駝輦致盡羅列退衙燕賞招賓朋  
當時弃置誰復道雨淋日炙纏枯藤傳聞索筆識黃絹  
倉卒欲讀嗟無燈他年回首溯陳迹懸知魯郡思張膺  
蒼涼漢寢兼唐陵墨寶氣作虹光騰世閒神物見匪偶  
有時變化同鳩鷹欲題黃絹致嘉歎曛黑意讀手摸稜  
苔埋土蝕任弃置未免斷缺如春冰漂流奕禩幸完好  
鬼神呵護寶式憑紫髯太守信賢傑搜羅殘贖無愛憎

五三

五

漢碑唐碣聚所好模糊或似無文繒古今寶刻盡珠璣  
搜岩剔穴窮攀登牛腰攜束橐駝載著錄繁富誇寶朋  
由來金石證經史要須名論芟葛藤公餘燕坐足吟賞  
鑒別有眼明如燈何當從君十日飲周旋快讀開胸膺

古別曲

津頭別君處種柳今成陰春潮日夜長不及離情深如  
何素心侶忽變白頭吟憶昔留君住月夜花朝等閒度  
一從送君去脂盞香匳閒不御君別妾兮山之岑悲風  
瑟瑟愁人心妾送君兮湖之渚逝水茫茫淚如雨相見  
苦難別苦易旦暮思君君忍噫魚書一紙動經年爭遣  
君行不留滯君如枝上花隨風飄泊天之涯妾如陵上

樹歲寒霜雪長如故高樓望遠山蒼蒼夏日不暮冬宵  
長望君君不知引領情獨傷可憐絲鬢飛蓬亂只有相  
思敢相怨相思相怨且莫論問君何日重相見

初冬寓居下昂村寄鑄范

幾日新寒劇音書苦未通文名皇甫湜酒伴斛斯融時  
易涼暄變身緣著述窮臨風無限意極目送飛鴻

有感次鑄范韻

此情如奪鳳皇池什襲勝囊閱歲時燕石深藏徒自寶  
鴻毛輕擲不須疑更難門戶迫全盛只有文章解起衰  
米老蟾蜍還在傷心也合淚頻垂

登小梁山小坐永慶菴僧舍

山在下昂村  
東北三里

五三

六

野步不知遠聊舒腰脚頑坡陀皆種竹嵒嶼亦名山落  
葉禪居靜嘗茶客思閒塵勞欣暫息日暮欲忘還

初冬雜感三十首

逝水年華去不窮奔馳烏兔倏西東千秋詩墨憑才奪  
百雉愁城讓酒攻落葉空悲如此樹蠹書應號可憐蟲  
閉門聊學陳無己亭角徘徊滿袖風  
一試鉛刀未及鋒書生只合困章逢驂騑不劣兼金骨  
蟣蝨能披寸鍊胸遲暮獨憐霜後菊孤標自有歲寒松  
憑誰鑄作橫腰器躍冶干將正在鎔  
底事羈留向此邦輕帆未得整歸艘素書欲寄遲來雁  
俗客能驅賴吹龙舛謬何堪嗟鑄錯傾危難免駭緣橈

旅居岑寂誰相慰遠寺疏鐘到夜窗

寂寂令人歎伏雌持身原未習夸毗阮孚只癖登山屐  
伍員猶吹乞食篋無俚幽憂憐此日相貽冥報定何時  
還應說鬼同坡老姑妄言之妄聽之

根觸無端涕欲揮豪華往事已全非買花舊費中人賦  
翦葉新裁上古衣藥店早嗟龍出骨文壇空炫雉飛鸞  
傳家只贖青瑣在敢共張何較瘦肥

但守廉貞漫卜居苑枯何必藉吹噓準元後世期君實  
獻賦當時陋子虛夢蝶不妨齊物論飛蛺曾有絕交書  
萌芽便作干霄想未肯薪材比散樗

不知身世有窮途節序寒暄轉瞬殊變化久隨君子鶴

三三

七

淒涼誰問丈人烏名垂竹帛猶馳繆利逐錐刀竟謚愚  
記否孔賓窗下語較量山岳與毛銖

破屋三椽傍小溪欠伸渾訝打頭低七絃中絕琴爲枕  
兩面斜磨墨似圭獨醉免遭官長罵多聞應與古人稽  
青熒燈火真佳趣窟室何妨類螿棲

幾曾放浪外形骸落落襟期已寡諧自覺安心殊不惡  
誰能遇事輒云佳抑揚盡付潛夫論興替難侵達士懷  
多謝寒蛩知伴我宵深唧唧繞空階

撫事端宜咏七哀前塵回首盡浮埃從來白社居名士  
豈有紅爐鑄橫財呵壁問天原幻想抽刀斫地信奇才  
近來學得忘機法海畔飛蜻不用猜

空負男兒八尺身誰云席上重儒珍人能好學斯爲福  
家有藏書未是貧詩只七言堪辟瘧錢非十萬不通神  
若將得喪論高下抱膝衡茅乃幸民

好是無窮泯見聞從他萬事日紛紛浮名偶晒麒麟植  
綺念全消蛺蝶裙贖有叢書門兩版未能築室水三分  
根塵縱道捐除盡如草新愁不可耘

聊可栖遲避眾喧心旌忽似轉風旛文章有道先除俗  
功德無成漫立言陳迹乍看牛繞磨殊榮卻笑鶴乘軒  
如何高隱箕山客古樹懸瓢尙苦煩

澁雨酸風釀薄寒端居遣日仗鉛丹入榛義忽童烏悟  
埽葉訛先帝虎刊三益欲尋同調少一癡想借異書難  
何年好賃瓊嬛地七略編排取次看

三三

九

博簿讒書盡未嫺儒生事業只名山周妻何肉難成佛  
老帶莊襟自得閒把殘寫儔邀月飲應門無僕倩風關  
輸他謫宦蠻荒去鄰火村春有往還

負郭曾耕數稜田秋成徒爲盼豐年救飢敢上三千牘  
應賞慚無百兩篇色喜未膺毛義檄謀疏空贈繞朝鞭  
學儒猶道治生急鐘鼎山林問孰賢

塊獨空齋夜寂寥蕭騷庭樹振寒飈如聞天籟兼人籟  
更雜江湖共海潮柯葉經時終不改萍蓬異地益無聊  
支頤細數更籌徧燭影幢幢燼易消

瓦釜黃鍾太濶滄浮沈身世劇懸匏閒情賦恐微瑕指



遠志名徒小草嘲漫詡三壬宜好爵何來六甲作行庖  
 幽窗飯罷渾無事擘紙聊將亦序鈔  
 勿為離憂續楚騷飢寒大好鑄賢家無長物餘殘帙  
 筆不中書盡禿毫願我訓恩留一劍從人占夢說三刀  
 徒將畫繡誇鄉里駟馬高車定枉叨  
 竹几繩床足嘯歌居然安樂此行窩盟尋茅舍唯鷗鷺  
 陣列楸枰亦鶴鵝豈不懷歸留滯易未能免俗別離多  
 山肩斜聳真堪笑欲遣詩魔敵睡魔  
 荒村市遠靜無譁石鈿閒烹顧渚茶神祝趾離祛噩夢  
 香通鼻觀對名花可充奴婢應收橘便是公侯也種瓜  
 記取雪泥鴻爪印浮生小住即為家

三

十九

紛紛微逐少年場十丈紅塵有底忙獨處自嗟形問影  
 狂談今悟厲憐王游仙妄想凌牛斗作事難成遇角張  
 賁醉勿輕裘馬換人生酒債不尋常  
 始信才難與命爭終虞績學未專精豈無雞犬升仙籍  
 安用詩書記鬼名淮海陳登豪氣在乾坤杜甫腐儒輕  
 翻教眉舞西銘語庸是天公玉汝成  
 懶向萑茅更乞靈幾番開落數階冀羈遲况味雲辭岫  
 清冷襟懷水在瓶荒荻有情頭早白遙山無恨眼常青  
 宵來歸夢知非遠只五長亭五短亭  
 學書學劍記吾曾過眼升沈淚滿膺冀野空羣誇相馬  
 齊諧志怪說搏鵬先生敢道談何易公子猶嫌病未能

只有崔嵬五千卷榜門或恐不堪矜  
 倘念平生馬少游孤亭也合署三休縱饒口辨非齊贅  
 忽訝身羈似楚囚避俗人偏甘小病著書天特與窮愁  
 真疑微末同螻螻海外傳聞更九州  
 世味從今閱歷深未空憂患費沈吟交親久隔樽前話  
 模範應師座右箴四海知名懷鑿齒一篇難墨問無心  
 爽砧繁杵干何事能使離人感不禁  
 典墳陳篋恣沈酣千載云遙可接談求是齊竿吹一一  
 得朋蔣徑闢三三禪機捷偶爭初地世路危真怯左擔  
 若士盧敖今在否醯雞局促果何堪  
 卻笑蕪詞筆屢拈漫居高價索酬縑登場傀儡機徒巧

五

二十

撼樹蚍蜉種未穢人意漸如天意冷文心難與道心兼  
 會須刊落閒枝葉盡把箏琶俗耳砭  
 由來嗜好異酸醎蘭蕙當門恐被芟魯兩生應嗤泥古  
 齊三士亦苦遭讒低徊前事心如擣落拓中年志不凡  
 歲月無情歸計阻逡巡飛雪滿征衫

寄心如

杯水文章賤衡茅姓字輕豈惟詩酒契奚啻弟兄情貧  
 久能安命才高不為名雲龍擬追逐蹤跡苦難并  
 以詩代書介心如與李秋紉 善蘭 結交二首  
 我友萑那子 心如自號也 時聞說項斯高懷真氣骨健筆古  
 文辭君亦相知否吾曾夢見之欲從詹尹問握手定何

期

絕學天元一知君探索精廉隅通少廣正負借方程展  
卷疑思問懸鐘叩則鳴不須傾蓋語魚雁證斯盟

愈愚惠題拙稿次韻答之

論才難與古人同績學應師長者風敢冀留名三不朽  
真除搜句百無功溫柔深旨宜微會月露浮詞待埽空  
畫出龍眠白描法從他塗續炫青紅

玉鑑堂詩集卷三

玉三

五

玉鑑堂詩集卷四

鳥程汪日楨著

同邑後學劉承幹編次

贈袁子瑜 修理次韵

身世茫茫百慮牽  
書研瑤瑤理難詮  
戎機神速兵猶火  
君方從官跡浮沈  
命在天名想豹皮留  
汗簡事嗟馬腹  
困長鞭重傾十七年  
離緒回首前塵感逝川

感遇詩篇鎮畫灰  
如春鳴鳥夏鳴雷  
難醒噩夢心猶怯  
未了吟逋客屢催  
風馭疾馳寒暑短  
雪簷低壓壞雲頽  
只宜相對招歡伯  
日飲無何醉幾回

酬董鑄范

蠡舟疊前韵

駛車遮莫乞兒牽  
自守元亭第一詮  
拔劍哀歌宜斫地

懸河俊辯且談天  
昔騰身世蒙頭睡  
困悴心情袒背鞭

王後盧前渾細事  
較量未敢學盈川

狂瀾難辦止蘆灰  
五岳填胸鬱怒雷  
心緒吾還冰檠戰  
鬢華君漸雪霜催  
文章當世知音少  
絲竹中年壯志頽  
埽淨浮詞研樸學  
相期力障百川回

貽孫愈愚

三疊前韵

劭德難蕪俗不牽  
言從楚些得良詮  
十年還往師非友  
六鑿祛除性是天  
撰杖人多顏氏寢  
趨庭子或伯俞鞭  
底須卻病求靈藥  
抱朴書城問稚川

一瓣心香念未灰  
敢將布鼓敵雄雷  
笑談但覺鬢眉古  
箸述渾忘歲月催  
老吏文章同獄斷  
醅儒風概挽波頽

造廬莫厭過從數  
磨螳周旋往復回

四疊前韵索子瑜鑄范和

名繯利鎖謝拘牽  
風雅遺音義待詮  
金石奇聲矜擲地  
笙鏞廣樂聽鈞天  
一心組織千絲網  
四座傳觀七寶鞭  
競秀騷壇誇二子  
笑子學海不成川

石鼎宵深火盡灰  
彌明倚壁息如雷  
誰知翰墨供吟諷  
更勝錢刀苦督催  
鱗甲敢談龍變化  
崔嵬空歎馬虺頽  
降旛便欲從君請  
文陣雄師卻敵回

神

聰明正直有常經  
黍稷何如薦德馨  
嶽瀆功施宜敬冕  
星辰名氏誤丹青  
窮荒漫立金人祀  
流俗爭祈土偶靈

三四

一笑淫祠多詭黷  
敢將賄賂到幽冥

仙

句漏應嗤葛稚川  
燒丹鍊汞事誰傳  
儒流偶信參同契  
幻迹空矜錄異編  
豈有松芝能駐景  
由來雞犬亦昇天  
誠哉記夢昌黎語  
護短憑愚未聖賢

鬼

柳車好送莫遲遲  
燐火青熒夜靜時  
異事曾還秦帝璧  
雅懷慣唱鮑家詩  
若為圖畫工偏易  
偶作挪揄理亦宜  
一任黎耶多變幻  
不聞不見我何知

怪

楚些齊諧妄聽之  
求端詢末意何癡  
聖人不語時偏好

後世能知我弗爲牛鬼蛇神多譎詭瓦礫竹帚亦靈奇  
窮形盡相難藏匿總在燃犀一照時

知否

知否瑕多不掩瑜底須得失較錙銖晉人紀載幾乎罵  
魯史文章失也証論古最宜平意氣探源直欲盡根株  
黃金擲牝眞何益後世揚雲定有無

歲暮偶成

索莫殘年况杯醪且一中寒因風助虐人與歲俱窮薄  
俗交情賤清門世業空此身眞寂寂難免笑王融

題蔣生沐

光煦 審山紀游圖

景轉橋邊放棹宜尋山終竟爲尋詩莊襟老帶無多客

三四

白塔紅亭倒好嬉路近只攜雙屐去我來可惜四年遲

何當更鼓登臨興重倚孤雲寫色絲

題戴銅士詩集四十二韵

歲月忽不居學問互相長離襟四旬隔夢境百回想寄  
言荷存問雅什快欣賞慰藉心旌懸醫治舌本疆平生  
事編刻古昔勤鑽仰風騷討源委得失斟銖兩有揮灑  
性靈有發抒學養有藻采紛葩有波瀾激盪節然嵩華  
高浩然江海廣冥然運鯨鵬闐然擊虬蟒夔石鏘然鳴  
娥輪皎然朗瀏然而清颯颯然以爽奧窈窮探研衣  
冠鄙規做世競炫浮華君獨餐澆沆揆諸志所之庶已  
得其髣淨境埽塵埃平蹊闕夷昶六鈞力士弓一品仙

人筮唱呖鐘兩樂縝栗車重軻氣逸鳥刷翎味腴熊舐  
掌字字擅神奇時時湖疇曩貧宜做骨撐才許香名享

三男盡驥驥萬里絕羈鞅英詞絢輦悅美譽蜚縹緲史

能識擣犁字早辨甄益碩腹弄縹緲良材敷篠蕩藍田

失雙璧岱岳嗟一往仲子劬夏課壯歲登秋榜公車赴

紫陌旅櫬隔黃壤盈虧理難測珞珞言眞迂孤孫戲篠

驂高堂扶鳩杖事育兩艱難情懷一悽惘推天慰孟郊

談元凌郭象噩夢劇辛酸清思何決滄逍遙物外游蕩

滌人間響伊余苦凡劣少小蒙推獎結交厠紀羣埘庸

陋凡蔣謂當有志成而竟不思罔他山攻錯資異地音

書在文囿翹蘭蕙視田薤榛莽懷探五色筆手結千絲

網抉擇目已迷獻替論終謹再拜陳此詞千秋示吾黨

珊媛曲

石氏女名珊媛寧波妓也道光二十年夏嫁爲

營卒崔某婦月餘崔隨征定海是年九月崔戰

歿珊媛誓不更適其假母迫使復理故業媛佯

諾焉夜潛起赴甬江死士人憐而葬之年僅十

七

四明江水清難唾珊媛生小芳名播墮落空懷藩溷愁

妝成翻苦鉛黃澆翠袖輕籠怯捧觴黛眉微蹙羞陪座

倚竹低徊態可憐破瓜綽約年纔過骯髒風塵不自聊

舞衫歌扇一時拋指迷幸渡青蓮筏譜曲誰賡碧玉簫

嫁得軍中射鵰手粗衣糲食甘長守健臂彎弓一笑時  
神針綻甲三更後比日真成得水魚纖腰不關迎風柳  
俄驚羣醜擾邊垂敵愾旋興六月師袞袞王侯本無種  
依依兒女不須悲別離可奈軍書急恍惚休論戰事危  
揮手橫刀出門去淒涼轉瞬即天涯一自鴛鴦嗟獨宿  
綠鬢飛蓬罷膏沐破鏡難憑隱語猜金釵屢把歸期卜  
自惜驚鴻風貌殊願同臥虎功名速是時戰艦列旌旂  
海上戈鋌大合圍黠陣雲轟礮火模糊創血裏戎衣  
鯨鯢波浪軒然起猿鶴蟲沙伏以飛化石尙勞山頂望  
招魂只向夢中歸夢中忽訝郎君到交集悲懼相慰勞  
誤喜今番奏凱歌誰知詰旦傳凶耗髮髻羣憐魯婦悲

五四

五

髮髦願學共姜悼假母相依晝掩關酸風瑟瑟淚潸潸  
平將燕子樓中女錯認潯陽江口船侑酒強呼調鳳軫  
贈釵促使整雅鬟沈憂苦恨埋無地薄命生拚殉所天  
死生雖易心難改倡隨而月恩情在不堪火宅再棲身  
忍見金夫更遷賄欲疏防範且伴懼竊恐遲疑貽後悔  
蒙面羞爲辱井逃湛身自滌情瀾浼茫茫何處覓郎尸  
好逐江流歸大海一擲清冷杳不還九原冥漠勞相待  
玉碎珠沈一水隈傷心紅粉早成灰路人太息爭相問  
姓氏流傳石與崔蛺蝶春風羅綺化杜鵑夜月佩環來  
一杯黃土佳人冢十丈青松寡婦臺記取埋香憑弔處  
江花江草有餘哀

蛛網十六韵

爾本微蟲質誰將絕技傳巧同蠶吐納勞勝螳盤旋結  
撰迴文錦周圍列宿躔腹摹牛鼎鉅背負蠲筐圓舒卷  
原由已循環且任天千絲條理備一縷往來緣柔喜風  
難斷疏知日可穿自能規矩中不畏網羅牽宵小除蠅  
蚋貪殘笑臉蛛飽應餬口易高覺置身便縶罟漁梁設  
罟罟綺戶懸聖王曾做倣隱士偶矜憐八陣軍容肅三  
輪佛諦宣漸成功有序居正位無偏組織文章手經綸  
宰相權何時看展布晝暖畫堂前

伍子胥簫

簫聲幽咽隨悲風子胥乞食吳市中殘杯冷炙不自屑

五四

六

哀笳怨笛將無同嗚呼侏儒飽欲舂惘惘飢驅乃奇士  
君不見漂母哀王孫野人給公子不須尺八譜哀音今  
古英雄盡如此

高漸離筑

擊筑易水邊悲哉壯士不復還擊筑秦宮裏惜哉祖龍  
終不舂荆卿銅柱留侯副車成敗由來有天命一擲不  
中謀非疏君不見漢高皇顛羸蹶項歸故鄉浩歌擊筑  
雲飛揚

禰正平鼓

不報嚴城漏不催上苑花岑牟單絞作鼓吏淵淵金石  
漁陽擗卓立當筵自袒裼鳴鼓而攻坎其擊手如白雨

點頭若青山峰公將辱我我乃辱公老瞞大笑不敢怒  
禰生禰生人中龍

王摩詰琵琶

紫檀槽黃金撥一曲鬱輪袍能令白雲過簡兮簡兮不  
自嗟殊榮博得簪宮花鷓絃鳳柱才人手繡戶珠簾貴  
主家吁嗟乎丈夫磊落甘貧賤君王側席明光殿抱月  
懷風羞自薦

嚴節婦詩

節婦陳丙女嚴維鶴妻希凍母烏程人

泰山之竹孤生寒寒聲謾謾吟離鸞有子可鞠田足食  
吁嗟尺宅生春難無波古井洪爐玉蔗境一朝迴黍谷  
鸞雛生子竹生孫旌閭 詔下蒙褒錄完貞白首歸去

玉四

七

來相逢地下歡顏開嵯峨高冢道峰麓一抔土即懷清  
臺君不見慈竹有筠堅莫比舞鸞有鏡清于水汗筠作  
史鏡千秋陳女嚴妻題姓氏

王臺叔

棠 輓詩

斷鴻天末送哀音一紙飛書淚滿襟姓字宜登高士傳  
畫圖空寫故交心秀水陶梅若為乞靈大藥成虛願多  
病餘生尙苦吟愁絕對牀聽雨客總帷影裏慟人琴  
相逢杯酒苦恩恩聯襟分襟一夕中回首恍如前日事  
論心綽有古人風文章傳世名長在哀樂傷懷疾始攻  
才富不教年竝富乘除誰與問元功

哭沈柳橋

登瀛 四首

岱岳悲長往鄉邦失所宗斯人宜不朽此涕豈無從  
夢驚先兆沈疴減舊容外生何限感相杵罷鄰春  
步武鄉先輩淵源古鉅儒周親通粟帛外友託妻孥身  
世嗟效鳳人情愛屋烏淒涼思舊賦撫臆淚沾襦  
志切爲時用覃研乙部書典章精攷覈目錄富收儲推  
廣叢亭議刊除夾漈疏鴻名垂竹帛此願惜成虛  
十載苔岑契忘年意倍親借書警校便問字往來頻學  
邁劉原父齡齊郭景純待將無媿筆表墓勒貞珉

過溫鍊花口鑑拾香草堂看梅因留小飲卽事有  
作

路近過從便敲扉犯曉寒庭梅春意足杯酒故人歡揖

讓奇儀簡文章定本難時方編次大集黃墟今昔感回首涕泫

瀾謂沈柳橋去春同集於此壽孫愈愚變 六十

太古遺風物外身閒扶鳩杖岸烏巾筆端早注千秋遺  
胸次能完一味真玉面方瞳無量壽儒林文苑必傳人

良期攬揆符佳讖更祝華年過老申君生於八月五日按癸辛雜識汴梁相國寺有石刻東坡題名云蘇子瞻子由孫子發秦少游同來觀晉卿墨竹申先生亦來元祐三年八月五日老申年一百一歲

甘載棲遲共里閩人倫藻鑑屬鄉評但除文字全祛累  
自啻精神善養生北面甘爲牀下拜南飛新倚笛中聲

華堂介壽簪裾集丹桂飄香撲酒觥

八月十四日愈愚招同人集飲修竹山館用韓退之八月十五夜贈張功曹韵賦謝

童齡耄歲觀恆河西飛鳥免東流波一生幾遇好風月  
最宜對酒同酣歌小極無端忽見苦困臥匡牀聽愁雨  
平生意氣秋雲高閉門乃學寒蟲號知君招我文字飲  
病魔聞命皆潛逃書生饕餮屬廢易嘉肴清酒除羶臊  
主賓一室七人共頗勝二客從臨臯先生角中如錦里  
貞疾天教恆不<sub>即用君六十</sub>自述詩句 靈丹何必求大還耆年  
碩德與古班幸參末坐荷教誨不遺微賤歌絲蠻清談  
妙詠盡餘事學識已覺超人間達觀善作娛老計魯戈  
揮日能留攀酒闌歡極臚詩歌願君從此設定科一年

三四

九

一醉豈云多斯盟永永期無他造物雖駛如吾何

小滄浪唱和詩題詞計二田 光祈 屬賦用歐陽永

叔滄浪亭韵

計君二田老詞客寄我唱和新詩篇烏絲寫定兩大冊  
丹黃甲乙何紛然我聞聞湖好風景雲林迴繞溪灣環  
林溪幽絕亭榭穩濯纓之水清而妍此邦碩彥相輩出  
其人已往聲名喧殘縑零紙六丁守常恐散落成雲煙  
爾來古意君復嗣前生翰墨留因緣春秋佳日文酒會  
一時朋好皆詩仙長篇短幅盡圓美如啗石蜜甘中邊  
高人正爾發高唱田歌誰道非知田覃思轉若不經意  
風行水上生滄漣會看雒誦徧吳越傳鈔坐費備書錢

吾生少小有吟癖寒蟲酸咽嗟誰憐浮名不及一杯酒  
醉中或可全其天名賓實主要在我東隅已失思虞淵  
君前筆硯久焚棄無何日飲惟酣眠今朝見獵忽心喜  
依然好尚追當年書生結習君莫笑嚴詩杜集千秋傳  
題蠶事圖十首次韵

烏兒

宛如破殼出鵝兒戢戢駢頭劣一絲剛好桑枝漸濃綠  
滿窗紅日影參差

出火

三眠出火費綢繆酒醴虔恭祀馬頭更取權衡較多寡  
穰穰絲纈祝盈箬

三四

十

大眠

出雉纔過飼食時大眠新起莫稽遲柔柔采得連枝葉  
入手青青曉露滋

花蠶

秋兒秋母盡堪珍別有花蠶種更新豈獨文章輝五色  
請看他日布經綸

繚孃

九還丹就幾經綸蛹伏蛾飛轉眼更檢取繚孃先上簇  
蘆簾稻帚縛山棚

上山

勤勞小息 開顏準備温爐好灼山又道灼山宜看火

催人啼鳥正關關

翦花

羨他化蛹尙成雙  
翦出花枝意早降  
待繡鳳鞋新樣好  
香絨細擘傍紗窗

對蛾

辨別雄雌對兩蛾  
熏爐明燭夜如何  
虎交雉雉關時令  
更有微蟲候不訛

生種

阿蛾迴轉祝團團  
試攷蠶書一卷攤  
息息生機總無盡  
來年忙月待重看

題董樂閒丈 破帆圖

五四

十一

我觀破帆圖試作破帆行  
破帆有佳處請君爲我傾耳  
聽風急舟不駛風狂人不驚  
從來設想貴退步人生快  
意安足憑君不見江湖連天  
波浪生中流一葉嗟敲傾  
收帆遲挂帆早風力吹帆帆  
力飽履險乘危常草草安  
穩何如破帆好風順不可常  
帆破猶可張但使風常順  
破帆亦何恨

楓橋顏子祠十六韵

俎豆三吳地簞瓢一畝宮  
題顏荷宸藻卜宅對江楓像  
設承前代階封本上公  
四科名獨冠六藝學先通  
禮樂推王佐行藏協聖功  
宣尼心特契神禹道相同  
子姓雲初後鄉關泰岱東  
因隨南渡馬宛作北來鴻  
數典難忘

祖傳家尙屢空金  
縉頌內帑土木聚羣工  
白練當年望朱甍  
此日崇取新遺址  
改稽古聖朝隆  
祝史衣冠肅祠田  
黍稷豐蒸嘗陳魯  
酒弦誦式吳蒙  
故國依虞仲虛名  
笑孔融從來豪傑  
士陋巷有儒風

楓橋寓居雜詩三首

草莽池臺劇可哀  
金閭門外一徘徊  
江楓識我如相笑  
此客今來已十回

旅夢驚回睡不濃  
布衾可戀起來慵  
殘燈未滅窗猶黑  
臥聽寒山寺裏鐘

朔風庭樹鎮颼颼  
就曝南榮擁傲裘  
寄語漁洋應一笑  
眞看白日淡蘇州

五四

十三

吳江道中

歸權松陵路瀟瀟  
寒雨中舟輕難敵  
浪裘傲不禁風泛  
宅元眞子纏衾  
銛朴翁後來徵  
故事我亦過垂虹

除夕卽事

寂寂眞何待流光  
去不回劬書生計  
拙說劍壯心頽聊  
擊催詩鉢難尋  
避債臺三冬寒氣  
索旦晚好春來

題月冷峰青圖

上海趙霞莊

雜喜

余從表兄也以府經歷赴廣

西候補卒於漢陽舟次其姬人李二姐京師人  
吞金以殉霞莊族弟右卿 光弼 爲作此圖屬題

青峰倒景湘江水冷月愁雲淒滿紙讀畫令人感無已



貞烈羣欽弱女子郎名維嘉乃趙氏家住江南客燕市  
妾日二姐其姓李生小單寒美容止十五來歸奉盤匱  
郎君捧檄爲貧仕攜家道出湘江疾痼疾沈綿竟不起  
妾心如金堅莫比感君恩義從君死時在道光十一祀  
二姐年纔十九耳湘江之水清且泚鬱鬱芳馨動蘭芷  
峰青月冷長如此億萬千年此詩史

與王仲漁錫琛夜話二首

拔劍悲歌感百端較量身世太辛酸愁懷隘視三千界  
別夢遙連十八灘時命兄寬園方客贛州鼎鼎中年哀樂易茫茫  
大地去留難分明杜老題詩處秉燭羌村語夜闌  
壯志銷磨困米鹽讀書謀食兩難兼未能莊交藏刀喻

五言

大似揚童荷戟占萬事由來如意少一生自信擇交嚴  
我歌君和真同調呵東臨池筆更拈

閱戴銅士銘金戊戌年日記誌感二首

記否同游處蘇州又秀州華年春易老往事水長流是  
想纔成夢無方可療愁紀行存筆札此樂苦難留  
更把當年事從頭數一巡煙波春泛艇燈火夜留賓結  
習餘文字歡衷阮賤貧回思如昨日六載感塵塵

馬

伏櫪年年壯志銷千金駿骨枉相招空留拂絹將軍筆  
難伴鳴騶使者軺安步底須爭徑捷長驅不敢怨途遙  
平生慣識鹽車苦玉勒金羈未肯驕

牛

犧牲幸免滌牢中銀漢仙槎路莫通問喘停車思宰相  
讀書挂角歎英雄回頭自有排山力燒尾能爭破壘功  
太息商歌聲歇絕一枝短笛伴村童

羊

長林豐草任盤桓羸角誰知進退難綠野開莊容點綴  
冰天仗節共飢寒迴腸道路肱三折熟胛光陰指一彈  
奴隸猩毫臣免穎五車身後歷文壇

豕

圈豢牢囚亦太愚幽風誰寫獻豨圖心傷人彘刑章酷  
耳熟姬豨樂府呼難免就烹歸鼎俎竟甘自辱負泥塗  
憐他饜飶糟糠味博得脂膏待剪屠

犬

偶聞怪事說歌梅飽食狺狺日幾回逐兔有時隨獵騎  
化龍爲我守書堆心知衛主忠臣節力足當關大將才  
舐鼎便登仙籍去吠聲吠影漫疑猜

雞

雄冠銛距太昂昂野鷺同羣氣不揚擇粒未妨廉士節  
注金或鬪少年場一官小邑絃歌美五夜荒村起舞忙  
風雨瀟瀟愁寂處幽窗伴我話淒涼

哭王氏佩兮二妹日琛二首

斷雁傳素書哀音淒滿紙展書不能讀淚下如鉛水初

予來問疾不謂汝將死就使難速痊參苓猶足特別來  
十餘日哀哉竟不起問年得幾何二十九而已兒女幼  
無知夫婿隔千里汝魂果何歸汝目恐猶視

昔汝在閨中常得父母憐昆弟姊妹多惟汝稱最賢少  
予只三歲兒嬉其庭前就塾誦詩書昕夕同一編既嫁  
宜家室于今纔十年翁姑所鍾愛婦職允無愆奈何年  
命促一旦歸黃泉欲寄大雷書茫茫此蒼天

寄王崑圃妹婿

錫珍 贛州

我昔客杭州吾婦病而死君今客贛州吾妹疾不起此  
味我慣嘗君今亦如此想見開書日一慟不能已迺歸  
定何時修途幾千里一女生三旬四子各幼稚對此摧

五

五

心肝哀哀失所恃吾聞擊缶歌前哲寓微旨念君重自  
念淚流面如洗丈夫有時命凌雜不足理相期早致身  
俯仰拾青紫上博庭闈歡下令泉臺喜善保千金軀自  
愛宜自慰慎勿效神傷區區爲妻子

同人分詠閨中用物余得二題

熨斗

爲郎伸帛摺細意替經營可惜眉閒皺難將熨貼平

剪刀

大好并州刀裁衣稱長短別淚似連絲欲剪不能斷

寒窗雜興三首

最苦風餐雪虐時半瓶白酒好禁持幾竿壓折窗前竹

我自瞢騰醉不知

夢到西冷處士家空吟對雪憶梅花居然羣玉山頭住  
不見仙人萼綠華

凜凜寒威歲欲除薑芽斂手正愁予朝來腹臆多新句  
硯水成冰不得書

古風

麒麟牛作植橐駝馬腫背虛名無實用少見必多怪彼  
哉石季倫自詡身名泰一朝忽見收軀命付奴輩吁嗟  
嵇叔夜放浪形骸外奇意鬱青霞鸞翻亦遭鍛貧賤難  
自存富貴有時敗自處無一可浮生果何賴吾愛陶淵  
明恥向督郵拜吾愛申屠蟠不受黨鋼害

五

六

陸簫士

長春

話去年西湖舊游感賦

一洗胸中萬古愁西湖風景最宜秋舊游回首渾如夢  
衰柳殘荷水磨頭

風逼襦衫分外涼隨人幾度踏槐黃湖光山色都相笑  
如此襟懷未減狂

一雙蠟屐快同攜行徯蘇隄更白隄游興未闌人盡散  
畫船簫鼓夕陽西

葛嶺題詩與太慳空吟雲占半房山輸他玉峽飛龍句

五字流傳亦等閒

余與簫士自到西湖即接東坡入廬  
題壁而余僅得雲占半  
房山一句竟未成篇

秋土秋山有夙期冶游渾不異春時踏歌聲裏歸來晚

拍手爭看倒接羅

帶郭依山穩結廬故園無此好家居何時卜築同招隱  
兩板柴門萬卷書

雨

一洗驕陽酷雷車殷殷過濕雲爭擁樹急雨亂翻荷得  
酒應歡喜當風且嘯歌北窗容醉臥消受晚涼多

酬宋樗里樗次韻

龐眉屏跡海東濱翁集聲香溢齒芬有豹深藏方隱霧  
與龍追逐願為雲書倉珍祕靈蘭室詩律精嚴細柳軍  
他日幅巾來問字忘年應許結同羣

漫成

玉四

七

太息娉修轉絡羈欲將行止問神著苗山松澗天何意  
鳥鳳魚鯢世不知憂患未空宜學易勸懲無當莫言詩  
如聞孝若詞鋒俊隱几從容抵客疑

題海棠待聘圖

嫁杏娘梅候漸殊良時嫵婉莫輕孤碧雞走馬來諧價  
不惜平量十斛珠

風情誰似放翁顛幽獨名花黯自憐銀燭高燒開夜宴  
酒缸也合買紅纒

咫尺紅牆隔渺茫可能三萬聘錢償錦官城外花如錦  
卻笑天孫組織忙

蹇修好為結同心判白裁紅伴苦吟金屋深藏勤護惜

綠章日日乞春陰

坐雨遣懷

癡雲淪淪雨絲絲釀作春愁黯自知茅屋有人浮白賞  
芒鞋誤我踏青期波添野渚蛙鳴早風阻郵程燕到遲  
悔質做裘償酒債峭寒如水苦禁持

初秋寄懷范白舫銘揚州即用去秋見寄韻

一葉井梧落黯然秋思深路長惟有夢語苦不成吟涉  
世疏良策經年滯遠音何當騎鶴去邗上續題襟

家琪雲鼎權疑園志題詞二首

疑園者實無是園也但擬議而為之其文奇恣  
不限繩尺蓋寓言別有寄託云

玉四

六

園池記外出新編意匠經營劇自然謝客早誇先作佛  
曹唐今賦小游仙心通上上乘中偈夢到非非想處天  
彈指華嚴樓閣見不須辛苦費言詮

廣廈平生志未酬妄言妄聽足埋憂奇文自得真三昧

俊辯能知大九州鵬鷗逍遙同世界蟀鷓迴換幾春秋  
此中占盡神仙福乞與人人作臥游

舟行順風

如絃離柱矢離檠迅速征途快此行雲挾風威催雨落  
舟憑帆力與潮爭鷗鳥浪跡真無定象馬驚波太不平  
會得安心微妙法世間險阻盡夷庚

和于問樵清二蘇齋落成二首次韻

溪山佳處築幽居消受吟餘更醉餘曲檻評花春霽後  
匡牀聽雨夜涼初二紅學煮齊安飯七白新裁甫里蔬  
領取詩篇禪悅味華嚴法界契真如

憶昔三高此卜居風流儒雅古人餘夢清自比羲皇上  
詩好能追正始初萬个煙園千畝竹九秋霜飽一畦蔬  
唱酬花萼編家集四海朋儔總不如

題鈕山琴

臨野老屋圖二首

君書屋額曰  
幽竹山齋

觚牘遺編在文章氣味真北麻留故里南國數先民水  
竹居原好滄桑跡已陳草堂今再造後起有賢人  
憶昔苔岑契論心共醉哦高懷千載上小別十年多不  
盡停雲思相期泛月過山窗幽竹裏重與鬪陰何

玉四

九

九秋詩社與袁子瑜

修理

陸簫士

長春

分題每集

三題計十五集共四十五首

秋林

長松修竹總含愁翔鳳空聞故跡留十里涼煙蟬獨語  
一天返照鳥爭投白雲深處停車坐黃葉聲中曳杖游  
只有廣寒仙植好枝枝丹桂小山幽

秋店

逆旅西風看自悲亂山繞屋似松滋人稀警枕宵無寐  
月冷征途曉獨辭瘦菊一籬聊貰醉荒苔半壁漫題詩  
茅簷坐聽雞聲唱彷彿匡牀起舞時

秋齋

蕭寺荒亭一例猜空山寒信早相催傲霜松菊曾開徑  
積雨琴書亦繡苔涼月滿窗新夢覺清風入坐故人來  
打頭屋小孤燈暗夜讀歐陽賦筆哀

秋容

明媚蒼嵐淨碧波淡妝濃抹態如何誰從玉露金風裏  
更唱瓊枝璧月歌雨洗芙蓉含淚濕霜欺楊柳織愁多  
不嫌瘦圃花憔悴日日籬邊載酒過

秋光

一片空明映太虛鯉魚風起雁來初經霜波碧清無底  
過兩山青畫不如籬落疏燈尋蟋蟀庭階涼影浸蟾蜍  
登臨病眼何曾怯擬挈萸尊策蹇驢

玉四

五

秋色

平澹功從絢爛深試參造化悟文心寥天風緊鴉翻墨  
老圃霜嚴菊散金涼月有情窺破牖夕陽無語畫疏林  
白蘋紅蓼汀洲路道染清華入冷吟

秋帆

青蒲無恙挂輕航神助眞疑送馬當五兩潛吹疏雨歇  
一桅遙界碧雲涼江天日落鳥爭立海國潮迴鸞學張  
鬢點新霜心尙壯會看破浪走風樯

秋鏡

入隙商飈颯颯鳴紅花危碧颭深更案頭涼照蟬編展  
渡口疏搖鱗斷明四壁蛩聲尋欲徧半窗菊影畫難成

他年得意春風裏莫爲長檠棄短檠

秋屐

問菊尋莢好細論此生佳癖近黃門躡雲訪勝空山響  
冒雨行沽小市喧霜冷板橋留曉跡苔荒石磴印涼痕  
西風雙足登臨健青筇紅藤畫意存

秋興

豪情逸思兩難推遮莫商聲聽可哀蕭颯二毛潘岳感  
淋漓八首杜陵才預愁有吏催租到特恐無人送酒來  
領略冷吟閒醉味涼天鎮日好懷開

秋懷

吐絲相對罽青蟲觸緒纏綿恰與同萬里羈愁砧杵外

玉四

三

一天涼思雨風中登山臨水人初別去雁來鴻信未通  
最是哀蟬蕭瑟處不堪心事付枯桐

秋病

憔悴西風似茂陵袷衣欲試弱難勝三山採藥吾將隱  
八月觀濤僕未能戰雨殘蕉身破碎凌霜瘦竹骨峻嶒  
酈亭菊影人間有莫問涪翁幾折肱

秋戍

窮邊負羽歎勞勞醉臥沙場氣自豪望月涼吹猿臂笛  
挽波寒洗雁翎刀草枯關塞瑠弓勁日落旌旗畫角高  
夢裏還家驚易醒悲風四起正刁騷

秋穫

香催穠穉曉霜嚴農事西成問部簷肩壓黃雲齊荷擔  
腰橫碧月各攜鎌家雞野鷺餘糧飽課雨占晴舊夢恬  
紅樹村邊風景好稻堆高過屋山尖

秋牧

商歌扣角動幽懷放犢山涯更水涯衰草霜枯芻秣足  
疏林雨暗笠蓑偕臨風弄笛歸將晚臥月和衣夢亦佳  
悟到養生鞭視後南華妙喻佐談諧

秋池

西風瑟瑟水溶溶倒寫羅雲鏡裏容疏雨一天凋菡萏  
清霜九月冷芙蓉流觴修禊春如夢洗研摹書意亦慵  
淨碧鬢眉涼影蕪荒園幾度駐吟筇

玉四

三

秋巷

賣花纔聽唱紅腔鵲蟀光陰駭急瀧一室簾飄風颯沓  
千家砧杵月琤琮登高載酒晨嘶馬歸路攜鐙夜吠龙  
愁絕烏衣橫夕照飛來如客燕雙雙

秋屏

水精雲母洗塵氛隔斷西風策汝勳菊枕低圍山六曲  
蘿窗斜掩月三分光寒銀燭宵無睡香冷金爐晚更熏  
絕愛已涼天氣好碧闌干外漾簾紋

秋角

霜寒警枕鎮無眠坐聽吹金更黯然悲壯龍愁鼉憤曲  
淒清鷹鷲馬肥天荒城晨鼓初嚴後蕭寺昏鐘未動前

淚灑黃州迎饒處西風哀響送坡仙

秋鐘

警宵一杵出精藍無射聲從令序參石罅寒波同款坎  
枕函涼夢破沈酣霜清遠浦舟孤泊月冷深山徑獨探  
佛火青熒風雨黯蒲牢餘吼尚齧齧

秋鈴

月明南內曲曾教一片涼聲細碎敲梵塔霜高鐘磬寂  
畫簷宵冷雨風交清吟替戾知誰勝寒態郎當似我嘲  
卻憶獵劉邊氣肅凱歌遙聽奏金鏡

秋菽

宛如珪月正初三翠莢垂垂摘滿籃豉配蓴羹鄉味美  
乳供齋饌腐儒甘中原露冷禾同熟小市霜清菜共擔  
更有碧珠方播種蛾眉留待伴春蠶

秋葉

渾疑二月放花枝點染西風畫裏詩泣露啼煙無限感  
迴黃轉綠不多時涼衫補綴從人翦小艇掀騰似爾危  
怪底枯桑憔悴甚吳都乃有八蠶絲

秋樹

倒頭危坐好攤書蒲壓苔埋尚繞廬榆莢三霄差耐冷  
菩提半偈欲逃虛遙山楓影霜初醉小院桐陰雨正疏  
自有歲寒松柏在江潭搖落漫愁予

秋橘

神仙舊隱冷棋枰慣聽淮南夜雨聲水市人煙空外合  
木奴風味個中評霜團珠顆千林滿日鑄金丸一點明  
肯共北村矜夏熟凌寒無媿伯夷清

秋棗

八月幽詩好細論風包日顯滿山村簷牙香撲寒星落  
籬角涼垂宿雨昏北地佳人青鬢改南朝宗老赤心存  
安期信有長生術飴蜜調甘更侑尊

秋筍

此君俊味故依然草徑林凋更發鞭千畝煙雲龍化後  
一籬風露雁來前筵供賞月心先咒籜解凌霜口欲涎  
猶記殘春參玉版重游應話木犀禪

秋螢

涼宵幾點入疏簾幽火如星見復潛待月亭空團扇撲  
臨風人靜袷衣黏芸囊冷照三更永梧井微飄一葉兼  
莫向雷塘尋故苑於今衰草露痕霑

秋蚊

淨洗炎歊換袷衣軒窗豹腳尚紛飛網穿澹月蛛絲罥  
市閭輕雷蟻陣圍露坐針樓揮羽扇涼眠冰簟隔羅幃  
甘人膏血嗟何補丹鳥西風正苦飢

秋蠅

交繩飛止點輕衫露冷管茅恨未芟破夢猶聞賢后警  
趨炎早罷佞人讒龍泉涼嘯驅仍集鱸膾香烹噉更饒

末路倘依騏驎尾風霜千里共駟驅

秋桐

朝陽曾集鳳皇馴更照如珪月半輪故苑碧雲涼入夢  
閒庭疏雨悄無人能知霜信先飛葉便是琴材也作薪  
鬢鬢班班元相感孫枝愁對苦吟身

秋桑

鷓鴣鴛降總模糊空護柔條命野處陌上嫩涼生白苧  
村邊斜日冷青榆眠蠶夢杳三春歇馴雉慵飛萬樹枯  
賸有六翮曾策處童童若木在東隅

秋棉

茸茸軟毳擘鴉翎衣被功推草木靈一罅裂絨雲出岫

三四

五

三棱垂柔雨淋鈴襟霑玉露今番采枝發瓊華舊夢醒  
織手碾彈偏耐冷空閨夜紡攤燈青

秋虹

口紅紺碧映霞標雨過寥空亘一條薄命佳人羅帶緩  
暮年烈士角弓昭彎環柱殿龍纏棟宛轉銀河鵲駕橋  
何處更容豪氣吐風霜天地正蕭蕭

秋雯

涼痕點綴碧玻璃草莽魚鱗幻莫稽星斗四垂疏雨散  
水天一色暮雲低遠開霽景銜紅日斜抹寥空界紫霓  
極目煙鴻霞鷺外登高客意總淒迷

秋嵐

冷翠千重繞鬢髮夕陽如在畫圖間薜蘿暝鎖雲中寺  
楓榭涼浮雨後山紫靄四垂天澹沲蒼煙萬點石孱顏  
滿襟爽氣題詩處節近登高擬更攀

秋幃

蚊蟻佳製翦冰紈垂處渾疑翠袖單坐久早絃三伏熱  
夢回先透一分寒清風有意來頻捲明月無心臥獨看  
艷絕流蘇圍錦繡凝霜紙帳笑儒酸

秋枕

藤牀筠簟共淒清一段幽香貯菊英夢境炎涼真頃刻  
夜情離合最分明遠蒙霜露思子美冷臥煙霞足此生  
欲挽文波供洗耳浮雲富貴久心輕

三四

五

秋杵

荒臺舊夢冷凝霞閒伴琴囊與畫叉坐隱正宜楸作局  
游仙偶以橋為家田疇劃對黃雲盡星斗分躔碧落賒  
敲子聲中過夜半一簾涼雨落燈花

秋嘯

蘇門逸響尙遺留爽氣凌空散百憂煙氲幽篁人獨坐  
月臨寒戍客登樓林泉冷澹窮逾傲鸞鳳淒清遠更遒  
攜酒臺傾衰草滿長吟何處挹浮邱

秋農

視作良田枉自矜先疇羨爾力能承澆疏井汲寒泉列  
打稻場開爽氣澄暫著衣冠度報賽新完倉廩倍豐登

四鄰向夕閒談聚人隙霜風黯一燈

秋隱

鹿門煙月冷松杉物外淒清迥不凡叢桂留人枝偃蹇  
空山落葉石巉岫肯依熱客青油幕自製涼天白苧衫  
欲訪三高游行地霜風遙送五湖帆

秋石

颯颯涼飈木落天益山更覺小窗妍凌寒骨相鋒棱露  
耐久心交信誓堅霧雨冷埋魚腹陣煙波穩泛鬱林船  
如聞織女支機贈便欲乘槎到日邊

秋澗

一道山泉萬壑趨清游九日采茱萸登高吟侶扶筇涉

毛

毛

向晚歸樵隔水呼涼浸雲紅波屈曲淡拖煙樹影模糊  
曹陽戰績今安在折戟沈沙失霸圖

秋砌

黃堆墜葉亂煙籠碧卸魚鱗夢早空苦雨一庭閒舞鶴  
寒風四壁絮吟蟲苔痕點登霜催冷菊影橫階月過中  
多少美人遲暮感斷腸花倚可憐紅



玉鑑堂詩集卷五

烏程汪日楨著

同邑後學劉承幹編次

題吟梅圖次韵

冷艷先春發妙姿詠花有客寄深思魂清骨峭真高士  
格麗詞新大好詩白裕風前吹笛罷縞衣月下叩門時  
鬢眉活脫傳神手絕似添毫顧愷之

巡簷我亦愛幽姿玉照亭亭若有思隱几煙霞頻結夢  
閉門風雪嬾尋詩孤高氣骨宜吾輩冷淡心情異昔時  
偶對寒香醉明月濁醪聊復一中之

王硯農每歲蒔菊四百餘種去秋邀客宴賞賦詩

陶梅若為作青來草堂菊譙圖予頃奉訪草堂

三五

花開正盛酌酒持螯因作二詩即題圖後

孤高氣骨本天真晚節幽芳結比鄰四壁名花宜隱士  
一時好友總詩人澆泉抱瓮晨行汲剪燭開筵夜款賓  
老圃從今添韵事石湖譜錄更翻新

笠蓑冒雨款門時劇喜雙螯左手持嗜酒不妨無事飲  
愛花未免有情癡評量佳色秋三徑點綴幽居水一涯

思舊轉縈他日淚黃蘊恨觸杜陵詩命弟臺叔久返道  
山梅若曾作客齒

哭友

車行口占

衝寒千里度關山日日車輪馬足間回首漁鄉煙水闊  
鞭絲爭及釣絲閒

苦為微名不自由風餐露宿困煩憂如何款段居鄉里  
西笑長安羨壯游

行路難山東道中渡河作

吁嗟乎行路難前荆後棘進退艱旅人辛苦徒長歎不  
必叩嶮九折坂不必龍門千仞灘計借我上京華去一  
水無端阻前路就深必賴有方舟羈留坐使征車駐北  
方水利功難成霖潦一降隨縱橫絕似文章大好手條  
從平處波瀾生此河不及一里闊水聲湯湯何太急奔  
流迅駛不復回墜溺懸知命難活與夫解事催發程我  
到河干天乍明誰知行人早空集紛紛渡口方喧爭爭  
先不肯排次序欲速翻遲良自誤沙頭久待無奈何斜

三五

日將頽隱低樹蒼茫暮色纔登舟四車相竝魚駢頭船  
舷偻仄立不穩兩手匍匐扶雙朝駕驟上車已昏黑逆  
旅遙遙望不得輿夫俯首僕夫愁兀坐車中自憫默疲  
驟雅步猶盤桓手中驅策空持竿載飢載渴那可忍夜  
深曾未餐朝餐吁嗟乎行路難

西楚霸王墓

幸樹蕭蕭振朔風大王遺恨滿江東重瞳何意同虞帝  
瘞骨無端視魯公壁上諸侯皆豎子帳中兒女亦英雄  
吾徒太息儒冠誤書劍虛殫十載功

趙北口渡十二連橋

惘惘輪蹄劇苦辛偶逢清曠此溪潛燕南趙北平如礪

可有耕漁避世人

曾記西冷泛畫棹蘇隄風月屢招邀誰知驛路紅塵裏

又渡朱闌十二橋

垂楊新綠已粼粼水色天光鏡裏涵惜少遙山青一角

煙波十頃似江南

緩緩輕車細碾沙遠村燈火見人家天公特遣征途滯

留我尋詩看晚霞

哭董鑄范蠡舟三首

江南弔鶴愴前塵廿載苔岑意倍親把卷作師兼作友

升堂誰主與誰賓笑談忽憶鬚眉古交際常留氣骨真

倘讀襄陽耆舊傳龐公或恐是前身

三五

三

覃研考證珠詞章經史羅胸孰執行直筆評量新例穩

曲臺推闡古儀詳詩篇集擬東坡富畫本名齊北苑香

可惜金荃功未竟叢殘手稿溢青箱

春苑傷情雅句裁冬缸濡淚畫圖開自娛元亮花三徑

懶把公榮酒一杯暇日讀書原是福餘年多病轉爲灾

平生知己晨星比長向人間賦八哀

夜讀紀石齋磊詩

煮字從來不療飢頻年底事撚吟髭孤高氣骨羞諧俗

眞率文章爛炫奇欲定去留難自主試尋甘苦問誰知

憐余深夜愁無寐敲火披衣更讀書

題戴梅簷錄蜀道陟岡圖二首

萍跡當年寄錦城墟篴曲驟變哀聲宦場落莫荒田宅

家事艱危仗弟兄境過幾如重說夢心安原不爲求名

力從鉤棘謀平帖陟險探幽共此情

故里重尋舊釣竿碎琴意緒雜悲歡雲邊梯棧蠶叢遠

天末風霜雁陣寒江驛歸心波浩渺慈闈曼齒竹平安

人生閱歷纔能悟蜀道非難世路難

題葉小鸞遺像

寫韵松陵有替人鏡中形影夢中身翠眉頰頰分明在

欲喚飛瓊恐見嗔

留得遺詩字幾行人間難覓返生香誰知桂殿吹笙女

更向猊林禮法王

玉五

四

眉子舒顰說硯緣櫻桃雨細潤琴絃蕉窗月暗銜殘炮

差幸貞珉未化煙

似聞壘上記紅簫環佩依稀賦大招弔古祇尋埋骨地

吳江葉葉冷楓凋

次湯貞愍公貽汾絕命詞韵四首

天塹嗟難恃金陵故壘秋國殤繩祖武巷戰場忠謀危

堞堅仍破殘軍潰莫收前修吾自淑違問世情尤陸士衡文

賦練世情之常尤識前修之所淑

易名丹筆注華袞勝陽秋故里安全贖崇祠卜築謀斂

形悲席裏雪涕翼關收債事誰尸咎偏甘忍詬尤

雅集邀裘帶前塵閱幾秋巡簷梅共笑展席酒先謀門

巷浮雲改琴尊掣電收殘縑留翰墨詩品傲蕭尤公署  
副總時郡城文其諸君嘗邀公同集余家九梅軒繪圖  
紀事各系以詩今九梅軒化為市肆已二十餘年矣  
雜誦懷忠錄果卿年丈成烈聲酸助灝秋能傳儒將度  
善為後人謀浩氣丹青託哀詞卷軸收彭咸遺則在恍  
慨賦逢尤

嘉應廟前閒步

鬻弄場開集眾譁蘆棚招客話茶瓜閒游獨向笙歌外  
負手循畦看稻花

題精廬小集圖六十四韻

圖藏沈柳橋登瀛處張秋水先生鑑所繪記妙  
境庵祭鄉前輩事也柳橋撰南潯備志南潯藝

五五

五

文補南潯著述總錄及南林鄉先輩私祀錄等  
書惜中年遽卒未竟其緒亡友丁子香桂為柳  
橋外甥嘗以是圖索題余為家蠱所困不復吟  
詠諾久未踐頃因纂修鎮志檢柳橋遺書復展  
是圖乃補系以詩蓋距柳橋之歿已十七年子  
香之歿亦十三年矣

湖州府七縣倚郭首烏程縣東七十里鎮以南潯名宿  
祐立鎮來六百有餘齡民物頗殷阜接踵多賢英文獻  
久放失約略猶可徵或生長於斯或蹤跡所經其人三  
十六季宋逮皇清有以氣節著有以文藝鳴窮者為  
隱逸達者為公卿要皆三不朽無媿鄉先生歿可祀於

社古昔垂儀型柳橋沈子曰是宜奉椒蘅誓宗未及配  
私祀禮亦應爰議定軌則其約同志朋祀事歲一舉舉  
必以春正鎮西古蘭若傳自宋代營云有朱進士創以  
守先筮本名厚德菴妙境後所更青陽好風日花竹麗  
軒楹僧房遠塵全靈爽或式憑虔恭設俎豆稽拜薦芳  
馨品物雖不腆所貴將以誠羹牆慕先哲古誼夙心盟  
曠世意相感何啻雲龍并祭畢肅而退飲福集家庭鄉  
黨莫如齒君子無所爭儀文相揖讓詩篇互酬賡如聞  
號呶戒必有監史懲砥礪交致勗談讌各適情張丈推  
祭酒作繪擘溪藤點染僅寫意六法師關荆呼之如欲  
出肖神兼肖形柳橋諸掌故攷索最專精著述證存佚

五五

六

紀載別涓涇備志藝文補一一仿吳興匹諸玉枕帖縮  
本摹蘭亭別編私祀錄一冊付鈔謄誣詞辨譜牒軼事  
搜碑銘人各為小傳下筆心先傾進退寓微旨嚮往託  
拳膺知人論其世想見其生平與祭者名氏羅列咸詳  
明其名曰私祀其實乃公評此舉系風化矩範式里閭  
用以誌勝集永承期相承惜哉九載後祭遂輟不行頃  
余輯志乘簡要苦未能努力事編刻巨粒嗤蟻孽幸茲  
先路導體例堪因仍姑作川學海遑謝藍謝青常慨風  
俗做思古寸念繁前塵渺難溯悵望徒盱衡何當更舉  
廢後賢以次增庶幾滅復續弗替如傳燈憶昔壬寅歲  
柳橋返化城遺物勤檢點似舅有佳甥攜此索我題歷

久卒未磨詎知丙午冬甥亦歸沈冥流元驚擊電良友  
嗟星晨此諾不可負此詩今始成詩成重展卷感舊涕  
淚零時咸豐戊午孟夏月在丁十九日十子晡後時加  
庚濡毫綴卷尾烏程汪日楨

題金劍門

朝珍

所藏松雪墨跡卷一

墨雲寶氣纏牛斗祝融卻步不敢取蘭亭落水例可援  
嘉話流傳在人口晶宮道人工八瀟義之之鬼運其肘  
新篇偶效小謝體寄興霞桃共煙柳興萊寺詩九妙絕  
語禪可與坡仙友紙長六尺高一尺字徑寸許詩兩首  
延祐庚申秋八月書於松雪齋南牖是時解組閱歲餘  
蹤跡已溷田間麥柴門反關多靜趣飛毫不染微塵垢

三五

七

墨痕沁紙似猶濕品題當出陵川右穠纖得中骨肉勻  
貌雖妍麗神雄超高陽許初題卷端篆文詰屈蛟螭走  
遂昌跋語江村詩伯生曾觀識於後昔年得自常賣家  
三百驪珠入君手裝池既竟索題句君揖授余余揖受  
吟思苦澁詩未成度閣于今十年久三月六夜鬱攸作  
君家百物皆烏有幸哉此卷翻得存君心差慰余顏厚  
需遲轉覺可居功懶惰誰知不我咎幾回展卷重摩挲  
神物焉可信非偶煨燂竟逃燦怒劫弄藏好倩長恩守  
子孫永寶慎勿諉貞石吉金齊此壽

烈婦篇為張烈婦作

慷慨烈婦心淒涼烈婦篇烈婦皇甫氏家居五湖邊父

日皇甫整桐鄉弟子員婦幼卽婉順父母所愛憐既長  
適張氏乃在潯溪墘夫婿亦庠生名模號槎仙移孝事  
尊婢靜好稱良緣結褵僅數載夫婿病不痊扶持供藥  
餌中懷百憂煎不食兼不飲侍疾意所專六日夫竟歿  
摧肝涕泗漣益矢殉夫志勺水不入咽親戚互勸慰此  
志守愈堅夫歿後三日婦亦歸黃泉婦時廿七歲事在  
丁巳年余方輯鎮志亟載入簡編頗訝小谷口湖錄勤  
丹鉛烈婦舅姑存事跡盡棄捐自詡筆與削予奪春秋  
權吾聞綱常義夫為婦之天婦人有三從舅姑不與焉  
矧茲夫有弟有弟婦亦賢屬以奉滄澹色養定無愆他  
年弟生子立後祀可延心安而理得何事更拘牽苛論

三五

八

叢責備其然豈其然里俗久頽敝日下東流川幸賴節  
義重巾幗猶能肩金李兩烈女有若雙璧聯凌玉成聘  
妻金氏梁  
希鸞聘妻李氏並未嫁聞夫計仰  
藥死一甲寅年事一乙卯年事今更得烈婦鼎足相  
後先行看荷 旌典綽楔標門前緹油記惇史不朽干  
秋傳

家蓮渠

鮑 輓詩

海嶼仙龕早築成娉修難與命相爭達人哀樂中年感  
老母摧傷暮齒情幸免妻孥遺後累徒留書畫說浮名  
雁啼驚起西堂夢俯仰前塵淚雨傾  
虛傳泰上有成鳩身世嗟同貉一邱緞面莫逃千佛劫  
酸心先釀十分秋樂何如死人誰悟貧不聊生我亦愁

桑戶返眞翻足羨茫茫逝水日東流

吳臥山 文光 招飲賞杜鵑花

招邀吟侶許追陪商略平生醉玉醅躡躡世途經閱歷  
芳菲春色費栽培似聞蔣徑三三問疑有殷家七七來  
多謝多情賢主意索詩特地一尊開

哭蔣寄嶽 海門之訃四首

追思風誼淚頻垂道路艱難計到遲歷亂家鄉兵燹逼  
迢遙江海旅魂悲平生鮑叔能知我後世揚雲定屬誰  
欲撫桐棺伸一慟歸人歸骨兩無期  
回首苔岑樂有餘往來昕夕共聯裾襟期眞率難諧俗  
論議清超每起予磊磊緇繩常散帙勞勞鉛槧未成書

三五

九

但教一卷傳身後何必遺編滿五車

通眉長爪藹如春廿載深交抵飲醕著述不窺唐以後  
性靈自勵古之人遺懷聊作無生話撫事偏留未了因  
虛擬夢中尋語語虔將神咒諷金輪

半年奔迸不同羣無定萍蹤去住分避地遠游依海角  
浮家小泊近湖濱亂離多事誰堪此疾病餘生更哭君  
他日讀書新有得復從何處一相聞

火輪船

舟製出西夷工技矜絕業炎燁火正功運輪輸人法治  
鐵寓新意刻木殊往牒縱或短或修橫有廣有狹中央  
竈突高兩側車轂夾釘杙聯首尾機械藏胸脅遲速各

轉旋彼此相筭攝鼓盪肯皮排推移憑版牘豕腹鼎常

那象鼻筒斜插巧借烈燄衝利取大川涉向若雖無涯

同渡不用楫旁宜設銃弩內亦儲戈甲琛賚藉之通薪

蒸毋使乏風逆行更駛浪破勢先惰水程越千里暑度

纒一霎劇勝淪波螺頗訝揚葩蚰黠如煙靄蒙霍若電

光霄長歌舡可扣疾走駟難挾角藝般倖驚競力孫盧

備 聖代善懷柔荒裔皆臣妾魏絳旣和戎郭積曾觀

獵情早花門輪盟非梨樹劫質遷錦纒羸往返舳艫接

羣盜方披猖良民未安帖曷勿效馳驅期以共諧變咸

歡子儀迓勿類伯嘉謀敵愾封鯨鯢潛師擊鷓鳴日月

兵氣銷烽燧軍書捷勳將麟閣酬名與龍驤協再拜旅

三五

十

葵篇四海 皇威治

憶別

三吳遍烽火故鄉難著我別後月依依夢中花可可

志感

雜誦古人詩酸吟太淒咽鮑昭行路難杜甫無家別

蘋花詩社詠上海古蹟四首

滬濱壘 晉袁山松禦海賊孫恩處又名蘆子城

遺蹤稽典午禦寇樹危旌漁蕪連三泖軍屯列兩城時

清誰習戰地險必交爭今古嗟同轍何當盜賊平

筆議軒 元彭汝器評宋史之所

雅擅專門業評量乙部書家風彭利用友道具廷珺大

擴叢亭識全刊夾際疏遺編今在否兵燹劫灰餘

最閒園

在烏涇黃里至正中王原吉自橫湖梧溪精舍移寓于此

高士蹤曾寄烏涇築草堂巾裾聊自適簪紱久相忘略

遠干戈地仍開翰墨場桃源何處覓避亂劇奔忙

露香池

明顧名世鑿池得石上鑄趙文敏篆露香池字丑以名園今青蓮菴是其故址

松雪留遺碣名園足嘯歌二分先種竹萬柄亂翻荷亭

沼形模改滄桑感慨多洗兵思壯士直欲挽天河

輓大司空張詩船先生

祥河二首

京華遠計託哀鴻杖履追隨感素衷氣誼潛孚形跡外

風規時露笑談中愛才如命真知我垂老無成竟負公

太息年來狂阮籍人間處處哭途窮

三五

懸車齒過未言旋欲報君恩忍舍旃清祕緣仍娛日暇

艱難時敢惜衰年騷壇名重心彌斂魏闕憂深疾更纏

料得賜塋歸葬緩江鄉偏地是烽煙

陸定園

以情

庚申紀難詩題詞四首

莽莽烽煙合鄉關涕淚滋長言歸詠歎浪跡苦奔馳杜

甫愁無奈唐衛哭有辭問天搔白首定亂果何時

黯淡湖山色塵氛十丈高飢民無甕盎悍將自旌旄列

隊軍爭潰懸門吏禁逃巖關誰守險偵探竟徒勞

烏戍田園在摧殘廢鑿耕諸君甘譽賊老子敢論兵禍

冀天心悔城宜眾志成滴澆難復古太息四維傾

一角瀛壖地人言此樂郊彈丸鶯出谷棲幕燕營巢噩

夢魂猶怯哀吟手自鈔相看未流殍聊與共推敲

題王叔彝

度勳 憶棧圖次其自題原韵四首

干戈歷亂徧江東莽莽鄉關涕淚中浪跡無依頭早白

劫灰未燼火猶紅誰知地主難為主我恨天公太不公

肯以飄零頽壯志飛揚莫笑九秋蓬

卜居君昔別營巢側近槎溪好結茅半榻琴書聊自樂

一庭草樹鎮相交筆牀茶竈塵襟浣藥砌花闌夢境拋

問訊東橋舊時竹春殘可放出牆梢

指點頽垣斷井邊尋盟鷗鷺也知憐枯筇瘦屐來何處

明月清風值幾錢空有詩篇懷鹿柴可無畫本倩龍眠

盛衰閱歷原常事滄海曾經變作田

三五

靖寇將招破膽魂釣游省識舊巢痕鼎新池館須重築

邁古文章待細論運策早知才略富開尊仍接笑言溫

功成身退堪娛老通德還應署此門

寓滬寫懷貽王叔彝四首即用前韻

田廬空憶畝南東多病餘生患難中夷舶帆飛滄海碧

軍屯烽逼近郊紅移家避地依孫宰置驛通賓感鄭公

幾許他鄉羈旅客翻教蹤跡合萍蓬

羨煞鷓林許寄巢難尋一把葢頭茅薄游漫擬登樓賦

長揖誰容戴笠交結客劍縱愁裏看傳家書帙儘餘拋

無聊忽作憑虛想蔗本回甘勝蔗梢

蓼辛荼苦徹中邊未受人憐早自憐雙袖龍鍾惟有淚

一囊羞澁更無錢追隨北海開尊醉魂獨南州下榻眠  
太息儒冠真誤我不營貨殖不耕田

浙水遺黎繫夢魂識君鴻爪雪中痕能官秩自三遷速  
退賊功曾一戰論大易同人金可斷小戎君子玉尤溫  
清談喜接應休棧莫訝袁生數款門

題沈揖甫 維裕 日可讀圖次蔣海珊 堂 韻二首

一絨芳訊藉鱗鴻十載神交積素衷卓行獨尋唐史傳  
高懷綽有晉賢風煙雲揮灑詩篇富花竹蕭疏畫本同  
好片樂郊吟嘯地移家安得向圖中

清裁與旨渺無涯品到中條更孰加風雅之間繞樂事  
宋元以降幾名家偶因避亂居同谷頗亦耽吟慕永嘉

五五

入塵欲參佳士列鬢絲惜已負春華

戲詠紙鳶禁作衰颯語

紙絳筠青費翦裁乘風小試不凡才放晴村落嬉春處  
得意兒童下學來翀舉天高紅日近搏扶路遠碧雲開  
絲綸在手憑舒卷空闊郊原往復迴

春仲偶成

料峭餘寒尚有威征人未許解棉衣鶯花二月春無賴  
江海三年客未歸逆旅浮生萍泛泛他鄉離緒柳依依  
衡茅棲燕巢偏穩不向雕梁近處飛

送鈕詠薇 福 之上海次潘芝雲 玉璫 韻 時同客

惆悵殘春把酒時黯然情味鬢添絲風波未定今猶昨

蹤跡無端合又離旅燕尋巢難自主啼鶯訴怨更誰知  
故鄉此日饒櫻筍我亦平居有所思

過陳金門 鏞 新居二首

近市居偏好依然仲蔚園南簷收宿雨東牖納朝暄  
蕙蘆垂箔分鄰槿結樊攜家堪避地此處即仙源  
伊我相過從忘形爾汝交苛儀刪揖遜款語雜諧嘲  
浮蟻開春甕燂雞出夜庖往來途不遠莫厭戶頻敲

沈補蟾 瑩 壬戌紀事詩題辭二首

回首重圍裏危城咽鼓笳兵驕難借箸食盡困量沙是  
豈魚龍厄 相傳郭璞有言吳興永無 翻成兕虎嗟餘生  
逃浩劫此別已無家 兵火之災終有魚龍之厄

五五

紀事傳哀唱淒清抵聽笳鄉心同結夢旅跡偶團沙意

氣君偏壯飄零我亦嗟從知杜陵老信史屬詩家

題王雪汀 偉 寒江獨釣圖

東海騎鯨渺難逐熱惱紅塵插雙足不如一艇泛寒波  
聊爾垂綸樂幽獨妙年器宇終賈儔是豈荒江漁者流  
紛紛肯效世閒態落落常昂天外頭紅衣危坐江之澗  
好片圖中乾淨土江鄉滿眼是烽煙此境不知何處所  
平生我亦甘逃虛亂離逼切趨窮途蝮蛇何足齒吾劍  
崩緜偶映歌無魚網利釣名無一可衰雪盈顛與時左  
空聞人世有仙源欲往問津嗟未果白水浩浩蒼山高  
狂奴故態依然豪終期結伴訪龍伯濯足扶桑策六鼈

許烈姬詩

青泥蓮花羅往牒清漣濯出田田葉于今又得許烈姬  
乃是洞庭東山朱氏妾姬本維揚鄧家女幼失怙恃育  
於許字曰香寶名德蘋就塾即能工韻語後隸樂籍中  
覓死無死所所耽惟詠吟不肯習歌舞朱君子鶴瀟洒  
才貽以詩句作鳩媒委身侍中櫛廣唱相追陪曾和漱  
玉詞欲與清照爭清裁閨房艷福人所羨誰料黑山青  
續紛然來舍後石家鵲竄伏在草莽此身一旦落賊手  
言賊斯能免淫虜賊刺以刃右臂殘一臂雖去一身完  
左手拾石擲賊面斷短氣絕摧心肝吾讀易安所序金  
石錄避亂倉皇猶在日如姬所遇抑更酷事在辛酉二

三五

五

月朔是時姬年三十六嗚呼一死可勵孝與忠泰山豈  
與鴻毛同從來立身貴晚節勿論其始論其終大吏封  
章告天子詔以綽楔旌其里君不見宋代毛惜惜  
高郵倡女耳英烈夫人有廟祀列傳千秋垂正史

題凌忠介公遺像

浩氣千秋在遺容幸拜觀憂時雙鬢白誓死一心丹仍  
世清芬守孤忠大節完可憐陳魏輩例作閣臣看

題盧湘泉

蘭初

兩腋清風圖

玉川先生擅詩騷條煩之子為深交數間破屋洛城裏  
身藏人海離塵囂羅胸文字五千卷腸枯肺渴須頻澆  
風流已往家學在淵源不隔千秋遙臨風玉立倍瀟灑

通眉長爪清而超品泉時喜作茗飲駢列甌盞紛鑑鈿  
龍團鳳團烹活火鱗眼魚眼浮圓泡籠頭紗帽坐微噉  
閉門靜聽松生濤仙靈可通良不妄虛襟颯颯吹輕颯  
由來佳茗比君子評量品格區釐毫坡翁作詩工罕譬  
不妨如黠如寬饒彼哉安昌非骨鯁有名無賴空騰嘲  
持身立志宜鑿此回甘諫果齋冰操豈徒煎水誇綠脚  
特與逸士爭孤高我生嗜酒兼嗜茗醉餘森伯相招邀  
陶陶此樂日難狀花乳何必輸芳醪誰云七椀喫不得  
百川一吸驚鯨鼉詩脾沁後鬪傑句吾雖衰矣猶能豪

玉鑑堂詩集卷五

三五

六



玉鑑堂詩集卷六

烏程汪日楨著

同邑後學劉承幹編次

冬日學舍病中作

忍飢甘作紇干雀腰纏莫羨揚州鶴冷官破屋風騷騷  
頌酒弦詩亦云樂奈何小極忽見侵一熱一寒相間作  
困眠無復縱談豪可惜知交盡離索區區微祿豈救貧  
斂版低心不知作名爭利奪紛勃安得天游祛六鑿  
姑吟苦語遺病魔或者病魔能退卻君不見古來文章  
勝良藥檄愈頭風詩愈瘧

正月十四日同沈肖巖

閩崑

郭怡孫

慶集

沈丹卿

拱樞

朱萊雲

志成

陸葦笙

采

游七星巖壁閒有

五六

吾鄉俞蔭甫

樾

舊題因用其韻

清游勝侶箋同擘蠟醞開尊湛深碧共乘小艇泛春波  
更倚枯筇凌絕壁嵌空峭拔中有屋上下左右無非石  
吳興清遠憶家山竹圍屏障松張帶弁陽大小兩玲瓏  
闕此幽奇恐顏赤洞泉自暖不成冰石髓無風尚流液  
欄柯曾說棋一枰洗鼎欲尋茅九脊久懸魂夢今始到  
多謝巖扉爲吾闢登高乍覺眼界寬臨虛早拓胸襟窄  
自疑足底白雲生蠟屐飛空了無跡擬倩丹青圖以歸  
臥游長慰煙霞癖酒酣狂語問山靈此地幾回逢此客  
開元寺是唐末董昌故宅寺在清道橋東史言昌  
居清道坊即此地也  
昔坐金牀兔今爲紺宇鸚關門自娛樂卜宅此經營橋

古留清道樓高望子城

昌傳位于子城門樓即威  
勝軍節樓今爲鎮東閣

春林

聞鳥語猶解說羅平

秋末偶題

清秋佳日稱清閒莫惜流年去不還楓葉紅殷嵐翠活  
風光偏在夕陽山  
曾憶春時發眾芳一番風雨盡殘妝孤高不逐繁華景  
瘦菊籬邊尙傲霜

九月十三日同沈丹卿陸葦笙孫震惠

家楣

孫藹言

世芬

放舟至婁公村登岸行五千六百步至蘭

亭一游又入天章寺小憩歸舟成詠計五百字

越中山水佳處處快吟眺蘭渚修禊場勝地名尤噪我

五六

來逾兩年每恨足未踏暇日約朋儔同放山陰櫂維舟  
臨斷岸村落劇清奧籃輿價苦昂蹇衛性多驚不如雙  
蠟屐徐步入幽峭意行不識路姑倩一僮導登山比讀  
書鼓勇乃深造紆迴七八里到眼皆詩料淺沼浴鷓鴣  
削壁竄鼯飽囊佩擷菊莢巾礙脊藤蔦修竹與茂林半  
爲野火燎崇山卻如故紫翠嵐光照幸有良宰官山陰  
令楊  
君生吾  
名恩謝力與闢蓬翟高亭將落成闌檻青紅曜一條長  
約橫四面短垣繞言尋流觴處疊石紛磽礧止水無激  
湍竊恐幼堂膠風流湖晉賢懷古聊舒嘯平生樂疏曠  
煙霞適所好遂境移吾情省識山棲妙惜未攜琴來一  
撫成連操次訪天章寺破刹依巖隩坐憩拂苔階落葉

無人掃聞昔宋六陵劫邁番僧暴義士收殘骸抔土於  
茲舊冬青樹不存故址孰憑弔回首攢宮村相隔遠難  
到遺跡此久湮虛稱彼猶冒信否無可徵流傳徒耳剽  
試以問山靈默然不吾告富貴一刹那功名兩虛耗賸  
有古先生觀空夢早覺達人齊彭殤妄作未敢誚嗟予  
竊微祿斂版事年少庶幾誓墓文或藉持風教柴桑薄  
五斗歸寄南窗傲何妨吟乞食飢驅冀冥報置身清淨  
區輒悔辭耕釣興盡方下山心戀項重拗佳處雖未周  
大略領其要足倦行次且路側樵夫笑還舟息腰腳舉  
酒互相勞援筆紀以詩倚篷共推敲更期續舊游留題  
當劑約從今魂夢閒不忘此雲嶠詩成頗自喜滿引深

五六

三

杯醕時屠維季秋節已過落帽同游者五人四賢一不  
肖

柯亭蔡中郎祠

陳留君故里越郡此荒祠過客名長在知音鑒特奇荆  
榛鄰廢寺風雨蝕殘碑安得邯鄲筆新刊幼婦辭  
洵美稽山竹森森个萬千無因裁作笛只合用爲椽咫  
抱嗟誰賞媵修黯自憐風塵能物色終古幾人傳

柯橋鎮

抱水成鄉聚炊煙萬戶生魚鰕朝市賤燈火夜橋明聽  
笛柯亭近評茶日鑄清七星巖在望游興阻巖程

壽吳臥山六十

從來繕性得長年見說靈椿歲入千霸子鴻妻同隱逸  
莊襟老帶卽神仙未衰精力干戈後無限風光杖履前  
笑我還應誇釋齒殷兄張丈喚當筵  
十餘年久訂心知西塞盟重問鷺鷥時方同作西老去  
曠懷仍縱酒生來結習總耽詩卜居比舍門常叩訪勝  
連舟權共移一段深情何以報報君上壽邁期頤

哭紀石齋磊四首

一封遠赴起哀聲卅載苔岑憶舊盟垂老鬢眉皆道氣  
率真肝膽此交情襟期疏曠貧非病著述流傳死亦生  
欲訪仙龕通問訊大千何處化人城

五六

四

閩奧遙探費孟前三古遺經函萬象一生絕學定千年  
揚雲後世應堪冀自有潛虛準太元

萍蹤葭思兩相違彈指前塵是也非亭角聯吟風滿袖  
天涯感逝淚霑衣茫茫古昔高懷寄落落乾坤舊雨稀  
桑戶嗟來翻足羨返眞從此脫塵鞿

微祿羈人不自由一官匏繫耿離憂徐陳兩地空懸榻  
李郭三春偶共舟卜兆期君謀丙舍束芻贖我託庚郵  
待鑄樂石傳風誼無愧中郎筆底收

題葉調生廷瑄重見故山樓遺像

名勝推吳郡茫茫付劫灰青山幸無恙白首復歸來興  
爲高吟發情如噩夢回劇佳娛老地可惜遽泉臺

回首忘年契披圖百感并聲名終不朽風采儼如生  
骨仍先壘招魂已化城樓空遺蹟在懷舊涕縱橫

讀許海樵旦復紀石齋蘇遺詩用丙辰年舊韻

苦耽吟事忘調飢風采平生憶素髭閱歷干戈身似寄  
淋漓楮墨語尤奇老成幾輩嗟先逝年少將來孰我知  
太息衰齡況多病可堪和淚爲評詩

和宗湘文太守源瀚重脩愛山臺落成用東坡游

道場山何山韻

吳興郡郭枕山麓多少園亭變陵谷吾家賢丞昔築臺  
城市山林幽趣足紅芳白棘何漫漫仄徑一彎秋蚓盤  
磴敲址塌不可步急雨瀉落成奔湍華嚴樓閣彈指出

五

五

依舊山光照吟席幾株古木尙榱朽或者猶爲宋時植  
捲簾日日對螺髻斟酌攀躋撫卹間清遠名區此雪水  
循良太守今眉山百年冉冉眞昏旦自媿勞生已強半  
追隨五馬快登臨差幸中郎識元歎

題趙青士筠遺墨二首

紛紛蝥賊滿鄉枌六合梟鸞孰與分身世無端罹此厄  
天心幾欲喪斯文餘生矢志完忠孝故物傷懷惜典墳  
珍重數緡遺墨弄長留後葉誦清芬

我昔飄流寄海壖萍蓬異地兩心懸無慘孤憤徒爲爾  
忽幸生還亦偶然鷲鳳鍛餘龍性在虎狼叢裏鯉書傳  
幽吟往事嗟如昨此日何從叩九泉

李鶴杉日燦有詩留別次韻二首

牆綠薜荔戶編荆冷署依然物外情箋擘剝藤重膝促  
尊浮越釀共心傾團沙聚散渾難料舞絮升沈了不驚  
安得買鄰拚百萬所昏過從送還迎

似聞排日泛游船可惜恩恩別緒牽我自之江尋古渡  
君猶於越證新編煙雲翰墨詩中伯筮屐精神地上仙  
欲爲士衡焚筆硯緩吟低諷足窮年

同治壬申元日余生於嘉慶壬申時年六十有一

矣

問年周甲子紀歲復壬申耐冷江梅古扶衰越釀春壽  
逾三世永先曾祖年二十四先祖年五十九先君年五十八身託一官貧冠帶

五

六

從來懶翻嫌客刺頻

處默

處默冬心抱澆風不足論雞蟲誰得失燕蝠各晨昏逢  
世詩書賤催人歲月奔摩兜韃有戒深慮舌難捫

題唐雪航教授廷綸寒江獨釣圖遺照六首

鬚眉雖古貌依稀兀坐無言是也非耐冷吟肩山字聳  
飛來鷗鷺共忘機  
瓜皮小艇傍危灘靜者高懷寄一竿寂莫更無人作伴

滿天風雪滿江寒  
賀監歸山賜鏡湖元眞蓑笠隱西吳平生宦跡都經徧  
寫入荒寒水墨圖

絕勝紅衣畫本傳羊裘一領自年年  
學音已歇遺言在付與蒙莊作外篇  
卻笑漁人黃道真偶逢靈境未離塵  
仙龕海上今何處從此花源阻問津  
投老尊鱸興尙豪一經家學授兒曹  
英英後起清芬誦待向瀛洲更釣鼈

題曝書亭集風懷二百韻後用東坡芙蓉城韻

竹垞先生風懷二百韻乃長律中傑作又有靜志居琴趣詞與詩語皆印合相傳晚年編集不肖刪此詩有寧不食兩麻特豚語楊氏謙注曝書亭集因是遂有妻妹之疑夫六一簞錢出於

卷六

七

仇口若楊氏者何爲也哉後有作風懷鏡者力爲辨誣其意良善乃必實指爲妓女王三姑無微不至不信此又癡人說夢矣余攷先生江湖載酒集有自題詞集解佩令云老去填詞一半是空中傳恨幾曾圓燕釵蟬鬢然則先生固已自解之後人紛紛辨論皆隔膜語耳因賦此詩自謂大正復生定必爲吾首肯也

爲湖詩伯歸窅冥吟魂何處招零丁生平篇帙羅几屏  
偶耽綺語摹姪嫵蛾眉自翠蟬鬢青浪傳太白妻媼星  
相通以神不以形美人香草離騷經古來詞家託仙靈  
王母綵勝天孫鞞寓言傲詭豈實有但佐翰墨流芬馨

特豚甘謝孔廟廷或勸刪薙終不聽微詞自表孰所令  
暗室開牖明疏樞空中結想藉傳恨歎要奚啻遺真冷  
制科赴召辭巖局挂冠返里旋鍛翎前塵羅預驚迅霆  
曝書千古留空亭道山應創新宮銘餘子學步嗟伶俜  
無人能解虎項鈴夢中說夢殊未醒厚誣先哲心難寧  
奈何小智矜挈餅紛紛臆揣蚊雷熒開編雜誦涕欲零  
伊誰爲滌聞惟腥管窺穹宇蠹測溟浮言莫泛無根萍  
心猶嘉禾碩且庭無邪首貴驅蠹螟爰題此詩告億齡  
勿歌倩盼疑譚邢

禹陵

探穴今枯井依巖此古阡垂庭無橘柚畫壁尙山川明

卷六

八

德思終遠真冷旨孰傳勒銘尋窆石永建失題年窆石  
題字  
已模糊不可辨

自歎

虛名無計擲儒冠冷宦羈棲興早闌社櫟餘生嗟善病  
溪尊鄉味夢加餐忽通忽介趨時拙何去何從問卜難  
耳聾目昏行步蹇可憐猶自戀微官

西湖側畔人家

竹戶茅檐破霧遮溪脣山脊半人家葭蘆斷處危橋出  
楓榭陰中仄徑斜在昔無村不花柳於今有地盡桑麻  
底須重憶繁華夢勤儉民風儘足誇  
旅舍遣悶偶拈舊句衍成五首

滿城風雨近重陽枯坐無慘黯自傷入世有生皆逆旅  
索居作伴只行裝久疏故友琴尊會絕少新知翰墨場  
一枕曹騰耽睡味蓬蓬化蝶儘徜徉

半道無端滯古杭滿城風雨近重陽湖山咫尺游蹤阻  
鄉井睽違旅夢長萍梗心情非故土菊花天氣已新霜  
撈鰕照鱗兒嬉處閒煞蒹葭水一方

悲秋九辨此時光閒恨閒愁費較量到處鶯花殊上已  
滿城風雨近重陽趨炎斂板馮唐老塌井銜杯杜甫狂  
歸去來兮應早賦折腰五斗爲誰忙

回首清河昔日坊一番噩夢劇淒涼荒郊漸闢新耕壟  
廢壘猶存舊戰場遍地烽煙經幾載滿城風雨近重陽

五六

九

可堪衢巷泥三尺跬步艱難抵太行

簷端終日聽淋浪屋漏牀牀苦夜長無用阮孚雙破屐  
自羞趙壹一空囊幽懷抑塞成詩境快意優游賸醉鄉  
差幸催租人不到滿城風雨近重陽

輓李拜花攀鱗 卽寄鶴杉 拜花

乘除吾欲叩蒼穹夏綠霜凋感寸衷珠樹才名方藉藉  
玉樓召命太恩恩故鄉接壤居非遠異地傳郵訊屢通  
桑戶返眞宜作達彭殤松檉總虛空

爲羣拜紀夙論交同守寒羶世所嘲鵬集先驚符買賦  
鶴鳴誰和廢羲爻更難入夢尋高惠聊復推天慰孟郊  
長爪通眉人已古城南莫訪舊吟巢

會稽山陬僻處有數家臨水結茅頗足幽趣  
傍澗開松牖依巖築薛垣駛流魚鬪絕仄徑虎夔藩遞  
跡思歸隱勞形笑撥煩故鄉清遠地處處足耶園

旁觀

巧宦脂韋舉世皆靴皮靛面託談諧甘蕉繼已彈章被  
謫筭何曾致仕差處已如棉眞善耐汗人猶膩恐難措  
旁觀乾笑聊相應應道卿言亦復佳

殘冬

殘冬風雪裏冷署少人來久病吟情澁長貧傲骨摧妄  
希名不朽敢謂世無才大好尋紅友嚴寒且一杯

縱筆

五六

十

牆蒿縱覽遜山苗失路蒼黃得路驕螻蟻烏鳶誰子奪  
鯤鵬蜩鷲自逍遙士師未必甘三黜刺史何曾守六條  
一例道旁芻狗棄屈伸臂頃已薪樵

讀後漢書戲咏遼東豕

一生短榻伴雞棲誰遣修蛇共品題白頭堪上獻  
終然刀俎付屠割

南潯長生塔院兵燹盡燬近新構臨水數椽小憩

題壁

臨溪重結宇非復舊鬼峩煙外菱歌遠風前梵唄和地  
偏過客少水近得秋多亦有誅茅想勞生奈若何

夢游靈隱山

古寺平生幾往還，夢魂亦繞翠微間。  
巖隈何幸開初地，縣治曾聞在此山。  
泉可洗心須是冷，石能礪齒不妨頑。  
龍宮鶯嶺嗟難到，且擬禪棲學閉關。

讀陳忠裕公年譜有感于許都事偶題

殉國忘身早，矢忠知人鑑。別孰能同推襟結士謀，原壯破格掄才願。竟空風雅儒生堪，上將椎埋惡少有英雄。當年李祐偏僥倖，赦罪終成入蔡功。

春日閒詠

卉木饒生意，禽魚得靜機。虛襟方澹蕩，韶景自芳菲。立志千秋在，知音四海稀。隨緣皆樂境，童冠可同歸。

學舍春夏之交，翹搖菜作花，徧地皆是，爲詠二詩。

五十六

相思子美折紅苞，曾記風詩賦鵲巢。省識羹材勝藜藿，芙蓉縮本漫騰嘲。

野菜逢春也，坵苞種分大小，其名巢藉，非蘇陸詩翁筆，無用難辭蔓草嘲。

庭前月季花盛開

啼鵲語，蟬換光陰，白白紅紅，自淺深。歷境炎涼，原轉管隨時，開落總無心。倚闌獨賞，宜飛盞，揜袖頻拳，慣上簪。一度月圓，花一放，天教日日伴清吟。

和沈肖巖元日

慣守青氈閱歲寒，春筵又見薦辛盤。往還通脫刪苛禮，鵲詠蕭閒稱冷官。隱几共耽研卷帙，趨炎自覺懶衣冠。

明知宦味同雞肋，爭奈邯鄲夢未闌。君方重擬出山，余則欲退不果。

示肖巖一首

非工非買亦非農，自願年來覺倍慵。不舞欲儕羊氏鶴，有言曾駭葉公龍。虛名在口終何益，好友傾懷豈易逢。回首鄉園歸未得，曉鴉啼後夢方濃。

老病遭人厭棄深，多君杖履每招尋。羅胸萬卷耽經史，放眼千秋論古今。冷宦閒情惟劇飲，腐儒餘事亦高吟。縱談漫索旁觀解，莫逆相看一寸心。

許掌卿 慶駿

以尊甫又邨 秉辰

夢巢遺詩三卷見

示題後

收拾光芒入苦吟，沖霄劍氣竟銷沈。應官書記推能手，

五十六

十三

報國勛猷負夙心，幸有後人承絕業。庶期異代得知音，此才終老蓮花幕。撫卷低徊感不禁。

題朱文肅公家書冊

先民自古日在昔，平涵居士有遺墨。綸扉元老眞柱石，惜哉早告歸鄉國。權璫曾以邪人斥，轉令青史褒清直。均田一議名藉藉，閭里懽呼省徭役。當其委蛇方退食，貽書訓子垂軌則。庭誥傳家後人式，二百餘年珍手澤。一自荏苒烽火逼，雲煙過眼徒追憶。賴有賢裔勤物色，如璜繁弱失復得。錦罽裝池重拂拭，辟容彷彿如可覲。兵戈劫餘留此冊，墨采猶騰光赫赫。清門世世食舊德，子孫永保期無極。

西湖道中二首

一鏡平湖路不遙  
寶雲山色宛相招  
籃輿小憩尋詩處  
獨立長橋望短橋

倚山傍水好村莊  
風景依然擅勝場  
試上蘇公隄上望  
外栽楊柳內栽桑

偶成二首

羣矜巧宦鑿天真  
搏土媧皇化未神  
試看愚氓皆自用  
世間安有引繩人

巧辯儀秦古所傳  
後來更覺勝從前  
田巴倘使生今日  
觸處皆逢魯仲連

太息

太息光陰駟隙馳  
青衫白髮老彌衰  
鄰家簫鼓迎新婦  
是我來時乳下兒

讀後漢書雜詩二十四首

白水真人帝業隆  
雲臺諸將盡儒風  
一端猶自沿新莽  
學術沈埋識緯中

西州漆簡免秦燒  
孔壁遺文日月昭  
太息陋儒成聚訟  
罪魁百兩又梅姚

升中告祭本先王  
儀記虛煩事侈張  
鉅典從茲弁髦棄  
徒知漢武與秦皇

位列三公未免癡  
故交折簡進規辭  
懷仁輔義全要領  
果是癡人那得知

揚塵鳴鏑日紛紛  
衞霍勛猷杳不聞  
天意暫教邊警息  
匈奴南北二庭分

熙皞重開政理平  
易儲易后卻無名  
能令風俗趨醕美  
端賴明章善守成

耕牧中多有才  
歷朝教化早栽培  
兒童習慣知觀感  
取士皆從孝弟來

毛錐三寸足編摩  
漢史成書永不磨  
試問封侯班定遠  
勳名爭及乃兄多

徙民發屋計謀乖  
鄧隲征羌困負柴  
野祭伊川徒浩歎  
解嘲聊藉罷朱崖

能求賢俊列臣鄰  
楚楚何妨對士人  
外戚易隆偏易替  
獨容閻豎敗黃巾

用人新格限停年  
咫尺華顛果孰賢  
怪底郎官授童子  
甘羅能否勝顏淵

禁中定策恃椒房  
竟使如茲死道旁  
胡趙可憐真糞土  
清河貽害一賢王

父張母趙感恩深  
周召刑餘未足論  
料得慎圍松柏下  
仁皇泉壤暗聲吞

血書詆妄汨春秋  
誤解新周作黜周  
坐使公羊精義晦  
俗儒吾最恨何休

黨錮雖嚴志不摧  
薰胥一網劇堪哀  
俗清政濁分涇渭  
士氣難支國步頽

賊臣廢立擅刑誅抗議尙書捋虎鬚涿郡名賢遂經術  
警宗何意黜先儒

向闕迴戈託報冤文和小智罪難原縱云救死非稱亂  
塗炭生民在一言

臧陳殉義競捐軀二烈同歸德不孤他日韓珩真幸免  
從知畏死必非夫

復諫安能據冀州田豐沮授枉良謀城亡豈待漳河決  
況復家庭自寇讎

周書特創傳楊忠此例曹瞞應與同大業已基身未篡  
生前終是漢王公

區明風烈殿文姬徐淑雖賢乃見遺方術亦無張仲景  
叢亭惜未有箴規

辨香班馬共濃熏序論多承華嶠文不有注家標舉出  
千秋寂寂歎無聞

漢世文章重作家過秦誰敵賈長沙蔚宗縱亦推良史  
筆勢雄奇漫自誇

劉昭博瞻夙稱佳改作無端肆觚排注補幸存三十卷  
通人未肯信章懷

得上海李梯雲邦書中述吾友南匯張嘯山文

未習脂韋媚世資問官冷署且棲遲四愁平子兼多病  
語感而有作

五短文通祗自知尺素偶然貽友訊寸長何敢作人師

青雲冠蓋多如許齒及衰翁恐未宜

偶諷杜詩計疏疑翰墨時過憶松筠二語卽以此  
十字爲韻

農工及商賈竝天所位置吾皆不能爲讀書卽生計  
尋花游興懶得酒壯懷舒但使子心樂何妨與世疏

堪歎才華盡徒嗟筋力衰終然耽道味自信不須疑  
志士平生懷斗筭何足算隨地有尊鱸思歸笑張翰

紛紛達與窮人人競謀食誰能區品流八儒更三墨  
籍甚傳浮譽矜才互炫奇可憐航斷港到海恐無時

衛侯鶴乘軒葉公龍入座信古薄今人自省知吾過  
泉臺有兩親塵世無妻息塊然一窮民畢世徒追憶

年齒壯而老光陰秋復冬雪霜搖落處自有後凋松  
學易宜憂患潛研閱幾春韋編今欲絕更爲削青筠

愁顏  
禮自先王設詩偏小正刪古今消得失中外潰防閑大

地龍蛇厄羣夷犬豕豕廟謨饒勝算藉可破愁顏  
讀史記雜詩七十首

河洛苞符降自天庖犧畫卦乃真詮紛紜推測渾難信  
太古圖書久失傳

偽託三墳屬構虛黃農文字苦無餘醫家差幸留遺法  
本草淵源素問書

大康洛汭失邦哀未遠唐虞政已隳齒冷冬烘村學究



動誇萬世太平開

莫把商周例暴秦不因亥正秦冬春試尋史表編排處  
端月分明屬建寅

貪利惟知嗜貨財列邦游士總庸材金三十萬諸侯盡  
鬪狗連雞劇可哀

邯鄲遺胄入秦中有志顛贏乃自宮羣詔夥頤初發難  
更誰能識趙高功

先發攻秦亦善謀八千子弟一時收逃亡桓楚猶天幸  
無罪殷通竟斬頭

咸陽焚後返彭城苦爲三齊正用兵信越縱推能助漢  
首功吾意屬田榮

五六

七

大義君親豈可忘賣交酈況亦何妨奪侯他日終罹罪  
地下無慚謝呂王

頤神長信翟禕膺據腹蒼龍有貴徵幸免幽囚人彘禍  
壽終終得葬南陵

孝文夕入未央宮壯武頌書爵秩崇卿子冠軍非罪死  
遺孫乃建代來功

縱榮官婢自心甘從此仁恩竟普覃高祖入秦惟約法  
如何仍有肉刑三

燕齊迂怪共流傳五利文成競比肩見說還丹能不死  
馬肝乃可殺神仙

此事先朝苦未遑崇儒孝武舉賢良傳經重學論勤績

首屬文侯與獻王

二城未拔且徐徐身後知心有太初齊立法章猶不問  
樂君未免計謀疏

失計徒嗟太子丹誤將嬴政當齊桓縱教生劫誠何益  
輸與相如璧竟完

中山規取志終諧胡服英雄孰與儕餓死沙邱探雀穀  
禍胎只爲寵吳娃

國家昏亂見忠臣天下羣雄共畔秦周市雖能迎魏咎  
章邯一擊遽亡身

追隨故主就封疆燒棧東歸智計長假使韓成身未死  
漢王安得用張良

五六

六

區區海島困長鯨恐似誅韓更醢彭五百人皆甘自殺  
王侯未可餌田橫

自古功臣不可爲空云閱散可相隨藉非衛尉能規諫  
幾使蕭何作李斯

亡秦法令歎牛毛獄市何煩異術操會得蓋公清淨意  
歌呼日夜亦功高

曹參畫一代蕭何後起誰能襲白科若綜歷朝論相業  
此中妮妮備員多

美如冠玉豈長貧戶曠鄉中一細民他日贊成封產祿  
幾曾爲宰得平均

起自吹簫織薄中後來賢子亦英雄絳侯入獄條侯餓

孤負安劉不世功

良賈深藏柱史官五千言覓解人難無為至教參元化  
卻被人訶作異端

寓言十九異儒宗畏壘亢桑不可蹤汗漬卑棲藉藏拙  
漆園未足嗣猶龍

異同堅白旨難參附和爭名共討探孰意後儒師孔孟  
性天太極亦空談

善說翻教死說難為韓故託可亡韓修明法制非無補  
慘礫無恩乃禍端

吳宮教戰集紅裙以戲為真亦創聞何似穰苴斬莊賈  
美人終竟異監軍

五六

九

殺妻棄母拂人情吳起徒誇善用兵從學曾門遭屏斥

更聞上蔡背荀卿

刻薄原非五穀儔自知難可比殷周趙良藥石徒為瑣  
轉瞬彭池已見收

志切梯雲逞舌鋒原無定見在心胸可憐金盡貂裘傲  
改計連衡換合縱

抵掌羣侯亦壯哉機權全自揣摩來一時形勢皆囊括  
始信蘇張未易才

同師授法有薪傳智不如葵亦可憐幸得名真豎子  
誰言孫臏勝龐涓

姦人任俠互稱雄六萬餘家聚薛中諸子紛爭夷滅盡

馮驩三窟果何功

竊符救趙破秦軍智勇深沈迥出羣可惜天將亡六國  
婦人醕酒信陵君

貪利從來智必昏漫持苛論責平原若教專任廉頗將  
趙國終然社稷存

不恤窮愁相印捐名駒千里更稱賢吾從戰國求良士  
只有虞卿魯仲連

縱去咸陽一布衣能令太子早亡歸李園進妹疑誣構  
莫比居奇呂不韋

當日趨炎比漆膠一朝失勢等閒拋信平此客言堪佩  
天下無非市道交

五六

十

謠詠蛾眉困左徒阻行進諫有良圖頗疑君實編通鑑

不載離騷見獨殊

平屈投書意不平雒陽年少早知名未登大用身先喪  
空說孫枝列九卿

輕生刺客費窮搜怪底要離不見收吞炭漆身真義士  
餘人同傳總堪羞

威名震主必招尤兩利俱存策最優國士雄才偏寡斷  
狐疑不聽蒯通謀

柱下方書職所專先秦律算賴師傳身長八尺肥如瓠  
免斬偏教享大年

說下田齊七十城高陽落魄一狂生淮陰兵進誰能止

180 945

未及論功已就烹

力阻匈奴不可攻和親一策卻難通單于弑父妻羣母

子婿安能敬婦翁

始信儒宗自有真兩生不附面諛臣居然縣蕞朝儀定

卻使諸郎詡聖人

季布髡鉗賣作奴苟非走越即奔胡請看丁固鍾離味

項氏臣原可盡誅

勸除晁錯是袁絲究竟君王意早疑但戮謀臣謝吳楚

底須三族盡誅夷

盜嫂遭誣不自明不疑貌美實無兄古云息謗宜無辯

安用嘵嘵好立名

王六

王

扁鵲倉公地上仙神人授受禁方傳良醫功可齊良相

治疾須求技十全

廷中處士會公卿老賤何嘗遂見輕黃石圯邊曾進履

後來讖解又王生

北平英勇世無雙天譴知緣戮已降李蔡下中終自殺

封侯幾日擁麾幢

萬斬猶難蔽厥愆兇酋首未藁街懸劉淵後世偏尊奉

躬祀南郊用配天

節儉持躬學晏嬰迹同節詐受譏評能將俸祿周賓客

布被良非為釣名

龍川小令等椎埋陸賈雄談快壯懷黃屋稱尊能變計

趙佗大勝井中蛙

竊婦歸家四壁居長卿爭及藺相如子虛封禪徒華采

賴有長楊諫獵書

知嗤吳淠拙謀猷欲塞成皋亦謬悠伍被果能工畫計

無如王意已先偷

詐忠固位曉陰陽酷吏文深罪早彰吾惜沈寃三長史

案誅駢首為張湯

任俠名流氣誼敦濟人初不市私恩季心劇孟今安在

緩急何從更叩門

濫將仁義許通侯竊國從知勝竊鉤何必兢兢重然諾

時流憤與世沈浮

王六

王

貝帶鸚冠貌肅恭侍中佞幸荷恩濃特於傳尾標微旨

衛靈材能亦附庸

河伯何因歲娶妻革除做俗惠羣黎六章故事庸流筆

強附西門入滑稽

賈卜長安味道腴成林蒿艾豈吾徒攝衣再拜升車返

俊辯心傾二大夫

龍門原帙久無聞大論知難補傳文莫訝叢亭滋駁議

須知危策異人羣

攘往熙來世盡同人人妄冀作朱公學儒猶道治生急

列傳端應貨殖終

百世篇書錦繡羅裙生難免續貂訶摹天繪地談何易

六一追蹤未足多

正史規模此創端  
裴駟集解帙猶完  
更傳索隱單行本  
正義全書惜已殘

養疴漫興

誰能與世俗同流  
天遣羈孤類楚囚  
塵事可憐歸一映  
浮名何敢冀千秋  
病甘睡癖偏宜嬾  
老作書淫未肯休  
著述縱教供覆瓿  
人生難得是窮愁

孫存存殤

嗣子宜賓所生名信明今年方上學識字歿於六月七日

阨我天心酷窮民  
感倍滋纒經三日  
病竟歿七齡兒  
妄冀承家學虛言卜  
大期傷懷惟一慟  
此淚祖先知

病亟寄蔣厚軒訣別二首

三六

三


自亡季子失知音  
更有賢兄氣誼深  
皎皎秋宵一輪月  
分明生死兩人心

不更重留住世痕  
戀情厭意兩無存  
暫眠爭似長眠穩  
從此浮生息夢魂

玉鑑堂詩集六卷同里汪謝城學博著學博名曰楨咸  
豐王子舉於鄉官會稽教諭左文襄撫浙時雅重其才  
嘗欲延之幕中婉辭報謝於地方利弊則多所陳說焉  
著南潯鎮志網羅遺籍至二千五百餘冊其精博直駕  
潘爾夔方燾董肇鏜范來庚四志而上之尤善爲詩而  
不暇自訂予得其叢稿爲編次之壽諸木集中備古近  
各體不規規于唐宋門戶以標幟志蓋以宣德達情而  
世之汗隆身之榮鬱實左右之其五律七絕出入輞川  
玉溪間有花放水流之趣至丁粵寇之難傷離念亂所  
得益深則上窺工部與昌黎矣如廢宅賣兒報災苦旱  
各篇何異石濠諸什漢鼎一誦亦昌黎之詠石鼓也餘

玉跋

如初冬雜感九秋詩社動成三四十章清詞麗句絡繹  
奔赴不必雕肝鏤胃而自歆合於古讀之使人意消其  
於鄉曲一節之奇顯微闡幽尤足補史氏之闕晚爲校  
官鬱鬱不自得且有齟齬之者觀卷六旁觀一律有云  
甘蕉縱已彈章被苦筍何曾致仕差處已如棉真善耐  
汗人猶膩恐難措又縱筆一律有云螻蟻烏鳶誰予奪  
鯤鵬蜩鷲自逍遙士師未必甘三黜刺史何曾守六條  
皆有爲而發可以哀其遇矣辛酉小滿節吳興劉承幹  
跋



雲南棧取書白集部之五十九

甘

戎

齋

詩

稿

共二卷

雲南圖書館藏板

甲寅年刊



尹虞農先生廿我齋詩稿序

騰越尹虞農先生著有廿我齋詩集印泉長搜輯之  
得二卷刊以行世屬為序之憶先生以道差年舉於  
鄉先雪門君亦於是科得舉同齒錄是科者何文真桂  
珍楊侍御天柱張赤城為緯輩皆勳名卓著一時而瓊  
獨念先生之出處苦志貞節大與先君相彷彿匪但同  
年鄉舉已也甲午得鄉舉後兩走計車未登一第甲辰  
大挑彼此列名僅得入仕是所出之時地同厥後先生  
連丁內外艱十餘年不得任縣官而遽遭杜文秀之亂  
先君雖為教官而齷齪未能展布亦際茲亂是所處之  
廿我齋詩稿序

時地同杜文秀之亂滇也迤西為其巢穴出入之地西  
則騰永北則鶴麗皆與之相持五年而後為所陷是時  
先生集鄉團討賊於騰永間身經百戰所殺賊以數千  
計卒以孤軍難敵力戰死之先君則以一教官策守鶴  
慶孤城數得保全卒奉檄輸糧於松桂竟被賊禽不屈  
死之是所籌策卻敵致命遂志皆不謀而合迄今並得  
予卹入祠而在生之熱血精忱不知銷磨幾許矣能不  
念遺事有餘痛哉先生所為詩多紀明季君臣出亡死  
難事及近事滇亂流離顛沛之作一若杜子美之石壕  
吏北征諸詩之意可謂詩史足資後世考鏡且運思清

切深入顯出昔人謂白樂天詩雖老嫗孌婢讀之能解  
先生之古體歌行視之何多讓焉嗚呼以先生之才智  
之節義固足以傳於後世况如此之高吟逸唱豈不更  
令後人深仰止之思哉先生著述宏富有虞農文集十  
卷文歸來篇制義一卷皆散佚無存廿我齋詩集僅搜  
得十之一二吁吉光片羽所關係於歷史地理者正復  
不小宜印泉之刊而傳播之抑先君亦有知白軒詩文  
集今僅殘遺并以呈之印泉印泉所搜刊滇中先正遺  
集殆將遍矣瓊幸樂同校勘今得序先生詩集不禁有  
感於先君之遺事乃比而序之質諸印泉以為何如民  
廿我齋詩稿序

國紀元壬子秋九月鄧川楊瓊敬撰時年六十有八

廿我齋詩稿序

古今人才多矣殆如恆河沙之無量數不可以計然而傳者能幾人哉此其故非在其人之不可傳而在後世傳人之人之未能大廣其傳而因以寂滅而銷沈焉甚可概已吾友印泉師長自東瀛歸卽於滇中前輩軼事及詩文著述勤事搜輯凡有所獲或爲之碑記或付之剞劂不下十數種茲復以所印虞農先生廿我齋詩稿見示謂余皆先生同里後輩且謂余嘗爲先生作墓誌銘知先生事最悉故並命爲之序余維虞農先生人品學問經濟事功足爲後法者原不止於詩卽以詩論亦

廿我齋詩稿序

可見先生遭逢亂世憂心家國每有感觸輒於詠歌時流露之蓋先生因詩以託志自可因詩以見先生之志矣但世變迭更山河且易其爲楮墨保不蠹蝕苟無以刊述之後生末學甯復知有先生之詩者而先生之志則更湮微而不可知已前光緒末葉嶺南黃笛樓太守曾促予收集騰郡先輩詩文及先生遺稿刊示後來太守旋去事遂不果嘗竊憾之印泉是刊蓋將使先生之不知名於世者且以傳諸不朽其願力之宏大不獨能愜我數年未釋之私懷而斯世之有志闡揚者亦將聞風而興起焉中華民國元年壬子冬日同里後學寸腹

清謹序於昆明

廿我齋詩稿序

廿我齋詩稿序

是集爲吾騰尹虞農先生所著吾友李子印泉今始刻之憶兒時入塾一日歸途值某族媪絮絮問塾師良否余不知別白但乞媪告我以塾師之良者曰四十年以往教授於吾鄉頽長而白哲其鬚髯清疏望之而有儀可象之尹先生者最良問其名曰藝也余於是始知先生之名余讀書能通句讀時隔座聽塾師誦收復騰越檄文曼聲吟哦意若雋永有味者數聽之而不能忍問塾師何文曰此尹虞農先生名藝者之文也余於是始知先生之能文余成童後翻閱騰越廳志文苑一類所

廿我齋詩稿序

錄以先生詩文爲最夥不辨妍媸而辨多寡輒稱道先生著述之富先生之鄰右某告余曰尙未尙未先生有廿我齋詩文集某某集者幾於哀然成家余於是始知先生有廿我齋詩文集夫余之知有是集而迄不可得見亦旣二十年於茲矣余與先生地之相去也不盈百里世之相後也不逮百年而搜討之難乃如此乃知世不易有傳人與有之而未必遂傳皆可嘆也有印泉此刻先生傳矣抑世有可傳如先生者而不得印泉其人以傳之與得印泉其人而印泉其人者或不得如印泉者以傳之是亦可嘆也印泉以爲何如中華民國元年

十一月朔二日邑人李曰垓謹序

廿我齋詩稿序

尹先生諱藝字樹人號虞農騰越河西邦讀村人性伉  
爽貌豐碩體幹修偉聲洪善雄辯好談王霸經世大略  
道光甲午舉於鄉甲辰大挑以知縣發廣東丁艱在籍  
杜文秀亂起適西糜爛先生倡義與郡人劉光煥李珍  
國練鄉團固守咸豐六年十月逆弁張玠自杉木籠率  
獮夷二千餘據長寨前攻甸營左掠河西先生督鄉兵  
千五百餘人會左營守備陳上進與賊戰三晝夜斬偽  
先鋒馬斗文殺賊百餘賊眾潰散張玠就擒伏誅八年  
十二月賊魁馬先海再率三千餘人據長寨劫蠻別蠻  
竜沙溝丙海等處先生掃境出師會甸營官兵與賊戰

廿我齋詩稿序

四日斬馬先海殺賊二百餘賊潰去九年正月馬家村  
賊首馬國璽率賊三千餘據河東及馬孟曩宋關等地  
東攻清水明朗西攻河西南覬甸營先生率河西清水  
明朗鄉勇三千餘人血戰及兩月練總尹天賜繞道截  
賊糧運賊腹背受敵遂遁去天賜乘勝復兩傘荷花池  
等地先後三戰殺賊千餘鄉練陣亡者五百餘人十年  
十二月烏索偽都督柳映蒼攻緬菁明朗清水據荷花  
池破朗蒲寨百里之內焚掠無遺先生統南路兵練與  
賊五戰皆捷賊遂遁去十一年六月二十三日永昌府  
城失陷偽大都督蔡七二舉眾犯騰越先生整隊剋期

於九月二十三日赴援先一夕總兵明慶開城降司獄  
張紹平舉人李含英李含瑞金澤死之人心瓦解賊眾  
分四五股每股動以萬計先生力不支且戰且走休息  
於萬仞銅壁二關復整餘軍傳檄遠近忠義之士稍稍  
響應董國紳自猛竜率兵來會李珍國由緬甸聞風而  
歸蔣相士趙純襄郭景汾各舉義旗誓死不屈先是甸  
營已爲賊踞先生合李董圍攻之閱三月不下李珍國  
退守茂福先生退保河西時劉光煥部將柴生藻轟斃  
蔡七二軍威甚振先生往會之於崩麻酌定軍機分道  
恢復乃遍歷西山安輯練卡二年正月龍陵匪千五百

廿我齋詩稿序

人突據羅卜司庄襲我之背先生一面發東山義勇應  
敵又面會李珍國董國紳四面兜剿擒斬無遺遂定羅  
卜司庄先生駐蠻東汎地以通糧道既而六土司挾攜  
貳之見先生由蠻東汎移茂福撫輯六司乃皆誠服三  
年正月賊攻猛豹止那兩隘董國紳尹紹佩率兵西勦  
河西爲根本重地先生移駐河西隨地調和將士勸課  
農田廣儲糗糧招撫流亡來歸者二千餘眾四年正月  
賊襲茂福李珍國敗走五月珍國部屬楊玉堂攻復之  
先生乘勝收猛宋猛乃各要隘五年十二月偽大司空  
李國綸圍攻蠻東先生冒險出集鄉勇得五百餘人而

至鷲腦山遇賊大股倉卒交鋒眾寡不敵力戰半日被  
十餘剗死之先生姪乃令同時陣亡部勇戰死者一百  
餘人時同治六年三月十七日也光緒元年十二月滇  
撫岑毓英以先生死具奏事議贈四品銜卹銀二百兩  
准入祀昭忠祠廕一子世襲雲騎尉先生子乃憲字子  
章先生墓在邦讀村側魁閣山先生自幼刻苦勵學於  
書無所不讀與師宗何文貞桂珍尋甸楊侍御天桂石  
屏張赤城爲緯同舉於鄉意氣相契生平著述甚富每  
有作揮毫立就雖戎馬間未嘗廢吟咏著有虞農文集  
十卷廿我齋詩集二十卷文歸來篇制藝一卷殉難後

廿我齋詩稿

三

散佚無存根源徧爲搜訪從趙會樓師處得詩一冊曹  
佩瑤先生處得詩一冊先生胞姪德新處得詩一冊而  
文集制藝竟付灰燼嗚呼惜哉根源居南甸營今改名九保街  
距邦讀僅六里而先大父鳴鑾公復執業於先生季父  
時齋先生之門時齋先生諱傳鶴晉甯州教授尹李又世姻姪兩家子  
姓時相往還故根源知先生生平最悉迄今讀其用明  
季諸歌行暨紀杜亂諸篇可以想見先生之志節矣根  
源勤而梓之豈徒保存故鄉文獻已耶庚戌夏六同里  
後學李根源謹撰於昆明之思沐小墅

廿我齋詩稿

卷上

古體詩

卷下

近體詩

廿我齋詩稿 目錄

廿我齋詩稿卷上

雲南叢書集部之五十九

騰越尹 藝虞農著

歲波準歌

歲波準緬語也猶華言中流砥柱也

緬人置之於此今其遺蹟在緬甸

大江滔滔日夜走勢如雲奔聲雷吼兩山夾送折千曲

萬派匯歸葫蘆口口到窄極山愈高日光不到浪爭淘

百里平鋪凝不動湛然澈底無波濤出口波濤勢欲逞

停蓄束縛不能忍天矯突出兩白龍弄珠雙抱歲波準

平沙彌望猶一抔此亦蠻疆白鷺洲秋水所至百川灌

望洋無際渺難求何歲何日有奇事何代何人曾此駐

廿我齋詩稿卷上

水高沙洲亦并高水落沙洲平如故土蠻父老又曾元

朱離口語相流傳依稀記得前朝事的確說是永歷年

當年天朝五帝把護從萬人驅萬馬流離辛若入蠻天

思延國脈寓呵瓦緬王內悻心憂忡謬為敬禮滋愈恭

於此為王屯眾土於此為王奠行宮自謂天子到海外

中國聖人忍加害置之死地姑生之水發定逐流水逝

馬知呵護有神靈水漲竟不沒前汀從此一抔成古蹟

年年草木長深青羣蠻嘖嘖駭奇事尊漢天子比天帝

年年正月十五日萬眾雲集來趕會會名肅怕紛喧譁

會終各已歸其家例有排山洪濤起洗滌污穢湛清華

吁嗟乎三百明家社已屋諸陵秋草樵出沒茫茫九有  
無立錐刺此奇蹤在荒服日月無情去悠悠翠華一去  
三百秋江山不管興亡恨留作人間弔古愁

沐國公天波奮椎歌

朱亥一椎擊晉鄙奪軍救趙趙存矣為報信陵真知己  
張良一椎博浪沙狙擊不中中副車相韓五世為韓家  
古人義烈有如此祇知報國不惜死後世聞風誰繼起  
明末黔公沐天波藩封世守滇山河奈丁天步艱難何  
扈從永明赴緬甸緬酋懼疑見三桂因之縱反間  
羽檄橫飛呵瓦城檄解永明入軍營邀王同飲水盟

廿我齋詩稿卷上

天波偵知曾苦諫奈王不聽親赴宴君臣同日遂遇變  
天波袖中出兩椎左掣右擊風雨飛椎殺數人身亦危  
明知到此事已去臣子那敢忘忠義要見先人與先帝  
迴思前日金井庵乃妻乃母節無慙寓公今日始奇男  
今古何必為公哭世受藩封食天祿西平子孫好結局

李將軍定國擲身歌

天下安有白頭賊失路無歸為勢迫一朝不遠如知復  
此時豪傑豈易得古今似此不勝述聽述將軍李定國  
將軍昔事張獻忠屠伯豈足稱英雄貫中不用吹簫竹  
四家養子潰之東之東竄入雲南地詭言焦氏救兵至

殺戮何滅川東西金馬碧雞肆盤踞盤踞開府白公侯  
若孫若白艾馮劉破碎胡甌原之主萑苻欲老真悠悠  
將軍雄武尤奇絕時有快心事可悅木城擒磔沙定洲  
桂林圍斬孔有德遂迎桂王駐安籠孫家專制太征公  
帝后報銷以名計將軍憤不受王封自挾王歸滇海上  
一戰破走孫可望矢志誓扶崑崙岡私心竊附諸葛亮  
無如運去不可為忙忙西走幾獻歛磨盤一敗無存局  
側身四海當安歸明知走緬非安宅君臣同死亦何益  
孟良頻興攻緬師欲借要荒延國脈驚聞青蓋入軍前  
君執何處更朝天躡躡呼天天不應孤臣安用此身全  
廿我齋詩稿 卷上 三

一擲身輕如螻蟻再擲鵲落復兔起三擲四擲石爲開  
數十百擲階亦圮蠻疆雖乏首陽薇不求暫生求速死  
至今景線有孤墳寸草不生土花紫噫嘻乎劉白亦是  
同仇徒不肯取義胡愚乎東隅既失桑榆又令人言之  
翻口汚豈無綠林悔末路反正卓卓有建樹將軍自是  
可人兒有此英風無此遇君不見無賴賊徐懋功逢人  
便殺何殘兇歸唐身有長城寄像圖凌烟爵上公又不  
見錦帆賊甘興霸鈴聲到處聞者怕東歸吳會獻奇謀  
鱸艦長驅入江夏

楊家小妹當壚歌 有序

楊家小妹名娥黔國府武教習楊鵝頭妹也適  
黔府武衛張氏子娥能武藝蓮乃夫即乃兄亦  
遠不遠戊戌黔國奉永明帝奔緬兩家俱以族  
隨張從天波赴况水死帝被執娥與兄隨驛歸  
壬寅吳三桂縊帝于五華山下篋子坡底之金  
蟬寺卒焚屍揚灰于城北之蓮花池娥慟憤誓  
死日以殺吳爲念而苦其難近爰麗妝艷色賣  
酒於城西市欲盡吳藩聞而納之也時藩下多  
惡少見娥靚妝當壚日羣聚調謔娥偵知其尤  
桀驁者逞其武技而迎擊之無不敗服人以告  
廿我齋詩稿 卷上 四

吳吳聞而喜曰世間女子有此姿色而又有此  
技勇者乎非納用專房不可用人說娥是夜娥  
忽心疾暴發而卒云

楊家小妹年十六鎮日明妝曉膏沐幾會姪女工數錢  
多少心曲哭不出心曲鬱結愈傷心心到傷極謀更沈  
里人偶入胡姬肆正色相對淚滲滲父兄拳勇衛黔府  
生小亭亭愛習武五花弄遍十八門闕如臙脂一隻虎  
二八于歸同里張兩家侍衛領戎行一旦西奔衛主出  
忽遽權投緬甸王緬王驚接吳藩紙永明王獻軍前矣  
篋子揚灰天道歿銜仇刺骨不敢死報仇心口自忖量

以色爲媒乃得當如此容光如此技一入藩府便專房  
爰向城西啟酒肆曲檻文窗列十二牖下頻將小寶開  
云是便犬自來去明璫翠羽蛺蝶裙桃花面薄春酒醺  
續鼻雖無司馬著遠山想見卓文君藩下子弟多惡少  
羣飲喧喧肆謔笑怒提桀鶩狗寶投澆以熱湯聽狂叫  
衆驚闐起捉婢娟身輕一鳥立街前霍奴愈奮圍愈眾  
超越而過出圍邊迴身竦將身一蹕手足未到眼先到  
神鷹下擊九天禽鐵錮雙弓遇者倒破頭爛額紛逃馳  
次日大興拜賜師娘子軍容屹不動羣兒惴惴懲劍夷  
吳藩風聞色有喜人間兒女乃有此後庭縱有陳圓圓  
十我齋詩稿卷上 五

劉省吾將軍露布歌

一騎紅旗飛塵灰沿途萬口歡如雷天討張皇驚埃靖  
共道將軍捷報來將軍馳入隴川去岳鳳迎降有心計

以夷攻夷姑縱之漢得孟獲真不啻三宣六慰聞風歸  
南人今始識天威莽酋已是孤立勢羽翼剪盡安能飛  
乃盟羣蠻威遠下雄兵旬朔抵阿瓦遠關漢元未到天  
萬里威行壯中夏露布橫飛一紙文奔雷馳電走風雲  
何殊武穆捷書到此是西平盪寇聞寇平常望歲月假  
改土歸流壁畫妥從茲蠻地有絃歌從此邊疆無象馬  
無如廟堂眞乏人淺謀曰促獻俘身岳鳳旣出羣蠻解  
已復土宇又沈淪謀之十年一旦棄天下事常不如意  
懸軍深入尤可憂凱旋如灑金牌淚健兒帳下歌莫哀  
揚兵直上金江隈百年大樹雲常護誰上將軍舊將臺  
廿我齋詩稿卷上 六

鄧武橋將軍踢象歌

是何猛物連隊進一身全憑一鼻運厚皮不識刀與槍  
萬眾喧呼象突陣斯時我將方指揮斯時我士矯如飛  
驅助忽逢巨毋霸燧奔欲破子胥圍將軍聞之心大惱  
索鞭上馬陣直搗一脚如翻鸚鵡洲龐然大物旬旬倒  
一象倒百象驚凌巡退縮不敢行一象斃百象懼駭駭  
股慄急思避陡然掣轉便回頭萬象羣奔風雨愁象踐  
人行入自踐死屍填滿三巨溝古有射人先射馬那有  
斃象以脚者一踢踢退十萬師渾身是膽如公寡商辛  
力挽奔象回神武恐出將軍下



高把總破賊歌名萬春

萬歷西南第一戰五百兵摧敵數萬奇功乃出一微員  
裨將高君天下健當時莽氏雄南荒紛紛象馬窺邊疆  
猛密一杯彈九子鯨吞豈易為周防高君一身都是膽  
疑幟布滿風雲慘陡然天上下將軍駭獸狂逃奔牛喘  
截殺追擒數十百以寡當眾有誰敢君不見王靖遠征  
麓川十五萬眾聲喧天三駕不能醜虜靖空勒片石誓  
江邊又不見傅經略討緬甸猛廣修船水師練曠時迂  
途瘴癘生水陸曾乘守禦便奇才異士豈乏人不加採  
聽何由申獨惜令行山岳動不及區區一把總

廿我齋詩稿卷上

七

雲南古佛國

昔傳我佛生西天不知道里幾萬千目想心游似天外  
焉知皆在今南嶺阿育王國數千里金馬東馳浩尺咫  
一夜造成八萬四千塔太和猶存數百舊基址即如釋  
迦證果位如來乃在洱海山之隈說法華經靈鷲嶺雪  
花終古紛落天花臺弟子迦葉勤修勒闍岷待傳衣鉢  
入雞足雞足相望靈鷲峯舍利寶塔還在目厥後高僧  
摩迦陀卓錫騰衝寶峯麓乃知卽此是佛都何處杳渺  
求身毒或言唐武詔沙門三百僧人謁世尊欽使旗開  
山岳奔入天竺求舍利初經巍峯雞足次優波搆多王

舍城嶺峯舍利塔皆至畢鉢羅嶼最後經九年歸途有  
程記如果皆在大理城胡不黔蜀直通使而乃西番入  
天竺轉而東之迤西地不知當日六詔有數公黔蜀道  
梗無由通佛國究竟不知在何所崎嶇轉徙眞蒙蒙不  
知元祖當時取大理西入印度國然後東轉入南中吁  
嗟乎釋迦周昭時出世當年說法親持偈續續傳燈廿  
八傳何以至今不復聞眞諦豈非昔日佛國今儒邦家  
絃戶誦吾道昌六經煌煌治世法太陽一出星無光君  
不見盛羅皮王南詔酋長早沾聖化妙不慕禪宗慕儒  
宗國中特立孔子廟

廿我齋詩稿卷上

八

按陳鼎演紀游靈鷲列刹相望蓋在天竺幅員

之內爲阿育王故封會建八萬四千塔大理塔  
基數百皆其舊址唐武德二年詔三百沙門入  
天竺求舍利及梵書至開寶九年始歸其記錄  
行程曰巍峯曰雞足曰優波搆多曰王舍城曰  
鷲峯曰阿維半身舍利塔曰畢鉢羅窟以今考  
之皆在大理古跡也蓋當日由西番入天竺而  
轉東行以達大理者緣南詔爲蒙氏地而黔蜀  
路不通也又釋迦死時迦葉尊者勒闍岷山後  
入雞足雞足與靈鷲相望而畢鉢羅嶼舍利塔

見存與通紀酉陽雜俎吳船錄舊唐書俱同一  
轍則世之所謂佛國者即今滇西地無疑矣

哈將軍據棚歌

鐵壁關內風日美鐵壁關外烟塵起將軍度地初出關  
突報賊兵大至矣賊至於我欲甘心我逃避賊乃大恥  
賊徒數萬我九百即逃未必安汝止前有大敵後無援  
庸人到此也并死何況神武如將軍久歷戎行將家子  
我棚既固安且閒我士無譁靜以俟賊從阜上須仰攻  
我便高憑以下視勞逸既異主客分遠發神機近弩矢  
一發一中無虛發百發百中若尺咫初日賊正強次日

廿我齋詩稿

卷十

九

賊少靡三日賊已怠四日賊欲徙也有落荒帶箭逃也  
有中砲身軀毀也有饑餒不遑餐也有輜重悉見委當  
其初攻日我兵如鶴賊如蟻泊其久交攻我兵如虎賊  
如豕關內烟如漲天黑關外草如紫草紫苟非將軍膽  
包身士皆用命那得此賊雖無能我亦疲相機亦惟徐  
退耳近且援兵來黑山生來差覺殿可恃援兵來此繫  
何人全省軍門提督李

段總管破賊歌

名信

總管天下真奇才萬戶千戶豪傑哉數萬緬夷躡南甸  
野爲之塞山爲關我兵相覷且徘徊賊陣兇惡實可畏

前馬後象潮聲沸被甲高坐天神來戰樓岌岌負象背  
兩旁夾以大竹筒無數短槍充其中象奴取之擊刺便  
立如山屹趨如風萬戶忽都忽下令彼眾我寡敢惜命  
當先衝動河北軍親率健兒早獨進二百八十一騎兵  
人人虓虎猛氣盛總管苴日爲一枝麾下二百二十騎  
傍河自成背水陣先置死地後生之脫落脫孩官千戶  
依山排陣又一股一百八十有七人不聞金聲祇聞鼓  
今日安危一戰決人必帶傷馬汗血風雲慘淡日光愁  
誓必後食先此滅交戰既久賊不支獸逃鼠竄真叱離  
直抵賊營僅三里泥深沒脛且旋師南面忽出賊兵萬

廿我齋詩稿

卷上

十

繞我軍後山谷蔓馳報忽都再會師列爲二隊進河岸  
敗之追破十三營三十里長久轉戰象踏馬死馬踏人  
滿三巨溝屍無算三將軍真人英七百人破數萬兵忠  
勇志果先劉鄧至今人竟鮮知名戰壘荒涼暮山紫小  
梁江水去瀾瀾有元中統十三年爲紀西南戰伐始

趙守備發元罵賊歌

趙守備好回子心堅金石身虎兇在官不負在官身肯  
爲天方私教使乙巳年丙午年永昌仇殺血成川內匪  
暗鉤外匪入蘭津鐵鎖橋孤懸守備時守平坡汎賊向  
君前懇借徑此途入永要咽喉飛渡那容賊得進賊怒

悉力日夜攻守備勇決氣如虹爾帶頭來實送死轟天  
徹地砲光紅眾寡既殊卒略盡小醜乃足困英雄張富  
責以何背教守備瞑目罵且叫讀書焉知馬哈麻吾家  
但識忠與孝爾輩狂爲犯天誅屍當萬段敢狂開欲殺  
便殺速開刀將軍祇有斫頭號壯哉義烈真可風百世  
固宜祀以廟他年若過平坡祠下馬一杯爲君弔

李壯士歌

壯士名珍國字聘三騰越綺羅練人

君不見綺羅壯士李珍國口可容拳兩肝黑生成短小  
精悍姿奇氣填胸直吞賊去年廳城自失陷身率健兒  
走緬甸再走六司再誓師百日之間七十戰羣賊夜遁

廿我齋詩稿

卷上

十一

如風馳一旅直追扼弔弄水箐連營身先眾控騎迎我  
酌軍機解驂不吝烏騅送突然遊寇滿蠻東我檄勁旅  
下灣中兩路夾攻齊到處擒殺盡淨血流紅乘機襲奪  
賊新寨扼道寇吭據要隘漢氣重伸萬眾歡反側子向  
營中拜吁嗟乎自賊竊據騰城中無恥衿士咸趨風殺  
戮拘囚操賊手只因邊壤乏英雄珍國珍國亦足數毀  
家紆難莫與伍愛妾愛子孰不惜賊挾招之誓不俯致  
使生妾膏賊鋒嫡妻仰藥亦從容節義一門轟烈處裏  
揚應首受皇封頌君朝夕練士馬廣攬英雄禮賢者出  
奇先復南甸營雄師直造騰城下上報國仇下私仇予

亦傳檄遠近收萬里江山復正朔男兒及此覓封侯

邦讀三列女行

四座無喧聽我語千中萬中節有幾不見邦讀破壞日  
轟轟節烈三女士一爲閩女名慶秀從弟增生平日略  
解經與史仰藥不受賊玷汚輕棄此身如敝屣一爲閩  
女名小珍從弟尹簪身投牆折其趾生不敢偷死何辭  
母飲以藥甘且旨二烈乃出自吾家其死可傷節可喜  
又有鄰家小戶兒厥名小坤厥姓李前夕與母從容訣  
賊來兒誓不出矣交母素備嫁衣裳界母素飾舊簪珥  
牀下蛇伏引不出火燎滿室終不起人生百歲均一死

廿我齋詩稿

卷上

十二

泰山鴻毛兩相比與其貪生失大節何如捐生保全美  
慨自逆回據邊州多少膠庠不知恥紛紛俯首甘受役  
鬚眉無乃愧女子三女雖死生不如天章必裛誌必紀  
作詩先慰爾貞魂翠柏千尺干雲裏

綺羅李氏三烈女行

孝廉含瑞我契友家政整肅規矩有弄瓦先得兩女兒  
窈窕腰肢好姿首辛酉賊入綺羅鄉姊妹相隨阿母走  
水之湄兮山之阿被賊窮搜爭曳肘長女激烈不受辱  
求死罵賊不住口賊料此女不可干爰刺以矛委山後  
次女光彩尤照人面映芙蓉眉畫柳賊心狂喜強逼婦

女習諸賊不如狗賊固難忍逞兇鋒一具貞骨拋巷右  
吁嗟乎李芝生平日行修潔治家無少苟一旦得此兩  
貞烈顯乃父兮榮乃母烈烈何愧竇家娘白石醴醴名  
不朽

雞薹以猛蕪蒲窩及界  
頭產者爲最佳

南中六七月濕熱蒸溽暑一夜驚雷鳴雞薹競破土曉  
起行郊原俯拾入筐筥或如笠影圓或如傘擎舉或作  
荷蓋張或作雞翅舞味尤鮮且腴百美姑一數香葦嫩  
不如蘑菇清非伍陋彼諸菌屬馬齒及羊肚取油亦有  
法淨澆漬以酒俟其相淪浹傾汁磁瓶貯文武火熬之

廿我齋詩稿卷上

三

成醬是爲薺此法曾親爲  
之香美異常昔者博望侯使夏因得薺香  
美迥絕倫因開西南戶此法後失傳名實久齟齬南園  
號知言乃以蘆子詰蘆子臭且辛厥醬如何取自非和  
檳榔未堪滋含咀臆說愚後人此說吾不主先正既已  
失尹子一言補雞薹本同音轉訛類帝虎薺醫卽薹油  
更何須疑阻似此俊爽物久宜調鼎俎惜矣生還荒竟  
未登食譜彼仙粵荔支比以江瑤柱我請援此例品以  
熾麗語應於西施舌嫩過貴妃乳

夾象石行

一石若獅一石虎左者高昂右微俯屹立窄徑駭行人

牙欲磨露爪欲舞譬彼猛將當雄關不露奇傑自威武  
在昔緬酋侵我疆蹂躪蓋千兩宣撫藩籬盡撤半壁虛  
天隊闖入及門戶黃陵岡下陣雲生倒馬坎頭喧擊鼓  
兩鼠相遇鬥穴中惟將勇者能勝虜霹靂一聲山谷搖  
萬弩疾發猛如雨象奴恒懼有退心象隊逡巡皆慄股  
斗然振轉頭方回道狹身肥轉側苦遂既不能退不能  
我士乘之勇可賈逐北追奔三舍遙歸來策勳上幕府  
遂令卓立兩片石名以夾象傳千古何况壯士立邊功  
燕然勒石交趾柱

前出塞歌

廿我齋詩稿卷上

古

君不見木邦之地散漫無收拾小徑極雜箐深密虎豹  
出入少人跡天生橋邊風亂吼孤軍深入不停走及到  
宋寨日已久回頭試憶天馬關水陸兼行半月間悔不  
自此直躋攀直取阿瓦誠壯舉不過相聞三日耳豈曾  
白書給千里途旣阻長饑無糧身入虎口在蠻荒迴旗  
反鼓走且僵師迴賊亦隨後尾鬢華山玉賊似蝗我欲  
吞賊賊拌死可憐全軍百戰兒千里轉鬪饑且疲此日  
報國甘如飴

後出塞歌

君不見樓船將軍伐南越牂牁直下不停歇趙佗遺封

垂手得又不見趙王孝恭伐江陵乘漲直破浪層層蕭  
銑迎降知無能行師令行禁必止大要神速斯貴矣疾  
雷一聲山岳搖世人那容及掩耳鬼哭山下無人行夏  
鳩江頭烟瘴生水熱如湯百櫓出將軍正練水師營水  
師揚帆透迤下望洋就如望阿瓦水陸交攻守有餘漫  
道使船勝使馬雷霆振旅聲焯焯來威蠻已說稱藩兩  
岸驚留鐵爪在風波僅壯老官屯

大風引

甲辰禮閣下第歸舟  
行洞庭湖遇大風

一口欲吞雲夢澤一葉飄來湖裏泊正是中秋月中旬  
月光水光同一色空闊包涵象萬千不僅周環里八百

廿我齋詩稿

卷上

五

俯仰但覺楚天高豈料顛風欺過客初聞檣牙響烏鳥  
繼聽隣舟搖磔磔倏忽大聲水上發黑風黃雲陡四塞  
林烏啼號猿虎嗥老蛟狂舞魚躍躑躅尺莫辨湖東西  
天將低壓水皆立客舟掀蕩簸如箕始猶旋轉忽傾側  
篙師叫絕童僕泣人鬼關分只頃刻尹子危坐方正襟  
髮上衝冠手一拍丈夫生就巨川才作舟作楫信自昔  
弱薄猶自江潭輕忠信豈畏風波詭何物妖孽敢猖狂  
藐我腰間劍三尺呼聲高激入青冥布帆掛起勢亦得  
大鵬展出垂天翮鮫人巧捷梭一擲流星馬過矢離絃  
荷蓋翻珠電飛隙五柳突作五青龍垂髯偃臥水之國

輕舸纒附疑有神到此狂飈皆頓息舟人相慶已重生  
我亦安神稍定魄迴思昨泊君山夕四無人聲山寂寂  
忽聞鐵索響鏗然起視茫茫天水白非人非鬼來何因  
鎮日舟行恆惕惕小劫虛驚先有徵我舟幸全鄰舟溺  
向聞洞庭君原係滇南籍對策貢入長安來下第歸經

涇陽驛道逢一入嬌如花垢面蓬頭心悲感自言身是  
洞庭女嫁涇陽爲子妃妓反目失却舅姑歡罰往牧羊  
供苦職聞君便道經湖邊一紙家書煩往役從此招贅  
到龍宮館甥遂爲賓入幕我今下第亦南旋相值何必  
定相識同鄉那無香火緣同病憐憫相憐惜乃五柳

廿我齋詩稿

卷上

六

卽卽君幻化眞形來拯厄平生倔強少祈禳始信顛浦  
荷神力愧乏昌齡一疋駝愧乏子羽千金璧他年蘋藻  
申瓣香仙鶴南飛三弄笛

明貞女截髮矢志

貞女吾騰武生明金鑑女聰穎  
美麗通書史明大義許字馬錫

九之子未娶而死女截髮茹素矢志守貞聞媒  
妣來涕零不已終日惟焚香誦經臨十年臥坐  
而逝年二十九歲也

木有女貞木絲有寡女絲裁作絃與琴音響悽以悲兒  
長深閨內非妍亦非媼亦識烈女操亦讀柏舟詩默聞  
蹇修語許字馬家兒千金重一諾海山有誓詞隔湖小  
鴛鴦雄亦憶其雌風雨分飛去是兒斷腸時剪我青絲

髮洗我紅粉姿天方經一帙矢以終身持嗟彼媒與妣  
饒舌徒爾爲我心既匪石如何可轉移對人咽不語背  
地涕漣而冉冉十寒暑跣跡別巖慈來也於此寄去也  
於此辭

趙孝女割股救親

趙顯宗女河西  
練西寨村人

娟娟趙家女盈盈年十五生小不知書耕織守鄉土堂  
上何所漸有母兼有父母既賢且勞父竟迂而腐母病  
父無方母病兒心苦冉冉奄三年兒淚滴幾許禱佛空  
有聲延醫百無補兒求再救方父言祇割股兒聞靜而  
思兒思默自語兒身乃母身母死父何怙剜肉如可醫  
七我齋詩稿 卷上 七

差報三年乳磨刀悄無言操刀趨別所父竟不得知妹  
竟不得阻一腔心頭血從臂出縷縷救母心悲切頓忘  
身痛楚聶切復聶切和淚熟誦誦詭言乞諸鄰奉母恣  
含阻嗚呼鬚眉中至性誰如汝斯人見於今斯行求諸  
古作詩爲悲歌悽然感肺腑

雲峯山歌

在騰越  
大西隸

君不見雲峯之高丈八千巍峩一柱插南天天梯陡立  
無盤旋鐵繩石磴相鉤連白鹿留蹤始何年氤氳靈氣  
籠山巔金闕無上玄又玄九天閭闔環雲烟羣真入觀  
鸞鶴喧前則智光斗姆奎璧聯後則青牛老人雪雙肩

左則白衣大士座湧蓮右則朱衣夫子筆如椽純陽接  
引往來緣飲以玉液金井泉不流不竭清且漣有時赫  
濯聲靈傳雷公振鼓轟闕闕電母掃殿掣金鞭風伯怒  
吼山欲騫黑虎黃虎來參禪我欲凌空朝帝前風爲馬  
兮雲爲鞵龍駕車兮行蜿蜒鈞天樂奏兮玉女按絃六  
銖飄舉眞欲仙低頭下視星斗躔諸天咳唾玉珠圓一  
小眾山心豁然

浴佛日雨

昨夜簷鈴獨自語今朝浴佛忙如許巍巍丈六金色身  
香水澆背及腰膂憶昔佛誕周昭時修行難圍極攻苦  
七我齋詩稿 卷上 六

七年得道初升天說法切利在母所四禪滅盡色界天  
安有裸浴對婦女豈其優填刻旃檀鼓眾年年爲此舉  
始自西域轉龜茲繼入涼州長安處復歷江淮入汴京  
金元及明皆可數鷲峯寺內復多時供養於今在內府  
屈指二千八百年風行要荒與中土我聞佛道崇虛無  
本身不惜飼餒虎况此頑金仿鑄成浴與不浴庸見愈  
空卽是色色卽空空而不空奚所取不如一切盡歸空  
掃除法身及殿宇惟留頂上白毫光散作大千曇花雨

山石

山色終古青山風鎮日吼居此深山中石排左右怪

狀與奇形一一試研究十萬劍橫磨三千甲隨走高者  
出林梢低者伏山後大者百圍週小者一篲覆或如虎  
豹蹲或如蛟龍鬪或如犬交牙或如龜出脰或如旋螺  
紋或如盤蛇構或卓如錐筆或立古驛堠或散滿天星  
或演連珠宿或如大將門秉肅森介冑或如鯁直人骨  
立無偃僕或如泰山岑真形山靈守或如太湖邊玲瓏  
滴巖溜罅隙生草木青葱而堅瘦古有相石法第一最  
要秀不絀則少紋大要莫如透爾乃生要荒確犖儕瓦  
整不遇蘇東坡誰肯納諸袖不遇米元章誰拜而相就  
吾亦有石癖相對無昏晝擬欲寫爲圖近世畫工陋不  
甘我齋詩稿卷上

六

如吟諸詩得之目親觀石兮吾語汝慎勿矜雕鏤守汝  
柱石材介如貞且壽

偶得

吾欽陸宣公經濟著憲譔上不負天子下不負所學又  
欽李鄴侯二朝參帷幄內全骨肉恩外全君臣樂兩賢  
生同朝賢智又相若獨怪泌入相勢遂安諧諾豈知趙  
吉陽讓浚展才略及至魏公罷又薦鼎可託大臣濟國  
心休休復落落鄴侯以疾辭薦賢爲首著寶參董晉流  
聯翩入臺閣侃侃陸宣公曾不聞薦擢一時兩偉人相  
視如編膜豈其不相知同受朝官爵豈其不相得未聞

相菲薄敬與本後進長源乃先覺吾欲面質之古人不  
可作

截瘡戲作

我不能如杜工部奇險寫出髑髏何瘡鬼破膽亟避去  
又不能如桓石虔雄武敢戰威名傳瘡夫聞之病皆痊  
那知暑伏三庚久至於八月凶忽有兩臂壓以萬劍存  
腰不能伸惟縮手初如后稷置層冰一寒徹骨戰兢兢  
齒擊身顫不自主重衾覆翼無能勝繼如躡生人大鼎  
沸水煎熬熱及頂大聲時作半馬鳴白日昭昭喚不醒  
稍焉暫解淚滲滲瓊瑰泣落珠滿襟不覺蘧蘧夢又作

甘我齋詩稿卷上

三

大槐安國夜沈沈一番委頓一番悻望兒如望赦書至  
昨日元氣今未復水火之師又拜賜朝朝夕沙無爽期  
月暈礎潤不逾時旣云瘡不病君子乃獨於我是窘爲  
乃呼瘡鬼大加詈何物黃帝之苗裔我非漢景丹又非  
高力士何敢身側恣弄戲胡不速之遠迴避如或逡巡  
不自逃我有發奸摘伏之法眼我有搜經剔史之筆刀  
行將奏天帝陰山置爾曹剋爾眾鬼目攝爾眾鬼毛鬼  
也聞此言先笑後號咷請君暫息雷霆怒請君謹慎寒  
暑遣我輩何爲敢吹吹起去出門不知處窗外月明蒼  
天高

和順鄉社火歌

神祠社鼓轟如雷駿馬怒馳飛塵灰黃金四目得古意  
天將逐疫爭先催繼以臺閣好姿首孌孌亭亭風前柳  
凌虛微步鞞無塵此物祇應月窟有忽聞仙樂出深林  
鳳笙鸞笛雜胡琴隊隊提爐香馥處霓裳高奏吉祥音  
最後木魚沿途走鑿鐸喧闐齊拍手朱衣象笏古先生  
梵衍魚山放燄口沿村過巷徘徊淨案香燈夾道排  
惚惚人影衣香裏紅蓮千朵一時開此風習久竟愈熾  
舉國如狂近於戲太平心懺懺以心安事浮華鬪靡麗  
君不見濃妝淡抹冰雪姿梯蔭倚戶立移時又不見豔  
甘我齋詩稿 卷上 三

田家話

五月忙栽秧六月催修倉官倉修未畢田中秧已黃秋  
黃厚水未得暇又聞官家有牒下促領今年採買封抗  
戶捉官聽者怕怕捉且將封領出一千錢買兩石粟還  
將原封輸入官三倍加償吏未足

貧女歌

有女有女閒且和亭亭玉立迴秋波學得鍼神好指爪  
判釵布練真婀娜天生淑質難自棄高宜中選月宮娥

不然亦入烏衣王謝宅松柏佇見施蕙蘿胡爲守貞十  
年空待字天桃灼灼任蹉跎朝見東家女鶯珠耀綺羅  
暮見西隣女蛾黛炫青螺生長朱門問字早嫁依人作  
妝窈窕獨有華門圭竇姿迨冰雖泮無伐柯織女盈盈  
隔秋河紅豆粒粒長南坡標梅三七 下闕

和小海叔採菱歌

湖水搖空綠征人長不歸湖邊停舫待風急雨霏霏風  
中雨中菱滿數畫舫輕搖採得否願即莫解絲牽長願  
儂莫避刺傷手腸迴手輒波茫茫菱葉菱子情自芳鴉  
軋一聲琉璃裏驚飛對對紫鴛鴦鴛鴦飛入芙蓉堰雙  
甘我齋詩稿 卷上 三

爲趙君顯泰題墓

趙公古之奇男子貨殖億中薄技耳自言生小遭艱辛  
未暇從師侍杖几三十知學歲已馳面牆而立愧欲死  
異字奇書手自抄每見儒生請不已朝持牙籌理陶朱  
暮對青燈勤礪礪初授行義羅漢唐繼解詩文貫經史  
有時裁答遠道書春蠶食葉刻數紙吁嗟乎後生暴棄  
甘委靡督以父師掖不起公雖不就學公之所嗜學中



旨公雖不專師公之所師學中理趙公趙公誰與此爲  
作詩歌告後人聿念爾祖勿忘此

哭五堂叔

我父諸同堂年惟叔最小玉立亭亭姿瀟灑出塵表少  
業精黃岐活人拾芝草憶自遭夷氛多憂髮白早昨歲  
歌鼓盆涕零每徬曉伉儷情何篤我勸釋懊惱今忽聞  
訃音泉臺逝渺渺冷雨濕空階淒風號木杪亦已花甲  
過中壽不爲天所歎窮旅人不得視續縞諸弟驕且愚  
教誨付誰好感此傷我心終宵怒如搗

耕牛嘆

甘我齋詩稿卷上

三

日日驅牛覓青草牛不飽人不飽茁壯漸覺肥且好拌  
得來春耕田蚤清風戒寒歲云秋穰穰田畝禾將收禾  
未及收苦酷暑流染疹疫到吾牛一日牛不食二日牛  
垂頭三日四日牛僵立五日六日填壑溝老農嘆息婦  
子泣舉家相對淚盈眸吁嗟一牛何足惜惜者耕田夫  
田夫何足惜惜者八口之家食與租今年豐收幸飽食  
明年無牛奈何乎有地徒自捨有天空自呼爲我訴天  
公農夫之苦無窮途

擬構一小園

擬構一小園先將畫圖寫後倚山爲屏前有水橫瀟松

拍栽於右梅竹植於左隙地牘數弓隨意種蔬果中於  
平坦間疏密構數廈因地布置之不俗以爲安雖非亭  
與臺離塵清且雅中有琴與書器用不外假可以閱金  
經可以膳詩稿幽人清且瘦手神頗瀟灑酒不履復不衫  
吟詠古樹下客來把卷看似是自得者指示蔡興宗此  
人正是我

大雁秋來春去無爽期也乃聞干崖之地竟有一  
二未去俗謂之過雨水蓋一經雨水則頂紅至  
次年羣雁春歸時卽不復見想亦歸矣此昔之  
博物者所必及也

甘我齋詩稿卷上

三

秋雁向南來春雁向北逝來時自奮飛各展凌雲志爾  
獨息羽翰栖栖邊徼地豈無向北心健翮未及試暑雨  
澤其毛秋風刷其翅朱頂自蒙茸矯鶴未足異來春摩  
天飛雲霄渺無際

燒蚊

秋夜何寂寥燈前屢搔手左攤一卷書右酌一杯酒百  
感何茫茫恃此掃愁帚何物小么磨麈飛似雷吼悄然  
毒我膚痛癢頗難受驅去旋復來祇在人前後淨几明  
窗間納污又藏垢阿奴用火攻下策亦得手持燭不盈  
尺搜討沿壁走概將炎火界十去已八九因思古及今

此輩豈敢有朝廷集眾賢宵小總掣肘暗或肆謠詠明目爲鷹狗眾人妒蛾眉眞士銷讒口必令君子流不得安朝右又如近日事太平日已久賊盜生其中窺伺乘與負今且財賦區沈爲萑苻藪哀哀此蒸民不得安眠

悲河東

南甸士司提封萬井漢民居十之七官虐掠余甚慮邊旋後患從此起矣

內練如腹心外練如足爪腹心如不安手足必牽擾手足如損傷腹心豈能保兩體均一身明人自了了所以醫家流緩急分裏表急則治標先緩則治本好騰衝遠

廿我齊詩稿

卷上

三

孤懸四方夷旋繞前月焚河東居民散如鳥金帛及馬牛肆掠欲未飽時望中土變乘間大攬抄豈待回匪招長驅便直搗漢回近生隙腹心患不少若更助之夷生民更茶蓼感此傷肺肝中心恆如悼眾人皆杳杳豈爲外人道因憶劉桐軒邊防夙研討急致一紙書備悉述根杪轉達司馬公未雨籌須早司馬亦勇決挑燈夜起草急發馬遮驛徹夜直到曉外檄六士司彈壓諸夷務內檄諸撫夷謹守各欄堡古者守在夷此語可爲寶制外以安內機沈謀貴老手足雖暫安差足釋懷抱但憂腹心疾蚌恐旦夕孽翹首望太虛挽回祝大造

庭桂初放思酒無由忽寸子維章趙子德生李子權量攜酒相訪各極量而醉醒後有作

秋色爲我來開我庭桂嫩好風披拂之馨氣一山噴意欲一舉觴瓶密徒悶悶不速來三人客爲趙李寸似識陶淵明離東思美醞登樓出酒餚解衣觥交勸不知誰主客酒數更何論興酣耳復熱揮拳搥戰陣趙李雖微醺抽身屢私遁而我與寸君強項遂委頓平生負奇窮誰復相過訊一胡小開懷又被杜康困誠知沈湎非良友久不見我醉正欲眠君去亦從便明朝試相問畢竟輸誰健詩成月在窗桂花落如霰

廿我齊詩稿

卷上

三

節飲

生平不諧俗壯年寡適意借酒以澆之墨塊化胸次有時爲歌詩得酒生奇思有時下史記得酒增奇趣寒夜對客酌遺落一切寄一杯復一杯一石一狂醉自謂王東臯老可醉鄉慰焉知酒爲物其烈火不齊性實濕且寒竄入經絡際困倦人筋骸昏惰人材智我亦有飲癖多好遂爲累頑痰不時作酸楚到兩臂及早不自醒流弊將無既禮飲限以三不及量所至壺觴以供客無客爲虛器望望糟邱臺卻願急迴避寄語市上人休以醉爲瑞

砭俗

汰侈殄天物慳吝廣儲積二者人交譏均犯造物忌吾謂汰侈子揮霍其胸次有時義所激或有豪舉事獨彼慳吝流喻利不喻義鐵思針頭削錢肯手中棄愈積雖愈工定生破敗嗣從前慳吝家又轉爲侈汰終亦歸必亡此語人其識

促董小亭

大純

向羅武塘張氏借函海

古今一部十七史欲說從何處說起百家諸子徒紛紛充塞乾坤莫窮紀何況淫辭小說多荒唐道藏佛經逞奇詭竊我六法著聖書託我六經孔聖旨始皇強作解廿我齋詩稿卷上

事人一炬赫赫稱快意所恨經史皆成灰醫卜之外無一字漢興諸儒勤表章百孔千瘡補能幾直至有宋鍾大儒推闡河洛發性理乃使孔孟千載秘日行中天月映水我生遠徼天外州耳寡所聞目寡視開經欲學楊誠齋嗜古不讓習鑿齒敝廬也集千卷書土酋一火吾悲矣空囊假借無紙遺異書漫道荊州似門人李子號福田充棟汗牛置閣裏一朝捆載送我來繙閱經月辨亥豕條日繁碎字模糊得不償勞姑舍是羅武張氏聞多藏小亭婚姻且知己函海刻自李甫村百五十種全在彼胡不早發一紙書胡不急通一价使慰我饑渴平

生懷與君共探書中美訂其是非辨異同取其精華棄渣滓不能花縣蘇困民且作芸窗老博士

天問

蒼蒼者天坐冥冥屈原屢問不做聲我今把酒復一問天門劃然開旬旬三才既分有定位何以四萬五千年而後斯人形始成日月星辰不停走所繫何處相代明一層一上層有九此九重者誰經營或言天氣浮輕清共工觸天柱胡使西北傾十二萬年一混沌定知盤古非一夕天地亦屢更此皆天上事請問下方情請天不作主一個皇帝管九土前朝喪敗後朝興治亂循環如謝我齋詩稿卷上

桴鼓謂天定有主天生此編氓既苦以人事又虐以天行黃巢闖獻殺人億萬萬既欲殺之何必生又况李氏偃月堂秦家格天閣壞人家國備百惡胡不雷霆碎其身乃令壽考保高爵願假風吹入天耳天若不聞竟不理聖爲天口代天言我欲轉請孔夫子夫子嘗言不怨天時行物生天何言還將耿耿疑團抱待叩柳州柳宗元

柳條條

柳條條風蕭蕭征人上馬出門去防邊夜夜河陽橋河橋阻絕隔煙樹風饗雪虐幾朝暮去年猶寄遠道書今

年戰爭知何處何處征人不思鄉誰家思婦不斷腸幾  
時青青垂楊柳幾時黯黯上夕陽夕陽下傍舊耕陌君  
出何人栽黍稷蒸黎無計不遑歸君到歸時衰化石

長相思

不長相見長相思人生底事有別離夏之夜兮冬之夕  
四顧茫茫增嘆息相思如在天牽牛織女會年年相思  
如在水干將莫耶化矣相思如在山願爲鸚鵡比翼  
還相思如在地木爲連理花並蒂天地山川各有情我  
獨遠離別此生清夜一聲何滿子千秋猶作斷腸聲

小海族叔

祖蘭

預營壽域索詩刻石

廿我齋詩稿卷上

三

我家隸籍原西川從軍一旅來南滇報績屢膺上上考  
積勞明等錫土田土田無如此鄉好山環拱兮水帶繞  
巴山回首一萬里子孫世鎮邊關老十七葉生小海公  
冰玉爲姿氣爲虹六經香紹知章緒兩袖清流吉甫風  
乃翁名直著作無敵手跋履文壇樹幟久乃兄名祖百  
戰真健兒鳳毛人羨超宗有先生繼起亦錚錚橋梓聯  
翩貢帝京始信眉山家學好一方難弟亦難兄邇來五  
旬初晉二達觀預營壽域事貴人天馬好星峯水聚沙  
搏真福地我欽公德孝且恭我信公守介而暹我服公  
學淹日博心欲頌禱語難工寥寥短章粗言狀阿咸雖

小亦豪放記取斗酒與隻雞他年下馬尋董相

向小亭借書歸且行且看竟失故路書以自笑

借得一卷書攜歸加反復途中偶繙閱新奇奪人目既  
讀旋復行既行旋復讀不惟得味深兼恃來路熟少爭  
一步差不與來處符欲左反袒右欲直反回紆道旁見  
者笑此人真腐儒祇解直道行那防多歧途讀書四十  
年竟爲書所愚

進城南

進城南轉東面渠渠夏屋人豔羨右倚文昌宮左倚大  
成殿君不見榜額大書來鳳書院書院胡爲開爲國

廿我齋詩稿卷上

三

興賢才師道苟不立善人安在哉淑女守貞恥自媒高  
材捷足爭先催大紳老死卯金繼天水一去仁山來解  
天水去何亟左境不如意收得束脩羊庶免乞米字人  
世結交須黃金不解逢迎那解事解渴莫進燕窩湯媚  
寵况乏香鉤餌押名五朵雲罡風吹不至解豈無好姻  
戚豈無貴門生朝入公府暮輸私情陽混虎視陰肆蠅  
營操戈不信起室內得食何妨一軫兄弟子今得意長  
者暗吞聲解四一之日矣先生出矣焚我筆矣返我室矣  
弟耶師耶其人陸矣名耶義耶不遑恤矣解五小子且息  
鼓擊擊黃紬高坐眞夢夢盡道不能反響可定知高弟

非途蒙六

送客

我客別我不可留我心送客觸離憂出門久立望不及  
高瞻復上最高樓高樓春寒風侵骨山花已及客車發  
望客不見見繁花呼酒小酌待明月明月東昇又西流  
關山修阻爲君愁會當五湖訪君去月明何處不扁舟

我願

我願月常圓我願花常好日日春游樂夜夜清光皎我  
願世太平我願人壽考戶戶義皇民人人南山皓此願  
雖云奢此志何敢小此境不易得此心何時了

廿我齋詩稿卷二

懷董小亭大純

小亭今古人博雅風流致三日不見君鄙吝心復熾望  
君君不來卽來或一二君來須戴笠山雨不時至君來  
須策杖泥滑防傾躓君來宜天晴山光靄空翠君來宜  
正午清風拂滿地

名山不在高山高月轉小好水不厭深水深魚肥好我  
居山水窟君來還須早釣魚佐晚餐待月膳詩草酒亦  
不嫌多人亦不嫌少一二素心朋聊以忘吾老

偶得

夷齊作何孽西山長饑殍盜蹠稟何德東陵享壽考善

惡爽其途天道誰能曉精忠岳鄂王風波不自保長脚  
秦太師富貴以終老禍忠而福奸豈所云天道卽云有  
冥誅冥報幾時了而况兩家後榮枯亦顛倒岳氏衰且  
微秦家繁且好餘慶與餘殃此言屬虛渺古今似此儔  
所聞復不少問天天無言日月常皓皓

寫懷

入門憂家貧出門憂親老家貧日日繁親老容日槁持  
家憐妻弱讀書憐兒小憐妻還自憐憐兒如何好本爲  
救水謀東脩覺其少徒爲升斗計致身苦不早十載毛  
公榜魚雁音沈杳而况瞻四方寇賊亂如草願世復願

廿我齋詩稿卷上

身怒焉心如搆誰救神州沈誰挽狂瀾倒事如無可爲  
藏身以爲寶

門有車馬客

門有車馬客顏色何戚戚問客何方來來自楚南北相  
去五千里何以有羽翼客言丁喪亂不得安故宅憶從  
庚戌歲粵西起戈戟專閫不得人養癰忽反側豕突下  
湖湘血渾雲夢澤砲打岳陽城穴穿江夏石江州破日  
夕安徽下頃刻金陵就次淪北地烽火迫雖經一戰劍  
公然據半壁嗟嗟此蒸民萬苦無終極兵來死於兵賊  
來死於賊浮屍蔽江下堆骨如山積父子四方逃夫妻

兩地隔兒女作伴囚錙銖括粟帛桓桓領軍官威風勢  
濯赫未戰兵悉逃空拳救不得杼柚又漸空飛輓將無  
策兩江守經年三楚屢蕩析粵東半彫殘江西近吞蝕  
苗狎黔中肆道路滇西塞仰視碧天高蒼蒼不動色客  
言未終篇我淚沾胸膈高爵者何人而竟忘報德豈無  
英傑才下僚限資格亦有赤心士遺棄老田陌誰爲李  
西平誰爲趙克國精誠無由通低頭長太息

萬人塚大理龍尾關外

步出龍尾關遙訪萬人塚白骨稜稜黃土封衰草茫茫  
暮煙籠憶昔天寶盛唐年奸臣誤國窮開邊大徵萬人

廿我齋詩稿卷上

三

南詔去全軍盡喪無一還祇今陰雨酸風夜猶自哭聲  
動九泉吁嗟乎內政不勤勤遠略黃金佩印盡高爵那  
知專閫無長才累此無辜委溝壑君不見結髮從戎類  
川侯峯頭立馬戰功收萬里要荒歸正朔至今千載奠  
金甌

點蒼石

點蒼山石白羊脂點蒼山下路嘔崎崎嘔誰歟修補者  
此事專責賢有司邇來事事務粉飾好名好義心爭馳  
數武所費曾幾何文武官員同指費若有浴日補天手  
鋪張揚厲作何詞點蒼石爾有知從今珍重出山時守

爾堅白無瑕質待作循良德政碑

偶得

五龍夾日飛爲國心良苦既復子明辟連麻宜盡去何  
乃謀不深玩忽辟劉語汲汲誅一張輕輕釋諸武一暨  
乃三復三思則一虎後門雖殲旃前門猶據處况彼點  
籌人庸暗是何主欲以鋤奸威望其奮鉞斧一旦凶鋒  
橫均爲刃下俎佐唐唐復亂一時聊小補智哉漢平勃  
安劉功千古

又

桃源有居民爲避虎狼亂商山四老人此逐龍虎戰采  
廿我齋詩稿卷上

三

采紫芝英馬知世爲漢白雲行半空舒卷自汗漫神龍  
蟠九淵爲潛不爲見漢家金與帛曾何當一盼欸爲太  
子來齊入未央殿願彼羽翼成徒對戚姬嘆向者不輕  
出恐遭陛下讓今者適輕出焉保不加慢沈沈張子房  
陰謀天日換隆準爲所愚未暇加思玩不出皓之眞出  
者皓之贖

鬼夜哭

道光末歲在庚戌除夕家家歲事足滇垣城外聲喧天  
不聞人聲聞爆竹參橫斗轉纔二更一片號咷鬼夜哭  
東角起西角續前街歇後街復千百成羣城內入百官

署外盡明嗽轉到城隍廟始伏聞者心膽驚見者身蜷  
縮吁嗟乎人情變詐惡鬼賊即鬼即人面自頽風釀  
成紅羊劫姓名先入點鬼錄君不見丙辰十月十六日  
滿城回民被屠戮又不見迤東五郡相讐殺迤西六郡  
互吞逐衰草黃花滿地愁郊原溝壑盡白骨

金雞廟

金雞廟中擊大鼓金雞廟外列隊伍黃雲罡風四塞天  
桓桓官軍走威楚旣逢健兒百十羣正如穴中鬪兩鼠  
何必我旅弱於羊安在賊徒猛如虎趙奢恰好當蒙驚  
馬超何怯遇許褚而乃臨陣初交綏逃亡大半屍橫土  
廿我齋詩稿卷上

丙辰十月初三日漢回超事

妖星閃閃明天狗旬旬墮地作雷吼可憐肥澤一羣豬  
一夕盡遭屠伯手屠伯屠伯繫何人有等儒服與儒巾  
其餘誰非無賴子公然白晝出凶神當其結隊沿街走  
側目金帛回子有貧窮無奈盜心生挺戈執槍皆抖擻  
丙辰十月朔日三槍聲礮聲夜嘽嘽一片清平繁華地  
頃刻血湧作波瀾吁嗟乎天作孽猶可活人作孽不可

說自從有騰衝無如此劫惡我欲持論乘至公虎狼磨  
牙勢洶洶我欲附和殺回子又遠國法與大理不如策  
馬歸去來自團鄉丁守鄉里

贈鶴慶李再春師蓮世姪

石瑤山龍何邈迤佛光一夜熊能起散作墨花象萬干  
間鍾於人必卓爾或飽典墳邃經史或奮科名取青紫  
降而一藝一材土青烏岐黃皆絕技中有李生我世交  
鶴拓名區舊家子張緒風流柳萬枝延平月照人千里  
正好揚帆直問孝廉船胡爲懸壺甘隱韓康市李生爲  
我言未言聲先吞鳳毛那無超宗想雀羅久設翟公門  
廿我齋詩稿卷上

黃驃馬

阿育王馬黃金色何年擺脫金羈勒驥騰直到古滇地  
數子爭馳求不得多年悲鳴大野中一朝選入君廐側  
拳毛不動立春風深穩清高兩絕特試賡斯馬咏斯材  
匪稱以力稱以德我聞西粵苦用兵塵戰連年恆吁食  
將毋駭駭力盡致致使驚駘屢奔北神駿不以歸天閑

伯樂扼腕空嘆息且無棧豆戀芻蕘且無鹽車困筋肋  
終當燕市售千金爲國先驅滅猾賊

文歸來篇

予少事帖括垂二十年爰檢其稍稱不  
乖於理法者存五百餘首亦以區區心

血略在於此不忍棄耳會南甸土司之叛燼於  
一炬稿既焚盡憤然若失猶幸每篇脫稿時謬

爲同人所悅多見抄錄爰勤搜五六年得  
其大半作詩紀之命之曰文歸來篇云

我昔事帖括愛作驚人語不敢謂能然差免陳與腐檢  
字五百篇聊識吾辛苦小醜忽跳梁眈眈猛如虎祖龍  
助之威一炬成焦土家業既蕩然付之不足數惟此數  
篇文時時心懷楚故人渺天涯飄然歸何所幸有素心  
朋抄錄四散處勤搜五六年披上而得五覆水難盡收

廿我齋詩稿

卷二

三

全豹因班觀卽此文字緣理悟散與聚失馬歸塞翁徒  
珠歸合浦去婦歸前夫逐子歸慈父出子歸大宗舊臣  
歸故主天道本好還前缺後可補通塞不可知行藏吾  
與汝

雙白犬

昔居毓秀山時飼雙白犬勇猛而性馴日夜捍書館以  
故穿窬傳相戒不敢亂祇緣兵事興耆貴我急反未暇  
呼之從付與鄰居管今自石巷歸雙犬入我眼搖尾帖  
耳來左右跳宛轉戀舊主人相隨不避遠念其往日  
勞飼以一盂飯食訖趨門旁緊守不可遣海葵必其傳

黃耳定同產如何今之人背負而乖舛受王參養恩掉  
頭去不返甚者爲寇讐反噬恣凶悍面目雖醜存居心  
不如犬

偶得

秦者否之漸貞者元之先陰陽互剝復一氣相循環不  
見東海水倏忽成桑田古昔帝王裔今與齊氓編憶從  
開闢始四萬五千年堯舜當午運日月行中天去今無  
幾載億億萬變遷若更歷申酉變遷何極焉不如姑飲

酒一醉且陶然

關水

在明湖練俗名水關打夏秋之間二水勢  
均力敵雷鳴深淵雪舞晴天亦奇觀也

廿我齋詩稿

卷上

美

一水破東來一水繞北派天矯兩白龍蜿蜒大壑赴忽  
到二官橋大官小官二橋相逢爭奪路力敵勢亦均復爲山所  
錮奪路路轉窄蓄勢勢愈怒十萬劍橫磨三千犀密布  
風雪攪晴天雷雨薄半渡忽如戰昆陽虎豹皆慄怖又  
似灌白河七軍沒若鷺日夜百雷霆終古與石拮苦無  
解紛人狂鬪久不佳我欲挽此水傾向潢池注一洗戰  
血醒朝宗會如故

葬胞弟潘後檢其遺稿書以誌慟

鳥失其羣見林悲鳴人失其友觀物傷心而况手足幽  
恨誰禁我之同懷爲數有四子行居叔子質特異人羨



家駒我期偉器以子之德渾渾融融於規則孝於友則  
恭簡默成性禮義視躬以子之學看書如月旁及諸家  
星相醫卜諸差雷同文必已出以子之行淡於利名於  
世無忤於人無爭亦博亦雅亦介亦清以子之志少可  
一世評古隴今多聞強識時命不猶厄於小試日月遞  
遷春秋忽焉婦先夫後同歸黃泉草木泣雨窀穸寒煙  
今春二月始克葬子黃土為墳清淚如水檢爾遺文將  
遺而子而子雖弱瞻依有伯是教是育是為我責哭以  
誌之慰爾魂魄

驅鼠

廿我齋詩稿卷上

三

碩鼠復碩鼠貪殘無不嗜食潔擄太倉食汗投溷廁蘇  
子賦其黠風人引為刺首尾終兩端不穴寢廟地今乃  
穿我墉乘間齒牙肆齧我案上書那有佛臍異盜我盤  
中餐那無拖腸累終夜聞啾啾泣血有何思曉視几席  
間狼藉穢濁備準以盜肉律斷獄付老吏相爾徒有皮  
姑置不復議今日白晝開此梁不我避憤汝非三歲時  
時萌窺覷屢欲投以物其旁顧有器不投鼠愈豪輕投  
器可忌鼠亦竟不投器亦竟不棄不如且驅之狸奴牆  
角伺

哭堂弟尹芳

天下最傷心死別與生離生離可復會死別會無時哀  
哀我蘭皋吾家門上楣天與粹美質何數偏又奇縷述  
爾素行完璧無瑕疵有生六七歲失怙依母慈有兄長  
好逸家務懶不治持家兼奉母定省奏堦篋一派血成  
性豈假修飾為至於處家族和愉慎尊卑有時處鄉黨  
謙恭無失儀交友誠且信患難相扶持見善無不為好  
義而樂施一鄉稱善士我何有閒辭從我處外館兄也  
而兼師入則侍几席出必謹追隨負劍與辟咄問難而  
執疑博通經與史習學賦與詩出應童子試冠軍屢塞  
旗爾才風且雅爾學精於思爾守潔於玉爾行中乎規

廿我齋詩稿卷上

四

我多客於外音書不斷馳驟家事繁冗大小為我支我  
室雖弱賴待嫂善視之爾雖同堂弟同胞不及斯自謂  
老將至爾正英年委一切家族政將惟爾是資云胡天  
不弔一子好目眉旋以痘疔夫傷感百憂滋初但為咳  
疾久遂延四肢參苓少起色禱禱無靈祠拱手與我別  
但道天翁知族黨皆掩淚鄉閭盡涕洟我失手足能  
不悽以悲堂上一老母膝下雙女兒顧此老與弱斯夕  
付與誰嗟乎子已矣我慟無窮期

董古人

名國錄董國紳之兄祀木寨人

我聞古人名未識古人面及至祀木村乃與古人見古

人本今人負性實謹愿好觀古人書廣爲今人勸今人  
嘲笑之名以古人喚此君有獨行聞之令人羨有母病  
垂危割股手親獻母疾由此瘳鄉鄰皆感歎一片血性  
成超今人萬萬有弟好弄兵大結土酋怨烽火逼鄉閭  
威聲駭雷電里人出下策獻囚求能散弟聞先遠颺縛  
束到親眷董君慨然行拌以身扞患但令弟得脫鼎鑊  
心所願羣夷感其誠共贊此人善不殺縱使歸行止得  
自便嗚呼此一端天真何爛爛今人何處求古人庶幾  
見惜也生陋巷無人作歌傳我今爲表章頌風期日轉  
烏索賊首柳鐵三名映蒼誘諸夷焚內地掠婦女

廿我齋詩稿卷上

望

燬神祠殘五穀無惡不爲此天誅所不能宥也  
其母一夕爲雷所殛不有此媼安有此兒天之  
誅惡嚴矣哉

藐無根蒂柳惡幹茁新枝苟不生梟母何緣產制兒由  
來羊大質忽被虎彫皮潛得將軍號潛懷掠土思洶洶  
招衆醜蠢燬諸夷西北先殘破東南又不支焚盡梁  
稻種燬盡鬼神祠樂舞嬰兒慘林巢燕子悲尤憐諸婦  
女忍辱伴猓獍谷深墳骨郊荒滿積屍黃巢凶殆過  
李闖慘如斯孽作皆其子株連應乃慈神威靈有赫天  
討大無私玉虎轟鳴處今蛇紫擊時甲丁諸部應鞭鼓

四更馳老嫗藏無所微軀棄似違律同親眷坐罪等市  
朝尸始識昭昭表真難夢夢欺羣凶如弗悟漏網定難  
期聊作誅奸作回心昧此詩

逆賊杜文秀竊據大理并吞九郡已八年矣而官  
軍並不聞過雄一步作詩六十韻以紀之

率土原無外傾心戴我皇偶然跳小醜誓共捍封疆江  
右劉功著豐城鄧績彰兩公嫺將略邊壤有輝光何代  
無英雋斯民識紀常滇池雖僻陋聖主重要荒學校開  
文運蒐苗奮武防加恩繁百漢入貢自殊方德澤重淵  
沿聲靈萬里揚人稠斯起亂福久必招殃劫運蒼穹定

廿我齋詩稿卷上

望

兵機大地藏碧雞聞鬼哭天狗射妖芒擾擾無乾土紛  
紛作戰場下元週甲子惡禮壓丁當漢殺回遭戮回非  
漢狡強如何回寡弱乃致漢踉蹌哀此羣黎庶遠揚執  
斧斯妻離夫慘淡父失子淒涼三迤均蹂躪十家九散  
亡招魂烏可得同類逼相戕白骨填荒野紅顏入下房  
杜兒眞狡擒蔡豎更披猖帳下充魍魅轅間集虎狼箭  
飛削去令殺人不自日殺火發自來槍妄慕蒙酋威潛萌  
段詔昌榆城宮殿起理國帥旗颺蠶食連威楚鯨吞盡  
永昌麗江無北顧普洱任南翔致竟三邊地難尋一塊  
康蕭條八九郡灰燼數千鄉村舍無烟火田疇絕稻梁

清流沈白馬浩劫墮紅羊枉有呼天慘空餘禱佛忙蒼  
山猶皚皚昆海隔泱泱國勢原非弱人謀恐未臧材官  
崇爵位猛士起戎行大纛高牙建輕裘緩帶裝言兵皆  
頗牧翊國盡忠良目睹妖氛熾身宜撻伐張八千徵子  
弟百二固金湯帷幄薪恆臥晨昏膽是嘗驚鴻開大屈  
朝馬厲干將胡歷多年所無聞一旅匡似將劃河水豈  
暇問瀾滄望歲花頻發經秋草又黃試詢諸仕宦何以  
答君王我本書生輩天教石作腸一官分嶺右廿載臥  
薦陽憤切皇家有羞爲賊子攘龍泉雙劍佩虎僕一詩  
囊報主心原赤衝霄氣吐長雲鵬方振羽駿馬每思繯

廿我齋詩稿卷上

畢

夢冷關山月顏皴道路霜六司飛檄草九隘走書章有  
勇辛勤覓同袍子細商祖生看展驥越石共騰驤擊楫  
清強寇吹笳散遠羌朝朝修甲仗處處具壺漿直待天  
威指端能眾願償上方誰上請拭目永相望

避亂道中作

賊勢猙獰若渴狗逼得潔士離畝驅馬悠悠行路難  
黃沙拂面風狂吼南轅北轍殊紛紛覩面始識有親友  
停鞭相訊何所之間答未悉馬驚走回頭遙語屬故人  
馬過不得一握手近世雖乏平原君居停主人隨處有  
往來小醜自蹉跎予亦蹉跎河左右他時若得心志伸

願仗鉄鉞除此醜丈夫識務貴知時伍子渡關溧陽走  
達之至邦暫依棲大鵬展翅驚天否

舟泊細葉渚呼魚歌

一葉飛來細葉渚水清游魚悉可數大者身長丈有餘  
小者亦長尺四五或金其首機活潑或華其尾堪跋扈  
似解今朝遠客來齊來迎集江之浦子乃扣舷試呼之  
激激傍船皆首舉巨口喁喁聞有聲親手飼之稷與黍  
古人信可格豚魚魚兮魚兮吾語女爾本龍族變化能  
此中不乏蛟龍侶蠻江小澤安足留馴擾亦宜防網罟  
白龍偶然改魚服一旦遂遭豫且侮胡不鵬圖風是搏

廿我齋詩稿卷上

畢

胡不龍門浪直鼓靜聽春雷震一聲高躍九天作霖雨

舟泊葫蘆口呼猿歌

歸舟既泊葫蘆口水波不興風不吼船上翁獲喚一聲  
千猿萬猿皆迴首來太莽咱作蠻言蠻謂猿爲翁獲謂  
食飯爲太莽咱  
大小成羣出林藪強者跳躍弱者行大者在前小者後  
也有幼穉似孩提也有髮白似老叟也有母負子以肩  
也有雄攜雌以手宛轉依依不畏人跳躑不離船左右  
此輩端爲口食來過客饋之亦已久呼童飼以飯一簞  
任其果腹乃回走猿具人形性近人聰明忠義亦恆有  
越女劍授白猿翁朱三曾遭供奉殿機械陷併何地無

盛餐小惠切勿狂不如深處萬山中山果供食伴相守

緬程夜波靡歌

緬夷謂水為夜水中州為波火為靡言水中出火也

天生怪境那有此一杯沙洲湧出水洲上重疊石齒齒  
石罅火焰熊熊起既不向火井鑿道分餘光又不見燭  
龍銜珠伏水底胡為日夜薰蒸氣上炎風之不息雨不  
止毋乃天地為場爐陰陽為炭市女丁夫王相扇發火  
官添薪逾萬里君不見緬甸國夜波靡

文信國公書杜詩墨蹟明莊烈帝印識歌

同治乙丑予遊緬甸言語不通嗜欲不同無足  
紀者恆相從親友過往於表姪李德懋處得相

廿我齋詩稿

卷上

望

文信國公書杜老送孔巢父詩墨蹟筆力秀勁  
飛舞足與蘇黃米蔡四家分道爭馳明莊烈帝  
嗣寶位裔孫震孟進呈御覽帝命震孟書識於  
上御章印之篆文崇楨御寶朱色鮮妍仍還文  
氏以為家寶後則袁忠肅公跋忠賢墨跡四字  
陸清獻公湯文正公各跋蠅頭小楷兩行又後  
則顧公鼎臣范公應期莊公有恭顏公我斯魯  
公時行韓公求仲韓公焚各有題跋古色斑斕  
莫不入古人之室夫信國精忠大義正氣長留  
宇宙而震孟亦生逢陽九之辰忠孝大節無愧

乃祖得邀九重鑒賞宜矣至於題跋諸公或理  
學大儒或名宰相名殿撰隨觀一冊手蹟皆足  
令人起敬今乃萃三朝之人物合數代之精英  
於一冊見之真墨寶也李子何幸而得此乎亦  
何幸而見此此遊為不虛矣作詩紀之以誌景  
仰之意云

忠烈正氣塞天地流溢楮墨乃餘事端莊流麗人兼之  
守以人重人重字君不見有宋忠臣信國公手書杜詩  
腕生風浩氣英風相夾輔寶光夜射斗牛紅又不見有  
明英君莊烈帝異代君臣遙相契睿賞親加蓋御章仍  
廿我齋詩稿

卷上

望

昇賢孫傳後裔信國當日遭陽九身殉社稷長不朽豈  
云三百有餘年後代英君亦踵後節令手澤無留遺讀  
書時或想見之何况煌煌墨印在天球河圖重何疑今  
大古人不相見忠孝節義誰不羨但觀題跋諸巨公同  
稟血誠性一片我生距宋六百年距明二百幾相懸一  
朝遍觀諸賢蹟神飛意悚心肅然為囑李君好藏護知  
此墨寶難再遇前人遺蹟後人師勝於黃白堆滿庫  
白髮歎  
我既不似楚國亡臣伍子胥夜行晝伏身他離咫尺  
關不得度一夕白盡髮與鬚又不能如有宋范知諫

十九本親上殿國儲未立心驚惶百日鬚髮白於霞胡  
爲奔走諸土司巨石關外久樓遲百感交集不成寐夢  
魂夜夜關山馳曉來攬鏡時一照憔悴不似舊時貌髭  
鬚色漸換星星一老安能復轉少人生上壽僅百年奈  
何逢此百憂煎我生之初尙無爲我辰安在思問天拋  
鏡嚼然發浩嘆大塊稊米何足算蘭微燕結香無音花  
茂河陽虛此願况復盜賊充邊城鄉里蕭條苦用兵國  
恥未雪憂用老高山流水空復情願假東風吹愁去孤  
月此心白於水寶劍摩挲更一看令人耿耿不能死

偶得

廿我齋詩稿卷上

罕

曾聞先正言天形如雞子地則雞子黃包於雞子裏日  
月行殼中其大地難比余家瀕海西日月若尺咫及至  
燕京北所見亦皆是倘非能蓋地何以無不似星辰則  
不然地分南北紀南極低入地星恆隱不起所以西洋  
船反見之海底北極高出地星皆顯可指河南華夏中  
北斗當頭企行至幹難河又從背後視因知地本大亦  
如日月體布置幾千國縱橫億萬里况聞有九州中國  
其一耳大瀛海環之相去特倍徙未知日月星否平亦  
同此吾師莊叟言無煩窮議擬苟在六合內聖人論其  
理苟在六合外置之而已矣

中秋感懷

一年一度一中秋年年總在他鄉游今年故鄉復異地  
雪泥鴻爪真悠悠何年中秋無此月何地中秋無此節  
但逢佳節便思家此月祇照人離別也曾酣飲五華樓  
也曾高咏洞庭舟幾載荷花池裏過幾年毓秀山中留  
今年月比去年好今年人比去年老去年今年較如何  
只有愁心不可掃丙申此夕望娟娟庚子此夕思惘然  
回首十七年來事空對年年月自圓亡兒佩書以丙申  
又十七年尙不獲一  
弄璋之信是可感也

會集同人於香雲寺爲積粟滅賊之計

廿我齋詩稿卷上

罕

妖星纏鬼星光互西南表閃爍無定居赤尾半天掃天  
象屢昭明干戈復擾擾時時謀備兵此事何時了糗糧  
不豐足師旅無宿飽士卒不訓練子弟徒矯矯主將若  
疏虞勞人終草草我輩住河西誰云此劫小四閱大戰  
場婦孺俱苦惱僅爲自守謀暫退復來攬勛哉諸同人  
定策還須早及此大有秋幸不作餓殍大舉先儲蓄事  
壯謀貴老長夜何漫漫庶幾天其曉

紀南甸營破賊事按南甸營今已  
改名九保衛

小梁江許是南甸斗大土城無輒堙乾隆間設都關司  
巨鎮獨當方一面外控百蠻六土司內捍八保十八練

此地舊屬南甸司宅署讓以駐武弁逆回擾亂五六劫

不與回弓暗句串中土殘破無子餘想竊國家土一片

曩宋關下萬幕遮大沙壩前連營徧軍聲徹夜吼如湖

燈火燭天光達旦奇謀詭計人不測俄頃之間極百變

誓將黑子彈丸區踏作荒邱築京觀陳家守備氣吐虹

陳守備名上進字月樓甸營人也安排火炬夜酣戰草龍百道天矯來

猛火無油有火箭木龍排陣勢尤惡滑柁枒整復亂

關山大礮九節擗聲發轟雷光掣電賊屍枕藉旗滿溝

賊血奔流注於澗半月相持守自閒寸步莫進攻者倦

况兼義勇爭來援賊夜遁如鳥獸散吁嗟乎南甸營兵

廿我齋詩稿 卷上 吳

仗非不齊兵力非不健前此三番賊壓郊跬步不敢出

門閉昔何怯懦今何雄災切剝牀以命捍保固西南半

壁天如此戰功亦罕見爾賊眾勇幾何膽落魂飛敢

復碎

家奴催加征謂總兵明慶之家人高瑞催收每石糧加徵銀捌兩

有弟故鄉來語我故鄉寧突有霍家奴盤踞香雲寺侍

從數十人虎狼真不啻官人要食肉萬錢供一食官馬

要食粟水草責周備里正受管縛矜士遭罵詈口含總

兵言手持總兵示正供外加征無容須臾遲一石十二

金八金又一次嗚呼河西里區區黑子寄昔被土酋兵

赤土惟餘地今者回子亂三番退賊騎庚癸不時呼酒

幾久空匱所以月樵翁催科寓撫字憐其兵火頻征三

緩其二嘉其敵愾勞賞恤極周至無祿去修文大權歸

武吏大蠹與高牙威福可我自去年烏龍賊繞城日縱

恣縮首不一出時時懷懼悸拒賊一何怯虐民一何肆

全將猛虎威假虎無所忌何日長官來我欲獻清議

兩土偶

偶步城西隅琳宮聳道石試入一觀瞻神像頗不醜一

戴武將冠一拖文臣綬惡隸侍兩旁威風更赳赳無數

階下人僂僂入奔走魚豕而烹羔肅恭進醴酒借問此

廿我齋詩稿 卷上 李

何為答言心願久此間有神祇赫赫靈感有所禳斯免

矜傲慢必招咎我聞默不言我心殊否否神果有威靈

精神當抖擻弭禍于事先捍災于事後目下遍干戈殺

人等雞狗如何但深居不出一援手厚享無薄償神顏

毋乃厚誤爾諸愚民癡望兩土偶

所見

五品武官騎快馬闖然直入大堂下兩行惡奴怒有餘

叱避殺回有功者文官接人語移時笑容可掬送出也

馳驟轉入經政廳排衙呼喝聲震瓦富室勒取數萬金

千金輦入猶嫌寡敢有違者飽老拳不然送與囚同廈

漢回關殺六閱月滔天大禍是誰惹對敵百不出一謀  
虐漢直欲吞四野黃金橫帶是何人如何虎威憑狐假  
嗚呼虎威既以憑狐假道路以目聲啞啞

招南甸土司

土司雖非族實有唇齒誼况值此時艱藩籬不可棄狡  
哉奸回謀煽惑肆無忌言先殺回民土司即其次終及  
諸山夷誓必空其地以致蚩蚩流喘喘心懷悸土司聞  
之疑亦各自攜貳千蓋大隊兵徵集將出肆僉曰夷敢  
然急擊不可遲去聲子意獨不可俊傑揆時勢不見龍江  
役支撐已不易益以七土司猖獗誰能制豈僅門戶憂

廿我齋詩稿卷上

三

全騰安危寄二弟以爲然子雲博諳張田議生員張永清把總田  
霖用我攻心法縱我反間計管家有叔姪土司心腹倚  
往投詐降檄族目俯首至捐去往日嫌曉以國恩義跳  
梁各小夷餌之以微利懽然帖耳伏矢不同惡濟罪容  
將功贖願効先驅試向者夏腹心今也收指臂豎子成  
孤立尙敢懷窺伺

野兵行

野人獷悍黑且醜頭蓬足漆面塵垢左挂長刀右挾矛  
三五朱離滿街走東瞻行道何所持西望鋪家何所有  
誰家婦女翩翩來呼伴邊遮齊動手拔釵脫釧無一留

闖入館家強喚酒道旁父老婉相規咄咄逼人響大口  
我爲爾來不我由爾生爾死在我肘道路以目敢誰何  
行者吞聲居縮首光天白日魑魅生招來此輩誰執咎  
咎歸練頭黃子久名在

田家詩七首

生小在鄉閭不識城市路門外幾頃田先人舊耕處詔  
光二三月好鳥鳴深樹當春不力作倏忽春又暮修我  
鋤與犁理我農夫務下謀一家食上給公家賦  
見雪望年豐聞雷百事尤布穀聲號號勸我早布種微  
雨夜來過春郊土脈動叱犢出近村日日事田隴小兒

廿我齋詩稿卷上

三

不自逸載笠隨後踵盡此數日功坐見秧針湧  
朝在田邊行暮在田中擾朝夕謀插秧插秧還須早天  
或幾日晴又恐秧苗老耕牛時在旁聞鼙頭草幾回  
欲與土願牛腹未飽牛力資其勞牛腹那容槁但盡插  
秧事農事半已了

四月栽頭秧家家戒懶惰但看鄉村中間人無幾箇前  
或後舍借東或西隣佐送餉婦女忙打鼓丁男課苦中  
忽尋樂時時相唱和悠揚山歌聲隨風遠吹過更有白  
髮翁督工田頭坐來日看秋成庶幾免凍餓  
秧苗日以長耘耔無惰苟相生實相妨嘉禾與惡莠譬

彼眾小人必擊賢人肘趁此夏日長薙耨忙兩手日中  
力漸疲饑餘復抖擻期我黍稷良以待茶蓼朽人事亦  
已勤庶幾歲其有

金風昨夜至隴畝生微涼漸覺溽暑氣將變爲秋霜出  
視我村郭濃雲四野黃可以收我穫可以築我場枷板  
聲相應擔荷走成行觀此太平境豐登已穰穰勤劬勿  
自懈努力事蓋藏

一夫不得耕饑卽與之逼耕或失其時妻啼起於室終  
歲力田疇不敢荒月日幸逢大有秋婦子且休息隨時  
完婚嫁親憐相與集顧此盤中餐粒粒汗珠滴及早完

廿我齋詩稿卷上

官租一年事已畢

警悟以脫人之陷我

世道人心艱險無盡驅而納之罟獲陷阱猝然誤入夫  
身敗行勿令利昏勿因勢進知警悟生脫之乾淨

奮發以破人之量我

夫器晚成夫豈可量肉眼悠悠專工皮相刀筆料堯幾  
人說項奮發無前空所依傍壯氣風生逸情雲上

遜言以免人之譽我

與人有言先戒孟浪太激易離太高過亢人不能平反  
屑相向出好興戎招警致譏異則善入心平氣降

危行以銷人之鄙我

庸惡陋劣可鄙之尤因循苟且乃士之羞是以君子危  
行是修逼不失介和不致流干仞壁立百尺樓頭

從容以待人之迫我

造次顛沛人所時有迫望大力相援以手急遽倉皇必  
多掣肘逆施順應急來緩受從容不迫思沈力厚

游藝以備人之棄我

道德仁義終以游藝餘力學文教有次第勿日迂緩勿  
日瑣細猝然用之云胡不備優哉游哉不我遐棄

勵操以去人之汙我

曉曠易缺皦皦易汙操之不至云何其無緬惟君子砥  
礪廉隅壁防玷累素戒淄濡清白是勸與古爲徒

直道以伸人之屈我

直道而行三代之民中情少餒有屈無伸我勁我節我  
持我身不爲勢壓不爲利循松柏孤直葦桂堅辛

洞徹以解人之疑我

長者作事不令人知中心狐疑何以解之瓜田李下我  
又何辭披肝露膽正直無私青天在上白日其馳

量力以濟人之求我

人有求我望我實多力所不濟無如之何力苟可及莫



任蹉跎一勺甦一葦航河星而濟之方便無他

盡心以報人之任我

國賴忠臣交賴烈士誼不容辭理無二致人之任我不  
爲不是何以報之盡忠盡義受人之託終人之事

梅聖俞有四禽言東坡有五禽言皆託鳥語以道

民間疾苦予因廣爲九禽言非敢擬古聊以抒

所見附於村語云耳

十日雨五日風桃花開過杏花紅清明將近起農功開

田春已半曬種日當中布穀布穀僱工僱工

苦構苦構四月點豆朝鋤山前暮山後鼠有牙兮雀有

甘我齋詩稿

卷上

五

味祇恐落爲其秋風不成收去聲

歪角羊歪角羊耳何濕濕身何痒任食我藜藿勿觸我

藩牆藜藿食盡春又長藩牆觸破盜誰防

快起快起昨夜田中新得水大兒叱烏牛小兒上菜市

約我主伯忙我婦子了却插秧便足矣起不得扎掙起

姑姑姑門前爲兒喚兒夫去冬旨蓄今有無薪如桂兮

米如珠巧婦難炊無米飯嫁衣點盡紅羅襦可奈何姑

姑姑

一尺布密且固二八女兒工織素一經一緯有法度日

日五丈餘母家貧似故不得留作嫁時衣賣與他人裁

作誇

不如歸去栖栖何意暫借一枝安終非百年計鸞鳩敢

笑大鵬拙燕雀豈輕鴻鵠志我有田疇我有子弟不如

歸去

得過且過窮山獨坐英雄自昔多坎坷切賀久客不如

緩歸長行不如仰臥來春換上鳳凰毛五色文章爲世

賀

快快發科日月幾何光陰一去疾如梭少壯不努力老

大空蹉跎直廬應許到金坡蟾宮鰲背少年多如琢如

磨快快發科

廿我齋詩稿

卷上

五

芹菜塘遇雨

白雲滿山谷細雨隨風來人方苦泥滑余思正悠哉不

逢艱難路不見致遠才鵬圖從此始天爲洗塵埃

橄欖坡

去經橄欖坡來經橄欖坡家鄉風味好萬里苦奔波

北上別親

整駕離家鄉雙親瞻我旁有淚不忍墮恐牽遊子腸憶

自遭寇燹甘旨缺所將離別豈不苦祿養心皇皇

別弟

鴻雁棲江湄飲啄亦相隨生小爲兄弟朝夕不相離我

今有遠適何以慰相思悠悠此孔道且復立片時耕田  
謀所養學古修其儀努力自樹立娛親以爲期

少年子

白馬少年郎脣朱面如粉冠嵌黃金珠衣翻新樣錦指  
顧風生足笑談眉罪吻借問何官職新給從九品何如  
腐儒生寒窗抱書寢

詠綺羅

上綺羅適下綺羅公平不比出門多行到弓腰十里鋪  
一齊回首望娘坂

蒙化曲蒙化曲起於南詔淫麗而哀其中頗有  
近古樂府者聊採數語以當竹枝詞

廿我齋詩稿卷上

七

梅花開早桃開遲開早開遲郎自知祇見落花飛下地  
不見落花飛上枝二句是原詞  
剖開梅肉見梅核咬開梅核見梅心二句是原詞梅心莫帶  
寒酸意子滿枝頭葉滿陰

鄰飲夜歸戲作

鄰飲深夜歸四無人語笑陋巷誰家犬向我吠如豹一  
犬既吠形百犬聞聲聞羣吠吠所怪髯蘇本不校我自  
秉燭行光同白日耀縱攜一二僕自信不爲盜奈彼桀  
獍類難禁不狂諫所以古聖賢多爲羣小譙

李實生先生徒步過訪不值因寄

幽棲避地隱私塾鎮日與居惟石木縱思舊雨隔三秋  
那有足音到空谷先生有信事春遊徒步一訪山中屋  
樓開蔣徑望三三終限蒼葭水曲曲豈知我馬纔西歸  
便有雙鳧背芳躅流鶯尙解求友聲白駒誰繫今朝宿  
美人一去石泉寒高踪猶餘苔蘚綠何當乘興動扁舟  
剡溪之遊還一續

董小亭過訪以詩見示

樂此小山幽開徑望益友不見一仲來寸心恆抱咎昨  
者省親還足音到李叟立懷渺渺兼徒對依依柳葦子  
信可人心亦如其口攜徒訪我來詩文出諸手展讀未

廿我齋詩稿卷上

七

終篇清風生戶牖坐談片時間差慰三秋久松柏本孤  
直樗櫟安足偶共保歲寒心莫讓古人有會當乘興來  
對飲醇醪酒

採蓮曲

採蓮復採蓮採蓮情脈脈人愛蓮花紅妾愛蓮根白花  
紅時過也衰殘根白心同不可折  
採蓮復採蓮採蓮水之渚莫厭蓮絲長須味蓮心苦絲  
長牽住別離心心苦含情不能語

小亭爲閣拙作加以詩跋步韻和謝

好山不厭陟好書不厭看坐此山中夕春餘二月寒寒

深擁被臥雜感來無端得意起即書嗜好狃寒酸有時  
興所阻耿耿抱疑團索解竟何得終夜起凭欄形影自  
酬答不知夜已殘男兒重意氣向誰示膽肝自與君子  
晤來往得所歡昨見跋我什爲我發長歎美人日以遠  
知音良獨難古調可相愛今人誰復彈感此傷人心長  
夜何漫漫與君息砥礪尙友蘇與韓此心水之止此誼  
石不刊

筒車行

狂瀾獨障孤輪轉水爲堆水爲挽前筒倏瀉後筒滿百  
斛翻騰續不斷厚水亦多法厥制無不善桔槔苦太勞  
廿我齋詩稿卷上

五

輓轡苦大緩不及筒車逸且簡高臥田頭忘水旱

南甸土司之叛予同子雲弟先一夕出請救兵未

待發兵侵曉先歸比至鎮夷關聞村落已灰燼

矣徘徊歧路怒如調饑有江仁齋先生仲子

強饋予食至今每念及此未嘗不耿耿於懷也

土酋惡氛漲天黑飛檄徵兵救不得曉歸直過鎮夷關

橋頭獨坐心悽惻此時我正饑轉腸此時我正心憂傷

何來年少江公子倉皇爲我具靈藥心傷食本難下咽

腸饑行路資飲膳邇來事隔十年餘一憶當時一眷眷

當時非有圖報思我亦安受不加辭胡以痛定復思痛

輒思感激報無時得非推解親誼有英雄落拓多不偶  
當夫潦倒顛沛時一滴沃於甘露受君不見子胥逃死  
漂江潯韓侯餓釣淮陰城滄紗女餐漂母飯兩賢矢報  
皆千金又不見興王賢相亦心銘蕪蕪亭後咽瓜亭

紀夢

風雨颯然來寒威何凜烈與客話時艱憂思鬱百結兀  
兀三杯後心血一腔熱忽夢接軍書前驅卽戎列龍泉  
三尺水獅鎧一身鐵據險拒賊吭乘虛搗賊穴如破蔡  
州城軍聲雜雨雪如奪崑崙關燈火賞佳節縛厥渠魁  
歸脅從細分別泮水獻囚馘幕府上功版看看此神奇  
廿我齋詩稿卷上

本

滑賊何足滅

水田歎爲和順

百川灌秋水滔滔連夜起况此近水區三月雨不止愀  
愀農父心新秧安足恃低欲水少高欲多水車日夜翻  
急波五輛十輛亦無限下流壅塞上盈科稻田成澤國  
泥沙壓黍禾一則損人專利己一則貪天昧濬河吁嗟  
爾其奈彼高田何吁嗟爾又奈此低田何

午日懷古

田文午日生屈原午日死一爲雞狗雄一爲清潔士孤  
棹楚江濱素心託蘭芷蟬蛻游塵埃青蓮出泥滓尙友

希古人在此不在彼

自款

近水無回波落花不上枝幾時總角子遂成老大時虛  
名挂朝籍十載河之湄亦知貧非病其如養不貲勞勞  
燈毡上皇皇菽水資愧彼多錢賈咄嗟不費辭

立春後一日小園漫興

春風昨夜來聲滿後園樹曉視丹桂林萌芽滋無數我  
是種樹人辛勤倍愛護荷鋤小山中十年等閒度天公  
本至公爲我洪雨露連理茁新枝修條蔭廣路坐待秋  
風生香風溢四處

十我齋詩稿卷上

李

出塞曲

涼秋八九月塞外草枯槁牧馬四悲鳴胡笳聲懊惱此  
境最蕭瑟長役在遠道閨中二八人容顏空窈窕豈無  
膏與沐誰適爲容好一生多別離憔悴以遠老

讀書

天日在我頭高登則不可地日在我足遍游則不果書  
日在我目泛覽則不妥辭子亦有言不精安用夥與其  
始進銳何如終不惰與其務涉獵何如遺碎瑣中有吃  
緊法講求我亦頗譬如嗜滋味去膚腴乃嬌譬如檢玉  
粒糠粃須盡簸取精用自宏此言不欺我

看月

今宵月倍明空階一翹首白雲一片向西流明月逆雲  
向東走雲常前月常後雲偶來月恆有須臾雲滅天無  
垢清光不滅萬里明呼樽莫辭將進酒

溪邊看月

舉頭月在天低頭月在水天水一色澄空明兩不滓清  
風忽吹來鱗鱗細紋起盪漾磨青銅水流月自止渺渺  
奚所懷美人隔千里

哭明朝齋及其子門人映璋

吾重明朝齋結交重氣誼傲能而鄙俗悠悠寡如意於  
十我齋詩稿卷上

李

我獨不然款洽情周至爲子慎擇師必求品學備人薦  
某某賢一笑而姑置終必屬之予五載親辟耳卽論隆  
師情絕與世人異厥子實英姿芝蘭方吐穗人謂不羈  
才我期遠大器倉猝變故與殺機伏滿地逃旣無可逃  
避又無可避父子盡遭戮屍骨道旁棄經月我始聞疑  
信至再四豈其鄰與族藏匿苦無計豈其太發揚久犯  
小人忌回憶往日情悲切反無淚收骨旣無從招魂安  
可慰作詩以哭之聞者爲酸鼻

過沙家巷感舊

故友馬錫庶之子姪居此

不見馬家宅今爲奉誠園以彼閩閩冑隆替出君恩若

乃編氓子埋首臥郊原於世既無忤於人何所怨突然  
殺機發殲旃喪其元戕盡庭前桂又及北堂萱向也聚  
族處今也無一存向也華屋住今也但頽垣白骨知誰  
是後嗣更何論嗟嗟彼何罪遭此不白冤我愧世交誼  
道遠不能援今過敗堵下悽惋不忍言哀哉長已矣昭  
雪終無門

步前追述往事第三詩原韻

福者禍所倚富者貧所競相爭不相能兩不得乾淨惜  
哉明啟齋忠言不見信自從滇回屠人心搖不定大理  
更加橫近逼永昌郡兩教各異心實言誰不吝予爲急  
廿我齋詩稿卷上

致書本期敦和順正本清其源乃能安靜鎮奈彼盜言  
甘啟齋誤入聽多一番解說深 番隙釁神奸百倍出  
安得照瞻鏡趙李董黃徒私盟蕪官訓添薪岳陽城發  
火劉錫慶四出飛夜帖比於公門印半夜殺機發四方  
皆響應追厥禍所由其過吾不任

龍江大西相持已久首禍諸人既不能了而公局  
主持者乃爲之僱野人以應敵夫室內操戈本  
極慘酷之事敵可盡平野人能了此事乎即彼  
能了而彼乘內地之虛實愈有輕視漢人之心  
予懼邊防從此多事矣

古人理國莫先於自治內華而外夷治外以安內內  
不克曰強惜人實非計况類非我族其心必定異憶從  
警殺來回處孤立地奈他首禍流輕驟狂於獗相持九  
閱月日耗千金費進寸退以尺干戈等兒戲致使兩教  
民屍骨滿地棄準以三尺法官將市朝肆憫彼回無辜  
招撫亦至惠云何好謀者囊底貯多智僱募到野人委  
以剿蕩寄謂以夷攻夷更傲豈易制謂以賊攻賊賊敗  
亦難退情形得洞悉必啟輕漢志不見石敬瑭專借契  
丹勢丹遂長驅入中原遭鼎沸不見唐肅宗初借回紇  
助責報無虛日大爲生民累此雖黑子微即大小可譬  
廿我齋詩稿卷上

杜老亦有言此輩少爲貴

偶出

西南有佳山峰峰青意滿愛此秀可餐行行不知遠馬  
知力漸疲山近青轉淺頑石阻路途茅茨無人剪清風  
忽吹來掠我衣帶緩美人日以遙太息循途返

毓秀山中讀梅聖愈水聲通遠澗雲色暝前山之  
句若爲此地吟也因用爲韻雜成十首

素有山水癖足跡行萬里偶逢絕佳處記憶不能已昨  
得毓秀居秀毓萬山裏奇石圍青窗老杉拂雲起山色  
娛我心水聲清我耳安得伯牙琴一寫佳山水

清風徐徐至草木作佳聲有時萬籟靜好鳥時一鳴鳴  
亦非一類安能多識名但見出幽谷對我極應鳴雖非  
笙與簧亦足娛我情荷樵者誰子伐木方丁丁

當春二三月桃杏爭舒紅及夫長夏至草木盡葱龍天  
似憐炎鬱散之以薰風倏忽歲云秋桂菊黃叢叢即此  
小景物一一得化工運化隨所適蕭然忘窮通

寒暑亦屢更兔鳥互旦晚日日小山中色色供我眼雲  
去樹爲留石橫溪自轉蝴蝶上階來倦鳥尋巢返欣欣  
各自得吾亦安仰偃偶憶素心人地偏心更遠

吾憶何丹畦壁立崖千仞吾憶竇蘭泉翩翩雲中雁實  
十我齋詩稿卷上

生老斲輪心跡潭月印韻樓貧賤交卓立孤石峻對此  
眼前物如親故人面忽聞慰藉聲一鳥鳴深澗

曉來偶無事東見朝日所烟霞互吞吐盪漾成秋氛率  
我童與冠三五自成羣沿溪六七里薄採溪中芹美人  
在何許持此通殷勤道遠無由達山中空白雲

西望停雲處下是我家宅日日子規聲勸我歸未得豈  
不念庭闈道遠滿荆棘頻年爲人忙定省虧子職秋風  
吹我衣秋蟲鳴我側惟視明月光爲我照顏色

秋光匝地來秋月夜夜見此是我故人非同不識面既  
無炎與涼安用悲團扇坐聽丹桂林時與秋風戰氣必

一山馨人各一枝選吾在秋光中朗朗破昏眼

平生不解咏偶然爲小篇千山秀爭出列我几席前懷

人人不遠望月月常圓吾家小海叔詩思何綿綿下幃

董江都臺下富雲煙會須發秋興難得好林泉

剝啄復剝啄有客來此間於我何所得而嗜此清閒我

非石隱癖其奈世路艱水行無舟楫陸行山石頑誰云

有絲麻不棄蒯與菅棄置無復道悵望山復山

鳥夜啼

小鳥啞啞巢中啼老鳥拍拍枝上棲枝上枝下時來往

雨絲風片雙淒淒鳥子日大毛羽好鳥母日憊毛羽稿

十我齋詩稿卷上

小鳥一去老鳥留一啼一聲孤月曉

讀書樂四首以起弄明  
月爲韻

春風一夜入屋裏百鳥能言花成綺聲聲時帶和悅音

樹樹均含發育理韶光方始莫蹉跎拂拭明窗及淨几

日日開卷對古人門外有人呼不起

夏日舒長午陰重葡萄美酒浮蛆蠶麥天槐地忘炎歎

小池時有暗香送分韻聯詩真小年閉門謝客惟諷誦

薰風陣陣入北窗譜入水龍吟三弄

秋光朗朗隨地清秋風瑟瑟枝間鳴臨水登山偶一眺

歸來還作讀書聲書聲時作時或止菊花桂子環屋生

鎮日晚涼隨所適徐步空階待月明

冬日烈烈風潑潑萬物到此生意歇却從斜極見天心  
干枝萬葉梅花發書齋擁被時一吟冰雪清人詩人骨  
綠螳新醅紅泥爐伴我看書眼如月

偶成

文人從古相菲薄俗儒往往遠時宜我欲一訪名流去  
茫茫四海今是誰終南有佳處捷徑使人曠高閣束此  
輩虛名亦何爲惟有杜陵廣廈真笑兀眼前不見此宏  
規側身天地一曠傲素琴獨理吁可悲

甲明上理門人映  
乾之父

廿我齋詩稿 卷上

奎

明生之父字上理美如冠玉行如砥平生能讀聖賢書  
常恐重貽鄉黨恥何家有子初長成乳虎猙猙欲露齒  
向君請鑄戈與矛君曰無須我有是及至漢國衅已成  
何又向君索刀匕君曰無之姑汝赦悲汝狂爲激禍起  
事既至此聽之天不爲禍首毒桑梓何家曠日怒一呼  
手起刀落君斃矣嗚呼手起刀落君斃矣遇漢亦死回  
亦死悠悠遺恨悲風生倘云天道乃如此

自疊水河至小山脚沿河一帶沙磧墳起從者指  
告余曰此皆回子之投河者也若處理若干人  
若處又埋若干人計已三百餘人尹子悲之爲

作此詩

生不同室死同穴沙磧纍纍一行列顛之倒之爲一坑  
石齒苔髮猶帶血慨自十月室操戈漢回強弱久分別  
弱回不與強漢爭求個全屍自引決懸流直瀉水千尺  
擲身崖石石盡裂中有廩生朱聯奎夫死留妻妻不屑  
其餘遞下如貫魚身雖不保保貞節漂泊流盪幾多時  
沿岸出沒續不絕善士一見爲慘傷覓人扛瘞成土埵  
天寒夜靜哭呦呦泉臺遺恨無昭雪惟聞兩岸流水聲  
助成怨歎悲哽咽嗚呼助成怨歎悲哽咽此水不乾恨  
不滅

廿我齋詩稿 卷上

奎

明子知方映先期避難奔予宅朋友之誼義不  
容辭既匿之復作詩慰之

知方知方雙眉交攢鎖未開爾蓄不平之怨氣爾抱不  
白之冤懷殺機陡發善人死所云天道安在哉且釋苦  
惱休悲哀聽徵古來遇難之奇才君不見晉國勳臣趙  
文子賈岸構禍全家靡隨母避難入深宮家臣竊匿深  
山裏又不見楚國亡臣伍子胥無極構纒父兄夷夜行  
晝伏昭關道霜雪一夜變鬚眉當其奔竄瀕九死自謂  
覆巢無完理精誠上感天爲哀祖田得復讐報矣我縱  
不及程嬰之義俠我縱不及東皋之奇謀矢當與子共

甘苦危險場中覓出頭况聞六郎歸許宅乃弟映璜武生許天德救  
之匿禎壁藏匿人不識會看骨肉得重逢爲爾兄弟浮大白

紀雪

融風潑潑吹不止黑雲亂逐黃雲起渺渺堆壓天爲低  
欲雪不雪若尺咫漉漉輦上阿香車莫道金蛇光掣紫  
霹靂一聲山谷搖四野豁然落雹子大者圓如徑寸珠  
小者利如碎石齒老樹無枝木盡禿行人斷絕鳥雀死  
何地災重何地無人道劃自蓋斌始曩烟坡下線多村  
一徑直入猛紅背連雲萬頃黃稻畦蹂躪淪入泥沙裏

七我齋詩稿卷上

堯

父老驚咤農夫號四十五年未逢此吁嗟乎一夫不得  
耕饑卽隨之矣耕或少收成啼饑遍鄉里何况今年苦  
用兵追呼加徵日不已酒漿竭盡杼柚空饑粥糗糧須  
料理指日卽是口中餐一旦化爲土中滓大兵之後有  
荒年尤恐官租無出耳我願天工哀下民一之已甚無  
復爾和風甘露大有秋多黍多稌塘楸比丁巳六月廿  
八日濡墨浴嗟援筆紀

和吳春谷點蒼山詩

故鄉有山無此好十九峯頭凌縹緲高插南斗欲近天  
雪氣雲光空際繞吳生奇士想尤奇欲並雲根蕩平了

何如直上正中峯一覽全滇象山小

七我齋詩稿卷上

李



廿我齋詩稿卷下

雲南叢書集部之五十九

騰越尹 藝虞虞著

咏史十二首

漢高祖

大風颶起慶雲飛  
逐鹿先憑一劍揮  
蛇母空啼白帝子  
鴻溝盡控霸王威  
不階尺土終成業  
四海為家始一歸  
慷慨悲歌思猛士  
朝中慘戮任宮闈

漢光武

紫色龍聲運屬新  
南陽公姓起振振  
何由識記知非僕  
始信興王自有真  
雷前一矢驅虎豹  
雲臺上將應星辰  
廿我齋詩稿卷下

古今無數中興主  
白水應推第一人

漢昭烈

何地蛟龍不得雲  
陰謀撫定兩川軍  
兒童識語思先主  
漢室官儀屬使君  
縱極英雄空一世  
難違天意已二分  
休將帝魏譏承祚  
衣詔高於九錫文

梁武帝

三捨空門萬乘輕  
輦錢贖寵擁歸旌  
慈悲廣設無遮會  
困餓猶宣禮梵聲  
中土來歸妖有夢  
西天何處佛多情  
得之自我失之我  
恨發呵呵笑不平

宋武帝

百萬擄捕一擲將  
雄姿傑出起戎行  
射蛇大澤同高祖  
戲馬登臺感霸王  
天子三擒無敵手  
皇封九錫有恩光  
如何讓帝甘心日  
不報盧循續命湯

唐太宗

太原公子褐裘裝  
真氣驚人百戰場  
天命數歸桃李子  
神功樂奏小秦王  
皇風四海欣同仰  
霖雨東山亦孔傷  
納諫誰如貞觀美  
好名苛論漫推詳

唐莊宗

負矢先驅誓雪讐  
鬪難有此小兒不  
弱齡氣已無朱氏  
生子人欽似仲謀  
百戰河山歸指腕  
同光綱紀盡俳優  
廿我齋詩稿卷下

鮮終誤在諸伶手  
各賞宮闈未足尤

宋太祖

唐宮夕夕祝天釐  
一夕營中產異兒  
香氣經旬留夾馬  
黃袍半夜擁歸旗  
權收外鎮兵雖弱  
議到遷都禍早知  
祇有傳家多一計  
卽心不似乃兄癡

明太祖

六宮航海趙孤休  
系絕中原九十秋  
淮甸靈鍾天子氣  
金陵形勢帝王州  
羣雄盡滅方傳檄  
一統河山擴遠猷  
擊酒白醜前代主  
布衣劉季是吾儔

施將軍

莫怪瘋僧早示詩全詩不見見今施外讐不可忘北虜  
丙患應先斬太師一德閣開天夢夢兩宮駕返日遲遲  
岳王已死韓王老無復中原再幸時

嚴先生

不羨雲臺列畫圖羊裘江岸一星孤故交忘是真天子  
上客誰知舊釣徒汗馬功名諸將存炳麟節義幾人扶  
轟轟漢季聞風起後及追隨又顧廚

楊升菴

蜀地詩人例謫遷青蓮潦倒了瞻屯忌才昔放雙名士  
議禮今讐一狀元金齒瘴連儋耳遠不韋戍比夜郎冤  
廿我齋詩稿卷下  
祇憐七十新都老老死難邀再赦恩

王凝妻

赴柩東歸走道途天寒日暮旅情孤可憐石晉兒皇帝  
不及王家女丈夫斷臂安知斯臂痛潔身肯使一身污  
八君五姓稱長樂此老聞風愧也無

騰衝十詠

孔明碑在七土司界外大夷山穹碑屹立草封苔蝕祇辨其蠻殺漢漢殺蠻殺盡蠻夷方歸

漢數句云

地老天荒石自支瀘川恬靜渡歸師如傳上相攻心計  
想見降王革面時萬里雲煙鐫漢字百蠻風雨護盟詞

史家枉自稱雄傑幾覩南中有此祀

奇箭山

在騰州土司地落本山武侯魏旋時奇箭於此

七縱天威懾百蠻將軍大羽各腰間借來豈自曹家舫

寄處誰尋落木山戰壘飽酣銅弩雨王漁洋詩銅弩雨知所出滇誌亦不載及余又考諸葛全集只載銅弩鼓亦未載銅弩意奇箭亦必寄弩也以俟後考征人

齊唱大刀環威靈遠播金沙外安事紛紛建八關自八關設而漢疆

而漢疆

覺矣

尚書營

在騰城南七里來鳳山麓明兵部尚書靖遠伯王驥征麓川時屯兵於此

狼驅迭肆據金川天討張皇此控弦月淨千山聽警夜

風生萬馬看行邊當年不有三征力今日應無半壁天

廿我齋詩稿卷下

四

試問安南捐棄後車書荒冷富良烟

侍郎壩

明兵部侍郎侯璉所築溉田萬畝

萬里金沙躍馬場師旋有暇濬陂塘於今地產歸僧寺

終古源頭屬侍郎一水儲荒唐白傅兩河成墾賽平章

老農也解蘋花薦豚酒年年社火香

萬華館

即鄧武橋將軍別墅也在騰城東南三里

獨枕彫戈憤未消武橋有集萬華風月莽蕭蕭千金散盡猶餘靈百戰歸來一卸袍武橋有題永昌明宦詞云百散盡只餘鐵盾墨乾齊傅永玉門人老漢班超於今父

湖上青山鐵盾墨乾齊傅永玉門人老漢班超於今父

老談遺事閒坐關前誦武橋

老談遺事閒坐關前誦武橋

小梁江即今左營前大河總管段信以七百人破緬兵數萬處

象馬轟傳十萬兵親提一旅便南征孤軍朔累沙冲口

半夜潮翻緬甸營背水有方張鳥翼拔山餘氣走風聲

邊功自昔推劉鄩誰表將軍血戰名

雙烈坊明儒吳協卿先生宗堯之妻劉氏及妾原氏同日殉節處

橫街一折斗城東二女同居志亦同夫有雄文輝郡乘

婦能取義挽邊風依然畏我兼憐我何可從公不死公

華表鶴歸應自弔石坊孤影月明中

幽蘭亭在騰古縣祠內鄉賢王紱注城易經張潤諸先生讀書處

天付余情信自芳德星一夕聚炎鄉庭無雜草共紉佩

廿我齋詩稿卷下 五

臭取如蘭滿座香深谷美人真窈窕小園半畝有輝光

百年父老凋零盡何處荒亭弔夕陽

劉將臺一名受降臺乃劉省吾將軍平緬凱旋時所建也在江頭城大金沙江邊

層臺高俯水雲濼躍馬金沙日未曛一鼓江頭空象陣

百變天上下將軍縱俘饒有攻心計改土先馳露布文

功屈垂成盡語敗怒濤風捲至今聞

磨盤石在騰越古關之北大清兵三路入滇沐天波奉永歷奔緬大清兵追躡之晉王李定國於此伏兵大戰死三萬餘人

子取巢空逐燕兒風聲鶴淚駭奔時滇池一塊無乾土

盤石千尋再誓師日落揮戈思復返廈傾有木竟難支

傷心景線離離草不向將軍塚上茲定國死葬景線塚上至今寸草不生

七情詩人有七情發不自禁余恐發乎情而不及乎情也過乎情也故作七情詩

喜

既得爲男子仍然際太平爺娘皆老健兒女早培成掃

徑賓斯到開門雨又晴年年春酒熟逐處看花生

怒

勃然緣底事悻悻寡容情心上觸頻起途間遇不平衝

冠撞玉斗斫石有金聲寄語僉人輩光天敢橫行

哀

少讀關雎什鬱陶獨不傷痾瘵無限感懷惋幾人腸詞

廿我齋詩稿卷下 六

賦呼天訴歌聲斫地長流離皆赤子賊盜滿他鄉

樂

化日光天下融融保太和家庭爲善最學校育才多懶

性滋山水豐年茂黍禾杖藜隨所往時聽太平歌

愛

以德爲君子多情本至仁美人來月下名士賞風塵玉

寶無瑕質錢歸有癖身割須憑慧劍愷悌自成春

惡

不近人情事冥然列五倫貪汙存面目奔競有精神讀

史誅前宄移郊卻小人縱非操斧鉞公道古來伸

飲

底事衷如結多年抱到今將言仍茹口既舍又營心漏  
屋防欺已高山待賞音求仁仁自得雅操一張琴

春燕

昨歲曾相識今年故早來竹簾因汝捲花徑爲誰開款  
款巢重補喃喃語莫猜主人登似故慰藉幾徘徊

烏營巢

喜有參天樹烏巢託舊陰風寒啼徹夜日暮認孤林詎  
竭將斃力而無反哺心枝棲吾未穩對爾欲沾襟

毓秀山館

下我齋詩稿卷下

七

高閣廉虛玲名花各自馨月華終夜白石氣四時青舊  
雨幽蘭答懷人蔓草亭平原如過飲十日不須醒

館夜不寐

課餘因就枕悄悄酒初醒案有壺添漏山憑鳥報更此  
心孤月白入耳夜潮生又聽村雞唱何勝起舞情

咏門神

五祀君居一形圖儼若神候門非釋子管鑰仗斯人小  
攝期年事能生萬戶春凌烟如再上共識故侯身

魁閣

傑閣聳晴皋登來頗自豪鐸鈴終夜警風雨一燈寫花

簇春前錦松翻午後濤苦無良友共對酒解牢騷

祭水碓祖塋

先始祖西蜀巴縣人從軍入嶺官武  
路將軍世襲千戶指揮葬水碓圍城  
此穴俗傳爲金龜透海至今傳二十一世近千  
家以所遺職田供春冬二祭會祭者不下四百  
人

一別巴江路於今五百年威朝資保障古塚臥荒烟宅

妥金龜穴官留玉粒田千家繁子姓齊奠獨潯然

祭松坡祖塋

先大高祖高祖  
伯叔曾祖葬此

干仞松坡麓清明感不勝音容徒彷彿矩矱仰高曾宿  
草椒漿奠臨風麥飯蒸共談先澤這努力武須繩

憶邦讀祖塋

先曾祖先祖先妣葬此余  
連年出就外館不得親奠

廿我齋詩稿卷下

八

傍舍先人宅綿綿旅思牽瞻言違百里不見已三年華  
表悲丁鶴春風怨杜鵑不勝墟墓感一憶一悽然

館於和順魁閣每夜就枕後即聞悠悠揚揚有蕭  
笳畫角之聲不知適從何來細辨之乃筒車聲  
也

不識音何起分明細辨纔水推車自轉風送枕邊來關  
塞悲笳切霜晨畫角哀鈞天仙樂杳聞此亦徘徊

登黃鶴樓

萬里青天月千秋黃鶴樓河山吳楚在江漢古今流感  
我茫茫墳懷人渺渺舟有拳挺不碎吹笛滿滄洲

城狐

阿紫久知名，茫茫九尾成。當年威借虎，此日穴憑城。詎有通仙術，而懷負鄙情。仗誰驅逐盡，妖媚一時清。

哭家總戎屹山弟

族弟，字培，立昆明人，少余一歲。乙未武舉，聯捷進士，在京提塘。

出為陝西遊擊，游陞總兵。赴湖北救援，授于王車。

關中年少將，楚北赴援師。鐵馬衝鋒地，金劍裹戰時。蟲沙沈夕照，風雨捲靈旗。五牧前朝烈，惟君實繼之。

優人

世事無非戲，妖嬌時樣裝。變將真面目，炫出舞衣裳。倩質紅桃嫩，歌喉白雪香。如今多雜劇，傀儡盡登場。

廿我齋詩稿

卷下

九

雨夜懷李蘭坡同年

久闊青蓮面，幾懷直到今。關山終夜雨，車笠百年心。地北曾分韻，天南孰賞音。可能重聚首，流水聽牙琴。

隄邊獨步偶成

獨自隄邊過，客心觸處長。梧桐秋氣老，荷葉雨聲涼。烽火驚魂夢，蠻羌異肺腸。思歸歸已次，小滯感他鄉。

感事

臺髮爭千里，真須徹本原。前車忘覆轍，逆耳忌忠言。好禍天心悔，休忘古誼。從今安我拙，獨寐矢無諼。

鼓鉦聲不斷，孤館客驚秋。畫虎看成犬，蛟螭欲化蚪。烽

逾甘露寺

漢營在前，回兵焚之。

烟黯順江州

順江前亦有安邊策，設州治。

無由借箸籌

漢回兩教猜，防日甚余病。未能出而解，論因急致

書於明啟齋，啟齋果邀約。同儕沿街沿，鄉曹為

勸說人心漸和喜，而有作

人事近如何，驚惶夢裏過。漸成車載鬼，忍使室操戈。迺

雨疑須解，聞風感定多。今朝勿藥喜，染翰且高歌。

江淮未平，滇黔迭警，將毋日家所謂下元甲子運

固然也未知何日太平

罔者本無形，出冥復入冥。紅羊空浩劫，天狗墮妖星。屈

廿我齋詩稿

卷下

十

指周王奕，驚心到丙丁。太平何日覩，且醉不須醒。

九日不登高，因雨而阻且無朋也。因懷董小亭兼

憶毓秀山

豈為催租阻，登高興未澁。雨防前路滑，雲本山慵負。

友筇何處白，衣酒不逢徒。令松柏侶，悵望隔層峯。

雁來

春日亭邊送，高高塞北開。歸人猶未返，歸雁已重來。江

漢干戈滿，滇榆鼓角哀。迢荒差分適，好住水雲隈。

護月

皎皎高秋月，光明徹九垓。偶虧一線引，迺捧萬重雲。教

護家家切奔馳處處聞清輝旋即滿守候到宵分

病後初寒

年年店作慣差幸報平安老病嫌秋雨樓空怯嫩寒一  
爐新火煖半臂舊衣單苦累高堂憶傳言健飯餐

騰城殺回後丙辰十月初四日回舟張玠寶入杉

水籠汎貽患邊防西南已無甯日有感而作

畏死夫奚責斯人計最陰魚遊雖在釜虎出已歸林肯

守道逃竄將還反隨心兩河衝要地防爾緊相侵

懷黃矩卿矩卿昆明人名琮官吏部尚書丁艱在籍

落落詞臣冠森森武庫精大仁斯有勇團練即成兵爲

廿我齋詩稿卷下

十一

欲狂氛靖先將內患清幾時滇海上復觀舊日昇平

團練

練小宜知奮時危要論兵率師須長子好武是書生保

甲規先肅弓刀計必精跳梁終小醜有備不須驚

安營

整隊出沙溝森森據上游履危兢虎尾設險避龍頭干

炬烘天赤長河匝地流憤毋憑血氣兵事貴多謀

追賊過河送圍長寨因雨而解

得勝人爭奮軍前鼓急搗夾攻分兩路逐北過三义背

水圍初合平川雨更斜洗兵天助順暫解土無譁

廿八日賊專攻南甸督兵救援圍解

斗大甸營城周環寇鼓鉦象身恩賜倒螳背怒相撐豈  
共仇袍感而無犄角情揮戈奮擊賊膽落先聲

圍營夜坐

鐵馬金戈際同仇誼不孤依山千炬列阻水萬人呼豈  
但妖氛靖還期正氣扶夜深寒不禁聽自飲屠蘇

賊兵夜遁

不用攻瑕術賊鋒詎頓殊賊以反間誘諸吏余招請吏仍以反間行之招攜

仍反間有解協中孚將赴甸營筮卦得解之第二爻曰君子有解也夜傲林無馬朝傳幕有烏歸師何必掩鳩穴

廿我齋詩稿卷下

十二

仗良圖

焚杉木籠

此亦摩天嶺賊須以賊攻使野人焚之兔營空險阻獸散已

西東火燎千山赤風號萬木紅狂謀百不遂應痛路途

窮

張玠見獲取首以來憶其父爲守備時買野人之

首以陞官今其子之首野人獻之以邀賞天道

好還真不爽也

已作依人鳥猶期野蕢扶要盟空劍馬與野蕢刀假手馬交頓

送頭顱報應如斯巧天人信不誣從今南顧慮無復在

西隅

軍興以來辦理軍需公局諸人望余甚殷余自顧多病且舌耕糊口余之不能入局亦決矣作詩謝不敏焉

素無撥亂具况乃際今時貧病交相迫穀錢豈易支大都公則說莫以刻為奇袞袞諸公任何須某在斯

書憤四首

際此昇平世胡為太狹狂僻村朝聚飲古寺夜添香蠻  
獨浮生幻鹿蕉入夢長恢恢疏不補天網正高張  
星火軍需急供儲費米糧盈眸皆驚驚當道乃豺狼對

廿我齋詩稿卷下

博嫌時短清談得算長誰知鄉井裏富室有逃亡

百里陳兵出千張借券來乞糧猶晚酒避債已無臺飽

我囊中物知誰問外才角聲吹不住飛上女牆隈

轉瞬隣初夏烽烟尚未休厲階誰作梗吾輩幾清流狡

兔工營窟神鷹恥下韜欲求乾淨土聊以卸吾憂

前有書憤四首今又書憤復成一首

一派書生習投堅任豈堪耦成惟二五限過幾重三限  
月頭攻開龍總管何曾管常談竟不談李公來太暮何  
江逾幾限矣似守書庵

哭白純品明映景明根培朱錦四門人

投止望高翹何人誤爾曹覆巢悲北海密室匪東臬  
共杯中酒詩吟慙內壕晚來風入樹猶有不平號

移館中天寺憶及明白諸子慘然有作

昨歲從遊者今朝半不歸問天無死法何地有生機  
冷門前雪溼零枕上衣相逢猶是夢離恨記依依  
純品未有事之前一夕始別予去予不料事遂至於此也

小園慢興

閒且窺園去天然盡化機雨催新草綠風惹落花飛  
莫放今朝酒猶關舊日扉故人來太暮開徑望依稀

中天寺晚坐

廿我齋詩稿卷下

未解華嚴說招提日照中釋家說華嚴如日照中天月明深院靜鐘

罷晚天空此味初禪境誰家一笛風時有人吹笛悠然心自

遠塵市隔蒙蒙

報復

報復何須說憂心獨自撞浮屍填鶴井暴骨遍龍江  
柄大難容創城寬好受降一言輕九鼎端賴有人扛王太

書齋自遣

狼貪瘼噬竟何如長缺歸來氣不舒定變縱無三尺柄  
嚇蠻終賴幾行書學因亂廢才將斂境到貧時友漸疎

倘有龍泉猶伴我未甘自棄等山樗

再書憤

強分漢教強分回禍結兵連解不開救苦誰知觀自在  
消災我誦佛如來無辜兩地河邊骨有限私家客裏財  
日日追呼追不了月明犬吠最堪哀

閩明映藻由龍江逸至施甸

一自奔亡後諮詢直到今死生俄傾事師第百年心陷  
併聞初脫江湖或易尋馬知函丈內為爾幾沾襟

中天寺卽景

空山人跡亂開徑意悠然雪竇初禪地風光小暑天夜

廿我齋詩稿 卷下

五

涼蓮欲卧午熱柳初眠莫問升沈事還須學守元

秋夜不寐

清夜卧書齋愁心觸處皆秋聲初在樹蟲語不離階烽  
火將過歲干戈猶攪懷任棠徒作慮惡蕪已根荂

泰山

帝位出乎震巍然荒大東一登天下小日湧海門紅古  
觀凌丹壑長松動遠風禪封七十二何只漢秦宮

喜聞收復雲龍州

一據龍州塞多時賊據曾北思窺鶴麗西指應金騰謀  
已如相告機猶未可乘遙聞攻復矣驚喜詎能勝

客夜聞蟬

何處秋聲急尋階試聽之翼傳非俗響身在最高枝湛  
露微沾候疎風欲斷時今宵清不寐玄髮易成絲

草

溼溼盈江水迢迢杜若洲春風吹綠意飛過大溪頭

六字詩

皎月欲出未出好花半開未開酒醉憑客自去雨晴望  
友常來

窗外半天梅雨枕邊一夜松風蟾子絲添屋角鶯兒鶯  
起牆東

廿我齋詩稿 卷下

六

閩史戲成

祝氏五經掃地秦家一德格天不能流芳百代也要遺  
泉萬年

弔朱梧崗

撒手關前一歎嗟東西人影各天涯泉臺會有相逢處  
莫怨冤家是親家

歸雁

奎光閣下對朝暉疏秀樓前送雁歸邊塞自然留不住  
雲程萬里任高飛

野望



年年芳草憶天涯不憶天涯轉憶家客裏憚忘春過生  
曉風吹遍野棠花

思家

山前山後子規聲勸我歸與歸未成矯首河西一百里  
幾回惆悵望雲生

夢侍先慈側先慈燈下紡績補綴舊衣宛似三十  
年前景況醒而泣誌

遊子身衣母手絲密縫常恐子歸遲驚回三十年前夢  
燈火熒熒似舊時

空談弱草戀春暉一寸芳心一寸違報與九原親審否  
廿我齋詩稿卷下

兒今瘦到不勝衣

山雲

來本無心住亦閒隨風飄泊翠微間蒼生無數思霖雨  
底事徘徊不出山

哭張又華

每憶程門立雪春依依楊柳舊丰神而今遠隔雲山外  
空在他鄉哭故人

幾番炊白夢中悲方得驪珠掌上窺一覽修文歸地下  
仗誰風雨庇孤兒

送人遠出

匹馬翩翩不自由出門十步九回頭不知今夜家鄉月  
照子清眠何處樓

歲寒三友

籊籊猗猗个个分虚心勁節本凌雲倩誰護住龍孫種  
直與嚴冬伴此君

天矯蒼髯俯翠鬚鱗飛甲舞見斑斑蒼生八切雲霓望  
誰解龍眠此處山

未須問到和羹時夢醒羅浮有所思昨夜東風吹雪過  
瓊瑤落滿向南枝

讀文姬悲憤詩成三絕句

廿我齋詩稿卷下

胡天雨雪霏旃寒明月中宵塞外看蘇武忍饑姬忍死  
男兒容易女兒難

辨琴的的可憐才補出胡笳拍拍哀不是老瞞能念舊  
玉關萬里可重來

家小海叔有和余登元龍閣看牡丹不果限瓜字

自是人間富貴花於今冷落在天涯始知十戶中人賦  
不及幽風七月瓜

家小海叔見和復疊前韻

百般幻夢總空花雙海茫茫未有涯似此繁華君莫羨

何如早覓棄如瓜

與明廷魁門人運乾之女騰起事為匪所戕

與子相親廿六年不堪悽慘異從前傷心黃土無孤隴  
怨魄呦呦泣暮烟

無題

私怨私仇啟禍胎萬人性命付蒿萊殺身預決益成括  
豈定其人小有才

刺桐花

紅雲片片雨絲絲未是驚秋落葉時無數鸚哥學飛舞  
翩翩飛上刺桐枝

廿我齋詩稿卷下

和柳仙姑降乩大理絕句八首

記得貞觀第二年司花天上有仙緣阿儂細說平生事  
獨對官槐泣暮烟

素質翩翩雪夜來葳蕤花葉未曾開風流天子多情甚  
也似黃金火照臺

清游夜夜彩霞拖躩蹀香風馬上過絕調翻成清夜怨  
雙蛾感罷忍長哦

姓字銷沈幾百年相逢此日亦前緣却將已往興亡恨  
寫上江南燕子箋

迴廊曲檻月明中一八春光院院濃忘却景陽宮并事

後庭花樹已成空

日長書靜此宮中隔殿風吹笑語融訴與落花渾不管  
自拈銀管掃殘紅

學成宮樣倚新妝擬把雙眉鬪畫長聽說周王乘駿去  
白雲何處是仙鄉

螢火光騰露未消玉鉤斜處路迢迢不知終古揚州月  
尚照宮眉淺淡描

再和柳仙姑七律四首

為愛尋春惹舊愁那堪回首禁中溝深宮月暗花無主  
古井波恬水不流闌苑幾番悲往事秦淮終古望歸舟

廿我齋詩稿卷下

人間若問瓊花觀浪說繁華第一州

大隋天子本無愁直把邗溝作御溝夾道盡栽新岸柳  
禁河空漲膩脂流美鬢已去人間世錦纜真同水上舟

試問幾時歌舞罷秦中別換帝王州  
憶入深宮鎮日愁幾曾寫怨出深溝外人大有圖儂者

殉國偏歸一女流縱是君恩成逝水肯同西子附扁舟  
香魂渺渺遊天表跨鶴猶思舊日州

二分明月古揚州何處天涯帝子舟古井已成波不起  
長淮依舊水東流苔花黯黯埋深砌柳色青青憶禁溝

縱說司花天上院史書莫記使人愁

附錄柳仙姑詩並序

澣香亂韻

誤謫人間四十年深宮寂處悟前緣九天春色

歸蒼嶺萬里河山入暮烟

予柳氏晴芳常侍隋煬帝後宮後高祖立極因

投於井此千年遺恨也千載孤魂史不及書至

今博覽者均未能知其事至唐貞觀二年朽骨

成灰生帝憐我貞烈封為花院仙姑今因遊春

至此諸同人約會特敘生平所未傳之事昔煬

帝漁色天下皆怨唐祚一興後宮沒於火者十

廿我齋詩稿卷下

人沒於井者五人世皆未知而五人中惟予能

詩而未工詞調孤魂含怨以至今日雖列仙籍

而未嘗為文人所道及殊可恨也今留小詩一

章請為我傳之

春光無限惹閒愁一點孤芳失御溝黃土壟中

無白骨蒼松徑裏有清流樓間粉黛殘秋水陸

下恩情付綵舟才思於今成夢幻千年遺憾滿

皇州

閨中俚句不足為文士道然一時佳會聊為野

史補其事幸哉諸公賜和予當復至

1800 185

韶光爭逐月光來一黛愁眉掃不開只有白雲

隨手散含烟和露下瑤臺

花院柳姑至感諸公盛情特來申謝諸公詩成

否俟刪改妥適刊訂成帙再與諸公暢敘今日

去

鶴車暫駐翠微中烟雨蒼茫入望濃澗外青山

山外路風吹雲捲過長空

珊珊摇曳玉環拖風送仙車碧漢過雅得詩人

今助興聊將心事寄吟哦

今有絕句四章奉教諸公書來

廿我齋詩稿卷下

一到深宮二十年君恩自分已無緣閒情只與

春花訴清夜長吟付錦箋

恩波忽到玉池中翡翠簾前笑語融數載閒愁

誰共語風清月白憶紅紅原註紅紅閨中吟友

此間無以慰紅妝繡幕依然鎖恨長一白魂歸

仙院後至今猶憶舊家鄉

香縷雲屏翠欲消人問天上兩迢迢此情不比

宮中怨衫影新圖畫未描

得內人口信

君到館中煩寄信薰砧身體竟何如秋風料峭衣裳薄

莫戀寒燈夜著書

近無虛徹到鄉間正及嘗新八月初堂上平安諸弟好  
愛聽子姪讀藏書

詠和順保境

一年一巷一妝臺羅鼓喧喧保境來兩巷爭傳香色好  
池蓮千朵向人開

詠雲峯山

雲峯古寺似玄穹石磴高攀碧落通果是神仙真洞府  
煙霞浩渺玉清宮

曉日鐘聲報鳳樓雲峯勝境荷天庥千重瑞氣浮金闕  
廿我齋詩稿卷下

萬里皇恩拜冕旒

玩賞雲峯步石梯慈悲彼岸出清溪無雙古寺超騰越  
第一名山冠迤西玉帝靈霄宮闕近太微浩渺洞天低  
中藏奧妙難稱述恐洩仙機不亂題

百尺巖頭竹籠烟千林谷畔鳥催絃猿吟更借松風雅  
石聳猶疑卧虎眠巖巖雲峯高掛月巍巍帝闕半橫天  
三生運會臨楓陸萬里山河在眼前

遊水映寺遠眺

披襟直上快當風天外昂頭眼界空煙火萬家城左右  
剎那幾處嶺西東登高最要詩能詠濟世方慚術未工

問訊江淮烽尚熾欲從何處起英雄

仲春待月

春勝於秋底用猜今春和悅且徘徊樓前一笛宜先倚  
花下雙鸞尚未開緩緩似嫌紅友少珊珊偏滯素娥來  
東坡自是鍾情客準擬詩人共舉杯

讀太白詩偶成一律

探元誰與化羣儔物化何因夢裏求世棄君平平棄世  
周為蝴蝶蝶為周於今郊藪無麟鳳終古塵埃有馬牛  
匡濟達觀俱未可一杯酌酒付悠悠

晤李實生先生因贈

廿我齋詩稿卷下

兩年不覩好丰神鬚髮雖蒼面目真愛與故交談故典  
豈容斯地少斯人蘭蕙小圃新增色桂老平泉別有春  
嘆我窮愁絲底事舌耕辜負宰官身

晤李芝生先生因贈

說經雅似鄭經神鯉對趨庭授受真十七年來無遺夢  
八千里外有閒人椿萱陰占一家福蘭桂芽新滿院春  
事尙可爲期努力當思捧檄慰雙親

春雲

碧漢之間北斗旁片雲舒灑蕩春光天教應候爲霖雨  
我願傾心捧太陽紉縵漫誇爲錦麗迴旋端爲奉龍忙

會看淨把陰花密現出人間五色祥

春風

吹噓幾日遍天涯廿四番風次第加有信潛消前歲凍  
多情尙識故人家綠盈郊外千條柳紅滿河陽一縣花  
記得年年煎意急瑤臺肯待日西斜

春雨

一片輕陰蘊釀時雲騰騰處雨頻施彼蒼自欲爲霖早  
眾綠休嫌沛澤遲楊柳丰神新漲潤杏花消息小樓知  
茅齋坐賞情何限買得春歸綠滿卮

春鳥

廿我齋詩稿卷下

畫

不辨鸞簫與鳳笙是誰故故假之鳴天生羽翼雙飛翮  
春在山林萬鳥聲擬共雛雛和盛世最憐瑣瑣自呼名  
上林倘肯枝相借始稱雲霄萬里情

春鶯

錦衣公子出風塵好語東風樂此身玉管調成千轉曲  
金梭織就滿城春要知出谷遷喬意誰是攜柑載酒人  
惟有上林花似錦一番啼到一番新

春花

小園一夜渡春光萬卉千葩各自香不用爲花嗟薄命  
自然結子見成行栽依上院鶯先喜看遍長安馬亦忙

開太繁華凋定早勸君休艷牡丹芳

春草

宜風宜雨復宜煙相見天涯易惹憐十里香薰蝴蝶夢  
幾回春滿鷓鴣天送君未料青如此走馬方驚綠渺然  
寄語王孫歸要早有人相待畫橋邊

春水

渺渺予懷有所思臨江悵望意遲遲連朝吏報增三尺  
南海春歸又一時天上坐搖青雀舫鏡中把釣綠楊池  
懷人祇隔吳江外袖裏雙魚好護持

春柳二首用劉寄菴先生原韻

廿我齋詩稿卷下

畫

永豐植後最關情管領春風度此生眉眼纔青梅使妒  
丰神如舞燕休驚柴桑客愛同眠起蓉鏡人來始送迎  
莫道亭長亭短路依依也要傍花明  
擅絕風流一段幽眉痕淺淡鏡池頭三春雨露重添色  
一笛關山易起愁沽酒馬嘶雙白板聞歌人隱小紅樓  
黃金比嫩絲同輓合對蠻腰舞不休

客中清明感懷

望望家山隔暮雲况逢時節雨紛紛客心多感惟三月  
春色平過又二分弱柳千絲懷遠道夕陽幾處拜荒墳  
臨風豈禁增長慨黃誥何年頂上焚

聞山歌

百花開過綠陰多五里方騰十里坡  
娉娉一聲風送遠田中齊唱太平歌

靜坐

松梅橫翠午陰交香裊簷牙一炷消  
風定簾垂人悄悄雙雙粉蝶上花梢

閱王夢樓詩有用愁字韻依韻率成一律

坐對雲山巒翠嵐幾番搔首思華簪  
不如意事常千萬難得心交有二三  
詩酒何妨隨處好比龍要帶幾分愁  
年來棱角剝磨盡機械從來總未諳

廿我齋詩稿卷下

三

又一聯上世不如金荒壽誰人肯學寶兒愁

和小海叔登龍光臺瞻武侯像

丞相當年擁節臨攻城不上上攻心  
未經北伐酬三顧先定南征運七擒  
鴻渚方歸曾此宿龍光小駐尙爲霖  
我來肅穆瞻師表翹首天威感不禁

性不佞佛自少已然四十餘年猶故吾也而內子

以子息之艱功名之蹇疾病之多時聒於耳不

能論之以大道因作詩以自質焉

我豈無端與世緣霓裳猶記大羅天  
功名顯晦尋常耳時物行生本自然  
婦女無知思佞佛英雄雖老不逃禪

商周以上無西教無限期願享大年

流落人間卅七年今生那結再生緣  
我聞如是何須是爾謂其然恐不然  
忠信已皈夫子戒水風安事祖師禪

我今最好消災法淡泊相忘色界天

登州城閒眺

春光匝地豁吟眸放眼河山一望收  
雙鳳雲煙盤近甸百蠻風雨會邊州  
桑麻罨靄雖如故蘭闌蕭條已不侔  
問訊干戈誰作俑解紛無計使人愁

思歸毓秀山館

幾番樛子候門看報道諸童小試完  
三徑菊香思我別

廿我齋詩稿卷下

表

一樓山氣逼人寒禦冬檢點棉衣薄  
破悶安排酒盞寬蛟鬪鯨爭渾不  
管請閒高臥五雲端

詠錢

九府三官鑄得成人間捨此那堪行  
鬼非難使甘爲虜神果能通合仗兄  
萬貫黃標真癖性幾人青選起詩名  
而今我亦囊羞澀漫道高談接上清

詠白桃花五首

仙姿豈必在朱門別訪穠華冷淡村  
洞裏雲深春減色井邊花綻露無痕  
脂香粉膩何驚艷月曉風清欲斷魂  
也似楊姨嫌太汚蛾眉掃罷去朝尊

一種風流愛白描非霑紅雨更天天閒隨柳絮連番起  
壓住梨花不敢嬌雪水調勻光澤賦玉容映透暈痕消  
息家莫漫矜顏色有恨無言費解嘲

柳綠槐青路幾叉休將朱紫鬪繁華別開闢內東風面  
此亦庭前玉樹花夜氣偏宜偃皓月晨光也怕飲流霞  
不因引入天台去縞素誰知是大家

一笑東風陋紫英半宜雨後半宜晴蟾宮覩透情何限  
懶隨醫來色倍明淡質偏憐霍小玉素心最愛許飛瓊  
休嫌源內春將老此是仙人白玉京

玉潔冰清有淨因幾層染到軟紅塵全空色相生天佛  
廿我齋詩稿卷下

盡洗鉛華太古春皓首尚知前度客淡妝還賺再來人  
嫁遲嫁早均寒素白傅如今不厭貧

天氣

天氣釀陰晴陰晴又屢更齋修先六甲暑伏後三庚地  
籟通人籟風聲間雨聲寢眠珍重好尤勝學長生

看竹

勁節凌千畝貞柯貫四時如何實不茂一任鳳凰飢

張家小山

不知山小小問訊說張家流水環門綠新篁繞屋斜石  
橫橋四板田伏路三叉我亦頻來往村童書不諱

野望

目極三千里人居幾百家遠天雲捧日急水浪衝花客  
思依依柳予懷渺渺葭此間幽興熟還與問桑麻

八雨

出山無一事對雨此高眠半月無晴日邊城有漏天莓  
苔生古砌烟柳暗前川好似雲開霽郊遊亦洒然

閩史

廿一前朝史從頭子細哦陳篇滋味永開卷故人多待  
賀思鳴鳳工謠善如蛾汗青無我分千古奈愁何

與客夜坐

廿我齋詩稿卷下

莫返戈三舍新添月一鉤望京依北斗留客坐西樓杯  
茗談前事風塵悔壯游書幄應自笑若個覓封侯

疊水河

石橫崖斷處日夜大江流陡落強千丈孤行隘一湫股  
雷鳴地底飛雨上樓頭應有嘉名錫龍門紀勝遊子欲

龍門小

元龍閣遠眺二首

二重臺閣一重樓爽氣幽情入座收雲水光中頻洗眼  
蓬萊天外更昂頭羨他魚鳥忘機處莫問春秋載酒遊  
占得人間清勝境更誰吟賞繼風流

元龍百尺有高樓湖海粗豪氣未收豈便屯膏占鼎耳  
還從活水悟源頭岳陽酒味思前事黃鶴笛聲悔浪遊  
何似芳塘一鑑好狂瀾不起總安流

毓秀山中卽景用元龍閣韻

萬山深處一間樓明月清風取次收午熱閒尋芳草徑  
晚涼信步小橋頭偶逢田父談今歲相與漁翁話舊遊  
極目滔滔瀾旣倒憑誰隻手障東流

經染家

墨子悲絲染元黃豈定形豔誇天水碧色陋大師青作  
繪憑絲繡出藍有典型五花新樣具黼黻貢彤廷

廿我齋詩稿卷下

感懷

不爲饑驅出何如久索居晚涼談舊藝曉色課新書縱  
有吳孳近終嗟寢膳疏毛公徒捧檄搔首又踟躕

子每有小疾百事俱懶不自理惟喜吟詩以爲消  
遣計此亦一病也

寒暑侵肌感易生曉涼吟咏到三更度窗雁柱朝傳響  
挂壁龍泉夜有聲半世苦從愁裏過新詩多在病中成  
門人不解閒消遣猶恐先生耗性情

自勵兼憶小亭

莫問羊城事狂吟和順鄉新題恆杜撰舊學寡商量酣

飲干杯少摩挲一劍長小亭今夜雨隔水漫相望

秋齋自遣

掃盡炎歊一枕酣巡簾秀擁萬山尖胸中五岳平平起  
頂上三臺細細添過樹涼風輕似剪開窗絲雨織成簾  
升沈世事渾無定欲訪成都問老嚴

幾日風摧木葉乾蕭蕭傍我老吟壇朝陽過嶺千山赤  
小雨登樓七月寒利市未拋新白紵傳家猶有舊青氈  
會須撤帳歸田去循彼南陔咏采蘭

時髦有妄比先賢者不特今有其人昔亦有之宋  
齊邱字超回其不自量如此桑民慄不赴柳州

廿我齋詩稿卷下

任謂一往必掩子厚名至今人僅知有柳也因

自警且自勉焉

今古遭逢各一時自家身分自家知後生未可輕前輩  
尙友還須在得師邱想超回真太妄桑思掩柳抑何癡  
祇今誰浪誰長在試與時髦子細思

時事有感

聖主當陽四表光滇黔相錯犬牙疆如何六詔三苗地  
半作金戈鐵馬場丹悃幾時輸火濟妖氛無計靖天方  
澤澤閩歲民滋困解厄惟求大秦王

有所感



富貴場中割愛難幾人散淡靜中看並無竹節堪醫俗  
惟有棉花最耐彈刮利屢思從佛面誤身多說爲儒冠  
何如繫艇蒼溪岸雨笠風蓑一釣竿

秋風

西風一夜入邊城萬里悲秋客感生是我故人來有信  
傳誰失意假之鳴金戈鐵馬驚殘夢漢邑秦關滿大聲  
翻羨漁翁兼水外布帆無恙往來輕

七

匏瓜獨處一星明脈脈相思一水橫玉佩九霄秋有約  
銀河終古浪無聲往來豈爲儀容感離合何形燕睡情  
廿我齋詩稿卷下

堪笑大唐天子陋長生殿上祝他生

感事

自唐武德始歸秦桀驚何曾氣易馴土盡王臣偏異教  
孽非天作乃由人昆池鱷鬪波成血洱海蜂屯草化燐  
願借楊枝甘露水癡迷曹化證來因

憂亂

郊原一片富饒鄉轉瞬將爲戰場信不由衷馬用質  
川壅而潰恐多傷鴟鴞競欲乘風起屬戶誰知未雨防  
亂兆已萌消不易安能同志共推詳

明氏從子遊者變起倉猝莫知所終念及諸子踏

然神傷不禁淚泫泫下也

五載寒氈坐到今剋期桃李盡成陰無端炮火轟天起  
滿地兵機少路尋諸子料難重會面先生枉費幾年心  
迴思風雨相依處渺渺予懷慟怎禁

教讀於禹王宮牡丹盛開得詩四首

蚤得陽和間氣鍾香叢首出最蔥蘢春風滿面無寒態  
國色臨軒倚醉容蟾鏡三更情脈脈貓睛一線影重重  
何當金帶圍腰處定是瑤臺一笑逢

洛陽從古說繁華開到滇南別樣賒似此馨香真絕世  
比他端麗更無花痕留一捻初三月賦抵中人已十家  
廿我齋詩稿卷下

全仗天公催放早報言羯鼓不須搗

記得吉祥僧寺不東坡有暇便來遊色香未帶山林氣  
風雅全消粉黛愁穠李滿城應避席羣芳覲面也低頭  
更番化雨頻滋長好置庚郵進鳳樓

雲階月地簇團團如此穠華始大觀花外馬嘶紅哇撥  
檻前人倚玉關十生來富貴春無價縱有胭脂畫亦難  
牢囑老僧長愛護爲子留到子孫看

丙辰十二月十七日張珩出攻南甸撲河西督兵  
破之

突爾烽煙逼近 鐵鷲雷轟徹五更霜百 里外孤懸地

十四年間兩戰場武士奮攻爭矯矯賊戈盡倒竄忙忙  
如何外閩雄師在緊閉軍門晚女墻

夜過南甸營與陳月樓守戎議軍機

半月防邊不自安隔河相望水漫漫更草檄雙飛翼  
萬里雄心一據鞍兵氣揚時金鼓肅劍光騰處斗牛寒  
武官怎及書生膽快馬衝風夜未闌

自甸營曉歸團營

晨鐘初動曉光寒淡月疎星露珠乾馬足直從永上過  
驍騎都在掌中看用人敢道知人易臨事方慚任事難  
自是欲開開不得那容高卧學袁安

廿我齋詩稿卷下

慰暗明啟齋明際可

無端殺氣逼人來幾度調停幾度猜自矢婆心消此劫  
馬知奴輩利吾財甘言易信真醜毒亦世多藏是禍胎  
死者含冤生幸免爲君增喜爲君哀

龍紅練營一夕被回子焚劫殆盡憤而有作

通營列棚四縱橫夜火分明徹五更豈有家人堪大任  
况兼子弟盡驕兵以家人困姓生兵事禍首趙黃董李騰傲待甚與戶嘆爾沿  
江逸轉帳供他一次明聞報便思投筆起此問無虛請  
長纓

立夏後甚寒此陽爲陰朔也有感作此詩

天道茫茫不可知每於人事見平陂如何九夏炎歊候  
大似三冬雨雪時陽閉陰凝因復爾官屠民傲定安之  
書生未有回天術補救全憑酒一卮

四月十四日家大人七旬晉八矣先期遣季弟莊

控馬來迎病體初痊不任馳驅也季弟之歸作  
詩送之

豈惟遊子憶庭幃更有庭幃望子歸瘦質不堪騎馬去  
私心已共白雲飛珍藏菊水新醅酒檢點萊家舊綠衣  
記取明年仍此日荆花齊舞倍依依

自遣

廿我齋詩稿卷下

吾生如寄百年中已近中年萬感叢浪跡苦因謀食累  
硯田安有濟時功清琴待月三杯酒落日登樓一笛風  
每憶羊城荆滿道幾時帆過海門東

乘馬出遊自小山脚轉水碓歸門人李德廣留飲

百花開遍綠陰中款段時乘白玉驄帽影輕雷梅子雨  
鞭絲涼透柳條風煙橫鳳嶺山村外路轉龍池水榭東  
尚有故人留一醉灑然莫自感窮通

董小亭以哭子詩見示哀楚之音觸我舊懷不忍

多讀作詩以慰之

愁人莫與愁人說說與愁人便斷腸子已多男何復憾

我生不育乃堪傷  
芸編尚望書能讀  
蘭兆猶虛緒更長  
記得白元相應語  
自天作主自平章

中秋大會族人於和順鄉

椒聊繁衍古梁州  
聚族天南地盡頭  
百世宗盟長此會  
一年月色數中秋  
酒香小酌葡萄味  
情洽深惟葛藟謀  
耕賈營生書裕後  
家風總此繼悠悠

客中憶仲弟蓄季弟莊因悼叔氏

四人兄弟近三人  
每憶中郎淚似瀟  
我爲舌耕成久客  
子猶力穡奉衰親  
徒思富貴心如結  
祇有家庭樂最真  
未識翩翩諸子姪  
讀書曾否等於身

廿我齋詩稿卷下

雜感

臥聽荒村戰鼓聲  
沈沈巡警月三更  
不緣瘼犬狂思隘  
底事雞豚睡不成  
夜雨泥頽新壁壘  
秋風人立小團營  
荷戈細語平生事  
幾日蒼蒼始厭兵

秋日遣興

滅却炎威一枕涼  
雲山對坐曉蒼蒼  
雖然未奉毛公檄  
豈便甘荒陸氏莊  
雨後烹茶彈賀若  
月來呼酒看干將  
封疆處處聞多事  
每爲斯民淚數行

烽煙阻絕久不接省信有懷阮獻廷內兄

連年音信不相聞  
恨望天涯幾日曛  
輒化烽烟應憶我

昆池兵燹最思君  
迢迢道阻雲千里  
渺渺音沈雁一羣  
總爲大雷書未到  
令暉容亦減三分

漁陣

和順三合橋下羣魚各以類從大者前小者後隊正聲齊如布陣然亦兵氣之應也

鯨爭蛟鬪幾多時  
莫道潛魚靜不知  
月下無鉤團作陣  
地中有水利行師  
六花貫入分偏伍  
一字排來雜正奇  
我是沈幾觀變失  
何妨欣羨一臨池

撫時感事雜成九首

紅羊慘劫徧雕題  
剩有龍江及土西  
杆柚全空東大小  
稔胥出任手高低  
令疑昨歲驚刁斗  
聲火新秋尙鼓鑿  
莫怪輕裘羊叔子  
安居不管萬人啼

廿我齋詩稿卷下

美

邊聲四起最蒼涼  
踴躍爭趨戰鼓場  
檣林中頻喪馬  
龍從山下竟亡羊  
監軍豈是家人任  
傳燧遙延滿吏鄉  
多少興戎候孺子  
有誰赤手障封疆

花村犬吠叫饑鷲  
星火追呼足不前  
一石糧加金十二  
終年肉飽虎三千  
酒漿空匱無安土  
鼓角悲涼徹遠天

役到僧人無可役  
也思勒績擬燕然

財賦於今兩不支  
干戈日夜弄潢池  
豈惟報復憂狗子  
况乃餉運到野夷  
幕府正思加草薶  
成天且莫問瓜期  
春風易過秋賦又  
惻悵邊防爲蹙眉

琴堂執掌自清澄  
正午傳餐夜半燈  
兩字恩威宜並用

終年剿撫竟何憑徒教一旅成孤注賴有崇岡障幾層  
武弁不甘文吏事當年橫議是誰曾

馬家東踞虎耽耽西指烏流盡健男負固久拌城背一  
招攜猶望網開三諸公始議徒多殺顧我奇功未敢貪  
誤了蒼生還自誤由來夷甫爲清談

人皆泄泄渺愁儂幾處新烽接舊烽滇海無音通洱水  
雲龍有路到騰衝由雲龍走曹州地成黑子孤懸勢險

應雄關百二重安得巨靈伸一臂泥憑魯等一丸封魯

也魯彎矢射天狼撫定諸戎輯遠方莫更閉門訾世柳  
廿我齋詩稿卷下

幾經拔薤訪任棠攻心上策無他着洗耳今朝也不妨  
一榻琴書獨卧處令人時憶鄭公鄉

禪樓小寄感他鄉杏老荷殘柳又黃萬戶秋高客館月  
三更柝冷成樓霜館側即寫憂不盡詩千首破悶端憑

酒一觴又聽滇池成血海幾年天討靖要荒  
兩河口占父老傳言喇巴變兩河相逢年即大饑屢驗不爽

喇巴西注勢洶洶爨慶東行日夜衝我祝天公憐赤子  
長教兩尾不相逢

山館口占  
前門揖客後門關人世炎涼幾萬般不及小山風幔底

一叢嘉蔭隱春山

毓秀山閒眺觸懷

萬疊雲烟擁翠巒石花苔髮露般般人居毓秀清高處  
畫在斜陽淺淡間僑寄豈須盟白水夙懷已負買青山  
余村後有貢豪山明秀獨出兩水夾抱擬宦游十年且  
未及五年即退歸買此爲隱居之所今成虛願矣  
攜柑酒閒消遣坐聽鶯聲自往還

竹枝詞

家住河西灣復灣年年結伴朝雲山正月初九四月八  
儂方去時君正還

來鳳山頭漢景祠中旬三月雨如絲如雲結隊燒香去  
廿我齋詩稿卷下

上須及早下休遲  
上綺羅連下綺羅耕田不比出門多館近趙家無十里  
一齊回首望娘坡

沿堤垂柳一枝枝柳長長堤水滿池妾似長堤郎似水  
願郎長似在山時

擔桶河邊汲水時嬋娟照影淚如絲輕風飄墮梨花雨  
流到驪城君未知

妾住騰陽郎住關爲郎終日唱刀環臨邛酒市春如海  
或到日斜憶故山

偃枕風濤雨又淒夢郎歸自瓦城西懊儂最是長鳴鳥

不管人愁故早啼

新婚苦別太匆匆滿月歸來便轉蓬郎意若存洗脚水

妾身甘做打頭風諺有妻如洗脚水去一盃又一盃之說

雨中乘馬歸毓秀山

垂楊垂柳上長堤淺淺香泥試馬蹄搖曳一鞭風雨裏

萬花送過小橋西

紫燕飛入閣中玩賞移時乃縱之去殆佳兆也

愛爾涎涎燕知予好共依款扉睇畫閣來路記烏衣玩

賞情先喜投懷兆有機撫摩毛羽好又見五雲飛

酸水

廿我齋詩稿卷下

清甘本是源泉味不解出溝偏帶酸貧士家風原似此

在予祖塋之側故云世人嗜好正多端節逢梅雨黃新釀花落山

馨味更寒佳醋一瓶何用乞便將斯水浸曹瞞

遣懷戲集藥名二首

百部書空讀烏頭漸漸非未會酬遠志莫漫寄當歸蓮

子看新長菊花愛晚肥思交君子盡防己素心違

熟地憑吾往車前玩物華春風懷萱蕙秋色老槐花望

已凌霄少思惟益志嘉青芝如可採勾漏訪丹砂

客有談及時事深幸予不仕為福不如此地擾徒

之為安也感其厚意賦此謝之

天道由來有主張國家愁緒兩茫茫干戈半壁無乾土  
風雨三更此對床失馬豈須思得馬故鄉依舊感他鄉  
何當了却心頭事與子巽尊自在嘗

懷董小亭因寄

以舌為耕兩腐儒牙期相望賞音孤東雲北樹空蕭瑟  
舊籍新詩費揣摩鎮日獨醒何水部三年苦學漢江都  
未知唯底談經暇也有佳章寄我無

董小亭詢生計賦答

謀生吾本拙良友幸提撕妄作飛騰想其如老大時家  
多食口累貧恐俗人知賴有青氈在永淵勉自持

廿我齋詩稿卷下

遣悶

屢攜書劍走風塵殊守依然待兔身天有情兮應亦老  
臣之壯也不如人廣栽桃李期成實縱賣文章莫療貧  
題柱長卿頻笑我負他花縣十分春

和彭于藩松毓司馬留別士民四首

典盡春衫換酒籌故鄉風味儘句留人情寂似投林鳥  
宦路遲於上水舟五畝豈營終老計一麾端為細民謀  
獨憐此日西河道社火黃花又一秋

平分潤澤田間水力挽狂瀾浪裏舟曹詩傳訪

彭公一韻

邊疆樛櫟本非材虛負操斤大匠來白璧琢成方是器  
黃金傾後更無臺上韓素之青蓮筆下趙難爲陸賈材  
永夜捫心檄未捧幾番自問幾番猜

平生溫飽志奚存數接春風笑語溫半世升沈原我命  
前途顯晦盡君恩吟風已慣隨山簡觀日還須過海門  
料得天涯迴首處又將詩酒一同論

杜公四十未知名苦說窮愁似不情樂歲况沾賢尹澤  
獻芹聊效鄙人誠三年報最眞萬里邊材重老成  
此去并州逢越石道儂今日聽鷄鳴

病痊而歸途遇暴雨

廿我齋詩稿 卷下

聖

金蛇玉虎一齊鳴雲暗天低失午晴山雨驟來風助勢  
溪流亂下石吞聲途經泥濘層層過路行莊步步行  
却怯病軀梅比瘦衣裝溼透不勝情

自嘲

隙如駒過月如梭杳杳鴻魚奈遠何有字徒因求米用  
美官空艷得錢多九秋風雨更寒暑萬里雲山入嘯歌  
也欲粵東觀海去粵西無那阻干戈

重九登高

鎮日三臺下不知秋色深百年幾重九萬里一登臨  
步盤千磴雙眸縱遠林豪來不爲酒無限濟時心

小園漫興

閉門種菜意何爲露滿寒畦月滿籬落果美於生摘味  
名花好是整開時梅因耐冷含香遠菊解凌霜見節遲  
浪却機心與機事灌園老圃是吾師

渡口船

萬頃洪濤阻巨川小梁江畔覓行船笑他破浪乘風具  
盧落沙洲又一年

香雲寺晚坐

靜坐招提境機心已頓忘金蠶飛夜蠱有金光一服從  
舊也 玉兔寫秋光桂子月中落荷花鏡裏香參禪吾

廿我齋詩稿 卷下

聖

不解空步贊公房

待友不至時教徒於  
河西魁閣

掃開花徑翠雲流檢點詩牌並酒籌到晚絕無佳客至  
自招明月上高樓

河西魁閣四詠

暗香疏影占晴泉開落東風又一遭一自相知林處士  
縱無花候也清高梅

紅裝嬈嬈環妍借與春陰二月天一任睡深高燭照

可知素質本神仙海棠

朱霞片片捲晴空錦繡高張映日紅共道南天有佳樹

不應開落任東風 山茶

林無雜木豈凡材分得一枝此地裁直待小山香滿後  
一篇招隱好歸來 桂

小兒福田入館開蒙拜跪居然成禮蓋可喜也

拜跪居然似伊唔一卷橫鯉方趨問字難始學清聲孝  
悌宜先講功名冀早成祝無如爾父虛度好前程

聞徵兵三首

十萬橫磨劍三秋敕勒歌從來行路苦不似戰場多  
未捷粵西報旋徵楚北行玩兵騷數省鳴鳳久無聲

悲鸚鵡

廿我齋詩稿 卷下

哭

已犯多言戒翻矜壯采成媚人徒口舌誤爾是聰明  
隴樹三春侶秦山故國情斂華終遠害胡不學無聲

哭佐商 必輔 族叔

絳帳分趨日青山自在時阿咸殊覺小臣叔不曾痴雪  
亮請經筒風流亦我師修文何太促小奠淚凝危

邱明明 表兄 教讀於南甸營為怨所害予憤欲

鳴冤而姑丈堅執不允詩以哭之

此錯誰曾鑿羣猶妒一薰平生恆忌我橫死最悲君有  
骨速當朽奇冤沈不聞西河無呂母含痛淚紛紛 東海

爲子

哭戴立堂先生

青氈一席老明經雨暗風涼翠海亭從此剡溪三百曲  
何由再訪少微星

家銓商 必選 族叔卒於緬甸通爲四首以哭之

卅載征塵履屐封往來南徼幾秋冬那知驃國恆游地  
無復鴻泥覓舊蹤 仇鳥蠻花天萬里銅關鐵壁路千重

歸來或化遼東鶴驚起中天夜半鐘

訃音到那堪聞白髮蕭蕭日易曛 有父已異地有靈  
應陟咄老人不寐苦悲君前階縱有蘭爭秀昨歲先驚

雁失羣一樣西河哭子痛暮年愁惱太紛紛

廿我齋詩稿 卷下

哭

丹桂亭亭已著華紫荊雖萎有萌芽屋厓一木能支廈  
擔荷千鈞苦爲家遠塞怕聞滋宿草故園誰護後栽花

千秋無限英雄恨半沒山涯半水涯

前年洒淚哭莘翁 族叔 此日喪翁淚不窮地下弟兄生  
別恨世間叔姪幾人同遙遙遠塞歸無馬湛湛長江上

有楓欲賦招魂招未得一杯濁酒奠西風

強仕

強仕今虛度年年守敝廬無窮心上事徒對案頭書皮  
相談星紀 有皮相士謂予子 舌耕到歲除凌雲聞狗

監終愧馬相如

閨怨四首

雙雙燕子話簷牙似說天涯不憶家寂寞春來春又晚  
細將心事訴梨花

出水藻蓮各竝頭鴛鴦對對起晴州儂家恰在湖邊住  
為怕開窗懶上樓

聞砧夜夜唱刀環衣到君邊淚有斑聽說橋成鵲有信  
果然天上勝人間

依依花落又花開花信如今又一回瘦到梅花香不減  
月明應得幾時來

對雨小酌

七我齋詩稿卷下

筆

野水搖空綠飄風捲到門鳥啼烟外寺人坐雨中村秋  
思山千疊吟情酒一樽終宵呼負負吾腹漫重捫

池內紅蓮盛開探數朵以供清玩

習習風吹函菖香膽瓶清供小齋旁無言相對情何限  
豈必人言似六郎

感時事

烽火粵西傳不真驚聞全楚又沈淪潢池盜弄成何事  
陸海澄清要有人二百年深仁主澤八千里置不官身  
枕戈徒負聞雞志思挽天河未有因

寄李質生含英先生

年來疏闊少聯吟信得先生道味深百尺寒松留勁節  
一潭止水定澄心弄孫饒有含飴樂載酒誰為空谷音  
我是羊公鶴不舞久將流水託瑤琴

寄李芝生含瑞先生

久謝公車詔南喬仰蔭高中原今沸鼎絕技善藏刀愧  
我風塵涸輪君圖史豪何時攜濁酒對飲話牢騷

有感

少穆云亡後潢池氣倍道亭無周顛泣天發杞人憂  
火銷東鄂樓船下石頭陸沈真怪事誰為理神州

七月館中病臥

七我齋詩稿卷上

哭

連綿寒雨夜淒淒風響檐牙月易低獨臥帳中誰是伴  
青燈共我紙窗西諸門人皆往應試

悲小僕琴童

從我多年險不辭病中出壽尚忘疲如何一卧歸黃土  
此後相隨復喚誰

病臥館中三胞弟蓄急出看侍孤身客館微弟來

予其憊也

慘中屢有呼天語痛裏時聞喚母聲豈料孤身獨卧處  
忽然見汝遠來情百年信有真同氣九死今蒙已再生  
對歎歎焉自禁夜深猶倚舊燈檠



內人阮氏 聞子病勢沈重日夜哭泣風雨中乘輿

而至服侍半月接子而歸詩以慰之

百里風兼雨心驚路轉輕涕零連夜苦生死兩人情柔  
順信吾偶惜憐惟有卿歸與今計決相與慎平生

病中送胞弟藩堂弟芳應郡試並示及門諸子

纔經歲試復科試休讓他人獨占先好去背城憑一戰  
須知刻楮已三年文宜求健莫貪冗篇貴速成毋漫延  
藤仗一枝扶我處摩挲病眼看高遷

病中得適趙氏妹之訃哭之

接得哀音近二更舉家悲慟夢魂驚何堪病裏還增痛

廿我齋詩稿卷下

哭

况是愁中更愴情去小僕之書寫大雷空有寄絮吟白

雪已無聲獨憐柔順幽閒實愁苦年年了一生

永夜傷心徹五更悽迷忽被曉雞驚遲生祝汝留斯憾

守死無人太不情木是女貞原有信禽鳴姑惡久聞聲

未知坦腹東牀客游蕩曾能過此生

贈浙江醫士吳太和

季子家風愛遠遊滇南風景幾勾留却來越賤極邊地  
每憶胥濤八月秋活世有方醫者意回春在手病斯瘳

慚余虞荷刀圭贈駟牡聊當縉紵余贈以駟

余四十晉四矣百無一就戲集數日字自嘲

強仕光陰又四期邊陲萬里竟安之十年苦被虛名賺

一著先輸得子遲心緒恆縈八九轉鬢毛新白兩三絲

六張五角蹉跎甚便到七旬亦可知五日遇角宿六日

人已有人此說

自禹王宮移館和順鄉毓秀山禹王宮俗名麻城寺

別却麻城館來登毓秀樓山迴天馬足瀾障大盈秋文

字平生事功名百感愁胸中何塊壘濁酒可澆不

樂此英材輩雲梯好共登石撐寒士骨房點夜書燈風

撼樓三面天高樹幾層雪泥鴻爪印聊又記吾曾

鎮日當窗坐披襟一笑中鶯啼山徑雨樹響石樓風豪

廿我齋詩稿卷下

幸

放排三雅牢騷送五窮古今相感處應得幾人同

散步林皋際優遊興自道書中頻放眼天外試昂頭鳳

嶺凌霄起駒光逝水流足音誰過我空谷小句留

懷堂叔時齋師師名傳鶴歲貢生時將近七旬猶按徒於南甸營

垂髫記得影亭亭詩禮追隨此過庭弟子而今頭漸白

先生自昔眼光青歷思往事皆陳跡豈意稀齡尚授經

安得東脩珍儲足家眉怡養免勞形

解館歸與諸子誌別

僑寓禪栖境不諱硯田終歲課生涯愧無好句堪呈佛

為念高堂更憶家門外頻嘶將去馬階前猶灑自我花

臨歧我有關心語努力青雲惜歲華

太平鋪山行

太平風物望中收山自青青水自流莫怪雲煙歸脚底  
此身原在萬峯頭

初經惠人橋三首

高崙截斷怒江風補地才能補化工十載精心役萬石  
中流砥柱鎖雙虹全收瘴雨蠻煙氣定見生民濟物功  
我是初經雲路穩朝宗會指海南通

前濤初起後濤催亂石驚灘岸走雷一虎波中分水立

雙龍雲裏跨江來濟川須仗迴瀾手題柱爭誇獻賦材

廿我齋詩稿卷下

至

駟馬高車程萬里長途風雨一鞭開

百年聲教洽邊陲萬里天南天外州勃勃文章多士氣

沈沈鐵鎖大江秋幾人躍馬爭先道許我登龍據上游

寄語後來安穩過不愁十月草交頭

明詩臺

張禹山先生讀書處

七齡說史好丰神先生七歲時大學士楊廷和及其弟廷儀數人集乃翁南園先生宅分韻賦安石榴詩有拈得張字者咸以為難先生生在旁日何不用張騫故事一座大驚鬢白張公亦感春地到西南誰作者天教風雅改斯人新都以外無知己子美云遙此後身只道高臺樓海客高臺今日又沈淪

沈淪

法明寺有感徐武功有貞謫金齒時所寓

疏河井井見經營誤學天文附石亭半夜鐘聲迎故帝  
九隆僧舍貸餘生雲橫萬里鄉何處斗轉三更寐不成  
莫是懺愆兼悔過功臣西市死無名

登叫狗山皇閣

振衣直上峯頭閣放眼乾坤快遠遊夾道蒼松石磴路  
繞林黃葉響聲秋隨風咳唾諸天落健筆煙霞萬里收  
不辨齊州青九點人間何處是瀛洲

過天生橋

抱洱西奔百里長段蒙會此作金湯天生片石為關鎖  
廿我齋詩稿卷下

至

地望中原尚渺茫過峽蛟龍雷起蟄濺梅珠玉雪流香  
橋下水珠噴濺望之如乘槎須是瀛洲客帶得仙風過梅葉千枝謂之不謝梅

點蒼

龍尾關望感通山山有楊升菴先生寫韻樓

天塹關河勢壯哉鼓鐘天際見樓臺萬餘里外雄心在  
十九峯頭霽色開波浪湧將蒙段去版圖闢自漢唐來  
名山也要名流助千古樓高寫韻才

沙橋見同年楊崑峯字和壁間韻懷之

不上高樓不賦詩昂然天外舉頭時何年太史留真跡  
萬里長安憶故知遠道夢縈江北柳春風曲聽鎖南枝

爲君對月頻呼酒幾日螭螯手共持

呂合登呂祖閣

金丹何必誤先生昔人有咏呂祖詩云未必無心唐世界金丹一粒誤先生劍氣橫空鶴一聲邊塞豈能留上客蓬萊高處早題名

楚雄弔楊文烈公

流寇披猖踵土酋天傾遙淚灑神州將軍忍死要三約帝冑無歸借一籌爲憶長城西時日那堪瀕海碧藏秋啟明橋下潺潺水激起哀音哭未休

響水關

雄關鎖不住寒流日夜潺潺送客秋地籟細含天籟遠

十我齋詩稿卷下

五

水聲清帶雨聲幽山家風景忘雞犬人世塵埃一馬牛何似移情瀛海上管絃雜奏到瀛洲

喜晤同年李蘭坡

羅衣同換步蟾宮離合萍蹤類轉蓬千里迢迢如皎月八年落拓幾秋風征鴻信早先期到來鳳人常有夢通相顧莫題煩苦事見君不覺喜融融

春風桃李爲誰栽首營花看幾度開我數艱難場裏過

君眞辛苦賊中來關城赴省遇賦行李一空頻年否運今當脫萬里

亨衢喜共陪紅杏霓裳天上聽一吟佳句一徘徊南坡

送余南旋詩有云園杏紅時南坡

臣記取同來天上咏霓裳

點道

君問點中道崎嶇不易攀雨聲花市鋪月色草塘關白尾鋪青石荒城隱亂山壯心看佩劍肯待鬢毛斑

荊州懷古

漢土何須借辭吳語竟差干戈連二僭事業隘三巴人飲千秋恨江淘萬古沙從來人馬地空剩渚宮花主少倚賢相國貧謀富強老臣持大體恩詔下三章疑與譚桓召功爲過所償寢邱封後嗣空羨楚莊王

襄陽懷古

放馬荆門訪漢東銅鞮聽唱大江風無多歲月千秋後

廿我齋詩稿卷下

壽

幾許賢豪亂草中史筆應推習鑿齒書家爭羨米南宮峴山我過無閒淚今古遺遙迥不同

鵬頭一水綠油油堤北堤南可詠不漢積秋陰朝抱甕

鹿門春雨夜歸舟詩懷酒債從誰後帶水襟山據上游

祇有讀書臺畔月幾經照見古人愁

卧龍岡

紛紛割據幾侯王誰問高光舊版章帝冑立錐無片土先生抱膝有高岡龍雲契合眞伊尹魚水君臣矢子房何事西風吹五丈不教歸卧老農桑

汴梁懷古

檢點籤文浪費猜殿前日日待香孩如何帝服加身後  
不見遼兵入寇來五季八無真主出上蒼特遣太平開  
藏盟遞禪何曾誤誤是當時趙普陪

結連外寇拓遼疆透引羶風入汴梁十萬女真高飲馬  
兩朝天子此離鄉空懷壯志悲宗澤枉有奇才負李綱  
剩水殘山圖畫好六橋歌舞老錢塘

黃河

一曲一千里滔滔萬古流日邊奔海口天上有源頭禹  
績勤疏鑿仙槎泛斗牛澄清當盛世順軌過中州

湯陰縣謁岳廟

廿我齋詩稿卷下

羹

屯政艱辛闢草萊朱仙雲護戰場開將軍自信仇堪滅  
宰相誰知敵縱來一德闔開南北定十年功棄古今哀  
憐他父老中原意雪窖時時望鶴旬

剩水殘山感不禁偏安事業總銷沈魂歸故里千秋廟  
淚隕朝天一曲吟雲旆在書忠盡字金牌灰却戰爭心  
風波亭上須臾事古柏回頭恨到今

銅雀臺

電掃中原氣壯哉當年銅雀湧高臺一家文字摩詞壘  
絕代奸雄祇霸才夜夢豫徵三馬兆東風不送三喬來  
最憐天遣生衰亂未作能臣實可哀

百尺歌臺倚白雲當年草劫事紛紛山河破裂三分鼎  
鞍馬餘閒一論文天命既希周穆考墓門誰表漢將軍  
憐他諸妓憑闌望疑塚何從認是君

石將軍戰場

土木蒙塵日將軍曠世豪清風鳴火鼓腥血洗霜刀虎  
子衝鋒入羯兒棄馬逃奪門何跋扈空負戰功高

沙河縣大風

白日去滔滔平林萬木號風迎人面撲沙捲馬頭高馮  
客餘長缺蘇卿有敝袍鼓琴人不見誰爲解牢騷

昆明秋感

廿我齋詩稿卷下

羹

天討張皇欲枕戈粵疆烽火近如何憂時不少陳同甫  
報國誰爲馬伏波城下請盟憐將相軍中輸幣整山河  
從今莫問防秋事高枕琵琶夜聽歌

旅邸歸來秋感深漫言無病強呻吟關河草草勞人賦  
歲月滔滔志士心黃菊半開惟向日白雲再出許爲霖  
昆華便覺家鄉邇酌酒臨風思不禁

浪走天涯願不如春明回首倍踟躕千山泥雪留鴻爪  
一劍功名愧狗屠對酒懶開循吏傳立堂先逢人先訊  
故鄉書遙知此日西河裏白髮扶藜暮倚廬

贈戴笠堂先生

剡溪一曲靜沈沈有個先生隱處深奪席當年推大手  
碎琴此日謝知音高山流水移情曲露月光風古道心  
莫怪著書忘歲月壘篋相和自惜情

萬里歸如不繫舟便從雪夜小句留青雲路上懷知己  
黃鵠山前憶舊遊夢草詩成添一語采蕭人隔幾三秋  
雙柑斗酒相隨處不羨人間萬戶侯

贈陳漫叟名體元號五嶽廣東順德縣人任京官  
有遊山水記五嶽遊草記頗似柳子厚詩近唐  
音名士也歷余於昆明旅次夜談數夕相得甚  
歡索子  
留贈

大風捲海氣泱泱海客逍遙鬢已蒼五嶽春歸名士履  
廿我齋詩稿 卷下 卷

廿年夢冷薊門霜第逢勝地留青眼剩有奇詩貯錦囊  
我亦江湖豪放慣天涯初見米元章

漫叟有昆池太華之遊約余同行余不能從次其  
中秋宿板橋二首韻送之

送別孔璋行扁舟柳岸明華山天半壁昆浦月三更警  
句驚山鬼澄懷無世情當風縱遐想還似五雲程

碧曉山下泊船宵萬壑松風起暮潮絕似扁舟赤壁夜  
有人曾否和吹簫

丙兄阮琛送余西歸騎馬相易而行口占  
輿內何如馬上行一鞭搖曳四蹄輕據鞍頓覺雄心在

免使勞人髀肉生

經靈官橋

疎柳短橋橫朱霞關晚晴霜濃鴉鼻色風響雁奴聲  
遠非關懶山多轉愛平那堪年一稔猶此事長征

沙橋曉發

雞唱沙橋月催人不肯停涼秋過白露歸路指青蛤夢  
覺嫌宵短寒深逼酒醒此番行道苦何事不曾經

雲南縣道中

勞薪炊米幾經年迢遞關山已八千青草半枯鷹掠地  
白雲倒捲雁書天也知事要隨緣好一任秋歸在客先

廿我齋詩稿 卷下

乘

三寸毛錐三尺劍風塵伴我五湖邊

花橋

秋老花將盡歸鞍匹馬聞鶯聲爭曉樹人語響空山草  
榻宵堪臥柴門夜不關黃英莫笑客萬里帶春還

梯雲小徑 卽永石坎

五丁開不到奇險扼哀牢野水爭流急懸崖人仰高天  
驚頑石破人踏彩雲豪我亦登臨客乘風一叱鷲

寄戴古村先生

草草詩壇幾度歌盈江翠海悵關河君今不仕爲高耳  
我欲從遊奈遠何修月有方須借斧宗風提倡昔傳歌

十年弄翰無佳什寄與先生字字磨

廿載青氈坐擁寒九龍池畔老吟壇生花筆下空餘子

劉寄菴先生刻滇南五子詩古村其一 晚翠詩成壓建安無忌聲名尤酷

似詩古村之甥也 元方兄弟並稱難謂立堂先生 何時倍是

思君處太華峰頭月影圓

### 懷鑒堂師

絳帳收時快宦遊江從拈拍泛扁舟久無鯉素通征雁

定展鵷才論買牛千里關山迷劍閣五更風雨夢刀州

訟庭花落尋常事想為蒼生白了頭

### 別閭族

廿我齋詩稿卷下

五

再拜尊前走異鄉舉家相送繫成行族蕃始信宗功遠

酒熱頻添別緒長培養儘多佳子弟平安遍祝好春光

清風自有吾家傳要以循良答聖王

聞邸抄知刀承緒見獲喜邊患稍紓然刀鴻緒固

在卽刀氏遺族實繁有徒處置未善事未可知

既喜之復憂之也

南顧時塵聖主憂逆裔西竄已經秋千家灑盡流民淚

萬里看傳豎子頭改土人思鄂相國平蠻戶祝武鄉侯

籌邊大手今奚似鎮日羈懷涕泗流

滅叛誅狂有舊章天威從古振殊方未聞以叛封恩任

豈有因狂赦夜郎網不妨寬休縱尻牢猶待補鑿亡羊

麓川故本難重畫早為羣黎定井疆

舟經滬陽嘉魚等處千里民居胥為水國慘然有

作

豈料逃亡初復後又驚滄海變桑田狂瀾既倒誰曾挽

赤子漂流最可憐萬灶烟沈蛙產日千村食盡菽為年

歸舟歷指經過處一念斯民一慘然

### 登黃鶴樓

鶴踪一去古今愁如此湖山如此樓風景收來全楚月

笛聲吹裂大江秋晉唐幾日皆陳跡瓌穎何年紀再遊

廿我齋詩稿卷下

五

我亦有拳槌不碎攜樽酣飲最高頭

### 登岳陽樓望洞庭湖

獨上重樓上秋心滿洞庭天鋪平水濶雨霽一峯青元

氣浮今古孤帆入杳冥晚來長笛倚驚起老龍聽

### 泊君山卽岳武穆破楊么處

兔窟重湖繞陰晴起大波將軍天上下慕義賊中多搗

穴操神算如期奏凱歌十年飛不渡飲恨是黃河

### 辰州夜泊

鳳凰山下晚舟橫此夜鄉愁百感生屈指歸程天萬里

秋深猶此聽灘聲

上灘

抱石驚灘轉迴瀾水亂流水奔如急箭灘吼欲吞舟力  
盡千篙響功歸一纜收衝波直出險風靜芷江頭

聞雁

西風一夜滿關河木落南歸水始波夢裏不知征路遠  
一聲清響客愁多

詠劍

多年紫氣貫豐城啟匣摩挲壯志生颯颯英風寒起粟  
沈沈秋水靜無聲千金肯為私恩用萬里如添健僕行  
倘使提攜天外倚人間應少不平鳴

廿我齋詩稿卷下

三

詠箭

一發從來誓不虛強弓相倚效驅除莫辭豺虎當途日  
况是英雄入鼓初裂石難尋飛將鏃圍城猶待魯連書  
紛紛猛士凌烟閣大羽腰間歎未如

詠馬

方瞳健步孰憐沙伏櫪年年齒漸加不遇九方留巨眼  
誰知千里在吾家秋高大漠思邊草春滿長安踏杏花  
頽利未擒關月曉馳驅應許到天涯

詠燈

白日昭昭去不禁短檠相對此披襟雖無喜事花常遊

得似兒時味更深祕省分來仙仗火殘編照見古人心  
唯他釋子傳燈偈苦向長明界上尋

橫江詞

白浪排天起輕帆疾鳥過郎知仗忠義無復畏風波

復教讀於中天寺

仍是初禪地重來有所思竹支前度榻花放去年枝舊  
雨無多日春風隔幾時老僧應笑我呈佛又吟詩

楚霸王

蓋世英雄氣龍文鼎獨扛天心歸赤帝霸業冷烏江駿  
馬酬亭長嬌娥步楚幢憤王祠下水遺恨捲奔瀧

廿我齋詩稿卷下

三

虬髯容

大有驅除志寰區暗相人神州知有主烈士乃抽身拋  
却關中地來尋海外春始知真俊傑未肯老風塵

毛生

月白西江夜青天眾容遊笛聲奴召寇鐵傘客登舟武  
擅無雙技文羞第二流飄然終一去或向扶餘求

檀木寨

一碗水清漣羊腸繞可憐已經三折嶺別展半重天簞  
古封喬木林疏出曉煙此間風氣古勤儉總陶然

網匪距城追理禍首被戮者六人金易高甘張皆

罪魁也

誰云天道遠報應果難違  
狼狽失依狼勢狐曾假虎威  
蒼生既貽誤白刃盡同歸  
多少憂時淚非緣此輩揮

野人

野沽真無賴山頭一釣船  
房留豬嘴樣路索保頭錢  
畏鬼椎牛祭圍爐傍犬眠  
此行殊俗見聊以記詩篇

接門人李大森許璜尹其超許琇之信已同出避  
亂由弄璋入新街喜而有作

一自城墉陷師徒各一方  
忽傳鴻足信共脫虎牙疆  
門解三冬雪途增兩鬢霜  
前程須自愛亂定好還鄉

廿我齋詩稿

卷下

三

檄六土司合兵討賊得干崖司刀如玉報書已悉

發六司之兵出紫茂福猛宋並訂會師喜而有作

自從兵失利養晦到今茲  
電發干言檄風行六土司  
連縱同報國伸義大興師  
况說天戈指懷哉政後期

癸卯北上過貴州道得句云樹大經霜早山深見日遲  
因悟曰余係入京大比何遲之有遂不續

成既而大挑引見已見日遲矣又截留回籍仍  
然遲也還里即奉內諱又奉外諱潦倒十七年

皆此二語為之識也今續成之

憶走黔中道吟哦得句時  
一行思作吏十字已成詩  
樹大經霜早山深見日遲  
何當氣霧盡重有見天期

哭尹果

一別成千古哀哀我碩人  
老兄亡一臂故里不成春  
黃口拋雙子蒼顏棄老親  
修文雖有詔迴首定沾襟

林間閒步

寄跡幽閒地遙瞻一出門  
山高虹跨帶石穩樹盤根  
晚翠東西嶺晴嵐左右村  
賊氛嫌太逼守望正須論

見秋聽

綠暗紅肥處秋聽笑語譁  
拋梭鶯度柳弄剪燕穿花  
月廿我齋詩稿卷下

白沈沈院春藏小小家  
所嗟烽火近莫作太平誇

龍陵游賊數干突據蠻東  
徑逼灣中實襲檀木寨  
檄各處義勇奮擊破之

遊寇實難制惟資眾志同  
妖氛逾口外勁旅下灣中  
扼險鎗騰火衝鋒槩舞風  
還須乘破竹寅夜搗蠻東

阿瓦除夕

異國逢除夕勞人感倍深  
一年餘此日萬里起歸心  
歲假杯分飲霜防鬢易侵  
天戈間已指遜聽待佳音

緬甸油井

水井鹽池外奇踪細細搜  
鑿池疑見水出地乃成油膩



與泉俱漲膏從土內流如斯肥沃土惜矣落蠻陣

古永劉資美大捷賊帥蔡七二伏誅並斬賊數千

喜而有作

一月聞三捷羈懷喜欲狂古風傳古永擒賊貴擒王屢  
控回鋒銳能增漢氣昌老夫閒不住躍馬急還鄉

寄懷黃矩卿家宰

萬里歸京關他人勇不如遙知千里信難寄一封書白  
髮遭兵後丹心入仕初哲人憂遠徼急與救鄉閭

明知方與乃弟映璜同匿予宅小有參商以詩悟

之即用韻樓慰知方原韻

七我齋詩稿卷下

奎

識得天倫樂家庭趣最濃燃箕嫌太急春粟翼相容本  
是交柯樹休矜獨秀松烽烟週數載雨雪過三冬願假  
辛酸語聊當午夜鐘姜家同大被何氏各名峯此日雙  
飛雁知誰後化龍前程期努力馬鬣未曾封

被劫村寨

頽垣壁立舊時紅十戶鄉人九戶空榛莽不堪流覽處  
無多老樹起秋風

自城失陷不知曹韻樓消息聞其家已燬於

賊爲之一嘆

春天樹隔暮江雲逝水光陰日易曛聽說巢空室又燬

一聞風雨一思君

再升

飄然遐舉五城遊壯行關山好放舟兩岸順風停不住  
計程想已到江頭江頭城

蒲甘君訪少年遊我滯關南不繫舟相約相乖相憶處  
也應一憶一回頭

十七練六士司均屈於賊賴古永一練久戰不屈

有監生劉光煥稟生梁大士主持拒賊並練頭

李德增力扶漢志倡舉紅旗之首也

世乏英雄豎子狂區區古永足知方伊誰馭得人爭死

廿我齋詩稿卷下

奎

一個劉生一姓梁

李子英英氣吐雲前身合是小將軍而今一旅縱橫處

百戰功成合讓君

君居古永戰場開我發諸司馬上回兩路夾攻須記取

他年共奪賊城來

樹頭酒此種產樹名時莽狀類櫻葉亦似之結子  
時取其子入地窖長芽三四寸味甘似荔枝

許每株十餘梗不等初取服之味甘似白汁碗

又越半日帶辣味隔夜則帶酸矣蒸之即成沙

糖飲醱爲酒以水漬之投以藥皮六七日後之

卽燒酒矣味亦與米酒不大異其葉可  
爲字根可爲壽夷太謂之搖錢樹云

何須藥費搜求天樹釀醱出頭一味清甘喉吻潤

引人徐作醉鄉侯

除夕守歲小飲

家家爆竹響連珠伴我今宵守歲除  
我懷猶待免還株商量欲祭詩千首  
次第頻分酒一壺  
痛自老親仙逝後輪年最後飲屠蘇

知方見和壘前韻復成一首

燈光鬪彩藥成珠兀坐終宵歲已除  
秉燭何當三萬日  
栽松欲滿一千株  
寒深可禦惟詩酒春早應先讓嶠壺  
靜待新年增瑞氣豪吟誰更繼髯蘇

讀鄭使流民圖疏

七我齋詩稿卷下

卷下

青苗肆毒禍無窮安上門監疏最工  
甘雨應期二日內  
流民盡繪一圖中  
鬻妻賣子由親目代棗  
掖廬達聖聰  
何以孤忠人在望依然一拂老闍東

歲荒

慳風澀雨逼年荒禾正青青米價昂  
雁戶捐餘長珮璫  
蝸廬點盡嫁衣裳忍聽戢羽嗽中澤  
難望因陳出太倉  
平糶居然仁政美斯民已被惠無疆  
明總戎勸富室捐資實穀平糶

入小蘆廠

高曾遺產萬山中鳥道盤旋曲曲通  
少婦驚猜誰地客  
老民拜識主人翁  
淨廬掃榻情真摯執不烹鷄饌倍豐

得似桃源堪避世此間我亦欲芟蓬

予友曹韻樓與予負性耿介往往取忌於時流而

均不能改也以詩贈之

時輩紛紛作尹邢  
蛾眉詵詵豈堪聽  
君不飲食泉水  
顧我難當處士星  
豕到遼東頭盡白  
馬空冀北眼誰青  
如何共此杯中物  
祇用沈酣不用醒

韻樓見和復疊前韻一首

人才聚散疏推邢  
邢子才高宋人  
侃侃敷陳仔細聽  
太息光陰流似水  
任憑風雨好從星  
一官小縣花當種  
三  
月長亭柳正青  
擬欲羊城觀海去  
與君把盞醉應醒

七我齋詩稿卷下

卷下

永郡不守賊兵指日到騰為總戎者不秣馬厲兵  
背城一戰而聽宵小之謀為降賊之計新尹不  
能與之爭况予僻處遠鄉投散置聞之紳哉惟  
嘆奈何而已

嘆奈何而已

太保峯頭殺氣多  
筆鈞古跡暗銷磨  
既無萬斛珠泉水  
何待雙江橄欖坡  
賊勢殆將山壓卵  
我曹宜效枕眠戈  
投聞置散忠者悵  
望龜山喚奈何

劉李二將各有短長

九月寒霜未授衣  
執父子弟且依依  
天威萬里無消息  
主將誰  
何是非  
李善撫士卒招來六司會禮備士  
其長而剛復自用言大而

今短於筆畫劉嚴整步伍勇於決  
戰人所畏服而慢士不禁據掠  
和戰分途安足恃貪  
廉異致欲誰歸鵬搏九萬風斯下更向扶搖上處飛

九月祀斗於香雲寺

稽首璿宮孝弟王璠階風嬈御爐香九天元氣通閭闔  
一點丹忱達昊蒼徐相禮餘雷解厄聖經告就玉呈祥

東人杼軸今全匱庶憫斯民潔酒漿

可憐坡名在河東子因避亂東山經可憐坡感此地  
痛兵興來文武官以干戈為兒戲鄉  
紳以清談為嘲略真有最可憐不  
勝憐者成詩十章以代哭云耳

誰把坡名號可憐可憐世事日推遷自從烏隊隨車口  
月樵玉司馬迎春之日有便是青羊換劫年熱血一腔  
三豕隨車人皆知為不祥

廿我齋詩稿卷下

無酒地孤城六載有何天傷心歷數從前事縱極傷心  
也枉然

人之患在好為師二五資緣共耦時坐擁皋比頗竊勢  
術工煬灶使行私禍機暗自要盟發金易二子為利柄

全歸主局持破壞騰衝無限事爰書首定罪奚辭  
此金澤易慶雲自掌書院義學朋比為  
奸燒香會盟釀亂而身不免之可憐

清廉共仰月樵翁變起蕭牆四野紅徒有市兒供問計  
更無國士與和戎沾沾自喜才終弱察察為明耳不聰

心血剝枯旋目瞑可憐雙樞在城中  
此廳牧秀毓王公偏心任性  
卒無成功夫婦雙歿之可憐

人人自負智囊公百萬金錢撒手空竟日清談窮措大  
一籌莫展甚無功干戈久視為兒戲席稿惟知拜下風  
不見長驅賊隊至紛紛叫馬萬華東

百雉金塘一鎮兵三千鐵脚虎賁營地原塞要雄邊服  
土負強梁敢戰聲頗奈武官先惜死豈惟哲婦乃傾城  
乞盟不識春秋恥私通將軍作主盟

降書密遞馬家村逃聽隆城便斷魂封豕長驅無斥埃  
多魚早漏好開門蔡姓奎姓早在城中作賊內應全灰義士勤王志糾

廿我齋詩稿卷下

義勇千餘古亦烈尤喚亦糾干餘辜負朝廷蔭子恩昔  
將出救援忽聞城陷人心遂解

者責人今不恥可憐節概已難論  
此總兵明應權知淮  
備開城降賊之可憐

壯心捧檄赴騰陽開道蕭蕭賈客裝來暮久思廉叔度  
驚心沈諸梁背城將卒無同志用武英雄少戰場

慷慨而來悲憤去死官終愧下堂張  
此新牧力塘周公到任  
未久而城失之可憐

如熊如虎氣桓桓一片降幡曉角酸大帥生心迎賊虜  
全家死義出卑官名香豈在留殘骨論定真須到蓋棺

我亦區區懷節概為君揮淚未曾乾

此經歷張紹平全家死節之可敬而兄妹同穴又可憐也

兩江天外劃邊州識語喧傳未解由不僅馬家防渡口

真成筠竹已低頭諺早有謹防馬家渡口之語又云筠竹低頭籬母竹也低頭真識語也

小人早遠無今日大義重伸待後籌匹馬蕭蕭山半路

酸風澀雨不禁秋

平生素不乞人憐說盡堪憐意倍煎已覆全無乾淨土

重恢須望好還天彫戈枕處何時旦寶劍看來抱月眠

欲喚劉琨同起舞雞聲催唱旅墻邊

此二首則自憐也

前送回婦於馬家村李實生有詩和者甚美皆靜

廿我齋詩稿卷下

主

雅之詩予依其韻追和之

不為蛾眉穰禍胎快僕夜夜望郎來水成已覆君何憶

鏡縱重圓妾更哀黃口雛拋猶戀樹青陵夢續恐無臺

漢濱游女知多少誰憫思家淚滿頤

一自乖離脫鬼胎鬼胎見元史他生未卜此生來求將故劍

情終切還爾明珠事可哀桃葉人歸前日渡巫雲夢返

舊陽臺料應如意頻舞懶隨無須補破頤

換骨何從况奪胎漢江游詠好歸來飛花流水無情緒

落月啼烏也夢哀期迨探梅求庶士陌迎楊柳感章臺

相逢點點桃花面誰損霍家小玉頤

哭李實生先生

七十衰翁何所求危城久陷不歸休諒為烈士無降理

幾泣新亭作對囚北海干將拌見折衷弘碧血竟誰收

西州門外傷心地野草飛紅滿地愁

甲鹽井訓導線若堂若堂名如綏潞江土司子章之叔也子章以殺賊實又率賊以攻

止之子章於名輔叔以殺賊實又率賊以攻

叔空毫一破若堂之妻女婢僕五人均赴江死忠孝節義兼之矣以詩美之却寄若堂

叔心歸晉姪歸秦涇渭分流各覓津守土已亡先世土

斯人不愧讀書人臣知報國奴知主妻死緣夫死親

忠孝無慚節義備一門四美萃君身

廿我齋詩稿卷下

主

登巨石關望緬甸

立馬峯頭望眼空振衣颯颯舞天風雖分內外華夷界

總在乾坤覆載中一掌平原看隱約幾條遠水映空濛

普天皆是皇家土何日車書會大同

尹維新已帶兵攻芒市被回誘而殺之悲憤而作

壯健曾經百戰雄提兵北勦又援東如何撒手疆場外

又入奸謀籠絡中一著既差成覆局百年貽誤怨西風

聞音翻恨吾緣淺不及頻收指臂功

發書約六土司討賊

土酋尾从大於身掉轉頻將禍福陳請救誰曾為李萼

合縱我欲效蘇秦事關一郡諄諄說紙盡千言字字真  
翻恨年來多梗化高牙大纛爾何人

各土司竟無回書致矢機會憤極而作

報國何奢望土酋長言太息竟當休吾人豈是為身計  
豎子原來不足謀三尺法成憐狡兔一冠加處笑猿猴  
試將芒市還相較愧殺鬚眉遜女流

諸土司無不降賊惟芒市土司放某祖母衍氏深

明大義誓不降賊屢戰告捷以詩美之

各擁雄封各子民誰知芒市女流身上司盡餒無男子  
兵氣能揚護婦人洗氏多才宜寵命秦家敢戰欲回春

廿我齋詩稿卷下

縉紳無數鬚眉容合向裙釵拜後塵

晦跡猛武日間無事取所集右軍聖教序日臨數

紙

鳳凰出去復歸林兵未失利之先祈得鳳凰晦跡窮山

莫厭深未暇會商謀大舉聊憑臨晉耗雄心喪成片片

皆為腋墨洒涓涓亦值金擬待揮毫書露布關河飛遞

馬駸駸

得報六土司之兵屢得大捷喜作

賊與諸司久戰爭賊風不競臂空撐既揮弄掌兼蠻掌  
再捷新城又舊城縱不行間親決勝也憑紙上數談兵

枕戈儘有英豪輩準備重圍下甸營

國家養士二百餘年不為不久文武兩庠三百餘

人不為不多率皆俯首順賊其頑鈍無恥者反

倡為達時務之說効力奔走不亦羞朝廷羞學

校乎惟子與劉光臨李珍國文生楊玉藻張蔚

文武生段明川不量力不識時務與賊相拒助

者寥寥良可歎也

養士深恩二百秋無端鐵馬壓邊州逢人便殺真無賴

報主何遲亦可羞既少名材支大廈最難隻手障東流

誰憐固執虞農子且有同袍舊姓劉

廿我齋詩稿卷下

營中作

往事東隅莫再言依然蟻聚又蜂屯滔天賊子無君國

射石英雄起將門曉閣吹開霜月朗銅鉦擊散陣雲昏

祇今休聽和戎計努力戎旃報上恩

哭時齋叔父師名傳鶴貢生

冠冕西南四十春一朝撒手脫紅塵古稀已過何須憾

垂老無歸轉寄人不為兵荒安至此只緣室燬痛彌真

傷心弟子雲山隔空悵雲山淚滿巾

劫際紅羊何等春輻輳起輕塵先生既往歸黃土

弟子安從做哲人痛比西河一至再先生嗣子心生米

夢遊陰府幻成眞如何多少執經者不見靈前者白巾

七村

聽說七村多苦情女休絲織子休耕無非報國兼謀食  
纔了爲夫又換兵須憫西南民力盡好防密邇盜心生  
區區獨抱憂時志莫道迂疏不可行

各家部曲專挾順回之故焚戮漢寨心實痛之

免得回侵被漢侵怪他婦女淚涔涔長槍大戟民何罪  
暴雨狂風地亦陰兵事縱然關劫運人爲胡不體天心  
年來里閭凋殘盡蓄得愁來海樣深

海忠介公墨蹟

廿我齋詩稿卷下

畫

峯排五指插青雲閒氣鍾靈自不羣上殿陳書頻放膽  
小臣繫獄總懷君直聳震處權奸懾清節揚時婦孺聞  
翰墨流傳雖細事古香古色最繽紛

金多堰觀西洋火輪船二首

久聞海客御天風奇事重出不出窮水火兼乘一竈裏

丁壬總會兩輪中疑綠海比機先發明鼎革後海忠介

按週天二十八宿造船一復復游海翻覺楊家製未工

外天行記備載之洋船其造製近見孤帆發粵微

揚大據洞庭會造輪船其行如飛但

後以人力踏之此則不假人力也三旬徑抵五城東  
火間使水水生風相激相乘御不窮一氣流通鐵柱內

雙輪飛輓浪花中全憑巧力非帆力信有人在奪化工  
亦欲浮洋觀日去仙槎直指大瀛州

自緬甸反騰留別親友家族六首

不是書生好玩兵迤西一帶鮮堅城狂瀾既倒無提障  
大廈將傾要木撐乏術點金誰受甲有人睨酒又呼庚  
憂心孤掌難鳴處且趁鵬風發遠征

妖氛毒遍古梁州驅馬西南地盡頭壩望野牛山嶽嶽

輕舸一棹下新街問訊江頭接馬來皆緬甸波濤曾悲

峯高亦壯遊雨雨風風蠻莫道平川煙樹一江秋

廿我齋詩稿卷下

畫

前代蹕歲波準乃永歷王金沙莫訪大刀臺劉綎將軍

將臺於金沙江孤帆迅駛雲山立壁壘荒涼鼓角哀舊

是公侯征伐地一經行跡一徘徊

五城親故說相思更有宗人企望時自廳城陷子決意

已四年矣覲面蒼鷺驚我老連年辛苦訴君知干戈

潦倒無少息食餉疲繁兩不支匹馬瘴鄉頻借箸倩誰

籌畫整歸旗

雅荷諸君共挽留每因風景每生愁枕戈數載空飛檄

擊楫中流乃壯猷肯爲徐公書紙尾也憐內子唱刀頭

却懷旅況交繁處別有心期敢便休

炎風異域久流連腸斷關山隔幾千客路難於船上水  
歸心急似矢離絃皇威遠佈聞邊徼劫運潛消額上天  
遍語同人皆自愛烽煙淨靖好歸田

舟中午行風雨雷電驟至

黑雲黑地黑重重天矯金蛇黑處衝風竅怒號濤萬頃  
雷聲疾送雨千峯我憑忠信催雄鷁天欲江湖起螭龍  
等待春耕霖澍足祈甘應候慰三農

猛虎行

擾擾干戈無了期眈眈猛虎更難支吸枯赤子千家髓  
變盡愁人兩鬢絲明月恐無長滿候冷灰也有再燃時

廿我齋詩稿卷下

七

森羅果報冥冥在說與當權仔細思

天生橋

大理之天生橋特片石耳蓋兩山合攏水從下流行客恆於其上止宿便於園欄容

兩山攏處石鈎連石腹中應水下穿生就天然橋一座

合來孔道路高懸遙思粉碎虛空日莫問鑿開渾沌年  
擬欲拈毫題柱去高車駟馬快加鞭

仙佛

妄聽仙佛說因緣仙在名山佛在天不為貪生何祕氣  
正惟畏死始逃禪靈丹枉費千金訣舍利空留一榻傳  
豈似吾儒隨運轉春生冬斂任推遷

廿我齋詩稿書後

清咸同間滇回杜文秀之亂十有八年三迤糜爛滇人家自輸贖人自爲戰僅乃平之其時提倡號召治子弟兵結忠義社多章甫縫掖之士其幸而躬親戡定者什之一二其不幸而中道蹉跌者斷脰決胷者夥至不可縷數嗚呼悲矣騰衝尹虞農先生負文武才以舉人挑選試吏粵東居憂在籍兵事起光生倡其鄉閭子弟規戰守歷十二寒暑大小數十戰屢殄悍酋卒以僻遠無援孤軍指柱力戰死事著述散佚其鄉人李君印泉積年搜訪得先生所遺古今體詩都五百餘篇釐爲二卷

廿我齋詩稿

十

校刊以傳序述先生生平與死事始末尤詳盡印泉之志趣有足尙抑亦先生毅魄英光固自有不可磨滅者與同時賓川董馨谷先生家蘭泊軍洱東進規大理傀得復失爲寇所深憚不幸戰死吾家族祖冤亭先生瑛子敏堂先生慎言出奇計恢復劍川分攻鶴麗遙解省圍寇亦深憾之守五關月援絕復陷閣門自焚死皆賈恨與先生同而遭文湮滅余遍搜力索得者奇零不獲如先生之哀然成帙於讀先生集彌不禁振觸而涕下也中華民國紀元壬子陰曆重陽日劍川後學趙藩



雲南藝文書集部之六十六

水

子

州

道

冊

共一卷

雲南圖書館藏板

甲寅年刊

書先考補過齋遺集後

先君子三十有一而生小子孟賢小子生四十二歲而先君子達義今距達義之歲二十年始克奉先君子遺文編輯成書怠緩甚矣念諸弟昔年未及耆而卒倘夫不假年小子借諸弟後先殞殤是終不得編先考遺文以成書也怠緩之罪小子其何辭焉小子生三年而姚亂作則有代苴之行又三年而城再陷則有連河之避方是時小子七齡耳讀書未盈寸識字不滿千先君子苦心教育於播走靡定中得隙即授小子兄弟書講課之餘就案長吁取紙筆疾書數行書訖伏案微吟吟訖

補過齋遺集 書後

一

引火焚之或漬以墨汁投破書篋中小子請其故先君子曰童子何知安用問此又二三年小子漸解文義於先君子揮毫時竊窺之知書皆感傷時事請其稿祕藏之今集中所錄諸詩諸記是也亂平歸經數十年流離顛沛臨深履薄避汗就潔以成此皎然不滓之身物議題之眾望歸之於是門有造廬之車室集負笈之士乃以夙昔之所得於天而全於己本諸心而達諸事者詔示後進暇則筆之於書而杖履所經亦多觸景興懷之作小子收而貯之笥今春檢視覺當年患難追隨辟咎而詔臯比講學奉几相從宛如昨日事而小子之身已

忽忽六十有二矣念桑榆景迫不敢仍前怠緩遂依次編輯首性理次教育次詞章凡三卷當日遺稿想亦有為二第三第四弟所收存者今諸姪皆遠遊在外書笥封鎖無從檢查姑就所藏編纂成集為書無多而先君子生平信道之篤持節之堅於此已見其概小子既夙承庭訓今又編輯遺書先型匪遠其敢貪榮利而昧進退潰出處之大防以玷先人乎小子惕然懼矣

補過齋遺集 書後

二

180 7 45

李叔豹遺詩目錄

雲南叢書集部之八十六

石蓮齋詩草

寄家俞農茂才 相

龍泉觀蠟梅

海雲閣與馮讓泉朱子樾分韻得閣字

由太華將歸守風西岸

和張南邨憶龍泉觀梅花之作登海雲閣前韻

廢寺

先大人二十六峰樹木圖重裝成誌感

子輯兄忌日感賦

李叔豹遺詩目錄

西征曲

燈籠行和黃堯臣

次韻孫吉人定光寺山茶歌

綏遠將軍廢祠

懋歸化寺 時借吉人送讓泉歸

有感

俞農爲余寄到舊琴作此答之

高房山尙書山水障歌

晚晴

將軍夜宴歌

點蒼山歌送黃翊庭從蓉軒都督西征

次日與翊庭西別再賦

西山石室

宿太華寺

將之石城留別同人

蘭隱君祠

潁川侯故壘

與讓翁姊丈話別

游何氏園買梅二本歸值庭中用東坡松風亭韻

與堯臣南村同賦

李叔豹遺詩目錄

寄靜齋兄一首

上巳雨中

昭遠旅次

喜晤馮一齋太守一首

瀘州南定樓

雨中過黃草峽

涪州弔山谷先生

紅蓮

雨中燕起

秋雨不止有懷吉人保定之游兼前雲鵠兵部三

首

寄弟

經吹堂初稿

粵王臺歌

陸賈祠

書子輯元遺集後

石塘早秋東馮一齋

白秋海棠

天生關

書元祐黨籍碑後

李叔豹遺詩目錄

題浴日亭

虞仲翔故宅

六祖髮墻

登鎮海樓

珠江夜泊二首

峽山飛來寺

羚羊峽

過伏波灘

梧州懷古

泊柳州

三

泗城道中一首

老鷹崖

觀文信國書長卷

渭川千畝圖

仇賓父上林圖

盤江鐵橋歌

邏七星關

白河瀑布

百刻泉

奢音驛

李叔豹遺詩目錄

夜登甲秀樓

圖雲關

春寒

游黔靈山

東山來青閣

奉陪王葵庭年丈游清溪洞

金蟾寺

自證菴聽杜篤齋吹洞簫

夜宿自證菴二首

寄居感懷示蘭生弟

四

得靜齋兄書

次馬龍

甲子十月扶先子輯兄櫬歸葬祖塋追悼六章

過黃堯臣怡秋館

禹門寺

夜過雨樹村

送汪讓泉東歸二首

哭潘子光茂才二首

月下泛舟青草湖望太華未至

夜宿海雲閣

李叔豹遺詩 目錄

五

雲華洞

太華山大悲閣觀日出

高峴謁楊文憲公祠

送朱子樾歸石屏

送仲山夫子赴貴陽趙都督幕

夜檢先君子遺藁得過瓊州謁馬伏波廟詩凄然

有感謹追和二章

翠湖雜詩四首

春日展先大人墓

送楊靜卿丈歸里

送張心翁茂才赴京兆試二首

雨後偕家楷叔弟過翠湖小憩采蓮橋

題錢輔卿茂才家藏張雪鴻水墨畫冊

偕恆空上人過華藏菴訪釋得一

月夜懷劉大

龍泉紀游五首

龍泉觀

薛爾望墓

邵真人院

起雲閣

李叔豹遺詩 目錄

六

五老峰

就西軒梅花

夜宿龍泉西樓

龍柱與舜臣吉人同作

游龍泉歸有作

月下與孫大訪巖栖上人

贈劉熙齋司馬

戊辰春初何園賞梅

蛻翁草堂歌

過南柳園中看海棠因以折枝見贈賦此奉酬

圍城中與楊吟生夜話卽送其古屨之行

送王雁峰觀察轉餉蜀中二首

題家龍大令洗硯圖

天女城歌同朱舜翁作

示弟三首

送韻萸歸湖南

送朱舜臣東游

懷張心畬

齋中夜坐聞雨聲不止

月夜訪西農有懷韻萸

李叔豹遺詩目錄

岳忠武鐵矛歌

憶龍泉觀梅花

觀黔寧王沐英畫像

喜晤劉丈仲鴻

得朱舜臣書卻寄

曉雪

和友人邊雁

題陳沅像

七

李叔豹遺詩

雲南叢書集部之六十六

文山李熙文叔豹著

石蓮齋詩草

寄家俞農茂才 相

文章豈惜命直道自難行親老無歸計家貧常遠征碧  
鷄秋夢杳白石陣雲深此夜孤城月應愁畫角聲

龍泉觀蠟梅

十載鄉園舊夢回空山載酒又重來人因淪落偏多感  
花爲高寒獨早開蠟味最宜貧裡嚼檀心應向冷中栽  
洛陽金帶無消息何事春情漫自猜

李叔豹遺詩

十一

海雲閣與馮讓泉朱子德分韻得閣字

扁舟破叢葦駿若蛇赴壑白雲護前峰上有海雲閣維  
丹沐王蒲言攜康樂屨石磴滑晨霜且喜健腰脚山僧  
寒閉門勉力更登躍洞天忽中開疑是五丁鑿臺殿撐  
青空人聲響碧落幽篁翠百竿巉崖雲半削俯視渺三  
州模糊認城郭浩波平於掌水含天漠漠長嘯海風生  
蛟潛應錯愕暮下投僧宿野蔬聊共酌詩成同一笑清  
波動寥廓

由太華將歸守風西岸

船小不可渡驚濤動遠空白蘋三面水紅葉半山風夕

照鳥歸樹清談人掩篷長慚祖士雅擊楫大江東

和張南邨憶龍泉觀梅花之作登海雲閣前韻

北風吹龍湫秋色滿谿壑古樹撐寒空白雲凍山閣下  
有素心人尋花住芒屨老梅寒不開惆悵陽春脚歸來  
時相憶清興共踴躍榮枯固有時造物詎穿鑿但保歲  
寒心何論開與落傲骨飽風霜奇姿非繩削側聞天寶  
中花盛長安郭草木爭豔陽茲樹獨淡漠 相傳此梅乃  
開寶間所植  
卽今千載下世眼多返愕賞花光賞節比意久相酌莫  
便悲香過大化本恢廓

廣寺

李叔豹遺詩

十二

不議招提境白雲入幾層藤蘿盤古佛風雨臥孤僧虫  
咽荒臺螢添華殿燈紅羊千載恨興廢竟何憑

先大人三十六峰樹水圖重裝成誌感

越空回望去悠悠萬里歸來願莫酬三十一年留圖畫  
北邨風雨長松楸  
趨庭無處見慈顏况復飄零湖海間回首滄桑成底事  
不堪重問舊家山

子韉兄忌日感賦

記得昔時亂同君出故關八年驚死別千里痛生還對  
酒添新淚停杯想故顏孤城何處所愁絕石城山



西征曲

春風歌舞日樓臺獵獵平沙縹幕開萬里君恩親賜劍  
何人生縛左賢來

平沙萬幕列迢迢白羽紅旗夜寂寥不是狼居知不到  
漢家今少霍嫖嫖

燈籠行和黃堯臣

祝融夜節委羽洞火雲匝地火光隔火龍蜿蜒下南天  
六街傳兒赤手捧儼如仙人把霓旌升天入地烟雲擁

是即非即遠莫知觀者目眩神俱聳鱗甲照躍何雄豪  
黃童白叟聲噉噉南鄰爆竹北鄰鼓太白炯炯蒼天高

李叔豹遺詩

三

寧知顯晦在一時真假何用辨毫毛吁嗟乎城東清湫  
生秋菱老龍沈沈抱靈珠風雨十年藏頭顱世人駭怖  
不敢呼

次韻孫吉人定光寺山茶歌

春游幾度共攜手獵獵春郊風怒吼先生高躡寄林泉  
嘗耐風霜牛馬走十年不到雲安宮燼殘劫火千花紅  
就中山茶獨卓立骨幹突兀撐蒼蒼殘花高擎珊瑚盤  
門前桃杏皆凡庸野草荒臺闕光怪枝持正直煩元公  
烽燧茫茫照西迤赤羽紅旗走都市點蒼山松久寂寥  
善部菩提應已矣那知此花獨傲岸終占崔嵬見楨幹

但保奇才復斧斤敢嫌攀折久零亂撫樹盤桓三太息  
始信物情無終極造化何年迴春姿花神應早報君知  
綬遠將軍廢祠

叛帥稱兵日將軍出鎮時牙璋舊開府春草竟荒祠報  
國見肝膽籌邊空苦思寄言諸父老珍重漢旌旗

憩歸化寺時借吉人送讓泉歸

十里南郊路春風送客歸征塵望不極相對坐晴暉草  
色綠過寺豆花香上衣平生簞笠與偏與世情違

有感

豈有王師曾駐節良鴻又見滿郊飛幾村鷄犬頻空盡

李叔豹遺詩

四

百里孤城大合圍征伐無名公論在瘡痍未復野民稀  
聖朝實厚原無意自許田橫守海磯

命農為余寄到舊琴作此答之

不聽和平曲常憐塊磊多故人知我意持此遠桐過敢  
為新愁滿從教舊調訛空桑期再鼓鄰里正笙歌

高房山尚書山水障歌

虛堂白日生風雨芙蓉明滅空中起迴風一捲洪濤鳴  
萬木號啼聲在耳浮空積翠何淋漓神州赤縣雲烟裡  
鬼神瞑踏不敢窺淫光倒瀉錢塘水悄然清夢入蓬萊  
起視陡覺心顏開乃知畫理奪造化高侯妙筆安在哉

憶昔公府案牘繁脫却金魚出燕關高懷詎無謝安石  
人間萬事皆等閒當時五侯來汴水鵲華一卷莫追攀  
公之作意在筆外毫末點綴仙人鬢安得携酒隨公去  
飽看餘杭十萬山

晚晴

愁霖正蕭瑟向晚見晴暉新竹淨逾碧落花寒不飛對  
茲憐暮色何處惜春歸好待今宵月臨窗獨捲幃

將軍夜宴歌

轅門擊鼓擊大鼓紅旗夜豎將軍府將軍夜宴紫幄開  
羽林健兒森貔虎爾羊三百牛九十催取瓊廚供邊脯

李叔豹遺詩

五

新豐酒家眠不得千樽夜進葡萄乳堂前狎客唱笑歌  
帳下美人爭提舞將軍仰笑催賜金黃金壘壘堂之楹  
紅燭高烧不知曙鄰鷄那敢五更鳴君不見村南邨北  
啼饑夫奄奄縮頂人如烏父死道旁子臥廬凍餒敢向  
將軍詛但願將軍早平胡

點蒼山歌送黃翊庭從蓉軒都督西征

吾聞點蒼之山三千尺孤根拔地巨靈關關河莽莽霸  
圖開紛紛六詔起蒿萊天威滌蕩神靈死蒙酋段長安  
在哉何物草竊來奸宄揭筆夜吼苜蘭壘時無健將起  
嫖姚空使名山踞鹿豕黃子意氣令人豪慨然西望心

鬱陶壯懷空攬孟博蠻窮途莫贈呂虔刀前年掉頭已

西走常恐着鞭爲牛後朝遊錦水怒濤飛夜上岷峨天

風吼誰知失意竟歸去道逢和嶠兩青顧酒酣高拍銅

斗歌慷慨無言肝膽露歸心忽切庭闈思中道相逢復

相離故交散亂今幾在羨君落落好鬚眉嗟予生小何

碌碌東奔馬牛西馳鹿燕昭不起黃金臺包胥那敢秦

庭哭自傷流離不自保狂談每遭世人惱憐君意氣獨

相親燈昏酒熱多傾倒朝來讀君贈別詩言當投筆復

西馳男兒墮地身七尺萬里遠行安足辭南風四月吹

征稍紅旌白馬相催從玉帳將軍朝枕戈金沙健兒暮

李叔豹遺詩

六

吹角勸君努力兼戎成妖塵應靖曇花樹他年芒屨當  
重游石上看君題詩處

次日與翊庭西別再賦

不爲饑寒累慈顏寧遠遶相逢曾幾日惜別倍依依征  
馬行日促高堂夢未稀澗滄深雪夜莫脫老萊衣

西山石室

危巖倒挂蒼天高上有石室深巖巖神工鬼斧同時操  
結構礪掌千秋牢下臨無地上青霄老鶴翔咳天風號  
大石小石相撐撓雲來雲去山動搖凌空一徑窄復坳  
蛇行螺轉攀秋條森然動魄不敢跳人聲響答山喧囂

升堂入室心神勞此身疑欲隨風飄俯臨渤海流滔滔  
回風千里翻雲濤水天杳冥失昏朝遠城隱約如蟪蛄  
惜哉清境生喧嗽十年跋浪鯨鯢驕巨靈無力空潛逃  
排山倒海紛妖妖山中驚鶴飛九皋室為吳道人所開道士今已化去  
鶴去室空山寂寥曉來憑欄傾松醪羽衣仙人不可招  
澗碧山紅落詩瓢使我對此心慘切一枝何處隨鷓鴣  
安得更尋巢父巢

宿太華寺

寒風動羣木牛羊下西嶺壺觴手自携路入招提境石  
梁挂赤日雨餘山花淨千步出林梢海雲浮夕景迴顧

李叔豹遺詩

七

山下人稀露笠影幽懷不可極疏鐘搖清迥

耿耿秋月生沈沈古殿蕭僧燭松枝晚食櫻筍熟寒  
夜不安眠山蚊饑入屋羣飛苦喧囂長啄利金鏃清境  
本云靜微蟲胡相瀆乃知大化機動靜自往復披衣起  
開門山風淨修竹

將之石城留別同人

莫謂別何促征車恨已遲路遙原不易愁極轉忘疲生  
死情日遠奔波敢自疑蒼蒼關外樹未忍繫鞭絲  
西風三百里相望路沈沈離亂同爲客艱難見此心亦  
知非遠道翻覺別情深明日關東路梅花對短吟

吾弟方巽稚道隨已數春煩君多護惜慰我遠行人去  
住干戈際歸應霜雪晨端原無限意兩地共沾巾

蘭隱君祠

孤城背夕照萬鳥歸北林林中古叢祠日夕多磬音借  
問此何祀悠悠古隱君我昔讀元壺清德久相欽遨翔  
令威鶴莫返東山岑道高跡乃晦守靜性彌真風流歇  
故里孤詣難爲尋緬彼麓川役談笑清邊塵豈徒希管  
樂功績騶于春長才聊小試道義即經綸落落王尚書  
一顧何相親始知賢達懷乃爲知己伸即今多喪亂上  
策莫爲陳井里留高躅古德非沈淪祠前清湖水千秋

李叔豹遺詩

八

明此心

類侯故壘

鷓鴣鳴白楊落日泣殘鬼下馬古戰場江風動高壘將  
軍曾此駐雄師三十萬眾森虎貔一軍旗鼓趨烏撒可  
憐胆落胡元兒壘頭年年秋草綠土花蝕盡黃金鏃天  
陰兩溼鬚角悲餘威猶戰平章骨至今父老臨江渚指  
點前朝滄泗苦招信雲台百丈高不及人間三尺土

與護翁姊丈話別

去歲別離昆水濱望君東去不勝情天涯有路重相見  
車馬無端又遠征病骨十年憐阿姊清言一夕聚諸甥

西窗風雪深宵坐每到荒城長短更

游何氏園買梅二本歸植庭中用東坡松風亭韻

與堯臣南村同賦

城東老梅自成村年年載酒招芳魂晴霞綠倚八百樹  
襲人花氣無幽昏林邊兩株最清絕確犖鶴骨眠祇園  
圍為報恩不信典衣市歸去滿庭風雪生春温小株橫  
寺後地斜懸涼月大株兀傲迎朝暎有如素友日雙對豈假編  
衣來叩門對花却憶少游日十年足跡誰為言從今羅  
浮在庭戶莫愁掛壁空瓢尊

寄靜齋兄二首

李叔豹遺詩

九

東風送歸雁遠下黔山隅念彼黔山客五載愁索居家  
貧宦不達戚友日相疎一病成沉疴老親泣蓬廬黔中  
歲且歎空室無斗儲兒女日漸長千里歸無途感時應  
未已况此及春初灼灼桃李花明媚牆東隅昔日携手  
好共此花間趨花發歲無已人別日已除手足有餘榮  
何戀紫與朱好歌歸去來故園幸未蕪  
黔疆富蠻獠歲歲苦征戰去年秋徂冬音書又中斷比  
聞道路言紛紛多喪亂惟恐消息真疑信日相半先人  
昔在日相視豈畔岸一朝各面東臨風同感歎豈乏孔  
懷心力竭空扼腕悠悠金筑城相望渺雲漢行當振長

策生死一相訪

上巳雨中

溼雲弄春陰蕭蕭動風雨空齋懸蠟屐幽冥忽相阻清  
晨酌芳醪捲簾意獨苦黃鸝隔樹啼新竹對人舞柴門  
無客至韶光負百五遙憶東南阡芄芄春麥吐良苗露  
新流東風動村鼓農人慶雨膏游客愛晴照私意各有  
懷天公更誰主莫戀曲江游且自鋤殘園

昭通旅次

亂山合沓逼巴蜀天入烏蒙漸眼寬萬井塵消新壁壘  
今春桃源一百年人守漢衣冠巫知邊郡關河峻要識  
帶亂事初平

李叔豹遺詩

元臣創造難謂鄂西自古書生多遠略即今屯守恃材

官

喜晤馮一齋太守時在老

天涯書尺亦相親意外相逢眼更新千里塵沙巴子國  
三年雞黍孟家鄰言在曲塘與醉談舊事添新感路盡  
鄉關有故人苦憶延平鹿洞外古槐疎柳不成春謂家

廣文

關河風雪蔽貂裘水驛山程正未休草草杯盤堪一醉  
蕭蕭書劍足千秋君知拙宦難借俗我愧浮名更遠游  
相別相逢一彈指灘聲西轉是渝州

瀘州南定樓宋守是  
公武建

露淨沙明水拍天  
迢迢帆影墮樓前  
大江雲物三千里  
賢守風流五百年  
勝地有情留醉眼  
書生無策解籌邊  
出師一表難重讀  
故國干戈意渺然

雨中過黃草峽

浪花撲浪風蕭蕭  
湍激水急魚龍驕  
齊舞百足篙工號  
崩崖裂石向人落  
石轉帆隨蛇赴壑  
入險何憂出何樂  
坐看滄海吹涪雨  
照我澄然心不起  
山鳥水禽相喚語

涪州吊山谷先生

異代已成恨况尋  
遊跡稀岸花迎客  
笑沙鳥背船飛黨

李叔約遺詩

錮高名氏文章澹  
是非涪江清不見  
峽雨暗朝暉山谷  
巫山

詩有云丁字峽  
雨傾莫謂朝暉

紅蓮

紅蓮粉墮竹陰移  
檀板金樽又一時  
早識東堂羞鴟炙  
枉勞南國妬蛾眉  
唐筍未必真儲碩  
萍劍常愁負故知  
試向五雲樓閣望  
草間狐兔正離離

雨中病起

不聽虛檐溜孤衾  
秋已寒病身醒怯  
曉愁雨夢同闌木  
葉長安滿關河尺  
素雞窗前幾叢菊  
也作故園看

秋雨不止有懷吉人保定之游兼簡雲鵠兵部三

首

大漠沈陰氣秋霖  
見歲時昏鴉爭樹  
暖高雁度雲遲身  
計幽居拙艱虞獨  
客知羈愁寒不遣  
况失故人期  
去住兩無賴門前  
芳草菲秋增黃菊  
健人過白溝稀自  
少折腰具寧論曳  
尾非征車行肯速  
沙露暗朝暉  
僅有清談侶疎燈  
共一樓長貧知道  
力遠客重交游已  
惜吹茅誤聊爲負  
庶留故園新霽好  
總是負清秋

寄弟

羈棲今萬里始覺  
故園歡一飽謀吾  
易全家累汝難浮  
名元自悔生計那  
能安不怨貂裘傲  
關山共此寒

李叔約遺詩

經吹堂初稿

粵三臺歌

南嶼曉日光瞳瞳  
朝登越秀吟天風  
霸王不作霸臺空  
中有雲氣成蒼龍  
興亡自古寧有此  
莽莽百粵江山雄  
憶昔祖龍起周季  
席捲八荒如兒戲  
銷金大酺咸陽宮  
三十六郡出長吏  
何物任繫南海死  
老夫佗作天子  
中原逐鹿徒紛紛  
黃屋左纛自娛耳  
高臺突兀城南隅  
春風擊鼓吹笙竽  
蠻童獠女齊歌舞  
象郡桂林相走趨  
北來再見陸生至  
蠻夷安坐行良圖  
至今雄略照班史  
此臺詎與歌風殊  
君不見驪山阿房  
二百里丹青未竟

陳吳起子嬰白馬出西關秦人痛哭楚人喜吁嗟乎秦人痛哭楚人喜

陸賈祠

詩書馬上說而翁功狗功人豈足同西漢文章開大雅南夷談笑懾羣雄使車兩度留陳迹遺廟千秋仰古忠海嶠卽今多事日幾人持節繼高風

書子輯兄遺集後

南海滄冥咏西華白雪詞稿中有南海西華二集斯人不可作遺

跡總含悲韻事恍如昔羈魂何所之可憐今夜雨猶似對床時

李叔豹遺詩

石城早秋柬馮一齋

書劍飄零湖海過客中日月易蹉跎半床落葉鴻聲急十里斜陽草色多周道黍禾屯鐵馬洛城風雨泣銅駝無端潦倒劉司戶慷慨中原夜枕戈

白秋海棠

秋光何事入疎櫓殘夢依稀幾度添夜半美人清睡覺二分明月水晶簾

天生關

祖龍鞭海石石怪勃然怒天風夜鼓盪飛落陸郎路大者如蹲狻小者如驚鷺高如鬼雄跋密如羽林戍若舞

亦若翔嵯岬四山踞我來正春晴入關忽烟霧陰森塞天地昂首更驚顧我願亦已驚石立復如故石自忘我來我胡自先怖君看石上禽翩翩自來去

書元祐黨籍碑後

八柱貞珉高丈餘三百九人奸黨碑温公潞公冠前列大書臣戒中天垂皇帝卽位之五載夷列罪狀申有司帝曰勒碑示瘳惡司空臣京拜書之嗚呼道君眞龔癡賜鴟鷂驚空迫馳周文獄起社飯冷前章後蔡紛猖披蜀黨洛黨爭何益老奸旁覩生危機一朝國軸得再秉藉口紹述皆芟夷盈廷是非紛莫識此義唯有安民知

李叔豹遺詩

眾賢一掃嗟已盡惜哉宋社忽南移天津月明啼鶉啼

秦陵秋草黃離離傷心莫說元祐日宮中堯舜今已稀文德殿前飛霹靂毀碑黃門來何遲當年碑毀名不毀傳刻遠樹天南陲風雲夜夜走虛壁潭州死魄安放窺星斗芒寒苔蘚蝕驚飛猿烏潛神夔權奸黑白亦何爲前人所戒今人師人生識字識憂危東林北寺千秋悲

題浴日亭

火雲燒天天半赤黑風翻海海怒立一聲雞唱落天中霞光四射暉暉溼是時人間夜未央神州九點同蒼茫雲霧月墮人跡絕萬物無聲天有霜危亭屹立出煙霧

坐見鬱儀回天步仙人絳節擁大荒金烏飛上扶桑樹  
天容海色原清寥年來烽火生驚飈伏波橫海今何在  
樓櫓不壓鯨鯢驕腥臙蔓延無時歇風塵瀕洞幾嗚咽  
安得盡傾湯谷泉一洗南溟元黃血

虞仲翔故宅

江左盛文儒仲翔乃其尤才高不偶世明珠嗟暗投惜  
哉紫髯公狹隘失英流停杯手雄劍一怒謫南州斯人  
不可親故苑今長留佛桑照牆角鷓鴣鳴啾啾仰彼賢  
達跡淚傾荒草秋青蠅既已渺知己良難求丈夫無媚  
骨千載多隱憂魂返山陰山名高滄海頭莫問同朝輩

李叔豹遺詩

五

張顧空悠悠

六 髮壇

孤塔亭亭訶林左能師此證南宗果蓮華不見肉髻光  
菩提葉老蒼煙墮當年妙語傳風旛坐視萬象心空圓  
豈知海南偶祝髮癡兒奔走輸金錢茫茫誰聽怒獅吼  
停杵傳來衣鉢久剎那之履盧之臂解脫已隨三途朽  
化人離相原虛空身外一螺復何有大千起滅如浮漚  
何況一塔空培塿蕭梁佞佛真頑癡紛紛千載疑傳疑  
何人更識西來意空以土木矜神奇君不見鳳翔佛骨  
已枯死舉國狂迎走中使潮陽太守老不歸廟堂零落

秋風裏

登鎮海樓

南極風煙暗西流日月昏懷憂上傑閣極目盡天根萬  
艦環螭鏡雙厓壯虎門從來設險地不恃海山尊

珠江夜泊

江邊輕蹕鯉魚風雜踏檣帆小艇通不見當年妃子笑  
疎燈搖曳荔枝紅江畔夜間多有搖  
小艇賣荔枝者

城南芳渡雨濛濛一片烟痕撲短篷千載劉郎歌舞歇  
素馨花冷五更風五羊門南岸有花渡頭賣花  
者晨載素馨入城俱集於此

峽山飛來寺

李叔豹遺詩

六

湏江急如箭萬里此一束怒濤撼高峽雙峰動浮玉古  
寺何耽耽高躡如野鴿路入淙碧亭千山送寒綠山中  
正秋雨巖扉新膏沐奇石絡長松山花抱古屋遐哉古  
帝子南采阮俞竹黃鐘久無聲何為苦局促古德日以  
遣我來空躑躅入寺暮鐘清出寺白雲宿不如拾天葵  
歸舟結芳蘂山產  
天葵

羚羊峽

羊喜風日清羊怒風雨黑神物自顯晦喜怒安能測浩  
浩洪流湧蒼蒼兩崖仄衝風走靈怪石破孤雲塞浪號  
人語瘖日漏天光窄萬筥與石鬪石怒水愈逼水石兩

奔騰游人驚失魄舟子輕波滿談笑出江北迴望黔山  
寺頭角紛可識出險得耽奇轉喜動顏色思訪黃初平  
叱起山頭石

過伏波灘

將軍昔年與虎賁樓船南下驅鯨鯢蒼梧山高瘴煙黑  
戈甲聲震風雲屯綠藍滿急蛟蜃怒碎旬萬馬聲崩奔  
大石橫蹲小石立雷車夜吼蒼崖根手揮壯士開天險  
萬鏡風動天爲昏蕭角兀傲幸少挫至今遺跡留馬門  
北風十月吹行客輕舟一葉投潺湲篙聲破曉驚夢起  
打篷雪浪橫斜噴千渦吸船船轉側水恢侮人隨吐吞  
李叔豹遺詩

七

篙師握篙不敢息舵尾百折清源捨舟灘頭謁神廟  
撞鐘擊鼓薦雞豚靈風肅肅動神像無乃遺恨留英魂  
不平之鳴古亦有錢塘白馬皆等倫功高每爲世所忌  
豈以豈足譏天閻沈沈五溪馬革冷千秋公論今猶存  
我言觸神神勿怒濁流不洗今古冤

梧州懷古

蒼梧故郡說南東秋水盈盈夕照西終古關河雄嶺表  
何年帝子駐輪蹄翠華縹渺江風冷瑤瑟哀沈瘴雨迷  
回首九疑空想像滿山花落鷓鴣啼

泊柳州

萬里潯江下海頭扁舟迢遞苦南遊山橫百越天多瘴  
地接三湘水急流密雨驚風孤廓暮黃蕉丹荔古祠秋  
居民已見凋殘盡空向行人說柳侯

泗城道中

羣峰森峭毛路向石壁鑿入山山日晴出山山雨惡陰  
晴變咫尺寒暑氣交錯梯石懸危藤屐響搖絕愕朝行  
如猴升暮下隨鷓落蕭瑟秋雨涼驚定更踴躍隱隱村  
店近炊煙出林薄

修竹動西風石屋臨野水賤子苦行役下馬來棲止主  
人聞客至迎門意頗喜殷勤請客姓問客來何里燒筍

李叔豹遺詩

六

合溼炊麥飯呈雙盞饑腸困終朝粗糲勝鹿豕草席眠  
未安山蚊破窗紙輾轉未雞鳴僮僕促行李出門殘月  
低主人呼不起

老鷹崖

大石巖巖鷹翅拂小石倒垂鷹爪屈瑤光墮地三千年  
化作飛崖勢碑帆竹輿啞啞僕夫愁羊腸十步九顛蹙  
到此方知行路難平日康莊漫看卒孤雲兩角天東南  
石破空青見山骨我行正踏鷹背來輒恐凌風便飛突  
半空石氣殊陰晴萬古雄姿鍊霜日駭翮羣嶺如飛鳥  
倏然見鷹氣已奪對此噴吐不敢去藏頭側翅出復沒



吁嗟鷹兮空爾爲不蜚不鳴氣兀兀狐兔秋肥鷹不知  
鷹崖乃爲狐兔窟

觀文信國書長卷

雲垂星斗寒生芒清風肅肅燈無光瑤函忽展信國字  
墨花亂落天低昂大書咸淳丙寅歲百六十字蛟螭僵  
神光射良容避席皎如初日升扶桑憶公挾策排天闈  
長篇細字書千行忠肝古義動天聽許身契稷思垂裳  
萬言靈鑑置不用區區片紙嗟誰藏豈知公書以人重  
千秋破指珍珠瑯淋瀟瀟墨有生氣如見草檄來勤王  
嗟哉提刑歸南昌紹陵十載朝政荒獨松一破劉岳降

李叔豹遺詩

九

皋亭奉<sub>三</sub>何倉皇直州勸進劉越石匡山死戰張睢陽  
五坡之<sub>三</sub>實天意老筆空賦零丁洋未觀柴市衣帶贊  
觀此遺<sub>三</sub>猶堪傷文肅進御眞堂堂匏菴諸跋皆賢良  
獨惜<sub>三</sub>名晉江筆未免穢跡汚縹湘<sub>卷首有文震孟結</sub>  
<sub>曾取進<sub>也</sub>後有吳苑菴宋細思神物自不涅鴟鴞豈</sub>  
<sub>牧仲陸<sub>書</sub>張瑞圖四跋</sub>  
足污<sub>三</sub>鸞鳳至人心正筆亦正筆端百折羊頭鋼陵谷可  
移書不<sub>三</sub>鼓凜凜精氣迥穹蒼君不見宣和祕蹟久零落  
殘碑雨洗花石網

渭川千畝圖

長流怒浪鳥鼠谷渭川溶溶淨如沐人生不願千戶侯

但願坐擁萬竿竹籠籜絲於雜猶管東南美箭不堪錄  
秦雲十里青濛濛漫天盡化水蒼玉岐山鳴鳳來何時  
千秋幾見竹花熟畫師作此空情深滿紙清秋浸寒綠  
我家萬里寄邊城未得川頭結茅屋懷抱平生癖此君  
手栽萬个華山麓自從離亂走天涯故園孤負龍角禿  
那能策杖下神泉徑借風篁洗塵俗孤館寒燈空見畫  
古意歸心生尺幅夜闌清夢繞鄉關西風入戶涼肅肅  
何當歸理負管亭好待明年春雨足

仇實父上林圖

李叔豹遺詩

三

黃山之北藍田東上林佳氣何葱蘢離宮馳道二百里  
草木盡<sub>三</sub>龍旂風官家已醉柏谷酒羽林校獵南山口  
千乘萬<sub>三</sub>雷霆奔<sub>三</sub>叔前趨衛公後逢萊仙人不可呼  
人生快意皆須臾九尺臣朝不解事馬前一諫徒區區  
從臣才<sub>三</sub>畫球瑯美文圖之賦誰堪擬何人三輔寫黃圖  
奕奕雄<sub>三</sub>風留畫史我聞漢家儉德開鴻基孝文廿載身  
弋綈露<sub>三</sub>白金不敢作名駒千里慚追馳堂堂神孫自  
英武欲以雄略跨乃祖一時游幸闕名區已奪萬家膏  
腴土畫師作此于秋情欲將炯戒垂丹青生綃十文雄  
圖在茂陵松栢秋風鳴君不見秦家阿房餘霸氣楚火  
三月銅龍閉狐鳴鹿走金刀來當時亦笑秦皇帝

盤江鐵橋歌

急雷破山忽中斷江盤峽束懸流悍衝風怒鷲雙崖傾  
鐵繩離離鎖江岸織繩如網綱目疎繩端貫石石骨瀾  
參差朽板鋪洪波迷離晴虹落天半輪蹄疾走緣虛空  
人影斜穿浪花散一橋已費六州鐵千秋火絕嵇康鍛  
人言天險雄西南啓禎之際安曾叛監軍副使來朱公  
作橋濟師走江畔狼奔豕突成康莊臨流不用舟子喚  
堰上沈鐵蛟龍愁江頭折蘆佛力幻不如此橋成堅牢  
千秋功比蜀雲棧江東鐵鎖霸圖雄當時亦謂中流捍  
石頭風利龍驤來豈知金錯消膏炭茲橋天末偶然存

李叔豹遺詩

三

頑鐵不礙陵谷換火雲七月生秋瘴聚寶纂纂榴花燦  
橋頭樓閣鎖蒼烟橋邊行人流赤汗兩崖斗插蒼天高  
磴危沙滑沒雙胛山頭回望如車箱但見橫江浮匹練  
深宵客館孤燈涼夢逐星橋渡雲漢

過七星關 畢節縣界

盤盤鳥道蒼天摩危峰七點星娥舊是漢兵馮牙地  
雄關萬古啼天魔陰風吹林白日瘦怪石倒裂撐松柯  
風鳴落葉馬蹄響山雞驚起秋雲窳荒山足繭行不得  
下視滾滾來長河危橋橫臥走瀕服石壁破立生驚波  
我聞蜀夏昔入寇段功一戰驚猺我至今碧血埋荒草

夜聞山鬼呼烟蘿况此吭喉連烏撤穎川南下揮金戈  
當時雄兵破關守蠻獠十萬驚橫磨兵家形勝爭天險  
坐令荒微平不願方今盜賊聚井鬼年年戰鼓鳴并荆  
關頭成卒何寥落紅旗小隊鳴金鑼我來下馬指卒語  
滇黔衝要茲經過前人設險不恃險慎勿捲甲輕么麼  
千秋陵谷幾遷變秦關劍閣復如何

白水河瀑布

河流東走千熊罷天公怒使雙崖羈水不受羈裂石出  
銀河斗落噴珠飛此水源出安莊嶺溶溶百折何委蛇  
豈知蓄銳待一決直以地力爭天回有如龍騰海潮立

李叔豹遺詩

三

天孫鼓臂投機絲不知身入水簾裏但覺兩腋生風雷  
是時七月行苦熱長松萬壑無春姿跳波射天作飛雨  
水花亂落遮炎曦行人下馬登小閣憑欄浩浩山風吹  
細思水平山自靜云何一激生神奇那知山水本無意  
出坎入坎皆天機平生芥蒂經洗滌但念苦旱哀羣黎  
安得并刀剪晴雪剪此一灑西南陲 時黔中苦旱飢民  
滿道見藍輿過則

百刻泉

羲娥鞭馳日月走黔山夜半落龍魂靈源迸裂山腹堅  
晨潮汐汐辨昏晝石潭鼓漫花繡百刻盈縮鼓痕皴

一泓起伏無停流不用挈壺機設天樞地軸生玉漿  
到眼冷冷綠可漱我疑軒轅作銅漏玉虬流落埋巖竇  
精靈萬古鬱不消噴作靈泉應天候不爾恐是惠安笑  
芙蓉十二葉猶有遺根長寒溜銅史瞿曇今已無茲泉  
猶可測辰宿年來奔走東南天厭聽郵籤水程奏一濯  
清冷洗塵色狂游自笑光陰驟回看野人笑掀鬚坐飲  
寒泉鶴骨瘦山中無歷歲月長飽飯黃昏臥溪菽

杏香驛

孤鸞夜啼羅鬼月蠻崗桃花慘冰雪將軍結笑北山羅  
痛與誰廷眼流血煌煌丹詔裏貞烈將軍諒死妾全節

李叔豹遺詩

三

歸來拜感天家恩金羈驛馬知雲列烏蒙九驛榛莽平  
千載此地名不歇嗚呼高皇天人傑直以威信格蠻孽  
上方若使賊臣通當時蚩尤旗已掣水西一族雄貴陽  
不待督讀已瓦裂乃知有遺四夷守漢文一書下南越  
蠻夷可格亦可用誠以攻心心自折君不見西川石碣  
秦夫人三顏百戰心如鐵

夜登甲秀樓

鳥聲人語紛嗷嘈高樓橫鎖春滿豪江公作樓壓靈鼈  
以鼈戴樓樓動搖地名鼈頭樓為江東之所建水禽啼月爭青菱  
漁舟呷啞風蕭蕭水聲六月生涼颺萬家燈火驚秋濤

游人弔古傾松醪樓前鐵柱鐵不消人去樓空春寂寞  
棟宇苔蝕闌兩朝百年駒隙不可招莫辭絃管醉今宵  
月斜鐘動荒雞號明日早市還喧囂

圖雲關

圖雲關雲起處雲起無西東客行白朝暮紅旌白馬無  
留停青青閱盡關頭樹不知行客幾人歸惟有孤雲自  
來去

春寒

夢醒不知曙殘鐘三兩聲蕭蕭一夜雨寒入竹郎城之  
子不歸去故園春草生鄉心安可極况典敝裘輕

李叔豹遺詩

三

游黔靈山

黔山萬壑不可束奇骨嶙峋奪人目突兀見此蒼雲堆  
有如龐眉苦多肉濃陰萬古埋風稜坐見真宰失肥濁  
豈知造物有深意要令元氣此淳浩若使嗟呀騁雄奇  
劍刻未免天機促水停山峙神雍容佩玉垂旒氣深鬱  
畫師吮筆不敢窺肉中畫骨殊未足雲含鐘聲落九天  
日閃松杉轉百曲路聞人語不知處但覺屐響搖山綠  
我生評山喜荒怪對此呀然心神肅却思混沌未開時  
大千元化爭起伏燕瘦環肥各有態攬土搏沙隨亭毒  
山川濃淡知誰賢但逢佳景即可錄迴看山頭落日斜

片雲冉冉行相逐

東山來青閣

北山皎皎秋陽晴倚天長劍千峰明南山濛濛雨雲起  
風吹空翠落樽裏兩山合沓如相朝危亭斗立蒼天高  
不知身與霄雲接但見城郭如秋毫却看山底來時道  
石磴千盤一線繞百尺蒼松倚絕崖樹底行人出樹杪  
罡風蓬蓬吹飛鳥下界咫尺陰晴殊天光倒垂雲角直  
人語呼吸日輪孤年來行旅飽憂險天關地道風塵掩  
對此卻深失足憂敢騁游目憑危檻春風千里蠻花時  
山下行人歌舞回笑我憑高空躑躅何如平疇任去來

李叔豹遺詩

卷一

秦晉王葵庭年丈游清溪洞

頑雲怒湧山腹開陰風吹雲化作石龍僵虎蟄森爪牙  
倒長芝苗垂蓮葍洞中石乳勢爭獐洞外清溪流靈液  
日脚斜穿水痕動溪光倒涵洞天碧谷音細咽潮音寒  
人語響答山語激三十六天何處有即此已足留琴席  
昔年居民此避兵動旁白骨哀狼藉天魔九載亂摩彌  
穴居莫免鋒與鎗人間無地足棲真腥膻誰借仙源滌  
漫郎自隱倚研名淵明空想桃源迹不如徑醉苜蓿盤  
臥看溪山同岸曠

詩君素  
歸平爽

金蟾寺

五華山氣鬱崔嵬古寺沈沈暗夕暉此日蟾蜍空有淚  
當年龍種竟無歸桑田誰解悲宗國社宇何曾識故畿  
回首咒河同悵望成周原不滅商微

自證巷聽杜篤齋吹洞簫

涼階亂掃梧桐影明月滿天光炯炯尺玉玲瓏倚迴廊  
天風下掃掃華境初聞有如寡女絲既斷仍續聲更永  
秋聲入樹不堪聽况復哀吟助清冷催歸杜宇啼春林  
失侶窮猿叫荒嶺孤孌怨女語深閨海浪江風蕩歸艇  
聲聲和淚斷人腸聽到無聲更淒哽先生妙旨本難會  
客子多情心自警人言羲軒作石絃空使後世生憂耿

李叔豹遺詩

卷一

豈知至樂本和平客懷憂喜自相迴哀絲豪竹本無意  
觸耳悲歡隨會領咽咽寒泉四壁寒齋蕭蕭落木千山靜  
請君更作水仙歌好借清冷洗愁癭

夜宿自證菴

犬吠不知處禪關冷未開夕陽歸鳥沒秋色逐人來破  
竈燒殘葉石牀長碧苔紅塵三十丈孤負此琴臺  
木落長天淨危樓望不昏月華雲際樹燈火水邊村此  
意已千里何人共一尊西風吹野竹瑟瑟打禪門

寄居感懷示蘭生弟

生死愁無著時先慈未葬先兄族懷未歸 干戈日又深百年游子恨

一夕夢魂侵不敢愁中泣恐傷泉下心昂昂伏櫪馬相對兩沈吟

得靜齋兄書

久盼雙魚至書來反畏看幾人親骨肉千里痛饑寒世亂功名拙家貧出處難梁園方臥病猶自報平安

次馬龍

百戰荒城在淒涼萬嶺西路危行客少日落亂鴉啼破屋冷烟火北風驚鼓鼙東征輪挽急辛苦見殘黎

甲子十月扶先子輯兄櫬歸葬祖塋追悼六章

朔風何蕭瑟白日懸長楸嗟我同氣人白骨歸山即壘

李叔豹遺詩

藥三尺墳新封東嶺頭寒暑易遷變生死空悠悠不知泉下心得慰羈棲不

羈棲日以杳八年石城道憶昔喪亂初東行何草草老

親已白頭兩雛尙乳抱倉皇四出關骨肉莫相保豺虎

踞高岡烽火亂昏曉兄前扶親行弟後頽弱小麻鞋漬

碧血十步九傾倒行行至曲陽驚心歲云杪

歲杪意茫茫旅病又相促朝訪靈山藥暮侍老親宿幼

子饑已亡其子於曲郡病歿吞聲眼破屋呻吟四壁靜兄弟對

床哭十旬親病瘥兄疾乃轉篤唯恐傷親懷強自奉奉

寂風雪夜蕭蕭寒燈照秋綠運綿八朝暮氣絕不能續

生死各異鄉孤棺寄幽谷

幽谷多風雨靈恢時擲掄生者日流離死者不可呼昨夜夢君來執手語踟躕恍如平生顏審視又模糊君言

苦人別今幸歸鄉間歡然問家人催促供酒蔬願我多

惟悴慰我哀羈孤側側言未已殘鐘動城隅夢回意惘恍安知生死殊

生死情無殊憂思安可極伏枕不成眠念往淚沾臆五載黔中游辛苦買荆棘前年奉親歸相期安故宅天命

胡不辰中途更鬱抑孤忽又殤庚申自黔歸其大老男復死於曲靖

親愁疾迫風木痛羈旅慈顏失異國匪勉負親骨歸墓

李叔豹遺詩

昆湖側請弟日相隨哲兄哀死隔豈無骨肉親忘茲手足力去去日以遙百年歸我責

去日恨難紓來日情未已行囊已蕭條勉為同懷起東

行訪孤墳招魂返鄉里魂歸伴吾親相見各悲喜應知

泉臺間依依隨杖履轉念生相離不如死相倚哀我雙

涕橫莫滴重泉裏

過黃堯臣怡秋館時堯臣教讀村中

失意竟何往十年歸故關有時避塵俗盡室住谿山短榻青氈冷高堂白髮閒寥寥三斗粟猶得養慈顏

禹門寺

疎鐘搖不定何處是禪那路逐野烟入門前春水多大  
聲驚野客禽語散寒莎不用論清濁滄浪自可歌

夜過雨樹村

夜渡松華水來尋岸上村年荒雞黍貴山僻虎狼尊一  
徑入叢竹幾家深閉門青燈浮隱隱人語出烟痕

送馮讓泉東歸

北馬南轅各載馳幾曾相見幾相違十年離亂催人老  
百里湖山待客歸兒女有情中歲重文章無價舊交稀  
故園猶有殘書在好向春風掩竹扉

飛花飛絮總無言落落鬚眉對別尊彈鋏漫愁馮子食

李叔豹遺詩

元

種瓜猶有邵平園憐君重覓天倫樂願我空悲骨肉恩  
東望青青春草色鶴鴿原上一招魂

哭楊子光茂才

晦

歲歲飄蓬感舊游夕陽西望獨登樓幾年道路驚豺虎  
千里音書滯馬牛正有離情思遠寄無端凶問到清秋  
蒼山雲木茫茫恨空對殘尊涕泗流

青楓瑟瑟正黃昏感到人琴更莫論曾記劉蕡悲下第  
君以己卯 落第歸 何堪宋玉賦招魂西風雪嶺飛鴻急落日金

沙白浪奔太息平生事吟咏祇餘詩草倩誰存

月下泛舟青草湖望太華未至

片葉凌波去滄浪發棹歌村遙燈火暗風定櫓聲多堤  
樹隨船轉秋山掠面過太華何處所明月滿烟蘿

夜宿海雲閣

萬里奔瀾倒玉瓶石闌干外水溟溟秋深遠鳥魚龍戲  
夜冷空山草木馨兀寺鐘聲催夢斷三州海氣壓樓青  
依稀漢武旌旗在不見滄茫渡使星

雪華洞

一徑穿石出洞天開夕暉水明月半湧雲動山欲飛孤  
隙湖光漏高風人語微羽仙留勝蹟苔繡滿巖扉

太華山大悲閣觀日出

李叔豹遺詩

三

我聞巨觀峰高高無極天雞夜鳴見紅日十年足跡不  
得到歸來故鄉空抱膝故鄉山水亦英雄飛樓矗立滇  
海東登樓一白浩無際金鳥射眼光瞳瞳五更鐘動百  
鳥亂山雲水雲盡奔散紅波萬道走龍蚪海頭出沒浮  
全彈耿耿殘月寒無光浮圖倒插天蒼茫草頭木末一  
摩盪千巖萬壑森開張水天明晦日千態大地浮漚原  
無礙藤枝芒屨定何方到此已知吞海岱猶憶髫年走  
扶胥海天渺渺浮清虛浴日亭邊呼沆瀣坐看陽台迴  
日車回頭歲月幾飛鳥白雲一去天涯杳天高莫挽羲  
和鞭且復憑欄醉清曉

高曉謁楊文憲公祠

中朝議禮何紛紛羣臣啼呼左順門死節仗義在今日  
投荒萬里安足論定陶濮正事可酌南來璵璠徒逢君  
區區邪論初易折窮犬反噬天為昏大獄已興羣彥豈  
誰復坐論回乾坤當時蠻荒老成客至今祠宇蒼煙屯  
碧曉曉倚修竹先生高節今猶存窮愁著書亦等身  
丹鉛塞几何辛勤乃知天使邊城老正為千古存斯文  
斜簪花髻偶留跡名與山水相鮮新龍尾關頭感遺寺  
橫存寫韻封秋雲惜哉兵燹同灰燼猶留此廟西山村  
行人瞻仰舊游處韓祠虞苑同嶙峋祠前沐浴青沄沄  
李叔豹遺詩

清流不洗千秋冤人言此水通巴蜀年年春漲流芳蓀  
不勞錦字寄金齒魂歸常及魚鳧春

送朱子懋歸石屏

共有淪落恨相憐意倍真遠書半疑信久客多困貧此  
別正寒食到家應暮春鱗鱗湖上水早為洗征塵

送仲山夫子赴貴陽趙都督幕

東風三月時香水何茫茫南望滄江東旌旆耀日光臨  
邊老充國幕府急賢良千里遠致書故人情誼長應知  
息輒日倒屣樂交將朝直馮煖鍊暮舉朱虛觴借箸籌  
魚鱗草檄驚天狼入幕有嘉賓鸞鶴瞻文章憶我南歸

日道路哀鴻翔愧無濟世才蒿目空神傷應識賢達心  
此情更莫忘走馬時披部共理斯民康讀書志安懷蒼  
黎正相望

夜檢先君子遺藁得過瓊州謁馬伏波廟詩凄然  
有感謹追和二章

飛鳥跼跼來西里落日蒼茫海氣昏父老至今思漢臘  
將軍曾此定東藩但能伏闕留朱勃莫悔憊牀侮伯孫  
底事封侯身後盡誰持馬革為招魂

無復樓船下海隅沈沈遺跡冷荒墟功名九郡留銅柱  
誰說千秋痛意車領表衣冠春草宿漢家祠廟夕陽餘

李叔豹遺詩

傷心猿鳥蠻花路不見當時誠子書

翠湖雜詩

九龍春水轉溪斜不見當年舊浣紗微雨如塵寒寂寂  
長隄開遍碧桃花九龍池在湖東相傳為梁宮人浣紗處

黔邸名園傍翠池百年如夢更誰知東風不管興亡恨  
吹綠牆邊萬柳絲湖傍承華園即沈氏舊園

無復新妝照玉釧珠樓遺址設圓圓雄藩宮館銅龍  
空有香魂化日蓮湖上有陳園

幾人家住碧琉璃笠影參差過水西無限柳綿飛不定  
夕陽明滅阮公隄湖中長隄儀徵相國所築

春日展先大人墓

嶺海魂歸路幾千墓門寂寞曉春天雞豚空自悲三釜  
涕淚何曾到九泉縱得箕裘承此日已傷葵舞失當年  
趨庭回首十三載松楸陰陰夜雨懸

送楊儼卿文歸里

干戈歸故國離亂久他鄉百戰拋田里餘生脫虎狼身  
孤心自壯時去膽空嘗重訪迷陽道皋魚淚萬行君以迷陽失陷避世其尊人為張所害

送張心奮茂才赴京兆試

才名年少擅十載困貧居文字干戈老田園離亂餘每  
李叔豹遺詩

酣元亮酒莫上賈生書鬱鬱常居此清狂與世疎

一笑拂衣起行踪不可留春風巴峽道夜雨洞庭舟山

水有清興故人今壯游桂花香正滿早及薊門秋

赫赫王都壯書生橐筆來文章三策富詞賦兩京開當

世正多事明時方愛才勿為鄉井戀高唱入燕臺

雨後偕家楷叔弟過翠湖小憩采蓮橋

幽禽呼格磔湖上雨初霽流水瀉溼雲水澹雲痕膩高  
柳懸微陽孤煙起村際湖紋亂龜魚餘香散荷芰野蝶  
逐客來春風入衣袂橫橋聚短笠人影動芳苔機息理  
自愜慮曠物無礙君看原上村白屋隱寒翠牧兒歸

眠飛鴉落牛背

題錢輔卿茂才家藏張雪鴻水墨畫冊

墨池水冷蟠蛟怒黑雨翻空灑紈素淋漓亂潑洛陽花  
拉雜碎點江南樹人間俗眼絢丹青展卷已使心神怖  
雪鴻居士今古人腕底禿掃中山兔筆之所至初無意  
落紙忽覺生春霧梧桐葉老閭閻宮桃花夢斷金閭波  
其餘草樹盡殊絕一一揮灑極幽趣至人無法法更奇  
筆所未到神已注想見磅礴快意時萬斛龍寶供一吐  
君家芷汀老畫師筆墨神交久相悟此册雪鴻自跋云芷汀作錢亦能畫蓋輔卿從祖也萬里持歸重球琅百年未許飽殘蠹

李叔豹遺詩

君今託足隱邱園手栽藥花飲秋露終朝對此融心神

畫中景物日相遇請君不用時摩抄幽光恐有真宰訴

借恆空上人過華蕙菴訪釋得一

蠟屐不辭遠尋詩過虎溪禪門掩衰柳終日亂鴉啼白

社有真隱青山多鼓蕙何須方外樂即此足幽棲

月夜懷劉大

風塵苦天地萬籟動遠聲此夜一輪月照君千里行音  
書沈遠道江漢得秋清莫怨歸期晚鄉關正苦兵

龍泉紀游五首

龍泉觀



晴嵐鬱鬱山四周空林落日生涼秋漢家祠宇猶岷峩  
千年黑水尋源頭古壁依稀圖畫好殘碑零落荆榛愁  
年來勝地半灰燼劫塵浩浩天南陬而此靈光留隱僻  
乃知盛名天所尤眼前野水黑無底雲木合沓寒光浮  
長松捲雨龍歸臥腥風掠面來靈湫道人愛客更留宿  
月出白雲空階幽

薛爾望墓

薛昆山人明末諸生也王師入滇薛妻孥十餘人相率沈於潭今潭猶存

側大家

昆明城頭朝啼烏王師南下森豸弧秀才凜凜雄千夫  
出門仗劍攜妻孥全家白骨葬魚腹古潭秋水寒眉鬚

李叔豹遺詩

三

西山無地食薇蕨南荒寸土空榛蕪黔國王孫苦奔走  
咒河碧血春風枯西望龍髯攀不得蠻雲黯淡同追呼  
惜哉忠魂少雙廟先生留此孤墳孤男兒何必帶金紫  
大義乃以書生扶君不見南都公卿半名儒所學何事  
讀何書

邵真人院

邵名以正明天順時羽士也嘗召入大內修齋頗著靈異歸滇栖息於龍泉山得道化去封長春真人詳見商略所撰碑

靈風肅肅來深院夕陽滿地松陰轉玉桃夢墮誰家兒  
豐碑十丈人爭羨皇皇天順訪國師詔書夜下奉天殿  
黃冠白髮朝天子鉢咒飛龍奔紫電法妙偃彭絕世無

炎天飛雪動天眷琳宮法苑開龍泉年年村賽芳菲薦  
風車雲馭想當年惜哉不救土木變

起雲閣

春生古潭水如乳白雲溶溶潭中吐蒼松萬壑忽暝濛  
三雨沙禽隔雲語溼光倒入衣袂涼閣外青空掩芳杜  
長風北來何蕭騷吹送白雲下平楚小麥垂黃大麥枯  
田翁望雨擊村鼓須臾雲去渺難追晴嵐入簾日未午  
密雲不雨怨龍慵空抱靈珠眠水府閉門哦詩意不釋  
青燈啖啖涼生戶三更月黑烏亂啼雲歸仍作山中雨

五老峰

李叔豹遺詩

美

陞山西來開鴻濛五老突起爭清雄高者昂昂低者伏  
頭角俯仰生嚴恭有如高人隱山澤心空塵海神雍容  
若令移此住城市豈免人世譏疎慵十載不見廬山面  
對此已覺清吟胸白衣蒼狗忽變幻螺鬚皆髮蒙青空  
斯須雲散山骨立偃僂却在青天中始知名山有真態  
不肯變滅隨雲風

就西軒梅花

黃冠云百年前唐梅尚在後樹枯朽接其新條種之今亦拳曲老幹矣

長廊日落客來時短榻青燈淡更宜一徑寒梅橫瘦影  
百年唐樹老孫枝空山歲月春無主晚節風霜冷不知  
莫訝名花開較早託根原已絕塵淄

夜宿龍泉西樓

松聲驚萬壑夜半入危樓龍氣走虛壁僧居生冷秋此  
間絕鼓角方外得清幽避世豈無地勞生苦未休  
羣動深宵寂竹簾夜氣淒流泉繞孤枕寒夢入清溪  
語晚風急狐鳴山月低客懷戀幽僻曙色隱窗西

龍柱與舜臣吉人同作

龍祠古柱屈如鐵老龍夜闢祠門裂柱形如龍龍所棲  
龍歸抱柱柱欲折柱頭隱隱留爪痕龍即柱即不可別  
座中有客東海來謂舜臣自言飽瞰蛟龍定清秋雲淨  
樓空夜冷風橫鼉梁凸靈幻久已驚心神突然見此生

李叔豹遺詩

三

眼纈寒撐骨骼苔花腥黑鎖鬚鱗雷雨烈殿頭陰風吹  
倒人欲動不動神光掣樓船十載戰昆池烽烟無乃驚  
貝闕不然水府足深潛託身何至盤林樾沉沉古殿佛  
燈青夜半蒲牢吼不絕鐘聲振柱龍飛去怒灑長松一

山雪

游龍泉歸有作

入山行苦遲出山行苦速平生山水緣茲游何局促清  
暉不忍去十歲九迴目飛雲挂孤塔殘陽懸古木蒼蒼  
松檜中隱隱露仙屋山禽苦留客幽語響深谷多情清  
溪水導我出山曲溪迴人影低林盡孤村束維時已春

陽麥豆青簇簇老農四五人臺笠聚平陸感此風日美  
游觀苦未足山居不覺清近市乃歎俗歸來靜閉關檢  
點階前竹出門甫三日新筍已可劔窗月動清影寒燈  
掃春綠夜深風露涼猶疑山中宿

月下與孫大訪巖栖上人

百事擾長晝孤懷生夜清月華禪舍寂人影到明明露  
重梧桐落鐘搖蝙蝠驚地鑪燒敗葉圍坐說無生

贈劉照齋司馬

梅花壓雪春浩浩李侯座上識君早袖出新詩四座驚  
斗酒酣歌醉清曉君才皎皎秋山雲詞源溫潤絕雕巧

李叔豹遺詩

三

方今騷雅逐橫流輕薄為文嘲謝鮑君能旗鼓嚴中軍  
獨寫天機歸意造唯憐苦語半窮愁一卷離騷怨枯槁  
銅符入手不療饑時君權水利尹太常清齋恆草草長安豈無  
五侯鯖蠅營亦足供一飽何為翫麟獨自憐空齋歲晏  
傷僚倒乃知骨傲不宜時吏隱未合風塵老華堂絲管  
翻新聲胡琴羌笛紛窈窕君今供奉奏朱絃眾裏升歌  
恢強矯歸來官舍寒如水長官無事吏人少閨中妙解  
絲綺琴夫人善幸有知音慰懷抱南郭笙竽吹未能江  
東尊鱸歸計好君嘗作清溪漁隱志對君苦吟君莫嘆愁心  
夜逐南飛鳥

戊辰春初何園賞梅

去年苦作探梅客殘臘夜踏龍泉黑山中老梅未著花  
紅隱枝頭春脈脈歸來對酒遙相憶那識城東有香國  
暗香疎影紫春夢空齋明月挂幽壁朝來叩門訪何園  
萬枝縱橫動心魄滿園紫豔作春霧見花不辨花顏色  
繞徑綠萼二十株渺如仙子來姑射幽姿不肯鬥妍紅  
縞衣掩映墻東側芳雲併入衣袂涼但覺寒香生兩腋  
可憐絕豔無人顧十畝荒園雜荆棘此時唐梅亦吐花  
游春人滿龍泉陌芳名千古人爭羨何來託根兩懸隔  
始知異地情各殊真賞無人到荒僻作詩寄謝看花人  
李叔豹遺詩

完

莫使名花怨幽寂

蛻翁草堂歌

滿湖春雨菰蒲青湖頭訪古初揚舫草堂百載遺石碑  
至今此地歸先生先生往矣神則靈文詞浩浩驅雷霆  
歷年一傳實傑作搜羅河圖窮山經千秋事蹟溯南詔  
爨書蠻語無逃形堂中隱几獨秉筆何啻野史遺山亭  
我知翁書有深意前車後轍悲同傾布衣苦作籌邊計  
豈徒記載誇鴻冥方今邊嶠正多故幕府借箸需時英  
斯人不作草堂地俯仰今古雙滿橫古岸落日昏鴉鳴  
雜花生樹春風馨輞川別墅失摩詰錦江茅屋悲少陵

人間萬事真如蛻區區寸土空相驚不如更築三畝宅  
把酒臥看長湖清

過南村園中看海棠因以折枝見贈賦此奉酬

碧雞海棠天下絕我聞此語放翁說十年足跡羈鄉園  
煙愁雨泣空蕭瑟東風一夜拂水來梅花亂落幽窗雪  
起對空樽意鬱伊晨訪君家酒芳烈入門爛斑見花影  
大喜此身親絳闕春睡長門夢初醒泣痕紅暈水壺血  
人間俗眼愛繁香豈識無香更高潔繞樹盤桓不肯去  
坐對名花那忍折主人喜贈珊瑚枝空齋一笑晴霞掣  
娉婷戚里人初嫁寒透綺衣怨春月幽姿豈肯住金屋  
李叔豹遺詩

罕

芳魂自合伴真逸君看佛法笑拈花鉢底曇雲現明滅

一枝但得花中意不用干林錦新綴何須遠慕蜀江游

芳園歲歲丹心結

園城中與楊吟生夜話即送其古晟之行

事及雲裏備已難鐵圍蛇犬坐相觀醉吟明月孤燈暝  
愁依東風寶劍寒八口累人吾計拙一身為客爾行安  
滄桑自古誠難料多恐重來不忍看

送王雁峯觀察轉餉蜀中

賊騎縱橫夜踏邊巖城刁斗聽淒然戰塵莽莽千村哭  
野色荒荒萬竈煙南郡池隍資允則公會指北門管鑰

重朱宣蜀城三月何堪烽火連三月慷慨憂時雪滿顛

滿目瘡痍困未蘇首山庚癸又頻呼脂膏已見秦民竭

飛挽應勞晉粟輸三峽弓刀迎使節萬家憂樂繫行符

梁州父老翹翅望早祝朱輪轉蜀都

青山萬壘走驂騑繡斧重尋蜀道游苦竹寒生夔子雨

椒花香暖夜郎秋昔年舊夢留金馬此日清吟到木牛

莫惜錦箋頻遠寄新題應寫衛公樓

題家韻黃大令洗硯圖

丈夫不合視田老足游萬里南滇道那知十載因窮邊

峯巒千卷空文藻故山雲首歸未能雄詭老筆風霜飽

李叔豹遺詩

盡洗鉛華歸潛璞知君此意言清矯何人作畫識君心

碧泉紫玉光沈沈梧桐陔陔石寫清影鬚眉坐對溪山深

秋風八月吹蘭芷歸帆遠入沅湘裏時君將歸湖南研朱更寫

卜居辭已無牘背汗塵滓我持此圖心飛騰填胸苦語

滌未曾筆枯墨腐滓如泣寒窗斷五冰生稜

天文城歌同朱舜翁作

陰風夜動五苓鼓響雲慘淡壓誰檣刺史已亡城誰主

刺史有女雄如虎羅襦忽變金甲光五十八部親御撫

孤城百戰人裏瘡朝嚼草根暮炙鼠三千壯士同一心

以心為城城不圯半壁天南戰血腥北望中原淚如雨

洛陽南風吹白沙千歲獨骸亂與午兩京連葉青衣泣

奔奔列城據胡虜當時亦有夫人城長樂一戰不可拒

誰識南荒娘子軍猶存晉家一寸土嗚呼女秀女張許

示弟三首時弟初受室

嗟予實薄祜少小同羈孤阿父見棄時爾生始呱呱撫

育賴慈母甘載空勤劬望爾為成人淚眼青燈枯成人

亦有日落慈慈今已無清尊速友戚纒并度鄉閭繁藻固

有託菽水情終虛祖爾拜堂下面喜心不愉羹湯問新

婦何以識翁姑

惟和能淑身惟敬能御婦遺訓留父書凜哉十世守爾

李叔豹遺詩

誠矯矯姿激昂實自負激昂豈不貴尚氣乃生咎君看

古瑤琴冷冷和且厚內為房中歌外可肅僚友願爾同

渾涵和敬德可久

十年歸嶺海素業傳先公鄉邦亂無象飄泊東東西前

年始定居舊屋隱蒿蓬幸有殘書帙鱗鱗留蠹蟲對床

共呬喔疑義時相通但恨生計拙經營較爾功側聞新

婦賢并口能操從喜爾有所適舊業理從容西風動窗

紙佐讀秋燈紅努力千卷盡慎勿辭困窮

送韻黃歸湖南

我家西華度君家湘水曲念我少辭鄉東南久馳逐君

胡萬里游十載西華蓋以我思鄉情知君歸思促豺虎  
紛邊城萬險全骨肉風塵老奇才莫識摩天鶴一朝仗  
劍起辛苦出窮谷昆湖一握手相逢春醪熟相逢甫經  
年相送亦何速八月西風寒湖水漢以綠君歸已有時  
我歸方未卜

送朱舜臣東游

沈離亦備至孤客尙難歸故里三年別窮途百事非文  
章遭世妃談笑總危機莫作韓非憤解人今已稀

懷張心奮

時君入黔  
迎父榭

燕趙悲歌返君去歲落第南還如何更遠征不堪萊子淚復灑

李叔豹遺詩

聖

竹郎城離亂愁行旅艱危仗友生倚闌人尙在歸日漫

右聲

齋中夜坐聞雨聲不止

酒盡燈昏夜未終五更鐘冷戍樓空秋郊鬼伯鳴殘月  
高壘佛郎響北風賈誼憂時難痛哭韓康避地已途窮  
何年湖上携家去臥聽蘆花雨打篷

月夜訪西農有懷韻黃

病談猶似昔孤館意蕭條寒夢一燈盡故人千里遙梅  
花留舊影韻黃常植梅花十餘株於省寓明月共今宵酒醒巴江上曾  
停何處燒

岳忠武鐵矛歌

是明尹簡  
毅公家寶

禿鏢三尺慘無色飛騎兩字苔花黑矛背刻飛騎二背  
字並紹興年月文隱鑄紹興年當時意氣無河北偃城鬼嘯秋飛霜岳  
家軍來不可當直須痛飲黃龍府豈祇血漬黑風王縱  
橫粉子五十萬將軍持矛正酣戰背鬼五百哭金牌十  
年之功廢一旦半壁河山空互裂一矛千古終難折稜  
角炯炯秋水光照見將軍心似鐵宰相片紙風雷行三  
字嶽起長城傾矛兮憤作蛟龍吼焦山桴鼓寒無聲我  
聞殿司小校懷七首老奸膽落循墻走刀光慘淡照朝  
堂應與此矛同不朽摩挲古物悲前朝鐵可腐爛冤不  
李叔豹遺詩

憶龍泉梅花

嚴霜十月凋桑柘古潭冷冷寒不瀉潭邊老梅破春紅  
一片寒香閉僧舍去年携客山中游三五清歌聚花下  
滿身花影寒不知花霄明月萬枝亞凍禽驚客飛出花  
時有仙雲墮芳榭而今行跡蒼苔寒花底流年那可借  
况復烽火紛四郊名園百畝荆榛化忍使幽姿蒙戰塵  
芳魂寂寞愁清夜卻思仙人冰雪膚百年未盡鉛華謝  
天公要使堅高節飽歷殘劫安足訝人間桃李嬌春姿  
媽紅鬥紫空相詭青燈老屋夜蕭條窗下小梅香浮壁

疎紅濺濺敲東牆一枝已足春風逐對此何啻龍泉游  
不用名山思遠跨好花位置各難同人生隨遇卽清暇  
酒闌人散對花眼醉裏狂吟從嘲罵

觀黔寧王沐英畫像

昔年疋馬摩弼東白石江水聲洶洶行客共指西平壘  
彷彿尙見鬚眉雄土門和林百戰空天威赫赫方南攻  
三十萬軍天上墮江頭大霧秋溟濛銅角一聲平章死  
萬馬忽踏梁王宮南來開府十三葉錦袍玉帶光熊熊  
龍章鳳姿畫不得百年生面開神工紫髯大眼雙青瞳  
如覩酣戰來南中遺像猶堪駭蠻獠當時那敢櫻其鋒

李叔豹遺詩

望

南顧無憂自高枕煌煌天語眞從容陋哉野史留疑獄  
空使後世悲黃封君不見穎川涼國亦人深平南汗馬  
同殊功凌煙圖畫猶未了雞鳴十廟生秋蓬雞鳴十廟  
生秋蓬宮中火照金川紅

喜晤劉丈仲鴻

相逢又是早梅時詩酒二年別後思滿目干戈驚晚歲  
閉門風雪話前期河山此日添新感世變當時那預知  
白羽猶能思一舉莫嫌戎馬鬢成絲

時君督寧州練入省

得朱舜臣書卻寄

稍喜孤身脫虎狼轉愁旅食滯殊方窮途共有楊朱泣

亂世難容阮籍狂故里夢魂憂菽水殘年詩卷挾風霜  
深宵一片嚴城月猶照蕭齋舊榻涼

忽逢尺素暮雲端旅况淒涼不忍看鷓鴣風高鄉信急  
梅花雪重傲裘寒四年作客兵戈險千里依人去住難  
我愧交游劉子相脫驂莫贈路漫漫

曉雪

冷禽催客起急雪打荒林萬井人煙斷重城曉霧深河  
山餘戰壘天地入孤吟何似袁安臥幽居獨擁衾

和友人邊雁

中原舊夢憶江湖羣幕無邊列上都鳥道極天風力健

李叔豹遺詩

望

龍沙萬里月輪孤聲催曉角黃榆墮影落羌絃白草枯  
關塞年來正多事帛書望斷小單于

題陳沅像

誰道丹青寫絳仙雄藩歌舞冷秋烟色空早悟華容劫  
畫本猶傳二百年

壽 壽

壽 壽

年 年





序

女妘蘭晚夫子之伯姊也先舅靜圃公性喜詞賦命諸女讀書習吟詠惟蘭晚最慧為先舅所鍾愛迨蘭晚歸董氏而先舅棄養遂輟不復為夫子時方幼初未知其能詩也歲戊子蘭晚稱未亡人老懷慘怛始謂予曰吾少時好為五七言近體非矜聲悅蓋以博堂上歡耳故三十餘年人無知者今欲藉此消遣子幸教我予唯唯謝不敏自是晨夕苦吟楮墨遂夥甫閱數載而遽永訣矣其子恂錄成一帙乞序于予並屬校閱乃篝燈點勘去其繁蕪定為一卷凡古今體詩四十八首嗚呼由此觀之世之自晦其才而混沒不顯者豈少也哉使蘭晚終處順境必不復從事于斯然則存此數詩亦不幸中之幸矣道光癸巳冬十月弟婦趙綦謹序

壽花軒詩畧

序

壽花軒詩畧

烏程 汪懋芳 蘭晚

看月

誰將玉鏡挂雲端貪看清光久倚欄無奈夜深風轉急  
重添半臂禦輕寒

殘春率詠

半拓紗窗怯嫩寒侵階草綠惜春殘日長病起無聊賴  
信筆詩成愜意難

偶成

壽花軒詩畧

二

送得春歸一點然小池又見放荷錢拂檐柳絮搖晴影  
挹座鑪香引畫眠呀嚙黃雞曉竹外呢喃紫燕語花前  
斜陽欲暮渾無事活火新茶手自煎

首夏

四月清和尙薄寒風來水閣覺衣單新詩自詠無人和  
石銚閒烹小鳳團

四月將盡風雨猶寒率賦

盡日無人到清閒覺晝長雨餘桐葉潤風過棟花香蠶  
婦初收繭田夫未插秧兒童貪放學屈指盼端陽

梔子花

蒼筤濃熏一院香  
愛他映月白如霜  
世間有幾同心侶  
欲贈何人助曉妝

月夜口占

盈盈小兒女  
笑語相馳逐  
夔此好涼宵  
清輝照籬菊

雪夜遣興

又聽檐前折竹聲  
天寒真覺做裘輕  
圍爐閒卻拈鍼手  
強欲哦詩句未成

歲暮有懷弟婦趙子逸

壽花軒詩器

三

雨雪連番水又波  
薄暄氣漸轉陽和  
關心歲序催將暮  
瞥眼韶華去已多  
病起固應詩力減  
愁來不惜醉顏醜  
登樓無限相思緒  
賦就停雲一放歌

有感

書劍塵埋幾度秋  
那堪獨雁過妝樓  
嗟君先我騎鯨去  
何日同歸土一邱

夜雨無寐

急雨警愁眠  
孤燈復明滅  
卻憶九泉人  
忽忽二年別

秋日遣興

何處吹來一笛風  
消閒自課小兒童  
秋來稍喜身差健  
窗外薇花相對紅

中秋無月

牡丹生日又今辰  
底事嫦娥掩桂輪  
如此雨風如此夜  
可憐愁殺倚樓人

看菊

橘綠橙黃又一年  
閒看霜菊步籬邊  
蕭疏雅稱羅含宅  
玉蕊金英色正妍

鸞釵行

壽花軒詩器

四

黃金琢成雙鳳頭  
良工當日精彫斲  
妝臺伴我四十載  
明珠翠羽應相侔  
朝來無米豈得已  
把釵拚向豪家投  
豪家釵鈿貴新式  
見此故釵無喜色  
欲權子母計鎔鍊  
隨手納釵賤償直  
嗚呼寒閨一釵視  
如寶一旦棄之殊  
草草但得子孫清  
白守家風何惜一  
釵不能保

芙蓉花

叢叢冷豔小庭中  
可愛深紅閒淺紅  
莫道此花開較晚  
好同黃蕊媚秋風

喜弟見過

譁笑兒童報客來草堂恰喜菊初開貧家食品無珍味  
只有醇醪是舊醅

九日

花饅五色鬪新奇婦子團樂足自怡尊有綠醴籬有菊  
今朝何可竟無詩

偶成

衣食年年不易謀那堪歲歉減秋收全家八口原多累  
何術能消萬斛愁

冬日掃墓

言石車詩各

五

歲月驚心春復秋荒村重到感松楸依依衰柳疏無影  
淺淺寒波澹不流宿草未青空灑淚鬢絲易白暗添愁  
一抔黃土人何在賸有兒孫拜墓頭

自述

喜長孫枝百事寬牽衣問字足承歡浮生肯向愁中老  
貧賤榮華一例看

冬日

陽和氣暖布貧家窗外黃梅已著花更有傲霜籬下菊  
客來今日酒應賒

寒夜書感

同雲漠漠夜悠悠病怯嚴寒仗做裘數盡殘更眠未得  
縫衣燈下奈無油

冬日雜詠

歲歉家貧不易支賴他子婦善撐持寒窗容我閒消遣  
自拂銀箋賦小詩

漫詠

我年逾六十耳聾目如故刺繡猶挑燈看花非隔霧坐  
此不能閒時復親毫素長吟更短吟聊以遣朝暮勿爲

壽花軒詩各

六

大雅陳譚笑吾滋懼倘逢嗜痂者或邀青眼顧

謝城姪送南天竹

經霜葉尙翠雲妍紅琢珊瑚顆顆圓令我膽瓶作清供  
一枝相對過殘年

蠟梅

磬口初開一樹金隔簾時有暗香侵也思索笑巡檐去  
梳貌偏能稱素心

懷姪女念慈

十載隨翁作宦游傳來消息暗添憂七千里外歸難必

何日相逢話別愁

示孫女阿同

莫將歲月付因循好向明窗刺繡頻識得鴛鴦鍼線跡  
不難花樣自翻新

辛卯歲除憶寄女

記汝于歸兩載過一溪修阻抵關河光陰垂暮尤情切  
衡宇相望奈別何篝火鳴機攻苦慣袖羅倚竹耐寒多  
新年好挈嬌兒女來慰衰顏半醉哦

寒夜偶吟有懷子逸

壽花軒詩畧

七

一燈相對坐吟詩卻笑吳儂老更癡如此米珠薪桂日  
要將風雅力禁持

著述窗前已等身羨君詩筆最清新傳書樓是吾家橐

副響從今有替人聞將刻瀝月軒集

十姊妹花

十萼蟬聯次第開連枝回氣本無猜從今多把臙脂買  
繪出閉人式好來

寓感

寒勒芳叢信較賒春風疑不到貧家塵埃陌上人如海

青眼誰看未放花

喜陸氏三妹來

喜極翻無語長頰子細看殊方悲獨雁一樣泣孤鸞此  
會誠非料重逢或恐難臨行頻握手那禁涕汎瀾

三妹約明春再至

自歎頻番老病加何堪小聚遽天涯明年綠遍門前柳  
許我重逢願恐賒

怕兒自課元郎

阿元纔五歲誦讀韻清鏘舊德能無忝寒梅澤自長

壽花軒詩畧

八

月垂花

敷榮常見四時同逐月花開淺淡紅何懼嚴冬霜雪裏  
高人原不藉春風

哭姪女念慈

訃信遙傳引淚垂珠沈玉碎損蛾眉傷心最苦懷中女  
薄宦提攜仗阿誰

三月廿一日歸墓

莫道今年節候遲春來日日雨如絲長眠地下人知否  
麥飯兒孫春祭時

新晴

連朝苦雨喜初晴好鳥枝頭斷續聲料得芳郊花事始  
幾人春服已先成

病起作

老至惟耽靜清吟引興長安心勝服藥病肺怕焚香偃  
蹇誰相問衰遲我久忘生憎明鏡裏又見鬢邊霜

見紫藤有感

兩樹荆花損一枝看花是我斷腸時當年手植人何在  
相對東風淚似絲

壽花軒詩畧

九

聞笛

誰家閒品玉參差根觸愁懷只自知最愛童孫能解意  
拂箋索我詠新詩

米囊花

碎錦紛披勝彩霞庭前初放米囊花柔枝曼曼嬌無那  
絕似吳宮最小娃

日長

精力衰頹畏晝長盼他日影過東牆近來學得消閒法  
只向桃笙覓睡鄉

見燕

彩燕分巢愛我廬銜泥啄草借梁居烏衣舊主休重問  
且向芸窗伴讀書

夏夜

黃梅雨過芰荷香水面風來白紵涼十二湘簾齊捲起  
一庭清露溼螢光

壽花軒詩畧

十

凡緒四年戊寅季夏既望姪日楨重校刊于會稽學署



高酒詩

雅各略

堂

蔣	屋	如	厓
氏	校	月	涂
慎	印	著	月
情	甲	始	吉
書	策	丙	成



序

金陵蝶僊阮君幼失怙恃尊翁晴江公文名江浙晚年出宰南徐歿於官家道中落君清狂畏俗倜儻不羣連赴秋闈不第遂一意工詩中年貧益甚病益作而檢身克己悟性窮原毫不措意觀其醉面盎背怡然渙然非復曩之清狂倜儻者矣顧乃內難外侮踵起疊生是歲淑配佳兒相繼謝世舉室蕭然形影相弔嗚呼詩人中如蝶仙者其品奇其才奇其識更奇其遇則奇而又奇而天之所以報詩人者想亦別出奇格不在尋常意計中也君歌詩樂府獨出無古今有目者共賞吾不贅言惜乎風雅不作知己難逢綜平日所為賞心詣極之作殆千餘章既艱於剞劂又無從刪汰茲編乃課花女士抄本增以近作數十首釐為八卷公諸同志蓋亦嘗龍一鬮拾鳳片羽之意云爾嗚呼蝶仙近日於此事亦若有不甚經意者殆幾於道歟道光乙巳冬日同里顧槐三秋碧撰

一三序

金陵蝶僊書  
蔣氏校印

題辭

隨園老去孫郎逝又見騷壇起後賢如此文章空福命不憑科第自流傳蕭閒賴有烟霞契投贈偏多翰墨緣咫尺夷門定相識榮根香圃有神仙開侯年

錢塘陳文述雲伯

遠屋盆梅花九株春來多是睡工夫一編忽步蝶仙集十斛如量龍母珠清氣來時天莫管大丹成處海將枯六朝唐宋知誰似自託冰心映玉壺

江浦許廷吉仲常

如此才華老棧車焚香讀罷重欷歔賞音直待千秋士薄福都消一卷書杜甫憂時情款款陶潛樂道意如如玉京仙客

一五題辭

金陵蝶僊書  
蔣氏校印

遙相憶莫道惜騰賦子虛仙集中有水

同里吳課花女士

阮郎五十鬢髮焦捨離故宅居僧寮胸中壘塊無酒澆苦吟字字能推敲前有千古何寂寥後有萬年何迢迢風雅歇絕誰續騷幾人拉雜同摧燒先生大笑無號咷嗚呼知音無人曲已高且暮或遇王子喬

同里楊長年西華

孤雲入定晚晴天歸鳥如潮下暝烟天明定孤雲歸鳥下等向浮生參妙相獨從故紙證飛仙昂藏志肯鹽車困哀樂情誰酷愛憐我亦雕蟲虛壯歲千詩不敵一囊錢山張句

同里吳湘九馭

1822 / 103

204

大著各體並皆佳妙五言疎漢較唐尤爲夏夏獨造曷深佩服之至

佛通門得奉

仿老泉讀孟子法賞心處敢用墨圍非敢有所軒輊也

林前編

五言清微淡遠純得力于陶謝章孟諸公絕異摹仿家數於

此見靜者心多妙飄然思不羣也七言古飛動流逸氣力超

邁議論新警汪洋恣肆駕乎律詩之上

彭承讓

清微淡遠迴脫塵氛固是取徑不同亦由天光勝人得力于

宿根者不淺

清劉字

丁五 題辭

一一

金陵叢書  
蔣氏校印

小傳

阮鏞字鐵香上元諸生性倜儻連赴秋闈不第遂一意工詩

中年貧且病而檢身克己所學益進既遭妻子喪舉室蕭然

形影相弔於詩亦若不經意殆幾於道者著有燒仙詩集爲

吳課花女士所藏顧秋碧序之

丁五 小傳

一一

金陵叢書  
蔣氏校印

醇雅堂詩畧卷一

金陵叢書丁集之五

上元阮 鏞

蝶仙集上

高樓曲

翩翩西家子顧影無匹儻楚楚東家女凝妝閉高樓相隔不盈咫杳杳成千秋

送友游漢中

濁酒一杯空故人揮手去長風吹片颿今夜落何處欲返夢中魂須記來時路依稀荆門山沿洄漢陽渡秋聲天外來離思滿江樹落日沈海門孤篷遡煙霧

古別離送賈映薇

送君驛路傍霜草何蒼蒼送君沙渚外烟波何茫茫江湖風浪險巖壑聲長鱗鴻不可待相思空斷腸我有一片雲送君天一方我有一輪月與君永相望

三月二十九日舟中作

夾岸吹來柳絮風詩情觸撥晚霞紅雲留山徑迷樵客雨過河橋墩釣翁雙槳人歸明鏡裏一年春盡短檠中榜人解說興亡事黃瓦鱗鱗指故宮

過沛縣

舊地經過首重回玉魚解去醉香醅雲生大澤真龍在日落荒城走狗來燈影滿樓忙酒媪筑聲一片近歌臺誰憐我輩天涯走輪與屠沽是將才

馬上

曲路行來天地寬四圍喬木聳雲端山如導客煙中出書爲消閒馬上看松影亂翻鷓鴣點暗秋心吹老笛聲寒不須更畫旗亭壁從古風塵識曲難

隄上

春睡竟如泥日高聞鳥噉不知夜來雨祇訝水平隄

寶刀篇

三尺挂壁秋水光狐鼠夜伏蛟龍僵張良之錐哥舒鎗比並此刀難頡頏精鋼百鍊始何日孟勞流落無人識拔鞘先聽魑魅號舞座時聞鬼神泣我顧此刀腸欲折時乖鋒刃無顏色延津將化老龍吟斗室不容電光掣吁嗟乎刀能報讎亦

一五 詩略一

二

金陵叢書  
蔣氏校印

報恩指揮三千鐵騎奔刀不殺人但殺賊霹靂一聲山月黑方今小醜煽羣梟 詔典師征逆命苗獯花犴鳥迎旌旆虎氣龍文憚斗杓陰山亂掣青天破墮地頭如風葉掃九塞春迴汗馬歸一戰功成響閣早回看往日捉刀人白頭屠肆春

風老

枕上

薄篔秋心入虛齋夜氣清燭光搖短夢風響亂殘更忽訝西窗白難分曉月明臥聞征鐸語應動祖生情

贈雲客

峯峯山前路荒煙帶晚邨童牛歡自躍幽鳥靜無言兩水綠環宅一峯青對門龐公棲隱處琴鶴伴朝昏

北極開曉思

一磬破清曉雲山萬頃秋雨聲涼古寺湖氣上高樓地老穿蒼鼠灘深起禿鷺騷人無限思併作六朝愁

江光一線閣

江色入危樓樓頭黃葉秋長風吹過客落日照行舟獨鶴煙中去三峯天外浮山靈應識我終日此淹留

小草篇呈沈沅溪夫子

我登西南山一郡畫圖小近覩巖下人蠕動何渺渺遠覽十萬家蟻穴蜂窩抱危峯再直上一片煙樹遠矚塵煙樹間萬事忙不了鹿鹿色味聲忽忽少壯老豈知雲中倦下視如小草下視如小草零落西風早蒿艾本無情芝蘭固常好

丁五 詩略一

三

金陵叢書  
蔣氏校印

明湖

我愛明湖光繞隄行未已小娃時讓人拍拍跳野水暝色蒼然來一月墮湖底松檜清四圍玻璃晃十里魚潛靜不躍風定平如紙我欲步虛空上下天光裏

獨坐雞籠山

歲莫身獨閒地偏心自悅落日滿荒城遠山青半截天際靄歸舟揚帆去不歇邨舍墳依然居人幾興滅浩歌飄長風空香度林樾坐看萬家煙笑指半輪月下方雞犬音飛來亦清絕

比翼曲

妾家水之汜君家山之陰山高高兮無垠上有比翼雙翠禽

水深深兮見底下有接翼雙文鯉妾欲度層巒層巒不可攀君來弄煙渚煙渚愁如許何不移取君家山填入妾家水一灣蚤夜不歌行路難

清明曉起

曉閣深深擁百城備人何處一聲箏捲簾生怕花陰碎隔夜猶餘書味清綠樹小帘村店馬紅樓細雨板橋鶯情苗也似窗前草一觸春風恨又生

穀雨日東陳道士

一片春愁上酒旗關風伏雨幾多時門前水長鷓俱集葉底花藏蝶未知天與情根難出世無仙骨不能詩來朝與爾同游騎已有青山入夢思

一五 詩略一

四

金陵叢書  
蔣氏校印

讀方干詩

騷人多是可憐蟲三拜如君數亦窮晚受徐凝優禮待生無韓衮大名隆人間知遇求難逢身後文章論始公讀到鶴盤蟬曳句一時恩寵出唐宮

竹林堂懷古

堂上嗔人鬼特奇例成司馬語堪悲六朝玉璽爭相竊莫笑官家偷狗兒

芳樂苑懷古

芳樂重尋一劫灰臺城無復市門開苔花斑駁榆錢厚猶似

金蓮貼地來

鐵尙書祠

燕入關龍辭闕孤城軍一腔血咄嗟驚見金川開大呼一聲  
悲風來此舌不屈頭可斷此心不回肉可囊天崩地坼白石  
爛巍巍古今一鐵漢噫吁噫若輩筋柔骨不堅休對崇祠拜

杜鵬

景御史祠

嗚呼公衣緋公心直並炎陽輝嗚呼公挾劍天象卻教太史  
見朝士紛紛歸命早公獨胡爲自枯槁與前一墜草而人殿  
上三呼人是草

兒病

噩夢中宵悸扁舟巨浪顛病牽腸共轉心與藥同煎叫雁嗷  
蠶夕淒風苦雨天愁聽妻禱佛相對淚潸然

一五

詩略

五

金陵叢書  
蔣氏校印

感事

我生方童稚歲月何舒長倏忽屆成人意緒何倉皇詩書勞  
我心功名熱我腸安得長爲兒嬉笑母裾傍

晚涼

連朝苦天旱炎陽灼人膚凌歎既無臺涼風安有圖薄暮得  
甘雨微颺韻嘉蔬情迫始知感恩希翻覺殊吾廬正幽敞小  
眠味有餘不知明月來照我牀頭書清光翕然滿萬象皆返  
虛如入無人逕寂歷空山居

盩山雪霽

屋上風迴捲天晴雪尙飛奇聲聞折木清影愛流暉江冷歸  
帆疾山空過鳥稀紙窗三面啟輝映道人衣

過海棠書屋

匪院紛蘿薜尋君到石根小園稀貴客永晝閉閒門人語隔  
花秀蜂聲滿笠喧興來無灑掃席地倒芳樽

踏月

征雁一雙語秋河萬里清樹含風欲動水抱月無聲鷗鷺眠  
俱穩山村淡不明曠然獨來往樓閣野煙平

再贈雲客

五里入山徑濃陰護短牆笠敲黃葉亂門鎖白雲涼石磴鋪  
棋局魚簪掛女桑姓名人不識此處老韓康

頌眼鏡

秋水截雙瞳眉端跨彩虹惟君光肯借知我日常空閱世塵

一五

詩略

六

金陵叢書  
蔣氏校印

何礙看花霧不蒙一官虛作寄青白兩無功

七月望日陰晴奇幻按筆疾書

猛虎咆哮神龍舞陰雷饒饒聲震戶黑雲覆被天無光風捲  
半空倒飛雨陡取江河平地傾屋瓦欲飛昆陽兵櫓溜懸流  
窗紙裂筆琶齊動弓刀鳴空中蚩尤噴毒霧狂飈亂拔千年  
樹一堂人語杳莫聞頃刻神靈洗山路碧翁親挂銅鉦來長  
電一鞭天門開

食螺

三春不食筍吾已負吾齒九秋不把蟹吾更負吾指天爲酒  
人生尖團提盞且醉黃花裡燈昏月暗風吹蓑漁斷收來稻  
壘多咄咄怪似含味烏磊磊形同負殼螺一串攜歸箕箒揚

武煨文煎聲沸湯專味偶宜佐種麪烹鮮不貴調飴糖我聞  
鵝味中有人形質眉目宛然號人膳區區鬼臉腹中藏如兔  
去尻魚夫乙金相玉質盤中央羅列左右醴桂薑甘肥肉恰  
蜂房疊美膩膏逾雞子香十千白八輪黃大人屬饜空無  
賴醜裙熊掌猩猩屑物拔其尤餘盡汰我嗜蟹如甘蔗梢一  
蟹須誇一蟹高誰見蝦蟆來乞命可笑東坡戒老饕安得百  
年三萬六千朝右手持盃左手蟹壓倒千秋平原豪

題周月溪先生六朝訪古詩後

龍虎周遭數千里六朝幾箇奇男子豐碑盡蝕秋煙青銅甃  
盤繡苔花紫始自宋齊終南唐歌臺舞榭紛紛是君王能事  
惟箏瑟狎客經綸盡羅綺花月世界勝鐘聲酒色乾坤餘戰

丁丑詩略一

七

金陵叢書  
蔣氏校印

壘三十六喜皆能書二百餘年何足齒先生豪氣追黃初剩  
水殘山搜稗史慟哭甯同桑苧翁詩歌遠邁青雲士君不見  
孝陵雲樹吹腥風何論月殿蓮花市桃渡空迷賣酒樓松煙  
誰搨澄心紙祇有空城潮打來嗚咽如悲萬靈死何處紅羊  
問劫灰血染斜陽一江水

北齊

馮小憐憐爾嬌容能幾年巫山一覺晉陽滅請君並馬重游  
獵戎衣來婀娜巧笑天然絕如何不裂裘奴給聞卿可是盆  
中蠟

題閨怨圖

春來睡味日慳慳金屋無人自戒嚴一樣淚痕搯不盡美人

紅袖我青衫

女入學

雛鳳游鶯塾禮饋束脩羊侍坐先生側肩隨弟子行笑聲離  
母膝官樣學兒裝索果藏書篋牽奴伴學堂裁箋書字大叉  
手捐人長秋蚓纔拈管新鴛乍轉簧才難同謝女夫莫謂王  
郎熟誦周南句金閨免面牆

蚤

豈有跳梁蟲而令壯夫惡陣厲勢無前大王黑面目白鳥肆  
喧騰反掌奪所欲丹鴻爭肥磽遇獵戮其族獨茲弄狡猾鬼  
域機變熟剝膚象是占闔賊類相屬無翼能奮飛羣居便種  
育荆柯忽入刺圖披難卒讀麗華剛置膝肘擊乃余毒善撮

一五詩略一

八

金陵叢書  
蔣氏校印

如鶴鷗焉能察幽獨攪破莊周夢暗潛瑤英得昭陽傲袴栖  
宵娘素襪伏乘虛刺利錐非親附骨肉探懷偶得之逃竄勢  
加速痛癢細爬搔麻姑爪盡秃林甫數易牀阮咸高曬襪含  
咀遍一家吞噬到六畜問爾小蟲多胡乃過貪贖書鬼尙有  
名討罪豈容贖笑學鄭莊公三物用詛祝蚤乃長踞言君心  
殊慘酷爾我俱微生彼此同借宿蒼蠅附驥尾蝸角分蠻觸  
蚊止蠅螟眉盤居蠟結腹分汝裘一領齧汝血一粟汝其憐  
下才三百踊直曲汝更懷舊情再四催布穀今汝享豐登令  
我遭放逐世事貴見幾世道如轉燭夏屋吾將遷一去永不  
復

渡江

江煙無際片帆開第一聲  
鷺秋雁回塢勢欲隨雲影動潮頭  
齊捲浪花來天空夾岸山迎客  
船到鄉關市聚雷憑弔兒時  
舊樓處荒臺殘礎有餘哀

閨情

郎比紅藕香妾比綠楊  
婉藕花開作船楊枝時一縮

橫塘曲

郎住橫塘西妾住橫塘北  
塘北多碧蓮鴛鴦自爲宅朝朝相  
伴嗚暮暮相伴棲奈何不飛去去去橫塘西

邇日索題小像者甚衆書此一祭

巍巍褒鄂圖雲閒不獨形傳神亦傳除將麟閣開生面才士  
佳人俱惘然邇來俗子紛纏牽描頭畫角爭爲妍生初一點

詩略一

七

金陵叢書  
一冊氏校印

真元竭縱到成彭亦小年家有千竿不寫目紙上愛寫篋簪  
竹胸中閉置塵萬端幻影偏親五嶽山我有精神傳萬古豈  
在區區好眉宇畫人不畫靈臺春誰辨宣尼與陽虎

蝶仙集下

宿楊友山清涼山房

門閉青山裏，鷓鴣圍古寺。中竹吟千个字，茶響一爐風。暝色生

高樹，詩情入斷鴻。爲窮邱壑美，踏遍路西東。

隔水聽鳴雞，憑虛閣枕谿。背炊幾處動，寒靄與之迷。無齒虛

全婢借耕翼，缺妻摩抄青粉壁。丹篆昔賢題

高臺環列岫，修竹繞疏籬。雨過流泉活，鐘寒出寺遲。園蔬香

啟，嬰童稚聚窺。帷一飽，篋牀坐論文與頗隨

舊是帝王宮，荒煙老樹叢。幾人銷戰骨，萬劫付東風。舞罷林

一五 詩略二

金陵叢書  
一 阮氏校印

花落談深酒，盡空石城一片月。處處弔寒蟲

早歲雙親背，飄蓬廿載餘。恩隸三尺劍，風雨一牀書。遲我雲

香翻輪，君水竹居自應。北窗臥夢不到華胥

相見言無雜，除書道亦窮。交誰如此淡，詩到自然工。一覺梨

花夢三更梅蕊風，遠聲高枕聽雞犬。白雲中

凭欄

中夜起凭欄，愴然風動竹。閒庭過絲雨，疏花弄幽馥。數星秋

秋河一燈照，深屋月入破窗來。滿地成棋局，徐聞鐵蚓鳴。石

鼎茶將熟

山中自適

巖巖石壁青，泠泠潭水綠。坐眠秋樹根，來往山阿曲。竹喧疑

有人深林出野鹿

陰雨彌月偶作

大雨翻盆日，幾巡小雨如。絲愁殺人筆，牀硯匣苔蘚。厚泱月

不見鍾山青，池蛙怒語上階石。杜蘭香死蕩草榮，門外泥車

滑滑走牀頭，漏點浙浙零身圍。四壁圖史坐心驚，一丈苔垣

傾家人，裹足隔堂室。倦繡無聊傾酒罌，龜下老奴咄咄語。溼

薪炊作春蚓鳴

春游

盡日尋春作散仙，衿衣都惹翠微煙。萬竿竹子千頭筍，灼然

山僧二月天

淡煙低抹小紅橋，隔住行人路一條。蜂蝶不喧山店暝，百花

一五 詩略二

金陵叢書  
一 阮氏校印

頭上坐吹簫

桃花三月浪飛香，擬束輕裝泛小航。問我浮家何處好，十年

湘水十年杭

再頌眼鏡

明友如君殊落落，秋毫一瞬察纖纖。煙塵瞋我誰能刮，青白

窺人利用潛每對日成金箔。眼偏看花隔水晶，簾登樓從此

窮千里不獨能披甲乙籤

秦淮即景

白舫青尊興最豪，錯疑火樹接星橋。一溪酒氣團春霧，兩岸

香風合玉簫。有月難窺無定業，多金誰駐可憐宵。綠楊瘦盡

鶯聲老，猶有芳心送晚潮



蛺蝶

愛影憐香爾最癡風流名字滿新詩有情花慢開來往不定  
春心乍合離越女恰偷新畫稿何郎猶帶舊丰姿祇愁紙樣  
衣裳薄飄泊西風落葉時

詠南史

花月乾坤不解愁得來馬上總風流終年酒色君臣契百戰  
河山歌舞休不幸才人生富貴可容天子老溫柔祇今石馬  
寒煙臥墳址蕭蕭蘆荻秋

送春

占盡人天豔冶名滿城簫管送君行歸裝猶帶香千種勸駕  
時聞鳥數聲過後風光知愛惜去時蹤跡欠分明東皇有意

一五 詩略二

三

一全 讀 畫 書  
附 氏 校 印

留紅藥爲治相思無限情

送沈雨菴返毘陵

惜別匆匆欲語遲沈郎歸去髮如絲應劉志合交偏晚屈宋  
才高數偶奇九月風霜千里客一肩行李六朝詩到家應感  
萊衣冷好補南陔束皙詞

游叢霄道院

張果逍遙日種瓜客來爭訊紫河車未拋彩筆難成佛每到  
名山想出家地僻只堪娛水竹情多終礙入煙霞怪他千歲  
歸來鶴空憶親知感物華

紙閣

紙閣陰陰睡起遲春雲漠漠養花時是誰一夜風中笛吹活

綠楊千萬絲

惆悵

流鶯低囀我微唸門掩青蕪日又沈細雨溼花風捲絮一生  
惆悵是春心

關頭曲

妾住東關關內樓郎住西關關外洲關門留得郎船住鎖斷  
清溪水不流

鵲紅詩

鵲紅蜀婦人遇寇遠竄中途失偶羈樓閣門落魄無告自  
爲絕命詞投縋死吾鄉願君繪圖邀同人賦其事

馬嵬坡下約他生

元詞云妾在馬嵬坡下  
住此生只合卜他生

肯效吹簫市上行

一五 詩略二

四

一全 讀 畫 書  
附 氏 校 印

此後江南嗚蜀魄又添多少斷腸聲

射鳥

射鳥須射臬射鳥莫射鳥臬生性陰惡一死有餘辜烏飛求  
食急母在巢中呼

大水行

風雨疾馳雷鼓喧瘦蛟裂山海潮奔黑雲蔽天晝夜合萬壑  
沈淪萬井吞憶昔王尊身立水起看巨浸無涯淡城版幾愁  
沒晉陽田疇漂泊禾苗死吾廬地高淹尺許兒輩持竿戲曳  
榜苦彼人家堂宇均隊隊鰕鱗入庭戶何况郊居門通湖避  
湖難似避鳴鶴或如凍雀立屋頂或如餓鷗叫樹梢或爲尾  
生抱柱死或爲孟明竊舟逃登城四顧無滿萊滿耳嗷嗷鴻

雁哀朱樓窗接舵樓底江東門作龍門開我無錢王射水法  
日在泥中歌短缺鄧禹難燕溼薪焦鄭僑時恐崩棧歷十年  
五度驚風波窮櫓淚比秋潮多天吳帝江休肆虐我有彈章  
上大羅

對月有懷

青天有月來何頻不遲不駛空中行秦漢以前不復憶唐朝  
李白與汝親李白之才誰與科李白之量吞江河脚開夾筆  
走風雨醉中往往驚嫦娥途窮奇氣不得泄昂首騎鯨朝玉  
闕那知一千年後人猶看謫仙年中月月光照我三十春朝  
朝暮暮空餅罌今人多于古人淚今月薄于古月情我今長  
捐雲中君飄然一葉浮滄溟月亦不問酒不飲太空杳杳鴻

一五 詩略二

五

金陵叢書  
蔣氏校印

冥冥

寄遠曲

君家一樹柳春暮花飛殘花殘不浪飛飛上君家船飛上君  
船君不見化作浮萍猶繾綣萍絲繾綣依船頭獵獵風多水  
亂流

雜感

盤古訖三皇榛榛莽莽世各壽萬餘齡史書非誕異義陶數  
聖人居心過明叡識破太極圖揭出璇璣秘天亦避其鋒用  
限百歲例顏子攀仲尼吐納太清氣畢竟不永年至聖難有  
二末世多才人學古勞心智精氣日以銷軀骸日以斂不見  
癡聾翁天反上壽賜

昔人多樸誠今人多跳躍掉舌同利錐爭先如獵較好色與  
貪財生小便知覺壯者頽筋力老者健腰脚得毋氣化衰人  
事今非昨譬如穀釀酒愈釀味愈薄又如蠶吐絲愈吐絲愈  
弱十二萬年中今纔月之朔時會有遷流昂頭問碧落

千古交道壞大都文章始詭言共性情性情去萬里傾心若  
同胞背面秦越矣浮夸竊語言飲食較甘旨蛾眉多見妒謠  
詠肆譏詆否亦如棄婦金盡乃去爾何如俠士交一劍同生  
死

一五 詩略二

六

金陵叢書  
蔣氏校印

甫

釋家說輪迴渺茫費思議火焚雷劈殃旱乾水潦異陰殛而  
陽誅天刑顯可畏今人怕死亡時時滅生意白日即黃泉歎  
情即痛事何居塵寰間別謁幽冥契吾勸人葆真庶可道天  
習香火拜空王禮多苦無謂

布衣生太平忠義誰復知奸雄身早死天乃玉成之桓溫懼  
安石暫緩襲晉師倏忽歌薤露地下應悔思自來狗苟輩才  
智多驚時處則爲鳳凰出則成欽鴉草玄固可喜汗青殊可  
悲一朝失心鏡萬古傳口碑如何遺臭名丈夫還自推  
粉蠶見青蟲容色交相諂翁耳見雕題肢體爭誇耀鰓鮓形  
怪奇入饌有同好嗜菱與嗜蒲聞者驚相告石子飲生豕嵇

公眠鍛竈舉動本尋常致令眾口噪相馬不識筋取人徒以  
貌何怪大鵬飛慣取鸞鳩笑

人在天地間呼吸同橐籥兩儀未判時人物一爐煉鍊成億  
萬形各如螺負殼眾生同盡時一氣歸磅礴譬如江海潮何  
清亦何濁聚則成洪波散則分杯勺潮來溝澮盈湖退水歸  
壑水無彼此殊而人昏固覺所以聖與賢天下同憂樂

歲杪放歌

吾生何事堪不朽促促竟如牛馬走不啖綾餅虛生牙不懸  
金印虛生肘著書誰活彭祖年學道苦無赤松友求田問舍  
固甚愚附葛攀蘿毋乃醜終朝咄咄學蠅蚊老死扉下青甍  
守婦人醇酒了無緣樵水漁山竟寡偶李白問月月不磨屈

丁五 詩略二

七

金陵叢書  
蔣氏校印

子問天天知否吁嗟乎世間萬事總烏有誰管生前與生後  
可憐可哂事萬千不稂不莠年四九今歲泥中尙曳龜明年  
燕市去屠狗欣然長揖謝蒙莊十二時中開笑口

詠韭同劉清宇阮岫生作

去年翦春雨中夜留故人故人今未返北山空早春

掃葉樓

爽氣下晴霄危樓恣幽賞半日不逢僧空山秋葉響

唐睢

竟抑虎狼秦英風駭見聞斯人不可殺六國徒紛紛劍挫荆  
卿志雖空力士勳獨憑三寸舌橫掃萬人軍

俠客

烈士不知老壯心何所之黃金難勝氣赤手亦扶危肝膽一  
肯見死生孤劍知頭顱原可贈笑問與誰宜

西蓮庵

夏木峙崇崗西園落日黃城低平古寺竹密抱僧房可有生  
蓮舌空來選佛場無人題壁去蝸篆兩三行

石橋

向夕意常愜穿林草未凋疾風驟入水歸鳥下如潮暝色低  
漁艇桐陰暗石橋此間容小住吾欲學鷓鴣

蓮蓬

象形比如意長柄似葫蘆蠶室絲抽繭蜂房界畫區目空出  
泥滓心苦落江湖似此根清淨應教罌礙無

丁五 詩略二

八

金陵叢書  
蔣氏校印

望妹家

幾日猶歡笑傷心迹已陳孤吟墳上月鬼哭墮頭春鴻爪三  
生夢鸞釵十斛塵東風如有便吹淚過前津

腹疾

昨日食河魚翌日痛腑臟疑入蟠腹寬尙鼓龍門浪攪起數  
萬兵交戰元黃抗牽連芥蒂胸怒發襄陽漲咄哉盈尺地鱗  
甲不相讓腸先九派橫心更五嶽蕩大叩殷雷鳴小叩蝦蟆  
唱取詫支離生貽羞孕婦狀似捫王猛蠢大作爬搔樣遍畫  
蕭君臍恨不彎弓向堪歎腹負公小人量度妄公有藥在筒  
奇思先汝脫公無劍潛驅千秋誰汝謗不生入夢松偏類橫  
腸相爾腹自造孽苦累百骸愴誰能將海水十萬毛孔放否

則剗破醫縫合亦無恙山妻勸海涵坦坦東牀上一笑曠庭  
前仰臥游昭曠

自嘲短祝

眸子爾有靈胡爲眊不瞭慧相屬青睛既讓徐陵好炬眼若  
懸珠又愧東方皎徒守螢火光照字難分曉愁寫龜鼈墨莫  
辨參商昂欺來指鹿兒誰受輾煖嫂錯認東施妍不知子都  
狡觀化差有得見利苦不早近復翳障蒙仰視飛花繞綠何  
妙年華憤憤同衰老人生跬步外萬象皆縹緲閱世醜態多  
明眼增煩惱不如墨守高一味糊塗了校二眼應掉轉  
阮步兵墓

混茫天地龍蛇爭不災濁世非高人焚焚兩眼向誰著浮生

一五 詩略二

九

金陵叢書  
蔣氏校印

易盡惟惜騰寂寞荒墳亂螢照何物狂奴搗酒到出冢側居人

蕭蕭萬竹凌清秋風來猶作蘇門嘯關

哭口口口

貧喜留賓自減餐腹是蠶魚千字飽心隨鷓鴣九秋盤才

人饑凍何如死情淚當風不忍彈

凌霄有志報春暉毛檄潘輿願總違斷雁魂孤尋故侶先令半配

秋螢風冷照空幃重經舊地猶懸榻再借遺書懶叩扉此

後賞音成闕絕七條絃上黯金徽

司馬溫公云讀萬卷書行萬里路然後能文章余反其意爲

真能文章者作一轉語

奇文不吐凡庸口偶借乾坤雙妙手豈必身行半天下纔得

眼光大于斗蕭然茅屋有人在疊翠重巒森戶牖清光吐納  
一千丈筆未縱橫三萬畝閉門細讀古人書如別空屢考藝  
占多則萬卷少半部頗其菁華皆可久不爾揚雄著太玄真  
誠得似安民否三復此旨空筌蹶始知太白淵明不飲酒  
案上插醪醕一枝

麝粉零脂委綠苔一枝猶向膽瓶開濁醪清茗閒相伴銷盡

紅香蜨不來

朱耆村詠雞鳴埭有景陽雲散煙花夢蕭寺風清殿角燈之

句

風清殿角句猶存楊柳依依處士門孤鶴一聲秋萬里月明

何處訪君魂

一五 詩略二

十

金陵叢書  
蔣氏校印

聽秋蟲

秋絲吐盡秋容老獵獵山風吹百草亂石陰崖鬼火青一唱

一酬徹昏曉前村華屋散朱扉簫管猶作春聲飛階前一味

攪清聽如許秋心當告誰

雞鳴埭弔劉裕

梅花已作內家妝絮襖猶存舊澤長戲馬有臺如項羽誅蛇

當道又高皇卻憐紗帽加衰齒無奈貂裘寵後王從此江南

成短夢庾郎賦罷倍淒涼

翠微亭弔陳叔寶

荒亭一角亂樓鴉避暑曾聞駐翠華薄倖詞臣宮裏蠹無愁

天子井中蛙人間誰唱瓊枝曲天上猶藏桂館娃怪底六朝

如傳舍江流一片是淫哇

消寒分咏拈得呵筆炙被二首

齒頰生春氣吐華不教凍筆笑槎枒毛雞偶借吹嘘力舌本能開頃刻花嚼墨幾人堪吐鳳探喉得句且塗鴉輸他紅燭

修書夜暖玉雙雙護絳紗

熏煙小燕寒衾裏霜氣難侵安樂窩人似唐花回暖易身如

睡鳴抱香多繩牀不少冬烘客錦帳應來春夢婆那及姜家

同大被季昆手足樂融和

汪節母血芝詞

徽州汪母氏楊汪君沆婦也年廿四而寡鄰婦以戲言相

觸母引刀斷指翌日芝生芝梢作指形逾年母亡芝而墓

成林土人呼爲血芝冢道光十四年秋沆子榮來江甯備

述始末蜨仙子爲此詞也

巒山高風蕭蕭血痕一噴天地碧千秋萬古生靈苗汪家少

婦骨如鐵青年便矢松筠節傷心怕聽鳩媒言拔刃先將葱

指截指雖墮地香上天天光下照金石堅土花暈碧芝草苗

兜羅玉柱相新鮮任爾春風自駢蕩不作纖纖垂手樣一叢

兩叢屈曲盤都似握拳透爪狀得非巨靈掌開闢真形在天

壤得非麻姑拳丹砂一擲紛雲煙吁嗟乎湘君竹虞姬草美

人尙搨風流稿何況貞魂百鍊鋼墓門之草揚清芳滿腔血

染一杯土五色花開萬種香每歎人生彈指耳此母至今獨

不死誰學長生採瑞芝請悟天龍禪一指

不死誰學長生採瑞芝請悟天龍禪一指

俯江亭

山人不住山長共白雲閒野曠秋先到亭空鶴未還梵音飄

竹院海氣溼松關會躡天風去高唸霄漢間

燕子磯

山勢控金焦荒荒海氣飄陸懸千丈壁橫截兩頭湖北固雲

容壯南朝戰艦消我身似飛燕揮袂欲凌霄

適意

勞生皆幻境適意在幽情水淺魚猶樂風狂鳥不驚閱人增

笑傲處世忌分明閉戶書常把能教心太平

醉興

碧梧枝老丹楓舞庭桂香收籬菊吐山妻沽酒拔金釵邀看

秋花坐秋雨一醉十日傾杯盤蟹螯堆積平臯蘭夜夢流星

排闥入仿佛太白驂青鸞

秋夜

千家萬家宵夢酣一客飄蕭秋衣單松聲養耳水養目獨來

獨往清光寒腰挂酒瓢遊興足我是主人影是僕醉中明月

偕我歸入門借我中庭宿

即事贈周雨和外舅

知我才華怨我曠憐余潦倒望余深自維長吉裁花手難繡

平原愛士心判事久知推白髮受恩原不在黃金徐陵暑月

都無熱全苕喬松一片陰

腐儒歌

腐儒歌

有舉業子弟從遊兩載余懼其無成力卻之人以爲腐乃作  
腐儒歌以自傲  
笑儒始笑腐近腐差近古腐兮腐兮甯爲鼠儒兮儒兮莫爲  
賈

白門竹枝詞

羅什吞鍼別有腸文祥彈指忽生香看他幻出千般景只是

空空手一雙字殿七 文七 祥七

一箇人韜布隙深六街士女各懽心參軍且莫誇蠻語公治

居然學鳥音

滿城香火會孟蘭選勝茶蓬取次看蕩子唱歌僧說法聽來

人鬼一齊歡

一五 詩略二

十三

金陵遺書 蔣氏校印

題明妃出塞圖

佳人品格重山邱遠嫁呼韓命不猶眉黛半彎關月冷琵琶

一曲漢宮秋羽鞍戀戀君恩厚青冢年年塞草愁多少阿嬌

金屋貯別來還與訴筵篔

蓬門

十葉家聲竟寂寥姑祖金大 學士十 教公世 至明會 以祖 韓由 南

老聽鵲斗酒問誰招備會祖 爲考 柳夢 花紫 間公 紅門 素首 石刻 句云 至有 客過

黃柳上湖通曲港猶爭渡花在蓬門不稱嬌窗下晚風人倚竹

樓頭細雨客吹簫兒時記得秦淮煙景茫茫話六朝先 江

六朝居石 橋街 八代 文云 類 略

題李後主百尺樓

大舜重瞳光燭天項羽重瞳力拔山何物李煜亦重瞳朝朝  
眼淚如流泉淚流不到家山去天外香孩忽飛渡檀槽聲斷  
月明中罪及圖書枉遷怒安得萬丈之樓高接天天邊亦有  
仙嬋娟

一五 詩略二

十四

金陵遺書 蔣氏校印

上元阮 鏞

寤莊集上

擬古

東海有一士黃冠羽衣裳長身挺松栢餘唾皆琳瑯讀書常  
千卷胸有海嶽藏逸情逸雲漢清嘯驚鸞鳳朝沾臨卽酒暮  
挾邯鄲倡我從東海來霧遇歧路傍下車欲與語白鶴驂翔

醜雞甕中舞秋蠅枝上嘶稟氣本無二浮生况皆齊我身在  
人海風濤無已時朝見齊髡笑暮聞阮籍嘯朝暮自奔迅嘯  
笑成狂癡一枕入脛渾安用智計為無夢無驚喜無覺無是

丁五 詩略三

金陵叢書  
薛氏校印

非

相見曲

朝相見暮相見暮去朝來何戀戀君戀妾鏡中面妾贈君腰  
下劍一雌一雄光燦電摩挲在手風雲變待君十年平海甸  
歸來化作雙飛燕

題友人獨笑圖

世途蒿目開顏難饑寒疾病非一端憂人之憂樂人樂誰能  
一例資笑姍吾聞子與子祀高半風笑傲猶許四人同釋迦  
老佛微笑參大眾不解天女詰問君獨笑一何愁俛而不答  
如花含有時啟頰貌莞然數聲漁笛神為傳有時撫掌冠纓  
絕欲效青天飛列缺得非人濁我獨清聊復和光同其塵君

不見包老嘆臬卿罵正氣能令鬼神詫又不見步兵哭士龍  
笑玩世空貽後人諍惟願先生如春山笑靨能回枯木寒不  
願先生如梅萼笑口但容高士索我與君家慶簪盃門戶自  
開無使閻先生可是達者流欣然失笑口難合

大鐵錨歌 在鍾山書院右

一錨僵臥秋煙裏壯士千人扛不起傳聞石爛海水枯毒霧  
颶風驅至此便駕萬斛舟對汝空踟躕奇貨不隨金馬換神  
物豈容羸政收浪游偶出江湖派鼓鑄羣靈發光怪半插泥  
土半空青西接鴨欄東官解疑是仙人泛靈植失勢一落紅  
塵界五石之瓠不為瓢此物金剛身不壞我思鐵笛山人吹  
天風鐵研名與書生同獨爾流落苦無偶歲歲摩挲婦人手

丁五 詩略三

金陵叢書  
薛氏校印

何不化為萬券銘元功豐鐘寶鼎相追從免教老守寒冰窖

黑夜聲煩蚯蚓竅

糊窗

我愛明月光如水浸窗戶我愛梅花影全神傳阿堵我不喜  
關觀形色分表裏我不喜彌縫小補殊可恥細意熨貼平了  
無隙可抵頃刻寒暖殊由來憑一紙

供闕小引

羣芳競秀題品各殊闕不可得名也強名之曰幽口靜曰  
清曰逸庶幾近之若夫國香之號王者之稱尙嫌附會至  
乃援以入騷初以為佩詭妄謬悠殊為褻體供此花者宜  
居以空谷灌以明水貯以磁斗養以綺石門無雜賓案無

點塵壁無俗韻不鼓琴不吹笛不飲酒不談禪惟一淡妝  
處子脈脈坐對而已

湘簾高捲靜無埃九畹風清未易才涼露乍濡纖月墮更無  
色處有香來

示謝生並呈金文偉君

古之人中龍犬志基兒童爾曹局量小紺玉非黃鐘日閉俗  
人語業儒難救窮心地一失守眼界何由空經史如百藥百  
病皆能攻久食得不死字字丹砂功大雅如可作斯語將毋  
同

黃侍中祠血影石

命婦心如介石貞至今片石亘忠魂落霞倒影山河赤併作

詩略三

三

金文偉書  
一海氏校印

荒祠血淚痕

楊花

步虛無力逐風顛去住何心欲化煙爲語兒童不須捉讓

權作小游仙

祖龍

萬載雄心拓壯圖豈知天意有乘除兵來猶勝中州鐵仙去  
應燒闕苑書血滿長城空有怨功書崖石定何如聞君照殿  
銅安在指鹿人來鑑已疏

彌衡

誰學王郎斫地哀耳聾三日鼓如雷權門投刺非良策亂世  
多言即禍胎黃祖何知鸚鵡賦曹瞞猶妒色絲才茫茫今古

名流恨教與先生幾馬來

陸陀

雙丸日月征輪走一幅乾坤圖畫開世界鶯花催夢去古今  
人物作潮來山川可到終非險斗石能量不算才愧我陸陀  
少年日願瞻前後重徘徊

懽悴

懽悴西風奈我何一竿幾欲老煙波有情歲月今還擲無用  
文章古亦多學到松喬惟灑落人非管樂總蹉跎茫茫身世  
無窮感未許空山自嘯歌

秋疑和秋碧作

金谷荒涼好伴稀閒庭對舞趁朝暉別來顧影身何瘦老去

丁五 詩略三

四

金文偉書  
一海氏校印

香夢已非南內撲殘宮女簾西風吹冷葛仙衣伶俚自抱  
寒花臥肯傍人家門戶飛

夕陽陰裡舞翩翩影自飄零態自仙韓掾再逢偏老大楚姬  
已嫁莫纏綿輕飛好護將殘粉塵夢猶留未了緣曾記太常  
山土路花間小謫又經年

宿幽居寺

匹馬停僧寺蒼苔萬象收閒關塵事少靜院屢聲幽葉響  
藥樹燈昏雲止樓明朝采藥去放眼碧空秋

登山亭

山勢聳雲天山亭萬壑連晴虹吞海氣嵐翠瀉江煙鐘逐飛  
鴻下風迴落木懸仙槎誰犯斗空自羨張翥



紫峯閣

路轉一峯缺翹然出梵宮萬花紅灼灼千佛青濛濛影近  
穿樹嵐光淡入空無邊行鶴落人坐半天中

宿攝山中峯

老僧舊相識止我宿崔嵬虛榻飛簷葉遶天濁酒杯翻聲催  
月上山影度江來高誦元暉句登臨亦壯哉

曉霧低于足橫飛路八千平分上下界中隔一重天人物倉

茫裏江山渾沌年誰知最高處殘月挂峯巔

新正八日遊鍾山

山中無禮法門外即風濤萬井悲秋雜終天塊塊勞癡僧疑  
我貴飛鳥羨人高獨坐峯頭石凌空試彩毫

詩略三

王

金  
氏  
校  
印

登鍾山絕頂

采藥人何在飛仙路可通石流穿峽水雲攔下山風絕壑蒼  
煙暝寒江匹練空往來深樹裏惆悵古行宮

白雲寺

亂石削空青天風挾我行一山腥海氣萬壑走江聲鐘入寒  
雲杳虹垂遠樹明平生幾兩屐浪跡若爲情

樹杪炊煙白環城一紙鋪湖明燈影長僧定梵音孤靜夜嘯

山鬼深堂竄野狐壁間篝火暗雲氣溼樓闌

雲中曲

海上金烏浴雲中雞犬喧此間猶白晝下界已黃昏

秋懷

翠花紅處芰荷稀靜領秋容自息機歸燕入簾爭對語流螢

照水認雙飛三更細兩人沽酒一徑寒煙鶴守扉檢點繡袍

聊自慰思量還是下書幃

忽忽狂奴已二毛多情人尙贈綈袍劇憐歲月荒唐過敢說

風曠格調高小草未妨沾雨露好花多半冷蓬蒿時平不作

蘭成賦臥聽江南八月濤

鏡裏鬢眉祇自奇前途黑漆許誰知人言可畏辭金日民命

先關畫粥時天地混茫雙蠟展河山今古一枰棋治安三策

談何易待出山來悔已遲

笑指雙星問再生迢迢銀漢不聞聲悟來莊叟原無夢老去

相如尙有情多累已知難擺脫能詩轉恐悞聰明只今投筆

隨流水洗盡天涯才子名

詩略三

不

金  
氏  
校  
印

幽女操

莫作相如婦莫作秋胡妻白頭吟最苦黃金價最低在地有  
陵谷在天有虹霓花好轉生蠟藕香須出泥堪頭源正美桑

間路易迷青蠅滿眼來誰其完白髮

宿僧房聽雨

秋雨洒蕙松山風擣四壁鱗魚鳴饒幾遍汀折蘆花冷雲入  
海嶂孤衾濕半席殘燭滅復明對牀僧更寂庫廊木葉乾敲猛

作人行跡不知屋漏聲丁丁何處滴

彭祖

萬族有榮悴死生載夜爾畫勞夜不眠精神掛披靡吾想世

問味落落只如此驟嘗殊有情深味未爲旨問君何特殊久  
住形不毀閱世多滄桑抱孫到雲耳天網有時漏此例烏可  
起倫冷盜跖輩倖獲斯人齒嗜慾靡不窮凶暴更無底始知  
生物心垂誠必以死

論詩簡吳九顯

子雲雄辨才文章尙覆瓿我輩吟風月究非真不朽涵養性  
質醇立言根柢厚舉念屬太空洗心遠塵垢興到便摠懷遺  
化生兩手妙語自飛來恍如前哲有此是無絃琴敢告知音  
友

真仙不說法老佛不譚禪危言日以出妙諦何由傳我有古  
語將煥煉光采堅至寶不容炫拂拭誰爲妍遲之五百歲躍

一五 詩略三

七

金陵書  
蔣氏校印

躍鳴向天

哀清溪

咸豐辛酉秋常州清溪被火觀者多遭水厄作詩弔之  
天書夜勅馮夷公桎梏罪人投蛟宮鉤魂攝魄苦無及鬼請  
祝融爲先鋒東南一炬光騰焱倒衣觀者如雲集爭看水波  
徹底紅不滅當年燒赤壁前呼大官來一鞭擁道開馬蹶人  
跡紛相雜鳴聲震地轟如雷注名應歷恆沙劫鬼斧一聲岸  
石裂暗中魑魅喜人來赴如渴貌落如鶴吁嗟乎煙消火滅  
都無影縱不焦頭已滅頂禍水千家覆莫收須臾化作蟲沙  
盡救生艇子來紛紛拔出沈淵幾箇存少婦哭夫翁哭子幼  
兒哭父弟哭昆過客往來不忍顧棺槨參差橫道路三日經

聲懺鬼門萬骨飄零腥古渡誰家歌舞秦淮春不解悲酸尙  
弄筆

秋夜題紅樓夢傳奇

殘缸夜耿金蟲瘦繆窳陰風戰窗竄秋聲尋入秋心枯把卷  
寒生肌骨透大槐國裏夢紛紛安得紅樓夢裏春高屋大宅  
朝朝起急管繁絃處處聞底事寸灰飛尙起一往纏綿竟如  
此萬劫難回兒女癡相思不共形骸死金谷繁華世莫爭梨  
園子弟舊知名聰明甘向愁中用苦惱都從情上生玉侯第  
宅今誰主何況歌童與舞女當時買笑千黃金轉眼吞聲一  
抔土茫茫人海盡波瀾夢境悲愉總一般到頭名士無他物  
一箇蒲團一釣竿

一五 詩略三

八

金陵書  
蔣氏校印

短歌行

海雲兮蒼蒼天風兮浩浩有美人兮撫玉輪無壯士兮捉金  
鳥秦皇漢武空蹉跎夸父一去知音少道旁女兒顏如花昨  
日如花今宿草東人歌舞西人悲明日東人亦枯槁安得青  
天膠白日一輪長挂扶桑曉萬古人天俱不老

宿葦廬

不有煙中寺誰留過客車笑談殊灑落水竹更蕭疏檐雨滴  
泥馬山風警木魚一宵容偃仰隨處是吾廬

書閒

不知窗外雨一夜杏花生草色滿庭活鶯聲何處輕貴猶妨  
我懶高豈礙人情且博閒中趣升沈客漫驚

僑居同鶴儔作

自得僑居樂人言類輞川出門嫌晚照隔水看春煙麥草綠

成海菜花黃上天野人無一事歌詠太平年

酌酒同鶴儔作

四千年後事天意幾徘徊有客吟詩老何人送酒來陶潛真

達士顧愷亦癡才此意期終古歌呼藉草萊

春閨

永巷閉幽女春閨劈錦箋但須借好合豈必關芳妍綠淺笑

遭叱恩深詈亦憐後堂絲竹夜堂上舞嬈娟

方正學祠

燕子金川入先生殉國傷振衣書塞字厲口問成王血影下

五詩略三

九

蔣氏校印

年碧忠魂十族香我來瞻廟貌流涕滿衣裳

長門曲

久罷彈箏手長門恨已捐無端驚好夢重理舊時絃

妾容老

昨日妾容姣今日妾容老妾容自老君情好相知那必相逢

早銀河萬里不為杏黃金萬鎰不為寶妾有丹砂返枯槁與

君相見非草草來朝策馬藍橋道

四十生日歌

我年四十如中秋西風漸逼年光周回頭做得幾許事書堂

兀坐空羈囚足未登太行恆嶽身未親劍戟兜鍪挾策不容

上金匱奇書不許窺玉樓日博臣朔一升米老屋數椽酒數

甌夜攤幾尺青綾被朝陪幾箇黃童咻壽如籟鏗亦何補死

見玉皇猶含羞上有谷神笑搖頭爾言大謬聽我謠爾軀七

尺浮六合如馬一蠶海一漚爾食只粗糲爾衣惟敝裘化工

重大容百物那復錙銖為較籌巍巍事業公等在青天不煩

杞人憂何況爾子方弱冠才名欲埒張僧繇爾頭甫半白聲

色都如風馬牛願爾學道追子晉喜爾素心鄙太邱兩間生

氣難埋沒奇山還待爾窮搜望雲許唱昇平樂得錢便博醉

鄉侯洗爾磊塊澆爾愁攜琴載鶴登扁舟乘風破浪逍遙游

只算海天多一鷗

著書

著書萬卷不如上殿一攀檻馳名八區不如當關一棗福我

五詩略三

十

金陵叢書

口不飲三霄露我足不行萬里路生不向龍墀抗疏來死不

教馬革裹屍去胡為仇讎七尺軀嗚呼嗚嗚自朝暮學為儒

術皆皮毛遁入名山終謬誤況當風騷歇絕時碎盡囊琴誰

復顧時逢俗子相嘲諷掩耳結舌貌如塑何時一登秦華峯

仰天嘯向無人處

陳希夷臥像

孔明臥草廬卒為先帝死謝傳臥東山乃為蒼生起問君何

獨眠悠悠學神仙學神仙不計日五代干戈可泣我向牀

頭一大呼青天白日飛霹靂

小築

看雲人又老江東小築清溪半畝宮江令樓頭花入夢少游

門外馬嘶風半生囉笑心俱苦一卷文章病始工早晚樓霞  
秋色老滿山紅葉待詩翁

蓬夫五士動吟情風雨深宵一短檠有命應須愁稚子讀書  
豈祇爲今生不關名利交緣好畧嗜雲山福便清等是頻年  
撥故紙白頭我已誤聰明

哭嚴竹江

處處嬉遊如一身年年把臂共尋春只今南北山頭路一度

花風一慘神

下榻何人留孺子樓金知我異劉又幾回暗想他山語一醉

無名益借花

送龜

丁五

詩略三

十一

金陵書畫  
蔣氏校印

年長空增益册文癸桐聲裏又斜曛貧家未有黃羊供一炷

清香送龜君

婦理齋鹽我放歌從今佳節醉中過書生別有開懷事今歲

人家爆竹多

哭姊

幽明情闊絕此去竟何之使至聞君病余來訝管移如何旬

日恙不見一書馳數里如千里生離竟死離終天惟飲恨滿

目起哀思苦憶分梨日難忘咏絮時受書隨步履問字隔罍

罍逃學逢場戲裝裳逐隊嬉比肩與並坐倚僕馬輪騎炊火

燒丹窻持竿舞綵旗先君子卒於徐州敲冰齊奪柝鬪草競穿

籬繞膝令爺喜分甘怪母私家貧強族佔金盡北堂衰馬齒

匆匆長駒輪冉冉推于歸驚姊惡作婦失烏慈瓊水難飛渡

春山懶畫眉季昆懷迥迥寤寐切怡怡早慧原非福多愁總

是凝月明紅粉泣露重雪蘭萎荆樹半年別膏肓二豎欺鐵

多空錯錯藥誤莫論醫忍伴初長夜愁看未殮屍嫁衣餘製

錦妝鏡賸殘脂靈幔蕭蕭響風燈閃閃吹繞牀嬌女喚索乳

小兒飢聞道臨危日還留囑妹詞望車腸九轉瞪目淚雙垂

嚙昔依堂下深情屬阿誰九原今話別二老更銜悲庭有傷

心樹人輪衛足葵畢家聽噩信揮涕共漣而幻影歸蝴蝶寒

山叫子規早遲儂亦到少小意難追魂倘知來路今宵夢裏

期

風箏

丁五

詩略三

十二

金陵書畫  
蔣氏校印

尺紙行空風有權兒童翹首立春煙升沈倏使雲泥判音響

能教遠近傳聽去宮商頗改調時來蟲豸亦昇天誰言蠶線

材無用一樣牽連到陸邊

讀青蓮集

管策唐朝翰墨動渡河劈海過趙羣葵表自寄玉華樂繼日

長飛五色雲夫下心知惟和月人間塵小那容君飽風灑灑

增惆悵斗酒難澆此老墳

游隨園懷倉山老人

重重樓閣寂無譚山作牆垣水作家燭輝輝千樹竹從鸞

冷抱一溪花也知有福能容懶不信多情定狎邪小艇而余

橫斷岸采蓮人去月西斜

天生名士建精神唐代司勳此替人好夢無風驚軟寢名山  
有閣賽麒麟情深絕世堪懷古官退餘靈盡買春隨意梳妝  
成格調羣公休效捧心掣

倉山依舊淨如妝曲折亭臺草木芳蒼迺老依花月地經綸  
銷盡水雲鄉白頭行樂千秋少青眼憐才一世忙恨我遲生

三十載無緣垂盼賀知章

友人有試卷已落經攬房師呈薦始獲雋者囑余賦詩以獻  
雌伏江鄉不計年是誰隻手拔沈淵山中小草殊無意巽下  
焦桐忽見憐才子相逢惟慟哭美人晚嫁倍纏綿自慙不及  
隋家雀覓箇明珠獻座前

竹裏

丁五 詩略三

十三

論理 蘇氏校印

竹裏樵青善煮茶綠雲深處是吾家圖書滿架慵開帙兒女  
分甘互索爺性野喜臨懷素帖心涼不鎖邵平瓜午窗一覺  
炎曦過曳履蓬頭獨聽蛙

和秋山詠物詩

美人名士許平分繡閣蕩蕪書舍芸夢好儘教鸚鵡占花高  
最易蝶蜂聞懷芳樹又經寒勒絕代人還斂手熏我與海棠  
同抱恨袖中錦字欠氤氳

攜來暗室恰相宜照到孤村最不私遠岸數星舟泊處小樓  
一點夢醒時月華入戶光微掩夜色窺窗曉不知苦憶弱齡

攤簡座慈親挑盡漏聲遲

游徧溪山宗少文不曾獨寐感離羣形骸放浪應容我歲月

消磨半付君秋雨春風皆幻夢亂頭粗服散朝雲何如巢父  
高樓處笑看元龍上下分

圓木何勞警醉醒倦來往往藉山青曲肱猶自眠風月雙粲

空應避尹邢任爾游仙皆幻夢與君聚首儘忘形等閒勘破

囊中物一覺何妨五十齡

壽內四十

少小埋頭但屬文廿年生計薄于雲翻嫌仲叔多饕餮曾把

猪肝累細君

苦境年年說轉來愁蛾幾見一回開閨中塗抹無窮態不獨

添薪仰古槐

嫁得黔婁命可知天涯差免恨分離海山不盡纏綿意付與

今宵手一卮

十四

論理 蘇氏校印

經卷蒲團意味長布裙椎髻正相當膝前恰有丹青手畫箇

梁鴻對孟光

慰座客

天非閒我輩迹偶託漁樵百疇有榮悴孤芳無市朝途窮高

趣長福至睡魔消且自工吟嘯開懷酒一瓢

烹茗

素書常在手消盡一春寒客至惟烹茗花殘尚倚欄有身汚

俗易無福做人難只合荆關閉如鳩拙可安

題畫

淡煙鎖孤村寒風動野水跨驢人影微吟入梅花夢

游永濟寺

白蘋紅蓼綴江干古寺荒涼夕照殘  
樹作龍形盤絕壁石當  
入面起飛鸞要登彼岸回頭身  
每到懸崖撒手難太息名僧  
寥落盡四山風緊木魚寒

宿靈谷寺無量殿

門外秋蟲徹夜鳴深堂蟬蟪無  
多差廊封太歲經文樹石印  
仙人掌跡奇隔帳蟲如錐脫穎  
敲詩人與佛低眉餐霞便覓  
長生術不待黃梁夢醒時

游棲霞寺

芙蓉朶朶亂雲封訪徧招提踏  
幾重香藜餘履題壁字天風  
吹斷下山鐘半江倒影垂金鳥  
百道清泉走玉龍尙有數盤

幽絕逕漫云身到最高峰

最高峰頂俯清秋城郭蒼茫暮  
靄收石上依稀秦漢樹雲中  
睥睨帝王州野狐聽月眠山麓  
饑鼠窺燈坐佛頭咫尺洪崖  
肩可拍仙風灑灑異香浮

萬松嶺

十里五里松前山後山峽羣龍  
時上吼罡風動鱗甲倒捲海  
門濤來向樹頭壓

雲片石

匠石鑿巖巖慶雲堆郁郁奪來  
鬼斧工炫然米顛目何不飛  
上天爲霖潤嘉穀  
幽居園午睡

我訪幽居園隔樹一僧答怪石森  
森覆叢篁吹颯颯奇巖開  
一線再碑繞數而瑰偉瞻聖容  
太寺風塵明追陪卻老衲有時臥  
看山空翠與之合柳陰披作幃  
松花落滿頰小鳥窺我眠徐  
行近我榻空林不見人門靜風  
開闔

禪居

無心卜禪居一來九十宿耳熟  
鐘磬音衣惹梅檀腹睡覺紅  
日升起啖松花粥林陰忽上堂  
緣壁繪幾幅清風偶然來一  
院皆翻綠日夕小游覽笑語共  
樵收觸處發奇情不在見聞  
熟野色空無垠霄光淨如沐樂  
意在歸禽和聲出修竹明月  
倘能來道人坐空谷

僧樓

出門無所營選勝寄高躅不踏  
西山雲便訪南山竹離城二  
三里瀟灑絕塵俗漸覺市聲遠  
微風吹斷續深樹隱江光人  
影漾空綠濛濛一縷煙知有松  
間屋閒將酒瓶來醉向僧樓  
宿斷霞明遠峯歸鷓集古木好  
景拓窗收小詩欵枕讀一夢  
化爲雲行遠亂山谷

寄懷秋山

年年此會共幽探今日相思手  
一函記否去秋黃葉路瘦筇  
拖雨入茅庵

初應試

傅粉塗脂莫再論秋花已老苧  
蘿村縱教網得西施去未必  
能酬一願恩

詩略三  
金  
謝氏校印

詩略三  
六  
金  
謝氏校印

120# 945

192

書歎

天地爲渡船過客日轉換人生數十春老幼廢其半動名不  
早成學道驚歲晚夢夢終如何撫膺再三歎

蝮蟻

蝮蟻穴牆陰長游益盜間西隅指東壁道里何綿綿堂室未  
曾歷安知門外天累堙自勞苦撼樹徒癡頑猶有尋夢客高  
枕庭柯眠

除日戲書

歲除無緒落墨成詩語涉俚鄙亦足展懷

三百六十日流光只一髮風塵多苦辛而况屆殘臘祭詩竟  
何爲送窮安可法羞草乞米書口啓肩先脅還作信天翁神

丁五

詩略三

十七

金陵叢書  
蔣氏校印

完氣不怯拍手唱烏烏探喉啞恰恰請味除日詩亦抵屠蘇  
呬汝曹紛饋歲命意甚猥狹義雖取復始象實占噬嗑傳柑  
互往來饋遺伴親狎或如蟻附羶屠門太喧雜或如鼠搬糞  
小物亦收納負戴肩相摩踉跄步難踏列肆闐闐居呈材最  
冗關先期啄千門操券同梵夾如期決一戰黎明便嚼香索  
通如追豚洵洵背盟歛富者坐重裯會計羅筭篋貧者貸高  
門語音漸鳴吧嬉笑怒罵中羣喙鬧鵝鴨日夕炊煙生一髮  
通都合酒氣撲乾坤香風散鷓鴣傾耳爆竹繁比戶桃符插  
幾家巧笑姝明妝坐闌閣煙火回春陽老幼宴歡洽門相喜  
字書名紙備奴搨誰憐昏夜人子母權未乏絡繹寒燈飄躡  
門尙三市朝嗽一照時萬象灰盡蠟嗟余不耐煩守此清淨

業奈何近市塵身作泥中鎮急呼石凍春熱飲氣先壓馬齒  
定當增睡酣聲震榻

哭陳秋山

半月書來別余時病未痊囑儂刊宿草感爾贈遺編正擬一  
宵訪偏差半面緣重看故人字一讀一纏綿

再哭陳秋山

唱到山陽淚疊揮愁城憐爾不能飛窮途作事巧俱拙懦口  
逢人是亦非雙眼孤高心磊落一衿潦倒骨寒微平生五岳  
懷難遂今日游魂定不歸

有財汝是揮金俠無分身爲觸紙蠅五夜舊聯闌若榻十年  
同話草堂燈名場大有拘人索門館真同受戒僧知爾浮生

丁五

詩略三

十八

金陵叢書  
蔣氏校印

原悟徹生前心是一條冰

秋山名醇詩多警句靈谷寺云古寺無行客蕭蕭一徑秋  
松浮山氣靜鐘斷谷聲幽短堦樓雲腳清泉響石頭願分  
功德水一漉古今愁太虛亭云亭與山爭古登臨思不羣  
松鳴千嶂雨江落半天雲鶴影明秋澗樵歌斷夕曛下方  
煙樹暝空籟得奇聞勞勞亭云何代多情者勞勞車馬停  
往來成過客離別此孤亭柳尙三春綠山仍萬古青徘徊  
人不見搔首問蒼冥訪蜺仙子不值云出處如雲幻叮咛  
不可尋名山幾兩屐流水一生心案有題詩石庭餘挂壁  
琴飛鴻杳然去天外作高吟五言如鳥帶花離樹蜺隨人  
出園壁蟲聲似雨風樹響如潮冰沼動魚脊霜橋滑馬蹏

魚龍爭大壑風雨開空江雨敲山翠落風刷樹煙飛鈴語  
敲風磴樓陰壓樹渾七言如松濤怒發蒼龍嘯山雨忽來  
野鹿奔山移雲氣亂飛雨風動江心疾走船又有長貧妻  
屢欲焚書七字皆可傳世

丁五 詩略三

十九

金陵雜書  
蔣氏校印



醇雅堂詩畧卷四

金陵叢書丁集之五

上元阮 鏞

寤莊集下

題畫風

目不視鳳凰耳不聞鳳凰君胡爲乎繪鳳鳳鳳乃在丹穴  
之陰崑崙岡離離嗜嗜鳴朝陽岐山一別凡幾春天才不下  
汚黃塵片羽昔聞贖萬死一頭今只沾千緡鳳鳳聞之破空  
語唐突紛紛安怪汝但悉余情在竹梧未識余真聞天姥會  
向雲中露九苞拓汝塵襟萬萬古

過故明宮

十里五里復道寬長橋短橋渠水乾內城外城禾黍夾東宮

十五

詩略四

金陵叢書  
蔣氏校印

西宮松楸寒殿頭夜夜飛燐紫石馬踴躍呼欲起昔年鴉瓦  
何斑然填入幾家壞牆裏頽基空闌石欄斜云是妝樓舊館  
娃老嫗兩三坐啼髮苔花歷亂愁風沙滿眼蓬蒿人獨立古  
帝王都皆可泣破曉一聲高樓鐘亂雅出樹朝紅日

游西山

一徑入蒼翠古寺闕羣木疏兩帶斜陽翠山若新沐殿前鐘  
一鳴競進僧寮粥老佛坐香龕笑捧幡幡腹我本忘機人乘  
閒豁幽目訪勝素所詣得僧徑初熟徘徊帝王居躑躅蔓草  
曲誰造好樓臺香火東西竺長林清梵飄野花高壘郁俯仰  
極大千含悲不敢哭弔古竟何爲一醉臥濃綠菟裘不須營  
僧廬卽我屋足抵千峯雲身蔽萬竿竹大地總倚寓葛天同

靜穆長此一瓢懸歲月任奔突彭殤吾弗知萬事浮雲逐

再游永濟寺諸勝境

蹊屨來招提迴與塵境隔野草繡平岡雲氣溼巾幘幽篠垂  
洞門古殿陰叢碧陡起山嵯峨嵌空懸峭石棧道窮攀援飛  
狻絕行跡鳥聲碎層甍樓影臥山脊寺門面江開江光搖石  
壁爛爛楓樹林返照鬢眉赤移櫂大十圍松柏挺千尺帆樯  
鳥下排陰晴座間易迴顧來時路林壑蒼煙積晚景占幽偏  
塵襟拓逼窄願作拾樵人不羨采芝客薄暮台洞樓微聞石  
乳滴

由沿山諸洞至一綫天

沿山石作天依山僧作宅此洞更嵌嵌一綫天光白不向此

五

詩略四

金陵叢書  
蔣氏校印

中來尙嫌世路窄不從此中出那識天衢闊

李陵臺

南望不歸雲高臺空夕曛年年衰草白輪與漢昭君

太白樓

三唐彩筆大江流明月長留萬古愁換酒有誰拋紫綺招魂  
此地築糟邱荒祠落落天津樹暮雨蕭蕭采石秋賸有高樓  
俯空闊長庚星影照滄洲

周孝侯讀書臺

風土文章漫表揚斬蛟射虎亦尋常封章一慟心如鐵戰壘  
千秋氣挾霜死愧陸生空博雅生教天子不倉皇男兒四十  
無經濟灑向荒臺淚幾行

杯酒

陰雲又阻踏青人贏得身間轉愛貧種樹影高鄰借蔭賣花  
聲過女含顰靈臺自訂千秋史杯酒能生滿座春安得一船  
雞犬載五湖瀟灑去垂綸

避暑

嘯傲蘆簾紙閣間閉門一卷即名山人皆濃處情偏淡事到  
忙時心轉閒附熱昆蟲多得意背陰花木不低顏翟公庭外  
無車馬只有幽禽數往還

喜雨

小亭志喜效東坡占得滂沱豕渡河幾陣雨收三伏暑一聲  
雷起萬人病幽禽與客爭憑眺高樹先秋咏太和好著丹青

圖畫取六街來往笑聲多

自題拙稿

疏狂不謁鄭當時癡絕真如顧愷之山水外無真嘯傲齋  
中有好襟期吟聲每被鄰兒學語病終須我友醫留取一編  
爲小傳姓名何用紀豐碑

同友人坐月歌

君家有明月卻來我家眺我家有明月也向君家照君家明  
月少勝高蘿薛繞我家明月多門庭翦繁柯看我雲中月月  
與雲俱飛看我水中月月與水交輝雲散水不波奈此清光  
何何如抱月眠夢與月周旋流光共爾我三百六旬圓

偶拈

一五 詩略四

三

金陵叢書  
蔣氏校印

古今是我晝夜天地是我洞房人物是我肢體水月是我衷  
腸

春曉

春煙鎖萬家春思渺無涯夢好翻添障情多轉避花曉窗低  
舞燕夜兩壯鳴蛙不用辜芳去山人髮已華

出郭

謝公山下屐王子杖頭錢出郭尋幽寺行歌樂暮天好風韻  
疏磬微雨溼炊煙去飲當墟酒惜騰一醉眠

空山

笠影散紛紛空山度夕曛泉流清萬籟天朗定孤雲遠樹響  
樵斧新篁穿古墳飛仙不可遇時有異香聞

丁五 詩略四

四

金陵叢書  
蔣氏校印

煙盡

煙盡諸天皎秋空萬木高晚晴山露骨過雨月生毛屐響燈  
穿樹舟停水激篙年荒誰作樂愁聽酒人豪

屈子祠

瓦釜聲猶在靈均爾奈何青天無處問潦水祇今多  
一代騷人淚千秋漁父歌那堪上官冢穢近北山阿

皇化寺

高閣涵秋氣長江浸遠空崖奔千丈雨鐘曳四山風我訪孝  
陵樹僧談寶誌公浮屠緣又結泥爪映飛鴻

族兄鑑川先生挽詞

族兄鑑川先生挽詞

八旬垂黑髮一笑卻黃金  
饑凍非無累炎涼不到心  
春風嘘滿座秋月照開襟  
莫訝修書詔青禽久報音  
公八十一壽七日復時病死

游織山失路

延緣造異境忽作歧路人  
歧路隨處有于茲邊拂情  
亂石礙行步荒橋獨木撐  
迷津何所問淄淄雲片橫  
羣鳥踏樹喧初疑樵者行  
似聞人語響前溪流水聲  
廢庵通古道別開蹊徑  
新桃花綴石壁深谷搖修筠  
衣沁空翠溼籟動仙風生  
放志巖壑間灑然身世輕

楊柳詞送別

南山楊北山柳隔著一江青  
兩情亦何有江水肥江草蓓等

丁五

詩略四

五

金陵叢書  
蔣氏校印

向江頭壓金線有約來春同作花  
飛上江樓一相見

休甯汪丹林致書云有鄉先達仰慕鴻才擬修重聘奈楓落

吳江人琴俱逝讀之黯然賦詩志感

識曲人歸琴可焚汪倫一紙最銷魂  
人生遇合尋常事青眼

垂垂即是恩

謝陳雲伯先生惠書數種

兩目眈昏日不如尙勞名士贈奇書  
食來三萬神仙字老去

依然是蠹魚

書懷

繡虎雕龍事總虛廿年空老子雲居  
何時一控斑駁去飽看

名山不著書

江干

江干小屋面桑麻繞岸編籬雜野花  
門外西風吹落葉一畦芳草鳴還家

落葉

風緊霜高雁影馳蕭然又值感秋時  
空山樗櫟猶如此莫問桃枝並柳枝

一拂清忠祠

拂不去青苗害拂不回蒼黎春何物  
執拗宰相不如案上埃

塵

棄婦詞

姑棄婦同做帚聽婦前致詞嗚咽執  
姑手婦棄義當死一死

丁五 詩略四

六

金陵叢書  
蔣氏校印

安足齒婦死姑倚誰姑髮霜雪垂妾  
生不能事姑死不能事

姑黃泉見故夫血淚沾羅襦賤妾殘  
魂魄願來侍姑側何以

禦姑寒妾爲吐絲蠶何以充姑廚妾  
爲游釜魚

題紹臺兒觀海圖

蒼蒼莽莽飛蜃樓海潮汨沒天沈浮  
元虛賦筆鄒衍喉奇形

詭狀工雕搜兒輩豪氣吞滄洲惜哉  
不諳時事憂頻年水厄

盈田疇民居累卵如嘍鳩謀臣猛士  
無策籌使人對此蒿雙

吟誰乘長風破浪游張竊宗慙非吾  
儔方今天子幾康休

洋洋德教馳山陬飛文一檄青海頭  
天吳震懼蛟龍愁黃河

速挽天邊流安瀾相戒無驚鷗我與  
鄉人酣高秋舉杯一發

河清謳

讀列仙傳

列仙列仙非吾偶乾吾父兮坤吾母四海之內皆兄弟試開  
慧眼大如斗俯視下方嗷嗷鴻嬉遊閻苑能安否低眉便託  
菩薩心援溺終輪聖賢手我今不作桑田歌我歌卻似蒲牢  
吼自從兩大一分開飲食男女為亂首後來創制徒紛紛那  
如湯穆皇風守同此殘土民誰獨食精誰飯糗同此有情天  
何為生根復生莠桁楊刀鋸殊無辜枵腹焉能性情厚非田  
愈遠愈難行生齒愈繁愈難阜嗟余有生四十年于人無補  
呼負負羊裘徒歎白家翁廣廈空思杜陵叟何當一乘御寇  
風匍匐再拜金階右願乞雲中辟穀方普給世人傳萬口坐  
使盜跖皆清流堯舜亦鷄狗無予無奪無是非無豐無嗇無

一五 詩略四

七

金陵叢書  
蔣氏校印

夭壽天空地闕同逍遙相攜汗漫八垓走何必商山訪四皓  
何必奇書窺二酉桃源風景在人間恆沙萬劫消無有我儻  
此愿一朝償勝得裴航玉杵白仰天長嘯萬千聲睇視上界  
頑仙盡塵垢

長日無事歌以滌暑

勞勞名利馳九州都被天地羅網收貴如金張富猶頓宵來  
一夢同悠悠動名將相幾埋沒舜跖一例歸山邱惟有及時  
尋快樂匹夫放志輕王侯粟紅貫朽常苦守不如百錢供浪  
游舞婢歌姬日驕寵不如醜婦情纏繆朱幡卓蓋襪襪子不  
如松下茗一甌科頭跣足彈箏篴炊珠饌玉交上客不如道  
旁呼黔婁揚眉大嚼盤中饅人生在世要稱意安肯迫作轉

輓牛紅顏白髮亦何憾電光泡影亦何愁撐腸拄腹文字竟  
何用一切窮通得喪皆贅癩吁嗟乎豹皮馬骨死當棄劉伶  
荷鑷吾則不

秋野獨眺

綠楊疏遠岸形影尙纏綿老盡無情絮愁當欲暮天倉皇千  
里雁辛苦萬家煙何處絲絲雨秋山瘦可憐  
池塘清雨後山水得秋先文浪織高樹虛舟入暝煙看雲來  
洞口尋寺下峯巖一氣鴻濛轉風吹月上天

湖上

半天飄細雨一葉下高柯秋影淡如此人情濃幾多湖光搖  
客舫石色上漁篋聽罷哀蟬咽能無團扇歌

一五 詩略四

八

金陵叢書  
蔣氏校印

菱荷吹瑟瑟愛此曲欄凭煙突低藏樹花枝缺露賢晚風江  
店笛細雨酒旗燈一醉冠巾倒軒駒臥古藤  
才人

從古才人幾壽康歲星游戲祗荒唐能回枯木春無價解用  
青銅臭亦香愁向世間分八斗筆來天上自千霜尙須打破  
風流障始許朝真貢玉堂

詠錢

頃刻流傳大地幾用關名節鬼神知易羞囊內英雄手難禁  
閩中瑣碎詞天上雙星猶遠謫人間一飯是殊施鄧通若箇  
能知命散去銅山定不饑

題友人山居

開軒面南山山氣藹初日薄雲冠輕霞晴翠入虛室林樾互  
向背眾鳥衝煙出梵宇麗飛蕙綴若蜂房密山響風始來萬  
綠動蕭瑟感茲邱壑美願覓養生術門外何勞勞行人去不  
息

若椀置苔陰主去客不問門閉芳草肥人閒幽鳥近菲亭蔭  
繁柯颯颯聞秋信風來琴索響雲過胡牀潤隔林人語聲聞  
以松篁韻靜極不能言此心潭水印

萬逕漾綠煙清輝發高嶺迢迢燈火出杳杳村莊靜地僻天  
機饒山空塵事屏雲月時卷舒小犬吠花影林木學幽人高  
臥秋光冷何當從老漁溪邊理筇簕

題蘇長公游山古風後

丁五 詩略四

九

金陵叢書  
蔣氏校印

游山詩數坡公壯紙上如聞發清唱筆舌奮作春雷鳴神采  
矯若秋鷹颯先生自是絕俗人朝市山林同一樣若待登臨  
眼始空轉覺襟懷欠高曠不見腐儒失意時偶一瞻山羨清  
況可憐終歲苦局促心地誰爲開塵障我家鍾山最高處五  
嶽真形豈多讓春秋佳日游興發拄杖敲門數相訪茅庵一  
似爲我營不對江山作惆悵臥聽齋魚粥鼓來清涼坐共水  
月松風相跌宕才名雖出四海下情懷獨契千秋上把公之  
詩揣公狀清氣飛揚萬有喪忽似天風吹我海山頭一看銀  
澗打青嶂

遙村

荒城明夕景殘英墜秋光遙村雞犬靜梵音何琅琅涼月劃

虛壁松陰浮野塘清風灑然至一螢墮幽篁人語隔煙霧斷  
續吹清商靜極得禪悅心空形跡忘恍入散花界馥馥山花  
香

歸自南山中途遇雨

蘇公獨往嘗歎歎我更與誰話幽事自唵自和自看山贏得  
滿腔清灑致日午江帆高下山晚寺鐘前後遞窸笠蕭蕭  
深夜歸寒煙霽霽萬家閉雨兮風兮何乃厲將無作意鬼神  
試自笑微生多折磨那有胸中不平氣

歌仙圖

羣仙高會凝絲竹王母雲中駕蒼鹿金簫玉瑄雲和笙吹下  
霓裳羽衣曲世間歌者紛殊塗嘈雜鐘鼓繁笙竽琵琶之歌

丁五 詩略四

十

金陵叢書  
蔣氏校印

音靡靡笙篔之歌聲嗚嗚斑駁之歌悽以愴大風之歌豪而  
轟其餘樵漁牧豎歌上下真意雖存味則寡何如手執青鸞  
尾采芝高唱瑤池歌腰懸日月足踏蛟鼉朝游滄海暮渡銀  
河玉琴錦瑟懷中抱陽春白雪天上多或爲長歌吹神聽六  
絃震動海岳搖或爲短歌戛金石孤鶴一鳴山月高或則浩  
歌敲龍角天風浪浪天龍號或則緩歌諧鳳律天女微笑天  
花飄君不見淮南老采和仙桑田歌一曲桂樹歌一篇人間  
富貴何足道拍手狂歌年復年

題張丈壽民畫

空亭矗立四山對洲上何人獨無累世間歌哭了不聞惟有  
菰蘆小清吹亭前茶竈森羅列與到看書倦亦廢分明此景

在人寰使我徘徊不能至想見日高睡起春醪香吸盡雲樹  
萬重翠

文鴛曲

翩翩舞燕誰家樓雕畫棟春風柔一朝人去綠窗鎖雙飛  
不定空夷猶別有文鴛宿煙渚荷葉打頭戲秋雨柔艸一聲  
何處船來日紅羅當繡汝

鄰人有患鬼病者作此與之

人鬼幽明各殊地如何載得一車至聖與季路不言無我今  
論比阮瞻異昨聞君逢路鬼驚中宵畏死心忡忡有生自戀  
形骸樂醜體何爲懶作人君不見紅塵滾滾翻孽浪青天白  
日亦有鬼域狀若輩屑搖目動生理亡禹鼎鑄物乃鑄人形

詩略四

十一

金陵叢書  
蔣氏校印

相似此膏肓疹疾誰能瘳不獨君家意悽愴勸君速把靈臺  
一切諸怪攻外來之鬼何足櫻心胸臺駘實沈古亦有一正  
能教邪魅空黃泉相見鬼且讓縱死猶與天光通我垂斯語  
破鬼膽勝似陳琳一檄痊頭風

題馬鶴船漁隱圖

飲不必富春渚食不必丙穴魚竿不必淇園竹人不必武陵  
漁男兒少時慕華廡垂老慣學煙波徒俗腸不自剪荆棘幻  
影偏教優菰蒲君今欲全大隱志區區磐石安可居輕舟去  
犯颶龍睡片帆高掛青天榆葉來擊碎珊瑚樹興到讀破陰  
符書巨壑笑看巨魚縱我釣直與人釣殊否則掩關臥兀兀  
忘朝哺靜如止水波浪滅動如游鱗天機舒莊惠言詮一切

掃漆梁之趣無時無不筑海上驚不暮松江鱸不羨不笠不  
網罟非朝非市非江湖世人不識呼腐儒先生大笑洋洋乎  
偶成

木葉半空落猶疑花片飛美人隔秋水涼月掩荆扉未必身  
無垢休言人盡非芙蓉冷朝露采采惜芳菲

攝山

把酒讀莊騷青雲頂上豪人閒穿石窟僧俗厭松濤古殿仙  
蹤隱空山梵語勞何時婚嫁畢老我一峯高

鷲峯寺

古寺何年建經聲晝夜譁可憐歌舞地都作梵王家舊院餘  
寒月荒城集暮鴉只今宮監像香火賽紛拏

丁五

詩略四

十二

金陵叢書  
蔣氏校印

代惜別

萬里摧鳴騶雲山滿眼愁不知今夕酒何處獨登樓遠夢落  
荒成孤懷當暮秋年年衰草怨不爲覓封侯

歲莫示僧

破寺門常啟孤山我獨行鳥寒千樹禿雪霽一江明靜覺天  
如夢閒觀僧有情亦知詞客老竟夕話無生

甲子元旦效劍南體

年是新年衣故衣今猶未是昔曾非酒緝又可從頭貸春信  
行看有脚歸堂上老奴盃茗潔門前賀客筭與稀家餘五斗  
陶公米敢道遭逢與願違

自題昔年小影

何福能消願消茶科頭笑踞也風華惠連池草無多句宏長  
山雲自一家塵夢掃空青縷管春愁送老白門花不妨坐對  
成三友我自清狂月未斜

吳課花女士淹雅能文讀余五言近體詩有忘餐廢寢之癖  
殆此中知己也特以誌感

新詩誰與碧紗籠閨裏猶存名士風杜老胸中多塊磊山公  
屏後有英雄黃金鑄就名終幻彩筆焚時夢已空那必肆言  
巾幗語微生總是可憐蟲蘇東坡詩餘

紅翰

一籬爛漫到重陽卻爲遲開學豔妝瘦處傳神燈夕照淡中  
著色拗秋霜便塗脂粉高情在賴有丹砂晚節香真賞還須

丁丑

詩略四

十三

金陵書  
蔣氏校印

彭澤令醜顏相對朔風涼

題楊樂山詩卷

不衫不履老詩顛游戲驪壇二十年湖海倦歸餘舌在英雄  
末路少人憐家徒壁立談風月錢不腰纏走趙燕賸有唐球  
瓢裏句一團清氣早秋天

曠懷

大地盡藏垢二曜不避汗胎生一貴賤粒食均賈愚澄心觀  
大化擴然見真吾

山川恣游觀小坐皆家墅東風鼓太和百鳥皆歌舞奇文快  
心脾安問我與汝

靜如集上

上元阮 鍾

梅花

雅與孤山伴 燕霜一澗冷 月映松篁 羌無仙骨 難爲友 世有  
天香不號王 混沌特開花 世界高寒直 逼古文章紅羅亭子  
黃茆屋宜稱 憑人細較量

兀兀丰神 淡淡妝 幾生修得出 班行看雲且 築三間屋 犯雪  
能留一段香 滿嶺春愁明 閣部如龍高 臥漢南陽 晚蘭籬菊  
知何限 血性終歸鐵石腸

賺得冰霜冷趣

無媚葉 惹人憐 佳名儘許黃香 竊清怨

丁五 詩略五

金陵叢書  
影印

難憑玉笛 傳野鶴 踏來芳 庄影美人 扇到杏花 天姦枝 蕊落

空依傍 鏡骨支 撐又一年

情魔已作劫 中灰處 士何煩 色眼猜 要使山河 匪錦繡 好攜

林李上春 寔臥來 雪海無寒 相離出 天心亦大 才回首 多情

煙際柳也 垂青眼 渡江來

瓶水禪多 結淨因 在風塵 亦出風塵 幾人解 索當前 笑百卉

都爭過後 春入世 心孤歸 醞釀在 山花老 倍精神 年來怕作

游仙夢已 是羅浮 瘴後身

梨雲消息 問誰家 九九圖成 亦可嗟 風雪滿 園無避 客江山

如夢祇 曉鴉先 春來作 芳華 視有子 強於富 貴花好 伴牆陰

消寂寞 衝寒月 季一枝 斜

聞帖

寒曉吹北林 萬戶發清砧 未必聲皆怨 難爲聽者心  
擬宮怨

今朝長信宮 昨日昭陽殿 不怨秋風來 悔作齊紈扇  
文室

丈室俯煙蘿 林陰冑白波 斷橋行客少 破寺好僧多 花雨和  
朝梵山風 警睡魔 杜門常示病 吾欲學維摩

夢贈山客

不覺岑樓峻 村煙忽已低 危橋橫嶺影 涼笛斷沙隄 沿岸松  
千樹當門 菜一畦 山家無刻漏 日午聽鳴雞

月當頭 同彭驛 梅李峻 齋賦

丁五 詩略五

二

金陵叢書  
蔣氏校印

畢竟容吾直 天心爾許明 雲中光一露 身外垢俱清 願影翻

成礙 觀空自得平 灑然何所傍 萬里月同行

懷家兄香碧

當戶一峯 暗草堂 雲氣深 空山風雨外 時有未歸禽 萬木響

寒葉千家 怨暮砧 秋聲聽不得 況復亂蟲喧

和人詠邯鄲

說著虛生 笑口開 客來此地 重徘徊 黃梁久熟 猶酣睡 莫怪

仙翁枕不來

鶴橋詞

烏鵲橋成 動隔年 盈盈一水 恨難填 問誰乞取 天邊巧 巧到

神仙亦可憐



有所思

邈然有所思所思在何處天門高高不可步思木越南北東西路我語人輒怖焉敢託毫素年復年兮朝復莫悲來誰與訴我懷孫太初遙遙千載知其故

沿谿盼列岫

沿谿盼列岫遠近環參差野寺背高樹孤煙明曙曦樵語出空谷雀聲喧翠微山花無人灌天雨滋之肥萬物隨所遇時願未必違行當結茆屋高臥雲水湄

題臺兒畫山水册子

一峯一峯相對懸遠近溪壑紛蒼煙上有拔地倚天之古木下有繁林絡石之飛泉亂山數折入幽徑野樵出沒青松巖

詩略五

金陵書畫社印

幾株非舍山腰幾隱隱一僧坐林麓日看江帆天際飛消受

煙波此爲福更有絕壁無人行乾坤生氣愁飄零白雲滂滂一千丈枯藤倒挂秋空青何不置我最高處聽松風餐茯苓

夢游黃山天都峯

我欲卜居黃山巔勝游渴想三十年昨昔夢神太狡猾游魂驅我如風蕩險途愈歷神愈王飛步突過山僧前山勢漸高人漸小大地一團雲縹緲茲山峯勢皆絕奇卻讓天都插天表光明頂上窮煙霄千山歷亂如團圓噫氣思將茆屋拔蹠足早恐罡風飄蕩五嶽屹相向坐覺平生萬有喪上有蒼蒼泱泱海日升照耀雲樹非一狀下有滔滔汨汨松濤翻勢

1820 / 111

兼萬馬平原放長嘯直與天閭通潑墨亂下秋江漲半响詩成驚列仙身騎白鶴行青天失勢一落心膽怯夢覺兩眼紛蒼煙滿庭雨滴芭蕉響耳邊仿佛鳴流泉雞聲催曙隔千里誰許臥游圖畫裏束裝裹飯需何時露宿霞餐從此始先生豪氣中年多雙足猶健頭未暈換酒那要千金馬登峯惟辦一領簑百年誰遣君蹉跎咄嗟魯陽空揮戈失研

我非文信國爾真玉帶生貯爾琉璃匣拂拭無纖塵魚腹已沾殘潘飽鵲眼愁對寒燈青歷歷雞窗風雨共恨不使爾垂芳名無端眩篋忽相失石交如爾猶寒盟得無聚散江花若暗中疑有鬼神攫書生結習胡爲乎才思一空大夢覺

詩略五

金陵書畫社印

恒茲

豹胸太無賴營營帷帳間爾饑求口實我倦思安眠人物不相下兩意同萋萋一毛如不拔有類楊子怪所苦連類至纒而不暫閒何不俟熟睡再試利嘴尖蒙袂既示弱揮扇旋來前有時學殘忍作勢伸老拳我痛爾飛去鼓掌寧非顛不如捨膏血恣爾腹便便一飽得揚翅恩怨兩不牽感此長太息主人爲汗顏我得人扶助爾仗我周全投報竟何有彼此皆傷廉所以真英雄堅志不受憐

馴鼠并序

余偶館於洲館人嫉鼠如讐凡裘葛錦組器書幾遍余初至啖以菜果申以勸戒由是往來行李間不耗一絲案頭

殘疾不命之食不食館人大奇之因作是詩

喜爾竟無牙相爾真有體何處容梗頑毒龍亦云已

題臺兒畫筵

秋潮到門沒牆三版家居縛簿如鳥登木足不踰闕者旬  
有八日惟日與兒子詩畫酬唱兒繪一筵余輒題一絕雖  
題近纖細詩亦謝劣而挑燈下酒引興排愁亦天倫樂事  
也

暖嫩寒輕燕子飛濛濛十里暗香吹此間老卻春多少紅出

牆頭有幾枝杏花

曉月無聲翠羽揚戔戔獨立滿庭霜看來未短英雄氣還共

西風鬪一場畫筵

丁丑 詩略五

五

金陵畫報  
馬氏校印

也具天生一種才色香端可上瑤臺只因見慣無人賞我勸

名花莫濫開月季

老我憐紅迹已陳笑看兒女逐芳春前村道是仙源路莫道

飛花一著身桃花

羣芳按序各抽條膏澤焉能一例饒但使春機長不斷更無

花處有靈苗長春

本是先天太極形寂然無物亦無情自從闢破渾淪竅便向

人家粒食爭雞黍

舊侶相思空復情可憐紅嘴誤聰明消閒且念觀音傷橫豎

籠中過一生期心

自是先聲易奪人未尖官裏報芳辰只須自己歌喉好學語

千般恐未真百舌

美事家家望眼著幾人笑聽鶯聲講縱然好語空相慰終勝

無情喚老鴉喜鵲

兒女窗間子細猜幾番對爾理妝臺可知生就長眉樣不是

從人畫得來畫眉

古洞幽棲不計年偶然飛傍畫檐邊前身便擬測中風修到

功深也是僊羅裙

常開平王像

烽煙出入控三巴決勝曾將十萬誇奇氣不輸王保保軍威

直比岳爺爺功臣首領全非易名將豐姿老更華寂寞孝陵

東去路荒祠莫雨冷苔花

丁丑 詩略五

六

金陵畫報  
馬氏校印

題金陀粹後

射習周同最有名出師誰與岳家爭草間擬盡羣雄膽天上

飛來八日兵唾手燕雲成大業到頭父老慘邊聲自從一赴

金牌召終古黃龍水未平

螢火

化出形神一點清倏然縹影倏然呈山間腐草時騰燄天上

流星或降精便在雨中猶燿燿更無人處亦分明玉鉤斜畔

隋家苑照破河山萬古情

夏日南村作

行徑蕭然似野樵午春聲裡度溪橋迎涼自繫桑間馬聒耳

偏憎柳上蜩雲放日馳當路影龍吞水響半天湖且隨瓜豆

180 7 25

132

棚中坐閒與田翁話寂寥

九日登高懷先陽道士

小詩換酒作重陽與客提壺到上方萬相皆佳惟夕景一年  
最好是秋光空山葉落禽蹤響疏樹燈清蟹舍涼獨對黃花  
懷舊雨可能縮地共杯觴

曉登最高峯書僧壁

一峯插天眾山小高攀絕頂凌蒼昊回身下視無九州萬壑  
千巖斷飛鳥天風颯颯吹水寒山氣逼人秋衣單遠近水田  
鋪壞衲婆娑老樹鳴哀湍江豚跋浪江心黑江煙橫作長城  
隔咫尺坐失金焦青海氣欲吞天地白金烏東上掃昏羅縹  
緲空香花雨來雲霞變現扶桑頂水底捧出金銀臺羣峯一

一五 詩略五

七

金陵雜書  
蔣氏校印

一青排闥曉鐘聲度空峽舉頭不見紅日升一輪猶懸兩

山峽

千秋引

祭詩須薦玉麟脯裝詩須製黃金裝昌谷一去誰不訪浪仙  
如在吾能狂我輩奇文自欣賞如玉在櫥當善藏有時書罷  
輒焚去來從瀕洞歸尋蒼陶令息交真快事阮生痛哭猶尋  
常九州豈無同調者晨星落落天一古昔風流不可作徒  
勞想望與牆安得巫咸大招賦宴饗十日賓鐘張始自漢  
魏迄明季仙聖鬼怪紛成行太羹雜俎各異獻工歌一曲侑  
一炳羣公子我如眷屬毋令驟壇冷落徒慨慷千秋而下誰  
踵事名山石室增輝光

題天台洞僧行脚圖

昔日窮幽遐今茲返太素已繫轉蓬身尙說遊山路感師行  
脚勞悠悠歲幾度不如洞中棲息影澹諸虛洞中何所事汲  
泉與樵薪洞中何所有清風與白雲白雲自古今清風無終  
始以此伴老僧披髮長不起

率真

默坐心空靈無端世事擾尋思好遊身有如孤燵與隨風  
有無殊不甚了了舉手拾落花流目送歸鳥花鳥乃奇緣暫  
焉遇林表移時稍遠巡四逕白雲香

獸產身有毛兒生母有乳藉非鬼神力難慰飢寒苦昏且節  
勞逸春秋間寒暑化工雖不言膏澤沛寰宇萬族憑自然機  
事了無取

丁五 詩略五

八

金陵雜書  
蔣氏校印

隱几忽成夢夢中得三人一人逆吾志一人順吾情順逆皆  
有說是非豈無因既覺始知夢啞然惟一身

戒詩如戒酒時或飲一厄一厄如不飲快快神思疲乎生嗜  
在此安用棄捐爲天籟一朝發自吟還自奇謀篇毋乃苦一  
笑姑置之

喜見早梅

過客皆吾侶何曾獨往來偶尋幽寺去忽遇早梅開雜樹欲  
相掩冷香羞自媒不知深谷裏自願幾時回

一房山 道院

江聲催浩劫帆影落空堂風雨千艘疾人天萬恨長日高山

向青林密鳥宮商兀坐對頭石僧房六月涼

古林寺

萬緣不藏屋消陰時掃門古香飛茗碗涼影沁詩魂落日秋  
先到歸禽語不繁誰知深洞底吞易有虞翻

竭來

竭來山色衰興發晚晴天笠響下秋葉衣涼澗瀑泉亂蛙時  
讓步古木還齊肩充隱非吾事忘名到處仙

山行

健憑雙不借老覺百無能等是寄生草誰憐有髮僧深崖遲  
落日大溪響秋鷹爲訪林間友柴門喚未應

蕭蕭黃葉路皸皸白雲層煙合城千堞秋橫稻一陸看山惟

一五

詩略五

九

金陵集書  
蔣氏校印

翠雅入寺不尋僧一笑拈花去何人悟上乘

夢游仙詩

坐我吟壇紫府清星娥月姊笑相迎新詩寫罷天花落一隊

紅妝跨鶴行

爲赴銀河詩酒筵五銖衣薄露華粘興來醉臥支機石遲爾

黃姑一匹緣

簫史留儂一月餘洪崖爲我築匡廬九天謫下皆狂客莫去

瑯環讀異書

山居書事

古寺去塵遠野人相見熟清鐘不出山片雲常在屋老樹排

青蒼流泉弄琴筑花雨半空來一鹿竄山谷薄莫望歸僧隱

約度林麓大呼風浪浪久待空潭曲

鄙人

鄙人骨相海州載窮益堅回思過來處歷歷皆奇緣當時已  
嘯傲枵腹揮吟箋矧今長閒身瀟灑落如飛仙絳歲絕幻夢玉  
成甯非天榜殿大小乘黃庭內外篇一一森羅列參稽可忘  
年我無荷鉏力亦無負郭田異代論心曲竊比淵明賢

題唐六如鍾離嫁妹圖

古壁陰森畫深黑怪狀奇形動魂魄屏當匱具來紛紛萬鬼  
同聲解好色中有嬌女乘彩輿花容月貌冰肌膚河伯娶婦  
已可詫鍾離嫁妹毋乃誣我思癡兒駭女滿今古豈必色界  
逃鄙都洞口尙傳花窈窕巫山亦有雲模糊不見楊太真乃

丁五

詩略五

七

金陵集書  
蔣氏校印

在虛無宮漢家李夫人隱約來帳中心神恍惚貌活現色卽  
是色空非空吁嗟乎愛河無底爭相逐人有七情鬼六欲汝  
曹只解豔西施猶自愛魚麋愛鹿卷中題語何津津搜神述  
異休當真諸般鬼趣不勘破枉作閻浮世上人

示蝶

道光辛丑秋余家積潦盈尺有無算蟻自牀足升集金枕  
間余歎曰余不忍哉爾生爾不能廢余眠盍緣板榻四隅  
往來食息雖多醜類亦能有容少頃蟻轉徙如命家人咸  
相驚詫余笑曰蠢動有靈理固應爾詩以解嘲

平生廣廈心戲作么麼用非族暫相依莫幻南柯夢

讀唐宋人詩文集苦其浩如煙海漫題

文章本忠孝一語成鐵案否則千捆束祇作勞薪爨我怪古  
人多好名厄言寓言牛可汗生前枉費千點血身後惟供一  
笑粲讀者雖知作者工作者豈知讀者贊就令故紙傳千秋  
究竟也隨陵谷換何況六經諸史紛難窮皓首儒生坐長歎  
此外駢散文章今古詩未謀一面情先淡譬如美女坐深閨  
珠翠滿頭幾人看乃知弘聲誇長槍毛錐難禦邦家難怪底  
劉伶死濁醪泉臺不考詞章爛我今一語道破千年暗自來  
學士文人盡癡漢

題墨花山館

山色青青堆四屋度閣紗廚伴幽獨午窗睡覺清風來一縷  
茶煙颺修竹主人云之鄭處才畫亦能工詩不俗飯顆吟成

詩略五

十一

金陵雜詩  
蔣氏校印

轉被嘲奚囊貯滿知誰讀勸君年少且開懷嗚君夜游當秉  
燭無酒空傳花信風有詩難換屠門肉試問千秋架上書何  
如一斗瓶中粟醉中歌請君錄化工于人難具足無使聰明  
多過福

春風

光風吹綠滿山邨生意先回野燒痕扇到枯枝猶栩栩拂來  
寒谷自溫溫金鈴似替花傳語竹院期教翠掃門只是好綠  
容易盡人間恩怨幻朝昏

莫愁湖誌集

雨過茶香半榻煙鬱金堂外水如天綠楊陰護垂竿曳紅藕  
花藏弄筵船棋局一枰消夏坐湖樓終古抱雲眠英雄兒女

今安在沙鳥風颯又幾年

灑落

畫出看山夜放歌燈籠那復坐維摩花陰不掃纖塵動月鏡  
常教活水磨種就靈根千劫在得來清氣五更多一船爐竈  
飄然去灑落誰如張志和

題般若臺

竹杖屨鞋邈若僊提壺真上翠微巔黃花最喜多佳日紅葉  
猶思學少年絕頂峯迴尙雞犬下方人看只雲煙題詩更欲  
尋幽處水遠山長別有天

題蘇文忠公像

收盡奇文瘴海天短衣匹馬作飛仙風流千古金蓮燭水月

詩略五

十二

金陵雜詩  
蔣氏校印

三生赤壁船蕉鹿已空還說傷花豬飽食不妨禪休提磨蝎  
才人命公有歸來陽羨田  
示賀生用陶擬古韻

少年慎投足涉世多埃塵墮地爲男兒無負七尺身可愛亦  
可畏德在吾與鄰讀書化貪濁竟日如初晨爲聖焉敢希勞  
力當爲人

機機草木風虛齋背高嶺晨起步階除徘徊戀清景老梅慳  
作花盼盡雪天冷籬門閉雙扉殘冬覺畫永兒童羅酒漿歡  
笑聚燈影把盞聽哀鴻吟懷不獲騁夜深爐無煙孤枕四山

靜

古意

虛空偏是氣誰與窮廓落盤古未生前人類從何朔望歷  
歲時奚爲不爽約花鳥各萬狀安置毫不錯一切機未萌神  
靈已早覺尋常日用間往往理難度吾欲問仲尼九原不可  
作一笑託佛語萬相成執著

大造生齒繁苗莠一齊駢不才如區區充食或可省而我等  
瘦瘠附形亦可晒素餐四十霜奚翅粟五秉魚鼈死千頭菜  
田竭數頃愧無尺寸功屢發清夜誓上天不言恩吾意則已  
領著書垂千秋今願曷敢請

朝食宴華堂未知夕何館夜行衣狐裘未卜來朝暖窮迫苦  
日長歡娛苦日短日月何短長如書自印版同此醉夢中數  
衍百年滿回頭一嗟呀往事成虛誕感此不能寐中宵起櫛

十五 詩略五

十三

金陵叢書  
影氏校印

朝讀一卷書自謂見道晚夕讀一卷書又愧朝見淺可惜螢  
火光識力苦輾轉思脫結甕丸終縛春蠶繭譬如濟渡舟抵  
岸自遠遠甯破風濤行毋戀家居稔  
浩浩天壤內知音良不稀無奈首塵隔兩地誰牽絲我生懷  
往哲開卷某在斯恨無返魂術一慰傾倒思獨立望千載眼  
目長嗟咨安知後來者思我不如茲

送李小吾之邗江

蒼蒼雲外樹渺渺故人舟共此一江水分爲兩地流客心今  
夜月人影夕陽秋杯酒不可把高吟何處樓  
游靈谷寺

絕境吾能到忘懷樂此生踏雲雙屐便撥翠一衫輕江遠帆  
如住鐘殘谷有聲此番幽意愜興廢不關情  
觀音樓遠眺

古寺娛晴畫和風飄彩幃夢回清磬響秋入遠山痕帆影疑  
摩搶湖聲直到門夕陽無限好何事怨黃昏  
江上醉漁歌

翩然一葉隨潮走臥看滿船壓星斗醉漁非醉醒非醒獨把  
長竿笑吟口南山樵者行北山耕者耦不樵不耕天地間頽  
然閒然一雙手既非國士才甘處淮陰後亦無高士名誰作  
殿光友滿腹不如吸川鯨一斗二斗滿吾首終年不獲盈尺  
鱸一寸二寸入吾筍潑地都成濠濮觀披天派作煙波叟與

十五 詩略五

十四

金陵叢書  
影氏校印

來渾似魚脫罾醉倒安知柳生肘惟願酣然酣睡八千春無  
使蒼龍一聲吼

靜如集下

和陶飲酒

余飲量不寬而性喜獨酌一樽坐對清風徐來半醉陶然

莫可名狀因和淵明飲酒詩

酒國有長城迴隔城市喧扶醉步郊野晝風景偏一鳥盤  
遠勢獨下山外山落日不可挽孤雲何時還成虧問昭文已  
矣吾何言

舊種牡丹枝春至爛漫開花時安一榻香滿幽人懷兩載  
遠  
萎謝永與情緣乖豈惟春風面不甘茅舍栖當時座上友與

丁五

詩畧六

金陵叢書  
阮氏校印

花俱塵泥指花訂後約嘉會長不諧人世真黑漆杳杳前途  
迷惟有痛飲酒毋使腸輪迴

我家江南城未盡天一隅即此郡城內豈皆已經塗吾生倏  
南北信天爲馳驅但從仄境想我屋寬有餘間多露宿者道  
我真仙居

春蘭亦有香秋菊亦有英大塊苦寂寞假物傳其情淑芳豈  
獻媚見者心多傾詩人如山鳥不知何以鳴長吟與短歌道  
遙樂此生

吾生能幾何四十未開道不如游醉鄉酣歌以忘老即看夢  
中身有形亦類槁斯世多滄桑造物固常好金石詎不壞且  
作今時寶所以三雅杯日日伴劉表

空齋澹無事日誦南華經夜涼苦喉渴一醉何由成微颺起  
天末玉繩轉二更打門兒子至攜酒歡中庭是時人物靜清  
絕風蟻鳴忽忽倒牀臥酒熟已忘情

我居李氏園奇情快偶得無事攤道書一證從前惑上賴古  
聞人比類開菲塞美酒時一中直造極樂國森森松竹陰人  
靜鳥亦默

品隲在寸心不分隱與仕聲華滿千秋此事非關己有如歲  
寒枝丹橘亦何恥山茶與枇杷葉葉全生理一本里字此如  
何後凋名松栢獨見紀毋亦天爲之使行而尼止淵明儻再  
生高名亦難恃

寺樓曉起

丁五

詩畧六

金陵叢書  
阮氏校印

樓高天宇寬月落數星大俯視雲濛濛一磬散空外

送人從軍

鼙鼓聲來漫惱公班超此去慎從戎千營凍合天山雪萬馬  
嘶回瀚海風自有勳名圖閣上斷無豪傑死閩中他鄉莫倚  
相思樹努力疆場獻樸忠

喜客至

筠管蒲盧研匣苔蓬門幾日不曾開百年老屋秋聲動一榻  
殘書瘦影侵正似樊籠羈鳥在最難貧病故人來況兼烽火  
邊疆靖話到關心笑舉杯

壬寅元旦

律回春色繡山河四野無風海不波旭日祇今消瘴癘一作歲

多只好微忱祝天末扶筇一獻太平歌

李劉兩貞女詩

施長森年十九天李女年十七乙未六月十三日適施守  
志嚴桂棟年十六天劉女年十九辛丑八月十二日適嚴  
守志

卓哉吾鄉兩貞女何物靈府鍾生初夫夭婦歸誓以死血淚  
三日天模湖後先輝映六七載冰襟雪抱吁誰如我欲題詩  
愁腕弱又恐浸久歸荒蕪王寅新正穀日且握筆似有神鬼  
驅吁嗟二女生不爲丈夫羞幾幾蓬髮二女素不諳之  
無愧他滿腹煌煌書君不見蒼松古栢殘朽株十二萬年天

地有時枯獨此二女生氣常昭蘇我願長爲扶藍輿高山景  
仰德不孤

落葉和挹梅

譙樓昨夜警西風髡樹童山一嘅中檻外忽看帆影出枝頭  
頓覺雨聲空寒林策策驚樓鳥古井深深覆草蟲不是妖韶  
花瓣落料無詞客與憐紅

哀蟬聲裏聽沙沙秋到南朝庾信家自昔成陰來熟客祇今  
無力花寒鴉空將弄服思盤古那有紅情寄水涯落落惟留  
僵臥影夕陽滿地繪龍蛇

漫天寒雨譜宮商入夜空山叫鳳凰傷豈已如中酒德歸根  
豈逐轉蓬狂本非枯木高禪定尙有餘陰戀太陽到底不同

樵麩素清流終始託滄浪

一秋便作古今論誰訪枋榆舊日門三徑蕭疏食得月幾株  
寥落自成村天教圖畫存枯管人在空山悟道根始識蒼松  
無剝蝕長留老轅度朝昏

朝索牛

朝索牛暮索牛朝莫貢入夷人艘大官索牛苦不足老農見  
牛吞聲哭牛走長衢四驢速牛爲忠君甘就戮吁嗟乎爾牛  
有知甘就戮

寶華山僧捕鹽梟歌

空山夜半鯨魚吼大呼賊來何處走老僧寸鐵常在手陰風  
亂落鹽梟首人人畏虎兇箇箇驚豺狼螻蟻奮臂誰敢當昔

日道場今戰場官兵不如和尚強君不見五百彌陀唱凱歌  
金剛弩目嗟奈何

觀棋有感

仙人久坐斧柯爛破荻名成幾昏旦鏗然落子如揮戈不是  
等閒凡手段局中人毋乃玩徒使旁觀坐長歎不論黑白有  
高低也合輸贏各參半何況浩浩落落井疆寬東隅便失桑  
榆捍如何一著差全墮術中暗鴻溝南北任鯨吞前者不拒  
後不斷讓死路轉生門大敵從茲益驕悍縱然僥倖保方  
隅外勢已空元氣散可憐飽食終日難矣哉大似唐家一局  
獨兒亂吁嗟乎東山高臥豈無人空思賭墅風流冠安得國  
手來斯時一覽全形操勝算



鄉人避亂者多來饑寒益眾聞見所及不韜于言

小民數患潦澤居如沙鷗今復遭兵燹全生亦暫偷饑饉滿  
道路何異死戈矛捐貲力已竭義士難具調更多良家子失  
業迂持籌貴戚空自貴託鉢終含羞閉門日僵臥行將委壑  
溝沈吟想此輩何日春臺游寒儒燈一粟寡女絲一篲中有  
千點淚未必天聽周雖云生不辰亦曰命不猶究非好生意  
能無司牧憂井田不可作生齒日以浮誰爲采風者聞之涕

泗流

城北觀桃花

散點湖山覺有情一邨清遠一村明游人不解回頭看只向  
紅雲深處行

一五 詩略六

五

金陵叢書  
蔣氏校印

邨莊小女不知春來往谿頭日幾巡折得一枝剛上髻阿娘

搖手阿爺噴

秦淮權歌

城南舊雨情縹緲宴我秦淮河上樓酒酣笑挽吳姬手翩然  
來上蜻蛉舟舟中載得如花去鸚鵡杯傾不知數燭焰遙凌  
星斗光溪流便作銀河渡君唱定情歌我唱迴波曲曲聲響  
過清宵月常照吾儕歡意足君不見淮水濱紅樓多住娉婷  
身隔年重訪迷舊逕三年再到無故人故人門前一渠水流  
盡南朝佳麗春可憐隴頭風急愁白楊鬼燐閃爍噉紅妝游  
魂眷戀水一方隔離情緒天茫茫我歌且謠飛羽觴四座聞  
之驚迴腸更闌酒盡玉簫歌仰視青天爛爛昇朝光

余曩負壯遊之愿今始悟其非也書以自哂

秦華一毫末萬象烏可著眼底名山看幾多此外真形付冥  
漠吾鄉南北互奇巖朝莫何曾著雙腳江山處處如斯觀目  
所未到已領畧何況吾身小天地五行消息比五嶽一身歷  
覽曾未周那有間情觀寥闊從來慧業如生天色空不受四  
禪縛方壺員嶠俱尋常閉門一卷足邱壑君不見達士眼中  
沙磔場化作天上玲瓏五雲閣

邨居

新秋雲物湛清華南北邨居八九家垂柳陰藏橋外寺縹緲  
聲和水邊車漁翁冒雨遮荷葉田婦拖裙出稻花此地合營  
元亮宅青山待我種桑麻

十五 詩略六

六

金陵叢書  
蔣氏校印

神策門外卽景

出郭尋秋兄弟俱茶亭小憩莫煙孤夕陽鳥背光明滅疏磬  
山頭聲有無當路青旗荒店酒倚門紅袖小家妹方塘一帶  
鄉村遠十里蕭蕭響斷蒲

老去

老去汾陽只合龔世情于我馬牛風裁梅餉鶴林和靖掃地  
焚香陸放翁花管不衰真富貴縵袍能解亦英雄何須更訪  
崆峒去灑落如生兜率宮

草堂

雌伏雄飛了不驚薺甘茶苦若爲情草堂人倦月初上襪被  
春回天欲明才士風流多是病塞翁心事只求平長安幾許

探花客試聽階前落葉聲

山夕

飄然身世類孫登靜夜衝寒骨有稜  
一路疏楊飾冷月滿山仙籟作吟朋  
秋橫遠浦明如鏡人到中年淡似僧  
他日蓬壺高處立頭銜只署一條冰

鴻來

鴻來燕去最堪驚玉尺冰壺孰比清  
知覺百年歸夢幻詞章幾輩誤風情  
學爲天馬行應蹶做到才人骨易輕  
何似杜門安我拙無災無難足平生

兩窗言懷並答雲伯先生

自緝貝葉自煎茶借雨關門興最賒  
而院風生疑拔宅一庭

一五 詩略六

金陵集書 蔣氏校印

水滿當浮家已甘野趣僑樗櫟尙有良工贈  
鎮鄒祗是隨園難竊比香名那復到山花

小兒

小兒坐母裾對鏡驚復晒不識鏡中身  
爭搗鏡中影

詠雪

生來不附熱潔白本無疵只恐下人世  
輕言涅不緇

坐小倉山海棠花下

閉門常苦饑花時偶登陟雖無杖頭錢  
焉肯負佳日倉山兩海棠歲歲弄顏色  
開落一何心徒爲增媚惑獨愛花間客  
來往紛如織尋春春在茲吾意忻然得

名園

今日春駘蕩翠卉攜繁英名園盡開敞  
游客來縱橫雜坐不相識各懷歡愛情  
偶然通一語四座交逢迎即斯見太和萬

生

物非有爭平居患涼薄但爲衣食榮  
所以古司牧勞勞治民五月十二日記事

五月十二日記事

半日訪名山數轉竟迷路我如出岫雲  
無心堪小住野水抱孤邨茅亭出修樹  
一笑遇故人欣然得把晤數武入草廬門  
外雨如注我倘詣前峯于何止幽步造化  
好排遣吾心免膠柱斯緣偶得之明發還  
何處

好懷

好懷當落日翠妙入新詩水鳥行孤艇  
蘆花拜古祠路從歸

一五 詩略六

金陵集書 蔣氏校印

慣辨秋與道人宜所戚非關遇憑君自取之

健步

出門無定所落日在高柯健步尋諸寺  
長貧謝百疴路迎山色轉秋入磬聲多  
更展清宵興開恐醉尉詞

寄題蓬萊閣

閣在登州蓬萊縣昔成連刺船迎師導  
伯牙移情之所友人張秋谷登斯閣夸美  
其盛因寄短句粘閣壁

孤權煙中去仙人何處遊登山一悵望  
雲樹窈然幽落落水仙操滔滔東海流  
無人爲此曲寂寞古今秋

庭梅

霜雪一何心老梅適逢著中有浩然氣  
苦寒不能奪生機一

朝發孤山回索寞桃李豈不妍此獨意疏落多感高人情清  
吟出東閣

題寓齋壁

我居花樹叢遊客爭來攀主人悅我靜囑我籬門關我性雖  
避喧囂已非所欲眾情亦須慙一身靡不安矧此負異姿積  
年栽植難及時不見其用置良可歎無爲學枯槁寂寂蓬茅  
間

原上

我愛綠陰秀迢遙原上行夕陽散空闊池塘明且清沖然嫩  
涼意人物性各平是時梅雨過園蔬齊向榮相看老幼輩嘻  
嘻皆有情負擔出隴畝望瓶返柴荆歸鳥亦來止翠處歡相

丁五 詩略六

九

金陵叢書  
蔣氏校印

迎沿隄上眼色遠近炊煙生此中有至樂吾心誰與明

過東野

清吟過東野夕陽在高塔陰陰柔徑偏曲曲流水合鳥語何  
清新漁歌自酬答荻岸生微涼瓜畦動蕭颯幾處園丁歸後  
先攜春餚晚飯有餘欣看月出山映茅屋雖不寬當門安一  
榻香茗互斟酌笑語搖輕箑感彼男婦情余懷固已洽

秋閨詞

獨自憑欄翠黛低斷鴻聲過小樓西妾心已覺愁無那莫去  
征人耳畔呢

九日作

隔牆吹透蟹風香日暮無人送酒嘗獨把一編消落莫淡雲

微雨夢湖湘

題寺壁

風掃閒花滿石壇秋光九十得憑欄好山不是僧家住那許  
游人坐臥看

磨鏡歌

街頭磨鏡聲叮嚀問是誰家新發硎一磨消積塵再磨露微  
明三磨現全神現全神光照人日久光漸暗不如韜影  
還其真韜影韜影秋復春化作天邊月一輪君看三萬六千  
戶尙有朝朝修月人

桃塢曲

盤盤公子翩翩女兒車杳杳習家聖灼灼都門花開筵動

丁五 詩略六

十

金陵叢書  
蔣氏校印

奉酌遠樹驚樓鴉歡笑殊未已西山紅日斜我欲挽之去同

登武陵霞武陵無俗豔爲爾長咨嗟

將進酒

李白有是篇李賀復有是篇今余亦有是篇二公不知余  
之有是篇余亦不知二公之有是篇是篇從塊土中來不  
以人力與質諸二公當不以余言爲河漢也

我有明月兮曾照李白堂我有美酒兮不澆劉伶腸過去年  
華盡烏有吾生自壽成彭殤何不及時從吾好把酒玩月惜  
流光借流光入醉鄉直達清虛府姮娥一顧驚老蒼手團金  
粟贖我面覽鏡大笑三萬場勸君進壺觴萬事皆荒唐簪祿  
不能榮枯骨金玉不能買春陽明璫翠羽不能伴蕭蕭之白

楊

陽月十五夜翫月篇

推書得明月皎皎當窗前好風從南來衣影翩翩今夕獨  
何夕清氣飛大千樓臺都入碧空界人物盡返光明天大澤  
魚龍競文采幽巖草樹呈芳鮮何處賞心人未眠高吟欲上  
蓬萊巖隔離幾許不相見終古懷抱無由宣仰天顧影問嬋  
娟舊時青鬢今華顛詩人在昔情纏綿伴爾四五百迴圓胡  
爲乎暫別不計里長別不知年西飛明鏡擲我去不如君家  
玉兔真堪憐夜半幽香何灑然疑是空中瑤華仙仙乎仙乎  
招不下噫嘻此理終玄玄

形影問答詞

一五

詩略六

十一

金陵雜書  
蔣氏校印

汝形塊然存我影將安避東西南北中但憑汝位置有時上  
岩巒使我亭亭如立標有時下峯巖使我怛怛常倒懸有時  
宴華堂使我豔入。叙行有時墮廁溷使我心同落花恨何  
況月下燈前長不眠清宵冷落空留連影兮影兮汝莫喧我  
不得汝愁孤立汝不得我常寂然我且憐汝汝憐我同行同  
坐同周旋逝將與汝游太玄渾兮沕兮千萬年

儼居一室晨夕晏如援筆漫述

出處何勞季主商飄茵墮溷總尋常虛全只淪頭網老趙抃  
長焚五夜香松月就人清夢熟竹風掃榻午陰涼不知多少  
閒愁恨流水光中墮渺茫

滴露研朱已半生髮絲禪榻一身輕時艱莫道人情薄心坦

從教世路平但有才名多阨塞不爲機巧即聰明竹林風味  
依然在南阮差逾北阮清

書所見

青箱重理舊生涯贏得丹書養歲華半榻名香歌小令一簾  
絲雨淪新茶悟從閱歷根原鈍望到兒孫命已差慙愧此身  
承世澤文章忠孝舊傳家  
夢醒江淹筆可投詞人悟後豈風流險朋酒伴連翩散杏雨  
楊煙一種愁半日登臨擗眷屬頻年哀樂警熏修儘多未了  
平生事付與春江浩蕩鷗

觀書

一五

詩略六

十二

金陵雜書  
蔣氏校印

讀書曠世滋疑案易地論心始辨材傳者幾人蠅附壤知而  
不遇蠟成灰非真國色難容物是大奸雄也愛才必待千秋  
昭定論犀然一炬障煙開  
偏才誤盡宰官身穢迹尋思笑且噴烏綱難消青史字黃金  
終散畫梁塵伴成事便推雄長不讀書難作小人始歎閨房  
行節義馨香名更重良臣  
滄寒曲

去日不寒今始寒來日不寒今偶寒寒我之天暖我天且飲  
美酒開瓊筵開瓊筵動葭管天外朔風吹庭前生意滿暖日  
方長兮寒日短

立春日睡覺偶拈

醉倒何所有黑甜滋味真臥聽家人歡沸沸鳴釜鬻今日獨

何日爆竹喧比鄰那知是佳節但覺春滿衾怡然空洞鄉萬  
綠了不侵惟願終吾世長保此際心

秋興

起早神纔爽心空食每遲一窗漏紅日滿案界烏絲堂字清  
如水經綸幻作詩閒時師鄭孔吞易竟忘疲  
萬態真如戲一翁長信天書能藏我拙名肯讓入先兒輩平  
心秤家風杜偽錢昔賢留贈語無事小神仙  
留操人如鶴空濛屋似船風平鱸篆直日午樹陰圓滿耳人  
禁桂關心價貴棉廚娘停絮語吾亦醉忘年  
躬耕吾未學負未許相從山簡常敲帽華陽只愛松層雲嵌  
海日一鳥落霜鐘舊種瓢兒菜甘香待雪封

丁五

詩略六

十三

金陵叢書  
蔣氏校印

積翠生煙霧空階疊水紋喜風高樹雀避雨滿堂蠶米賤炊  
紅稻蔬香帶白雲侯鯖非我志從此息勞筋  
煙縷聚成幔竹香幽入局夕陽繁去鳥夜雨表孤螢冰鑑千  
秋史椒花一卷經天魔紛十萬仗劍已潛形  
裘初成我婦茶喜饋鄰兒簷淺朝煙淡天陰午飯遲哦詩期  
犯戒繕性罷敲棋文采如鸚鵡雕籠亦自羈  
門外即清溪溪光引步遲水森孤樹直月坐一峯敲蕉葉露  
蘇酒梧桐孟浩詩來朝渾不管且露杖頭貲  
四十春逾二頽陽欲下時驚心思報德聞道愧留髭半世無  
名戲全家未了棋排燈期懺過灰盡少年詩

白香山詩真行日年  
三十九歲

時新

差憑安分力後嗣養天和我已藏文豹兒能換白鵝代庖分  
瑣屑得酒補蹉跎尙覺秋容健花香晚節多

遙憶樓霞路尋秋及此辰白雲濃掩寺紅樹亂欺春石色千  
林薄江光一髮勻幾時逢老衲重洗十年塵

自悟拈花旨回頭石不頑道心堅鐵漢游興始金山送老養  
皇上忘懷水竹間但從飛躍性造化幾曾慳

書室明淨終日坐臥其間適臺兒買酒索詩興酣起舞別有  
天地用陶連雨獨飲韻

閉門詩畫足揮灑意陶然三山邈何處著此蓬茅間兒子買  
酒至半醉如登仙醜面映朝旭起舞歌堯天萬物同生滅誰

歎分後先大虛爲戶牖誰共吾往還趁此未化身樂彼無盡  
年寒蟲雖處穴向暖時一言

丁五

詩略六

十四

金陵叢書  
蔣氏校印

死生一大惑誰解所以然何物柴桑叟念念彭殤間服食求  
丹訣果否成神仙靈運亦自負何由知生天獨有睡味甜乃  
在羲皇先夢中如飛鳥此樂逾大還一笑問兒子今日爲何  
年明明我與汝醉作巴人言  
讀陶詩即用集中讀山海經韻  
幽人不出戶人事日益疏臥看鄰舍竹晴翠飾吾廬閒情淪  
苦茗適意揮草書倒冠接佳客安用飾虛車當風展陶詩可  
爲下酒蔬一雁西南翔斷雲與之俱誰從烏有鄉寫我極樂  
圖不飲亦兀兀此中常如如  
晚坐偶成用陶始春懷古田舍韻

羣居無一言意恐言難踐有生雖被嘲差覺非倖免秋風破  
茅屋懷古意逸編琴書正瀟灑茶竈粗完善無事日飲醇醉  
鄉清且遠一煙低出檐悠然復徐返停杯待明月悵望銀河  
淺

夢題水仙祠有序

道光甲午秋夢至一幽處水石潺湲竹梧蒼蔚有古祠榜  
曰水仙入門則頽垣敗砌蛛網塵封闔無人跡悵悵歸甲  
辰春又夢至其地雕甍畫棟爛然一新轉轉入勝別有洞  
天遙見一苧衫高髻者趺坐殿上年近耄耄慈容可掬余  
俯首泫然流涕片晌略聞仙語心意開朗問此何境  
不答問來蹤亦不答趨而退復經水仙祠流連光景俯暇

丁五 詩略六

十五

金陵叢書  
蔣氏校印

祠下深如巨壑萬人洶洶不敢踏步因題句而寤

不爲滄桑也淚流平章風月只牢愁如何小主芙蓉館又了  
詞人五百秋

乙巳三月廿一日悼亡內并示臺兒

剖指祝穹蒼愚哉孝可傷憐兒一腔血使我九迴腸母病已  
沈痼天心詎渺茫歸魂差可慰自起坐東廂

送臺兒渡江

昔日堂前淚同爲惜別身今朝江上權少箇倚闌人骨肉嗟  
寥落風塵懷苦辛告歸應不爽裝棗莫羞貧

索居時抽刺已故

五噫歌就感梁鴻禡榻蕭然坐晚風裝到春來恩誼斷室無

人住履聲空未完婚嫁身難隱小有聰明數已窮爲問落紅  
庭外樹夜來清怨與誰同

述近況東張丈太初田子東丙午

年來道眼已全昏不賦離騷怕斷魂臥穩通宵如稚子書傳  
一卷卽兒孫餘生猶自蒸羊胛薄德終難隱鹿門賴有知交

情款款前言一爲洗煩冤客歲春失精成癩嗚呼何言

楊西華夢登湖樓見一羽客醉臥榻上忻然得句寤後繪圖

索題丁未

學仙且學醉學仙須學眠金疊一御便瀟灑黑甜以外皆熬  
煎何物道人知此趣大呼明月來樽前一斗兩斗興騰舉三  
斗四斗口流涎青衫不顧酒痕溼頽然直造天地先鼾聲響

丁五 詩略六

十六

金陵叢書  
蔣氏校印

入一山瀑酒氣溢作平湖煙時有楊山人化蝶來翩翩登樓  
欲聞道人語道人已入壺中天君從何處投詩箋吁嗟道人  
卽君君卽仙且忘姓名且忘年今宵痛飲三百盞方知青囊  
寶笈兆萬言不如君家一枕玄

題獨立圖

獨立此何時何事臨高臺東南半壁天濁浪爲黃埃民居盡  
瓦裂眠食成悲哀滔滔誰與易顧影嗟凡材側身懷古人杳  
杳去不回引領待豪傑悲風從天來

鬻婦歎戊申

兩載大水民生無告鬻及婦人殊可憫也

東村賣瓦腸斷山西市典牛淚相續尤傷心者鬻婦人一命

危于礎上肉前歲結襦燦樺燭去歲牛衣相對哭今歲離鷺  
巢別屋水退囊空悲獨宿秋風如刀蝟毛縮

夜歸淨業堂 己酉

朝出山僧廬暮歸獨倥偬到耳蟲鳴秋舉頭月出隴月行我  
爲催我止月不動戀爾光體體慙余髮種種前溪白如銀對  
之心神竦兩載陽侯來民居奪林總山人愛登臨今成下帷  
菴去去難留連淚溼衣裳重

醉後放言 辛亥

轉輸王曰咨汝鏞來前汝胡爲乎愁綿綿人之嗜慾曷有盡  
窮通得喪皆由天吾窺汝意恆樂死得無誤讀莊生篇吾且  
生汝于金張之第賜汝以倚頓之財易汝以鄴侯之貌賦汝

丁五

詩略六

十七

金陵叢書  
蔣氏校印

以公瑾之才使汝威名立交趾弱冠圖雲臺再畀汝以劉伶  
飲酒之口廉頗餐飯之腸三千食客居汝下十二金釵侍汝  
旁儘汝消受人間難老之禔福汝當一洗數十年之慷慨與  
激昂臣鋪驚絕倒再拜不奉詔美事忌妄干而況兼眾妙惟  
願天朝贊化有房杜邊陲禦寇有英彭州牧盡得范韓治民  
風猶是羲皇醇萬年不覩鯨鱷害萬里不聞鴻雁鳴臣之磊  
塊一朝失又何憧憧乎癡愛與貪噴

題前人醉月圖

天邊月時相憶卷中人不相識相識竟如何悠悠行路多君  
自飲君酒吾且歌吾歌堂堂歲月如流波誰其消受誰蹉跎  
千秋一鏡同摩挲對此遠復知其他

獨坐木末亭

青山相伴坐坐冷一山雲落落風塵裏何人得似君雞分空  
外唱鳥合遠來羣四顧無行客高歌天半聞

歲莫題寺壁

殘年依古寺老衲伴閒身有酒澆風雪無家祀鬼神文章供  
浩劫骨肉遞前因迢遞孤山裏梅花香出塵

題花雨僧落花詩後

色絲佳句看君拈詩思清于昔昔鹽吟到落花唯掩卷此閒  
多恨有江淹

一簾

雨餘新試碧雲尖風送微涼半臂添讀罷道書人意澹一簾

一五 詩略六

十八

金陵叢書  
蔣氏校印

秋影夢陶潛

天臺

洞中雞犬意閒閒洞口桃花帶笑顏何事洞門常不啟至今  
仙客在人間

題蔣青君秋影集

集中皆宋明宮人  
降詔唱和之作

故國河山夕照收宮花宮草委荒坵滄桑不改佳人恨嗔笑  
偏工絕代愁青冢夜涼狐拜月白楊風急鬼唵秋誰憐一掬  
黃姑淚灑向明河萬古流

題張師筠詩卷 壬子

瞻園佳處舉杯觴玄帝祠前問海棠人在春中多伴侶客來  
江左盡文章目空一世翻成險胸有千秋定不狂示我鳴琴

教細審賞音真愧蔡中郎

夢游月府詩東林章甫

夢婆消息真耶幻耶雖非秘語卻異子虛願與同調者參焉

市塵飛不到纖阿忽忽梯雲上大羅三萬六千空洞戶不知

何處訪姮娥

七寶修成不計年雲遮霧斂總徒然嫫媧學得安心訣任爾

冰輪轉大千

鄧林人去日西斜碧海漫漫誰泛槎不識如來金粟種漁郎

空自誤桃花

一曲雲璈奏夜闌飛瓊行酒著星冠拔將兔穎教儂寫千首

丁五

詩略六

二十九

金陵遺書  
蔣氏校印

詩題白玉盤

癸丑二月十一日 時年五十有五

禦寇已無兵紅巾盡入城妖言倫理滅殺氣鬼神驚夢斷桑

維翰冤成馬士英吾門清白久此際忍偷生赴余園家夜同

不死後期報出賊火營羅心魚贈句

舟過露筋祠 乙卯

扁舟正西下江流如沸湯道經露筋祠目君增慨慷吾鄉尙

義烈死士猶穢穢血肉飽鴟鷂沒世誰表揚白門盛古刹蔓

草今蒼涼如君數椽在猶得稱靈光物我聊暫寄誰能窮滄

桑歌竟挂帆去愁雲生八荒

淮陰謁韓侯廟

需才當此時饑渴勞聖心國士一朝出狐鼠焉敢侵吾皇庭  
片善況乃社稷臣奈何生不幸事漢成冤禽嗟余正飄泊避  
地來淮陰古廟冷斜日釣臺委荒榛斯人不可作功業今銷  
沈低徊慨身世涕泗沾衣襟

淮陰感懷

垂暮來茲土跼蹐筆一枝心傷枚里月腸斷趙樓詩烈士炸

煙入公關忠節孤臣大海知君宋陸無才持報國不敢歎流離

舊雨隔河洲芙蓉起暮愁蒲喧時作雨天遠欲成秋草木兵

猶在琴書劫未休茫茫天下事何處覓菟裘

羈客行 己未

噫吁噫金陵被兵劫日日嗚悲風餘生出虎口護佑多神功

丁五

詩略六

二十

金陵遺書  
蔣氏校印

道途得良伴情款處處同余自入水不濡後日在相識之賊若

馳羽檄南北時交鋒軍儲日益匱寇盜日益充斯民無安堵

轉徙皆萍蹤偷生與垂死真成可憐蟲嗟余傍嬌客久別家

山色寒雨摧荆子胞兄香花子丙辰正月故園委荒棘我歌石壕吏掩

卷三太息我讀小車行感事倍悽惻縱觀前古知來今茫茫

世變無終極仰首呼天天有情霹靂聲中曬紅日

辛酉九月初三日病中作

江南復江北場來常苦兵庚申二月由山陽縣城今歲六月

山月復之風波險何畏世路回難平願返生民始氣與元會并

古處勞夢想悲歌送殘春亂世無家好臥病每思親弱女頗



能孝周旋聊慰情天涯盼游子飄飄萍水因  
如兩兒客

丁五  
詩略六

一一一

金陵叢書  
蔣氏校印


醇雅堂詩略跋

右醇雅堂詩略六卷上元阮魏仙先生著先生名鏞諸生天才卓越早得狂名既壯家中落貧且病妻子又相繼徂謝身世益牢落窮愁伊鬱憔悴不平之氣一洩之於詩能得古人深處樂府尤獨出冠時其鐵尙書詞景御史詞二篇節短音長足以作山河而裂金石五言清逸具體盛唐其律句尤得青蓮之神遺羅憂思研味道真並詩亦不復措意故所編止於是嗚呼蠶吐盡以成蛹蟬鳴廢以成蛻詩人輟吟寄聲天宇與曠古同其寥莫雖若達觀抑其中有出不得已者在讀先生之詩者倘亦哀先生之遇與鄉後學蔣國榜

不 友

尚

壽



小傳

車書字子尚江甯諸生文筆宏肆於書無不讀於人無不交喜與方外遊不娶無家歸里與弟子蔣師軾師徹寓鍾山書院講誦不輟卒無子友人謝學元等葬諸雨花山歲一致祭借謀野飲亦朋馭之韻事也自學元沒而是舉歇絕矣

十一 小傳 金陵叢書 蔣氏校印

子尚詩存

金陵叢書丁集之十一

江甯車書

次韻答謝幼暉

干戈未定任流離五載蓬飄只自悲便死肯更新面目就衰頰減舊須眉登樓本是依人賦秋興原為感事詩好友晨星猶闕別臨風惆悵倍相思

瑰然身世託蓬廬自笑胸無一物儲伏櫪敢矜同老驥隨波聊學逐游魚雖非達士能知命始信英雄不讀書見說從戎多不賤老夫端令食無餘

負隅屏賊尙稱兵處此真成坼仄行四野凋殘餘破屋萬家零落罷春耕窮儒乏計能除死名將何人號捉生滿地瘡痍期迅掃五年屈指不勝情

空谷何曾有足音靜觀世事獨呻吟春風能作迎人面古井翻成待士心未必有情盟白水果然相識重黃金翟公門榜朱公論讀罷應教淚滿襟

無家何處唱刀環身在荒場廢圃閒榛處狂遊吾野服傷貧怨亂客無顏最長屢計離鄉日便好都非故國山今雨偶來同被難談言多半到時艱

淮水鍾山太可憐龍蟠虎踞勢全捐功名盛事竟墜地故人毅魄已登仙勤王快斫長磨劍射賊爭引鳴鏑一朝復觀人物美那惜傾囊費酒錢

播遷已是亂憂侵好友云亡恨轉深視斂那禁同下淚

去秋 張允

丹之故于拜棺無分倍傷心及今秋姚州練塘鳴咽悲難已虎

早淒涼夢莫尋腹痛休言他日事終宵攪枕月初沈

寂寞難堪異地身索居形影自相親人心泄泄誰相問世事

茫茫獨慘神話到靈墳無半策逃來骨肉只三人兄向及師二沈仲

誰將赤手補長蛇者定頻年望已賒下士幾曾同食飲中軍

作好自繁華已聞因獸皆投阱尙說螳螂敢拒車人事天心

眞莫必放教紫色聒鳴蛙

合園連日斬奔鯨兵因鎮江喜見么麼取次平始信蘭陵能

破陣羣推道濟足長城受降若使能因壘獸虜何難早罷兵

爲語元戎快乘勝九重宵望功成

丁十一 車詩

金裝 蔣氏校印

哭姚厚菴西廬弟也

脚飛集余舍鳥鳴止我屋欲以卜休咎徵驗亦恍惚忽接謝

子書聞君登鬼錄開緘淚承睫駭悼傷心目居停病者危吞

聲不敢哭欷枕輒終宵往事添根觸與君二十年交好忘我

物從頭憶昔時一一縈心曲君情濃于醇君德溫如玉居然

儒者流我輩羞碌碌君家值中落舉動形局促辛苦費支持

俯仰勞事育尙望善人家興起或可囑不期癸丑春粵賊如

蠶簇承平二百年武備無人熟羣情大震驚當路徒手束蕩

蕩百雉城十日同破竹斯時愁相對浮生泡影屬幸哉脫羅

網奔走若轉軸君時奉老親攜子離虎窟相見方山下悲喜

生倏忽可憐因頓中瘦削只賸骨又去走柘塘僧房暫止宿

妻女及幼子城中繼殤卒向人戚戚悲欲慰言難出且勿痛

摧殘何計謀體粥君才善貨殖生理漸可復卜居陳莊陶一

家幾骨肉老親健精神大兒亦嶽嶽我被友人招京江擬行

役指別訂會期秋冬期定續詎料夏仲間時事又反覆大帥

走朱方羣黎竄如鷺冒險到蘇門破巢再補殺我時避江涓

消息無從下至交三兩家何處詢存歿五月至六月愁城坐

兀兀孟秋得風聞又獲再生福問門何義義胥水亦涸泚譬

如已做車收什幾朽幅擬作鶴市遊離懷傾滿腹仲兒暨兩

姪逃來面如鵝相見各懷愴安頓亦倉卒爰蠅頭資傾囊

苦不足凶年來如珠足惜易升粟三旬只九食不得飽半菽

典質到裏衣過期無錢贖口惠領當途西江遠莫掬竟無買

丁十一 車詩

金裝 蔣氏校印

舟具臨風空躑躅豈知長訣別回腸轉轉離子幼未成立親

老虞風樹阿兄一貧儒何力支殘局曾聞避難人大半感診

疫往往獲生全君獨罹其毒司命伊何人奪君身乃速斯人

天天天公亦太酷豈真中膏肓將無藥誤服我粗明醫理

至今心回惑君死其有靈魂兮儻來告已矣夫何言詩成不

忍讀

題梁紫庭京口從軍圖并序

戊午春梁君子庭出京口從軍圖示余曰人當得意後類自

寫其從前辛苦艱難之狀以明致此之不易自言所苦適自

言其快心也予之此圖亦明吾之志而已癸丑二月賊陷金

陵分竄鎮江北連瓜鎮京口者北通揚淮東接蘇浙南達句

溧西連省城四達之區也於是大帥調余總鎮統兵進勦越  
明年子庭以諸生長揖謁余公一見如故相識凡機宜悉委  
之不疑而君亦竭忠殫慮克副所知焉凡三載蹈危險者再  
何也他人不過掌文書司筆札奉行故事耳公倚君如左右  
手事無鉅細動相咨訪出入必偕下蜀街之戰公以一旅禦  
賊被圍數匝卒潰圍以出撫軍吉公兵潰于鎮西之九華山  
時檄公赴援撫軍死公亦奮欲爲殲場之厲君與同人諫曰  
今西路潰賊勢已不可制矣吾有東之老營在無主則亂唯  
還顧吾營督率守禦斯爲上策徒死無益也乃復突圍而出  
卒之制賊不敢越鎮江一步者君之力爲多然則雖未躬擐  
甲冑以親率旗陷陣者何多讓焉公念羣賊大半脅從君乃

十一 平詩

四

金陵叢書  
蔣氏校印

爲告諭其言排側忠誠獵悍亦聞而感動來歸日眾練其強  
者成爲勁旅即忠義勇是也於是黨羽散而賊勢日孤大兵  
合圍遂冒死以遁向非解其體而離其心則李世賢吳汝孝  
皆賊中巨猾又安肯違舍去哉君在幕中有來告者無不如  
其意以去雖月得俸薪不足敷出每稱貸以贖家食可謂待  
人厚而待己薄心良苦矣克復後余公引疾回里君亦拂袖  
以歸其所謂志在副余公之知云耳且今之從軍者吾知之  
矣逍遙作好博功名獲利益被惡名而不顧若君者知與不  
知皆稱道不衰由是觀之其相去爲何如也故撮其顛末而  
係以詩

妖氛孔棘東南區金陵窟宅豺狼居一支豕突京江趨勢將

下伺常與蘇我兵屯在東北隅誰其主者將軍余君於其時  
一腐儒軍門長揖意態殊國士氣度非凡夫將軍接見禮不  
疏機宜相度繁軍書人皆迫促君有餘攻守抗禦動與俱豈  
無同人謝弗如竹里之戰士卒痛反敗爲功賊盡屠九華山  
下血模糊此時性命存斯須便死反使賊長驅不如號召整  
軍徒尙其力制狼魏驅鴻毛一擲胡爲乎招降告諭情詞據  
頑讒感泣賊心輸黨羽日散勢日孤穴中螻蟻釜底魚合圍  
連日仲天誅虔劉有罪釋無辜功成身退公歸與君亦拂袖  
回傲盧吁嗟乎酬知知已知有吾何必局促如轅駒瑾瑜圭  
璋璧璫瓊還君返樸葆其初下視碌碌真碌碌既視碌碌同  
碌碌請君還展從軍圖

十一 平詩

五

金陵叢書  
蔣氏校印

聽張容元謝善卿燕子詩感成二律

故主去何處呢喃語定酸可憐新壁壘不見舊衣冠巢樹林  
都盡栖梁屋已殘江南門巷改莫作昔年看

等是涎涎燕今年事更非處堂矜得計巢幕豈知機不憚將  
雖碎全忘故土遠莫嗔鳩太拙隨處好因依

書姚西農讀杜詩後

中興唐業無全德戀主通臣恨未平稷契自期誰柱老鼓鼙  
入思幾花卿那堪遲暮未陽酒獨寄淒涼白帝城今古傷心  
有同調三山二水不勝情

夢中忽得詩三句枕上足成之

性情端不合時宜句夢中歷歷生平只自知六十無成應愧死

尋常有樂總追隨事經過眼真如夢語必驚人亦太癡二句  
句見在且圖真快活東風剛到海棠時

憶幼暉

回首離羣已歲餘停雲東望獨踟躕卅年常是同辰夕千里  
何從訊起居異地飄流原不合故鄉消息近何如思憑傳語  
聊相慰其奈艱難少報書

偶成在宋中作

萬家生佛萬民主即爵燧天潢孰抗行不事守陴勞大帥帥毛  
入魏始晉兵助賊賊共欣安堵仗賢王旌旗有耀弓刀肅刁斗

無譁士卒良真是王師時雨若統兵諸路愧應揚

大帥承恩氣象豪森森棨戟列儀曹鳴張日禁軍容肅燈燭

丁十一

車詩

六

金陵雜詩  
蔣氏校印

風聞賊勢撓侑食營門傳鼓吹出行街市擁弓刀金樓克復  
隨僧邸別見功勳被寵褒

梁園雪苑久銷沈孤負羈人望古心一水護城流作壘四郊

多黍蔚爲林黃茅白草家家屋月地霜天處處碣碣各以秋洗日

南客那堪非爲病也應時作越聲吟

閨中秋月色如洗次第用少陵中天月色好誰看句述感

中天月色好誰看寂寞空庭與已闌就枕忍拋飛鏡下攤書

坐對夜燈殘西園酒罷常聯步南園烽清定縱觀此夕此時

思往事安宜應有客同歡幼暉西園

不分亂離爲異客中天月色好誰看驚鴉繞樹依依盡寒柝

傳聲漸漸殘衰暮仲兒消息斷伶仃一姪死生難今宵莫問

明蟾好反對清光淚轉彈

茶盃酒杯朋好合年年歡譙來峯閣中天月色好誰看異地

風光全不若六十行年況亂離兩三知己皆零落秋風莫送

早涼歸天末依人衣袖薄

秋來最易愁風雨翻爲秋晴感百端往歲心情無可說中天

月色好誰看身輕屢覺腰輪帶髮短唯羞髮謝冠此夕清輝

千里共不堪根觸思漫漫

梁園萍寄已年餘北地南天異風景豈有相知載笑言惟宜

屏跡隨形影中天月色好誰看竟夕鄉心憂獨永聞道王師

抵石城歸期坐待烽煙靖

三載象山供噓噉做一年虎阜足盤桓暫辭辛苦棲林樾又作

流亡渡海難此境年時嘗已遍中天月色好誰看而今始覺

驚魂定又爲閒愁坐永歎

文雅園荒雪苑空今人何事能承古他鄉不似故鄉情獨客

真成遷客苦庾信言哀去國時梁鴻歌噫依人廡中天月色

好誰看嗚嘶寒韻噉夜午

晴空爽氣揭高寒萬籟無聲轉玉盤舊雨聯歡期日後連朝

無計料秋寒身經大劫餘生在老至無成妄念刊境地既殊

悲樂改中天月色好誰看

宋城雜詩

竭來何所適云在古梁園地本高辛邑都仍堙澤門四隅名

市口日街市一水繞城根見說民風厚人知古處敦



履境方知異何如僻陋鄉流風爭鄙僅入國直要荒處處茅  
茨屋家家糞土牆澆漓誰可挽習慣自相忘

畧無花與柳氣象不知新幸得庭中樹猶迎歲入春盈眸無  
秀草撲而但汚塵始信人歸北還當是北人

六忠遺廟在剝落竟如斯草補空堂圯藤扶斷碣飲亦知欽  
節義從未議修治祀典煌煌在還當問有司

等閒唯把卷老眼幸猶明客思愁何極鄉心事不成清晨無  
鳥喚徹夜有鴉鳴最是嗚呼者柴車薄笨聲

登高何處望徘徊強登城有地皆如絃無山孰送青平嘯隨  
路轉淺水入坳渟村落真堪數疏疏見幾星

見賢滕世子厄聖宋桓魁稟賦知從善生成最不才從來靈

十一

車時

八

金陵叢書  
蔣氏校印

蠢異端自性天來三品昌黎說斯言至理該

移時冬已至計閏正秋深一載爲羈旅多端惱客心地偏憎  
早冷天況苦沈陰何日還南遂朝朝只越吟

雜詩

北風正慄冽清霜增曉寒庭中老槐樹落葉長漫漫葉落可  
添薪實墜踐成團榮時賴其陰凋時任摧殘榮落亦何有人  
心如轉丸

兩鳥宿庭柯彼此相依附此曉彼亦鳴如云飽饑嗟空階墜  
殘粒此鳥飛而赴驚人復高翔彼鳥亦眼覷乘其未集時暫  
爾竟攫去方才猶相憐倏忽不相顧張陳苦凶終無非以利  
故此利亦甚微傾軋改素微禽夫何知世情吁可怖

關伯聖王後其情最善良不期弟與兄乃成參與商古風自  
渾噩手足反摧傷骨肉且如此疏遠那得將上古不可知晚  
近已茫茫

車馬一何盛冠蓋一何奢尊顯自貴重御者亦矜夸道旁趨  
避子迺是任西華隆冬猶葛屨行路皆咨嗟車中若無視憐  
恤豈有加昔受先世恩今棄如泥沙今人詎必問古人多過  
差

涼風太不情偏吹無衣子憶當熱盛時炎炎勢可擬風乃轉  
而溫和煦投所喜極熱反思涼而涼不敢起時乎漸戒寒風  
亦淒淒矣問風胡爲涼風因涼而使會當有熱時風其將何  
以

十一

車時

北

金陵叢書  
蔣氏校印

北風成陣雪成團土鏗無煙布被寒不分離鄉如庚信知誰  
掃徑問袁安窗才翬大飄能入戶有泥封溼不乾自歎窮途  
無米乞糶糜方熟且朝餐

十一月十五夜

昔年每遇當頭夜喜值天晴興更狂千里照人爲異客一年  
佳月在他鄉衿裾不信加牛馬知覺何曾斬犬羊說與明蟾  
渾不管都教收拾付清光

宋城水多苦鹹唯北郭大王廟僧宇下井水最佳特往試之  
從多濁地無清品水味爭傳北郭偏若論佛家功德品只應  
膜拜永甯泉

楊花

縱共塵飛能潔白偶因風攪暫飄零楊花漫道無才思不入清流不化萍

自笑

三旬九食渾無賴做布單衣最有緣自笑對人無可說囊中半載不名錢

六十自述

青氈故物已消磨過眼年華一刹那千里播遷貧莫療十年離亂險經多生逢磨蝎謀生拙業笑囊螢託業訛此後但憑天位置縱逢凍餒亦高歌

深淺眉痕笑入時少年意氣亦孜孜分無富貴求難得命少

功名合復離字會以一沒世便為寒士誤生平最薄俗人為結

廬故里吾生足鼓腹熙朝再盛時

出門惘惘了無情坐擁殘書到百城不是閉關當習靜那堪入世且懷清思鄉庾信誰知己避地韓康孰問名俗陋莫慙無術化江南聞說賊烽平

五十回思癸丑年兜炸逆餒互南天偕人共打姑蘇漿訪姪

來呼震澤船祝我曾斟蓬苑酒時傷今已閉墓門磚于姪

山歸鄉定為招魂返只是當時倍惘然

喜無遺累到妻孥是處樓迎得自如不以就衰憐牧犢敢矜高隱羨林逋詩書自有身心益朋友真同性命俱多少流離愁內顧始知早計未全疏

三年雪苑寄閒身往事思量盡苦辛投暮不甘空有我他鄉同調更何人夕陽無限霞成綺晚節能留竹有筠噉蔗頗嗜貪老境笑吹鄒律驗回春

夢歸吟

噉噉吁嗟視子之狀岸然有異于凡庸何以緼袍見肘敝履決踵世上未有如子窮上既不能出身為世用下又不得業筆作書傭二十讀書至六十燈癩痲成秃翁亂離縱然適不用豈無一二相遭逢而且避居必擇地天下之大何不容胡為託足閔伯所憤憤不諳風俗通微子去今三千載世故日下江河東嗜欲不同性情異况經遷變非古風傳低入獄批入麪雜糜朝食飽下春汲井沁牙齒削瓜凌心胸有如上

古不火食左持生蒜右生葱芫萎有臭瞿麥苦奮頤大嚼若

羌螂之逐臭常蕤蕤不能與俗隨俯仰偏欲矯矯傲不從朝一溢米夕一溢米辨飲食之正嗜味不與犬馬同互鄉之鄉物不化雖有賈智難為功腐鼠嚇鳳鷗笑鴟泥沌鑿死殿不通煮狗宋廢帝鑽核晉王戎一生只知阿堵貴其餘倫敘盡

聞背鳥獸同羣聖所歎蠅蠅無乃類保蟲我聞南中消息好賊勢微細如蟻蠓江山名勝風俗美遷喬入谷當折衷急宜打點作歸計詎必流轉若飛蓬香杭滑匙雲子白新泉汲水

爐烟紅魚頭潑刺鱗郭索春之紫菀秋之菘隻雞還難好風味杖頭但有錢青銅物產之美說不盡聯舉約略類可充鬱鬱已非計之得徒苦惱仄唱惱公遽然忽覺愆色曙東方日

140# 725

23 B

出光熊熊吁嗟乎十年辛苦嘗不盡轉徙常使心忡忡不如  
歸去息影鍾山麓撫我可移堂下六朝松

顏魯公八關齋碑在宋城南郊蔣生幼詹紹由用東坡石鼓  
歌韻詠之亦成一首

有唐偉人顏魯公大名赫濯震童叟書法瘦硬能通神一紙  
甫出百怪走當時效法奉圭臬詎比俗事笑哆口及身爭榻  
石剝殘紛紛賈本傳身後欲尋真跡辨形神百不得一十失  
九徒令後世遞流傳然則推顏骨則柳公氣排馭神騎箕公  
書淋漓光燭斗我來古宋際奇窮不待捉襟即見肘天性好  
古貧不移求八關碑披荆莠可憐寶護有何人誰仰高風求  
尙友周垣瓦礫蛇盤穴亭子欵傾鶴哺穀當年祈福祝蒼生

丁一一 車詩

丁二

金陵叢書  
薛氏校印

筆走龍蛇字躍蚪憶昔羣小噬元臣天子引年重耆耇方正  
從來邪不容一吠遂來羣犬吠公去千年碑獨存如魯靈光  
周尊占指示猶能問牧童傳名大可詢矇矓只今野外觀奇  
觀何異靈巖探响屨去思德政豈無傳誰沐仁風歌德厚此  
碑若在遐方外何嘗紀績說某某人足千秋字不磨豈但今  
無古希有蔣生伯仲學古股一切吐棄俗情扭搜訪睢陽困  
城詩恨不賀蘭蹀伺狗南關又見此豐碑孤忠獨立豈有偶  
先教墨搨考古人多少名家齊類首向使位置少侯生風霜  
侵蝕兒童搗殘闕奚止四十字雖欲追尋何所取然而異物  
非尋常至清不受塵汗垢精靈不爽常式恐神物自有神護  
守身世浮漚姓字留足與天壤同不朽蔣生努力好自爲建

樹能同金石壽

苦雨

乖龍割耳聾且彌癡雲抵死蔽太陽連朝檐溜倒三峽坐看  
庭戶皆汪洋才聽跳珠聲漸息忽然破塊勢更張破屋兩間  
畫解隙乾土竟少方寸方生恐飄洒溼殘卷旋復滴瀝沒繩  
牀蓋藏奚啻蕉覆鹿移徙直笑鼠殿燕室中插脚泥沒踝案  
頭瞥眼水成汪自昏達曉盡陰噎匪朝伊夕無晴光天公竟  
醉不問事兩師乘勢恣披猖今年羈困苦不盡身無完縷少  
宿糧偶食生怕羊蹴菜泔旬徒學齋太常半菽不得楚卒飽  
一錢爭羨杜陵藁多稌且詠周頌句食瓜好讀邠風章有時  
藏神太快活浮浮蒸出餅餌香秋來佳日借排遣那堪閉置  
處車箱自來通塞豈有定時雨須復有時陽坐待明日復後  
日一年明月良宵良長空萬里花氣靜仰觀玉宇凌蒼蒼  
幼暉書至喜得近况

丁一一 車詩

丁三

金陵叢書  
薛氏校印

消息年來欲達難開緘先喜得平安爲炊不鼓屢屢曲作計  
仍親首蓓盤至樂即從餽粥得無求常是起居寬早春尺素  
來冬晚翻恨遲人一載看


子尚詩存跋

子尚詩存一卷江甯車先生書著子尚其字也先生經明行  
修爲建康者宿丁緒寇之亂支離兵間生意都盡詩非其所  
措注且所存亦只百一未可以概先生也然五言如詠燕云  
處堂猶得計巢燕豈知機宋城雜詩云草補空庭圯藤扶斷  
編敲七言如六十自述云思鄉庾信誰知己辟地韓康孰問  
名夕陽無處覓殘綺晚節能留竹有筠偶成云一水護城流  
併墅四郊多黍藿成林亦自清婉可誦抑聞之上元蔣師杖  
師轍從先生學詩二蔣詩清新俊逸卓然成一家言殆有出  
藍之譽然則先生之得於六義者必深而惜乎其止於是也  
鄉後學蔣國榜跋

丁十一

金陵叢書  
蔣氏校印

圭田霞仙館詩錄



青霞仙館詩錄序

吾邑王明經小鶴先生孝子也少事其父廣文鶴  
嶼先生於青陽官舍廣文善書翰工吟詠明經少  
承家學溫恭爾雅垂髫卽以詩名尤工楷法同時  
奉爲程式侍疾刲股居憂哀毀幾滅性鄉黨稱之  
後隨其舅詩人張竹軒先生居於滁中年客壽春  
孫氏最久晚客廣陵黃氏與余共晨夕者數年以  
優行貢於

朝充正藍旗教習官非所樂罷歸青陽九華之勝

王詩 序一

太白所欣賞滁人樂歐陽公之餘風山川清淑壽  
陽有小山八公之遺蹟紅橋白堦間尤近代風雅  
藪澤明經翱翔其間搜羅其金石交游其賢豪輕  
財好俠聲名藉甚惟以數困場屋一子早殤媵嬪  
產女居恒鬱鬱不樂愁苦之音溢於楮墨年逾知  
命已頽然一老翁矣拙於治生癯而善病壬寅溘  
逝壽六十有二貧無以葬余族姪璞生司馬其妹  
夫也時客南昌命其子伯雅仲和兩茂材盛備斂  
具仲和明經弟子又其季壻其長壻朱少崖孝廉

爲延弔客壽春孫氏爲市墓地立其族弟春卿大  
令之子爲嗣世之文人無命未有若明經之甚者  
也壬寅冬余自湖州歸始聞其喪弔諸廬已葬矣  
璞生寄所刻廣文夫婦詩集以余舊作廣文傳弁  
首並乞爲明經作傳以將續刻其青霞館詩集也  
時江浙間夷氛甫息余將有杭州之役未暇作傳  
癸卯秋於錢塘署中得明經廣陵弟子黃右原比  
部書並刻明經詩一卷見示屬余作敘謂吾師少  
學溫李晚愛杜韓客壽春以前之詩華實並茂久

王詩 序二

已膾炙人口惟此卷爲客廣陵十數年中所遺大  
半刊華落實卓爾不羣篇什無多皆驪珠鮮鱗甲  
也欲窺全豹者俟璞生南昌之刻此爲清頌堂叢  
書之一種猶古之河嶽英靈集今之吳會英才集  
也余以僕僕道路賤奏多爲人役逾年未踐此諾  
今也晚得一官遠在甘肅乞假修墓道出廣陵比  
部責言愧無以應因卽比部去取之意畧序其平  
生使讀者知詩爲明經之餘事而此卷又編年之  
晚境也夫立言列於三不朽多男子不列於五福

古人不以後嗣之有無爲榮枯而以著作之存亡  
爲憂樂今爲明經經紀其喪者皆其弟子而比部  
旣刻楷書數種壽之樂石又刻詩畧於叢書中使  
與古今著述並垂不朽猶之五祖法嫡傳於南北  
二宗彼生前科第之名身後血肉之嗣曾何足以  
敵其萬一哉明經有靈可以無憾矣惟敘錄遺文  
兼訪軼事作傳以待儒林文苑之采擇尙未暇踐  
璞生之約耳道光二十有四年歲在甲辰夏六月  
上莖日全椒金望欣敘於廣陵黃氏之小玲瓏山

館

王詩 序三

青霞仙館詩錄

清頌堂叢書

全椒王城小鶴

蓮性寺看桂同李介石金禺谷汪梅川

紅牆白塔壓湖烟蓮社停橈欲暝天四面團成金  
粟藏一枝攜上木蘭船衆中自有曾攀客我意來  
叅無隱禪雲水光開香世界不知秋思在誰邊

李艾川秋燈夜讀圖

秋光滿眼舊雲烟梧竹陰中手一編展卷想當翁

少日作圖猶在我生前

子生癸卯圖  
作於乙未

燈邊校字名

王詩

山業紙角留題翰墨緣愧煞青氈頻坐破浪游漸  
覺倦丹鉛

食葉蠶

食君滿箔葉酬君滿腹絲城中糶新繭何似買桑  
時

黃生右原憶潮卷子

浙江之潮來自滄海東金行灑氣鼓舞潛流通龕  
赭一束蓄怒不可洩濤頭萬丈撇擲恣撞衝挾白  
蚪驅蒼龍走河伯舞海童金支翠旗出沒鮫人宮



靈鼉伐鼓聲逢逢鯨鏗鱗吼蛟螭從天關搖撼地  
軸裂雷霆風雨颯沓爭雌雄海門錢唐直下幾千  
里但覺詰屈狹隘不復能相容豁焉開朗萬象靜  
溟滓依然銅鉦深浸瑠瓊紅餘響殷殷耳目尚震  
掉低昂不定隔岸羣山峯故土有此奇觀那得不  
相憶卽今披圖已足洗拓芥蒂之心胸我聞枚乘  
觀濤乃在廣陵曲江上子今寄居烟水同青濛終  
覺此鄉信美非吾土不然高秋八月亦足清雙瞳  
丈夫乘風破浪快意行萬里安能枕流漱石局促

王詩

鄉閭中放眼天地渺一粟行當與子去聽蓬萊瀕  
洞之天風

聞西師屢捷喜賦

剖巢熏穴泣花門逋竄聊游釜底魂自是失禽緣  
解網豈容滋蔓尙留根山川圖版疆周索水草牛  
羊負

漢恩指日獻俘歸

闕下萬人歌吹擁

臨軒

鳳臺尹

讀書十年博升斗萬里之官牛馬走大吏嚴重掾  
史驕伺息仰顏作新婦鳳臺地瘠民苦貧官來更  
苦貧於民倉空府竭供億急餐錢紙料追呼頻旣  
不忍勢取豪奪窮搜牢又不能陰啗巧訐凌官曹  
公帑耗蠹罪無赦鄉路隔絕援難號白面書生本  
良悞肌膚未辱膽先破倉皇畢命朱絲繩豈不愛  
生亦無柰吁嗟乎哲士見幾胡不早荆棘裹足跡  
難掃匹夫之諒情足悲貪酷無才那得飽少年進

王詩

士作縣官可憐性命輕於草

素心蘭

不見素心人與花聊永日移我虛澹情愧彼清白  
質負性自塵遠無色受人暱在山馨一山在室馨  
一室

湖上卽興

白舫青簾試奕棋一枝柔艣劃波遲丁丁聲裏貪  
殘劫行過湖亭卻未知  
半露青林白塔枝嫩晴天氣笑雲癡風迴忽界半

湖黑指點瓜洲雨到時

聞禹谷病寄懷

廿二得君書相見期月杪期逝望不至計程心悄悄有信山中歸知爲二豎勦方來占以凶稍閒猶在表秋氣肆診癘人命賤如草君亦罹此災乍聽爲驚倒努力慎眠食安心暢懷抱去疾勿務速防患勿遺小幾日清霜飛寒意積昏曉索居悵來遲又慮出山早駟馬與安車那及閉門好

許知白游洞庭卻寄

王詩

四

我聞具區三萬六千頃沐日浴月蛟龍宮平生夢想忽到眼爲君一洗骯髒之心胸此鄉况復本故土某邱某壑聞諸童五湖三泖爭灌注入海一氣開洪濛螺痕幾點浸烟水莫釐縹緲東西峯仙之人兮紛來下馮夷拜舞湘靈從金支翠旗動窈冥震撼地軸迴天風凌波招手不得渡怒踏萬丈晴天虹下視吳越渺蛾垤仰摘星斗排雲叢行神御氣游汗漫徑可直過扶桑東君身自是抱仙骨苦向塵土羈浮蹤慎勿乘風便歸去待我同跨茆家

龍

聞傍花村菊尙未開

今年涼早菊翻遲霜禁村畦十萬枝短髮幸無堪插處不然孤負餞秋時  
連勝種菊如種菜老圃賣花如賣瓜未識故園荒徑裏可曾黃到隔離花

詠史

預愁冰雪壓穹廬十萬征人少定居似說虎頭能食肉詎容螳臂尙當車屯田宜畫防秋策散從先

王詩

五

宣諭蜀書消息傳聞頻按劍西風蕭瑟渺愁予紛紛餘燼復揚灰頓甲懸軍士氣頽若使長驅爭直入斷無捲土敢重來中朝不惜封侯印專闕誰登拜將臺走鹿奔狼能反噬莫教三面網輕開

以古劍贈鐵珊用蘇公武昌銅劍歌韻

壽春城外風驅沙沙邱崩塌騰金蛇一蛇出穴疾飛矢雕面少年掣其尾歛忽幻化鏗雷霆入手三尺橫秋水古劍鑄銅不鑄鐵土花漬骨陰苔裂盲風怪雨生奇腥紅疑五代髑髏血衰年得此無能

為贈君并贈劍以詩干將莫耶世自有俗眼不識  
驚夥頤

過胥江有碑榜曰伍大夫仗劍渡江處

豈獨今人不如古舊時江水淺如許精靈但鼓錢  
塘潮風波何似溧陽渚古人失意亦千秋遺跡每  
占九州土當年仗劍渡江時可憐晝伏夜行鼠恩  
怨都酬霸業成空染屬鏤血一縷我亦吹簫乞食  
人潦倒江湖困羈旅龍泉裏裏誰能知欲贈世人  
無漁父停車澤畔風蕭蕭水淺沙長絕鳴榔橋邊

王詩

六

七尺嵌豐碑大書深刻渡江所陵谷已隨歲月遷  
姓名長作烟波主茫茫吳楚幾興亡東有胥山西  
胥浦

王家營雨中作

黃河迤北游塵粗三月不雨二麥枯停車問俗重  
太息曉聽屋上鳴鳩呼暖風鼓盪積輕靄細霰霰  
霖飄眞珠密雲有時吝膏澤被潤不渥春將徂近  
來流庸漸還集早穫庶使飢鴻蘇淮徐瘠土慶樂  
歲吳楚連郡開坦途安得滂沱破疆藥盡看山澤

成膏腴客行有程固畏雨但宜禾稼甘泥塗

過下邳感圯橋事

蒼莽風雲寥廓墟下邳舊跡賸清渠當年偶進圯  
橋履過客頻停古道車笑我白頭非孺子斷無黃  
石授奇書緣何一例雞鳴起蹀躞紅塵計太疎

車中夢登泰山

憶昔驅車泰安道沿路嵐光變昏曉岱宗咫尺不  
得登一夢十年青未了重來取道入陰平湖驛山  
郵判客程仿佛烟巒在雲際目力不極心屏營平

王詩

七

生恨乏山水福每遇清游恒局促濟勝非關腰腳  
慵山靈似拒形骸俗遣夢飛騰凌日觀漢柏秦松  
枕巖半羽衣翠葆紛迎將詆蕩天門聳霄漢俯視  
九點齊州烟東海如帶當我前蒼蚪亂舞雪花直  
元鶴獨出天光圓心所欲歷聊快意天鷄高唱破  
空翠一覺忽墮車箱中捫胸突兀蟠雲氣東游有  
願終停車探幽攬勝須吾徒方今  
天子盛功德待上云亭封禪書

過滕縣

何處花開白似銀蕭蕭風雨送餘春分田空賸當年碣道榜有滕文公行井田處石碣業屢誰知我輩人濕霧油雲蘇地防拖泥帶水健車輪下帷寒禁看山眼默數郵程已浹旬

倉頡墓 在平縣東

天雨粟鬼夜哭鑿破混沌書契出書契出機械伏聖賢奸雄各耳目科斗篆隸復易俗道旁片石後人書轉恐倉公不能讀

夏初入都芍藥將了入市者猶未已也

王詩

合付燕姬插髻斜豐臺塵土減春華天涯倦眼偏難入不買長安看賸花

聞稻生近耽繪染卻寄

鎮日丹青作課程料應孤館太淒清胸中突兀鬱邱壑筆底縱橫寫性情貧賤有才皆是累英雄無事始成名乞君試憶曾經路為貌陰平道上行

自題己卯左擁右抱圖

重檢丹青又十霜鏡中綠鬢近都蒼眼前骨肉幸無恙庭樹年來亦較長

丈夫豈合戀妻孥果遂幽居亦足娛飄泊江湖家似寄團圓能比畫中無

書徐霞客游記後

足不躡中華以外之山川目不睹混沌未鑿之雲烟束縛兩足翳兩目形骸孤負生才天嗚呼徐君乃是飛行仙濟勝之具紀勝筆能凌絕辟泗深淵西極秦晉北幽薊東南兩粵黔閩滇風雨霧露霜雪不能禁功名富貴妻子安足牽橫搜直抉知幾億萬里肩書掌錄直歷三十年是時朱明丁未造

王詩

九

四海競起尋戈鋌洛陽橋上杜鵑叫延秋門外銅駝眠水有蛟鼉陸豺虎磨牙厲吻垂人涎間行履及法王域雄談氣壓蠻酋筵謂木麗江誓將邱壑窮兩戒兼欲形勢羅九邊有心人置無用地乃以絕幽鑿險終天全即此已足稱豪賢平生重氣節交誼金石堅豈獨雞足山頭遠瘞靜聞骨病歸猶為石齋請室營橐籥嗚乎徐君乃是飛行仙

廣陵有賢婦行

刺綉文不如倚市門金夫欣羨婦所嗔甘誘威脅

百不鷹蜂蠱毒螫羅苦辛清涇湜濁渭渾夫也  
不良姑匪人保貞畢命朱絲繩廣陵輕靡習尙矜  
姱容炫服嬌青春醴泉芝草無根源天桃漫李留  
松筠事涉曖昧難登聞煩冤抑塞埋黃塵作歌聊  
訊鵲與鶉

書金雪舫征西諸將詩後

閒煞凌烟作贊才將軍生面筆尖開料知抱鄴隆  
中日夢度葱河萬里來

觀興教寺鄒若泉畫壁同稻生作

王詩

虛廊白晝海潮起八百應真下蜃市水雲仞立蛟  
龍飛斜陽倒射三山紫誰歎狡獪作此弄畫壁相  
傳若泉子牆高三丈筆十丈隴糜灑作滄溟水劈  
空樹石欲攫人樓閣排雲鬱奇詭聖粉脫落塵煤  
封氣象欽寄尙如此想見解衣盤薄時天地低昂  
歸十指放眼六合荒唐外置身萬頃烟波裏壁環  
三面畫一幅離合縱橫勢未止當時快意恣奇情  
腕鬼目神應憊死過眼雲烟未百年好事何人相  
料理古寺荒涼客到稀屋漏牆頽墁同毀古今勝

蹟半銷磨白盛之壽不如紙我來猶幸得見之坐  
臥摩挲日移晷但恐破壁便飛去後來那識郢人  
技撫景觸緒感蒼茫忽憶翠螺蕭處士尺木太白  
樓邊投筆時官符役畫平生恥墨痕喫壁憤未消  
筆鋒如劍橫驅使江水無情風雨多斯畫斯人皆  
已矣鄒生留此亦胡爲乃供兒童漫塗泚豈無鄭  
重碧紗籠閣黎祇博相公喜吁嗟鄒生布衣耳

得婉宜仲徽書

老妻日昏眊小婦能作書長女已有家憶爺問起

王詩

十一

居共勸免愁苦慎保千金軀倘知旅人病相念更  
何如信還漫作答不欲言羸癯憐爾亦善病告爾  
增煩紆白髮仍遠客青春忽已徂飢驅不能歸親  
愛難與俱孤懷多苦辛感感無良圖時復報平安  
離憂聊慰吾

慨菊

林風颯颯霜淒淒籬菊乍放猶未齊中園散步淡  
秋意寒蝶尙戀荒烟畦疎枝亂葉見情性孤芳幽  
色忘塗泥園丁狡獪競天巧剪插時接憑心稽絡

櫻植葦任束縛隨人作勢爲高低柴桑折腰恥五  
斗羅含閉戶羞金閨世風趨下到草木那怪桃李  
春成蹊撫時觸緒惜晚節老梅僵立檐東西

詠懷

大雅久銷沉抱琴每獨往諧俗匪所難負性安能  
疆里耳投希音衆毀正吾獎浮雲翳層陰驚蓬振  
孤響因風睇八荒山川浩以廣偶然生其間形影  
自相賞卉木亦逢時飛走各有長寂莫老巖阿吾  
道竟安放

王詩

十二

擬古

喬有陰兮芘根木雖病兮枝猶存枝不自保兮根  
奈何深山風雪愁斧柯枯枝作薪分所任孤根難  
託他人陰茫茫卻顧兮胡爲而至於今望萌蘖兮  
復吾土攀松楸兮泣如雨

題俞小橋滄海觀日圖卷

男兒浮沉人海中何如寄跡滄溟東徑到扶桑浴  
日處雙足踏破馮夷宮瀛洲員嶠蛟蜃窟三山往  
往遭回風扁舟一葉恣所向釣竿擊碎珊瑚紅此

皆沈冥顛顛客掉頭不顧飄孤蓬君今胡爲作此  
態畫師極意爲形容洪濤萬頃競一擲豪快蹴起  
窮淵龍金烏側翅燭光恠天雞高唱開溟濛馮夷  
肅舞競前導羲和叱馭爭相從離塵絕俗世莫伍  
凌虛御氣風無功羣眞招手似舊識疑是太乙之  
仙翁驚波閱歷我已倦海鷗有約羈浮蹤乾坤放  
眼渺一粟竟無樂土安吾躬何當攜琴訪君去同  
騎十丈橫天虹

貧士和陶

王詩

十三

山林富容納毛羽各有依棲託遂願欲飲啄歡朝  
暉造物本無私各畀走與飛長養聽自擇通塞遇  
所歸一鳥嗷嗷似訴獨寒飢嗷嗷訴向誰野風  
厲以悲

平生性孤潔不解干冕軒農圃學未能憔悴愧邱  
園嬌兒但索飯窺竈喜晨烟私笑白首人一卷飢  
猶研冰雪有本性藜藿無甘言絕糧且陳蔡况我  
非聖賢

朝典桁上衣夕賣囊中琴且喜入自外室無交謫

音交游判貴賤冠帶難見尋偶然得樽酒婦賢讓  
孤斟一醉忘來日胡爲憂欽欽貧也固非病原子  
知吾心

榮叟出帶索自視如曳婁嘯歌足三樂斯世誰能  
酬墨允採薇蕨豈必由恥周清隘衆所嫉積爲衣  
食憂豐厚甘讓今希與古哲儔箕穎尙可飲營營  
亦何求

中元夜坐月

同是一輪月相看忽覺秋園林今夕影礎杵幾家

王詩

十四

愁身世催烏兔星河借女牛微風遞簫管湖上有  
歸舟

少厓旣行惘然有作

決計同歸去翻成子獨行臨岐不能送顧影若爲  
情多病豈宜客無兒愈愛甥今宵宿何處且喜月  
初晴

書感

莫將飄泊怨春工幾日芳叢已退紅一種青青松  
柏樹不曾知有落花風

古松林庵雙柏行

古松林庵兩株柏作意連蜷不肯直交柯結幹蟠  
虬龍力盡風雷擘不得高纜拂檐根攫土四面陰  
鋪一庭窄白晝森沈山鬼來晴霄掀舞佛燈黑膚  
皴腹裂葉怒生其下孫枝競高格倘教展放作直  
幹槎枒百丈蒼冥逼劫火滄桑不計年傳是唐賢  
舊手植頽垣破寺茶連畦山僧斫薪碎寒碧蓬蒿  
夾徑堆苓通此中有物誰珍惜謫仙去後謂李潛  
生學博寂無人壁間留記烟煤積我來一月居海陵寥落

王詩

十五

古懷負雙屐意外觀此蒼髯翁指點寒陵一片石  
胡不昂霄作棟梁拳曲支離爲此劇一邱一壑安  
能容是柏是松都不識君不見成都古柏杜陵歌  
黛色參天二千尺幾人物色到風塵詩成筆向西  
溪擲

貞蘭行有序

揚州丁光國妾蘭氏隨辰州巡檢任乙卯  
正月苗亂丁遇害蘭以子付保媪行乃懷  
印踰垣出遇賊不辱截指釋之三日抵大

營還印并白丁死狀訪子所在攜之歸踰  
二年亂定始借子之辰求丁骸骨故吏指  
瘞處刺子血試之驗遂扶襯歸噫蘭氏一  
弱女子且勝乃能潔身於險阻中識 國  
體完大義可以風矣

八品微官千里道郎初捧檄兒離襖聞道辰沅方  
弄兵攜家何似居鄉好湖湘烽火煽巖疆邑小民  
稀滅勢張肯將名姓留官玷拚執干戈作國殤倉  
皇怕碎官家印吞聲茹痛搜灰燼懷中丹篆血饜

王詩

六

蝓蛾眉不讓相如藺托孤先已遣嬌兒夜半踰垣  
竄路岐白刃叢中悲馬革青燐光底泣龍祭何來  
狂羯輕遮截聲聲罵賊朱唇裂斷頭弗惜况一指  
恨難手刃夫讐雪脫險潛投經畧營將軍見印識  
郎名訪從復壁兒無恙迢遞家山間道行歸來惟  
悴青燈屋年年夜夜孤癡哭血汗游魂何處招夢  
沈荒戍無人告風塵初息買扁舟故吏相逢指一  
坏白骨幸教留子在朱顏終不爲郎羞艱難百計  
輿歸櫬當年未肯輕身殉化鶴茫茫華表悲離鸞

杳杳崩城恨乾隆乙卯賊戕官丁已歸元邗水寒  
辰州巡檢丁光國有子之辰妾姓蘭

除夕口占

遲暮歸來暫息塵寒家歉歲益艱辛流庸滿路無  
安宅一室團圓莫怨貧

閒看嬌女羅盤釘菘鬢齋瓶富滿家更有東鄰楊  
處士敞門風雪送梅花

宅後新買方塘觀兒輩柳陰釣魚頗亦樂其

樂也

王詩

十七

屋後枕方塘塘上植疎柳其下多儵魚今年爲我  
有老來百事懶閒煞垂綸手此樂讓兒輩紛紛肯  
留得魚亦偶然穉者奪之走歡呼喧四鄰不忍  
叱其醜攜歸付厨孃爲我侑尊酒

壽內子髮華五十

子年比我小生日比我早元旦踰二旬新春風日  
好兒女競治蔬殷勤娛二老尊酒話平生所媿歡  
樂少憶昔初來歸子年方十四隨宦居臨城兩小  
未解事翁姑偕歸田匝歲相繼逝春暉失茈蔭寸



草共憔悴移宅寄滁陽從此室家棄飢驅走四方  
一身叢萬累骨肉屢摧殘多少兒女淚典盡嫁時  
衣通勉治中饋十載還舊鄉老屋重葺治稍稍得  
安居我仍未歸憩倏忽已白頭往事不堪憶大女  
已有家諸妹遲待字半百猶無兒一髮千鈞繫膠  
木縈葛藟華實聽天意但得延宗祧貧賤非所計  
今夕且娛樂我歌子姑酌車馬將遠行此情那能  
說何時買青山春秋共邱壑偕老期百年鹿門舊  
有約

王詩

十六

劉生詩

萍鄉劉金門宮保孫名壯

雛鳳襲清聲生駒秉遠志劉生方八齡讀書能解  
事探喉發疑議往往抉其秘十指寸半長撥鐙作  
大字天骨能開張神鋒頗快利昨詠野望詩出手  
有古意花邊秋水長居然味外味花邊五字  
生野望句紹庭  
沂淵源母教納於義韓康居外家似舅謂右  
原得無  
忌去年從我游發蒙賞其異日誦幾千言詩易勤  
講肄飛鳥自依人相別每垂淚苦欲隨我歸老懷  
割難置卽此見性情已篤師生誼壯也其勉旃讀

書先養氣務得戒在貪務進戒在銳沈潛靜紛華  
淬厲益神智無自鑿其天無自小其器靈泉清厥  
源嘉木養以穉不作溝澮集庶足棟梁寄先澤猶  
未湮文章美世濟努力振家聲貽令報勞瘁念我  
雖衰頽尙有假年意看子致青雲一爲平生快

詠史

四皓輔漢惠八公謁淮南或隱或神仙胡爲辭深  
巖紫芝爲誰好鴻寶投所甘乃知兩漢人隱遁皆  
空談相延及六季虛名託幽潛富貴恐不免高臥

王詩

十九

誠何心

牛馬不恆生瑞與麒麟同世人輕習見造物初無  
庸貴賤任所遭彼蒼難爲功麟兮誠上祥不識麟  
亦窮所以堯舜時箕穎猶潛蹤

車馬困川塗舟楫窮原陸舟車匪不通倒施受以  
轄孫吳司文衡鄒枚易戎服班倕操鈞柄臯夔監  
匠作所用非其材甚於不用辱

河閘謠

北河閘五十南閘二十二七十二牖接直沽盡是

挽芻歸漕地潄水洩水恃石閘牖尤恃版版恃車  
去來啟閉各有時尺波珍比鮫人淚客舟候牖偵  
牖口眈眈日盼糧艘至大船冬冬擊鉦鼓小船寂  
寂那肯語糧船不來商船苦停篙三日無米煮篙  
師搖手且遷延米船閘吏正索錢

舟謠

北船不用槳南船不用犁北船用槳斂著泥南船  
用犁江無堤南船怕過關北船怕過閘過關只索  
船料錢過閘有槳無用法長年三老且銜杯轉眼

王詩

便有糧船來

鴈聲

鴈聲似人語激作不平鳴汝亦有何恨吾方醉未  
醒勞生作舟楫退步有蓬瀛且待停橈處江湖一  
例清

飲滄酒有作

舟行五十日日日惟飲酒瓮中儲燒春性如直諒  
友螯口每齟齬漏量隘所受夙聞滄酒名亟欲嘗  
旨否停橈夜斂門行沽盈大缶是時抱寒疾擁衾

坐垂首聊復斟酌之煩胃滌黝糾滋味頗甘和顏  
色類醇耐齒頰留餘酸喉舌味深取乃知盛名下  
悠悠繫人口舊食有殘瀝縱薄亦良厚

楊村題壁

滿壁題詩滿眼塵客非杜牧亦尋春郵亭一夜琵琶語都是深閨夢裡人

金少參公玉印詩周谷子春屬作

太阿倒柄金甌缺千秋名賸當時傑二百年來玉  
一方依舊圭棧剛不折有明鄉衮金少參閩左朝

王詩

端著風節平臺論事屢上書至今惠政留西浙官  
書羽檄日紛馳署名押尾朱替齧是時厄運構陽  
九豺狼當道狐狸穴憤世拚偕玉斗碎批鱗幾共  
珠冠裂埋輪一夕解組歸紛紛玉石誰分別屈原  
行野誓懷沙宗澤渡河呼嘔血此印未與硯同殉  
流落人間絲歲月連城之壁終當歸暗中付畀文  
孫挈鬼神呵護揚清風篋積摩挲寶先澤我與公  
裔忝姻戚再拜陳觀詳刻畫芒寒色正蟠蛟螭想  
見鬚眉面如鐵名垂宇宙世已移事登史冊人能

說獨恨生晚不見公流風餘韻懷高格同時忠毅  
周先生宗建獄中玉印爲人竊雪耀大令鶴立五  
世孫購歸曾費兼金百心同印同事亦同物因人  
重非金石當時豈少印如斗沈槍斷鏃同磨滅天  
留此物鎮乾坤桂紅漬骨丹心熱

卽興

一年難得是春晴卻爲關心菜麥生老樹未青先  
有色暖風欲轉漸無聲病懷入道消狂態酒力欺  
人悟世情收拾疎筇與殘屐近來都懶下階行

王詩

三

一醉

五十三年渾一醉偶然夢醒酒仍狂天無太白星  
都俗地有劉伶士便香芻狗衣冠同傀儡觸蠻名  
利付滄浪猶餘白眼長松下門外何人車騎忙

送陳穆堂歸揚州

結客手散千黃金著書甫就家已傾鹿門有山隱  
不得白頭萬里盧龍行馬遷游覽清娛侍太白樓  
前濟駐征騎琴書滿載囊橐空故人謂施樸齋那  
得知惟悴曲阜上公能好客授館延賓爲置驛設

萬全尹

醴殷勤欵穆生徵詩絡繹誇吳格買舟迤邐下天

津肩吾遠道迎蒲輪當年座上揮金客如此交情

能幾人楨陵令尹分清俸邸閣行厨足朝供看到

中華以外天消閒手把圖經綜李陵臺下幾經秋

嬌女垂髻已上頭學語偶然通絕塞逢人偏解問

揚州今年忽動菹鱸思長揖故人作歸計白髮惟

餘幽薊霜青衫不漬琵琶淚勸君歸去莫沉吟揚

子橋頭春水深餓死本爲吾輩事首邱終是古人

心有山有水可漁釣賣魚沽酒容歌嘯解人千古

王詩

三

張志和眼底窮通堪一笑獨惜別君已六年豐臺  
握手便離筵應官我聽南雍鼓挈眷君回北固船  
落拓名場同老大身世恩恩兩無奈採薇拾象聊  
自娛千秋不受飢寒害臨歧不願送行旌我亦鄉  
心似草生棟花風漲桃花水夢魂先過綠楊城

洗象行

順治門外山屹立西河沿邊金鼓急繡衣都官鳴  
騶來沙岸千人萬人集填然一聲招象來騰身徑  
擲滄波入是時河淺僅及胛噴薄飛流不能濕百

夫掬水揮盞之人已汗流象未浥一象方上一象  
下鳴鉦催促奚官繫循例聊復比休沐潤澤稍沾  
意已戢我昔曾觀洗象行鋪張刻畫無遺形仿佛  
日浴麗溟渤又如水戰閩昆明北游三度未得見  
每憾缺陷留平生今年京居值初伏館舍復近西  
隅城清晨往觀償夙願乃覺聞見煩評衡文人誇  
張固爾爾將無古異今所云去華崇樸節繁費一  
事倘可瞻

昇平歸來洗硯記厥實象牙鑲管含秋清

王詩

二四

卽事偶成

牛乳蒲萄馬牙棗此味較比江南好老饕但取利  
齒牙客裏暗驚秋色早正陽門外列肆張菱米蓮  
心雜梅稜菜鱉買得新荷包酒人得之勝鱸莖停  
車入座呼酒備桑落茵蔯那深考經年落拓紅塵  
中豈止冬烘在頭腦路鬼挪揄送郡人家雞徵逐  
呼粥老此日不飲無乃愚道非其道寶吾寶丈夫  
五十不富貴只合家居作翁媪殘杯冷炙每敗興  
喜怒竟至供輿阜腰間長劍屢欲鳴百鍊剛甯污

此獠放懷一醉消煩愁旁人笑我太潦倒君不見  
洛陽蘇季十上書匍匐郊迎下機嫂又不見會稽  
山下負薪人求去妻令乃公惱貧賤何待流俗欺  
眼前骨肉都難保仰天大笑擲酒杯新荷去訪瓊  
華島

秋月

呼月汝來前秋光若爲妍相依無定所初見識何  
年一例多圓缺平生半醉眠如君終不棄猶照枕  
函邊

王詩

三五

請假出都送右原艱歸

本乏重來意南州謂徐鏡溪苦勸予故人衰漸老薄宦  
勝爲儒揜策短轅馬休談長鋏魚臨岐增感激年  
少悔麤疎

除夕有作

三千里外客歸來又聽冬冬臘鼓催一例年華隨  
爆竹十分春色到寒梅屠蘇酒愛鄉園味商陸爐  
煩楮拙堆嬌女連宵蟠彩勝翻新花樣亦關才

江都柏華紳刻

大 詩

錄 翁

堂

爾珍署



光緒壬辰仲夏石埭  
徐氏觀自得齋校刊

大瓠堂詩錄序

余與則莊別五年矣中間時序遞變烽火迭警夢阻煙水思積朝夕每恐則莊無暇併力於詩卽有詩未必遂工若此吳門重到折簡招之出詩一瓢發函展讀色清於水味醲於酒三日不見刮目相待星霜屢易又何足異耶曩者則莊謬以識塗時一商榷鷺郵間隔鷗盟契闊近以所作就質覺公行間眉頭評泊盡善詞宗禪宗拈花一笑余於吳下詩人首屈梅衲詩門廣大但求一是長洲倉山空立門戶有心排擊亦非公道則莊年力方壯求詩甚銳漁洋落箋初存稿本意不自信問序於

大瓠堂詩錄序

一觀自得齋  
徐氏校刊

學弟于源

大瓠堂詩錄評語

五七古五七律沈鬱頓挫頗近杜陵七絕亦不減漁洋山人相別年餘所學精進若此他日所到詎可量耶甲寅六月友生元培識於百一山房

沈鬱處直摩盛唐諸公之壘清妙處可奪南宋名家之席詩家能事一手兼之夫何間然咸豐乙卯長夏拜讀謹題以志欣賞葉廷琯

集中感時諸詩議論闊大筆力沈雄得力少陵爲多閒居遊覽等作又淡遠清新時近宋元名家少年得此洵奇才也加以學力自能卓然成家古人不見三日刮目

大瓠堂詩錄評語

一觀自得齋  
徐氏校刊

相待余於則莊亦云丁巳秋日方外友生祖觀識

感時則味旨情豐蒼涼婉鬱詠古則聲沈骨壯跌蕩縱橫短製小篇懷人抒意亦復王韋同軌鮑謝居宗十讀三復舐沫無已覺公門牆固應有此鉅手兒子輩汗流

走僵矣馮桂芬識

七古雄健奇警神似兩當瓶水五古清腴蒼秀時近商邱愚山五七律則又出入於翁山他山之間奇才鉅手具之少年洵未易得己未正月君將應其師祥符周文之司馬之招於練川練川吾舊游山川澹樸士大夫承錢宮詹王光祿之遺風咸留心根柢之學司馬以儒雅

風流作廣大教主君至其間得山川師友之助所學當大有進他日刮老眼以俟君歸讀君詩卽以此言爲證  
元和韓崇記

集中各體七古爲最姚烈婦陸孝女韋壯士葛布衣等篇皆可傳之作筆力蒼健出入於心餘仲則間奇警處則又神似鐵雲稚存才大氣雄不愧鉅手讀畢謹題以志心折長洲陳奐

昨從黃君丹秋案頭得讀大著各體俱佳而七古尤勝清蒼奇警追寫忠臣烈婦凜凜有生氣讀之使人忠孝之心感動奮發有關名教必傳無疑十讀三復讚歎無

大瓠堂詩錄

評語

二 觀自得齋  
徐氏校刊

已質之丹秋所見亦同丹秋爲潮州公子承其家學固嘗寢食於詩者足徵余賞爲不謬矣丁巳秋日王有齡識於江蘇藩廨

命意深醇修詞峻潔鍊氣清邁三者得而詩家之能事備矣余與則莊不晤數年所作亦久未寓目不謂年來造詣之深如此年少多才而能礪志立學洵未可限量也同治癸亥十一月同客滬上葉廷瑄讀於寓舍謹題時年七十有二最傾倒者以小印識之選入拙輯岑苔詩錄

集中以七古及五七律爲最勝格調章法直追古人五

古亦佳但力量稍遜爲愛學陶韋而不師杜韓耳學陶韋究覺省力杜韓須有紮硬寨打死仗手段所以詩家往往避此而就彼也願則莊勉之勿自滿幸甚幸甚調生再跋

大瓠堂詩錄

評語

三 觀自得齋  
徐氏校刊



大瓠堂詩錄題詞

孫郎年少具詩癖搖筆能令老輩驚一洗近時空率習  
瓣香低首拜新城

王子春夜坐是亦齋作小浮山人潘曾沂

一別忽如雨相思五載深詩調清廟瑟秋入海濤琴言  
滅生人樂思堅出世心白雲自怡悅不更覓知音

丁巳九秋秀水于源時客吳門

凌雲氣概李空同早擅詩名七子中腕力健於擒猛虎  
心旌閒似送飛鴻蕪湖曲處逢張翰蓮社開時結遠公  
若使此才勤著述西齋文字有宗風

大瓠堂詩錄題詞

一

觀自得齋  
徐氏校刊

披讀大瓠堂詩錄賦呈一律以誌欽佩咸豐丁巳長  
至後三日吳嘉淦初稿

孫郎家住長洲苑照眼穠花映書卷綠水橋南舊酒樓  
買醉行歌白日短問年二十頗有餘青葱織翠飄長裾  
抗疏功名陋匡鼎凌雲詞賦薄相如端居常作千秋想  
肯與時流共俯仰文字能教貯錦囊姓名何用題金榜  
重闔相隔不相親千片桃花逐去津欲識鑑湖狂賀監  
須憑潭水老汪倫竭來共載旗亭酒縱飲高呼拍銅斗  
幾輩工爲洛下吟有人憶折青門柳坐中高瓠如  
曾客陝右列坐  
黃裳少年眾中我獨歎華顛採風西蜀重回首金碧

樓臺夕照妍

丙午典蜀試以郊原遠帶新晴色命題得  
一卷有丹青平野樹金碧夕陽樓之句余

擊節亟歸來刻意親風雅莘老高懷敵魏野佳什都憑  
眾口傳遙情合托中心寫世間不少順陽公坐上難逢  
白石翁布衣聲價天然貴一卷新詩續古風

余題則莊詩後門人汪生復邀君會於酒樓縱飲談  
藝再賦長歌以贈吳嘉淦

兩宋三唐萃一編真堪旗鼓抗前賢自誇老眼如公路  
早識孫郎在少年

朱王蔣褚潘章沈

西生井未澹懷仙  
根功甫君繡閣生

逝後吳中作手稀

猶幸騷壇留島佛

謂覺  
公師門君已得傳衣

大瓠堂詩錄題詞

二

觀自得齋  
徐氏校刊

讀大瓠堂集有見贈二絕句依韻奉酬即題集後調  
生弟葉廷瑄

一生低首梅花衲衣鉢羨君能早傳何日扁舟出城去  
滿天香雪證詩禪

小詩賦贈即書大瓠堂集後長洲去垢弟宋志沂

風雅中吳有正聲翩翩年少早知名前身合是林和靖  
人與梅花一樣清

固窮絕口不言錢出世心堅已十年孤冷原難花裏活  
半生長抱白雲眠

植品如君世所稀虎邱山下閉柴扉錚錚傲骨不諧俗

此是人間真布衣

戊午嘉平二十六日黃鞠

穹窿山黃太湖黑山鳥湖魚各愁絕士林凋落文園荒  
坐令萬物失顏色昔我游此方髻齡耆舊風流未渠湮  
今來渡江甫十載瞥眼斯世如風鏗誰歟存者釋齊已  
魯殿靈光轟空起孫子妙年復俊發扣關乃作佛弟子  
不求淨土合宗教只從永嘉溯正始要論已得津梁通  
秀筆獨出近莫比馥如光風轉蘭蕙麗如煙波濯紈綺  
此才真得乾坤清湖山照耀魚鳥驚風月從今付君管  
排斥紫色揮鼉聲興來一吸葡萄甕醉膽輪囷插天動

大瓠堂詩錄 題詞

三

觀自得齋 徐氏校刊

封豕長蛇驅未得殺盡中山兔何用

長歌奉贈則莊老世兄即題大集已未孟春廿有六

日世愚弟湘鄉左楨書於小招隱館 按王紫詮藏壙  
雜志庚申難後

更名  
左樞

孫登吟嘯侶落筆無古今憂時淚盈把弔故思幽深開  
軒面羣岫門徑無雜賓我性與時違僻陋伊誰親不解  
王侯貴能識布衣尊眼前纓珮者瑟縮自為羣何如牆  
東隱席帽相追尋酌醴以娛意發我遺世心

小詩奉贈即題大集已未早春世弟湘上左樹

等身著述已盈編馳騁騷壇抗昔賢生值杜陵離亂日

獨憐此子正青年

瓶水悔存忠雅後雄才如此近來稀愛君不獨新詩好  
植品無慚大布衣

題大瓠堂集次卷中葉調生韻海昌朱鈞

孫郎才調今孰如問年正當二十餘讀書不作梯榮想  
琴歌酒賦常歡娛金昌門外花成市畫舫香車鬪羅綺  
心遠奚須擇地偏寂寞誅茆乃住此近來文章誰最雄  
前後七子尊吳中朱王蔣褚久零落存者惟有延陵翁  
歐九平生許可少一見君詩便傾倒健筆直堪追杜陵  
高懷未必輸莘老衰殘自笑才無用卮言何足為君重  
日注蟲魚不善吟知音請覓牆東宋 謂于  
庭

大瓠堂詩錄 題詞

四

觀自得齋 徐氏校刊

長洲陳奐碩夫氏初稿

一卷新詩得氣秋齊莊家世合名周使臣不識羅昭諫  
生子當如孫仲謀擲地高文傳舊業枕流雅趣繼前修  
漫云五石瓠無用浮向江湖穩似舟

祥符周沆潤樗菴題

何處仙源訪武陵關山烽火念親朋故鄉翻作他鄉夢  
深院真同退院僧多病漸知愁有效懷人可奈信無憑  
家居漫說天倫樂岑寂如今得未曾

浩蕩東南殺運開潰兵先自下蘇臺陣雲散逐千門雨

劫火燒殘萬瓦灰分手君方官裏去脫身我獨賦中來

吳頭越角無多路湖海飄零匝月回

患難謀身計總乖鄉關且守舊生涯狂言久已招時忌

傲骨真難與俗諧半世誤沾名士氣一官累繫故人懷

荒居寥落交游少日杜閒門兩扇柴

賃廡鴻山且暫依伯鸞曾此避塵機置身邱壑雄心在

過眼煙雲舊夢非人到可傳都有癖事求免俗易招譏

更誰天爵如君貴海內於今少布衣

養疴家居頗苦岑寂傷離感舊率成四律寄則莊梁

溪咸豐庚申慈溪董葆琛獻臣

大孤堂詩錄 題詞

五

觀自得齋 徐氏校刊

一編好句歷同羣天上霓裳不數聞淥水橋南常載酒

旂亭他日倘逢君

秋風吹冷客襟裾滾滾長流轉軸轅一掬杜陵烽火淚

登樓愁思滿江湖集中有秋興感時諸作

吳峯高下共嶺阮裙屐風流骨已寒惟有菱蘆菴外柳

夕陽留待後人看有懷西生丈詩

老梅開後月初明人在茅菴踏雪行好約南湖飛棹至

談詩禪榻坐三更覺公辛伯皆君師

清才原未委蓬蒿餘子惟分柏與槽讀罷高樓新月句

恍如秋水翦并刀亦集中句

芰荷衣染酒痕香高會傳箋附末光此後定應多一客

詞壇須識鑑湖狂清如丈嘗約同人飲酒填詞每會必與末句用丈贈詩語

堯峯箸述富名山過眼雲煙若等閒天使平波修禊手

長洲舊壘奪標還集中有詩

讀則莊尊兄詩集謹題七絕七章用東坡送孫莘老

韻以志佩服堯峯五世孫汪孫僅士松甫時在里門

延秋聲館

直凌郊島上窺韓冰雪文宜避俗看隻手闕將榛軌易

一名傳到布衣難蘇門嘯逸誰為侶蓬幕才高不稱官

近日幕客登仕版者甚多遮莫料量齋米日如虹氣自吐毫端

大孤堂詩錄 題詞

六

觀自得齋 徐氏校刊

五百梅花五石瓠草堂衣鉢足千秋懷人海上題襟集

感事秦中樂府謳廿載澹交蹤跡阻咸豐丁巳訪余天

濟菴一面亂後各不相聞三朝先輩品評留願攜邠老謂潘磨生尋莘老

樽酒論文鶴澗游

癸未首春獲讀則莊先生大集數過謹題二律以志

欽佩吳縣茶磨山人汪芑初稿

早歲才華驚老輩暮年文字少新交紙牕風雨鐙昏夜

細把詩篇手自鈔

詞壇當代幾人雄一瓣心香奉覺公領取詩情微妙處

數聲清磬夕陽中

讀大瓠堂詩集口占奉贈則莊尊兄先生是正小弟  
亢樹滋未定稿

亂後歸來兩鬢蒼苦吟直上浣花堂歌成白雪高難和  
品似山梅冷不妨老輩照人惟古道新詩饋我抵貧糧  
騷壇久共推盟主願燕南豐一瓣香

光緒乙酉夏五後學李福

君不見陶靖節是古逸民著書蕭然栖環堵又不見孟  
郊賈島同寥落寒瘦亦足爭千古晚近誠知作者多此  
境幾人能步武江東突起孫登嘯汗流走僵驚羣豎各  
僧工詩從之游濁酒狂飲起欲舞壯年四海愁烽煙老

大瓠堂詩錄 題詞

七

觀自得齋  
徐氏校刊

歲一廬庇風雨今時無命卑干旌後世有才傍門戶藝  
事不以名位論布衣得與公卿伍為聽鸞吟試一鳴猶  
恐豹隱未全覩青萍綠綺傳世珍可否假我手常撫  
詩數咸豐後吳中賸此人梁鴻五噫志杜甫百年身科  
第憎名濫素封愧學貧古來奇傑士不悔老風塵  
幽人空谷裏獨拂古琴絃夙喻蒙莊旨思君秋水篇

光緒辛卯校誦一過奉題三首長洲陳開驥

大瓠堂詩錄目次

卷之一

五言古詩 二十一首

卷之二

五言古詩 四十三首

卷之三

七言古詩 二十二首

卷之四

七言古詩 二十八首

卷之五

五言律詩 九十八首

大瓠堂詩錄 目次

一

觀自得齋  
徐氏校刊

卷之六

七言律詩 五十七首

卷之七

七言律詩 九十五首

卷之八

五言絕句 二十二首

六言絕句 十首

七言絕句 一百十七首

大瓠堂詩錄卷一

元和 孫 周 則莊

五言古詩

咸豐癸丑避地鴻山清明日偕鄰叟登山至泰伯墓遇雨憩鴻隱堂拜梁伯鸞像得詩三首

村居鬱窮愁兀坐守四壁呼童啟柴扉矯望南山色南山開笑容娟娟詩客為慕高隱風招鄰散輕策一坏讓王墓蒼蒼挺松柏殘碑兀頽垣漫漶不可識蔓草萋以深杳然斷行迹牆角餘藤花幽香吐脈脈

大瓠堂詩錄卷一

觀自得齋 徐氏校刊

行得繚徑入寺境廓寥老僧起瀾茗挹水滌破瓢絲煙竹鑪裊活火松子燒沃胸泛一甌頓使塵慮消坐久雨亦歇日光淡林梢悠然契禪悅松枯風蕭蕭

問訊鴻隱堂敬展高人像高人去已遠高風令人仰祠宇剝丹碧樹木極莽蒼彈琴一片石春草參差長我亦賃廡人十年困塵埃不逢臯奉卿五噫空結想安得買

山錢誅茅緬高響明月清風時寒泉薦秋爽

葉若生曰三詩敘次清逸憑弔蒼涼山林紀游之能事畢矣 方外覺阿曰羅羅清疏敘次簡潔近施愚山

五老消寒圖次侯廣文原倡韻

圖湯雨生都督 貽汾 作紀庚戌冬吳紅生觀察

葆晉 守金陵時郡齋宴集事時侯青甫廣文 雲

年八十六王二樵布衣 戲 七十四都督七十

三觀察六十高已生孝廉 錫蕃 五十七五人合

三百五十歲

昔公領名郡時清政多暇逍遙五花驄竹馬兒童逐儉德唐魏傳文章白蘇亞甘澤周境內仁風滿白下勝宴集五老已歷幾春夏香山圖略同洛社名可借列坐一室中歡然品燔炙以茲率真飲自朝至於夜冷官鄭博士絃歌沛文化樵翁大布衣遐心在田舍達夫古詩人

大瓠堂詩錄卷一

觀自得齋 徐氏校刊

胸中富鄴架都督儒將風好學兼善射萍蹤星聚散各各此停駕歲寒松柏姿吏民互驚訝

熙朝重人瑞盛事詎可罷

君恩老逾崇佳境如啖蔗赫赫功與名視彼東山謝

計曦伯丈 光祈 溪陽謁墓圖

改亭先生墓在爛溪之陽丈修葺之因作是圖

先生古畸人物望隆當年家貧常負米策蹇游幽燕吾謀適不用歸臥荒江邊等身定箸述兀兀勤丹鉛惜哉經世才僅以文章傳端居鬱不樂懷古時涕漣言弔眇山人躑躅尋荒阡披榛酌清酒驅豕親揮鞭 揮鞭為擊羣豕開先

生弔謝茂 秦墓句 忽忽閱百載清門多變遷餘風猶可攀孤墳

爛溪偏寒食無人來野棠隨意妍再拜念前哲賢裔有

二田丈工六法心儀石田慨然謀鼎新殘碣磨重鐫日

落風蕭蕭欲去身復旋回頭望荒原白楊起寒煙

曝書亭箸書硯

硯旁篆竹垞箸書硯五字背鐫戴笠小像分書

自製銘五十七字查初白贊三十二字乾隆間

為厲樊榭藏旋貽馬氏小玲瓏山館嘉慶中曹

種水得於揚州市後歸黃霽青太守今藏秀水

方蓮卿司馬維祺處

大瓠堂詩錄卷一

三

觀自得齋 徐氏校刊

我讀說硯篇緬懷曝書客業成忽仙去空亭黃葉積漚

淪八萬卷惟留一片石不雕亦不琢一泓秋水碧嘉名

錫箸書相於共晨夕誰劊戴笠像疑出鴻臚筆鼠銜與

獮祭銘字五十七喬嶽尊他山數語亦奇絕煙雲倏過

眼主者已屢易厲馬並曹黃俯仰皆陳迹人生斯世間

百年等一擲生前不箸書身後徒寂寂一硯因人傳厥

壽永無斃方千敦古懽玉海勤搜剔我我壺雲閣司馬室名

彝鼎紛羅列前輩有遺型斯人或可及硯兮得賢主相

依毋他適

覺阿曰面面俱到筆極簡練

鄉勇

古者重守望所以同安危無事歸農桑有事聽指揮勇

也即耕民奚用他人為粵丁惡溪種性本凶如豺應募

居吳中蔓延志難猜結黨事鬪很弱肉強摧骸奸盜肆

白日官府不敢治一朝臨戰地望風散如埃無功受厚

祿但為鄉里災事急且糜餉事平將焉歸

覺阿曰切中時弊有為而作筆亦矯健

雜感二首癸丑避地村居作

我家既蓬飄親朋亦星散地僻莫致書離思渺天漢竭

來居此間忽忽驚春半所愁旅食艱猶喜詩骨健豈料

大瓠堂詩錄卷一

四

觀自得齋 徐氏校刊

月災多病魔於茲戀喉間如骨鯁茶水阻吞嚙炊煙既

難舉藥煙豈云便父母向隅坐童僕其悲恹天心憐窮

骨生機一絲轉數日略起坐兩腳怯衰便雖脫疾死苦

難免飢寒患

去年苦夏旱涸到千仞淵橫塘日車水朝車夕已乾秋

成顆粒無官租不吾寬東南重財賦民力久云殫今年

雨水調民心乃少安豈期十日雨河水蘇以漫益之風

勢狂霰雹下如盤豆麥既浸死田疇亦蕩然天心胡不

仁生民一何冤老農向天泣淚入飢腸酸

讀書四首

束髮好讀書一編對晨夕偶效秦漢文搖筆頗奇特每  
苦時藝縛縱書不入格遂令蓮社中不厠攢眉客非不  
慕富貴豈曰鳴高潔用或違其才鮮能免蹉跌人生貴  
自知用短在藏拙歌詠忠孝事庶可才力策隱遁全吾  
真味進非明哲咄哉王輞川獻媚婦人側

明祖制時藝秦皇坑羣儒二者同一意欲使黔首愚餌  
之以祿爵驅之以空疏稽古不必榮枵腹入中樞但知  
保富貴理亂心膏如一旦遇艱危幹濟無良謨遂令  
聖明主臨軒動嗟吁豈無英傑士樸學事詩書治道究  
其原濟變術非誣苟非三顧求長甘守茅廬所以漆園

大瓠堂詩錄卷一

五

觀自得齋  
徐氏校刊

叟高嘯謝當途

齒居晉而黃蟲處頭而黑乖戾能致禍慈祥可召吉氣  
類相感通源枯泉斯竭天地本無心萬物時起滅死生  
自然理盈虛遞消息予奪權我操何用神秉筆釋氏本  
離騷演作荒唐說存以警愚頑聊補聖經缺  
古人所云貧非真衣食無謂其道不行莫展救世謨沒  
世名不稱零落儕凡愚屢空稱顏子簞瓢猶晏如好學  
以畢世陋巷樂有餘自從井田廢貧者與古殊耕無數  
弓地處無一椽居上書羞乞米叩門多索逋汲汲抱殘  
編行且填溝渠回也苟處此能否常歡娛

新竹

宿土無固志新竹有爭心一雨勃然怒崛起羣相侵如  
彼少年子豪氣凌千尋余懷本無競伏處荒溪潯遠屋  
千琅玕蕭森已成林四檐壓寒綠一徑交清陰好鳥日  
來止飛鳴多佳音頽陽下喬木碧影參差沈澹澹煙忽  
籠娟娟月初臨微風更吹之清韻敲璆琳把卷坐其間  
藉以銷塵襟神仙不可期軒冕非所欽嘔心事篇什從  
客唾書淫未能邁前古詎敢名當今興至輒搖筆一往  
幽懷深粗飯足薇蕨不羨多黃金有酒甕頭熟兀兀時  
自斟數杯有餘適醉臥擁紙衾萬籟寂夜闌靜聽蒼龍

大瓠堂詩錄卷一

六

觀自得齋  
徐氏校刊

吟

賣繡買書篇爲乍浦沈浪仙布衣 筠母作

悽風吹空幃仄月窺華門天寒十指僵阿母刺繡文  
賣繡以買書質衣以供粥共此一盞油母繡孤兒讀  
孤兒讀不輟阿母展然悅回憶夫亡時兒生甫六月  
殷勤具甘旨有姑當暮年青春守冰操松柏同此堅  
劬勞二十載一篋聚斷鍼孤兒幸成立吁嗟阿母心  
庭萱忽焉摧北堂無春暉未遂返哺情孤兒將何依  
九年積聘錢營墓幸有貲哀哀孝子情請視卜葬詩  
夏日寄友

日落山氣涼幽鳥多佳音微風池上來惠然吹我襟故人千里別相思托孤吟昨日春氣至花生嘉樹林忽忽暑風吹夏木交清陰感此天地意彌復眷苔岑流光不我待努力千秋心

春日遊西山憩古寺

春晴百物媚觸鼻都幽香隔谿煙靄中一碧皆垂楊西山多白雲應有招提藏著屐度小橋攝衣登層岡披榛得繚徑屈曲如羊腸寺門抱空綠四面圍篔簹惠風池上來習習吹衣裳青蕪莽蕭索吁嗟古道場枯藤絡危石細草縫裂牆佛頭戴山花塔頂明斜陽殿古疑秋深

大瓠堂詩錄卷一

七

親自得齋  
徐氏校刊

颯颯生嚴霜簷宇剝丹碧慘澹瞻空王垂頭閉目坐毋乃疲津梁世尊亦與廢塵世何足傷老僧瘦於石引客青豆房團焦無十笏一室交眾芳紆徐晚風善花雨飄禪牀無言對清景淡與人境忘鳥啼山翠落暝色來蒼茫不于下山去素月流清光歸僧如野鶴冉冉穿修篁  
初夏田間卽事二首  
閨門寂無人一雨眾綠滋村鳩語絲蠻乳燕飛差池感彼青春歸惜此白日遲豔豔桃李花昨發今空枝鬱鬱嘉樹林密葉交參差非伊好變遷中有造化爲造化亦何心氣至物自移念此傷中腸有酒斟酌之

清和好風日頗與游覽宜意行隨所適平疇多坦夷良苗懷欣欣流水聲澌澌斜陽淡林薄濕煙生茅茨東臯將刈麥西舍忙縑絲田間荷鋤子容顏常怡怡但願年歲豐敢惜形神疲感子區區言力農我不疑

覺阿曰摹陶之作清而腴所以佳  
陳碩父曰能得靖節神理

天平山

秋空天宇清杖策塵壙外城西多名山勝跡斯焉最仄徑攀蘿登前路落葉礙境紆狀屢遷瞬息出萬態盤旋升危梯宛轉躡山背憑高豁遐矚意適神彌快具區三萬頃浩蕩面前對諸峯互迴抱茲山坐其內絕似羣曾

大瓠堂詩錄卷一

八

親自得齋  
徐氏校刊

元環向長者拜神人鞭石起欲飛忽又墜矗立煙靄中奇險吁可怪孱顏森鋸牙一觸頭顱碎飛鳥不敢越瑟縮斂翼退石氣冷毛骨嵐翠滴襟帶山深杳無人空響應警欬叢林遺廟荒古壁豐碑壞泠泠石罅泉老僧煮茶賣緬懷窮塞主清風肅異代松柏青蔥龍磊砢想節概憂樂非身謀德澤天下沛平生致君志汲汲如不逮齏粥早自勵詎以顯易晦瞻族置義田子姓實攸賴方今世故紛元元甚矣憊匡時臺閣才疇能似公輩臨風景前賢浩然發深嘅

周文之  
曰清快



讀史有感

晉有殷洪喬不作寄書郵親故或托之悉付石城流中  
豈無要語如何聽沈浮居心既若此理難承天休及至  
其子浩束閣多隱憂幸逢桓宣武代爲三公謀喜極卽  
裁答言深慮亦周鄭重數開闔竟以空函投啟緘無一  
字公怒疾若讐朝中失奧援坐廢老荒邱書空恆咄咄  
重爲親故羞天道本好還非人能自由史臣寓微誠父  
子一傳收所以警後世勿復相效尤

光緒十有七年歲在辛卯孟冬月石埭徐士愷新校刊  
大瓠堂詩錄卷一終

大瓠堂詩錄卷二

元和 孫周 則莊

五言古詩

春日偶然作十首

春風何處來藹然滿茅茨百草懷新意眾芳競奇姿始知雨露恩造化本無私悠悠廬中人久與塵世辭觀此景物美陶然進一卮

松柏生絕壑霜雪堅自持桃李競春榮妖豔能幾時人生寄天地如風裊游絲外勞損其中葉動搖其枝盈虛有至理後開落自遲

大瓠堂詩錄卷二

十

觀自得齋徐氏校刊

林間有一鳥飛鳴求其友茫茫風塵中落落誰可偶士生墮世網還心寄山藪固窮樂天真亮節深自守順化循吾素努力事南畝

荒庭春草多一雨綠到門纏竹更縛樹好醜亂莫分亭亭蘭蕙枝含氣鬱不芬滋蔓固難圖絕患當除根去惡以植善霜露均天恩

大鵬搏扶搖鸞鳩棲窮林彼哉搶地志焉識冲霄心君子愛令名流俗矜華簪西鄰富白壁東舍多黃金悠悠白雲靜渺渺余懷深

樛櫟託深谷不材全其天下笑桃李花媚時為眾妍狂

飄一以摧顏色慘不鮮後凋非所任晚節難自堅守巧

莫如拙明訓聞前賢

轅駒苦局促籠鳥愁見拘豈不欲奮迅於理鮮克圖寒氈章句士妄思拖金朱甕牖鶉衣兒繆期裘馬都顛倒作夢想徒以戕厥軀

康衢或覆轍峻湍亦行舟木至靜乃久鳥以動見囚美人年不永俗子壽常修有數存其中於人復何尤已矣長慨歎通嗇安所謀

明月有時缺好花有時謝飛揚空中塵駸駸無停駕歲月不待人流光去如射念此不能寐彷徨起中夜作達且飲酒醉臥觀物化

大瓠堂詩錄卷二

二

觀自得齋徐氏校刊

皎皎初生月稍稍上竹枝被褐搖膝坐悠然動我思舉杯對清景醉後吟新詩不知漢與魏縱筆任所之藉以抒性情甯顧俗士嗤

覺阿曰十首清而腴蒼而秀宋人中近梅宛陵周文之曰理足氣清

詠賞奇軒庭中芭蕉

少抱山澤姿性與草木宜城西故人宅於焉借一枝聞多林泉勝樂與晨夕隨叢蕉昔誰植葉葉紛離披枝低不踰檐終無干雲思本非梁棟材何慮斤斧施懷此恬退心鬱為巖壑奇託根既得所欣欣日益滋攜卷坐其

下藉以清心脾

晚坐賞奇軒

斜陽在高柳嫣然弄餘態涼意滿庭隅疏花墮石背閒  
門杳無聲幽人澹相對入夜風勢狂芭蕉一葉碎

秋爽亭卽事

日落濃陰生蒼然滿庭戶空亭涼意多適興聊延佇境  
迴絕纖塵遐心契太古濕雲墮池中濛濛散爲雨坐久  
天已霽爽氣撲眉宇草際流螢光驚飛倏來聚夜深杳  
無人幽蟲在何許

月夜飲秋爽亭同董十三大令

葆琛

大瓠堂詩錄卷二

三

觀自得齋  
徐氏校刊

今夕秋氣清月色白可愛言登水上亭持觴默相對燭  
滅光逾幽境寂意彌快映澈冰雪胸空明絕纖介庭蕉  
微有聲如曳蒼玉佩枝高受風多一葉先眾碎悟此造  
化理奔競良足慨

偕樊曉球布衣

景垣

簡園訪桐橋漁隱貝孝廉

省

三不值

君住桐橋北我住桐橋南相隔只一水名園今始探入  
門池館靜古意盎然舍長廊瀉松瀑虛檐納晴嵐種花  
豔四壁藏書富一龕久將姓名隱尙餘翰墨耽初志在  
高蹈世事非所諳浮榮奚足戀清福無妨食時其漁弟

兄垂釣臨寒潭相賞濠濮意元理妙獨參高風夙所慕  
久思往盍簪今來意差愜惜未親笑譚日暮度橋返吹  
面西風酣輞川友裴迪倡和我倘堪

吳江陳阮白秀才

宗敏

虞山話別圖

人生若游絲離合詎可保良會集勝流別緒各盈抱題  
詩滿壁間聊記雪中爪我慕虞山名十年魂夢繞日昨  
始一遊籃輿恣幽討文之夫子始下言尋常尉詩古寺  
掩叢篠危崖屹萬仞俯視白浩浩回風勒奔泉匹練半  
空掉天工運匠心奇境戛戛造何當謝塵煩從君結廬  
早身居圖畫中徜徉以終老

大瓠堂詩錄卷二

四

觀自得齋  
徐氏校刊

庚申八月二日辰刻虞城驟陷余方送客南關外  
忽見虞山火起城中人如潮而至匆匆解維脫歸  
鷺湖後二日周三吏部悅修踉蹌挈眷至華荻秋  
大令翼倫邀余往相見悲愴雜述情事成詩四章

民侈殺運開風澆亂芽萌坐令長城壞半壁東南傾雄  
師一朝潰列郡同土崩鞞鼓動地來逆鋒孰敢撓縣官  
扼腕起奮思一木擎書生何能爲所恃惟忠貞海虞本  
彈丸無餉兼無兵將軍縱南八援師皆進明士元王佐  
才竟虛雛鳳名六州鐵鑄錯守鄉不守城  
守城旣無兵募兵并缺餉巨室早徙避中人亦遠颺全

城氣皆墨縣官神獨王登陴誓羸師沾襟語悲壯城空  
虛無人賊至猝未防一卒挾之走單舸出駭浪遂令千  
載名難與睢陽抗猿鶴不遽化沙蟲奚必喪紛然鳥駭  
散茫茫無定向烽火驚滿天瀕行幾回望

回望虞山巔勢已燎原焚側聞城西隅醜類斯焉屯南  
關幸無壘憧憧猶若蟲嗟此城中民悉爲俎上豚誅拔  
如草薶搜牢絕骸筋殺汝壁焉往斯語夙所聞寒電驚  
一瞥運彼匠石斤砉然響何許恍疑中我髣汗濕恐是  
血有手不敢捫口中生石闕戴頭且迅奔

迅奔復何之前路皆烽警欲涉川無梁所由道多梗日  
暮天黯慘伶仃泥沒脛臨流語舟子上彼葦中艇茫茫  
煙水間已入梁溪境岸傍列義兵不識誰所領赳赳白  
衣人堂堂旗鼓整地僻得信遲民心尙甯靖村翁走相  
訊欲荅語初哽驚定問旁人我頭尙在頸

大瓠堂詩錄卷二

五

觀自得齋  
徐氏校刊

匿跡荒村久雨糧盡有餉粟者詩以辭之

霖雨久不止炊煙忽焉絕蕭然環堵風把卷坐終日士  
處流離中尤當勵其節雖抱杜陵飢不作平原乞甯煩  
胡奴米合就仁祖食口腹縱累人詎肯及安邑平生介  
然懷豈容一朝失感子區區情飽德不在壁

後七哀詩

長洲宋太守于庭先生 翔鳳  
靈光忽焉折大雅誰復持老耽著書隱再歌鹿鳴詩一  
代文章宗小長蘆釣師

海昌朱廉訪筱漚丈 鈞

虛已以待才峩峩萬間厦獨抱匡濟心餘事親風雅一  
死足千古愧彼棄城者

元和韓觀察履卿丈 崇

薦士韓退之譽才不容口徒以嗜古聞未躋金石壽不  
知鐵如意摩挲落誰手 藏有趙忠毅鐵如意名其齋曰寶鐵

華亭黃上舍秋士先生 鞠

大瓠堂詩錄卷二

六

觀自得齋  
徐氏校刊

東南以畫傳惟公一人耳籍甚公卿問卓哉大處士老  
餘聾憤情殺身由愛子 城陷賊驅其二子去先生力爭遇害

元和覺阿上人師 祖觀

清夢抱一龕閉關謝俗子野鶴塵外蹤憂時託詩史西  
溪五百梅憔悴爲公死 居通濟菴多梅阮文達公題曰五百梅花草堂

元和陳孝廉梁叔 克家

文章泣鬼神揮灑一腔血杜陵經世才窮作鄭公客徒  
殉知已死不試勒銘筆 佐向張兩忠武公金陵營幕殉丹陽之難

山陰周大令崇之丈 治潤

納絹留好官清名晉祠流歸來絕塵累老作西泠游殉

義非守土白骨無人收丈宰興縣為民清積欠虧裕巨  
日而畢歸無妻子童僕萬挂吏議民聞爭輸金代償數  
食人不知其名進士也死杭城之難屍不可得  
貝子木曰仿五君詠作七哀詩  
命意固佳覺公一章尤為清挺

甲子春荆宜人相食秀水王巽齋刑部恩壽請於  
大中丞合肥李少荃宮保鴻章偕同人往賑余以  
事辭二月二日大雨刑部啟行詩以送之二首

陽羨鶯籠生昔曾將婦吞今經賊爬梳處處成空村老  
樹詎有皮蔓草都無根何從得醉漢風味如糟豚俎上  
烹而翁鄰里杯羹分嗟彼易子食猶云親誼敦毒霧漫  
天來遂令白日昏去冬進勦初大兵茲焉屯元元脫劫

大瓠堂詩錄卷二

七

觀自得齋  
徐氏校刊

餘重圍若戴盆餓久不肯死殘喘斯須存何堪逢屠伯  
股削摧骸筋有客昨過此觀之驚神魂天心與人事茫  
茫安可論

西曹秀州彥襟懷古春瀉難兄大善人芹香太守李中丞稱為大善人

君才固其亞匡時元道州恹憂夙夜惠澤及枯骸與  
誦徧田舍活人過十萬種德猶藝稼善果久必昌貴壓  
烏衣謝客從陽羨來其言吁可怕日擊村落間食人如  
啖炙君聞蹶然興撫膺淚頻下平旦謁中丞振郵詎可  
罷粟自司農支錢從水衡借吾黨二三子相偕佐仁化  
哀鴻待君活前行毋停駕

亂後家辰甫弟長燾之婦邵自鄉來視歷述情狀  
感紀以詩

閉戶窮巷中一編坐終日忽聞剝啄聲有婦警然入身  
曳縞素裳在目皓以潔不識何許來疑自藐姑射延之  
坐室中徐徐扣其迹自言與君家同宗夙親密吾夫兄  
事君肩隨數晨夕君復師吾翁執經頻請業猶憶庚申  
春寇警日以逼君將出從戎慷慨就翁別為言八十翁  
再見恐難必無何賊蜂至堅城一朝失踉蹌走相避夫  
婿遭虜繫迄今已數年死生斷消息凍餓雜悲愁舅姑  
後先卒喬柯渺孫枝宗緒慘已絕一女名宜宜螟蛉慰

大瓠堂詩錄卷二

八

觀自得齋  
徐氏校刊

岑寂遣嫁田舍兒因寄婿家食亂後無所歸莞莞一身  
子我聞言至此歛歔淚沾臆而翁宰相孫當年盛閱閱  
其翁賓華先生為相國一阿兄早登朝位次通侯秩靖  
等謀勇文靖公之第四孫廂白旗年十八官乾清門侍衛  
長孫古雲公襲封三等伯入籍文酒會名流山房開百  
一集諸名流於此今為汪氏耕蔭義莊翁獨甘冷淡  
箸書常兀兀心遠擇地偏庭下一梧碧賓華先生居碧梧軒息影  
三十年巷多顯者轍何圖盛德門倏滅蟲沙劫天心與  
人事茫茫安可說惟餘上公名赫赫照史策感舊紀以  
詩盤餐為爾設

病齒

我年纔四十彷彿八十時鄉黨敘未及犬馬長若斯雙  
鬢各就凋染此雪色絲雖云腰脚健頗覺神明衰一身  
失所倚五官曠厥司顧茲睢陽齒後先脫華池自憐骨  
相迤少無軼倫姿編異東方子歷似王霸兒來榮誠無  
方去盛曷可羈譬若芳樹林密葉交參差嚴颯一以起  
零落辭故枝裕衍豁已多兀艱存亦奇頗似翁子婦求  
離不遽離勃谿故作鬧詎容舒兩眉晝日三摩挲嗒然  
隱烏皮說詩無匡鼎疇能解人頤生本儉腹子齋粥甘  
如飴黹因謝燔炙爽莫羅珍奇只宜都尉羊爛飯穩送  
之牛呵鬮輔搖駝蓋左右支硬語那得吐輒嚼殊恨遲

大瓠堂詩錄卷二

九

觀自得齋  
徐氏校刊

舉座皆舍七而我方抄匙阿脂歌緩緩常為奴輩嗤未  
覩景元圖細讀昌黎詩柔存而剛亡曾聞常縱詞物腐  
蠹斯生始盈終乃虧循環理自然中有造化為自非金  
剛堅卽得長不隳碎落輒如粉甯勝鈴羊椎不堪食骨  
蟲蔓延久難治夙嗜膠牙錫病根其在茲胡從拔虎鬚  
倩彼仙人醫慎勿過屠門大嚼余其危失勢倘一挫痛  
澈心與脾猶不廢嘯歌氣化任潛移義鞭去如駛荏苒  
一再期便似丞相蒼脫盡靡有遺爾時大快意含咀都  
坦夷齟齬徒爾煩喋喋奚所施漱石勉自勵餘論將望  
誰慎微守元默已矣吾不疑

吳縣石渠梅孫曰取  
材極博頗近竹垞

憶蘭圖為程某題

九峯三柳間君家數椽屋而翁好藝蘭移根自空谷孤  
芳君子契灌溉不嫌數遠搜閩澤奇珍若連城玉花時  
宴名流文酒賞不足弱齡趨庭初窺園屢寓目劫後九  
畹蕪餘韻渺難復美人與香草圖寫共一幅終日春風  
中清芬恍可掬猶彼南陔亡補待廣微東回望白雲深  
愴然感風木

南蕩觀荷分得三江全韻

朝來窮巷中忽聞足音楚起胡水步旁有客停輕履邀

大瓠堂詩錄卷二

十

觀自得齋  
徐氏校刊

作觀荷游出郭南過缸前望白浩浩風浪相擊撞危堞  
碧孱顏遠山青崆峒對峙翠堵波倒影湖中雙灘蓼垂  
赤穗岸柳搖翠幢蟹籩編細竹漁罾繫短樁鄉人倚花  
活種水猶耕粳十里菡萏香風吹愈蘭苕采之可盈握  
何必遠涉江問誰司此花疑是神女媿看花宜緩棹奚  
藉檣與雙植篙以繫船望若都盧撞湖心作小憩四面  
波從從維時日卓午遠寺疏鐘擬秋陽肆餘威火繖張  
崆峒舟中客三五清言無紛囋或稱散人陸或號居士  
龐綺年擅妙譽悉為珉與珎志趣各相契情誼俱敦龐  
短童治蔬菓與語殊慙慙沁脾雪玉藕爽口蒸紅豉吏

部飲興豪勢堪盡一缸手持碧筒杯長柄疑篠杠醉後  
吟新詩筆力健可扛雄辯間詼諧笑聲蒼怒瀧我慚酒  
戶窄譬諸曹鄣邦對敵氣先餒惟當望風降一生從我  
遊藝成善射逢龍文湧萬斛元氣橫流洺餘事工填詞  
扣舷自度腔清商雜流徵夢窗兼草窗鄰舫載雛姬珮  
玉聲琤琮鶯喉歌嘹亮鳳槽撥錚鏦誰家少年子注視  
何腔腔衰翁霧裏看蒙蒙兩眼眺冀如徐廷評烹食河  
邊邨返舟日將暮暝色雲黓黓水面紅蜻蜓飛若雙莢  
雙須臾雨忽注篷背聽琤琮樹頭濕棲雅草際吟幽蛩  
津亭扼險要戍鼓搥辭辭入城天已黑比戶明蘭缸憫

大瓠堂詩錄卷二

二

觀自得齋  
徐氏校刊

彼抱關卒支繖行擊擲其音何淵淵奚翅鳴柷控夜久  
市聲絕深巷聞吠龙客起躡高屐或跨白面驄我獨冒  
雨歸踽踽心增慄直欲赤兩足踉蹌蓮花躡入門妾笑  
言茲游毋乃恚蔡鐵耕吳敏注俗有赤腳荷花蕩之諺

飲酒十首

閒居寡侶夜必獨酌意有所觸輒發爲詩自抒  
懷抱不摹陶公也

陋巷有貧士衡門獨盤桓草屋兩三架容膝窄不寬敝  
衣欲露肘時復缺朝餐日夕一尊酒生蔬摘滿盤珍錯  
雖莫致粗糲亦足安詩書敦夙好非義不可干身困道

自亨理得心常歡

弱齡好詞章背師時弄筆命作舉子文製錦不入格攬  
鏡照我顏寒儉固無匹豈有簪珮華飾此蒲柳質躁進  
無其才尠能免蹉跌人生貴自知奔競復奚益何如一  
杯酒布素安吾拙

鴛鴦搶地志焉解鸞鳳鳴樛櫟擁腫態詎與梗柹爭醜  
女尠問字不嫁未爲貞士無用世術敢盜高隱名富貴  
人所欲有命難強營何如循素分偃蹇終柴荆不材全  
其天至語聞莊生

大瓠堂詩錄卷二

三

觀自得齋  
徐氏校刊

衣諸生耳雲路忽稅駕量金買歌舞拓地起臺榭持躬  
失其平註誤返田舍器滿物不容憂至樂乃卸所以春  
夢婆一言動嗟訝

盤旋一室中自笑眞如蝸飢寒慣妻子晨夕靜不譁文  
字久屏棄經史勤搔爬修己以養晦無瑜亦無瑕名不  
出里巷道未通邇遐甯爲樹下草不作枝頭花甯爲岫  
中雲不作天邊霞

佳境復何常有得必有失前途見高山競思躡遊屐仰  
升聳百丈俯降盤千尺上下路適均奔馳竭筋力危或  
墮澗溪險乃觸崖壁當其造巔時快意只傾刻磯頭持

竿翁坐觀長太息

讀書學何事澤物心如霖期築萬間厦復裁千丈衾滄  
海水爲粟恆河沙變金使彼寒餓士怡怡多好音不必  
有其事胡可無此心鰲山與蟻粒各視力所任窮居歲  
云暮念此興悲吟

生年屆六十塵夢倏將醒居諸去我逝譬若修蛇影堦  
下厯齒兒跳盪漫無省雖曾授詩書爲學鮮進境鑿地  
不及泉畢竟猶棄井念此亦蒼生藉以娛晚景責善恐  
相離且與其酩酊

悠悠夙無能落落誰與儔城市斷行跡杜門臥一邱之

大瓠堂詩錄卷二

三

觀自得齋  
徐氏校刊

無恨未識童蒙愧我求啟迪非易言素餐良可羞緼袍  
亦足温何必千金裘六十未爲壽比殤斯已修富貴固  
所願智短安能謀

夜深過通衢息影到雞狗猛思日中時羣生亂奔走妻  
孥聚一堂自謂至親厚長者知爲誰稚者識爲某如何  
過百年與我俱烏有及茲一息存猶能開笑口勿言來  
日難且酌今夕酒

光緒十有七年歲在辛卯孟冬月石埭徐士愷新校刊  
大瓠堂詩錄卷二終



大瓠堂詩錄卷三

元和 孫 周 則莊

七言古詩

文信國鐵如意六舟上人 達受藏

不如意事常八九天運焉能挽隻手六字銘留一尺鐵  
臣志亦如鐵弗折山僧護持不敢捫此鐵百鍊疑忠魂  
精金是身鋼是性 我大宋之精金也當時公語 風骨錚錚久逾勁德  
祐入相國步非猶復艱難持其柄軍中奉使對伯顏知  
公握之慷慨言出入萬死囚十年知公握之心比堅柴  
市一朝完大義爾鐵是時落何地冬青痛哭西臺人擊  
石徒聞竹如意嗚呼六州鑄錯不議和半閒堂積金銀  
多悅生書畫供唾罵何如忠臣遺物爭摩挲此鐵手澤  
同玉帶不隨袍笏埋山阿作歌聊比竹垞老筆力孱弱  
奈鐵何

大瓠堂詩錄卷三

觀自得齋 徐氏校刊

長洲陳奐碩 夫曰傳作

陸孝女歌

名寶麟父臻吳邑諸生病且劇女慕古人割心  
愈親舉刀剖胸陷寸許取心不獲將復剖為老  
姬覺奪其刀復以火煨冀肉潰出心姬復覺防  
益周父卒不食十三日死董琴南觀察 國華為

傳徵詩

鴝鵒夜嘯陰雲團神鬼騰擲窺檐端紅閨弱女手刀立  
血誠療父將心剜目中無刀心有父但見一泓秋水寒  
光吐舉刀向天天為愁欲下未下風颼颼若然一聲胸  
竟裂熱血騰騰裏刀赤抽刀取心探手入左旋右旋搜  
不得搜不得女心迫呼天揮刀將復剖何物老姬向前  
奪女言姬勿奪父死不獨活火攻畢竟非下策欲使此  
心潰胸出皇天不鑿女精誠女心雖傷父不生父不生  
女志决裏創絕粒堅比鐵萬古此心完不缺

大瓠堂詩錄卷三

陽湖許械太眉曰序字字堅潔有生氣插入再剖火灼兩層意到法密結一語勁煞再敘便頓 陳奐碩

甫曰小序敘事簡潔有大家氣息詩似仲而蒼勁過之 釋祖觀覺阿曰事奇筆奇兩當軒集中亦不 多見 海昌朱鈞筱漚曰精神奕奕生氣逼人真寫 得出 湘鄉左仁清峙曰紙上稜稜若有芒角

李智娥詩和吳農部清如先生 嘉注

智娥滑縣李倡女年十六嘉慶癸酉滑城陷賊  
首牛亮臣故與倡善令娥行酒娥語母曰往為  
客行酒今賊矣身雖賤不能為賊行酒且詈賊  
曰若犬豕也身亦犬豕耶今日甯不行酒死不  
願行酒生賊怒并其母寸磔之朱酉生孝廉 綴  
為傳農部作詩

李智娥倡家流牛亮臣滑賊酋賊來呼娥令行酒娥憤

不行叱曰不汝昔爲客應勸酬汝今作賊難與謀汝肉豈足狗彘食娥身雖倡心實羞今日甯一死不持觥與籌賊怒斫娥并斫母鬻割二屍棄道周生年僅十六死足傳千秋李智娥罵賊死一死猶難大夫士何况風塵賤女子常山睢陽乃在此嗚呼智娥不死一倡耳羅綺春風不能恃潯陽江頭商婦愁老去琵琶無定止智娥身死名乃彰朱吳健筆爲表揚合與高郵毛惜惜罵賊同稱兩義娼

吳縣吳嘉淦日  
蒼健勝拙作

以遼獲餉姚先生楮媵以長歌

大瓠堂詩錄卷三

三

觀自得齋  
徐氏校刊

帝車之尾瑤光星降爲神草蒙茸生秋來結子大如豆熟者深紅生者青背陽向陰椹樹林三椹五葉何菁菁元泉天醴此孕毓千歲化作嬰兒形有時月中恣跳舞有時地下呱呱鳴紫團白條種各別人銜鬼蓋紛其名結隊劇取蛇虎穴銅爐乃與糖霜烹豈獨開心益神智久服能使身軀輕遼陽眞井最堪重句驪上黨難爭衡近來採者利速售深山未許留勾萌又或掘苗出移植田園灌溉同春耕雲閒先生武功後含咀經史窮華英江湖游倦兩鬢雪偃蹇歸臥扁柴荆百城坐擁勤箸述兀兀毋乃搖其精况復晚境不如意憂時涕淚紛縱橫

得非於此病根伏漸致腰脚艱于行憐公衰老贈數莖虬枝鏗作金石聲奇功異勳不可說咄咄肯伍松根苓先生服此益髮鑠力將四海風騷撐魯殿靈光屹然峙長爲

聖代歌昇平

覺阿日格調蒼老神似春翁通藝閣中歌行  
如日格老氣蒼置之曝書亭集中幾不能辨  
眉曰姿致橫逸老氣紛披  
許太  
降杜學蘇宜其涉筆卽似

蔚州李氏兩義奴行

蔚州李氏先代爲盜所得一奴持刀力鬪脫於難又虎噙幼主一奴斧斫虎得免兩奴皆受巨

大瓠堂詩錄卷三

四

觀自得齋  
徐氏校刊

傷其家尙藏刀斧焉相傳奴本舊家子遭難失身不能舉姓氏云秀水沈匏廬觀察濤載入瑟

樹叢談

蔚州李氏兩義奴後先救主心血枯一斧一刀守弗失子孫永寶如璠瑜一奴持刀夜斫賊奴身裏創主得脫一奴持斧畫格虎傷始將幼主吐兩奴俠烈崑崙流一刀一斧皆千秋出身或如魯兩生可惜未將名氏留李續蒼頭堪鼎足羞說彭家不義侯

平湖姚烈婦行

姚烈婦死殉夫或謂不孝或謂愚紛紛議論何其迂姚

烈婦豈得已結髮未兩年夫病忽不起泣血禱天天不理麻衣如雪夫死矣妾昔嫁與郎與郎同死生昔日之言今豈更妾當從之往九京妾有舅姑夫有兄嫂侍奉有人妾心了妾死非不孝何況無襁褓寄聲舅與姑千金之軀善自保回首謝戚里勿復多煩辭人生草頭露此語非不知求生害仁聖人鄙所天已失一死終何辭瑟瑟謾嚴霜殺屋鴉鷓上女貞木以首觸牀血漉漉漉棺中如聞有聲哭老嫗小婢日夕防求死不得心暗傷妾今不復死若輩無傍徨問寢與視膳一一皆如常冬至祀郎潔尊俎郎之魂兮在何許郎請飲此一杯酒

大瓠堂詩錄卷三

五

觀自得齋徐氏校刊

妾亦盡此一盞酒明日與郎會泉府妾之心如滴苦人言滴苦妾自甘非此滴苦莫療肝腸酸滴兮滴兮白且潔飲之聊當冰雪餐捲舌入喉作奇癢斯須一湧如奔湍再為鬼伯遺妾命堅如石妾命雖堅其如妾志决低頭忽然死法得腰下羅巾長七尺闔戶自經妾命畢屋梁落月照顏色死本卓然屍自直近世何如烈婦烈姚烈婦殉夫死嗚呼死何事百計求之竟如此此事猶難大夫士何況閨中弱女子姚烈婦當湖人郎名姚金錫父名殷潤身平生略識字胸有古聖文後郎五月死死年廿三春大吏列狀聞

帝閭皇皇綽楔旌其門吁嗟乎褚涇之水澈底清至今嗚咽多哀聲

許三檀曰音節既合語尤清挺足為烈婦寫生周文之曰可與仲則焦烈婦行並傳陳碩甫曰妾有舅姑及回首謝戚里二段分解起或謂不孝或謂愚兩層法極嚴密

白門葛布衣詩

名鏞字芝山上元人遇異人授岐黃術多奇效癸丑二月十二日城陷賊脅為內醫衙偽官不從十四日既夕昇雙棺於庭出白金九錠招鄰里九人曰平生蓄盡此分贈君燃大燭與妻周縱飲醉整衣冠各入棺臥呼鄰人蓋而釘之四

大瓠堂詩錄卷三

六

觀自得齋徐氏校刊

更乃絕其友當塗馬鶴船壽齡為傳徵詩儀鳳門崩礮雲黑燭地刀光賊殺入多少衣冠污賊職葛公國醫不醫賊丈夫甯死肯辱身同心更有閨中人曰君死義妾死節不死毋乃孤君親二月十四日將夕鄰里九人要共食酒酣出金分贈人身後形骸藉羣力四更月黑風怒號論定蓋棺氣始絕葛布衣真奇士取義從容借婦死生能活民命死足扶綱紀蒼蒼墳上松柏枝行看他年結連理君不見大府避寇兼程馳遑論區區一布衣嗚呼殺身報國盡得如布衣何愁四海多瘡痍

兩醫歎

前作白門葛布衣詩覺阿師祖觀見而和之近  
讀南疆釋史載山陰倪醫死節事絕相類復賦  
此詩乞師再和按倪名文徵字舜年山陰布衣  
工醫乙酉浙中監國賣所提藥籠易二缸以餘  
貲置酒食召里中少年飲既酣曰我明人今不  
鬼鬼不明矣請以二缸覆我諸少年笑其妄文  
徵蹙不起姑舁其缸坎祖墓傍遽躍入請覆俄  
曰開開少年復大笑出之曰否我坐未正耳既  
正仍覆之眾環呼初輒應久乃絕

大瓠堂詩錄卷三

七

觀自得齋  
徐氏校刊

山陰上元兩布衣後先創此死法奇芝山葛氏文徵倪  
俞跗扁鵲均良醫志決何須蓋棺定甯死不辱借鑒妻  
昔者獨死今則雙此昇兩棺彼二缸出貲置酒召鄰里  
後事亟煩相料理飲酣起別整衣入呼眾覆之久乃絕  
嗚呼兩醫布衣耳身可毋死乃竟死男兒卓識今昔同  
大節皎然有如此君不見天壤寥寥兩醫士

韋壯士歌

名允陞香山武舉人率少年五百人投効桂林  
營數戰有功隻身追賊深入無援力竭死五百  
人請縞素報仇弗許贈游擊將軍咸豐辛亥事

始安城頭風怒號壯士霍霍磨寶刀不掃妖氛誓不返  
以身許國真人豪賊騎來壯士出戰旗一麾呼殺賊人  
頭落地新鬼泣刀光雪白紅者血賊騎走壯士追深入  
賊地騎四圍回頭不見援兵來壯士怒叱皆欲裂賊兵  
如山俱辟易力竭揮刀刀竟折北面稽首淚沾臆生既  
不能滅賊報

天子馬革裹屍死亦得壯士忠衆卒義麾下五百人哭  
聲震天地報仇不合主將意徒使田橫客喪氣君不見  
始安城邊十萬軍未聞出奇立寸勳隻身追賊韋壯士  
彼何爲者徒紛紛

大瓠堂詩錄卷三

八

觀自得齋  
徐氏校刊

覺阿曰寫壯士奕奕有神筆力清矯頗近兩當軒  
計三檀曰筆力劍銳乃追得壯士生氣出 陳碩  
夫曰生氣奕奕筆銳似刀  
具此力量始許表揚忠孝  
新正十三日侍舅氏徐稼甫徵君立方探梅西谿  
訪覺阿師飯五百梅花草堂

竹屋紙帳正孤絕一縷吟魂墮香雪南州高士鼓游興  
剝啄驚我夢中醒爲言今朝好風日盍放游蓬莫輕失  
西谿草菴五百梅倘已笑向霜中開香風冷冷愜幽意  
正好與君拌一醉柔櫓款乃縱所之到岸恰打齋鐘時  
晴煙一天飛翠鳥寒香凍勒春尙早來時欣然返廢然  
詩人似與花無緣我師品與梅花合愛梅應號梅花衲

梅花與師總不殊見師便覺塵襟除後約花時蠟吟履  
谿上尋師話疇昔阿師聞言一笑粲呼童且進香積飯

逃兵行

殺人不償命劫金不受刑借問彼誰何云是貴州之逃  
兵手執百鍊刀腰懸兩石弓橫行城市莫敢撓其鋒朝  
奪西家粟暮入東家宿將軍無聲縣官辱城市斷行人  
惟聞閉戶哭嗚呼兵兮來前與爾謀爾何不馳馬入賊  
壘揮刀斷賊頭賊類摧滅干戈休千金賞萬戶侯汗簡  
之名光千秋胡爲乎倉皇似兔東西走避寇殺民良可  
醜男兒報國須及時莫負七尺昂藏好身手

大瓠堂詩錄卷三

九

觀自得齋  
蘇氏校刊

覺阿曰琴寫述兵之累皆真情實景言者無罪聞者  
足戒筆力蒼秀矣過秦中吟樂府吳清如曰鄙人  
亦有逃兵行結意頗相類許樞翁曰通體迥緊  
長洲汪芑燕庭曰無一閒字轉語應推集中傑作

楊孝子詩

南望母居北父骨中有千山萬山隔兒身在此冰雪中  
兒心在南亦在北登山念母摧中腸舉趾必慎懼毀傷  
陟岵痛父心欲裂徒步不辭恨無翼仰天哭叫天爲愁  
淚血見風不肯流此時進苦退亦苦瘦骨合暴青海頭  
九死閒關抵軍府泣請符繻至瘞所啟棺一慟天地昏  
十萬征人淚如雨將軍手奉酒一卮屯營列堠咸助贊  
僉云此真古孝子何幸今得親見之一函骨負萬餘里

孝子斯行豈得已千辛萬苦始得之歸來卜葬吳山裏  
兒心父靈從此安魂魄不懼邊風寒孝子仍依母膝下  
朝朝暮暮長承歡君不見唐時楊宰稱孝童父喪遠索  
常山中絕域歸骸事本少千年後起將毋同

茶磨山人汪芑曰  
此詩奇篤可喜

楓江徐節母勁節樓圖爲其子達源題

江楓漁火霜風酸翁姑在堂夫在棺此時欲死倘竟死  
堂上何人奉甘旨以淚洗面手指腹趙家只此一塊肉  
三世一髮懸千鈞居然頭角誇嶙峋烈婦殉夫事一時  
存孤守志不敢辭甘載苦心飽冰雪古有懷清此勁節

大瓠堂詩錄卷三

十

觀自得齋  
蘇氏校刊

三椽樓峙楓江濱烏頭綽楔輝千春楓江之水有時竭  
節母之名長不滅

茶磨汪芑曰  
通體道勁

訛言謠

悲風蕭條雄雞亂號訛言四起民心搖瞻前莫顧後人  
似喪家狗今日若不走明日身家俱烏有棲無屋食無  
粥阿孃東奔耶西逐黃口小兒草閒哭

錢塘孫賓華元培曰不忍卒  
讀許三樞曰張王遺響

浦蓮航秀才毓慈課荻軒圖

闌夜篝燈耿破壁課兒作書荻代筆心正筆正聞古人

勿學斜媚甯直拙兒食餼母心喜鐵畫銀鈎稱絕技孤  
兒孤兒幸成立吁嗟母兮髡將白廿年前事依稀記辛  
苦持家一身繫三椽老屋深閉門阿母淒涼課兒地返  
哺情殷出眞抱欲報劬勞須及早赤心筆補白華圖春  
暉願並慈容好古來名公卿半由母教成君不見文章  
德業照青史有宋廬陵歐陽子

汪茶磨日節短  
韻長允稱合作

公子行贈羊城張四 邦儼

君不見五陵公子俠少年錦衣寶馬何翩翩平生輕利  
重然諾三公七貴交稱賢南山射獵雪漠漠一箭正中

大瓠堂詩錄卷三

十一

觀自得齋  
徐氏校刊

猛虎腹并州健兒力逾虎赤手向前拔其鏃張燈開宴  
歡中宵酒徒博伴相招邀黃金如土買歌舞意氣俠烈  
眞人豪坐中一人淚不止舊是豪華貴公子 張爲兩淮  
鹽院雲巢  
先生 向前戟手指客言我昔少年亦如此少年頭角誇  
崢嶸奇氣直欲吞長鯨翩然騎鶴侍宦去聲華籍籍揚  
州城揚州風月豔無比載酒看花鬪羅綺座上歌姬十  
二釵堂前食客三千履西風一夕摧庭椿浮雲世態變  
幻新南陽絕交不復作故人誰念西華貧金戈鐵馬烽  
煙逼轉眼堅城一朝失男啼女泣紛紛逃刀戟叢中負  
母出戰血沿江殺氣昏豺狼滿路何處奔朱門蓬戶同

一炬且喜我有頭顱存吳楚往來艱旅食亂離倦作天  
涯客春風開盡瘦梅萬里有家歸不得噫吁嘻男兒  
遇則腰黃金不遇祇合棲山林安能低眉折腰與世相  
浮沈桃李穠花幾時好昨日朱顏今日老人生行樂須  
及時富貴榮華豈常保張君張君勸君盡此酒一杯何  
人拔爾磊落之奇才英雄一掬窮途淚灑上淮陰舊釣  
臺

汪燕庭日音節  
悉合集中傑作

奇寒釀雪愁思紛然和坡公聚星堂韻

空廊擁爐聚乾葉雲日模糊天欲雪炊煙久斷坐耐飢

大瓠堂詩錄卷三

十二

觀自得齋  
徐氏校刊

冷對梅花正愁絕嚴風刺壁尖於刀老屋聲搖勢將折  
楚南連年方苦兵哀哉死者蟲沙滅書生赤手寸鐵無  
深恨長鯨未能掣鼙鼓動地烽火紛江天愁望眼生纈  
况復三吳歉歲頻四鄉婦子食麩屑但祝豐年早呈瑞  
玉花歷亂下飄瞥遺蝗入地百尺深明年麥熟餅可說  
詩就偃燈呵手書冰凍筆尖堅似鐵

覺阿日極熟韻用得生辣  
許三檀日押韻俱若鐵鑄

諸葛菜歌

君不見村中樓桑昔已童廟前古柏今亦空大樹飄零  
那可考惟茲小草年年一度青蔥龍宿根猶帶蜀山土

何年移植來江東，弱幹亭亭不盈尺。紫莖翠葉煙濛濛，  
香清可比春日韭。味腴略似秋園菘，荒畦自笑鞠躬摘。  
盤餐聊佐苜蓿供，由來微物因人傳。無以下體遺菲葑，  
南陽灌園比管樂。一朝魚水君臣逢，種菜英雄作天子。  
三分割據標奇功，中原滋蔓未剪滅。前後師出祁山中，  
軍中偶然糧餽絕。異種得此飢腸充，從茲草亦號諸葛。  
附名千載長攀龍，笑彼指梅暫解軍。士渴曹瞞權術真，  
奸雄流民今日多菜色。和羹相業誰如公，噫吁嘻和羹  
相業誰如公，令人對此投箸不食，心忡忡。

汪茶磨曰：小題見大信手拈來，都成妙諦，足徵平昔根柢之厚。

大瓠堂詩錄卷三

三

觀自得齋徐氏校刊

寄衣曲

仄月慘慘墮半壁，鬼揭紅簾一燈黑。髑髏戰死游魂歸，  
帶血模糊立其側。閨中少婦怯繡幃，深宵抱布裁征衣。  
長征不知夫成處，魂兮隔窗呼婦語。可憐魂語婦不聞，  
猶說明朝寄衣去。

題程序伯丈

廷鷺畫幅

煙波滿紙涼於洗，一片濕雲收不起。遙山暝合青蒼茫，  
叢葦蕭蕭聲在紙。橋南茆屋水面開，釣艇搖入蘆花裏。  
雪鬢漁翁換酒歸，自脫蓑衣掛船尾。

徐氏三賢祠詩爲舅氏稼甫徵君作

哲皇不哲賢不賢，一君一臣國社顛。是時朝綱歸奄逆，  
一網東林正人厄。黨人已除左魏揚，駕帖云逮周順昌。  
五人憤然振臂起，旂尉紛紛竄羊豕。齊民鼓亂孰激之，  
奄乃於吳仇切齒。徐忠仁公風骨錚立，朝獄獄天柱擎。  
歸喪助贖後死責，氣誼爲重身爲輕。奄謀坑吳公力爭，  
五人者誅全一城。微公吳幾無生靈，洋洋公德如滄溟。  
旋罷公官放歸里，奄怒磨牙猶未已。北向再拜謝國恩，  
大臣受辱國之恥。免將血肉填園扉，深夜從容仰藥死。  
思陵初政誅元兇，朝陽一出冰山空。諸臣無罪搜逆鋒，  
乃按舊籍褒孤忠。天語皇皇下明詔，特命有司建祠廟。  
痛父沈寃伏闕告，有子不愧周端孝。子爲孝子父忠臣，  
猶子臨危能隕身。偉哉忠孝萃一門，三賢姓字輝千春。  
故家喬木今猶存，馨香永薦裕後昆。調琴試譜神絃曲，  
我亦吳民倍感恩。

大瓠堂詩錄卷三

四

觀自得齋徐氏校刊

花下歌

早春花似青年人，人生一世花三春。青年一去不復來，  
花枝依舊當春開。花開花謝花不改，昔日青年幾人在。  
主人看花好顏色，花看主人頭漸白。人生適意須及時，  
花前不惜傾芳卮。今朝有酒今朝醉，莫被花枝笑爾癡。  
大瓠堂詩錄卷三終

大瓠堂詩錄卷四

元和 孫 周 則莊

七言古詩

鄭所南畫無根墨蘭

幽蘭無根不著地秀葉疏花見姿致誰歟作者所南翁  
尺幅中藏浩然氣翁昔生逢板蕩辰不婚不宦老遺民  
中興有願嗟難遂草莽空留報國身平生出處同睇髮  
士節千秋賴扶植雨露長懷天水恩猗蘭一曲音悽惻  
天地無情正北風集中幽香憔悴等飄蓬萬里烽煙歸  
未得條坊賃廡傍梁鴻郡志所南故宅在條坊巷天意存亡事非偶

大瓠堂詩錄卷四

觀自得齋 徐氏校刊

盟檄徒勞書久久心史有臣于盟檄久久書等篇南都根本早摧殘海  
國舟師同拉朽蒿日中原荆棘場君親哭罷涕沾裳江  
山已換元人本巖谷猶存王者香哀怨騷情寓微旨井  
中聞說傳心史義著西山歌蕨薇魂招湘水吟蘭芷獨  
抱孤芳鬱不宣美人香草寫吳箋著書枉作申申詈署  
款應稱甲甲年集中未亡後諸作紀年皆稱德當日孤  
臣心最苦花葉之閒有餘怒天涯何處託微根祇恨趙  
家無尺土七百年來紙尚新滄桑閱盡未消淪至清鍾  
得乾坤氣凝結精神常照人鍾得至清氣精神常照人墨痕作寶色疑有貞魂呼欲出姓名長與此花芬手蹟

重教後人惜同時別有趙王孫能事成推藝苑尊金枝

玉葉天潢貴蕭茂艾榮何足論

捕鰐行為郡守薛觀唐觀察煥作和表姑丈貝无

咎茂才青喬

古稱鰐魚頑且兇惡溪窟宅鮫人宮潮之為州濱大海  
魚蝦巨細無不容於此食息足長養蔓延何事來吳中  
殃民甯止食畜已閭閻流毒嗟何窮官吏因循善養癩  
橫行莫敢撓其鋒陳文惠昌黎翁後先告誡文辭雄徒  
六十里竟如約能令蠢物柔然從乃知精誠所感格忠  
信孚則豚魚通河東太守下車始痼瘼在抱憂心忡丙

大瓠堂詩錄卷四

觀自得齋 徐氏校刊

辰八月三五夜木蘭堂上筵初終五更衙鼓搥瑟瑟鳴  
笳列炬乘青驄衛頭散佈射潮手密排硬弩兼強弓么  
膺敢抗天子吏狹巷短兵相擊刺須臾一鼓醜類盡血  
流十里長濠紅吏民安謐長官喜車高三尺酬勳庸昔  
之所祭今乃捕太守此舉勝兩公道旁野老忽長歎嗟  
爾設計何懵懵即今江介腥風毒浪方洶洶盍不揚鬚  
鼓鬣擊滅鯨鯢蹤一朝頰尾騰長空興雲作雨儕蛟龍  
不然蚪潛龜蟄碧海底江豚井蛙恣爾充庖饗世無旌  
陽孝侯斬蛟劍疇能投水剽爾胸胡為來此涸轍聚族  
殲使我太守乃得成奇功嗚呼使我太守乃得成奇功



鰐兮鰐兮胡不聰

汪燕庭曰  
通體老當

骨母山人朱子馨 墳 萬卷樓圖

獨抱陳編常砭砭酒後悲歌雙淚流胸有萬古蒼茫愁  
側身四望不得意抱書聊作江湖游江湖滿地盡歧路  
出門惘惘窘跬步贊皇不作北海亡橐筆天涯更誰顧  
當今詩伯于南湖數稱君才良不誣胥江旅舍昨相見  
示我萬卷書樓圖我聞鄴侯插架三萬軸一一新若手  
未觸牙籤玉躡雖紛紛未必當時盡能讀百城不易南

六狐堂詩錄卷四

三

觀自得齋  
徐氏校刊

面王君爲此圖毋乃狂欲求一飽且不得何來萬卷樓  
中藏吁嗟乎山人之樓無定蹤華嚴彈指虛空中山人  
之書亦何有便便腹筒誇二酉嗚呼男兒識字真非福  
往往老死填溝瀆便能讀破萬卷書何似多收十斛穀  
君不見鼓刀賤者世所棄一旦相逢在要地熏天勢焰  
陵公卿眼底何曾識丁字

汪燕庭曰通  
首清挺無疵

董獻臣大令 葆琛 移家歌

四明山前董鳳家四明深處多煙霞春風吹綠句章樹  
夜雨歛紅慈水花谿山如此堪行樂何事吳門久飄泊

舊業回頭天上遙新居轉眼城西拓家具無多半是書

丹雉白犬滿柴車輞川新得藍田墅彭澤初移栗里居

一邱一壑多奇態何必誅茆塵境外水木清華王孟詩

峯巒突兀荆關畫洞天窈窕絕塵侵清福人閒占獨深

長把雲煙娛歲月居然城市有山林似我勞生徒僕僕

買山難繼高人躅陽羨曾無二頃田老村那有三椽屋

青衫憔悴獨傷神舉廡棲身秋復春嵇康龍性難諧俗

仲叔猪肝總累人畫堂此夜圍羅幕歡讌賓朋履舄錯

新詩賦罷酒微醺華燭燒殘月將落從此優游興自閒

移家葛令駐童顏風塵不少孤寒士廣廈還期築萬閒

大狐堂詩錄卷四

四

觀自得齋  
徐氏校刊

汪燕庭曰絕似安  
雅堂得意之作

丁巳長至後三日汪鐵心少府 世昭 招同吳清如

農部 嘉注 蔣莘薌水部 德馨 高琅如茂才 良玉 謙

集葑溪方家水閣紀事

長至已過陽氣回欲雪未雪陰雲霾閉門覓句苦岑寂  
鄰家吹過新香醅平陽公子劇好事折簡招我同銜杯  
方家酒肆近南郭臨水小軒張翠幕殷兄張丈集勝流  
團坐傳觴履舄錯入耳更無俗伎喧開懷那怕監司惡  
座中首數延陵翁七旬矍鑠人中龍七子聲華久銷歇  
靈光一殿尊吳中蔣侯箸書靜閉戶荒涼三徑生蒿蓬

高三十五老書記潦倒誰念詩人窮汪郎瀟灑年最少  
桃花潭水情何濃相逢意氣各傾倒長鯨一吸深杯空  
截肪登盤香氣散老饕大嚼羣嗟歎兩公旅食官京華  
鬻割瘦羊不及胖賤子儉腹果齋粥踏破菜園今已辦  
方家肴饌悉用吁嗟乎爛頭爛胃何紛紛封侯氣概高  
羊人呼方羊肉於雲歌舞重門夜開宴羊羔美酒圍紅裙何似吾曹文  
字飲近局招邀拌醪酌舊事持杯共討論新詩擊節聊  
題品人閒良譙那得常後約諸公期莫忘會當九九消  
寒過開到梅花再舉觴

汪茶磨曰與前  
首同一筆致

大瓠堂詩錄卷四

五

觀自得齋  
徐氏校刊

馮奇童

名福基年十四山西代州人父官安徽天堂寨  
巡檢咸豐戊午夏賊犯天堂童適省親至被掠  
之湖北黃梅縣境夜宿藥肆竊毒餌賊十七人  
死自仰餘藥行道仆遇僧拯之蘇乃作家書付  
僧而絕  
竊毒餌具美食有心人無賴賊雞亂號月斜睨十七人  
一夜殮秦甘羅衛汪童彼年齊此義同功既成志乃畢  
坳書還投筆絕生而奇死弗殤我作歌爲表揚

黃忠節公留碧處歌

公諱濱耀字陶菴嘉定人崇禎開第進士不謁  
選歸南都立倡鄉兵守縣城會大雨城破偕弟  
諸生淵耀赴祝聖菴對縊死臨終大書七十六  
字口血噴壁其迹歷久不滅云菴在城西又名  
西林菴咸豐戊午周文之刺史師沐潤重宰是  
邑余與許太眉徵君同在幕下暇日偕游摩  
挲敗堵所謂留碧處者歸卽以此命題試當湖  
書院諸生得生員施錫衛童生周保障保圭及  
公裔宗濂宗裕數卷余擬此篇呈刺史徵君幸

和

大瓠堂詩錄卷四

六

觀自得齋  
徐氏校刊

君不見周衰弘血化碧又不見方正學血影石浩然正  
氣不可磨千古痕留蕭寺壁南都王氣銷沈久列郡摧  
殘同拉朽多少朱衣負盛名望風自解腰閒綬誰知海  
濱一邑大如斗有人死爲國家守記得城傾雨注時七  
月四日歲乙酉或謂前進士非授職臣捐軀似可斯須  
後又謂居鄉不同守土官力竭何妨閒道走豈知出身  
士猶許嫁女一第恩深甯便負出身之士猶許嫁之讀  
女公答無等上人語  
書昔在西林寺今日從容幅巾至七十六字索紙書從  
此胸無不了事平生心學定有餘拾憤猶能辨行次就  
縊淵耀見兄墳墜地  
復下取爲着之始死西山伯仲共傳名地下追隨酬素

志常山平原相頡頏同志更有侯龔王侯銀臺龔學博王孝廉俱死之  
立身不異梅花嶺投贈深慚紅豆莊錢虞山入本朝晉秩公父強公致  
賀不得已以雙堅書歸去來詞卷投之吁嗟乎熱血滿腔無處洩臨危嘆  
壁壁盡赤二百年來迹尙新耿耿精靈長不沒我來憑  
弔三摩挲淚痕血痕作寶色僧言至今風淒雨晦時往  
往英魂恍惚現袍笏

捉匠謠

一兵紅衣手持符連日下鄉捉匠夫匿身複壁脫不得  
揚刀臆目驅上途爾民不識官裏事官令造船將勦吳  
昨日東家一嫗死無匠作棺屍裏蒲吁嗟乎斬竿削木

大瓠堂詩錄卷四

七

觀自得齋徐氏校刊

奮臂呼陳涉亦是驪山徒

明錦衣衛牙牌潘椒坡孝廉介繁藏許鶴巢茂才  
賡賡有詩寄示余和之

牌徑三寸正面篆書關防二字左行東司房右  
行第壹伯柒拾貳號背刻緝事騎尉懸帶此牌  
不許借失違者治罪字

錦衣牙牌三寸奇緝事騎尉懸帶之東司房第百七二  
甲乙排次俾能稽關防不許借若失二十八字留鐫題  
焚身以賄象有齒似萬龜鑑昭來茲小物流傳何足重  
豈若象笏忠貞遺徒使摩挲發深慨有明一代關興衰

高皇設官初創儀當時杜漸深防微那知流弊久乃滋  
東林禍早基於斯爪牙攘攘列五司懸牌四出分道馳  
徵兵安能抵銅虎換酒未必如金龜區區隨身不盈握  
羣狐假威儼虎皮被逮忠良悉由是朝野不敢側目窺  
衛司但知承口敕深文劓刻窮攻治楊左已死正人盡  
忠介銀鐙行獨遲吳閭義士振臂起緹騎鼠竄難與支  
此牌未隨駕帖碎毋乃流落當其時歷三百年尙完好  
邠老得之重護持吁嗟乎奄黨磨牙國柄危版圖斲削  
日益虧後來犒軍無餉九門啟可惜不將十三庫銀鎔  
作牌

大瓠堂詩錄卷四

八

觀自得齋徐氏校刊

移居華陽破樓憶田山薑移居詩東野家具少於  
車牆脚殘立山薑花句卽用其韻書示同人

槽牀塵酒爐煮茶琴書不用瓜皮划王恭長物日復少  
村夫子可頻移家華陽地僻卜居好無多塵肆靜不諱  
微嫌元戎戟門近深宵衙鼓鑿鑿過三椽破樓一面欹  
權術聊爾支枯槎敗堵彭亨帆腹飽疏櫺紙碎鳴風車  
梁閒日影篩滿地堂坳積潦深藏蛙殘桂無枝瘦蛟立  
屋角倒冒青藤花憑闌差足豁遠目雲山了了青無遮  
舍後尙餘數弓地抱甕學種東陵瓜自茲蟄處嬾出戶  
任人笑作粘壁蝸忍飢兀坐白木榻強從文字勤搔爬

有時適興賦長句非能七步兼八叉雲亭寂寞剝豕少  
問奇過者惟菜芭作圖惜無韓滉筆吟詩先向微之誇

汪茶磨曰無一字無  
來歷的是方家舉止

### 湖田新樂府十章

癸亥季冬自海上歸居湖田奉檄董善後事時  
吳城初復道里墟莽炊煙闐寥日維解囊貲集  
徒夫關卷陌收道殣乃不四五年青樓夾道笙  
歌徹且淫風陋俗至不忍言因憮然去之徙宅  
東城暇輒撫拾其事成新樂府十章以俟夫觀  
民風者

### 大瓠堂詩錄卷四

九

觀自得齋  
徐氏校刊

迎仙奉仙貨百千貨錢賃屋居湖田買來碧玉小家女  
錢樹移栽傍庭宇十五盈盈初長成新聲教就琵琶箏  
酒闌面頰歌一曲蜀錦纏頭堆滿屋啼鳥啞啞明星爛  
送客門前筵正散樺燭燒殘東炬紅幾家傾盡千金產  
他家父兄愁我家阿母喜酬仙拜仙焚紙錢歸來置產  
驕鄰里湖田妓家都奉  
狐仙以求富也  
鸞音琅琅吹黃埃財神廟前飛騎來鞍上郎君顛欲墜  
圍人閒閒跂腳坐長隄縱轡去復迴風馳電閃心顏開  
紅燭初燒日將落投鞭徑入青樓宿道傍折臂翁噴噴  
歎不止自言少年亦如此黃金拋盡墮馬歸乞食於今

人不齒圍人結騎於財神廟前修道  
之旁過客予錢卽任縱轡

紅閨弱息遭賊虜轉賣娼家教歌舞霧髻風鬟初養成  
上頭留待多錢賈阿母論錢不擇客玳瑁筵多廝養卒  
初學逢迎應對羞扶上甌餽蓮步澀吁嗟乎羅綺青春  
不能久轉眼穠華變衰柳逐浪隨波老大悲隔江空羨  
商人婦自言本是儒家子祖德芬芳照青史一朝毒霧  
暗江頭弱質飄流乃至此君不見敕建貞坊官道側恨  
不當初死罵賊曲中人半係良家被擄  
事平無歸誘販作妓

### 大瓠堂詩錄卷四

十

觀自得齋  
徐氏校刊

瞥見心驚不能避羔酒且登黨家味延清口過氣難堪  
鬼手強來捉人臂歌殘燭跋催歸早不索纏頭何便惱  
灌夫罵座酒微醺石勒老拳卿試飽君不見壁門沈沈  
方宴樂昨荷恩褒軍令肅營兵挾簽以出羣游  
妓院中閱爭無虛日  
巡之來愁瑟縮阿嬌無言客齮齶高坐傳呼赤棒來當  
街聊示蒲鞭辱巡之來常僕僕前度劉郎胡太酷留賓  
截髮記當年金盡還家驢尾禿從此也應悔浪遊莫捨  
家雞貪野鷺巡之來避無計兒女英雄均短氣門前冷  
落車馬稀胥吏還來索常例吁嗟乎閭民怨女塞天地  
昔賢創此大養濟君不見范老救荒具深意選舞徵歌

日嬉戲微巡名義更誰知緝暴安良豈在斯南朝舊院  
繁華日職官自有教坊司文武官巡查曲中二卒荷赤  
黑棒前導布賈某爲所獲卽  
街頭棒之同治甲子劉佩香協戎啟發爲左軍守禦時  
妓禁綦嚴行截髮之令有兩茶賈遇劉被截髮懸示  
門妓

生不必仕宦爲執金吾又不必多錢作雒陽賈但願囊  
貲充里正萬紫千紅呼假父紛紛食客各有司不解折  
腰見官府狐裘蒙茸袒兩肩酒肆茶寮坐疊股龐然似  
驢顧盼雄氣觸亦能作蛙怒女閨三百皆兒曹鄧山郭  
穴無其饒來若流泉用如土鴟夷千金何足數噫吁嘻  
男兒讀書常寂寥眼前里正乃爾豪地保某軀甚偉諸  
妓悉呼假父因抽

大瓠堂詩錄卷四

十一

觀自得齋  
徐氏校刊

夜合之贊  
以拱揮霍

三尺之身一尺足鬢鬢鬆綴珠玉乞梯乞榻曲巷行  
煙花有此曹邱生云是南昌亭長妻篋口巧詭辭無稽  
鴛鴦于飛胡蝶舞爲人守貞徒自苦君不見東家女當  
日全憑儂一薦至今衣錦梁肉饜汙國榮華誰不羨孟  
光椎髻眾所賤人生行樂須及時莫教孤負桃花面菱  
菲言進婦志奪歸來笑把黃金擲地保妻體肥且短禿  
髮大足妓女更調須  
伊先容名曰薦頭良  
家女往往被誘失足  
一盞燈半段槍繩牀角枕盤中央誰鑿陰山雲霧窟多  
少英雄此中沒市樓妮女工數錢吹氣如蘭傍客眠夢

裏餐霞易夕陽統袴兒郎老是鄉相思草同牛鼻鞞黃  
金如土灰裏盡吁嗟乎重簾日靜愁雲鎖太瘦生疑來  
飯顆療除痼疾豈無方居士行將謝煙火妓館外復有  
婦女羣居煮  
阿芙蓉以售  
者名花煙燈

日斜敗突寒無煙走告東家借十千我家貧苦幸蒙東  
家憐十千錢息僅取日百錢東家恩誼高於天東家當  
日如我窮權衡子母日益豐鮮衣美食何從容招邀飲  
博徒蹣跚行坦途日暮扶醉歸收利沿門呼收利經年  
已三倍利清其如本還在爲爾綢繆何所償有女明朝  
賣作娼君不見劉公營利鬼笑拙市義曾聞彈鋏客里  
中

大瓠堂詩錄卷四

十一

觀自得齋  
徐氏校刊

放利債者借銀一餅  
日取利錢數十文

長橋蛟南山虎無賴作橫鄉里苦紛紜遇事生層波今  
之孝侯何其多來如雨去若風有窮氏子隨四凶分金  
豈管鮑仗義非朱郭娼家倒費用不足攫食市門且果  
腹噫嘻吁豺狼當道安問狐召父杜母胡爲乎里中無  
窮八極之日遇事  
生風人皆憚之  
汪茶磨曰樂府足繼秦  
中吟非深於此者不能  
長歌續短歌四章  
長歌悲短歌哀男兒無命空有才詩成就投青玉案酒  
酣莫上黃金臺泉明乞食言詞拙元叔囊空轉羞澀何

苦窮年常兀兀

長歌濁短歌清古來才大難為名子荆生缺鄉曲譽興  
公賦有金石聲下瀕倘得二頃田沽酒一杯書一編悒

悒甯受眾目憐

長歌畢短歌起少日高名慕黃綺求榮應科夙所嗤問  
舍求田意深鄙退之豐歲妻啼飢始悟常年計總非窮  
居使人顏色低

長歌緩短歌急我獨何為愁逼仄倒讀昌齡七字詩祇  
今四十如八十人生本似塵樓草昨日朱顏今日老寒  
餓應知衰更早

大孤堂詩錄卷四

三

觀自得齋  
徐氏校刊

門人吳玉堂勁節圖

吳君中歲勤於詩惟日不足恆孜孜駑駘恨非識塗馬  
載酒來過言尋師酒酣告我烈婦事聞之動色頻嗟咨  
烈婦伊誰即君配遙遙華胥元公支幼嫻母訓長淑慎  
年甫踰笄賦結縞孝姑敬長相夫子里黨稱賢無異辭  
北堂老樹巢兩鳥悲鳴下上依其枝夜深月黑弋者至  
雄飛觸羅斃厥雌朝聞城破賊已入溝渠流血塗橫尸  
夫壻蒼黃適遭擄鞭如羊豕驅以馳烈婦嚴妝縛窮袴  
上堂拜姑前致詞我家行事素忠厚遇難定有神扶持  
衰老還當蒙賊憐願姑自愛無傷悲婦甯矢死不失節

瓦全玉碎分今茲韓衙莊前水一泓死所已得安可遲

庚申四月十三日從容懷石投清池持躬無慙愛蓮後  
潔白肯受淤泥緇咄哉彼一婦人耳能明大義良足奇  
節勁真堪比松柏歲寒奚懼霜雪施丈夫立身亦如此  
不遇盤錯疇能知吁嗟乎不遇盤錯疇能知懷奇老死  
空山陞

走索

古名舞絙張平子西京賦走索上而相逢即此  
伎也光緒丙子首春觀於湖田廣場有感於中

爰作是詩

大孤堂詩錄卷四

四

觀自得齋  
徐氏校刊

植木作架東西支十尋巨索橫繫之窄袖弓鞬卸湘水  
如猿升木來雛姬一竿籊籊纖手持以布囊沙兩端施  
中流有壺船有柁權衡進退全在斯初猶澀縮蓮瓣碎  
既乃颿忽揚鑣馳疾行徐步各有態如遵大路都坦夷  
飛絮因風舞空際紅藥灑露翻堦墀突然作勢若下墜  
跨繩端坐無偏欹恍疑南嶽夫人朝阿母騰空自控蒼  
虬騎以背着繩穩於榻挺然偃臥僵如尸彷彿漢家苑  
中柳三眠三起當春時合掌彎腰翹一足宛若凌波龍  
女迎禪師一足鈎繩身下垂又如綠毛么鳳倒掛青桐  
枝盤旋頓挫皆中節鶯喉嘹亮歌新詞旁人失色彼自

暇故弄狡獪呈奇姿吾生苟能得其術濟勝有具心不  
危遍遊五嶽凌絕頂免如退之登華涕漣而舞絙躡竿  
賤伎耳看場圓處人疑視杜牧湖州觀水嬉疊迹摩肩  
想猶是一繩縣縣不盈指綽然乃能容十趾天梯鐵鎖  
當空懸去地奚止尺有咫失勢一跌那可問學時幾度  
瀕於死南林處女未足方都盧尋撞差可擬用志不分  
凝於神今觀茲技信有以江湖遊歷八口偕衣食全家  
一身倚下場倚樹脫雙彎笑倩旁人爲補履乃知抱此  
絕技不能拈一鍼猶彼挽強弓手不任毛錐子造物賦  
才各有限予之角者去其齒吁嗟乎佳人命薄才人窮  
千古傷心亦如此

大瓠堂詩錄卷四

五

觀自得齋  
徐氏校刊

丹徒包曉村明經祖同以德配嚴孺人事略徵詩  
爲賦長歌

日色慘淡雲模糊賢婦割臂療厥夫沈疴在牀日益劇  
治之徧走醫與巫割股傷生非不知計無所出遑惜軀  
口銜臂肉揮以刃神鬼嘖嘖窺庭隅一杯羹進病良已  
精誠感格天不辜傷既及筋血漉漉切身奚翅災肌膚  
力疾持家久勞瘁年三十一歸泉途父吳縣訓導翁蘇  
府訓導包職俱外史氏書之邑乘言非誣采入丹徒縣志大吏  
君桂生相題旌煌煌綽楔旌門閭朝廷所予詎在

是爲能相夫事舅姑平生愛讀列女傳常爲姊姒言其  
麗畢竟能爲人所難咄咄良勝鬚眉徒元九悲懷遣未  
得徵詩影事摹新圖我亦作歌表遺德學殖荒落腸搜  
枯

倉山叟製思元主人箸書墨歌

修二寸許腹背金書十四字曰思元主人箸書

墨曰倉山叟袁枚恭製家銘三明明經朝樑得自

冷攤攜以見示余按隨園詩話有禮親王世子

思元主人郵寄瑤篇囑登詩話之語又按錢梅

溪履園叢話輔國公裕瑞爲豫親王之弟自號

大瓠堂詩錄卷四

六

觀自得齋  
徐氏校刊

思元主人所居樊學齋擅亭榭之勝又稱樊學  
齋主人箸有萋香軒吟草余爲作墨記一篇又  
賦此歌

元雲黝黝光如鐵一笏隴麋含古色鐫題雅製自各流  
曾佐天潢勤著述倉山當日聲華噪七貴三公各傾倒  
日下遙投錦繡篇山中爰作瓊瑤報思量何物荅深情  
聊遣松滋使者行碾來香麝和煙膩搗就元霜滴露成  
摩挲從此頻珍惜樊學齋中居上席得句常濡玉兔毫  
箸書每灑金壺汁賓客梁園逐散絲主人逝後復何之  
龍賓守黑悲無語曾見四朝全盛時燕臺烽火傳宵箭

流落吳門市中見購入吾宗墨妙亭合配山房寫生硯  
余藏家古雲襲伯百廿年來跡尙新金書璀璨不沾塵  
百一山房寫生硯  
小物區區何足重流傳偏幸託文人歌成懷古心如擣  
轉燭浮榮豈常保人非磨墨磨人寂寞隨園剩荒草

大瓠堂詩錄卷四

七

觀自得齋  
徐氏校刊

光緒十有七年歲在辛卯孟冬月石埭徐士愷新校刊  
大瓠堂詩錄卷四終



大瓠堂詩錄卷五

元和 孫 周 則莊

五言律詩

感興

落木萬山風郊原戰血紅天心方悔禍螳臂漫稱雄傳

傲忙輸粟摩崖待勒功鼓鼙思舊帥

明詔起安豐起林少穆制軍於廢籍

許三樞曰積健為雄的真太瘦生法派

途次口占

萬方正多事八口竟何之遠道自茲始歸期未可知離

大瓠堂詩錄卷五

觀自得齋徐氏校刊

心滿煙水春恨入楊枝杜老憂時意蒼茫獨詠詩

聞雁

一雁忽南征離人夢未成高樓新月色獨夜異鄉情家

國愁何在飢寒厭此生兵戈滿天地前路不堪行

葉茗生曰高渾蒼健是酷摹盛唐之作許櫬翁曰五六挺接的是盛唐法派

題金山姚堅香丈前機井湄居詩錄

同學都清要如公信可哀風塵撐傲骨貧病損奇才感

事成詩史離憂托酒杯山陽憔悴叔吟嘯伴泉臺謂水北先

炳生

傷春

三載軍書急深愁府庫貧戎夷非我類盜賊本王民轉

眼兵塵過驚心花柳新滄江如可臥余亦樂垂綸

葉茗生曰著語高渾中有無恨感慨許三樞曰極似杜

二十述懷二首

親健身常逸衡門樂事多襟懷甘冷淡書劍愧蹉跎室

與山俱靜心如水平波寸陰須自惜彈指廿年過

小小耽幽寂交遊盡老成材如樗櫟散心共菊松盟勵

志羞干祿吟詩豈好名一編坐終日出處問莊生

江都縣教諭淞喬黃公元顥殉節詩

將士捐軀易儒官殉節難千秋名父子一死重衣冠氣

大瓠堂詩錄卷五

觀自得齋徐氏校刊

過青霄壯魂歸白日寒秋風吹苜蓿熱血未曾乾

許三樞曰通體悲壯茶磨山人曰沈痛

五百梅花菴訪覺阿上人師祖觀

言訪支公去杳然雲壑深遙聞一聲磬忽見梅花林空

外激清響孤煙生夕陰前期應不遠風雪輒相尋

于辛伯曰以格高勝汪燕庭曰根柢深厚

春望

正是鶯花節天涯獨倚樓大江流客淚細草亂春愁日

月銷兵甲乾坤隘釣舟故鄉何處是不盡暮雲浮

陳碩夫曰聲沈骨壯逼真杜陵

村夜有懷

幽居愛岑寂落葉夜敲門月色上茅屋犬聲聞遠村燈  
花詩客夢香草美人魂何日能相見離悰對榻論

葉若生日清景如  
畫而畫不能到

奚山人榆樓丈 疑 溪樓延月圖二首

樓在碧浪湖上向屬鮑氏雍正間屬樊榭納姬  
人月上時寓此故名月上樓有榆七株亦名榆  
蔭樓中奉樊榭月上像樊榭集中有八月十五  
夜鮑氏書樓紀事詩即此今歸山人

大瓠堂詩錄卷五

三

觀自得齋  
徐氏校刊

鳥呼憑檻湖山入倚樓夫君用幽意高詠繼前脩  
酒奚不諧俗白首臥巖扉茗上真名士人間大布衣秋  
心自清遠畫意寫幽微日夕憑欄望西風榆葉飛山人  
家善  
釀人稱  
酒奚

晚步

寒雨散天末疏煙籠夕暉鳥隨黃葉下僧逐白雲歸別  
浦漁歌起沿流螢火微誰家中婦織聲出竹間扉

小雨乍歇秋意瑟然有懷于辛伯先生 源

一雨驅殘暑空庭思渺然不眠知夜永多病得秋先偶  
檢來書讀因之別緒牽兵戈滿天地何處寄詩箋

陳碩夫曰  
字字有味

秋夜

高閣此遙夜難為獨客情蟲聲經雨潤燈燄入秋清舊  
恨隨潮長新寒約病生誰家吹玉笛幽怨滿江城

宋于庭曰新寒五字俊 葉若生日  
次聯及第六句字字入妙未經人道

弔武進湯貞愍公殉節金陵卽和絕命詞原韻

大義傳三世孤忠凜萬秋敢云無土責遂爾為身謀懷  
石酬

君寵吟詩付子收坐令天塹失遺恨竟誰尤

歲暮歸途見衰柳感詠

大瓠堂詩錄卷五

四

觀自得齋  
徐氏校刊

憶昔青青處疏枝繫遠情鬢絲憐此日雪絮悟前生荒  
驛斜陽影西風凍馬聲天涯歲云暮惆悵數歸程

舟行卽目

重過南塘路驚心見戍樓殘兵橫岸側官帖亂墻頭滿  
地飢鴻竄連阡蔓草稠書生籌國恨涕淚幾時休

出郭

出郭見山色怡然開笑容板橋流水靜茅屋白雲封萬  
籟此時寂一聲何處鐘寺門煙樹外隱約最高峯

九月十日遊虎邱木犀零落殆盡

閉門十日住忽訝秋光過一鏡碧波淨四山黃雪多江

天正鼙鼓水閣自笙歌薄暮西風緊清愁喚奈何

茶磨山人曰超脫

秋夜即事

老樹得秋意婆娑倍可憐蛩聲葬枯葉螢火閃深煙長  
笛起天外清愁到酒邊宵深寒澈骨擁被不成眠

過友人莊

秋水淡無跡秋花瘦有情渾疑前路斷忽聽讀書聲曲  
徑垂楊外沿門細草生石牀閒坐久歸趁月華行

夜步有得

幽人靜無事扶杖過溪南孤犬吠寒月一僧歸草菴泉

大瓠堂詩錄卷五

五

觀自得齋徐氏校刊

聲滴清澗夜氣壓虛嵐萬象此俱滅禪心默自參

茶磨山人曰四十賢人

歲暮贈張望之二尹

邦儼

落落張公子栖栖客路長功名增馬齒恩怨看魚腸瑞  
雪三番白寒梅一夜香乘時須努力報國在文章

治平寺僧房夜坐

團焦坐清夜禪榻素琴橫古木有寒意荒禽多怪聲霜  
華半庭白佛火一星明萬籟此時寂寥寥生遠情

茶磨山人曰郊島的派

晚步西山入廢寺

落日意行好一筇登翠微山深逢古寺竹外露雙扉黃  
葉積僧鉢青苔生佛衣荒寮足清景付與暮雅飛

廢刹小坐

啼鳥不知處寺門明夕陽病僧斷煙火古佛倦津梁溪  
水淡無影野花微有香壞廊留一曲小坐亦清涼

秋雨

閒門斷行迹秋雨長蒼苔養性親書卷娛情托酒杯有  
生都是累無命漫言才悟徹窮通理此心如死灰

偶入古寺

寥寥聞磬音紆步入疏林古寺生秋早均堂積雨深蛛

大瓠堂詩錄卷五

六

觀自得齋徐氏校刊

排三面網蟬曳一絲琴坐久月初上寒光清道心

夜氣

夜氣清如此幽人何處尋疏鐘聞遠寺微月挂空林欲  
探梅花去前村積雪深歸來有餘興掩戶發高吟

舅氏徐稼甫徵君

立方秋山鞠隱圖

老矣南山下悠然與世辭功名付兒輩泉石托清時潘  
岳閒居賦陶潛飲酒詩寥寥歲寒意珍重傲霜枝

茶磨山人曰穩愜無一字可移非老手不能

次董十三大令

葆琛

夏日晚步原韻二首

數峯青欲暮高樹挂餘暉宿鳥蹴花墮驚蟬帶葉飛詩

心超淡遠禪味契深微一犬隔林吠漁人沽酒歸  
板橋絲柳外背手立斜暉何處一聲磬水禽相對飛漁  
燈沿岸起人語隔煙微忽值南鄰叟相將把臂歸

和董十三橋南納涼三四疊韻二首

極目橋南路垂楊浸碧暉淡煙橫樹斷斜日逐雲飛草  
淺蛙聲露亭虛暑氣微池荷香不定風約晚涼歸  
最好雙桐樹中庭障夕暉晴蝸緣壁上倦蝶傍人飛野  
衲時相訪清談妙入微移牀就林影坐到暮雅歸

五疊韻題董十三久客寄舍弟詩後

千里雙親健三春寸草暉新詩憑雁寄離思逐雲飛兄  
弟情彌切田園業不微應知姜被好遊倦早言歸

大瓠堂詩錄卷五

七

觀自得齋  
徐氏校刊

茶磨山人  
曰沈著

溪樓晚眺六疊韻

踏葉上高閣疏簾捲夕暉雲中一雁下樹杪片帆飛涼  
雨洗新霽遙村隔翠微晚來風景好吟眺愴忘歸

茶磨山人  
曰唐音

過流水禪居七疊韻

古寺藏流水虛廊淡夕暉投瓜魚暗上洗鉢鷺驚飛萬  
念此時寂一聲清磬微無言對幽景夜久不知歸

幽居八九十一疊韻四首

幽居具真樂萱草護春暉有道甘長隱無心羨遠飛違  
時同叔夜治產愧宏微多事陶彭澤田園蕪後歸  
曲檻臨春水疏檐掛夕暉閒花自開落好鳥各翻飛得  
失心無累窮通理本微有時步巖壑興盡即言歸

數椽清不俗彝鼎發奇暉老樹當門出流泉學瀑飛壘  
山即清秘畫壁亦探微捲幔一花落銜泥雙燕歸  
遙望垂楊外平林淡夕暉數峯當戶靜一鳥破煙飛涼  
意動高竹鐘聲墮翠微村童歡下學布服裏書歸

茶磨山人  
曰高渾

郭外晚歸十二疊韻

大瓠堂詩錄卷五

八

觀自得齋  
徐氏校刊

蹇驢行得得平楚下斜暉落葉響無次老雅寒不飛漁  
燈千點起沙月一痕微好倩勾龍爽圖成李賀歸

覺阿曰疊韻諸作層  
出不窮語皆工穩

同湘鄉左孟辛楨仲敏樹昆季白馬礪訪覺公師

歸舟口占

萬山沈暮氣一塔俯寒流僧寺鐘初動漁家網未收來  
尋支遁馬同載李膺舟後約梅花發還當蠟屐遊

信步

偶然啟蓬戶信步至前莊荒月一溪白野梅何處香泉  
聲聞滴歷夜氣辨微茫色相空如此身心與共忘

祥符周文之太守師沈潤招同令弟朗山吏部悅

修昉叔太史星譽季賦司馬星貽陽湖許三樞徵

君核山陰羅敦夫參軍炳堃及余宴集虞山署齋

之雙桂廳按太史時名譽芬字叔雲庚申後始改

袞袞登瀛客悽涼旅况同相逢秋色好莫遣酒杯空待

蠟阮家屐遲看吾谷楓余心在流水經濟仗羣公

閉門

小山自秋色大地盡商聲論史通時事看雲驗世情勸

輸民飲泣亡命盜偷生難覓桃源境閉門心太平

和許鶴巢秀才唐麗池上雜興原韻十首存六

大瓠堂詩錄卷五

九

觀自得齋徐氏校刊

惡草防滋蔓當門手自刪坐憂天下事臥看壁間山渺

矣孤懷遠悠然一夢還余心澹無著倘在水雲灣

閉門愛寥寂負味勝陶潛高閣不知暑遠峯微露尖巖

花如我瘦村酒與人恬幸免催租吏誼呼到葦簷

愛月移牀就看山與杖偕枯藤縫綻壁深柳障虛齋幽

夢墮煙際詩情在水涯歸雅何處所舍北有高槐

遠客跼然至庭花取次殘相逢當歉歲不敢勸加餐生

計船爭瀨年華日上竿危時無好况緘口對杯盤

十年絲鬢白萬古此山青文字成何濟兵戈擾未停人

心滋厲氣天象見長星世事從茲絕雲煙掩翠屏

待築三層閣深居九折巖依人綠樹草涉世受風帆歸  
客身初倦看山眼尙饒蓬蒿亦生意未忍荷鋤芟

城樓口占用文之夫子韻

橫槊臨高坂吹笳發浩歌義旗隨處舉壯士此間多草

檄朝磨盾登陴夜枕戈家書三月斷親舍近如何

對月

一片故山月他鄉看倍明衰親應悵望孤客若爲情雁

陣因風斷蛩聲咽露清昨宵歸夢裏戎馬不堪行

重至金閭

風葉捲悲笳深溝一道斜潛踪餘鬼魅極目只塵沙敗

大瓠堂詩錄卷五

十

觀自得齋徐氏校刊

鼓發朝茵頽垣生野花五年前過此樓閣玉人家

茶磨山人曰幽秀

讀南疆繹史弔昆明諸生薛大觀

順治戊戌永明入緬大觀謂其子之翰曰吾不

惜七尺軀爲天下明大義之翰曰大人死忠兒

當死孝翰母語翰妻曰彼父子死忠孝吾兩人

獨不能死節義耶一婢抱幼子至曰主人皆死

焉處我於是五人偕兒赴城北黑龍潭死大觀

女已適人同日赴水死

豈是偏安地真同傀儡場諸生懷義憤一死繫倫常結

帶全家殉沈淵大節彰英靈終不沒史筆待誰揚

癸亥仲冬吳城初復自滬返里同門馮申之孝廉

芳緝與尺一書俾投某官謀棲止三謁不值愧悔

交并浩然有作

一刺懷將滅泥塗往復迴故人能薦士長吏解憐才何

事勞三謁他時忍再來慙非東閣彥原合臥蒿萊

甲子季春感述二首

丸藥思醫俗羞囊勉濟貧奮鋤開廢陌帷蓋蔽陳人聞

里安余拙官僚厭我真艱辛期不愧毀譽總無因時省垣初

復湖田地僻降眾災黎屬集余僱以開街掩飾備藥以施貧者

大瓠堂詩錄卷五

十一

觀自得齋徐氏校刊

千室非無主何勞爾具陳門難題賣宅官自算租緡是

豈明時政須憐劫後民有巢翻賃庶鄰婦語悲辛熊守建勛

歸順後以閭胥門外民房八百餘所經賊改造者報効入官郡紳及同人咸上書當事始準每椽繳價十千否則租仍入局鄰婦有屋數椽無力措繳賃居他屋余惻然代籌焉

懷周朗山刺史悅修二首

夙抱匡時略羣推幕府才者迴官裏去當日賊中來村

落愁同托流離志可哀相思無驛使不寄一枝梅庚申秋同

避地鵝湖辛酉春赴皖

職罷銓衡久榮叨刺史新狂憐登座榻醉恐吐車茵近依

賊勞親鞠論功定即真自依嚴鄭國應異向時貧湘鄉

相國昨讀相國平定金陵疏稍知擊獲忠逆派丈審訊

茶磨山人曰天然對偶

山陰任牧父秀才晉謙秋樹盒填詞圖

此間無俗慮之子最風流幽意向誰語新詞只自謳婆

娑名士感遲暮美人愁寫入鵝溪絹門前一樹秋

聞吳縣石梅孫明經渠制科薦徵

吾友清嘉士居清嘉坊有高名動帝居大臣陳薦贖使

者策安車有道今無愧明經近孰如遙憐雙鬢雪三復

卻徵書

邑掾程翁錫求題春風草廬圖三首

大瓠堂詩錄卷五

十二

觀自得齋徐氏校刊

家世農曹掾園林葑水東人皆愛冬日客自坐春風舊

夢隨雲鶴閒情話雪鴻華嚴成小劫彈指十年中

老輩如君少新知遇我深有時容促坐無事輒相尋結

客親風雅挑燈論古今自言足生計不復羨多金

能事長康後風流見耳孫補成新畫本重認舊巢痕明

月白於水梅花香到門詩心淡如此相對各忘言

茶磨山人曰淡而彌永

風燈

風下移檠坐支棚照露荷障同三面網焰隔一重羅燭

淚垂垂少燈花燿燿多北窗閒置久善拂任飛蟻

靜坐口占

秋風吹落葉拂我壁間琴閒作靜中契微聞絃上音疏  
花明石罅斜日轉梧陰幽意何人識寥寥清道心

石首

五月洋山汎藏冰遠可將當頭棋子白竟體鏡鱗黃四  
兩比邱食千條估客量乞醯兼搗蒜遮莫老饕嘗周櫟  
影佛經有南海有魚其名石首比邱  
有疾食肉四兩之語浙僧遂恣啖之

瓦房

微物生南海潛波閉瓦房渾渾難具體默默且深藏倏  
合傾家釀生憐入沸湯寄言沈昭略試其蛤蜊方

大瓠堂詩錄卷五

三

觀自得齋  
徐氏校刊

漫興二首

暮境將人逼新寒與病侵諸餘情味減遮莫酒杯深  
綻中央色泉流太古音荒寮足幽景跣跣且長吟  
道在貧能樂親亡志克全終年無箇事鎮日對殘編穩  
臥休糧法行吟得意天一瓢隨處挂取火淪山泉

歌風臺

策馬上荒城高臺址未平殘碑秋草沒廢殿暮煙橫父  
老歡新澤君王念舊情大風思猛士應悔族韓彭

同周存伯大令

閑

訪齊玉谿明經

學裘

天空海闊

之居晤茶磨山人汪茂才

芭

閉戶經旬雨朝來霽色融畫師共周昉賦手訪揚雄慷  
慨憐才士風塵老寓公海天空闊處有客說能蟲山人  
莊子惟蟲能蟲之語著能蟲  
志十二卷是日舉以見示

題沁州王松坪刺史

省三

萊根軒詩鈔

一卷千秋業三朝七品官鳥飛憐習習驢走歎團團籠  
何年飛習習磨驢終  
日走團團集中句草檄晨拈筆登陴夜據鞍危時遑  
敢退鷗鷺舊盟寒

讀慈谿徐柳泉孝廉

時棟

煙嶼樓稿卷端有鍾雲

扉布衣

世俊

題詩最佳鍾業冶錫浙東人呼為鐵

隱賦此以志欽佩

大瓠堂詩錄卷五

四

觀自得齋  
徐氏校刊

托業儕黃錫

張銅黃錫浙中  
良治見竹垞集

逃名隱市塵聲華東浙滿

習氣竟陵捐

謂鍾伯敬

句若鎔金鑄詩同釘鉸傳偶披煙嶼

稿思放剡溪船

讀書有得二首

有嗜都成累無求便是仙慈祥希往哲匡濟讓時賢莫  
認身為我須知理即天眼前生意滿心似在山泉  
物理閒中悟經句閉戶居巍峩防覆始爛漫認衰初寡  
慾心常靜能容器必虛時時勤打掃方寸自寬餘

出門

出門無定向隨意訪漁樵塔影瘦於筍溪聲流過橋欲

尋僧寺憩忽見酒旗招遂入林中飲歸來興未消

閒居述懷四首

家貧為客早經亂臥蓬蒿有志因親屈無能誤道高  
衣時露肘舊刺久生毛但得樽中滿新詩醉和陶

少日名心淡中年隱操堅篋餘盈寸稿業乏數弓田未

解聽絲竹何曾廢簡編宵來一杯酒身世付蒼天

大道榛蕪滿時虞展齒妨利人開別徑課士築書堂同治

命已通惠里辛未設社塾但得初心遂從教舊業亡

街費微聞杖藜者相慶步康莊

自笑迂疏甚端居不世情讀書原為已樂善豈求名疊

大瓠堂詩錄卷五

五

觀自得齋徐氏校刊

石通漁步然燈照旅行建水步設路燈囊傾思澤物畢竟拙謀

生

馮桂槎明經懋輓詞四首

吾黨能文者羣推大小馮孟公多士表叔子古人風跡

淡交彌久情深夢或通思兄紛涕淚握手慰張融謂令弟蓮

槎茂才愁

斯才江左冠月旦鉅公評黃漱蘭侍郎校士吾吳閱君文曰江左一人也鬢序

推前輩騷壇主舊盟名應銀管記死豈玉樓成有姪承

盧邁聲如老鳳清以蓮槎子為後

二陸東西屋蕭閒傍虎邱手栽桑十畝足抵橋千頭治家

芳濱有桑二千株遺稿傳都市高文入選樓何須人爵貴名早

藝林留

穀日騎鯨去正月八日卒八日為辛盤薦未遑腹中經

世術肘後活人方精岐黃術貌亦如心古才偏與命妨知非

年不假天道竟茫茫年四十九

幽居二首

幽居無過存獨步出柴門晤對山為客扶持杖作孫聽

泉臨澗坐摘果帶雲吞歸自松間徑荷衫染翠痕

身世復何有憂愁從未曾本如羈旅客久作在家僧觀

水即心鑑忘機或壽徵眼前生意滿草色綠新塍

大瓠堂詩錄卷五

六

觀自得齋徐氏校刊

偶占

扶杖出門去意行隨所之空囊難買醉得句懶成詩暮

雨蕩荷氣秋風梳柳絲清言無客共蟲語苔幽思

陳明經為疇五十乞詩

吾黨陳驚坐家居詩水邊近聞攜竹杖寄跡傍荷田言

值知非歲將開介壽筵自慚無物贈聊以擘吟箋

朱槐廬上舍記榮校經圖

祖德四時樂家風萬卷樓大小萬卷樓皆朱氏見十國春秋草廬纔一

畝槐蔭自千秋秘籍勤蒐輯遺經細校讎何如宋陳起

小集僅刊流上舍於海上刻有經學叢書金石叢書等數種



聞家得之孝廉 傳鳳訃

老鳳吾宗秀將飛命忽捐說經無贖稿作篆有真傳遺稿

散失尊甫竹仙茂才一笑超塵網三生締墨緣舊時送

為江鐵君先生高足行處望斷孝廉船館費太史念慈京邸端坐觀書而逝

亡室陳碩人三十週忌感賦

卅年前恨事一憶一吞聲浮海愁難遂投崖憤未平輪

君明大義愧我戀微生欲問埋香地茫茫徧棘荆庚申八月

十七日喧傳賊酋將至鄉安撫碩人方臥病聞之憤甚搜身階下嘔血死事平往覓其柩不可得

庚寅新春口占二首

客過新年少閒門醉不妨終朝聽檐溜小除一日鎮日臥雨五日

大瓠堂詩錄卷五

繩牀肺病寒增劇神衰老健忘 皇仁方振郵孰問硯

田荒時方頌賑米

春從元夕至十五日立春蓬戶滿韶華案列先生饌瓶開處

士花借書聊遣目把酒便為家候訝年週甲光陰赴壑

蛇

光緒十有七年歲在辛卯孟冬月石埭徐士愷新校刊

大瓠堂詩錄卷五終

大瓠堂詩錄卷六

七言律詩

元和 孫 周 則莊

秋興二首

鐵甕城高夕照收萬方多難獨登樓芙蓉搖落滄江冷  
林木凋傷故國秋畫閣動名何寂寂匡時籌策漫悠悠  
諸公自善謀身地宵旰惟厘

聖主憂

聞道吳淞事戰攻漢皇仁德許蠻通紅衣巨艦排黃浦  
翠瓦深房峙碧穹四海鼓鼙搖北極中原脂髓竭西戎

大瓠堂詩錄卷六

一 觀自得齋 徐氏校刊

諫臣空憶當年疏鳩毒難除未奏功

葉若生曰中原七字可當史論一則 覺阿曰沈鬱處頗近杜陵

讀黃霽青太守 安瀉 沈匏廬觀察 濤 平波臺修禊

倡和詩次原韻二首

平波臺下畫船停收拾風光入綺櫺千頃水搖詩鬢白  
一痕山向酒人青佳時莫放匆匆去好夢何妨緩緩醒  
前路恩波應更闊隱侯未合戀漁舲

聞道清遊及暮春芳祠丹碧喜初新 三高祠 方新修 同為東閣

巡檐客歸作蘭亭修禊人難得嘉賓盡風雅竭來此地

隔囂塵千秋勝事傳圖畫風景依稀寫最真 翁小海 維繪圖

寒柳和鴛湖吟社二首

向人秋色尚依依憔悴江潭瘦影稀名士歸來詩鬢短

美人老去舞腰非隋隄霜落寒雅噪漢苑煙籠夕照微

回首昔游猶夢想斷橋風颭酒家旗

一種蕭疏畫不成長條禿盡可憐生白頭如爾仍飄泊

青眼憑誰解送迎曉月啼烏荒驛夢西風哀角玉關情

離心苦望春消息遮莫軍書問漢營

家賓華曰風神綽約情致綺旒得漁洋三昧

秋日漫興

天涯扶病獨登臺落木蕭蕭畫角哀不盡潮聲歸海靜

大瓠堂詩錄卷六

二 觀自得齋 徐氏校刊

無邊秋色過江來南征士卒間將老北去帆檣滯未回

萬里長空愁及目臨風催取掌中杯

吳清如曰是空同得意之作

校刊外大父徐夢白先生 信 雪煩山房集成敬題

一律

河流疏鑿便居民祖廟蒼涼亟鼎新 濬張家灣河 脩忠仁公祠 萬里

山川雙健足三邊戎馬一閒身 曾遊 常將白眼 看時輩

生而眼白 號白眼生 合與青蓮作替人 少夢太白 授書 遺稿十年 令吞故字夢白

藏篋底於今藝苑始同珍

題姚春木先生 信 通藝閣詩錄

180冊 745

四朝人物舊衣冠一病嗟君境益寒廣厦胸懷虛杜甫  
布袍身世老方干胸中廣厦成何物門外三吳壇坫推  
前輩全蜀山川供大觀太息遺詩心事在更誰分俸與  
重刊

秋夜作

西風日夕動疏林陡覺新寒病骨侵五夜鄉愁江上雁  
萬家秋怨月中碁年凶易變愚民志賞薄難收壯士心  
寄語平戎向延閣三年宵旰

聖憂深

許三樞  
曰温厚

大瓠堂詩錄卷六

三

觀自得齋  
徐氏校刊

城樓晚眺

萬山風雨撼重樓鐵甕城高控上游楓葉紅於新鬼血  
菊花黃入戰場秋乾坤離亂家何在世路艱難夢亦愁  
四顧蒼茫無限感江聲日夜向東流

周文之曰奇警  
汪茶磨曰沈雄

望亭

雄兵十萬此防秋獵獵旌旗動戍樓禦寇固宜憑險要  
救時先合溯支流天邊日落魚龍吼海上風來鼓角愁  
試詠蘭成舊詞賦江關有客歎淹留

夏日村居雜興二首

417

在苒光陰等逝波此身真似寄蜂窠一編新詠愁中得  
三月春風夢裏過瓜圃架棚商引蔓草堂防漏待牽蘿  
幽閒羨煞看秧叟細雨分涼上綠蓑

長日村居靜不譁小窗孤坐思無涯故人遠別書難寄  
生客初來酒不賒籬角曉風開扁豆舍南細雨響纒車  
晚來閒向平橋望一抹斜陽壞塔遮

葉若生日詩境夷猶  
淡蕩頗近誠齋石湖

夏日感興

黑雲一片黯前林涼雨淋浪暮色沈矮屋絲瓜滋蔓久  
切堂潦水積愁深明駝報捷知何日鳴壁吹笳感此心

大瓠堂詩錄卷六

四

觀自得齋  
徐氏校刊

矯首關山餘涕淚樹陰試讀浣花吟

灌花圖

蔡鐵耕先生

雲子小鐵錫昌

遺影也小鐵年十

八補博士弟子員未幾以瘵死臨歿指圖泣請

父徵題詠鐵翁哭之哀作悼兒吟八章詩成展

圖卽涕不能書越十七年江丈鐵君沅代錄之

今翁嗣孫鐵孫茂材

光龔

抱圖徵詩

灌花未了忽聞鵲玉樹經霜一夕捐老淚已因遺貌盡

新詩幸藉故人傳惠連早譽原非福長吉前身本是仙

天意似憐名父子卻教述祖有孫賢

人日舅氏徐稼夫徵君招同陳碩夫夏秋田廷

榮兩徵君宋于庭太守翔鳳石琴學博來鳳尤榕

疇中翰崧鎮宴集雪煩山房

南州高士滌芳厄張丈殷兄會一時各具雄才傳箸述

許陪末座亦恩私龍門雪霽欣同賞人日梅花例有詩

獨客長齋工繡佛罰膺金谷酒頻辭秋田丈長齋繡佛座客飲酒賦詩丈

俱辭

退園謁吳農部清如先生嘉注

衡文西蜀溯當時中歲抽簪洵未遲退谷不來干進客

斜川自有象賢兒清樽雅樂婆娑舞白髮閒情綺麗詞

大瓠堂詩錄卷六

五

觀自得齋徐氏校刊

七子黃初銷歇盡騷壇季重獨扶持

曉發

曉色催人古驛旁模糊猶帶夢痕蒼殘星欲沒初收霧

敗葉將飛乍怯霜微辨人聲知市近悄無雞唱覺村荒

蕭蕭蘆荻風如雨一霎輕帆過野塘

昇平

四山風雨送秋聲涼館挑燈夜氣清乞食陶潛真處士

上書賈誼本儒生文章原為匡時用忠孝須從至性成

草澤遺才應不少可能有意報昇平

過吳先生退園適宋太守亦至縱談漫賦

芳園載酒及時探柳未舒條杏尚含作賦喜逢廣平宋

論詩每斥竟陵譚最難許可如歐九何幸傾心向魏三

天與騷壇留二老文章經濟重江南

張詩船少宰祥河載鵝圖

載得雙鵝泛泖湖漁莊解舍入新圖山陰道士經初換

陽羨書生事本無到處羣疑天驥鶴明時難憶季鷹鱸

曲江風度今猶昔莫認煙波舊釣徒

汪茶磨曰純乎其純

陶鳧香宗伯標紅豆樹館詩集

耆臣風度晚天霞學問優長

大瓠堂詩錄卷六

六

觀自得齋徐氏校刊

聖主嘉陶某學問優長王令所居都種竹坡仙到處便

看花官黃州日看花定封圻宦轍三千里畿輔詩鈔五

百家慧寺有和東坡詩一事公偏羸白傅耄年鬢未點霜華

文之師餉饌

美膳登盤氣散芬白衣人至日初曛蹉跎馬齒成殘客

慙愧猪肝累使君狂態未除書下酒雄才誰擅賦凌雲

老饕飽啖思朋舊鄰笛悽涼不可聞憶王松坪刺史

過黃秋士先生鞠湘花館賦贈

疏簾清簾屋三椽小草閒花石一拳無事嘗臨瀟化帖

有時自拓永安磚聞人滋設豆羹店海嶽翁停書畫船

子久溪山涪老跋早年家學得真傳

葉若生日秋士之性情居處無不逼肖

偶述

少聞阿堵便生嗔未解持家百事辛  
弱歲飢驅辭故里孤兒志屈奉衰親  
由來直道難為客不信有錢始作人  
半世只因風雅誤漫將詩句鬪清新

對月

故山一片尋常月異地相看分外明  
白髮衰親應悵望紅閨少婦豈無情  
愁他風露中宵立憶我星霜獨夜行  
為語清輝須好待歸時留照話深更

大瓠堂詩錄卷六

七

觀自得齋徐氏校刊

夏日閒吟四首

白板雙扉晝不開垂簾水閣絕纖埃  
一聲蟬唱日初落半榻荷香風忽來  
制熱無方惟習靜托身有所祇銜杯  
年時我亦江湖客寄語閒鷗莫浪猜  
七不堪難與俗宜北窗穩臥傲皇羲  
詩無關係工何益名要流傳想亦癡  
狂態未除猶戀酒機心已淨不妨基  
浮華豈入莊生夢甘作塗中曳尾龜  
焚香掃地樂天真落日蕭然岸葛巾  
一覺夢回齊物我七絃琴上識君臣  
身無疾病才稱福家有詩書不算貧  
釣久忘魚成獨笑持竿兀自傍溪濱

多事支公更買山何妨大隱隱塵寰  
野雲與我一般靜明月伴人終古閒  
天上有時葬仙骨人間無藥駐童顏  
從今悟徹盈虛理細草侵階未要刪

葉若生日平淡清曠自臻超詣

草閣

草閣蕭然結構新疏簾清簟淨無塵  
煙雲不盡山中景魚鳥長親物外身  
撲火飛蛾跳蕩賊旋階螻蟻亂離民  
心閒到處都仙窟何必桃源遠問津

閒居有得二首

悄悄門巷柳絲絲一枕輕寒睡起遲  
茅屋夜聞過細雨

大瓠堂詩錄卷六

八

觀自得齋徐氏校刊

海棠今已賸空枝豈知窮有頓來日  
始悟花無長好時春去春來聊復爾  
相逢有酒不須辭景物俱含太古情  
幽人枯坐道心清野花著雨間千色  
山鳥弄晴時一聲靜悟盈虛研易理  
閒耽種植作花精了知脩短原由命  
中散徒勞學養生

漫興

學書學劍兩蹉跎廿七年華轉瞬過  
西去白駒增歎逝南飛烏鵲動悲歌  
半生淪落知音少一飯艱難負腹多  
偶賦新詩聊自悅文章聲價重巍科

秋感

西風落葉滿關津何處煙波好避塵名士下場思學佛  
英雄失路且依人悲秋宋玉原多感傲世嵇康例合貧  
搔首蒼茫無限事問天擬效屈靈均

通濟菴梅花下作

五百寒梅繞草堂春風多在贊公房空山鳥具善知識  
古樹花開微妙香滿地白雲僧入定一林明月鶴飛翔  
絕如諾矩羅尊者結伴天台侍法王

卽事

一痕塔影恰當門種植方招野叟論秋至幽蟲悲有語  
霜清叢菊淡無言香杭自煮新泥竈濁酒頻傾老瓦盆

大瓠堂詩錄卷六

九

親自得齋  
徐氏校刊

芳豔四時常不絕此間合號眾香村

初夏獨酌

雨過荒廬草色滋閒居偏愛晝遲遲近來已悟榮枯理  
不信君看桃李枝昨日春風紅爛漫今朝夏木碧參差  
順時知命行吾素一斗香醪數首詩

覺阿曰一氣呵  
成律法高超

夜坐堯峯山寺

一九冷月竹間生枯坐虛堂景物清夜氣化煙晴有色  
秋花墮澗瘦無聲空山寥寂禪心定古壁陰森佛火明  
鈍老幽居何處是文章得失更誰爭

覺阿曰三  
四冷逸

通濟菴晤左夫子

脫卻朝衫萬事輕同林支許話無生相逢禪窟梅初放  
漫說江天浪未平伏挺棄家思變服陶潛作令誤歸耕  
繭絲保障知誰是畢竟身閒夢亦清

草堂

微雨乍過煙滿谿草堂閒聽曉鶯啼着花老樹有春意  
捲幔亂山如屋低竹榻晝長清蝶夢板橋泥滑印牛蹄  
經旬不沐擁書坐疑是忤時人姓嵇

閉戶二首

大瓠堂詩錄卷六

十

親自得齋  
徐氏校刊

閉戶瓶無隔宿儲違時深歎不材樗買山空作誅萌想  
吮墨羞摹乞米書此累未知何日了百憂早定我生初  
明當蓮社尋師去淨業同修悟六如

桐橋東畔閉柴門詩律閒招野衲論霜後園蔬多俊味  
醉來布被亦奇溫靜觀物理心常寂偶閱人情眼便昏  
我自無才爲世用翻教人說布衣尊

芙蓉二首

春中江畔滬城隈驛路馳煙絡繹來竟有蠻花興怪異  
卻教屋霧幻樓臺楚人一炬空焦土昆水何年化劫灰  
驟稅書成番舶至中原海禁正初開

習俗難移嗜好偏何來太瘦聳吟肩夢吞丹篆昌黎曰  
醉吸流霞太白仙果否靈膏同春恤漫云莖露可延年  
芙蓉原是相思草長命燈傳忍棄捐

窮巷

時危敢說布衣尊窮巷殘冬絮不温恥乞人憐餘傲骨  
愛親風雅是貧根散材豈有名山業知己難酬亂世恩  
戎馬萬方民命亟一身生死更何論

題十八名人手札後

十八人者仁和許芋園太史學范青士學政乃

濟濱生尚書乃普錢塘陳曼生司馬鴻壽雲伯

大令文述屠琴陽太守倬高爽泉上舍壇吳江

程竹盦學士邦憲郭頻伽明經磨嘉定錢同人

學博侗寶山毛生甫騎尉嶽生滿州秀楚翹尙

書甯安徽吳山尊庶子肅海甯查梅史刺史揆

婁縣姚子壽上舍椿青浦王蘭泉司寇和鎮洋

彭甘亭徵君兆蓀陽湖家淵如觀察星衍也皆

與家襲伯古雲公均往還手札公薨後公弟賓

華先生元培於故紙中檢得裝成此冊付周寶

藏之謹志一律於後

十樣蠻箋寄故知重觀遺物淚如絲東山事業空千古

北海賓朋又一時此冊定能垂不朽當年曾與致相思  
諸公袞袞登瀛客杖履追陪恨我遲壬辰余生是  
歲襲伯公薨

向忠武公輓詞

白髮孤忠涕淚紛強扶衰病靖妖氛金城困守資長策  
銅柱摧殘論舊勳死欲渡河宗大尹老堪擊賊李將軍  
東南半壁楛撐人不奏膚功報

聖君

德清俞蔭甫太史樾日損益齋詩集

慧政明珠事偶冤早持玉尺走梁園常將稽古嘉來學  
不信談經亦罪言蹤跡瀛洲暫遊戲文章浙水有淵源

大孤堂詩錄卷六

公孫遺愛登崇祀青史千秋疏草存鄭子產入祀兩  
廡太史所請也

師吼菴贈映月上人

絲篴篳管圍曲欄牆角海紅花已殘梅妻鶴子成眷屬  
桑鷲樹雞充食單案頭詩卷聊自悅壁上絲桐時一彈  
榻來甚欲釋經義誰是當年竺法蘭

痛飲疊前韻

空山獨夜雨絲絲痛飲悲歌醉不辭淮北流民鄭俠畫  
江南征稅道州詩似聞列郡無堅壁况復中原有漏卮  
臺省自多匡國彥可能銳意太平時

覺阿曰疊韻此首爲最沈鬱  
頓挫而無刻拔弩張之態

董十三大令葆琛構宅城西賦東四律

清時潘岳賦閒居結構先營處士廬矮廡可容梁客白  
虛廊要貯鄴侯書亭因延月何嫌做草不妨花莫浪除  
疊石疏泉心力竭尙餘隙地種嘉蔬

琅玕隨意補千枝景物娛情換逐時家具荒寒元鎮畫  
園林瀆樸杜陵詩人間風月原無價城市囂塵總不知  
二十四番花事足可無一勺灌花池

柴門無事莫常開主客圖成兩不猜得句欲書蕉正展  
對花小飲月剛來堤栽彭澤先生柳屋繞孤山處士梅  
棊几湘簾清似水更於何處着塵埃

大瓠堂詩錄卷六

三 觀自得齋  
徐氏校刊

鷓鴣喜有一枝憑聊作隨堂粥飯僧驥尾附名君倘許  
虎頭食肉我何能晝眠乞假雙間屋夜讀還分一穗燈  
容膝易安真自得奚須宏景閣三層

初至鷺湖書感

餘生到此慮全刪匿跡荒村且閉關經雨孤花顏黯淡  
投林窮鳥語絲蠻懷人半屬河邊骨避地惟宜畫裏山  
回首故鄉豺虎亂青春作伴幾時還

光緒十有七年歲在辛卯孟冬月石埭徐士愷新校刊  
大瓠堂詩錄卷六終



180 冊 745

大瓠堂詩錄卷七

元和 孫 周 則莊

七言律詩

同湘鄉左青時太守師仁上元何梅屋布衣詠遊

善慶精舍示嵩光上人

曲檻迴廊晝悄然一庭竹掩綠娟娟寒林葉盡疏於晝  
淺沼風微定入禪滿目雲烟皆妙諦暫時留憩亦前緣  
打鐘掃地平生願擬借香茅屋半椽

感慨

寥落長天一雁過光陰漸與墨同磨箸書客似蟲鑽紙

大瓠堂詩錄卷七

觀自得齋 徐氏校刊

寄食人真鼠飲河末俗文章鳴瓦釜危時勳業託金戈  
側身滄海橫流日車上王尼感慨多

呈左太守師四首

黃河天上擅雄詞絕代奇才筆一枝一年高一尺十年高一丈積至千百

年黃河在天家學淵源追詠史大儒經濟足匡時閒吟

上師河上詩漫叟憂民什愛誦昌黎薦士詩他日繼公傳茂績漢廷

黃霸有佳兒謂長君 孟辛

沅湘烽火近何如故國田園夢想餘司馬家貧書獨富

元明躬儉酒難除政成合有庭來鳳清極曾聞署掛魚

亂世需才公輩少斯人忍使久閒居

銅虎初邀寵命新廿年久現宰官身舊栽茂苑甘棠盛  
仁沛蘇臺化雨均此日雲亭稱弟子當時石戶作州民  
曾宰靈山香火前因在常侍先生杖履春

何意栽培到草茅鷓鴣生計覓枝巢焦桐出爨能無感  
朽木難雕敢免嘲紺宇記同參頓漸昨侍遊善慶菴絳帷親與

決推敲韓門科第知多少寒士惟傳一孟郊

嘉平十九日左夫子為坡公作生日賦呈

衙齋鎖印敞前楹閒與坡仙晉壽觥各世文章追李杜

宗盟俎豆歷元明雪堂待付潘邠老蓮幕相隨馬正卿

大瓠堂詩錄卷七

觀自得齋 徐氏校刊

我亦私心望公貴山貲分得好歸耕坡集贈馬正卿詩有日日望我貴求

分買山錢句坡去黃州 以雪堂付邠老兄弟

于辛伯先生將歸南湖用金眉生都轉安清西湖

別柳詞韻作蘇臺秋柳詞四章見示依韻奉和即

以贈別錄二

一灣寒水浸孤村殘柳絲絲易斷魂作客江湖成倦旅

感時涕淚賸衰痕烽煙已換前番景雨露空懷舊日恩

散盡黃金便憔悴天涯飄泊忍重論

楓葉蘆花別恨生蘇臺草草送兼迎少年眼底人非舊

豪氣眉間老已平白下風煙迷戰壘漢家旌旆拂秋營  
此行容易春風轉倘寄梅花慰遠情

讀書嚶城署齋九十九琅玕精舍作

居然城市有山林前輩風流尚可尋精舍即錢籙石侍郎良齋疊石

爲山徵學力護花張幕具癡心親人魚亦知余樂得食

禽多遺世音永日垂簾觀史事細將往古揆來今時爲夫子校嚴衍資治通鑑補

讀書原不近浮名假我牙籤擁百城天地自來如逆旅

主賓何用太分明清晨抱研臨池洗良夜移杯就月明

物理每從閒處悟直將無事證無生

村居雜感

辛酉春仲避地鷺湖閒居寡侶憂從中來懷人

大瓠堂詩錄卷七

傷事時一搖筆悲歌當泣輒喚奈何語無倫次

題曰雜感

楊叛兒傳樂府謳雄城竊踞幾經秋赤眉思作無愁帝

黔首求封不義侯披髮搏膺如大厲含沙射影有陰謀

樓船王濬今誰是何日降旛出石頭

落日蘇臺弔國殤楚人一炬了咸陽鼓聲悽咽三更雨

樓閣寒銷萬瓦霜帳下健兒捉生將軍中校尉發邱郎

圖書競割成帷蓋見後漢書儒林傳敘文獻東南此替亡

七年守望竟如何壯士誰揮返日戈市上麇頭貂尾續

眼中羊質虎皮多練長都尋常羌管嚴城起咫尺戎衣

狹巷過忽報西門烽警逼一時齊唱董逃歌

紛紛趨利請長纓張祿驅車改姓行失足甘隨狐火燭

掉頭卽識狗屠輕曾聞黃祖誅名士秋士先生被賊忍使紅兒

嫁老兵無限感時傷事淚江南賦續庾蘭成

聞道將軍正出師

詔書新調羽林兒咬金福相臣民賴嚼鐵威名草木知

雷動南方遲掃蕩星拱北極費支持中原互市開嚴禁

滿目瘡痍困漏卮傳聞僧親王統兵南下中路折回

鷺湖萬頃浪花青清濁疇能別渭涇令下算緡忙駟儈

書成驟稅扼津亭田園擇地耕何處干戚刑天舞未停

大瓠堂詩錄卷七

皤腹華元民望繫相期邊寇勒班銘秋秋大令軀腹甚偉

欲憑夷力保吳淞元老真能大度容匝地蠻花與浩劫

竟天蜃霧幻千重銳頭兒至誰堪敵着翅人來寇避鋒

頽利成擒他日事好修舊壘問山松

一領荷衫漬淚痕眼中羣盜滿乾坤蠲租有

詔皇仁博擁甲無聲將氣尊黑霧未看消四海黃河難

障決中原布衣若許陳時事竟着麻鞋叩

帝閭

天涯音信幾時通思舊山陽笛愴風高士南州今宿草

舅氏徐詩人北郭久飄蓬愛才心熱空千古知已恩深

180 冊 745

82

感數公清如若生諸老一事窮途堪告慰素衣幸未受塵蒙

折檻遺風是我師通家孔李十年知朱筱瀛忠臣死傍

要離墓循吏誰營朱邑祠文字五千雲過眼孤寒八百

淚如絲難兄飄泊今何處想見看雲苦憶時清中翰

擔糞拖泥力不勝馮先生本客無能詩懷綺麗貧來減

生計艱難亂後增未肯干時隨熱子每思出世作枯僧

詞壇島佛悲長逝景德空傳一盞燈間覺公師已示寂于衡山

羅含舊宅滿蒿萊瓠史匏尊盡劫灰趙禮閒關刀上赦

杜陵辛苦賊中來功名早悟黃梁枕身世長宜濁酒杯

多事十年藏傲帚敢云覆瓿太元災

大瓠堂詩錄卷七

五

觀自得齋徐氏校刊

那堪多病獨登臨極目江關暮色沈滄海無家車上歎

仙源有路夢中尋仲升投筆非吾願越石吹笳感此心

醉後側身天地窄阮生痛哭屈平吟

九死猶存老大身板輿權駐奉衰親依人王粲成殘客

避世君公署隱民昨歲客虞山處園城涕淚縱橫催白

髮溪山憔悴奈芳春荒村未是神仙窟寄語桃花謝道

真武陵漁人名黃道真見陶元亮後搜神記

鷺湖書感

到此餘生且暫延消愁何處借殘編藏山箸述歸前輩

華國文章讓少年老大自慙無一得流離頻歎俟三遷

那堪蓬鬢修奇服蹈海明當學魯連

閨中秋同貝无咎青喬石梅孫渠兩文作

登臨何處庾公樓如水良宵蕩客愁亂世潔躬真隱士

幾人爛胃濫封侯黃楊運厄偏逢閨白髮痕新易怯秋

舉足別尋乾淨土他鄉信美漫淹留

滬上雜感二首

三載形同縮項鰻乘槎末路學張騫冬郎綺麗詩懷盡

夏甫蕭閒隱操堅卻笑市兒工說鬼得參蠻府詔登仙

金銀氣短丸泥塞一角真成大漏天

形勝居然壯海隅彈丸富庶甲三吳尋春客似迷香蝶

大瓠堂詩錄卷七

六

觀自得齋徐氏校刊

避地人成逐臭夫柔遠已聞頒大詔流亡誰見獻新圖

蒼茫瓊帳森嚴壘願此繁華亦可吁

滬上師林禪寓喜晤悅巖上人真照

握手申江洵夙因五年魂夢隔兵塵重開佛屋名依舊

百變人情事斬新師林主僧建中賃巨室於百花里禪

甚盛東野自傷詩骨瘦南能轉覺道心真師門回首無

窮感方外論交爾倍親

喜聞吳城收復

隆冬雨雪滿關河橫海平吳奏凱歌入蔡論功推李愬

過江疆理望夷吾荒郊滅竈飢鴻竄僻巷叢祠逸獸多

自是太平欣有象安排善政召民和

初度述懷

閒心不受利名牽鍊出冰霜傲骨堅誕後田文剛二日  
壽逾顏子已三年自經浩劫渾忘世留得餘生合聽天  
少許雙弓餐久慣何須奔走乞人憐

會稽唐乙笙茂才

福履

賣字皋橋邂逅賦贈

買賦量金久寂寥竭來賃庶伯通橋柯亭誰賞奇音竹  
吳市初吹乞食簫倒屣不勞題鳳返論文已是阿龍超  
窮途應作唐衢哭長物盛詩賸舊瓢

唐山人詩瓢見計  
有功唐詩紀事

移居華陽破樓作二首

大瓠堂詩錄卷七

七

觀自得齋  
徐氏校刊

道北斜開白板扉三椽屋小客來稀樓前遙遠山無樹  
舍後萋菲棘刺衣看蠟阮家幾兩屐新排樂府九張機  
荒寒景物憑誰賞付與昏鴉自在飛

門前屐肆樓下  
排機後多廢地

軋軋機聲比舍勞深閨燈火色絲繅宵寒厭說吳均餅  
節近難題禹錫糕倦世已甘飛退鷄論詩不耐嚼空螯

食單那用門生議菽乳登盤饜老饕

比屋丁男織絹婦  
女繅絲市肆寂寥

食品惟麥餌菽乳余  
以病齒思粉糕不得

茶磨山人曰隸事  
典切非名家不能

贈鎮洋柴伯廉孝廉

文杰

風塵誰覓孝廉船暫假叢祠屋半椽囊橐蕭條聊爾爾

煙雲供養自年年

晴阿芙蓉

詩情坡老兼涪老書法張顛更

米顛擬向仙人借蓑笠與君同釣五湖邊

寓元妙觀蓑  
衣真人祠

庚午感事二首

白虹何事犯中台劫後民和豈未培遺疏忽聞來歎刺  
微嫌誤黜曲端才挾眸碧眼胡兒過革面紅衣海船廻  
擊壤堯夫無限感天津橋上苦低徊

津門形勝近天都刮目金篦事有無漫說遠人懷德化  
暗將陰教蠱庸愚揭竿赤子情胥憤鼓亂齊民法必誅  
算罷通盤擒縱易羈縻元老定良謨

和鹽城秀才江

淮錦

湖田災民厥壁題詩原韻卽

大瓠堂詩錄卷七

八

觀自得齋  
徐氏校刊

東在事諸君

二首  
錄一

文采風流是我師時慙綺客鄭當時十年讀破書千卷  
五色家傳筆一枝未必此君長寂寞寄聲諸老好扶持  
從今濠濮期相賞倘許莊周友惠施

題董十三大令城西舊墅圖

咸豐初下榻墅中爲賦不窺園十詠存集中庚  
申之變君東歸後道梗音塞庚午夏喜來過訪  
出示是圖上有慈西徐柳泉孝廉

時棟

補書余

十詠覽之不勝今昔聚散之感於其將歸賦此

贈別

瀟灑園亭畫掩門芳時曾共倒清尊十年闊別吾將老  
半世知音爾獨存廣厦志灰新劫火短箋圖寫舊巢痕  
吳頭越角三千里此後頻勞入夢魂

四十述懷四首

滿地蓬蒿一徑通草堂隨處着盧鴻長貧不免酸寒態  
孤介彌慙隱逸風老覺性靈詩格淡身經喪亂物情空  
觀河面皺增惆悵四十年華凍餓中

早悟浮雲富貴輕胸無得失夢常清少年誤我親風雅  
末路依人困甲兵杜甫憂時詩是史劉伶傲世酒爲名  
比來結習銷磨盡一片閒心止水平

大瓠堂詩錄卷七

九

觀自得齋  
徐氏校刊

生計曾無二頃田煙雲養志自年年買書空羨王齊萬  
植品深慙員半千蘭爲芬芳招俗忌樗因擁腫獲天全  
飢來恥貸監河粟混跡風塵肯受憐  
忍飢兀坐亂書堆雙扇柴扉晝不開儘有心懷虛似竹  
未妨骨相冷于梅驕人貧賤終非哲干祿文章豈是才  
與世無爭機靜息階前魚鳥漫疑猜

感興四首

少許雙弓米慣餐沈郎漸覺帶圍寬有妻直欲桶中立  
無計嘗從壁上觀幾處管絃喧夜宴隔鄰櫻筍薦新盤  
心如止水聞根淨一卷陶詩倚枕看

瑯琊絕口不言錢及物才疏隱操堅半世事存盈寸稿  
全家耕乏數弓田病餘誤作餐霞客糧盡思尋煮石仙  
同是無兒兄又死可堪哀樂逼中年

早悟浮生水上漚事堪休處且宜休利名擾擾營青塚  
霜露年年釀白頭自分散材成棄物何須良藥覓封侯  
此心與世渾無競汎汎真同不繫舟

儒林隱逸兩無成天與高寒忤俗情敢爲困窮輕易操  
自經離亂併忘名愁中白髮添新鬢畫裡青山負舊盟  
未悔蹉跎猶兀傲只應寂寞過殘生

新塘晚眺

大瓠堂詩錄卷七

十

觀自得齋  
徐氏校刊

石橋茅屋逐溪斜成壘無兵止暮雅收網婦歸漁父艇  
提壺客過酒人家臨流楊柳碧於水映日芰荷紅似霞  
滿目詩情吟未盡松棚且試一甌茶

閒居卽事二首

百尺高樓半畝庭日長煎水讀茶經欲留蒼蘚徑常沒  
貪納翠嵐窗不扇物理每從閒處悟蟬聲偏愛靜中聽  
階前花木間千色鴨腳葵黃桐樹青

風過殘荷葉有香竹牀把卷引壺觴人言顏子貧能樂  
自笑師丹老善忘高樹蟬聲鳴得意深宵螢火炫微光  
葛衣一領常遮體習靜虛窗晝亦涼

西郊偶步

經月閉門遊未曾與來散步挈吟朋日斜人影長過岸  
花落水紋圓似晉提榼隴頭來饒婦支笻樹杪見歸僧  
淡旬霏雨倘無害穉穉眼前黃滿腔

辛未西郊書感

時清笳吹近城鳴大道朱樓管送迎兵後人家亡舊業  
燼餘廬舍起新營艱難未改奢華俗歌舞方開演習名  
亟罷繭絲資保障民蘇猶待十年耕時以民房廢基築  
營駐兵城外初設  
戲園招帖以演習為名

舟行即日

大瓠堂詩錄卷七

二

觀自得齋  
徐氏校刊

野渡無梁繫艇斜垂楊深掩酒人家一湖蘆荻響殘雨  
十里芰荷香始花疊疊涼波翹浴鷺荒荒餘景送歸雅  
長年濯足船頭臥遙聽津亭戍鼓過

吳君玉堂

來從余遊投詩為贄依韻酬之

吳體於今見嫡支不才何敢作君師識塗老馬能無誤  
攻玉他山別有資奮志蘇洵勤向學中年高適力求詩  
由來大器成多晚旗鼓終當騁一時

郊居雜興二首

弟子行中半老蒼西郊自闢讀書堂公超居畔新成市  
通德門前乍置鄉余於日堤之右購廢地為新街應世  
名通惠里今兩旁盡成廛肆矣

無才何敢傲立身甯狷不能狂黃昏閉戶吟初倦兀兀  
三杯引睡方

草堂喜對遠山青一室書聲袖手聽載酒侯生頻問字  
下帷董子只研經抽閒課獨澆花藥漫興詩多寫性靈  
我自無能聊養拙莫教人誤少微星

家志千茂才

傳駿  
輓詞

摧殘玉樹嘆吾宗錦瑟年華藻思穠年二不肯華門為  
伏驥纔臨藥店即飛龍今春之滬上設  
藥肆旋以療歸獨憐親老何堪  
死若論人才未易逢問字比來頻過我元亭從此斷芳  
蹤

大瓠堂詩錄卷七

三

觀自得齋  
徐氏校刊

雉飛牧犢恨難禁一棹申江病便深地下瑟琴應竝奏  
聘室人閒笙磬失同音君弟九鵬擗小展摩天翮烏哺長  
先卒埋愛日心自古彭殤都是命西河何必涕沾襟

程仰蘇茂才

鑣以滄浪亭懷古詩索和

幾番瓦礫換樓臺岸柳池荷劫後栽官紙娛賓憐小過  
漢書下酒識奇才於今僻壤成名勝在昔扁舟屢往迴  
濯足濯纓皆自取憑欄觀水獨低徊

溪山小隱圖四首

如此谿山小隱宜蕭閒且喜脫塵羈四時風月常為主  
滿目雲煙只自怡掃石題名來白傳作圖買絹倩王維

知君老具登臨興濟勝年年力不疲

卜宅山陲復水隈夕陽金碧畫圖開當門好種先生柳

繞屋宜栽處土梅花隲支節鄰叟話板橋載酒故人來

眼前要使生機滿三徑何須闢草萊

衣食粗堪給一生如君真可謝浮名計然貨殖皆經濟

仲統邱樊本性情舉世共為牛馬走此心早與鷺鷥盟

幽居占盡林泉福寵辱無驚夢自清

勞生似我愧蹉跎欲買溪山奈老何角藝故人黃土在

從游弟子白頭多十年作客朝磨劍百日圍城夜枕戈

只好借君圖畫住安排雨笠并煙蓑

大瓠堂詩錄卷七

十三

觀自得齋  
徐氏校刊

即日

秋後山光翠未凋煙中清磬寺門遙羣鳩呼婦飛投樹

一犬迎人吠過橋淺水蘆磯漁網曬夕陽茅店酒旗飄

作圖縱有勾龍爽暝色空濛豈易描

重校覺公師通隱堂稿

遣詩重展戒香薰冰雪聰明謝俗氛凝父骨清身學佛

南村性僻食除葷偶登節院逢知已一戰文場即冠軍

回首師門無恨感溪梅憔悴冷斜曛

丁丑除夜飲罷口占

團圓餞歲又開筵草草勞人鬢欲顛春到探須三日後

正月初兒生恨不十年前八月三十生未消殘雪還盈地無

告哀鴻正滿天澤物才疏終自愧屠蘇飲罷曲肱眠

涼風併力作秋聲孤館懷人夢不成空手出來無壯士

窮途幾見有高名閒尋舊雨親杯杓偶賦新詩寫性情

老我頽唐才已盡擅場從此讓吳生

感成二首

年來已作病維摩氣短難為斫地歌上竹鮎魚行不進

飲河鼯鼠飽無多文工世忌矜鸚鵡識淺人譏見駱駝

轉瞬春風吹歲改翁名便可借東坡

大瓠堂詩錄卷七

十四

觀自得齋  
徐氏校刊

典盡春衣嬾出門梅花開遍隔溪村綺懷少日冰同冷

布被多年鐵不溫數到故交餘幾在刪來舊稿半難存

欲教生意窗前滿分得菖蒲浸瓦盆

紀夢

夢至一山峙大海中煙水蒼茫無際樓宇浸月

空明如玉恍惚閒一叟顧余笑日子知前身為

此山大光明佛右座弟子乎余謝不敏且詢大

光明佛何人曰信公耳在宋為丞相隨指殿塔

一僧曰是即左座無礙尊者道侶已在汝亦當

來余視之短軀微髭酷似故人吳農部其幻夢

不足憑耶抑前因果有在耶詩以誌之

兜率蓉城事有無前緣香火未全孤竹鮎生計行偏拙  
蕉鹿功名想亦愚塵世定難容傲骨仙山應不棄狂夫  
卅年一覺遠夢到底周乎是蝶乎

秋夜詩隱巢作

石牀風過響琴絃叢竹娟娟瘦可憐古砌宵深蟲咽露  
疏林葉盡鳥棲煙半庭寒氣侵簾入一枕秋聲蹋壁眠  
進德未能雙鬢老蹉跎又負菊花天

周昀叔都轉禪房聯句圖

作兩人對坐象一為張南尹太守一即都轉旁

大瓠堂詩錄卷七

圭

觀自得齋  
徐氏校刊

一童子垂頭睡

何妨彌勒暫同龕澀體詩宜險韻探興到倡予還和汝  
座中周北與張南篝燈近佛光常定簾月窺人冷不堪  
夜半蟲吟獨悽苦垂頭童子睡方酣

庚申四月吳城難作婁縣黃秋士先生偕其子遇

賊死一女掠賣至滬入大腳桂芳女菊部為伶後

數年應敏齋方伯寶時備兵滬上捐二百金贖之

歸屬周存伯大令為擇配任涓長上舍熊之猶子

事詳齊玉谿丈見聞隨筆

名父千秋弔國殤飄零弱息舞霓裳風前絮墮將誰訴

曙後星孤祇自傷肯擲黃金歸蔡女得教紫玉配韓郎  
繡衣高義憐朋舊地下知應泣數行

和皋蘭吳柳堂侍御可讀絕命詞原韻

浩氣長留一疏中千秋人共鑒孤忠力持大計迴天聽  
願畢微生殉地宮絕命題詩今不朽成仁創格古無同  
遙知陵樹蔥蘢外墓草如葵總向東

為程仰蘇題其室李穠如華金石山房遺稿二首

其命文禽一昔離從來艷福少脩期玉臺分詠妻兼友  
璇閣傳經堦作師撫息何堪同栗里營齋有待似微之  
悼亡情較安仁重遺稿先刊卅首詩

大瓠堂詩錄卷七

六

觀自得齋  
徐氏校刊

掃眉才子擅瑤章錦瑟絃摧命不長結想欲求懷夢草  
遺編忍讀返生香返生香葉小七年雪幸程門立一夜  
風憐李樹僵凶讖先吟腸斷句殮時始着嫁衣裳

又二首

好將絮果證枯禪人去堂空月罷圓七載德容馳雅譽  
三生翰墨締良緣工吟道蘊夫難逮講學宣文稿不傳  
持比若非年太促便應全美一身專

蘆簾紙閣一燈寒辛苦同餐苜蓿盤求艾喜纔除堦疾  
徵蘭恨未博親歡奇麗幸事程知節放誕羞稱李易安  
自歎不如金石永故留遺箸與人看



舟夜

祇爲尋秋特地忙西風斷岸泊輕航疏林病葉經霜赤  
古寺斜陽染壁黃憂思慣能磨壯志津梁倦亦到空王  
宵來何物驚塵夢窅堵波頭替戾岡

漫成

荷衣芰帶貌清臞壯不如人老故吾游倦盡消湖海氣  
才疏難入利名途年華赴壑蛇餘尾辛苦銜泥燕哺雛  
日暮過橋謀薄醉兩三近局會黃鱸

白荷花

肯將濃艷比朝霞縱出淤泥潔可誇姑射神人膚似雪  
凌波仙子玉無瑕一溪秋水三更月祇送清香不見花  
有客憑欄看脈脈年來鬢亦染霜華

小閣

風吹乾葉響疏林小閣新寒夜色侵隄畔柳絲增病態  
牆陰蛩語訴秋心人生百事看都幻世故頻年閱已深  
惟有眼前一杯酒醉來容我發高吟

秋雨

蕭颯西風九月天淋漓翻雨響檐前滴殘蕉葉秋聲碎  
洗出黃花晚節堅淺沼涼添三尺水遙山暝合一村煙  
有人危坐鐙昏夜讀罷南華第幾篇

石湖望茶磨山

劫後支筇望翠微橋頭壞壁認依稀山家雲自牖閒出  
漁艇浪從蓬背飛文穆祠荒碑漫漶海潮菴古草萋菲  
當年載得小紅去湖上簫聲今已希

清明

清明細雨濕輕埃游興提壺鳥屢催僮背囊詩修禊返  
船脣插柳上河回樓臺金碧開圖畫經濟山林見別裁  
行盡白公隄七里荒祠誰與闢蒿萊

留園小飲

壞壁斜陽作淺紅孤蟬吟上最高桐預思捲幔迎秋燕  
何苦將冰語夏蟲階薛潤催連夜雨池荷香送一樓風  
碧筩杯泛新醅綠卽事成詩醉未工

原韻和人夏日禱興四首

翠苔爲網樹爲樞架上書多境不窮堤柳蔭逾前日綠  
池荷花學晚霞紅遙情遮莫起塵外高士端宜隱竹中  
沈李浮瓜聊自遣南皮徒仰建安風  
嘉賓久斷屐聲臨獨枕殘編臥綠陰庭爲竹多無暑到  
居因市遠絕塵侵晴蝸篆古書緣壁濁酒痕新碗滿襟  
自歎蹉跎成棄物煙霞痼疾卅年深  
亂蛙聲裡長青菰忽又田園景物殊屋漏待牽蘿以補

客來聊藉酒爲娛  
荔支味俊籠由越  
蓴菜香清品擅吳  
浴罷倚筇門外望  
野塘鷺鴨解相呼

欲道炎威晝正長  
水邊籬下且追涼  
竟思赤腳層冰踏

亟遣平頭大扇颺  
但得身閒貧亦樂  
果然心靜暑能忘

郊居別築通幽徑  
近接昌亭七里塘  
余於同治己巳創  
闢通惠新里於山

唐之右好事者爲  
余築詩隱巢以居

題兩當軒集

千秋山谷有詩孫  
桂未谷曾貽以山  
谷詩孫舊銅印絕代奇才世共尊

萬里舟車常載病  
廿年花月易銷魂  
生前早著黃童譽

畫裡新添白髮痕  
仲則年止三十餘  
今卷首畫像難得  
乃一長壽翁宜廬  
山真面目哉

大瓠堂詩錄卷七

七

觀自得齋  
徐氏校刊

深閨賢裔婦重刊  
遺集使長存  
此本其孫婦  
吳氏新刊

書懷

老悟浮生百事虛  
危機未蹈幸安居  
行藏倦鳥投林後

歲月修蛇赴壑餘  
每恨無田難學稼  
自憐有子不知書

拔釵謀婦先營醉  
莫問瓶中隔宿儲

偶成

老能省事心常逸  
貧欲求人品已低  
早悟盈虛皆有定

從來物我本難齊  
十年樹剪全無葉  
一卷詩存半闕題

終日閉關惟寂坐  
晚尋酒伴過橋西

中秋夜獨酌懷關中諸同社

孤坐頻傾酒滿卮  
涼風颯颯月遲遲  
瓊樓高處寒今夕  
畫舫清遊憶昔時  
垂老光陰蛇赴壑  
漸衰情緒繭抽絲  
遙思鎖院諸同學  
幾輩文成幼婦辭

大瓠堂詩錄卷七

七

觀自得齋  
徐氏校刊

光緒十有七年歲在辛卯孟冬月石埭徐士愷新校刊  
大瓠堂詩錄卷七終

大瓠堂詩錄卷八

元和 孫 周 則莊

五言絕句

不窺園十詠爲董十三大令賦

學易堂

晨起坐堂中披鶴筆焚鑪香挾羲畫之微契

參同之旨神清體閒儼然一幅滴露研朱圖

也

盥露蕪異香晨窗展周易端策布六爻幽人履貞吉

賞奇軒

大瓠堂詩錄卷八

十一

觀自得齋 徐氏校刊

北窗之下容兩榻許酒盞茗椀陳設錯雜二

三知己抗顏促膝作惠莊問答藉以消遣世

慮陶然樂也

高人陶泉明歸來卜其宅日與劉柴桑一卷評冰雪

留詩廊

迤邐通賞奇軒隨地勢高下作曲尺形看竹

客來不問主人留詩而返翠墨淋漓滿壁與

梧門詩龕倉山詩城同一韻事

主人看花去空廊閉綠苔歸見壁上詩知是子猷來

度鶴梁

跨池駕石以通鶴步當秋清夜靜扶筇獨行

明月皎空鶴影在水清唳一聲音振林樾葉

颼颼落詩思又在商徵閒矣

溪深不可渡一石當空橫秋來落葉積老鶴行有聲

洗研池

臨流洗研墨花一痕圓浮水面漸漸入無遊

魚兩三日久色黑牽荇帶藻啜啖而來悠然

有濠濮閒趣

臨池興初罷抱研滌芳泚墨花濃於雲因風蕩爲水

秋爽亭

大瓠堂詩錄卷八

二

觀自得齋 徐氏校刊

由留詩廊過度鶴梁有亭翼然榜曰秋爽爲

海嶽翁書四圍作矮檻容一石几兩磁礮主

人與客對坐其中秋涼雲淨爽氣撲人眉宇

亭外都叢蕉一綠無際倚檻微吟得句卽書

葉上若夜闌夢醒疏雨乍來聞窗外瑟瑟有

聲則洗盡舊題詩矣

一夜風雨喧曉起生秋涼空亭爽氣多濕翠霑衣裳

髯蘇石

高與人等兀立庭角矯首作指畫狀修髯古

貌疑玉局翁攜朝雲渡海時也

披仙去千載遺蛻化爲石一代詩中豪肅拜具袍笏

二十四番花館

在學易堂西位置方雅結構精絕遍植眾芳

應時遞豔若夫碧桃乍殘紅藥方歇則荼蘼

一架脈脈吐香興至立層石攀嫩條仿徐熙

折枝圖商略作瓶供恍如身處十洲三島不

復知人間世矣

景物換逐時芳菲媚幽獨肥瘦各自妍春蘭共秋菊

小翰墨林

花館之右廣屋一椽以木厨作四壁藏書其

大瓠堂詩錄卷八

三

觀自得齋  
孫氏校刊

中丹黃甲乙紛紜滿目明誠金石米家書畫

兼擅之矣

藏書三萬卷插架復鑿楹糟粕棄不用一吸窮精英

養花斗室

主人好盆花冬月貯室中不令風損蓋藏嬌

金屋也春暖則移列庭下攜酌就賞濃露方

滋嫩日薄映如美人出浴香汗未晞須臾月

上煙生主人徑醉而花亦沈沈睡去矣

各花如美人常遭造物妒爲築避風臺莫任風吹去

覺阿日十詠詩既清妙小序覺  
尤冷馬如山泉極品耐人尋味

遠別二首

遠別正當春樓頭柳色新出門無一語回首看衰親

風葉作離聲蕭然客獨行多情故山月常向馬頭明

偶得三首

鏡搖光不燭水激物難鑑惟靜理自明萬象鏡中現

鏡定光不疲山靜壽無斃不見風中鏡未明膏已竭

水以淡不變木惟靜故久吾聞尼父言旨哉仁者壽

有感

四時恆代謝逝者已如斯一物羈難住方知貪卽癡

題畫五首

太瓠堂詩錄卷八

四

觀自得齋  
孫氏校刊

絲柳碧于水天桃紅似霞幽人讀書處茆屋枕溪斜

微茫煙水閒羣鷺忽飛起扁舟蓑笠翁搖入蘆花裡

山暝雨將至萬木鳴刁刁一犬出迎吠提壺人過橋

茅齋青竹籬坐與寒江對樹杪一帆飛濛濛雨絲外

模糊沒骨山杖屨不了樹茅屋水之涯少個幽人住

馮蓮槎茂才慙畫桃源外景於扇頭以贈率題一

截句

夾岸桃千樹中含太古情漁人入山去洞口一舟橫

六言絕句

題村居壁時避地  
鷺湖

借三間屋權住無半畝田可耘此地茂林修竹其人青  
山白雲  
畫無根蘭數幅荷帶葉柴一肩王郎悲歌斫地屈子離  
憂問天

雜言八首

題門不逢叔夜賃庶難覓伯通且復寄人籬下胡爲入  
我禪中  
牆外天桃灼灼溪邊絲柳毵毵讀書不求甚解飲酒但  
愛微酣

大孤堂詩錄卷八

五

觀自得齋  
徐氏校刊

老茅檐

南昌亭妻蓐食樓桑邱嫂轆羹一樣英雄失路千秋婦  
女同情

搗鼓殺身非哲叩門乞食堪哀能貧亦須清福善罵終  
是奇才

農丈人收十斛村夫子讀五車才多苟吝曷貴道在雖  
貧亦娛

犀首不妨耽飲虎頭未必真癡當時既無知者後世定  
有好之

盛世當如清獻危時須學文山身與漁樵爲侶神遊伯

仲之間

七言絕句

通濟菴拜徐元歎畫像呈覺阿師三首

遙企高風渺白雲禪房徒此挹清芬他時重泛西溪棹  
載酒來尋松下墳

高人去後一菴荒殘券猶傳墨數行記得琴東蔣楊柳  
題詩曾向贊公房

落木菴券藏葑溪海會菴昭文  
蔣霞竹山人曾見之有詩紀事

青衫脫去俗緣輕閒與梅花結靜盟一樣孤高同出處  
瓣香只合奉先生

卽目

大孤堂詩錄卷八

六

觀自得齋  
徐氏校刊

一鈎新月水連空玉笛誰家忽朔風隔岸小樓簾未下  
鏡光紅到客愁中

許太眉  
曰妙

過韋君繡丈 光載 鷺湖村居

午風輕裊藥爐煙齷齪情懷廢簡編同是無家離亂客  
那堪君在就衰年

泊石湖望湖心亭舊址

扁舟斜繫釣臺邊千頃湖光盪暮煙荒翠頰紅秋一段  
老漁閒話太平年

過朱西生先生 綴 小菱蘆館

昔日先生著書處今來憑弔感蒼涼空亭一角人不見  
衰柳帶秋搖夕陽

吳清如日頗似  
知止堂詩筆

葉小鸞眉子硯為王佛雲司馬壽邁題三首

端州片石即貞碑珍重鐫題待付誰鸚鵡有情應淚滴

當年未與寫新眉

曇花見影太無憑遺物摩挲恨不勝一樣謝家工詠絮

何因白髮守青燈

寂寞汾湖土一堆白楊無樹野棠開瑯琊司馬多情甚

捐俸曾勞葺墓來司馬前宰吳江修小  
墓繪汾湖尋墓圖

大瓠堂詩錄卷八

七

親自得齋  
徐氏校刊

早起偶得

詩夢如煙墮水村前溪夜雨長新痕曉來聊展一編坐

無數亂峯青到門

孫賓華曰清  
脆如白石翁

計甫草缺角硯為王硯農徵君之佐題三首

摩挲不數永安碑片石曾經伴計然當日名居朱十後

故應先讓著書傳聞湖計氏有吳永安六年計氏造磚  
曝書亭著書硯近藏秀水方蓮卿家

箸述千秋石不磨長安遊倦臥巖阿未隨諸老登詞苑

世事由來缺陷多

拓本徵題手自摹感恩鸚鵡淚應枯徵君好古今誰比

更憶溪陽謁墓圖計驥伯丈曾修先生  
墓繪有溪陽謁墓圖

山中訪友不值

策杖行旃上翠微白雲深處扣柴扉美人不見碧天暮

幽鳥一聲花亂飛

秀水于辛伯先生源南湖柳隱圖三首

琴東墨妙繼鴻臚畫到垂楊筆太疏添箇漁莊近裴島

一湖煙雨釣詩初圖蔣霞  
竹丈作

獨開鐵網珊瑚西浙風騷隻手扶詩派平生繼朱十

頭銜合署釣魚徒有小印曰小  
長蘆釣魚徒

煙雨三春金萬絲東風二月雪千枝南湖居士西溪衲

大瓠堂詩錄卷八

八

親自得齋  
徐氏校刊

柳隱梅癡擅一時南湖煙雨西溪雪柳隱  
梅癡我與君覺公題句

唐花

爛漫無須羯鼓摧雪中先使一枝開瓷盆作供初離窰

富貴原從熱處來

王雪軒方伯有齡盟鷗圖二首

正是賢豪報國時頻年練饒濟雄師肯如疏嬾天隨子

便着紅衣理釣絲

閒心早共白鷗盟無那江天浪未平莫怪磯頭漁具少

會須赤手掣長鯨

供梅

巖谷高人自孤冷文章老手易橫斜一枝插向生塵甌  
絕稱荒寒處士家

七哀詩

年來騷壇耆舊相繼凋謝扶持風雅獎植後進  
從此渺人已感歎不足各弔一詩

嘉興張叔未解元 廷濟

驚心摧折魯靈光壇坵禾中孰主張我欲招魂吟楚些  
一庭風雨泣新篁 居新篁里

嘉善黃霽青太守 安濤

投紱歸來箸述忙晚年傳字未能忘 嘗言此心忡忡惟一傳字放不下  
大瓠堂詩錄卷八 九 觀自得齋

自從錢 籀 蔣 春 風流歇遠替漁師有硬黃 有小印曰硬黃

婁縣姚春木上舍 椿

清門公子鬢婆娑壇坵東南失老坡遺稿他時重訂校  
可憐無地覓毛何 先生已巳以前詩為毛生甫何書田所定

順德張雲巢都轉 青選

丹山雛鳳各風流結隱牆東近五秋垂老翻然騎鶴去  
騷人原合死揚州 道光丙午居吳與余對戶後遷揚州卒

吳縣潘功甫舍人 曾沂

愛向人前說項斯深山有客感恩私風尖月細迢迢夜  
吟煞西湖秋柳詞 小紅一去笙歌歇月細風尖水磨頭舍人西湖秋柳詞句為吳牧菴所賞

海昌楊芸士明經 文藻

文章經濟兩稱賢撒手還歸兜率天湖海才名動卿相  
繼翁畢竟有斜川 長君柯亭司訓

吳縣黃同叔徵君 壽鳳

少日清才繼名父江湖陳起萬人傳可憐從此風流盡  
百宋何人守一廬 君有書肆曰滂喜園百宋一廬尊甫堯圃主政藏宋書處

敬觀先侍郎樹峯公遺墨

宮中操管侍

君王手澤猶傳字幾行展卷不禁懷往事圖書零落墨  
雲堂 先侍郎賜第在郡城過駕橋中有章廟御書五額墨雲堂其一也

大瓠堂詩錄卷八 一 觀自得齋

定海藍樂人少尉 居中 天平山看紅葉圖三首

振衣直上白雲巔楓葉經霜色倍妍絕似尋詩狂杜牧  
停車閒坐晚霞邊

滿林丹赭染初勻卽是芳菲媚早春老境文章深蘊釀  
獨於冷處見精神

烽火頻傳警滿山諸君清興未全刪有人老眼迷離甚  
疑是橫江戰血殷 山陰魯嶺仙題云老夫疑是橫江血不敢停車子細看

題錢塘戴醕士侍郎 熙 畫山水二首

鼠尾釘頭皴遠山石梁添寫水潺潺一林黃葉半閒屋  
想有幽人此閉關

前代泉唐戴文進亦將渲染奉宣宗藝林一樣推能事

何似先生位遇隆明錢塘戴進以畫事宣宗侍宣廟

沈石田松石水仙障子

筆致頽唐出暮年歲寒盟約石同堅大夫冷抱冬心臥

尚有餘情傍水仙

呈葉茗生丈廷瑄二首

朋舊詩多手自編秦嘉徐淑竝稱賢微雲女婿今垂白

頤道堂空二十年丈陳雲

檮櫟那堪勞拂拭如公古道近時稀人間多少憐才客

青眼何曾到布衣

大瓠堂詩錄卷八

十一

觀自得齋徐氏校刊

吳清如

周存伯大令開寓壁任渭長上舍熊畫退之贈玉

川詩意二首

畫出荒寒處士家昌黎詩句劇聲牙簷前一婢老無齒

破扇慢搖蹲煮茶

人物瓌奇陳老蓮童年畫壁抗前賢誰知韓幹成名日

曾費王家二萬錢謂秋士

同周太守許徵君遊拂水巖作二首

萬斛寒珠濺寺門秋風紅豆已無存多情只有垂垂柳

猶自啼煙感舊恩

山上蘼蕪一色新絳雲樓閣總成塵憐他小草如松勁  
偏作尙書傳裡人

觀常熟王君朝忠書細字二事

一以瓜子仁書王子安滕王閣序一以粒麻書

中庸今夫天一節

點畫精微筆似芒粒麻能寫十三行江南野史誇應用

不及瑯琊大道王江南野史載應用能於粒麻上書國

圍城雜詩十首

詞壇老將解從戎慷慨登陣意氣雄帳下懸金酬死士

毀家真有古人風文之師方自江

大瓠堂詩錄卷八

三

觀自得齋徐氏校刊

力保孤城四月餘無兵無饟欲何如漫誇肘後纍纍印

郡縣東南已盡墟蘇常郡邑海虞僅存

出出嘻嘻聲滿天白雲親舍隔烽煙絕裾温嶠無窮恨

白髮飄零何處邊二月初杭城警逼余辭母赴常迨省

月餘始

青竹籬笆白板扉虎邱花市有幽棲何時眼見銷金甲

歸去依然老布衣

衙齋客散陣雲深磨盾中宵淚滿襟處此圍城非有望

將軍那識魯連心上游告警幕客星散

書生無計報明時討賊惟存筆一枝肯與睢陽增氣色



愛他南入是男兒

揭竿起義各紛紛兩旅威名迴不羣子弟八千齊虎拜

白衣隊主洵能軍各鄉團惟永昌蕩口二隊獨勝

饑渴兼旬力已殫孤城斗大守偏難幾回枉作干言札

辛苦援師望賀蘭師屢囑余草檄乞援於上游諸大帥

一軍孤注泣沙蟲血染琴河草色紅馬革聊酬知己感

屠沽畢竟有英雄西鄉徐浩力戰死

臨危數輩豹皮留青史垂名可強求熱血滿腔無處灑

國殤也得幾生修

村居見燕子有感二首

大瓠堂詩錄卷八

三

觀自得齋徐氏校刊

呢喃歸燕語還飛金粉南朝事已非狹巷短兵相接後

那堪重問舊烏衣

荒村茅屋半欹斜巢幕艱危我自嗟問爾雙棲定何許

尋常百姓已無家

辛酉九日

叢菊清霜漬淚痕江村風物易銷魂頻搔短髮防吹帽

兩度登高怕出門余匿跡荒村以髮短故不敢出戶庭者兩載矣

早起即目

曉風料峭動簾波煙樹模糊似薺多欵乃一聲人不見

霧中知有釣船過

懷人絕句十六首

吳縣吳清如先生

早擅詩名七子中見贈愛才不愧古人風酒樓良宴猶

能記何日重逢白石翁丁巳冬酒樓贈歌有世間不少順陽公座上難逢白石翁句

湘鄉左清峙夫子

江南吏治幾人傳脫卻朝衫斷俗緣不似謝公貪作佛

英雄末路且逃禪前歲罷官即棄家入藕花菴

陽湖許太眉先生

漁弟漁兄相往還老航箸述隱湖山何時買個瓜皮艇

來訪先生圖畫間居太湖馬蹟山

大瓠堂詩錄卷八

古

觀自得齋徐氏校刊

吳縣馮宮允林一先生桂芬

新詩笑我孟郊寒難得先生刮目看籍湜師門曾竝列

佳兒真是鳳池翰令似審之孝廉同遊覺公之門

錢塘家賓華先生

江關庾信歎華顛滿地兵戈逼暮年八十衰翁蛇赴壑

此生再見恐無緣

祥符周文之夫子

汪洋詞賦擅三都如此雄才絕代無五月登陴心力竭

蹉跎一死誤羣奴寇迫誓必死城陷賊突入堅臥不起二僕強挾以出

吳縣葉茗生丈

石林書畫富收藏，縑帛都應裂作囊。垂老一身何所適，不堪聽唱蔡中郎。令似香士服官北直久不迎養文以兒歸幸張大覺公俗姓張付以已像一軸曰他日公懸而責之

秀水于辛伯先生

一首新詩值一金，居然身價重雞林。行窩到處俱堪樂，不比王尼感慨深。

祥符周刺史復之丈悅修

去年一舸海虞來，矮屋孤燈話劫灰。聞道近依嚴鄭國，濟時還仗出羣才。去秋挈眷來鷺湖相依兩月往從袁午橋大帥於皖北

江都符南樵孝廉葆森

大氣堂詩錄卷八

五觀自得齋 徐氏校刊

聲華籍甚近誰如，結客江湖廿載餘。一代風騷成正雅，可能遠繼沈尙書。選近人詩名正雅集崇侍郎實為刻於京師

沁州王秋嶽大令嵩

循吏儒林兩得之，果然臣叔未曾癡。遲君為政思先德，亂世需才正此時。松坪刺史猶子

長洲宋去垢秀才志沂

絕妙清詞宋子京，旗亭貰酒愧齊名。金戈鐵馬愁何許，他日相逢太瘦生。

上元何梅屋布衣詠

翩翩書記勒銘才，一卷新詩絕點埃。辛苦勝他杜陵叟，

全家兩陷賊中來

仁和胡心芸上舍珽

布韉青鞵謝俗緣，江湖陳起姓名傳。誰知相遇劫灰後，猶是米家書畫船。昨來鷺湖購書一船而去

元和徐茂才子盤表弟紹乾

少年詞賦六朝中，闕盡艱難藻思窮。如雪麻衣惟痛哭，劉蕡人說近來風。城陷尊甫徵君殉難君遂得顛疾

慈溪董獻臣大令

記得談詩共一樽，舊時池館已無存。綠珠豔骨肥春草，寄語齊奴合斷魂。省垣別墅焚毀無餘姬人江珊瑚樞密棄太湖石畔

大氣堂詩錄卷八

五觀自得齋 徐氏校刊

同治癸亥與貝无咎石梅孫避地滬上，貝丈戲名租界為四素場賦詩以紀。謂富貴貧賤夷狄患難也。石丈作五古一章，余成一絕。

亂離踪跡各堪憐，四素場中溷一年。他日詞林傳故實，九華名錫李青蓮。

戴小芹以配徐貞宜遺稿乞為點定因題

數首清詞雅足歌，玉臺人去恨如何。謝庭五字傳千古，好句由來不在多。

贈彈詞馬叟時蜚 二首

一卷新詞調最清，江湖齊贅早知名。當年若使梅村見，

作傳應同楚雨生

茶煙影裡度華年  
鄒老歸來雪滿顛  
不過風流盧學士  
自將幽怨寫三絃  
吳門鄒生以彈詞見賞於施經學士一時名流都有題贈見吳枚菴集

夏夕口占二首

蘋末風來颺柳絲  
納涼移榻面清池  
斜陽欲墮蟬聲起

正是村童下學時

日落風微雲又空  
場頭閒話聽村翁  
明朝不雨天還熱  
遠際電光如綫紅

題海昌羊韻笙夫人

文森  
畫調趙似耘  
學博學鑣

二首

大瓠堂詩錄卷八

志  
觀自得齋  
徐氏校刊

得婦君家例有才  
仲姬卿子擬風裁  
一枝忙煞生花筆

畫罷新眉詠玉臺  
松雪倪管仲姬凡夫配陸卿子

練裙門第舊風華  
川澗山輝洵足誇  
能事璇閨擅雙絕

果然徐淑勝秦嘉

秋夜

蹉跎又過菊花天  
惻惻輕寒悄未眠  
涼月一林蟲語歇

風飄乾葉響琴絃

喜董十三至二首

昨夜迢迢夢見之  
黑頭曾不異當時  
朝來君至翻疑誤

一夕如何鬢雪絲

十年蹤跡到蘇臺  
彈指滄桑過劫灰  
城郭已非廬舍盡  
依稀遼海鶴重來

送董十三東歸甬上

歸心似水逐輕舟  
相送秋風古渡頭  
一滴江干臨別淚

東流先汝到明州

寒夜即景

如鏡荒塘十里寬  
孤舟有客把漁竿  
初冬月似新孀婦

顏色悽涼影乍寒

寒宵

寂處真同粘壁蝸  
詩懷平不鬪尖叉  
寒宵客去掩扉坐

大瓠堂詩錄卷八

志  
觀自得齋  
徐氏校刊

鐙下水仙開一花

遊天平山二首

高義祠園劫火留  
一門志節炳千秋  
我今亦抱延年恨

慷慨何人贈麥舟

當年蓮社一鐙傳  
老輩詞壇有夙緣  
翠壁題名捫蘿讀

不聞鄰笛已悽然  
石上有黃霽青韓履卿顧湘舟黃秋士覺阿師諸老同遊題名

偶成二首

荒村茅屋掩蒼苔  
雨後茶蘼滿架開  
閉戶一春無客到

呢喃雙燕過牆來

宵深細雨又相催  
窗外桃花幾樹開  
隔巷何人歸最晚

展聲行近短牆來

和程仰蘇二喬觀兵書圖二首

聯坐觀書興不孤女中英俊例生吳洞房別有兵如雪  
韜略知曾授小姑

坐鎮江東氣不侔紫髯何事太優柔卻忘銅雀春深怨  
南面身披獬子裘

題秦膚雨茂才

才調風流迴不羣碧城逝後又逢君千秋傳作梅村體

樂府新歌柳翠雲

瞿生無子命工圖已貌手持蓮房倚闌觀羣姬盪

大瓠堂詩錄卷八

樂采蓮醫曰擷子圖郵寄乞詩戲題二絕

喜看姬人盪葉舟擷來蓮實大於甌房中多子符佳識  
善頌還同薦石榴

從此佳兒定踴肩

臬事業傳青史好繼清芬二百年

董雪芹

慈湖風景似西湖驢背尋詩興不孤古錦奚囊行得得

分明李賀晚歸圖

早誇雛鳳識冬郎老去重逢喜欲狂舊事卅年流水似

一彈指頃過滄桑

李安浦孝廉

前年去賦帝京篇祖道筵開二月天今日昌亭春水渡

教人望斷孝廉船

謫仙人後酒應航好句傳家畫正堪祇恨圖中惟影在

舉杯邀月不成三

范茂才

我亦高陽舊酒徒平生蹤跡不嫌孤年來漁釣胥江上

又識詩人范石湖

疑是旂亭賞酒時翩翩名士女郎知雙鬟嬌小鍾情甚

解唱黃河遠上詞

大瓠堂詩錄卷八

方秀才索題畫菜二首

黃金細蕊滿畦開抱甕頻勞手自栽多少濟時臺閣彥  
寒窗曾記咬根來

春來黃遍隔溪村俊味經霜佐夕飧今日流民多此色

繪圖誰是鄭監門

題畫四首

古寺鐘樓俯蓼磯憑欄僧着水田衣遙看煙靄蒼茫裏  
樹杪片帆如葉飛

環村幾曲水滌河繞屋桃花爛漫開知是酒家門未掩

提壺人過板橋來

一抹遙山暮靄平連天白浪撼孤城秋光滿紙涼如洗  
蘆荻蕭蕭疑有聲

煙水蒼茫一片秋綸巾鶴筆列仙儔此君疑是黃州守  
閒看風帆倚竹樓

贈范山人

蘆花如雪隔篷看范好句吟成七字安記得橋南同贊  
酒半湖殘照倚欄干

亢鐵卿丈

贈二首

樹滋過訪出示所著畫意百絕題後以

大瓠堂詩錄卷八

主觀自得齋  
徐氏校刊

右丞畫稿左司詩

半世自憐腰脚懶幾曾登陟遍山邱抄君詩句懸齋壁  
滿目煙雲作臥遊

過馮蓮槎茂才

村居二首  
石橋茅屋面清渠數畝桑園歲不蕪記取君家門外路  
一行絲柳十三株

百尺梧桐傍曲廊入門即是讀書堂自將華子岡前景  
寫上鷺溪絹一方

某翁六十寫僧服蒲團像乞題三首

頭銜合署在家僧不縛塵緣即壽徵悟澈六如無我相

一丸冷月是傳燈

前身金粟影如來曾見恆河劫後灰終日一蒲團地坐  
春風秋月慣相陪

試將君壽比周全此後還餘六十年家事不關身又健

清閒真是地行仙無量壽佛姓周氏名全年逾  
百二十歲見鄭淮若赤雅

大瓠堂詩錄卷八

主觀自得齋  
徐氏校刊

光緒十有七年歲在辛卯孟冬月石埭徐士愷新校刊  
大瓠堂詩錄卷八終

大瓠堂詩錄跋

壬午嘉平月潘鍾瑞讀大瓠堂詩集竟謹跋於後曰僕與則莊先生神交久矣方咸豐間謁清如吳先生於退園同治初避地申江與調笙葉先生旅居近辱兩先生為忘年交許與論詩均稱道則莊詩不置然所見聞特則莊之零篇斷章耳茲於茶磨山人案頭見大瓠堂集八卷捧歸讀之始以得窺全豹為幸其詩清剛雋上亦復篤雅從容夷然沛然瑟若煥若斯真珠光劍氣兼有之者吳先生題辭謂新詩續古風葉先生謂旗鼓抗前賢其言允哉僕涉歷此事四十年猶在門外竊欲於竝

大瓠堂詩錄跋

觀自得齋  
徐氏校刊

世詞壇討尋蹊徑乃鄉里間有詩人如則莊者徒以城闈間隔未與過從抑亦疏懶甚鄙陋甚矣曩者亦嘗獲一面之緣越今數年竊意彼此鬚髮都異於前得毋如集中贈董十三之言乎讀竟為之憮然因錄一百六十餘首於香禪精舍所知集中非謂佳構止此亦可略見則莊情性如親顏色耳葉先生苔岑集有大瓠堂詩七十餘首與拙錄已有異同益信佳構之不勝數也噫葉吳兩先生逝後誰相欣賞他日當與茶磨載酒奉詣一申夙契以快平生敢以此為約

大瓠堂詩錄後跋

則莊先生平生未嘗作制藝及試帖獨有志於古尤篤好詩所作無時俗語古體多魏晉流亞近體似唐宋名家蓋當其少壯時乾嘉老輩猶有存者師友淵源陶淑濡染不獨覺公門牆得禪宗衣鉢也先生嘗酒酣從容語余曰吾自庚申亂後歸不與搢紳大夫交家於郭外無半頃田畢生精力專以殉詩他日君如有力其傳吾詩乎余諾而識之適表丈朱槐廬先生蒐輯遺書兼及近人著述余乃索存稿求付梓是時則莊先生已在牀簣曰吾詩有可刪之作有可存之作世有巨眼刪而存

大瓠堂詩錄後跋

觀自得齋  
徐氏校刊

之吾願盡矣授稿於余逾數日即歸大化豈不異哉槐廬丈敦鄉誼惜古學轉畀徐氏刊入觀自得齋叢書詩於分體中仍編年為次先生屢自刪訂是編為最後手定本向雖有選刻於他家者茲則其全錄也海上諸公不肯刪而竝存之謹仍其舊云光緒辛卯歲九月長洲陳開驥

澹

如

軒

詩

光緒己亥刻于武昌



澹如軒詩

臨桂女史 朱 鎮 靜媛

粵女雜歌

采桑桑葉稠執筐來陌頭春蠶資汝食化作繭絲柔桑葉稀桑甚熟桑甚離離食之明目

采蓮蓮塘側亭亭舒秀色不羨楊妃容但慕君子德蓮

有實先有華其華如玉其實可嘉

采茶茶生圃春社初經雨品多不知名誰能問陸羽茶

品多人不知聊以解渴作譜何癡

采菱菱池旁風吹翠裏香質自紅衣露心如白壁藏菱

澹詩

刺多菱實好菱實雖好采之宜早

采藥藥滿畦弓鞣灑香泥青青女貞子茸茸蕙姑蕙藥

氣香藥味苦味苦療人氣香憐汝

采花花滿林折取插簪簪羨煞雙蝴蝶翩翩度花陰花

欲言又若笑笑儂容顏與花相肖

春日憶從妹

縹緲冒林樾紛紅散庭隅巢成燕新乳園宗鳩相噉花

氣入窗來和風與之俱韶華豈不貴所恨人事殊昔別

今幾春雁飛各分途南北阻音問悠悠馳白駒裏人望

天末日莫空踟躕

送春宇弟之任恭城

蓬壺志未成一官乃振鐸相送江之濱江平晚潮落憶

昔少小時詞章其研索自從巴蜀還青雲瞻薦鴟五度

戰春聞魚腸歛鋒鏑歸來坐荒廬種梅兼養鶴澹哉此

糲倦遐心忘好爵琴書信足娛首菑聊可嚼樂州路匪

遙惜別沒情託三年重相見讀詩感棗萼離製結莫雲

愁緒滯煙郭儻有西飛鴻魚函寄溪閣邊隅風教疏下

帷鮮攻錯育才藉師資傳薪紹濂洛

愛花

素癖惟愛花花氣芳且烈為語聞中人好花莫輕折花

澹詩

是天之華亦猶人之傑不見池中蓮亭亭表修潔不見

籬邊菊幽香標晚節寒梅嶺上開老幹欺欠雪餘葩發

奇姿爛如錦繡纈紅密金鈴護綠桐綵幡列袞瓊晨氣

清編籬曉露綴春秋多良辰對此足怡悅

春仲

昔年春仲時穠華燦高枝今茲邁良會舒英曷獨避條

風豈無信吾將問封姨

獨秀峰歌

桂林之山甲天下玉笥瑤簪羅四野一山突起榕城中

此山更是巋然者上有古廡凌煙椒下有澗潭自吞瀉

前朝藩邸今荒榛誰問金尊與翠屏  
有顏公讀書巖萬古藤蘿尙風雅  
石壁奇崛不可攀攜壺著屐游人寡  
生平未登千仞岡坐對峻峭已心寫  
問說登山宛登僊一柱擎天如在把  
橫看雉堞環江城俯視魚鱗紛屋瓦  
青雲梯遠孰追隨碧落碑高恣搗灑  
羣峰羅列似兒孫眾壑趨承皆犬馬  
有時峭立何森嚴有時如擁殊澹冶  
冥冥半空香雨來飄飄雙袂天風惹  
我觀此山真奇特我聞斯言良非假  
我意不在雲漢閒在庠山水之間也

讀晉書二首

山中草木皆晉兵此亦勅敵毋易眠  
風聲鶴唳何迢遙

讀詩

秦兵猶疑晉兵至謝玄桓沖皆憂危  
惟有謝安如無事已別有旨旨宗然  
圍棋賭墅憑嬉戲奏凱忽傳得驛書  
書來牀上聊一置小兒破賊本無奇  
過戶鏗然聞折屐聞折屐果何意精  
銳休誇北府兵指搗稍慰中原志投  
鞭足斷大江流苻堅斯語何能遂當  
年江表有偉人柱石功高佐平治  
長星勸汝一杯酒萬年天子古何有  
當時淝水平苻堅江南正朔尊乾九  
昊天偶示以災殃修德行仁斯悠久  
如何舉爵華林園只怨蒼穹不自咎  
君言在耳猶未忘可憐命斷宮娥手

讀唐書二首

雷海清何忠義長安已取宴羣臣凝  
碧池前眾樂葡萄哭獨悲御輦西憤  
將樂器擲諸地粉身碎骨死如歸樂  
工有此真奇異當時梨園子弟多泣  
然每憶舊恩波白刃示威豈無畏寸  
心傷慘將如何君不見羣臣盡是漢  
臣子社稷顛危轉忻喜歌舞風流醉  
綺筵節韶雲散忘丹凡不若黎園尙  
愴悽感激天良不自己嗟爾衣冠賸  
濟人若對海清眞魂死

安全藏何忠烈孰云皇嗣有異謀剖  
心明之肝膽裂銅甌方收羅織經九  
重神器憑闕竊周興元禮何殘忍瞬

讀詩

明酷吏身俱滅吁嗟庠太常工人眞  
不朽密奏徒勞陳左右睿宗繼統賴  
斯人不然皇嗣歸身有當時臣節盡  
如斯疋氏何能偶母后

刺繡詩

靜悄綠窗閒刺繡金鍼度處輕挑就  
一幅裁綃襲異香五紋添綫宜長畫  
排成錦翼盡雙飛製作璇圖皆百壽  
竝蒂西湖尙碧蓮相思南國拈紅豆  
紅豆碧蓮未足奇巧機欲向天孫授  
於今花樣更翻新不取絲華取韶秀  
過石期溪

地漸吾鄉近關心節序催遠山微露  
塔枯對半生落帆

100 945

影隨雲落灘聲扶雨來湘江今夜月歸思更衰哀

春莫

景過流觴節春深詠絮家微風鶯坐柳細雨蝶藏花泉  
昏如清沼窗虛籠碧紗相期邀女伴幾日翫芳華

東鄉

地僻近僊源餘風太古存綠天蕉葉寺紅雨杏花邨尋  
藥曉登隴浴盥春閉門不知城市事清課度晨昏

花橋

石橋東郭外近市轉清幽對影分樵路山光壓酒屢幾  
邨臨岸見一水裏城流花事今消歇春波汎白鷗

滄詩

五

旺雨

一夜雨瀟瀟隨風幾度飄秋聲喧薜荔餘滴響芭蕉窗  
迴鏡花黯香寒煙篆銷壁間蟲語未清響亦迢遙

中秋

天迴白雲開久輸入座來香風送巖桂清露落庭榭女  
琴窗前月兒分席上杯鑲闌今夜策誰是謫僊才

家有老嫗年近八旬服役不衰詩以贈之

八十身猶健精神此老彊言多述往事飯必盡餘糧聚  
米晨敲杵分鏡夜補裳女孫歡不寐時索棗梨嘗

幽居

宋宋拚柴扉虛窗落翠微游蜂經雨散放鶴帶雲歸對  
老枝仍茂園荒筍自肥落花嗚鳥意應共惜芳菲

雪意

白晝渾如夜近爐慘不紅凍雲低曠野枯對響高風鶴  
語石橋下漁歸邨市中此時須對酒微醉已春融

送三妹之寶豐

家居吾妹近時節每相親忽送江干別何堪病裏身逢  
窗語秋月湖水汎青蘋明日分紅裏煙波遠問津

有女嬌如玉登舟別泪盈可憐值髫歲也解動離情澤  
國三湘路征車七日程伊州如對月還憶綠榕城

滄詩

水

日用詩十二首

一粟來非易三升食已豐飯抄雲子潔匙捲雪花融程  
程看秋穫穰穰驗歲功素餐天下是不獨繡闈中

於水誠何取功先六府修朝常沿井汲夜或啟門求涼  
飲消炎夏微波入早秋一瓢貧至此樂趣獨優游

一日能無火休云突不黔析薪嚴父業跨竈後賢心蠟  
代誰爭富桐焦有賞音書多梨棗貴梢柑且如金

種菜誠良策披吟旨蓄詩咬根憐爾輩學圃得良師生  
意饒三月嘉蔬蒞四時蒼氓多此色灌溉莫遲遲

庖有如坻肉莫嗟南阮貧肥甘堪養老烹炙足甯寶此

味忘三月其功總入珍休云食者鄙分昨得賢臣

細把茶經讀題評竟若何有符堪調水沸鼎亦翻波

醒纔烹罷詩清為飲多春風閒吸茗日莫發長歌

酒國真寥廓其中別有天劉伶狂作頌太白醉偈優恰

有錢三百誰誇斗十千兒童遇佳節歡飲亦陶然

食用兼資汝酥油各有名焚膏能繼晷入饌可調羹

瓶想凝脂潔燈看下炷明佳人朝掠鬢風送桂香清

宛爾形如虎人資煮海功熬波方出素拂竈亦凝紅膠

鬲賢曾舉桓寬論自工憑渠石學士售向市廛中

名記醞醋異誰將芥醬儲清香含芍藥妙製做葫蘆調

澹詩

七

菜功尤遍和鹽味自如八珍期是主凡品特其餘

食品每求新於茲獨貴陳含香和以橘沽直乞諸鄰

婦餘風在寒儒得味真醞酸知炳慕勸學昔傳荀

斯是如蘭味生平不可無禦寒邊地重逐熱世人趨

露名尤擅吞雲氣自殊慕廬夙有癖偏香澹巴菰

春去

春去天涯盡綠蕪倩誰描出送春圖落花無力迎蝴蝶

芳對多情戀鷓鴣對酒窗前添別思登樓雲外認歸途

青年此景應須惜莫負香閣翰墨娛

春莫

庭院陰陰畫漸長留春無計惜韶光鶯爭暖對曉芳徑

燕趁微風過短牆幽窺已隨飛絮散靜機時與落花香

捲簾閒把瑤琴弄頓覺塵心澹欲忘

伏波山裏古

伏波山下水潺湲銅柱功高鎮百蠻晚節可憐疑慧苴

邊城依舊繞林巒摩挲石上曾鳴劍

獨據鞍蓋世功名猶藁葬臨風裏古起悲歎

家園

小小家園萃眾芳百般紅紫闌春光池蘋漾綠迷新漲

鄰對分青過短牆閒裏偶忙因學畫靜中多悟每焚香

澹詩

八

堂前燕子歸何晚似為幽人駐夕陽

積陰

積陰連日黯香閣畫意詩情任取攜靜院無風花自落

空林欲雨鳥先噉竹分野徑千竿秀山壓菲欄一帶齊

田嬾春深蠶事少料應飽餉到芳畦

水東街

浮梁如帶跨東關屋瓦魚鱗處處環諸子衣冠三代上

幾家貧富十年閒春姓客為看桃過晚市人多賣菜還

最好花橋橋上望煙中樓閣月牙山

澄兒入翰林詩以勉之

詞臣從古占清華五載 君恩屢拜嘉薄質也教錢入  
選真修須勉玉無瑕春風函文誇詩草仙籍同人說楊  
花年少登瀛容易事可能涓滴報 天家

偶得

偶得新詩喜自鈔重將舊句細推敲日侵雕檻移花影  
風過鄰牆動竹梢吞餌愛看魚撥刺銜泥時有燕歸巢  
榆錢已老荷錢嫖天氣陰姓初夏交

挽從父亭午公

依依廿載對門居意趣逢人總晏如郭璞神僊靴已杳  
向平婚嫁事無餘周貧慷慨常分粟教子殷勤只讀書

澹詩

九

何以慰公泉壤下蘭枝待錫進賢車  
鄉鄰耆舊老成風寄迹魚籃大隱同尊酒好賓追北海  
辦香課子祝南豐澄衷磊落千秋上世事紛紜一咲中  
今日望衡人不見白楊荒草郭門東

示澗澄時澗入翰林

泥金又報一番春伯仲登瀛氣象新未必高才追二宋  
能將夙望慰雙親年來目疾渾無恙老去心衷也足伸  
諸子承歡孫繞鄰好憑樂事敘天倫

鄉里年豐寄汝知煥涼天氣總相宜市塵米賤人情樂  
菽水家貧老志怡夜靜機杼雨月色秋期蔬味入風詩

倚問襄遠書應到正是瀟湘雁度時

曉起

清氣入秋多曉起坐梳閣簾影捲霜寒透聲吹片落

雨後

蕭蕭一雨後蒼翠生莓苔小鳥入窗慣闌人時去來

晚涼

風聲捲雨來雨勢隨風散晚涼天氣清數星耿河漢

春詞

春來草成茵春去花如雨去來人易衰東風自千古

春晚

青草芳池煙景綠槐溪巷人家又是一年春晚空庭落

澹詩

十

盡梨花  
漫興  
如此春日秋日幾計分陰寸陰那堪賞月無酒常愛對

花撫琴  
秋晚回文  
盈盈夕覺香清甚桂放新枝幾簇花明月夜涼風入座  
急聲蛩語小窗紗

冬夜回文

瑣瑣細甃漏聲寒醒幽窗夜月殘橫幅一枝梅影瘦

生春忽憶回來看

古才女詩

女誠篇成重石渠六宮師事信非虛史才應是當時少

特詔班姬續漢書 班惠班

周官音義費研窮典午傳經壽母功百二十人齊受業

絳紗帷裏坐春風 宣文君

攜蒙愛學簪花格漬墨還成筆噉圖底事夫人名藉甚

右軍當日是高徒 衛夫人

臣妹才思亞左芬芳名遠向九重聞至今香茗留遺集

薦入騷壇亦冠軍 鮑令暉

澹詩

十一

酒旗詩社投詩百餘卷得尤雅者二十卷其第五

卷秦氏女子詩也贈以二絕

豔說吾家蓮社開蛾眉誰為送詩來綠楊紅杏饒佳句

不減當年詠絮才

拔幟騷壇二十篇斯篇丰致特妍然若教紅裏能簪筆

五鳳齊傅上界僊

舊書中得 先慈詩楠感賦

字擬花容句擬僊清詞讀罷一潸然於今手澤歸蕭落

珍重紗籠五色牋

城東

城東山市隔紅橋歌吹聲聲送玉簫花縣月明風澹蕩  
萬家燈火近元宵

家居隱景

幽居偏喜近棲霞路轉峰迴一徑斜此去僊源知不遠

隔溪紅雨落桃花

飛巖繞屋落空青為訪僊巖號七星平野蒼茫煙對外

有人斜日倚山亭

月冴山下水溶溶排闥嵐光點染工身語花香憑領取

不知身入圖中

鐘聲鄰廟講朝暉六月香煙護錦幃九子母前齊獻拜

澹詩

十二

兒童歡說轉花歸

清明

紙灰飛作蝶衣輕山郭桃花釀午甡兒女英雄成往事

年年惆悵度清明

雨後

雨後春光點染工更無雲影礙甡空東風吹暎離江水

碧對紅橋入鏡中

紅玉墓

旺月亭前葬阿紅香魂消盡風緣空人間不少飛瓊墓

都在荒煙蔓草中

初夏

黃梅時節臘流鶯  
羅袂新裁白雪輕  
數里便知天氣異  
半空雲雨半空姓

題畫

青山如縵水如煙  
松裊危亭午蔭圓  
宋冥柴扉人不到  
雙雙飛鳥落平田

哭淑

懨懨久病入膏肓  
難向秦和問秘方  
阿姊十年成死別  
而今哭汝更神傷

六月紗窗暑氣侵  
那堪病體已深沈  
日遲強進桃花粥

瀟詩

吉

猶進歡言慰母心

骨如柴立腕如藤  
菜味甘平也不勝  
忽減忽增憐病勢

悶人渾似欲殘鐘

蘭摧玉折損芳年  
幽悵冥冥欲問天  
明月不知人已杳

團團依舊照窗前

匿鏡生塵香散爐  
顛風吹落掌中珠  
何堪更遇消寒會

不忍重披覽勝圖

綠窗清課臘殘篇  
筆勢垂垂曉露妍  
紅綫碧綃裁對偶

許多才思付雲煙

鏡臺粧閣已全非  
捲箔猶疑是汝歸  
記得昔年長夏日

玉釵擗扇侍菱幃

心已成灰鬢漸霜  
重泉莫更念高堂  
一杯葬汝依兄姊  
寒食年年總斷腸

柳枝

東風吹綠染新條  
春色迎人上画橋  
十里曉煙雙岸雨  
未曾離別已魂銷

瀟詩

吉

瀟如軒詩

卜媿恭校

右澹如軒詩一卷 先大母朱夫人殘藁也 夫人  
之先故靖藩之苗裔父諱一玠 皇文林郎進士四  
川榮昌知縣道咸開御史諱琦以文章氣節名天下  
夫人從弟也 夫人笄歲嫻吟詠于歸後媻壹內  
政輟不復作晚年稍復從事自寫定若干首名曰澹  
如軒詩取司空表聖詩品人澹如菊句意自明務尙  
所寄云周儀晚出不建事 大母詩藁經亂燬佚是  
卷屬 先父 世父輩記憶鈔撮而成吉光片羽彌  
足珍惜謹編付手民而識其緣起於此光緒己亥孟  
冬月後望弟十五孫周儀跋於武昌杏花天寓廬



小

方

壺

武

年

字

1890



舍弟子舉亡其中子湧甫十歲能正壁集書十二學制藝文集  
習歌詩其婦翁潘珊誤別駕見詭於僚執友曰岷陽孫氏子附  
成望而難重斐然葩紛綺合弱冠殆將揚殿元衡管筆繪龜  
弄庸是竊喜率十八新婦自滇中來歸十九舉茂中後二年疾  
病歿予甚惜之其而不敢過其書齋又期新婦饋祥肉並所為  
試律詩一冊稽顙觸地進白聳不幸沮謝兒雖矢貞節顧膝下  
孤甫牙二語渺茲手澤奈何言不遽失覲問之蓋焉異者塾師  
課存州丹墨襍塗著言極讚如新也予不覺大慟遂卸會老屋  
匡坐白頭手影遺編相對言雖不文而兒之所為嘔心肝者氣  
淋漓騰紙上焉他日會到別氏來設村舍因稍事法擇釐為上  
下卷梓所存之用答前婦心且識予之涼薄有才子如湧不能  
字以大吾明使別駕之言通弗驗也噫乙巳冬鷺溪居士記

序

中子馮墓誌銘

岷陽野史誤

子弟子舉中子湧生十歲而孤質羸善病出就外傳弄讀書不  
過四三月年十八病迺已取於潘身濯二如春柳長條婀娜披  
拂於旭日穠華桃李中娟秀可愛十九舉秀才居恆常念其父  
蚤逝肆溺苦治學冀倖有聞廿一歲以入矮屋為文致患咯血  
殞越明年夏四月己酉葬於凡水原先人之兆兒賦性純篤孝  
友聞鄉閭其父亡視子猶父調護其亡兄之子岷如事其兄祇  
敬嫂嫂奉養則厥母依子膝下十有一年如一日去不善如絕  
絃其折而之善也如調飢者之赴甘食飲焉子性狷急邇來歷  
四三年不惟未嘗見兒有違行固未嘗見兒有違色也諸季昆  
咸巨為難初發名膠庠也器於學士小竺何先生而太僕矩卿  
黃先生亦郵書賀湖海交游知子舉與鄙人者俱謂貧家析薪  
負賴斯子矣今不幸短命豈果善不可為耶新婦年二十無出  
矢不二先一年乞養其兄女媛為己女子今又已其兄之子像  
為之子銘曰  
劭其才不劭其壽曰予無良肺肝疾岷山麓凡水原而翁而兄  
同下泉兒往從之今何年

墓誌

下

180 925

小方壺試律詩卷上目錄

南陽諸葛廬

春盤細生菜

團扇家二豔放翁

得餽乍如添健僕

江鳴夜雨縣

蘇東坡遊赤壁

田家酒孰邀皆去

頻來燕語定新巢

花為四壁船為家

野路有亭多賣酒

白雲自高妙

試律詩卷上目錄

宋太宗九日宴貢士於迎春苑

銅爵臺

花邊春水水邊樓

校誤書如掃落葉

雨水

清明

穀雨

而河西善謳

好馳馬試劍

東帶立於朝

一心已為有鴻鵠將至

止于路宿

孫叔敖舉於海

則茅塞之矣

取瑟而歌

舜壯牀琴

山雨欲來風滿樓

松化石

山下出泉

籠竹和烟滴露梢

有卷者阿

一个茅亭傍水安

禳田

四時最好惟三月

試律詩卷上目錄

流水今日

小方壺試律詩卷上

蜀鄂孫馮岸大學

南陽諸葛廬 六魚

相業懷諸葛南陽舊里閭乾坤三足鼎宇宙一茅廬伊呂經營後蕭蕭卜築餘高題名士榜不是野人居抱膝龍吟壁開軒憤在除家煩持健婦室必有奇書坐下龐公榻門邀帝子與成都桑八百身後竟何如

春盤細生菜 十四寒

老圃新年節華筵上日闌大家挑野菜細切入春盤嫩色侵寒榻濃香壓食單無求于社宰有贈自園官足許葵英衛賜新茹把寬根株尤淡泊花實別辛酸真味邨庖豆高風陋巷簞不爭食肉躍馬去長安

試律詩卷上

團扇家二畫放翁一東

吳下稱詩伯才有放翁家二團扇上奔二畫圖中潑墨神維肖凌烟願已空前身疑皓月滿面是春風瘦許梅花傲閒惟野鶴同寫生宜大雅詞客此英雄下筆都依樣傳神或杜腫平生忠雅意寶繪可能窮

得劍乍如添健僕 七陽

難得才如劍斯奴氣不常壯懷三尺水健足百夫防仗汝身逾俠隨公日定長頗堪肝膽寄惟有性情良暴慢斯當遠光芒幸解藏愛才蕭穎士知己蔡中郎泗上蛇曾斷中原鹿已亡上方如斬馬猶可佐

明堂

江鳴夜雨縣 一先

萬里夔門月詩人夜泊船江聲依峽走雨勢破空懸坐久鳴遡

厲愁多客未眠潮生人語外燈亂水雲邊泊二喧孤枕泊二溢

大川洞簫吹欲咽漁唱調初圓去國三篙浪流年兩岸烟下牢

雞報曉快齊楚人天

蘇東坡遊赤壁 一先

赤壁重懷古髯翁夜放船一天秋月上高唱大江前露白光盈

岸雲青浪接天風流如此老戰伐是當年夏口山形鎖晴川樹

色連洞簫聲嫋二鳥鵲影翻二名士今何在英雄跡亦刊不堪

皆代改風景尚依然

田家酒孰邀皆去 九佳

春酒新年孰邨田比戶皆遞邀詩老去大放野人懷徑翦三分

草香薰雨扇柴觴開庭下竹杯影砌閒槐親戚歡如昨桑麻話

試律詩卷上

正諧黍雞修禮數樽俎畧形骸高會兼甥舅餘酣逮僕僮斜陽

歸去路針水濕芒鞋

頻來燕語定新巢 三肴

春曉珠簾捲雙二燕語交烏衣尋舊主華屋定新巢未厭深堂

處何曾大廈滄繡幃身乍掠朱戶翦重拋風暖吹高棟泥香徹

近郊惟依高士宇豈識下民茅楊柳樓邊絮梨花院裏梢高棟

筵燕喜松茂竹新苞

花為四壁船為家 一先

魚戲東西渚鴛飛遠近蓮此鄉家是水之子屋名船葉亂出二

疊香多片二圓中央雲郁勃一帶浪漪連燈火紅橋外簫聲畫

舫前酒邀公子醉波狎野鷗眠涼送三更棹交消七月天橫塘

秋夢曉四壁隱疏烟

野路有亭多賣酒九青

客有沽春與山中路屢經家家清濁酒日日短長亭岸轉雲尤  
白旗高柳共青烏當花裏勸杯不手中停錢豈傾囊惜筆宜洗  
耳聽醒題詩自聖渴食水皆靈斜日眠琴館飛花走馬垆待扶  
殘醉去帽影一天星

白雲自高妙四素

一白渾無際層雲麗九皋自然成絕妙非是故孤高觸石飄難  
定垂天結乍牢衣裳工想像空濶肆翔翺色相勞余悟塵氛羨  
爾逃玲瓏何浩蕩舒捲劇雄豪客有從  
龍去人言捧

日勞爲霖終屬望太早慰倪旄

宋太宗九日宴貢士於迎春苑一先

試律詩卷上

三

鳳集迎春苑龍光九月天君王開燕喜多士貢髦賢典禮歆初  
地經猷克壯年珍皆羅席上恩大錫筵前近禁歡千佛霓裳詠  
眾仙兕觥三爵又玉笋一班聯粉署秋題葉金門畫鎖烟

熙朝隆盛事掌故遞相沿

銅爵臺十灰

武帝今何在英風亦壯哉千金爲大爵三國此高臺一柱孫劉  
拱重門漢魏開迴凌郟陽上雄耀鄴城隈對酒頻橫槊當歌數  
舉杯已教諸妓望不見二喬來細雨風雲變斜陽烏鵲哀千秋  
傳片瓦猶侈墨卿材

花邊春水水邊樓十一九

別浦春波綠春人事冶遊來邀花裏客去躡水邊樓載酒借無  
忌臨高挾莫愁香中三月暮檻外一江流倚岸停雲過維舟舊

雨雷共登紅杏閣俯見綠楊洲落日橫波麗疏烟禰樹稠鞭絲  
隨蛺蝶歸去水西頭

校讀書如掃落葉六魚

識字原非易相沿讀誤書臨文爲淨掃落葉鎮相如鐵硯冰霜  
古繁林歲月徂掃來秋樹下消得夜窓虛帝虎重勘訂烏焉細  
剔除花閒風習二簾外雨疏二青筒披茅塞丹毫倚草廬諸公  
高著眼莫又魯爲魚

雨水十一真

天上東皇律人閒雨水春三陽開自子一氣轉回寅膏澤千門  
曉江山萬里新家二挑菜節處二躡青辰茅屋宵觴酒津船曉  
泛人桃花連岸濕柳色映篙勻霰深霑無已泉流潤有因恭維  
青帝德敬比

試律詩卷上

四

大君仁

清明八庚

百五番風扇重三雨又晴一鄉多樂事上巳及清明改火新剪  
茗名園正熟樓前郵宵叱犢當戶曉聞鶯戲犬時鳴鼓飛鷺或  
載旌杏花清畫水柳絮午風輕作社聯鄉黨攜尊翁弟兄西疇  
將有事耜耒勸躬耕

穀雨一先

義笠環溪水邨喧傍曉天和風吹梓里靈雨徧桑田膏澤紛二  
若平疇翼二然秧針爭脫穎榆莢亂飛錢挈榼臨方甸攜尊酌  
野泉鳩鳩啼雨箇蠶箔偈三眠舉趾邀童叟扶犁過陌阡詰朝  
滋嚴霖繡陌柳如烟  
而河西善謳十一九

樂府傳洪澳宮商動旅愁一聲王豹曲千載大河流試引風前  
韻如聞月下謠餘音驚斷鴈驚起沙鷗花暗滄閭尾雲停菊  
部頭定知新水調何異古梁州按節信還抑揚船去更留沫鄉  
陳迹在重帛上宮樓

好馳馬試劍五歌

濁世佳公子興懷盛日過讀書棘學劍躍馬逐明駝斗氣圭田  
暗鞭絲井里多橫腰秋水白翹足寶鞍作媚子宗邦集將軍壤  
地訶巷夸京太叔豪座魏三河廐有真龍種威先古太阿為君  
焉用此歲月感蹉跎  
東帶立於朝二蕭  
不負平生學

楓宸鉅典昭袞衣圍大帶象笏立

試律詩卷上

五

當朝禮樂平生願諸侯眾願邀雍容瑤觸手俯仰馨環腰兒自  
齋莊肅紳九鄒重標自公勤卜夜鳴玉戒臨朝侍史隨肩植中  
涓接踵招

御鑪烟滿袖退食競揚鏡

一心巨為有鴻鵠將至十二侵

鴻鵠摩天起虛堂送好音層霄仙客駕老屋弄人心霜影遙橫  
漢基聲近出林一雙初日下幾度暮烟沈刺欲雲中認重勞局  
畔尋寸衷深放犬絕漠遠來禽飄渺如將見差池自不禁歲規  
昭自古垂訓杜於今

止子路宿十一九

平楚斜陽外長津急暮流丈人謀止宿仲子迴含愁北面居停  
誚東家倦客投谷音訴有託嘉黍最難酬古道風塵遠田家禮

數優雜聲喧竹徑星影挂簾鉤二子同青眼高人定白頭春秋  
陳蔡野隱者亦何稠  
孫叔敖舉於海四豪

漂泊懷孫叔當年遇亦豪功名橫大海家世湖寒濤一日中朝  
薦經年側席勞風雲騰蜃市龜龜走干旄遠波臣駕教辭水  
客袍滄桑經閱歷軒冕事遊遊蹤跡魚龍溷遭逢燕雀號水濱  
今試望惟有白雲高  
則茅塞之矣十二侵

茁二茹蕙長荒二側徑深山空成太古茅塞到于今為少通人  
駕如披俗士心昏二連谷暗莽二被巖陰狐兔成流厲驛驢不  
降臨芒鞋丹嶂迴棘道白雲沈綯待風前索痕從雨後尋名言  
師孟子周道示儒林

試律詩卷上

六

取瑟而歌十二支  
以疾嚴垂訓當歌且瑟訴肆教將命出顯令及門聞警睽傳今  
制庖義創舊文音傳牆數仞調寫意三分絃異南風卓聲非北  
鄙羣鼓鳴攻可例宰邇教九勤鏗爾絲方歇皇然唱又殷使知  
如使和無隱亦無云

舜杜林琴十二侵

赫二都君室遙二古帝琴五絃齊送響二媵必知音變羽重瞳  
威參商貳館侵惟多和順氣未有怨尤心倉廩俱無恙牛羊亦  
在林南風薰片二贊井感深二孝友情如訴壘篋調可譯文明  
牀上曲千載寄長吟

山雨欲來風滿樓十一九

茂苑當長夏來觀  
水頭雨容彌渭野風勢滿茶樓白日窗中

暗濃雲檻外浮塵高揚赤縣濤遠撼澹洲頊洞聲何厲登臨客  
亦愁人疑天上坐水待席前流嵐氣千層墨松濤五月初黃山  
開晚霽青滿帝王州

松化石二冬

予二盤根古巍二見一峯幻成名土石惟有大夫松頑自通雲  
氣縹仍偏雨容皮經霜染瘦嵐借雪添濃苔蘚千秋護烟霞百  
尺封虎蹲疑有詭龍化究何從垂釣磯堪步栖雲鶴失蹤青山  
當晚眺幾片落霞重

山下出泉八庚

不識泉來處曾問谷口聲脈從深澗溯名是杜山清觸石和烟  
漚方春藉雨生流雲三徑濕噴雪一窩明汨二千巖轉涓二萬  
斛傾花間堪窅抱竹外襟琴鳴學海心如揭朝宗派已成盈科

當日進潤澤贊

試律詩卷上

七

昇平

籠竹和烟滴露梢二肴

藹二花溪竹猶二夾岸苞烟清風弄葉露滴雨垂梢小閣棋聲  
靜深林鳥語交疏添橙藥亂密廕桂枝消三徑詩筒寄千竿畫  
本鈔嵐光搖屋板涼氣侵檐茅盡日龍吟笛何年鳳結巢晨炊  
聞客至高影落寒庖

有卷者阿

五歌

康公從幸處勝地誌卷阿山愛玲瓏秀邱藏曲折多行看雕輦  
至惟有慶雲多虎賁龍光騰鸞車鳳協和四圍環寶鬘一徑走  
旋螺日影披皇澗班聲轉大羅峯頭遙駐蹕谷口競鳴珂豈弟  
君臣意臨風發浩歌

一个茅亭傍水安九青

小隱清溪上人高地又靈門開三面水籬縛一茅亭花影邀漁  
父波光動客星濕烟侵板白春浪護苔青鷗鷺喧修清寫鶴宿  
短樵門前新月上岸外夕陽停酒友寒江夢詩情寄白萍青山  
還四面雨過簇雲屏

禳田一先

方社逢晴日家二事禳田豚蹄與頌禱孟酒共流連靈雨桃花  
廟和風柳絮筵露晞香掩豆月豔醴如泉羅拜兒童肅彈冠主  
伯虔馨香邨店外醉飽夕陽邊想牧歸荒徑桑麻帶晚烟西成  
欣有象擊壤頌豐年

四時最好惟三月四支

盛世年皆好方春樂倍宜每當修禊後尤愛暮春時日永鶯花  
麗風光士女嬉樹交雲霞二天媚景遲二茅店重沽酒蘭亭續  
賦詩菜花邨遠近楊柳舍參差祈穀羣開社收茶遠賽祠春臺

試律詩卷上

八

熙其

帝治仰無爲

流水今日十二侵

萬古觀瀾術淵源直至今涓二詞客賦森二雅人心皓月行閒  
印寒清筆底沈沈試哦淇澳瑟如鼓海天琴派自朝宗遠功從習  
坎深澄清方有頌擊汰最能吟騷正中央滌葩芬彼岸尋橫流  
爲底柱詩品冠儒林

小方壺試律詩卷上



小方壺試律詩卷下目錄

春水綠波

林茂鳥知歸

月點波心一顆珠

日報竹平安

梅瘦似高人

歸馬於華山之陽

鷹化為鳩

但見羣鷗日二來

澗雲藏寺忽聞鐘

茅龍更衣

青城山茶

漚麻

華陽黑水惟梁州

公子調冰水

再遲三日是清明

鐙殘風雨送芭蕉

漱石枕流

有眾逐虎

不可巨風

必求壟斷而登之

春蘭草

冀馬羣空

溪柳自搖沙水清

試律詩卷下目錄

十

幽尋盡處見桃花

土美養禾

鳳皇鳴於岐山

四圍寒翠聽啼鶉

三冬文史定用

晴鳩卻喚雨鳩歸

異苔同岑

春泥百草生

野人籬落豆花初

日氣含殘雨

老儒著書

小方壺大人命作試律詩一首

試律詩卷下目錄

十一

小方壺試律詩卷下

蜀郡孫淵岸夫學

春水綠波 五歌

春到蘼蕪岸離愁奈遠何一篇名士賦三月大江波旭日浮空  
麗東風拂岸和半灣青蘸渚一色黛橫羅晚見鴛鴦浴晴添鷗  
鷺過荆帆兼郢客漁唱半吳歌太白題詩夥江郎贈別多又傳  
楊汝則臨水送沙哥

林茂鳥知歸 四支

鬱二長林晚飛二鳥尚知豈無中澤戀同有故園思修竹三間  
屋喬松一帶籬擇來頻易樹遷到最高枝影亂雲深處聲繁日  
夕時巢容鳥鵲借地遠尉羅施灌木栖初定坐隅倦不辭側聞  
天子聖鳴待鳳皇儀

試律詩卷下

月點波心一顆珠 七虞

水澗天空夜晴光徹太湖四圍激浪月一顆媚川珠鼓棹仙霞  
爛揚帆寶氣瀾淵冰騰蚌蛤金璧耀菰蒲掬水驪盈手凌波鱗  
溢跌求無煩象罔涌直進珊瑚紺鷁迴交浦飛星燦玉壺洞庭  
風景在記得白家無

日報竹平安 十四寒

問訊牆東竹花閒駐馬鞍此君真爽健報客劇平安笋未因風  
折梢初滴露乾圓通如我易瀟酒似渠難無恙雲依壁多情月  
在闌屢煩名士友不厭腐儒看儘許蒿蒲拜宜橫綠綺彈一簾  
烟雨外栖鳳又栖鸞  
梅瘦似高人 十一真

竹外一枝春清香滿四鄰傲惟同野鶴臞正似高人躡雪過籬

落尋芳問水濱湖山新隱士天地苦吟身伴月流疏影空山見  
遠神冰霜時在抱標格本離塵笑祇君堪索圖容我寫真冬心  
懷舊雨鐵石意相親  
歸馬於華山之陽 七陽

戰馬罷戎行君王已剪商車迴周道左鞭指華山陽盡釋馱  
轡旋歸儀鳳崗蕭二鳴在谷皎二食于場隴坂芻菱峙梁州道  
路長駒聞遵廣漢葵兒貢西羌騎此實何所驅之牧遠方益門  
天上路去說大人鄉  
鷹化為鳩 十一九

春暖蒼鷹化桃花處二鳩糴衣新有侶鐵距舊無儔健翻心猶  
壯豐毛養又稠眼曾平野疾聲台茂林求甚美鳥同食巢危鵲  
競投花閒聯燕喜柳外伴鶯愁雨意偏知喚風光不記秋田家

試律詩卷下

桑柘影春水漫平曠

但見羣鷗日二來 十一九

杜老江邊屋柴門幾隊鷗喧二依渚泛日二逐人畱浩蕩翻春  
水安閒傍客舟伴應游女狎盟許釣徒求垂柳晴波外飛花古  
渡頭聲纔初日散迹又夕陽稠屢導漁郎過重遊估客游澄潭  
頻刷羽一漾翻清流

湖雲藏寺忽聞鐘 二冬

寺不知何處松雲盡日封行來無底谷聽得上方鐘老鶴皆驚  
起高僧未易逢音延璇窈窕響散玉芙蓉采藥深迷路循聲遠  
杖筇泉流時有賴木落轉無蹤徑窄喧皇湖斜陽震碧峯到門  
餘韻歇雲斂翠千重

茅龍更衣 三肴

隱士傳佳話廬山谷一坳龍衣高挂竹蝸舍舊編茅換去渾同  
蛻更來似打包茹連應有兆鱗次總無肴虛壁宜霞護柴扉待  
月敲鑊盤惟抱膝雲臥欲凌巢蓬勃迎風偃之而得雨交此廬  
吾亦愛肥遯乞他教

青城山茶一先

薄采青城樹茶香快霽天味經名士品法待野人傳寒送千巖  
雪焙生一屋烟翠延丹士竈碧煮壽人泉雀舌知腴永龍團得  
氣全葉當開棟剪火趁改槐然簾幕松風裏旗槍敲雨前岷山  
夸異產試院証他年

漚麻四支

為用麻原廣東門舊賦詩來觀陳國畝藉用習家池掇皎泥難  
湮漚漚水易卑蛙聲喧曲徑鷗影隔疏籬管苧容相雜蓬蒿未

許知長材經澡濯直道慣扶持梅雨防九劇熏風吹亦宜先民

元冕重作貢底

天墀

華陽黑水惟梁州十一九

華岳青天外苴巴白帝邱滔二今黑水莽二古梁州一氣東南  
走三川日夜流元圭神禹廟蒼壁李冰樓漆點玲瓏石烟冥上  
下舟半鱗看躍鯉白羽笑浮鷗王濬船何有交孫壘尚畱姦雄  
資割據風浪使人愁

公子調冰水二蕭

何處佳公子攜尊過板橋水憐荷淨碧冰挾竹深調氣自嚴霜  
雪光還雜佩瑤林中堪縱酒雲外欲生潮日漸沿溝落風還透  
葛飄涼宜紈扇送清並玉壺邀充耳歌聲沸當頭雨執饒嘉賓

看杜老高詠溢蘭茗

再遲三日是清明十三單

樂事清明近詩狂藉酒酣但妨時不再已是日初三指屈同隅  
反肩隨借徑探桃花初泛鴨柘館幾眠鸞插柳門猶未聽鶯樹  
已堪朝惡陽鳥認期待白圭占新火從頭改嘉賓促膝談沽春  
開好會投轄可無嫌

鐙殘風雨送芭蕉二蕭

夜永風兼雨殘鐙慣寂寥微涼侵枕簟繁響送芭蕉到耳虛堂  
迴關心故國遙涼瑋檣馬雜浙漚紙寫飄客思吹難斷詩情滴  
更饒膏闌光在壁雲暗氣侵檠蝶夢高樓續雜聲老屋驕空階  
喧落木霽色晒來朝  
漱石枕流十一九

王濟高名遠孫君妙語瀦來滄海石枕得大江流嚼雪寒巖

外眠雲古渡頭量沙同聚米梓海當登樓折齒防何有安瀾策

亦優襟懷探尺璧稚席視淨漚氣蓋黃羊嶺名高白鷺洲始知  
堯舜世原自有巢由

有眾逐虎七虞

有虎方當路邨愚競欲誅追呼騰鉅野蹤跡到邱隅狐久容威  
假佞兼餒肉驅耽二甲眾目逐二笑凡夫電突仙人騎雷鞭道  
士符從風愁弱草聚挺駭長途有士思馮婦無苛誚魯姑渡河  
行負子盛惠待名儒

不可曰風一冬

貨色膏肓甚齊宣晝閉宮未嘗霑化雨故怯坐春風不可誠如  
是曰狂洵有同飄搖君子惠寂寞大王雄詭浪情何限吹嘘術

已窮明堂輸偃草戶室感飛蓬習二愁陰雨決二表大東輪軒  
觀故國喬木夕陽中  
必求壘斷而登之十蒸

大地皆樓閣而求壘斷登丈夫名已辱捷徑此焉憚豈有仁心  
在於斯利欲興矜高雙足踏求富四時升更上難為地喬遷此  
最能躊躇宵灌二臨眺曉層二網待張三面錢須貫萬繩紅塵  
如失足温飽竟何曾

春園草十三元

春草零皆雨生機徧小園柔將書帶染翠逐石苔繁蕉影連琴  
幌芸香入酒尊青猶防屐踐綠肯借鋤髡蝶下凌烟舞蛙藏得  
月喧露霑花亂落風偃鳥無言色重低侵砌痕高漸上軒西堂  
幽夢曉鎮日掩柴門

冀馬羣空一東

黃驪兼北牡蕙野相何工樞已頻年伏羣當一顧空自天秋逐  
日行地曉嘶風身價千金待驂騑一氣通騰驤資賞識駕馭得  
英雄德自稱龍種皮蓋假虎蒙品題方有地遇合豈無從上駟  
天閑選猶能御小戎

溪柳自搖沙水清二蕭

野水澄如鏡垂楊兩岸條倒添春漲碧斜映渚沙搖細雨初開  
眼臨波更折腰烟疏飛鷺下日漾細魚跳嬈娜微飄絮漣漪遠  
弄潮陰濃枝自弱痕亂浪初消雨慙兼雲態長橋更短橋驪駒  
如贈別能不悵翹二

幽尋盡處見桃花十二侵

仙源何處問洞口幾回臨幽境沿溪溯桃花盡日尋伊人遐駐

足之子重關心灼二東風笑天二曉露侵白雲芳草徑碧樹夕  
陽林路記來崑遠山從入後深晴添流水潤紅訝落霞沈莫使  
漁郎誤津迷直到今

土美養禾十一真

沃土開平楚嘉禾長莖均萬方欣得地四海慶同仁賦澗青黎  
辨菑禽秀實陳厥田惟上二有隰亦酌二沛澤霑君子會孫慶  
野人樹滋維盡美翼彼競懷新豚酒儀方社篝車祝比鄰  
熙朝崇積事齊澤下於民

鳳皇鳴於岐山十五刪

鳴鳥昭祥瑞周京史不刪先聲騰鳳羽流響自岐山跡在卷阿  
上輝儀彼咀閑鴻遠聯隊二鳩語雜關二湛露其桐飲朝陽映  
日斑慶先麟趾降惠庇鵲巢還熊夢人文啟龍興歷數頒腐遷

書武帝若是豈能班

四圍寒翠聽啼鵲有註

岷陽杜宇暮麗觀稼亭讌集大人以前邑侯錢香士帥題壁句  
命作試帖詩一首

溟濛寒翠合縹緲茅亭花外啼鵲起晴同布穀聽聲浮千嶂

白玉臺喚起四圍青古縣春風晚溪田暮雨零三巴愁逆旅一

鳥重丁甯客拜猶魚復魂歸傍甍靈殘春喧繡陌流韻入空櫺

古帝垂明德芳徽派典型

三冬文史足用二冬

文史千秋事綺年意所鍾功妨虧一簣學待足三冬硯自紅  
鏤炎維當白雪封捲奇編欲絕呵凍墨猶濃點筆依寒竹橫經和  
古松才真先繡虎心欲擅雕龍策擬他皆獻源須此日逢歲星

天上見景仰一相逢

晴鳩卻喚雨鳩歸

相逐還相喚東風宛彼鳩茂林晴乍哢深巷雨初收翼二時相  
掠關二遠好迷簷嫌鶯舌鼓懶趁鵲巢投潑袴喧針水吹竿戀  
匹儔柔桑斜日亂高竹濕雲浮牆畔幽人屋花閒少婦樓出林  
欣快霽糧粉侶黃侯

巽苔同岑一東

一碧岑何峻蒼苔上下叢迹如名士異心與故人同畫許披青  
讀文殊刻翠工停雲芳草外傾蓋落花中舊雨痕爭長他山石  
可攻巖容須辨別嵐氣聿交融臭欲馨蘭露詩休賦谷風高文  
欽郭璞友道至今崇

春泥百草生十一真

試律詩卷下

七

燒痕畱宿火百草自經春萌動看泥輒生機得雨新蘇隄深澗  
屐將徑細成茵滑二連長坂菱二帶遠津淺看鴻爪印深襪馬  
蹄勻濕滯看花客晴遊拾翠人東風吹繡陌南浦碾香塵河畔  
王孫路題詩傍白蘋

野人籬落豆花初六魚

瑣碎花含白籬將豆補疏生其當夏晚破藥入秋初蔓綠將迷  
徑莖高欲蔽廬馨添風拂處肥藉雨零餘茅舍朝攜榼柴門晚  
荷鋤根深鳴蟋蟀香細雜芙蓉采較中原便烹仍七月徐田家  
欣仰事菽水意何如

日氣含殘雨十三覃

夏雨過中岳羲車碾蔚藍其光雖大布餘潤尚高含暑退涼徐  
引虹消暈遂參天容浮嶮澗雲勢薄峭函塵洗中原霧風清少

室嵐綠蒸伊闕暗紅浸洛城酣卷幔濃陰合當軒暮靄夕陽  
鐘鼓動車馬去河南

老儒著書十五刪

終歲湘簾下高文百徧刪縱橫千古事寂寞一身閒甕底毫都  
秃行閒業自艱冰霜心緒苦風雨鬢毛斑陋巷無人過衡茅鎮  
日關知今邈法古表惠又誅奸接箔晨輝爛開門曉月彎窮年  
儀著讓懷抱滿名山

小方壺大人命作試律詩一首

地曰先生重靈客受一壺靜深原不俗安樂得相娛靜深安樂皆壺中極  
語屋異牽蘿補牀常掃葉鋪塵心今已沒道味老偏腴明月書  
櫺入繁花竹徑扶山依安宅壽人不德鄰孤文法東西漢詩高  
主客圖游仙名可託原不礙為儒

試律詩卷下

八

小方壺試律詩卷下

附錄一卷

鷺溪居士稟

哭中子粥詩十九首

大藥空聞采十洲返魂香散水東流最憐猶子為其子舐犢勞

二瘁老牛

秋墳埋玉淚如潮腸斷而翁恨未消今日西頭空老屋一經重

抱哭垂髫子甫十歲

十襲殮衣慈母具兩年湯粥病妻擎夜臺尚寐庸無覺忍聽全家哭失聲

青巾一頂絆浮生傍我田閒話太平二十華年人一世九原何處乞科名

擬持我服三年禮門下言詩廢蓼莪

衰翁收爾骨據牀先隕淚滂沱

類齡錫爾難如意媚寵慚儂術已疏膝下負他賢父子平安重

附錄卷一

十

學刺閨書中子病日本年秋復發其短折原誠不至終弗應弗視子猶

孝友淵源共一家綃衣團扇玉無瑕謂其兄試銓橫風疾雨朝

來又憤打人閒出色花

燕喜為溪修酒尊衣車南至有逢迎貧家婚聘非容易儘乞黃

金買哭聲中子婦潘前二

十三經外六朝詩文選年二力下幃竹閣短柴風雪裏父斤零

落杜家兒

冰心共有高人意將母無忘孝子心應是潛夫孤負汝綺年地

下作冤禽中下後見夢於室人謂己年

顛齡有女戲茅堂中子容歲病愛其兄之幼女學語牙二左右

將尺半麻衣齋炬收瞋爺今日不來嘗

骨肉淒涼恨事周溪山蕭瑟讀書樓等身著誤成何事慘對巾箱掉白頭

見說彭殤自古分無馮修短數難聞生前衣履都持去泣望瑤

京禮白雲中子致十日有京師白雲觀

喜爾長身玉雪姿華子老病一身危青山豈意培黃土重勒延

陵弟二碑潘兄式

屋上慈烏故二哀門前寒日沒蒼苔一林烏柏蕭二影應是新魂月下來

弱冠名場擬策勳風檐嘔血為臨文兒病咯血殘年一掬傷心

淚迸向荒邱哭卯君

愁雲慘雪著枯桐一曲寒溪帶殯宮乾土近人清淚漬明年墳

上化秋虫

附錄卷二

二

梅花修竹蔽庭除大好岷陽隱士居老抱冬心感時事黃墟難

寄一封書

一甌寒共弟兄溫家一甌與綦履花前跡尚存嫂氏有身

行嗣續證兒孝友大吾門新婦無出志守節子以馮兄

甲辰七夕豫生紀事詩

豫生天若豫快癡入良宵初淫雨一月豫生之夕星影垂高棟

能負青山伴老樵

阿咸今不見歲之仲冬林下恨如何爾祖十年逝子舉致吾生

去日多衰宗真寂寞壯子各蹉跎子姪二人曉送書堂喜翻流

淚若河

半

詩

曲  
辰

選

州

四

合

卷

海鹽張廷棟撰

族姪元濟謹署

海鹽張氏託上海商務  
印書館用活字排印於  
民國十七年四月出版



序

詩三百篇聖人列之為經而其教小子曰可以興可以觀可以羣可以怨約之以邇事父遠事君蓋發乎情止乎義其為教足以感人心而厚風俗固非可以章句求也越千百年楚屈原以忠君愛國之心託諸美人香草而作離騷好色不淫怨排不怒殆兼國風小雅而有之古人重有取焉至陶靖節際易姓之交樂隱居之志其為詩深微淡遠寄意獨超視碩人樂淵之詩心更苦也論者謂得於三百篇最深繼此者杜少陵也當祿山之亂奔走戎馬之中慨然以君民為念其間朋友之聚散家室之流離悲傷抑塞之懷一皆於詩發之非得乎情性之正者乎詩教賴以不墜者恃此數人耳若夫昌黎掃八代浮靡之習太白與少陵抗衡東坡獨闢町畦別開詩派類皆有真學問真經濟真性情以貫徹其間故能卓然成家與風詩相表裏自餽釘之學盛一變而為性靈性靈之說半農草舍詩選 李序 一 涉園叢刻

行一變而為詭異專於規倣者獨少心裁貌為清新者中無寄託詩教之衰有由然矣張子文圃少問字於余工舉業自遭粵寇後以優等貢成均所如輒左家日落乃以悲愁之隱寄之於詩講求者素矣暇日策所著半農草舍稿就正於余披閱一過覺搜詞必麗託興必遙思親懷友諸篇尤識古人立言之意美才未易量也爰舉詩教之大以廣之文圃年方壯擴之以見聞深之以閱歷養心一室縱目千秋即興觀羣怨之訓以讀三百篇並以讀諸大家之詩浸而久之蘊蓄富而涵養深取法精而格律正他日掄揚盛美漸登著作之堂所造當更有進者豈徒吟風弄月藉摠抑鬱之心也耶文圃其勉乎哉是為序同治十年辛未海天逸叟李承燾

序

今人十年就傳即讀綫裝書至十七八歲時積盈數尺我意其下筆屬文當融會貫通汨汨乎其來矣無如今之子弟祇會口讀不知心解其書在腹猶錢散地不知從何覓起即或能用幾句又是生吞活剝毫無生氣良可歎也試觀古來名家大家何嘗不用書卻又何嘗用書蓋其運用時鼓鑄陶鎔不肯為書所縛故能如此夫人之立言也所以發揮性靈耳必當自運杆袖使紙上躍躍有生氣人人望而怖之斯為之妙惟詩亦然予同硯友張君文圃幼甚敏悟髫年讀書日數十行喜作詩學畫至十六七歲書已數尺出筆時渾渾灑灑頃刻數千言皆從性情中流出予師 存希李夫子奇而歎曰此子頗有內心他年定成大器而課之益嚴庚申兵燹紛起城垣被據讀書者皆從此閣筆而張君亦以家境艱難幾棄而學賈甲子賊平旋里後復埋頭用功乙丑入泮旋食饋貢半農草舍詩選 陳序 一 涉園叢刻

入成均鄉闈屢蹟於是敏履功名益肆力於詩畫並通音律借花月山水舒其懷抱磊落奇偉之氣時時自十指中出集中無一句不典卻無一句是典風流蘊藉蓋其天性然也嘗言曰詩以道性情貴乎真而已平日以杜少陵為師每作一首必印證之故時有脗合焉然其激昂慷慨又由於鬱鬱不得志而出也予與之締交最久唱和有年胸臆抱負盡深悉之他日付梓當以予言附於末也同治九年庚午人日同硯譜弟陳高明月峯氏謹敘

序

庚申之歲余避亂南鄉卜居於馬鞍山下茅屋三間面山背水徜徉其間洵足樂也惜無能詩者與之游盡搜山水之奇與踰年陳君月峰亦賃居於此乃與之聯步登高東望秦峰南望大海北望鹽城西望硤川兩塔高聳於雲端萬山錯出於林表春秋冬夏之交風雨晦明之候彼此倡和逸興遄飛陳君謂余曰此間勝境設令張君見之又當增許多詩情畫意矣余問張君爲誰曰吾少時同硯友也字文圃善畫能詩自我不見於今三年今不知流落何處相與悼嘆者久之甲子寇平遷者既歸散者復敘余始因月峰獲交張君是時世態浮雲人情流水張君獨以古道自處不蹈俗態聯吟社結詩盟詠綠水青山之句唱春花秋月之詞有秋圃倡和集蘊古樓詩草尙未問世今執半農草舍稿屬序於余余自慚譎陋辭不獲因述其締交之由以應所請是爲序同治壬申春王

半農草舍詩選

徐序

三

涉園叢刻

正月同譜弟層山徐用蕃謹識

序

蓋嘗仰觀俯察見夫宇宙之中山川草木鳥獸蟲魚怪怪奇奇千態萬狀莫可名言而神於畫者往往繪色繪聲繪形繪影以肖其神而盡其妙心竊異之以爲畫雖小道其化境固若是之神耶及與張君交見其所繪之畫無不肖其形而所題之詩又無不肖其畫於是恍然悟曰畫與詩固相爲表裏者也張君字文圃性聰慧多讀書舉業之餘旁及百家維天之高遠地之幽深莫不探源攷奧以窮其理故所作詩詞悉與人異蓋其天分既高學識又廣舉凡身之所歷目之所見詩不能達者形之於畫畫不能傳者筆之於詩無不臻乎化境而神妙莫測此其神明於畫宜其神明於詩或有聞而哂者曰如子言善詩者必工畫則不善畫者其必不工於詩者乎予曰否否蓋畫以寫詩之形詩以達畫之意文圃以繪畫之筆施之於詩故其詩尤神也若必能畫而後能詩則古

半農草舍詩選

陳序

四

涉園叢刻

今來之以詩名者其皆能畫者耶予之與文圃交最晚而相契最厚每當聯吟唱和時一有不合處卽爲余指陳得失而文圃每一脫稿亦錄以示予故予之稍稍能詩者皆文圃之所指授也則文圃與予固友而兼師者也今讀半農草舍詩集無格不備無美不臻覺向之所謂莫可名言者今皆於詩得之則山川草木鳥獸蟲魚之飛潛動植於宇宙中者不獨神於畫者能繪色繪聲繪形繪影之肖其神而盡其妙也古人有以畫爲無聲詩今觀於文圃之詩實謂之有聲畫也可捧誦之餘聊書數語於簡端未識文圃以爲如何同治癸酉仲冬月

介石弟陳廣笙拜撰

題詞

一別於今思倍切書來差幸慰離愁遙傳初集成三卷更惠新詩寫九秋微獨丹青追畫聖好將元白作吟儔因知風雅皆餘事羨汝多才迥不侔

開卷儘多珠玉在何煩遠道索題詞效契應惜蒼顏老學步徒慚白髮遲枵腹悟從衰晚後埋頭功屬少年時愧無黃絹堪持贈珍重楮生達鳳墀

同治壬申秋九月展誦 文圃內阮寄示吟稿率成二律以酬之

丹卿沈拱樞錄於蠡城之山陰學舍

自序

今夫詩之妙境無不曰真然真則近於朴無不曰幽然幽則近於晦甚至牛鬼蛇神俚辭粗句狡怪百出皆不足以云詩也詩之至者在乎道性情性情所至風格立焉華采見也聲調出焉由本而立不可偏廢也僕從事於斯有年而百不能得其一二於以知作詩之難而幾欲焚其筆研以固陋終身矣自乙丑歲始或客中誌感或病中寫懷偶有所觸直抒胸臆兼之長夏無事或假吟詠以卻睡魔是亦消遣之一法也然求其有合於作詩之道而以工拙論也則不暇及矣同治五年歲在丙寅九秋張廷棟書於蘊古樓

半農草舍詩選目錄

卷一

夜讀 丙寅

深秋夜坐

送春曲 丁卯

繡毬花

春草

麥浪

聽雨

吹笛

寒鴉

陳月峰來硤石見訪喜吟 己巳

寄陳月峯 二首

晚步山野書所見 二首

少芝弟以家書至

偕月樵老人游山

新筍

新蟬

舟泊橫頭鎮

中秋前二日舟次青涇聞居民云有

半農草舍詩選目錄

涉園叢刻

保福庵僧慎修者善寫竹能甚即偕潤吾過訪求畫與之手談三局作

此留別

豔體四絕次當湖胡蘭濱韻 四首庚午

早春客中散步東湖

春夜聽雨不寐

春曉

苦雨

寄家書

感時

相思曲 二首

題東湖酒樓

新燕

花朝出游 六首

答友人贈別見寄

雜興 六首

病中思親枕上口占

初夏過鄰園

喜得友人書

偶從亂草中得蘭花一種

寒夜不寐

述懷

日暮冒雪訪陳月峯因事下鄉不晤歸而作歌

汪嶧山丈喜酒善吟年逾六旬精神軒爽願與訂忘年交詠黃梅花索和

三首

寒食前二日偕月峰介石散步北郊

途遇風雨觸目有感 二首壬申 二月廿七日清明燈下感賦

燈下對桃花

贈陳介石 二首

初聞蟋蟀鳴

雨過

叔雲從弟於季夏八日溘逝秋窗靜坐追憶感賦 二首

寫懷寄鄂陽山人范雲鄂

月鏡

落葉

春閨詞 八首癸酉

雙山道中 四首

當湖春泛 四首

日暮偕李子綏陳月峰散步南郊

雨過夜坐

半農草舍詩選目錄

涉園叢刻

偕徐怡庭 廷叔 泛舟茹安橋小泊

新竹

初夏 甲戌

午睡惜夢

月下

自題山水畫軸

卷二

曲水園探梅贈馬錫蕃 四首乙亥

寄意

雪後

久雨立春前一日作

寫興 三首丁丑

自足吟 三首

南湖渡船詞 六首戊寅

蘓古樓日暮偶吟

寒夜

早春 己卯

訪徐吟舫振常不遇

母病咳甚重寫悶

雨過夜坐

題邑侯司春崖明府 先 鐵石梅花

山房圖	小春望前二日朱斗泉明經 <small>庚辰</small> 李
止亭明經 <small>庚辰</small> 徐吟舫王少宜兩茂才同於海上治水航饋別汪子介	
司馬 <small>元昌</small> 何庚生少尉 <small>夢星</small> 並爲眉生王君接風作此示同人	
燈下	除夕
余家涉園劫後林木傷殘不少今族人檢點一過則喬木多半成灰燼矣	汪暉丈抄示漱紅主人何衡山詩伯
作此感誌 <small>庚辰</small>	
近作讀之殊覺元氣渾成詠贈以誌欽仰	
西窗觀雨	卽目
鄉村二首	登忙詞四首
五禽言五首	布穀
贈友	擬杜少陵白絲行
半農草舍詩選	目錄
幽居	小滿曲
偶成	題自畫山水册葉 <small>十首</small>
四月田家	題自繪便面
納涼	秋夜
書窗遣興 <small>辛巳</small>	雨後信步
夏日	竹夫人
牽牛花	翦秋羅
閏七夕二首	病起二首
卷三	
新歲連日晴朗 <small>壬午</small>	燈下觀梅
寫興	夏日三首

偶成	殘冬臥病
養疴蘊古樓 <small>癸未</small>	歸隱詞六首
詠梅花二首	及門馬稼蕃茂才 <small>爾</small> 邀看梅花作
詩以謝之	述懷四首
閒步湖上至韜光小憩二首	小樓聽雨不成寐枕上作
客裏三首	雨窗悶坐
夏日曉起至三雅園品茶二首	山樓二首
重陽前三日偕友王琴齋遊韜光小憩隨登北高峰	
采尊曲四首	遊北山晚泛湖中
秋感二首	歸家未果二首
有雪二首 <small>甲申</small>	寒食村居四首
半農草舍詩選	目錄
天雨	雨霽散步
暮春野望	村居
新夏二首	遠望
雨霽晚眺	春農二詠
雨中	寫興二首
自解	憶西湖八首
憫農夫	納涼
夏日二首	曉起野望
重陽日對菊獨酌二首	記事二首
花朝野步 <small>乙酉</small>	二月杪泛舟武林雜詠 <small>五首</small>
紫燕來巢寄廬迨成忽被狸奴驚去回翔審顧若依戀不忍去者感而賦	

此三首

刺梨花二首

村居

卷四

清明前一日 丙戌

野塘

兩餘散步二首

春日 戊子

至文庵訪蜀僧光華和尚

歲暮二首

除夕

哀痛詞十二章 壬辰

重陽日贈蓮坤上人二首

破曉起誦金剛經聞樹頭鶻語似作梵音二首 乙未

寫興

一春多雨無快晴之日屈指春又將

去雨仍不息

戲詠水仙二首

和任學舒詠木桃花韻二首

歲晚無事感賦

聽雨

懷舊二首 癸卯

作樂府九章

偶見地上水仙盛開任人踐踏為之惋惜不置二首

追憶庚辰八月查德甫以詩約同人於十八日至海上觀潮繪圖贈陳介石八首 乙巳

快晴

刺梨花二首

兩餘散步二首

春日 戊子

歲暮二首

冬夜夢回枕上口占 己丑

避暑城南寺贈蓮坤上人二首 甲午

除夕前一日燈下三首

一春多雨無快晴之日屈指春又將

去雨仍不息

戲詠水仙二首

和任學舒詠木桃花韻二首

嘉平月十九日即事

為任學舒遺照補圖并題 壬寅

秋闈榜發報罷

題表貞集為黃玉章少尉 寶璋之女

花朝喜晴

偶見地上水仙盛開任人踐踏為之惋惜不置二首

追憶庚辰八月查德甫以詩約同人於十八日至海上觀潮繪圖贈陳介石八首 乙巳

和介石春分日作步原韻二首

午窗靜坐

懷友寄介石二首

九月十日熱甚忽聞蟬聲

閒坐樓頭對景有感 三首

夢見故友陳月峰醒而有感

病後苦羈除夕至白苧村馮氏女家度歲

人日天雨二首 丙午

連日雨雪倚門遠眺 四首

雪後二首

薄晴出游村外二首

中秋後旋里作

作客白苧村

不寐

睡起開窗書所見二首

正月十二日子刻立春是日天晴

雨霽

立夏前二日

半農草舍詩選

目錄

目錄

六

涉園叢刻

半農草舍詩選卷一

海鹽張廷棟

文圖

夜讀 以下丙寅

月落一燈寒不寐惟吾獨開匣檢奇書朗誦神鬼肅香燼半鐘煙室護千竿竹  
花落花又開堪歎年華速漏殘天破曉好鳥還催讀

深秋夜坐

日短秋將老宵深月倍明好花燈下看落葉夢中驚世態棋一局人情歲幾更  
近來詩思瘦得句未妨清

送春曲 以下丁卯

垂老東風吹柳絮九十春還有幾許杜宇聲聲不住啼無端喚卻春歸去春歸  
去留無計游絲百尺春難繫畢竟春歸歸何處著意問春春不語春不語歸何  
半農草舍詩選 卷一 步 園 叢 刻

遠贈行覓遍無佳句閒愁萬斛付殘花春心翦碎同飛縷惜花人悄倚東風隔

簾亂落如紅雨

繡毬花

留得春前雪鎔成箇箇毬離塵香自浪弄月影俱浮碎帶三分潔閒拋一段愁

梅花誰繡出寒玉滿枝頭

春草

嫩綠柔香遠更濃春來何處不茸茸六朝舊恨斜陽裏南浦新愁細雨中近水  
欲迷歌扇碧隔花偏襯舞裙紅平川十里人歸晚無數牛羊一簇風

麥浪

浪浪寒濤四月初輕風隴畔雨初收低昂也作翻騰勢驚破閒眠幾白鷗

聽雨

滴階碎玉響東丁半壁燈殘夢乍醒點點窗蕉蕉上雨那堪深夜枕邊聽

吹笛

瞬息光陰又晚秋閒吹短笛破新愁珠簾捲處香風動知有人聽在畫樓

寒鴉

蕭蕭古木亂棲鴉幾日西風冷意加墨點最宜山色淡噪聲偏愛夕陽斜寒生  
義府詩中樹飛破雲林畫裏霞日暮小橋荒徑外滿江紅葉正如花

陳月峰來硤石見訪喜吟 以下己巳

河橋二月垂新柳閉戶攤書消永晝忽聞青鳥報君來一笑哈然難合口捲卷  
擦身話闊衷彼此相疑是夢否同心結契十餘年道義往還情本厚明風晦雨  
共論文翦燭西窗一樽酒今春攜笈寄雙山不獲披襟時敘首問君何事忽相  
過客館班荆復道舊坐我春風和氣中我輩交情淡愈久百年能得幾知音欲  
半農草舍詩選 卷一 步 園 叢 刻

別還教頻握手不須惆悵暫離羣後會有期清明候人生會合本無常請看浮

雲幻蒼狗

寄陳月峰

月鈎鈎起恨千重短夢驚回野寺鐘自別知音三兩日旅魂常繞白雲峰

其二

夢隔山山東望遙夕陽煙樹路迢迢欲酬高誼無佳句故把青燈幾次挑

晚步山野書所見

樹影參差塔影低夕陽淡鎖沈山西一叢青草誰家塚半作桑田半入溪

其二

權籬環處綠陰肥臨水人家半野扉浴罷碧桃花下水一羣野鴨向前飛

少芝弟以家書至

敗殘春興雨初乾遙盼鄉書半月寬昨夜燈花原有兆應君傳語報平安

借月樵老人游山

重重煙樹綠初勻隔岸青山點綴真一角紅牆雲外寺滿頭白髮畫中人松茅屋小峰環險石板橋低水漲新野徑藤花開未了猶留淺色戀殘春

新筍

觸藩斑剝豹成文頭角崢然已不羣自小生成君子格出山早有志凌雲

新蟬

初出泥塗第一聲炎涼風味早分明梧桐十丈猶堪託自守清高了此生

舟泊橫頭鎮

夜泊平橋外孤舟客夢涼月連蘆絮白風送稻花香促膝談知己關心話故鄉更殘眠未得何處笛聲長

半農草舍詩選

卷一

二

涉園叢刻

中秋前二日舟次青涇聞居民云有保福庵僧慎修者善寫竹能蒼即借

潤吾過訪求畫與之手談三局作此留別

彼岸同登與俗離禪房清淨頗相宜庭花疎淡爭秋放胸竹橫斜出筆奇倚燭無言權入定呼茶小坐試談棋林深地僻幾忘世何日相逢再訂期

豔體四絕次當湖胡蘭濱韻

以下庚午

隔重簾幙隔重春祇見圍屏不見人倚遍闌干紅十二今宵何處著閒身

其二

夜深不避朔風寒猶自推窗幾次看花徑月斜香露冷為誰憑遍玉闌干

其三

香鎖鴛鴦夢不同蘭房春暖一燈紅綠窗夜靜誰彈指定有神仙下月宮

其四

春上梅梢信乍通水晶簾捲待東風畫眉窗下情多少盡在先生詩句中

早春客中散步東湖

一番雨過一番新萬卉爭春變換頻曲岸梅殘猶弄雪平坡草軟漸成茵柳條綠破鶯先覺花市紅疎蝶未親湖上酒家風月慣往來不管別離人

春夜聽雨不寐

尺二燈殘漏五更滴階猶聽雨聲聲滿懷詩思清於水一夜憂花夢不成

春曉

鶯啼驚夢斷夢斷忽還續春倦只思眠日高猶未足

苦雨

客中日日雨愁煞客中人煙鎖紅橋斷雲指綠野新頓添三尺水又隔一重春畫裏青山活消閒寄此身

半農草舍詩選

卷一

四

涉園叢刻

寄家書

暫客何嘗算遠游敢將小病累親憂今朝好趁東風便再寄平安慰白頭

感時

綠到垂楊紅到花春風春雨遍天涯故園新燕應思我如此春光不在家

相思曲

欲語相思冒雨去相思欲語渾難語幾日相思勝幾秋題詩祇有相思句

其二

相思若渴愁難掃許多愁寄相思草雨餘窗下話相思相思恨不相逢早

題東湖酒樓

喜趁游蜂過釣缸往來燕子自雙雙板橋花市香千疊茅店春風酒一缸紅杏爭開騎馬路綠楊閒繫賣魚樓人家樓閣多臨水日暮移帆補紙窗



新燕

秋去春來半客中年別恨了無窮也羞菲屋巢初定欲附離梁路未通楊柳  
風疎雙翦碧杏花兩嫩一襟紅主人情重簾先捲口嚼香泥話關衷

花朝出游

客裏風光客裏身六街春暖一番新今朝撲蝶誰爲伴要讓桃花作主人

其二

綠楊深處酒旗翻風信頻吹又一番花見詩人齊帶笑依依欲語更無言

其三

橋外花多路欲迷鶯聲著力爲誰啼無邊春色真無價不惜黃金菜一畦

其四

柳色三分春二分時聽好鳥樂同羣故人家在桃源裏相約看花趁夕曛

半農草舍詩選 卷一

五

沙園叢刻

其五

杏花樓閣綠楊煙裝點陽春二月天誰借風流才子筆隔簾摹影畫神仙

其六

青青楊柳軟如絲管領東風入夢遲郊外游春多少客折來聊且慰相思

答友人贈別見寄

短別非爲別空懷對酒時多君尋舊誼慰我寄新詩夜月千秋恨春風兩地思

落花魂欲斷更值雨如絲

雜興

爲惜餘芳掃落花替花扶月上窗紗年年春比花先老只煮離愁不煮茶

有句云煮茶當酒開之煮離愁宋人  
有句云煮茶先煮愁愁與春共去

其二

蝶戀餘花未忍拋夢回雙板不勝敲殘紅滿地誰收拾燕帶歸泥補舊巢

其三

戴勝聲中雨一犁催春且漫向人啼近城風俗無忙月蠶市開瓊葉市稀

其四

鯽魚入市繼冰鮮喜換時新又一年昨夜剛逢春去後落花飛到酒樽邊

其五

梅子青青鬪筍櫻新蠶豆熟始嘗新嫩寒猶怯羅衫薄曉起綿衣未脫身

其六

香試新茶煮雨前小齋杯酒夕陽天滿盤青翠千金菜俗稱高菜難買春回不值錢

錢

病中思親枕上口占

半農草舍詩選 卷一

六

沙園叢刻

浙瀝復浙瀝細雨窗前滴有人枕上聽夜靜倍淒絕轉側不成眠滿腹愁懷積

燈殘爭欲花柝轉聲何急遙念堂上親何事輕離別今宵病孰知肢體俱無力

客館有誰憐自病還自惜欲以告高堂又恐勞親憶倦眼轉朦朧一擊一呼吸

願驅病魔去夜夜安枕席

初夏過鄰園

蜂蝶隨春去澆春酒尚溫早花多結子晚竹始生孫柳浪輕翻岸桑陰濃到門

他鄉知己少心事共誰論

喜得友人書

昨夜醉醺醺曉起猶未醒忽得故人書如渴得茶飲反覆幾回看勝展同心錦

胸懷殊戀戀立盡梧桐影

偶從亂草中得蘭花一種

蘭從荆棘叢中出愈辱泥塗愈見真不與羣花爭色相謂同臭味豈無人

寒夜不寐

數盡更籌眠未穩雞聲遙聽出鄰家寒威逼戶霜初落竹影當窗月正斜曙鳥欲啼還入夢短檠猶暈不勝花清貧門巷無驚犬何用連番夜柝撾

述懷

年來多病喜安居豈爲清貧廢讀書達士不嫌茅舍陋名花何礙竹籬疎愛看山水閒披畫學種桑麻自弄鋤誰料庭空春又到一枝梅放雨晴初

日暮冒雪訪陳月峯因事下鄉不晤歸而作歌

日暮雪霏霏萬點梅花沾我衣雪舞漫天白數點梅花點我額衝風冒雪過溪橋橋外空濛柳絮飄絮爾飛來不擇地無端片片逐風消窮途狹巷曾鋪遍落花滿徑瓊瑤賤清寒直逼故人家無緣不識袁安面悄掩虛窗鶴守門先生鼓

半農草舍詩選

卷一

七

涉園叢刻

棹去江村聞道歸期今不遠試看清白滿乾坤乾坤清白河山壯行行獨立溪橋望玉樹交枝力不勝千林萬木瓊花放今朝驢背共誰來四野無塵淨似揩我心方得一清淨不有梅花春自佳

汪嶧山丈喜酒善吟年逾六旬精神軒爽願與訂忘年交詠黃梅花索和

燃蠟初成小試春一枝漫寄隴頭人疎疎巧弄鵝黃色宮額齊翻花樣新

其二

石湖九十科梅品未補東南第一花莫道春風消息斷返魂香草透窗紗

其三

洗淨鉛華試道裝幾曾拋得月昏黃菊分顏色梅分韻爭占花魁別有香

寒食前二日借月峰介石散步北郊途遇風雨觸目有感以下壬申

鳴鳩呼雨聲聲急風捲飛花點點輕又是一年寒食了隔溪煙柳未分明

其二

杏花村遠酒旗飄楊柳陰深露石橋不見當年行樂地門前依舊竹蕭蕭

二月廿七日清明燈下感賦

十二年前事今宵一雨同咸豐辛酉二月廿七遭變逆難城陷是夕雷雨交作今年同此節同此雷雨依然仍故我未免憶驚鴻城陷日余亦被擄刀鎗相通幾致喪身生死皆由命二次被擄艱苦備嘗竟脫虎口生還始信生死皆由天命

陰類轉蓬不堪回首處無語對春風

燈下對桃花

柳絲搖曳東風軟月明虛室簾初捲故使當窗絳燭燒桃花欲認劉郎面欲認劉郎還索句碧欄干外嬌無語祇恐容顏妬煞人紛紛吹落如紅雨紅雨飄零

點翠苔劉郎空自憶天台天台路隔難重到辜負春光又一回

贈陳介石

半農草舍詩選

卷一

八

涉園叢刻

君家僻處水雲村無事營求深閉門紅影搖風田隔岸綠陰扶月柳當軒數聲幽鳥松間出一曲流泉雨後奔莫道武陵多別境塵囂斷處卽仙源

其二

誰識城西處士廬梅花松竹伴幽居憐低不礙雲來去葉落時勞風掃除欲學陶潛食種菊也同莊叟喜觀魚先生意計高天下豈爲功名始讀書

初聞蟋蟀鳴

秋蟲本是言愁物慣向荒庭冷苑鳴月落小窗燈影淡偏從隔院試新聲

雨過

雨過夕陽收湘簾盡上鈎招涼宜北牖遲月過西樓竹暗先除暑林深早得秋殘螢飛不勁緩帶濕雲流

叔雲從弟於季夏八日溘逝秋窗靜坐追憶感賦

賢良天所妬完木早摧殘素抱知非淺英才欲展難爲傷荆樹折轉苦雁行單  
漠漠泉臺杏應教淚暗彈

其二

萬事皆非了悲哉一世人如何安白首竟爾脫紅塵夢想還疑假容顏寫未真  
夜涼增寂寞惟我獨傷神

寫懷寄鄂陽山人范雲鄂

風勁驕庭樹秋高寄託深冰霜堅士氣衣食困詩心倦翻貪恬逸幽懷曠古今  
栽花常自適無事但豪吟

月鏡

恐被紅塵染秋高帶雨磨臨虛窺匣滿仍見舊山河

落葉

半農草舍詩選 卷一

九

涉園叢刻

古木霜寒半不禁蕭蕭瑟瑟下疎林點階硬雨驚秋夢擲地乾聲震客心零亂  
慣同風掃竹依稀時誤月敲砧虛窗入夜誰彈指感觸嗔人放浪吟

春閨詞 以下癸酉

曉起新晴薄寒臨風無語倚闌干情顏淺泛桃花色花是愁根不忍看

其二

無益相思最有情畫樓春淺不聞鶯鶯隔巷吹花暖纔聽銷魂第一聲

其三

斷腸功課斷腸詩夢裏情懷祇自知雁外靜聽雙燕語從頭一一話相思

其四

撫鏡臨妝綠髮鬆粉香花氣兩朦朧紅窗半啟垂簾坐小睡纔醒尙怕風

其五

暗卜金釵媚語低小樓斜傍綠楊隄籠煙織雨休成幙祇怕行人歸路迷

其六

蕭閒庭院午風慵寶屨輕移粉氣濃花底恐驚雙蝶夢放開團扇讓游蜂

其七

春懶渾如酒未醒百花也帶醉魂馨鳥聲自有關情處不解相思不會聽

其八

杏花樓閣最銷魂打疊尋春未掩門冷月疎窗燈影淡依依無奈是黃昏

雙山道中

半湖楊柳半湖烟花底朱闌水底天船在畫橋春鬧處日高猶傍酒家眠

其二

人面桃花事已非落紅片片點春衣溪山劫後春無色古寺荒涼樹木稀

半農草舍詩選 卷一

十

涉園叢刻

其三

無端客裏過清明終日游山載酒行棹向柳陰深處泊烟圍花裏聽啼鶯

其四

日暮烟中水鴨呼水天相接樹雲無兩山春色歸雙槳行篋新添一幅圖

當湖春泛

放櫂東湖烟翠間桃花紅隱兩三灣酒家樓閣多臨水祇少西南一角山

其二

片片飛花撲石缸琵琶玉管鬧輕艘人家多在湖光裏丁字珠簾卍字窗

其三

夾溪鶯燕語春風古木橫橋一水通行到湖心春更好紅闌干在綠楊中

其四

酒香花氣混煙塵。面而窗開看不真。日暮畫船隄外過。小樓驚起捲簾人。

日暮借李子綏陳月峯散步南郊

同步出南城。春風吹拂拂。引入幽探四望盡。新綠敗籬野花香。古墓老樹禿。  
高田麥苗齊。淺水燕子浴。人家板橋西。垂楊覆茆屋。忽聞海潮聲。怒響雜松竹。  
聯袂一登高。清曠豁游目。天末走孤帆。沙渚眠雙鴛。遠山青欲流。雲斷忽還續。  
炊煙上墟里。倦鳥思投宿。晚景逗微茫。收取入圖幅。俯仰天地寬。處世渾忘俗。  
前村夕照低。古寺鐘聲促。行行二三里。小市在城曲。茶話松棚下。暫入農桑局。  
興闌天欲暝。歸途猶躑躅。殷勤李謫仙。邀我入巖谷。燒筍煮園蔬。燈煖酒初熟。  
一醉樂陶然。不覺春生腹。明月相伴歸。游賞既云足。偷得浮生趣。也算閒中福。

雨過夜坐

雲陰雨黑一燈明。桐樹聲疎秋暗生。欲引新涼簾半捲。倚闌聽笛到三更。

半農草舍詩選

卷一

十一

涉園叢刻

借徐怡庭題泛舟茹安橋小泊

野店茶初熟。臨流草閣斜。炊煙迷岸柳。春浪漲桃花。漁市船爲屋。鷗羣水作家。  
孤舟橋外泊。上有綠陰遮。

新竹

小園門不開。護此數竿竹。性情如稚女。未肯遠出屋。遠夢生瀟湘。輕陰散巖谷。  
微風一披拂。新粉卸寒玉。朝來聞雨過。更愛淡如沐。安得老可來。爲我寫橫幅。  
置身磐石間。獨坐鬚眉綠。

初夏以下甲戌

一榻綠陰淨。松蘿試越茶。靜觀消夏錄。愁看殿春花。窗碎雲爲補。簾開日未斜。  
忽聽微雨過。水上有鳴蛙。

午睡惜夢

殘蟬驚好夢。夢醒覺無聊。欹枕還思續。清風竹亂敲。

月下

煙樹接微茫。陰連舊草堂。竹疎雲補隙。燈淡月分光。風響梧桐亂。宵涼絡緯忙。  
秋聲聽不斷。簾捲坐昏黃。

自題山水畫軸

怪石奇峰舞筆端。松雲捲處墨池寒。本來物外無塵境。看到空靈眼界寬。

半農草舍詩選

卷一

十一

涉園叢刻

半農草舍詩選卷二

海鹽張廷棟 文圃

曲水園探梅贈馬錫蕃 以下乙亥

修得梅花結比鄰羨君消受十分春可能容我移家去冷淡香中寄此身

其二

門臨曲水鶴常來 曲水園有來鶴軒 劫後尚存一椽 萬樹梅花抱屋開安得如君十日醉掃乾

明月臥蒼苔

其三

春風一到便相思幾日濛濛雨似絲欲與梅花尋舊約未來先報主人知 去年花遲

因天雨不果會約 主人今春早來

其四

半農草舍詩選 卷二 涉園叢刻

菲屋三間足避喧入春香海繞柴門客來沽酒前村去祇爲梅花應接繁

寄意

涉世登高山徑狹多荆棘行行路轉迷欲息不得息仰觀天自高俯視心悽惻

忽聞山鳥啼幾聲行不得放膽力爭先雲路久填塞四圍峭壁深三面海濤逼

不覺步履堅恨少凌風翼怪石鬱嵯峨又防虎狼匿危險固如此人心知何極

不如莫登山坐守安家食

雪後

自向空階掃積苔天低卻喜凍雲開月明殘雪爭清絕祇少庭前一樹梅

久雨立春前一日作

淡泊自安居家貧詩有餘雨多春欲到事集歲將除閉戶尋殘夢挑燈作遠書

滴階聲不斷清冷夜窗虛

寫興 以下丁丑

詩書餘暇事田蠶靜裏曾將世味諳計候忽驚春欲老談玄自覺性成憨撲簾

花雨紅猶潤拖屋桑陰綠正酣獨上高樓望明月西窗塔影暮雲含

又

早秋天氣似深秋日午涼生暑盡收花底煎茶香滿逕風拖煙影上簾鉤

其二

蟲聲一闌自成秋雨過殘雲帶月流涼逗疎窗燈影淡醉攜紅袖共登樓

自足吟

日夕焚香謝上天終年無病即神仙藥爐打破成丹壺濟世功夫不費錢

其二

研田有獲報秋成還把心田著力耕過草盡芟方住手栽培善果向春生

半農草舍詩選 卷二 涉園叢刻

其三

小樓儘足寄閒身花鳥相親樂最真菜飯無憂隨分過閉門安坐省求人

南湖渡船詞 以下庚寅

雨氣迷人中酒天樓高深鎖綠楊煙鴛鴦見我如相識兩兩含情戲水邊

其二

柔艣聲輕豔力微扁舟故傍水禽飛貪看春色忘煙雨惹得萍花香滿衣

其三

一層楊柳一層風雨笠煙簑學釣翁驚起鴛鴦三十六一齊飛入浪花中

其四

杏花紅雨綠楊煙畫出陽和二月天鷗鷺有綠湖畔住春光占盡自年年

其五

多事黃鶯破曉啼催人春夢落前溪東風昨夜城南緊楊柳千條盡向西

其六

夕陽疎雨最關情天為游人特放晴客裏光陰容易過再遲半月是清明

蘊古樓日暮偶吟

閱歷還嫌淺關門且待時閒來聊作畫興到浪吟詩室暖春回早樓高日落遲  
盆梅見來復花發兩三枝

寒夜

簾隙光微露斜穿月半痕詩多尋稿健窗冷借燈溫得句頻呵管防寒緊閉門  
撥爐還暖酒一醉傲乾坤

早春 以下已卯

日暖雙蝶飛尋花傍竹扉不知春尚早花發樹頭稀

半農草舍詩選 卷一

三 涉園叢刻

訪徐吟舫振常不遇

西山日薄訪高人道說栽花到海濱爭羨一庭紅雪豔願君贈我一枝春

紅杏盛開 嬌豔動人

母病咳甚重寫悶

親老病纏綿連宵未穩眠世無醫可信心並藥同煎繪佛酬新願

雨過夜坐

一雨詩懷爽庭空秋漸多蟲聲牆外起雲影月中拖簾捲涼猶嫩花開香未和  
清風無限好獨坐細吟哦

題邑侯司春崖明府 先 鐵石梅花山房圖

快哉海上春風來梅花大地盡爭開花香滿山谷散布海天盈菴屋那知

即是使君心人與梅花共古今梅花丰格最清潔使君懷抱如冰雪一般氣節

兩相宜花自孤高人自奇手植梅花訂知己槎枒堅勁志難移挺鐵石腸清

風明月滿城香矯矯鐵石骨雪幹霜枝不可屈凜凜鐵石姿不與凡花開並時

神仙富貴騷人詩別有心腸梅花知梅花差幸結平生使君山房稱其名恍似

當年宋廣平風流詞賦一時情抱屋梅花千萬樹此中祇合高人住高人器宇

寬天下琴堂深得煙霞趣今番我欲擬就新圖獻使君梅花樹下挹清芬他日

更為使君圖寫凌煙閣依然圖內梅花笑共索百年身世一椽中化行海國盡

春風惟願春風常不去海上梅花香有主小草欣沾化雨多花香百里快如何

興來長嘯發狂歌

小春望前二日朱斗泉明經 泉 徵 李止亭明經 維 輝 徐吟舫王少宜兩茂

才同於海上治水航餞別汪子介司馬 元 昌 何庚生少尉 夢 星 並為眉

半農草舍詩選 卷一

四 涉園叢刻

生王君接風作此示同人

日暖風輕春正小海天闊寬懷抱人生聚散本無常別酒言歡情更好銜盃

笑指夕陽邊隔岸漁村楓葉老家家茆屋起炊煙特為何郎添畫稿

山雁字書空斷復連似誰醉墨和雲掃

畫長換鵝客返福州道

盡隨芳草亭臺花木尚精神酒狂勿被神龍惱相對觀潮共倚闌銀濤擁月離

蓬島一笑出門分袂行寺鐘相送聲催早謫仙邀我泛舟游

燈下

風雨聲中節序新安排餞寇更迎春歲鬧事集惟澆酒多少燈前得意人

除夕

今夕除夕何所除除卻窮愁換癡愚不解愁常快活愚不知窮忘有無有錢  
難買萱堂壽年年今夕歲同守有錢難買兒生福掌上珠圓心已足幼女持杯  
妻執壺醉德呼爺還喚夫難得今吾非故吾燈前團圓笑相呼春風入座飲屠  
蘇

余家涉園劫後林木傷殘不少今族人檢點一過則喬木多半成灰燼矣  
作此感誌 以下庚辰

嘆息城南園劫後僅瓦礫花木漸凋零侵伐大苛刻樓臺可復興古木難再得  
荒蕪二十年石發叢草塞雜樹尚參差好山仍奇特所惜草盤紆小逕多欹仄  
餘花懶不開倦臥石橋側可憐採薪人固念先人植刀斧忍相觸目心悽惻  
數典敢忘祖相向豈容默偕行同檢視堂構誰分力攀蘿陟層峯願展凌風翼  
方期得藉手泉石重增色湖來舊時聲空翠遠山逼時有遊人至噴噴猶賞識  
半農草舍詩選 卷二 五 涉園叢刻

飲酒或敲棋蒼苔頻拂拭幽鳥權爲主飛鳴常守職嗟哉我不如歸途空嘆息  
汪暉丈抄示漱紅主人何衡山詩伯近作讀之殊覺元氣渾成詠贈以誌  
欽仰

南岳插天高攀躋誰能上但聞漱玉聲知是清泉響峯藏松竹間雲隱境愈爽  
可望不可即高山徒景仰邱陵不自慚相形離千丈聊解斧柯愁樵歌療技癢

西窗觀雨  
墨雲遍野鎖長空塔影孤擎煙霧中葉戰狂風酣鬪綠花防淫雨早藏紅春衣  
乍脫寒猶滯畫稿新添寫未工簾捲西窗遙望處米家筆法正相同

卽目  
昏昏連日雨啼鳥寂無聲草長路疑沒橋低人斷行亂泉爭出澗野霧尙連城  
愁煞雲猶滯束風不放晴

鄉村

鄉村四月少閒人話到田蠶最苦辛門上家家記蠶月殷紅紙襯綠陰新

其二

養蠶最怕雨綿綿添得餘寒蠶懶眠新豆熟時春筍老光陰正值採桑天

蠶忙詞

朝出挑桑兩壓肩夜防蠶餒未安眠鄉農事業真辛苦過了蠶忙又插田

其二

雲鬢繚亂半垂肩春酒豚蹄做大眠呼喚兒童休懶惰瓜秧攜去種桑田

其三

連日匆忙未息肩山棚底下伴柴眠今年虧得蠶花好賣出新絲買自田

其四

半農草舍詩選 卷二 六 涉園叢刻

郎年十五正齊眉新婦年輕少小憐豆麥登場絲上市相幫料理做秧田

五禽言

鵝哥哥守舊窠鳴高柯空相呼呼天不應可奈何呼晴晴又訛呼雨雨無多鵝

哥哥避風波守舊窠

其二

提壺提壺有酒當沽問甚清濁管甚榮枯醉也快樂醒也糊塗提壺提壺有酒

痛呼

其三

泥滑滑難行煞黑霧濛濛雨濛濛風狂走沙山欲壓荆棘當途亂刺腳鬼嚇暗

驚人陰燐恣恐嚇泥滑滑客路關山難行煞

其四

行不得也哥哥世間平地有風波逆浪翻空處處多沉溺人人喚奈何大海汪洋實難過何處堪尋安樂窩一枝聊借在平坡自弄好音自唱歌行不得也哥哥世途處處有風波

其五

不如歸去好胡勿安閒尋煩惱南北奔波何時了人生百歲終須老幾人快活愁懷少幾人碌碌終潦倒幾人富貴到兒孫幾人得意長安道他年一樣荒墳草幾堆白骨同枯槁叫得回頭春尚早不如歸去好

布穀

家家蠶熟快快布穀我其來兮桑陰滿目我將去兮新絲盈軸絲貴喫肉絲賤喫粥惟爾爾鄉農快快布穀

贈友

半農草舍詩選 卷二 七 涉園叢刻  
燈花落盡夜漫漫一局圍棋勢未殘下子不先思應著守隅何暇顧通盤歧途莫問機空鬪勝算難操智已殫孤聖力支無策了旁觀心轉爲柯寒

擬杜少陵白絲行

棟花風細縷車鳴銀絲縷縷清泉清縷成浣向清江上搖動清波白練明浣得清絲上機織夜窗篝火風側側一寸柔絲一寸心月光如雪兩爭色織就添君身上衣三更素手未停機織就爲君牀上被素心織向素絲裏願得君心勿棄捐緇塵未染本娟娟君不見黼黻文章藻采多廷獻不比篋中羅妾心自潔君自貴五色憑君手自和

幽居

門外青浮草徑迷疎林時有野禽棲庭閒好鳥何妨住屋小巴簾不礙低簾本垂陰新築架花苗出土自添泥兩三竿竹清風掃雲擁山根翠一畦

山下翠雲草

可居

小滿四

小滿節交農滿足滿滿山頭絲滿軸蠶豆莢粗滿意黃雲滿野新麥熟交頭酒滿謝蠶花滿煮雞豚同飲福兒童子婦滿樽前淺斟滿酌笑鼓腹竹籬花滿香醞醞醉到斜陽月上屋老妻白髮歡同宿

偶成

時節了蠶桑風來椽子香鳩因呼婦急燕爲哺雛忙籬脚菊苗長牆根竹母昂靜觀生理妙春意漫相忘

題白畫山水册葉

柳煙劃斷半山青花淡雲慵春未醒隔水投竿誰把釣白鷗驚破起沙汀

其二

半農草舍詩選 卷二 八 涉園叢刻  
亂山隨意疊新樹任欹斜人立溪橋畔尋春問酒家

其三

茅亭傍山根石橋枕山脚桃花隔隔開媚人紅灼灼恍入武陵溪小艇柳陰泊春在有無中閒身何處著

其四

昨宵一雨山光清新綠陰中曉晚爲跨水人家雲半護酒帘低映夕陽明

其五

新潑一池墨雲濃屋後環雨聲努力寫烘出米家山

其六

山瘦峭露骨樹古虬枝秃秋從何處來聲到籬邊竹隔浦船乍歸疎林鳥投宿訪道孰攜琴柴門聽剝啄



其七

紅徧霜林青徧山白雲堆裏掩禪關鐘聲遠渡空江去古寺深藏何處間

其八

鴉噪疏林晚天空秋氣清倚門流水外山頂看雲生

其九

雪滿江干沒釣磯兩三茅舍掩柴扉此中應有袁安臥路斷行人識者稀

其十

山前山後松竹齊梅花壓屋香過溪探春人上野橋去家在梅花香處梅花常對詩人開不愛梅花不肯來香雪滿山春似玉幽居空谷亦心足長伴梅花聊免俗

四月田家

半農草舍詩選

卷一

九

涉園叢刻

蛙喧亂草雨初收蓑笠欹斜已滿疇布穀聲中農事集繅絲歌裏野行幽浮天綠陰宜槐夏捲地黃雲正麥秋煮豆卻逢新釀熟夕陽未下晚餐留

題自繪便面

雲生峯底墨龍盤石舞山飛松雨寒多少人家煙樹裏水光浸入碧闌干

納涼

未秋卻愛十分涼風墮飛螢逗石床月滿空庭何處笛清聲併入藕花香

秋夜

風掃湘簾竹韻輕滿窗涼月聽秋聲梧桐陰碎添清籟一派詩情鬪短檠

書窗遺興

以下辛巳

不許將離放春光又欲歸聽殘紅樹嘯看到綠陰肥紅樹春鳥名也花架新藤繞松窗倦竹依閉門閒課讀來往故人稀

雨後信步

沿溪一帶綠陰新紫燕銜泥却避人楊柳拖煙猶臥水牡丹厄雨早辭春已逢  
登市過三月又聽蛙聲滿四鄰滑滑當途行不得讀書聊自守天真

夏日

綠陰滿架午風清一曲蟬琴聽有情除卻詩朋兼畫友書齋絕少扣門聲

竹夫人

冰肌玉骨漫相親夢裏湘妃認未真伴我橫眠能解溫愛他入抱不矜春雖然  
附熱猶知節莫道趨炎縱失身堪嘆秋涼分散去霜寒夜冷託誰人

牽牛花

何年銀漢結仙胎仙種應知鵲啄來下界雙星隨處有不須生傍夜機開

剪秋羅

半農草舍詩選

卷一

十

涉園叢刻

綠窗疑是唾花紅薄似秋雲織較工燕子將歸忙著力剪裁好擬禦秋風

閏七夕

誰效穿鍼更上樓呼嗟我欲問牽牛不知自嫁天孫後此是千秋第幾秋

其二

相期不必在經年兩度金梭此夕閒畢竟是誰真得巧只添詩料在人間

病起

荻花楓葉老江村籬落橫斜殘菊存病裏獨憐秋暗去小齋一月未開門

其二

藥爐親處短檠疎辜負宵長廢讀書黃葉積階人不掃秋聲寂靜已無餘

半農草舍詩選卷三

海鹽張廷棟 文圃

新歲連日晴朗 以下壬午

爆竹報平安新年事事寬天晴人意悅日暖鳥聲歡頓起探梅興渾忘隔歲寒  
郊原春正好到處足游觀

燈下觀梅

牆角暮雲屯中天月色昏詩求新句拙春借短檠溫竹樹交成影梅花淡有痕  
暗香餘一縷幽意佐清樽

寫興

剪燭編籬落挑泥築小坡山林權養性天地借行窩庭小藏春窄花嬌引客多  
開窗閒覓句靜聽鳥聲和

半農草舍詩選 卷三

涉園叢刻

夏日

岸船無暑到籬落宛巖谷雜樹接桐陰掩映北窗綠茶烟含雨重競向簷前宿  
正逢幽客來一枕清談足

其二

湘簾畫不捲簾角夕陽明閒庭花正放日暮香且清炎歊俱遠屏午睡無人驚  
詩成復誰和忽聽一蟬鳴

其三

前庭數竿竹風來引清響石隙翠雲披流螢飛三兩六月無炎暑夜涼等秋爽  
披襟防病侵寧作如是想

偶成

風逗蝦簾抹麗香桐陰深鎖北窗涼閒花點綴疎籬角猶吐殘紅媚夕陽

殘冬臥病

臘盡又春頭圖謀一病休燒丹愁計拙種藥喜根留有酒消殘歲無錢典敝裘  
餘生今幸獲何事更營求

養疴蘊古樓 以下癸未

靜掩重窗度歲華聲喧爆竹聽家家庭空寂寞無人到梅病春寒未吐花

歸隱詞

七尺頑軀幸再生風光何必與春爭梅花冷落相憐我病後重聯隔世情

其二

勘透人情學閉關前溪羨煞白鷗閒早知世路多艱險四十餘年悔出山

其三

放開歧路讓人行何用心兵暗裏爭風月無邊天不吝一生儘足寄閒情

半農草舍詩選 卷三

涉園叢刻

其四

兩般名利總艱難撇卻歧途十八灘謝絕親朋歸隱去葫蘆剖破執還丹

其五

堂前萱草就衰時百慮千愁忍令知榮飯安居心願足筆耕聊貢稻梁資

其六

得安樂處便為家地闊天寬到處嘉我本移家無長物一筐詩稿一航花

詠梅花

洗濯冰魂雨未乾幾生修到此身難敢嫌冷淡遲清夢不避風霜破曉寒一縷  
幽香煙外動半窗疎影月中看愛他老幹饒春色畢竟山中甲子寬

其二

心腸鐵鍊耐清愁不發奇花死不休冰雪胸襟難共俗神仙眷屬淡封侯耽幽

名豈因春重結隱香疑爲我留世上但知桃李豔轉教桃李替人羞

及門馬稼蕃茂才爾泰邀看梅花作詩以謝之

病餘猶自怕春寒舉步支離行路難恐被梅花憎我俗今年不敢出門看

其二

舍南舍北偏梅花遙憶香雲老屋遮地僻紅塵飛不到那知城市有仙家

述懷

俗念頓消盡焚香讀道書不知春已半猶自守蓬廬

其二

客少門常閉日長反覺閒持齋學佛性世事一齊刪

其三

不管閒桃李辭春別處裁諸徒星散俱將兒女課晴日綺窗開

半農草舍詩選 卷三

三 涉園叢刻

其四

壓籬梅有韻倚檻杏含嬌各自饒春色庭中梅杏並放綽約可喜相看破寂寥

閒步湖上至韜光小憩

蘇白隄邊去復還滿腔心事付青山今朝欲借西湖水洗盡愁根換笑顏

其一

聳身直上翠雲端煙樹迷茫竹徑寒俗念不知何處去令人眼界一時寬

小樓聽雨不成寐枕上作

夜靜雨聲聲無言對短檠曉鐘催斷夢官鼓續殘更客邸宵偏永山房氣轉清

春光時欲暮頓起別離情

客裏

客裏偏多雨和雲不出山開窗閒讀畫好待鶴飛還

其一

一春愁裏過春去未離愁何事心頭足終朝伴白頭

其二

盼望家書切燈花卜幾回剛尋鄉夢到怪底曉鐘催

雨窗悶坐

愁上心頭百事灰不堪岑寂坐樓臺雨經匝月晴難定雲壓千山掃不開繞屋

猶聞鳩語急捲簾時望燕飛來麥秋天氣家鄉好料道蠶桑欲了纔

夏日曉起至三雅園品茶

青山環抱水邊樓紅藕花香到渡頭雲氣橫空煙靄碧嫩涼已帶一分秋

其二

籬下迎風挈茗壺愛看山水坐臨湖涼陰滿地渾忘夏曉起將身入畫圖

半農草舍詩選 卷三

四 涉園叢刻

山樓

來時楊柳半含青轉眼秋風到芻汀枝老花疎時序換依然身世托浮萍

其二

悶來湖上學偷閒小艇輕划任往還應被白雲常妬我也知一味戀青山

重陽前三日偕友王琴齋遊韜光小憩隨登北高峯

步入韜光徑夾道翠靄籠撐天喬木古修竹翠叢叢古刹橫雲際勢如接蒼穹

登高縱遊目天然圖畫工秋色更佳點逗楓葉紅湖光明樹杪泉響雜松風

入門僧問姓莫茗倩山僮青髭訴往事到此覓遺踪九世祖大白公廬舍插雲

表倦字殊玲瓏煉丹爐已息臺古白雲封山後有呂倫閒暫離俗神仙究難逢

猶幸雙足健直上免攜筇同行志不餒盤旋氣轉雄賈勇百折上喘息與猶濃

常存失足想憩定心猶春憑空一俯仰浩氣流心胸目逾飛鳥疾遍覽及遙空

1808 725

88

地勢來西北天矯若飛龍南行不得勢怒起爲千峯大江忽束住萬古流當中  
地隨山忽轉勢如馬首東雄城隱一角但見夕陽烘人家十萬戶佳氣鬱蔥蔥  
旭日眞可捧飛龍更何從身到最高頂便不與人同故鄉不可見身世感飄蓬  
隱微誰與訴杳冥豈難通恨我無羽翼志徒羨飛冲何當跨元鶴謁見蓬萊宮  
蓬萊渺難接歸歎意轉慵戀山山知否聲聲何處鐘鳥啼催客返遊興嘆未窮

采蓴曲

采蓴莫采菱日暮歸湖口蓴絲作郎羹菱角刺儂手

其二

采蓴莫采蓮終朝下西浦郎似蓴心滑儂比蓮心苦

其三

采蓴復采蓴一年秋又到四月蓴初生八月蓴將老

半農草舍詩選 卷二

五

涉園叢刻

其四

采蓴復采蓴隨波動白蘋蘋末西風起衣單愁煞人

遊北山晚泛湖中

斜照塔邊下蒼然樵徑迷樓懸空翠合山插暮雲齊野鶴依松立輕鷗傍柳棲  
相將訪漁父撥棹過前溪

秋感

我髮雖未白我髮亦漸稀涉秋自多感事業今猶非蟋蟀夜吟急霜寒思添衣  
悄然懷故里閒吟偶忘機樓高夜撫枕還思慈母依出門一眺望落葉滿山飛

其二

嘹唳雲中雁天空發清音來從玉關寒亦復經上林阿嬌在何處燈下常悲吟  
恩寵今異昔顏色昔猶今漢皇自盛德親賢遠荒淫金屋春光遠長門秋色深

休買相如賦重疊君王心

歸家未果

人生百歲本如寄到處爲家也不妨今歲殘冬客裏過明年未識在何方

其二

一家相共走天涯誰說無家總有家我室寓人非可惜最難割愛一庭花

有雪 以下甲中

昨夜家鄉夢裏還醒來積玉滿塵寰天公快把晴光放欲看西湖雪後山

其二

歲歲寒香鬪雪酣春來豈獨在江南故鄉梅信知何許北郭何時更一探

寒食村居

繁華又是去年時好鳥聲聲戀故枝莫道東風是花信東風容易雨如絲

半農草舍詩選 卷二

六

涉園叢刻

其二

誰家荒塚草芊芊日暮松楸叫杜鵑一片蒼涼人跡斷紙灰散作墓門烟

其三

小隱花園古里村漫將通塞費評論試看桃李爭春色萬樹和雲綠到門

其四

作伴農家野趣添笑看插柳到茅簷相傳此夕無燈火草草和衣向黑甜

天雨

舍北舍南烟雨昏日長無事倚柴門時過寒食猶多兩岸有桃花便是村願棄  
儒冠焚筆硯甘隨野老牧雞豚家風清白貧何厭只望遺經到子孫

雨霽散步

連番陰雨喜天晴隴畔尋詩緩步行桑眼漸粗蠶事近豆花香處雉爭鳴

暮春野望

桑柘青連陌新蠶過二眠劇憐春似客最愛日如年薄暖催花雨輕陰養葉天  
開門一片綠又看麥齊肩

村居

豚栅雞栖外茅簷接豆棚竹窗疎樹合蘆壁嫩苔生煮飯泥塗竈添肴菜作羹  
日長閒不了隴畔看春耕

新夏

一番春事又蹉跎空聽流鶯喚奈何纔得春來春又去野花飛盡綠陰多

其二

村邊綠樹嫩陰涼吹盡東風棟子香零亂殘紅無覓處祇留芳草與垂楊

遠望

半農草舍詩選

卷二

七

涉園叢刻

一片田原野色幽嫩陰叢裏數聲鳩綠雲已隔遊春路春去東風尙未休

雨霽晚眺

驟寒添雨後眺望極林隈比戶炊烟動遙天夕照開野田青似海雜樹翠成堆  
不盡雲飛處一行白鷺來

春農二詠

蠶

村中二三月具曲植籬篋農功方得暇餘力事蠶忙歡因佐婚嫁愁或償官糧  
千般賴一舉未事先思量戢戢乍盈箔搯搯初暖房婦子各努力飼葉安敢忘  
心常計得失夢易醒倉皇勞苦寧不惜但期慰所望小姑操豚蹄大姑進酒觴  
喃喃花影裏共祝馬頭娘

豆

田疇納稼後種麥豆半之麥長豆稍短風弄影參差春暮花燦燦夏首子離離  
天教先麥熟用以慰朝飢將來雜作粥開飯滑流匙農家唯此味洵美我所思  
村翁篤情誼家家滿筐貽賤子耽坐食素餐愧何辭兒童競多少追逐何太癡  
何當租一頃學種聊非遲

雨中

老農野田行濛濛一蓑雨隔陽兩三家柴門對烟浦

寫興

也足衡門度歲華飽餐鮮筍試新茶居常慣與村農近不愛庭花愛野花

其二

麥黃蠶老夕陽紅我太清閒學釣翁最是鄉村好時節茅簷吹過棟花風

自解

半農草舍詩選

卷三

八

涉園叢刻

踏遍天涯路無非勢利場耐貧聊守命避俗且居鄉豈爲人情薄愁將世味嘗  
彼蒼如著眼否極或光昌

憶西湖

棲身獨愛吳山好樓上山窗兩面開記得尋詩常倚檻江帆移入畫中來

其二

入秋客裏爭多感雲外香飄丹桂開記得遊山曾結伴划船喚到渡頭來

其三

千層細浪風吹縹一道浮萍櫓劃開記得白公隄外泊鐘聲穿過白雲來

其四

六橋橋畔舟初放點點菱花鏡面開記得曲園曾小憩隔花笑語麗人來

其五

雨餘山色峯峯秀風定湖光面面開記得段橋南岸立藕花香裏待船來

其六

泉聲百道穿林出黛色雙峯向晚開記得歸來天竺晚夕陽隨我下山來

其七

澗邊修竹千竿密雲裏縹緲光一徑開記得倦眠峯畔石綠陰移上葛衣來

其八

隔窗楊柳陰常合繞徑芭籬花亂開記得湖邊朝品茗萬山青送入簾來

憫農夫

農家天未曉催耕驚啼鳥荷插出柴門日高腹未飽沾體盡汗泥雙足沒青草  
分秧已及時破土各爭早笠影滿阡陌幾日綠雲繞風雨豈辭勞日炙誰敢惱  
青年面目黧未老形枯槁所居惟茅茨所食無美好嗟彼力田者辛苦何年了  
半農草舍詩選 卷三 九 涉園叢刻

須知農力艱粒米宜珍寶

納涼

草長亂螢流村居夜色幽蛙聲爭噪野蟲語預啼秋地熱風何各雲多月似羞  
破愁橫鐵笛驚起水邊鷗

夏日

無計消煩暑松陰聽鳥啼安能事筆硯我亦望雲霓地僻閒居好村貧生計低  
妖氛海隅起尙足羨安栖

其二

不踏長安道逃名樂隱居未能供草具偏喜講農書避暑無高厦安身有寄廬  
一椽茅屋小喬木蔭扶疎

曉起野望

宿霧初收露氣涼輕風微弄稻花香昨宵雨過田原足把釣人閒坐石梁

重陽日對菊獨酌

佳節無相負前村買濁醪看花拚一醉賣畫換雙螯地僻居無伴人貧氣尙豪  
攜樽喚兒女且漫說登高

其二

栽得庭前菊花開應候黃感時歡共隱傲世愧同芳冷落秋情淡蕭疎故態涼  
村居鮮韻事聊以慰重陽

記事

農家贈我甕頭春餞歲酬神不患貧僻處鄉村多草草黃雞分惠謝西鄰

其二

安間度日勝豪華有酒前村莫漫除爆竹催年又一歲小窗料理看梅花  
半農草舍詩選 卷三 十 涉園叢刻

花朝野步 以下乙酉

梅花作雪柳成烟又是光陰二月天紅遍野桃嬌傍路綠勻芳草細盈阡村雞  
就日屯籬外溪鳥驚人避水邊地僻不知春過半良辰無雨喜今年

二月杪泛舟武林雜詠

李花散雪破微茫開遍臨平十里塘消損野桃春色減亂山蒸翠襯紅妝

其二

烟花釀就萬家春一路垂楊牽弄人遙望青山如故友經年相別又相親  
月十三 日旋里 去年春正

其三

雲擁斜陽上敵樓東風相送到杭州依微塔影冲烟出細雨連番滯客舟  
二日晚晴 舟方抵城時 雨至二十

其四

春陰漠漠鎖烟鬢認元章畫裏山  
二十三日泛舟湖上又竟日東風吹白雨

好山何日笑開顏

其五

白雲如絮雨如絲湖上重遊感舊時  
依舊青山依舊我青山不老我添髮

其六

冒雨衝風覓故交訪池陽高秀山於吳山又遇雨阻  
登山轉想更營巢余前年僑寓吳山樓今仍處室相待  
歸帆

難帶青山去猶戀西湖未忍拋

紫燕來巢寄廬迨成忽被狸奴驚去回翔審顧若依戀不忍去者感而賦

此

伴我呢喃與不孤驚飛巢燕恨狸奴綠陰門巷知初熟子細商量忍別圖

半農草舍詩選 卷三 十一 涉 題 叢 刻

其二

驚魂未定總疑猜為念多情去復回  
可惜雙雙難解語幾番相勸不歸來

其三

草舍依然又夕暉新巢未定問何依  
從今別卻詩人去巢冷空梁何日歸

刺梨花

繁枝亂蕊傍谿生搖曳臨風也動情  
莫道野花無色相幽香不讓玉梅清

其二

冰姿不禁被人攀隨意花開碧水灣  
羞比陌頭十姊妹背春猶自鬪嬌顏

村居

野品隨時換村居不礙貧筍羹誇甚美  
蒜醬愛微辛竹戶開雙扇縷車動四鄰

相看儂較逸忙煞是農人

半農草舍詩選卷四

海鹽張廷棟 文圃

清明前二日 以下丙戌

牆外野桃開清明節又來春深猶戀雨花晚尚飛梅知己驚長別疑聞尚自猜  
昨得友人信知王仁瑞南溪如復到誰與共銜杯

雨餘散步

無事看花野外行前溪路滑草叢生東風容易吹成雨三月曾無十日晴

其二

桃花繞屋柳遮門隔水人家又一村點綴春光隨處好追尋詩跡認苔痕

野塘

野塘香散木樨風秋色人家點染工猶有涼蟬鳴遠樹數聲斷續夕陽中

半農草舍詩選 卷四 涉園叢刻

春日 以下戊子

春色上桃花爭春蜂蝶誰分高士宅紅到野人家岸柳連村合谿橋隔水斜

此中閒把釣有酒問誰賒

至文庵訪蜀僧光華和尚

村居無俗事野寺去尋幽老樹連天合斜陽逐水流客來門自啓僧病菊仍秋

小坐清談久茶烟一榻留

歲暮

一年將近又殘冬人自匆忙我自慵地僻市遙生計拙不愁柴米羨村農

其二

天涯到處可安身無意營謀不礙貧難得鄉村力田輩頻來親近讀書人

除夕

黃雞白酒餒殘年兒女爭分歷歲錢僻處鄉村閒務少靜聽爆竹俗情牽薦餅

話舊人團坐剪燭迎新夜未眠窗外雪深寒意勁梅花飛舞落燈邊

冬夜夢回枕上口占 己丑

夢回天未曉疑是月光生簷短布衾薄窗虛紙帳明沈沈燈散影簌簌竹鳴聲

近聽寒雞唱前村報五更

哀痛詞十二章 以下壬辰

庚寅四月十二日 先慈見背哀痛之餘不能握管成章思借吟詠以

伸孺慕未經下筆先已傷心不禁淚落沾襟擱筆三五次至壬辰春日

方得續成

思親不得見何處更尋孃撒手拋兒去傷心欲斷腸

其二

半農草舍詩選 卷四 涉園叢刻

思親難再見萬事盡灰心入室誰呼我能無眷戀深

其三

思親總不見冷落度晨昏爲我孃辛苦劬勞未報恩

其四

思親不復見體恤有誰人衣舊權縫補艱難歎我貧

其五

思親杳不見何日更相逢手澤存衣袴孃皆親手縫  
先慈在日衣袴皆親自裁製予之舊衣亦常爲縫補

其六

思親不能見視物倍傷心物在親何在茫茫何處尋

其七

思親永不見虛望我名揚未就凌雲志一生空負孃  
先慈盼余成名甚切每逢鄉試輒與余商物爲余措



辦諸事報罷後不加資斥反爲寬慰而余終不獲一第以慰親心不孝之罪大矣

其八

思親何日見無路覓重泉爲我操勞盡累孀五十年

其九

思親何處見惟有夢中尋膝下瞻依慣難忘孺慕心

其十

思親夢裏見夜夜不離孀願得天長夜更長夢亦長

其十一

思親夜夜見言笑竟如生夢醒難追憶傷心淚暗傾

其十二

思親苦不見和淚強題詩誰識無孀苦兒悲孀不知

半農草舍詩選 卷四

三

涉園叢刻

避暑城南寺贈蓮坤上人 以下甲午

暫離煩惱境寄跡上方邊地僻忘塵俗心空緝佛緣養閒聊讀畫適性學參禪

幸有高僧遇從茲妄念捐

其二

不信真修少全憑夙慧深清談參道妙靜坐見禪心遇合休嫌晚空明未易尋

迷途叨指引何用入山林

重陽日贈蓮坤上人

風萍聚散本無常人世何殊夢一場過去已多來日少百年能有幾重陽

其二

荆棘纏人試道心一番經歷一番洋骨堅不怕秋風惡任聽霜華暗裏侵

除夕前一日燈下

人生難得計安全十載光陰幾變遷 壬午度歲在武林寓甲申至辛卯八年在西溪花園浜 兒女無端分兩處今年各自度殘年

其二

萬般造化本由天何用空教俗慮牽茅屋半間燈影我黃齋淡飯度殘年 近好持齋

誦經菜飯得安心已足矣

其三

閉門歲月任推遷偷得安閒卽是仙過去未來均不管金經一卷度殘年

破曉起誦金經聞樹頭鶻語似作梵音 以下乙未

曙色微看逗紙窗宵長待漏別殘缸孤村僻靜無雞犬報曉惟聽鶻一雙 寄廬門前

大樹新營鶻巢每旦聞鶻聲報曉起作功課

其二

半農草舍詩選 卷四 四 涉園叢刻

喜上眉梢印佛心經營不憚苦功深 鶻所營巢之樹與庭中老梅隔牆而枝新陰相接雙鶻常飛息梅枝互相語答

巢方就爭歡悅也解金經學梵音

寫興

誰識隱居樂隱居樂最真分將一角地占盡四時春 寄廬庭中東半庭編羅栽花四時不斷 花草

盈庭宇桑麻接水濱悠然混太古僻處遠風塵

一春多雨無快晴之日屈指春又將去雨仍不息

九日春光餘幾日東風吹雨未青息三日天陰一日晴百花憔悴無顏色岸柳

拖煙眠未起綠陰門徑雲昏黑光陰又是去年時葉卷桑田寒尙勒新蠶出種

已初眠浙浙窗前雨更力寄廬門外草迷離綠遍村南與村北溪頭水漲小橋

低滑滑泥塗行不得

殘冬 以下己亥

老去光陰兩鬢催壯年情與未曾灰幼時景況還如昨不覺春來六十回

其二

水仙妃子下蓬萊隨我城南古寺來詩寄居福業寺余以水仙移植盆內攜至寺中清夢初回春又轉

梅花分寵上樓臺移來盆梅值花怒放與水仙同供養樓中

其三

家家餞寇並酬神我獨偷閒避俗塵途歲迎年多不管命本家務理梅花相伴

入新春

戲詠水仙

愛卿娟潔侍清修獨立亭亭韻態柔隨我專房先得寵不須入座尚含羞

其二

縞衣輕褪暗垂頭玉骨無塵香意留買得梅姬卿莫妬春回紙帳兩綢繆

半農草舍詩選

卷四

五

涉園叢刻

題畫扇以下庚子

水閣山牕野趣幽小橋斜枕綠楊洲有人載酒來尋伴相約明朝去賞秋

和任學舒詠木桃花韻

一番陰雨一番風咫尺難將款曲通細把吟花詩句讀嬌春想像十分紅

其二

數盡春來花信風詩腸搜索自靈通為花欲與君聯韻銀燭燒殘一寸紅

嘉平月十九日即事

先春風雨入春晴暖日烘爐几案明冰研未開寒尚勁盆梅欲吐歲將更塵緣

難割仙機遠俗事潛憂心地清寂寞樓臺禪境靜荒城海角寄閒情

歲晚無事感賦

僧樓覓句無吟伴感歎西園成荒曠記得當年名士居倚晴樓上吟箋滿時倚樓

主人黃韻甫先生少時約略記難清詩酒相傳常不斷而今一片草淒迷破壁頽垣人

跡罕古木摧殘作野薪緋桃委盡等禾稈倚晴樓集中有詠緋桃詩夕陽依舊照城西詩境

清寒熨不煖我本耽吟百感生催詩借酒斟盈盃香積廚中菜羹香長齋清淨

滌腸腕聽海樓高海作鄰東風催雨潮聲悍春到人間歲欲除梅花含蕊笑相

款家家爆竹送殘年俗事何庸我計算梵宇深居久避器身安夢隱宵疑短莫

問窮通是與非剪除俗慮無憂適料理瓶花供歲朝黃雞白酒姑從緩

為任學舒道照補圖并題以下壬寅

先生歸去也身世方知假按圖面目真不減舊風雅握管為補圖幽景從心寫

吟香竹徑邊醉雨松棚下悠然高士風賞識紅塵寡相對默無言頓覺新愁惹

思君不復來更無知音者

聽雨

半農草舍詩選

卷四

六

涉園叢刻

古寺晨鐘禁幽樓夢亦安樓高聽海近市遠覺天寬事少偏疏懶春深尚峭寒

那堪連日雨陰重壓闌干

秋闈榜發報罷

秋風吹老桂子香湖光萬頃鋪斜陽畫船歸來醉歌長風流少年氣飛揚愧我

衰顏鬢髮蒼隨人提策趨文場孤燈燼屋味再嘗精神毀鏤猶爭強龍門翹首

殊軒昂無才多半替人忙文章光燄蓋空囊徒事吁嗟走筆狂出門一笑意傍

徨名落孫山空相望回首湖山遠茫茫年年不改秋來妝寄語湖山無相忘秋

風更踏槐花黃

懷舊以下癸卯

幽蘭在空谷尋香來訂盟此花不附熱甘榜荆棘生荆棘易刺手相親若為情

出山性不改豈附桃李榮孤高不入俗芬芳早知名何必慕富貴深山孤月明

其二

雲情何太薄無心看出岫披絮嶺頭生重疊又疑厚非霧更非煙布散空宇宙  
變幻多奇觀轉眼渾非舊入秋又如羅恍惚波紋幾何將比世情相映山谷瘦

題表貞集爲黃玉章少尉 寶璋之女作樂府九章

天上仙姝人閒小謫原詩注君以誕生之夕母夢仙姬擁花帶自天降遂育既締良緣分飛堪惜一解

鸞鳳未諧鴛鴦鏡破一卷新詞斷腸功課二解 貞女 著行薄命詞

千金聲價名傳江夏生許何郎歸從地下三解 貞女 不他適至何氏抱木主成禮

不數年亦逝

枝結連理志堅難奪一枝枯死寧肯獨活四解

是冰雪志是金石心卓哉女子貞烈堪欽五解

微彼幽蘭既馨且潔花斷連枝情根斬絕六解

半農草舍詩選 卷四 七 涉園叢刻

月缺難圓共謝塵緣巾幗丈夫孝義兼傳七解

女貞花現國瑞家祥冰霜凜凜志潔行芳八解

情天何補寸心獨苦待看旌揚流芳千古九解

花朝喜晴

綠柳紅桃點染輕連番春漲小橋平花朝成例年年雨難得今朝特放晴

偶見地上水仙盛開任人踐踏爲之惋惜不置

風前月下自娟娟雪壓低頭孰見憐一入泥塗扶不起更無清福結前緣

其二

一枝折供綺窗前洗淨汗泥玉貌全訪得梅花聊作伴免教狼藉樹根眠

追憶庚辰八月查德甫以詩約同人於十八日至海上觀潮繪圖贈陳介

石以下乙巳

詩東喜相招同看東海潮出門遇良友先認酒旗飄是日借月峯赴約途遇陸敬安汪暉丈先邀至東市

飲小

其二

出郭海風狂蕭疏鶴頸塘秋聲兩岸起雲水自蒼茫

其三

風緊浪花開濤頭一綫來神仙不可接何處是蓬萊

其四

結伴陟危塘齊登治水航海天同一覽高唱笑詩狂

其五

已近菊花時何嫌入夢遲介石自號夢花居士是日邀君來入社同唱竹枝

詞

半農草舍詩選 卷四 八 涉園叢刻

其六

海角鮮知音子期何處尋聞琴橋畔坐坐久不聞琴

其七

忽忽卅餘年依然海上天舊朋滯何處圖寫爲君憐

其八

月上海東頭蕭蕭蘆荻秋再來覓詩侶不見舊盟鷗

和介石春分日作步原韻

昨日剛逢社應看新燕回柳眠扶未起杏醉倦難開兩久花遲孕寒深竹始胎

掃除苦徑滑好待故人來

其二

久雨今方歇陽和未肯回草蘇煙外潤梅盡雪前開美景先傳信新圖乍脫胎

爲介石繪圖八  
幅今初脫稿  
春光分半去不見故人來

快晴

經旬積雨快新晴嫩日烘窗怯放明  
疊嶂疑雲猶未散樹頭好鳥試春聲

午窗靜坐

春日遲遲午夢慵隔城猶聽海南鐘  
畫餘閑筆茶煙起吟罷添香花氣濃  
漫動

簾鉤驚睡燕撥開窗紙放游蜂清閒  
自覺無情緒庭外尋芳倚短筇

懷友寄介石

涼意逗簷低鄰園絡緯啼藤陰無宿  
鳥村遠不聞雞倚檻風三面開門水  
一溪

感秋懷故友破夢把詩題

其二

契合云難得吾廬身未安層陰紅日  
薄無暑綠雲寒壁虎牀頭踞蝸牛屋  
角盤

半農草舍詩選 卷四 九 涉園叢刻

何時回故里握手更言歡

中秋後旋里作

徧地蟲聲起方知秋漸深暝煙繁老  
樹涼月出疏林事理閒中得人情冷  
處尋

十年離我室證古不如今

九月十日熱甚忽聞蟬聲

已過重陽扇未指出門不見賣花帶  
菊花天氣如炎暑高樹還聞九月蟬

作客白苧村

虎眼橋邊夕照明村村禾黍告秋成  
比鄰割稻登場喜古渡移罾舉網行  
臨水

觀魚得生意隔溪打鴨助閒情兒童  
相喚歸家去晚飯黃昏對短檠

閒坐樓頭對景有感

靜坐樓頭聽鳥聲聞聲遠憶幼時情  
回思六十年前事余幼時侍先大父秀

年情似昔  
風景全非換一生

其二

海棠春豔正垂絲記得花明月滿時  
德成豐初年先叔芝亭公讀書於蘊古樓上窗前玉蘭從開海棠就放兼之明月

因顏其額曰花明月滿先叔芝亭公讀書於蘊古樓上窗前玉蘭從開海棠就放兼之明月隨侍翦燈曾夜讀此情此景幾人知

其三

清綺齋前草不除夕陽殘壁未曾虛  
樓前有屋三楹舊名清綺齋而今祇餘瓦礫矣房櫳盡易前人蹟

舊室猶留可讀書樓下爲吾勞山北都德福題其額曰可讀書室

不寐

三更月到枕頭邊靜聽蟲聲未穩眠  
夜色清涼樓閣暖心閒無事即安便

夢見故友陳月峯醒而有感

北斗倚闌干宵長漏未殘尋詩燈影  
淡警夜角聲寒月轉桐陰散風過竹  
韻乾

半農草舍詩選 卷四 十 涉園叢刻

故人來入夢相對共言歡

睡起開窗書所見

年衰多病苦難支曉起開窗睡醒遲  
牆角黃梅綴新蕊花開先到最南枝

其二

雲凝煙鎖雨餘時花木凋零歲月移  
最好生機真活潑一羣寒鵲占梅枝

病後苦露除夕至白苧村馮氏女家度歲

避去塵囂遠俗情連朝風雨喜新晴  
二十七日起風雨鄉村風俗多從儉絕少喧天爆竹聲

喧天爆竹聲

人日天雨 以下丙午

今年人日雨紛紛谿水臨門漲幾分  
作客鄉村無箇事對花聊把好香焚

其一

瓶花含笑媚人開瓶中以中插水仙梅花破悶常澆酒一杯屈指餘寒無幾日連

朝風雨逐春來正月十二日立春

正月十二日子刻立春是日天晴

青旂赤馬護春來野外梅花著力開天氣晴和風日暖思歸遙憶舊樓臺

其二

孤吟嚼筆入新春看到瓶花最可人寂寞鄉村年興淡飄流無定歎浮身

連日雨雪倚門遠眺

靜觀門外雪飛花隔岸林深露幾家翠竹橫斜茅屋矮臨流一曲樹交加

其二

野兔狎水過前洲小艇划來網未收雨笠煙蓑神自得攀籃掃雪泊磯頭

其三

半農草舍詩選 卷四 十一 涉園叢刻

前溪聽出午雞啼最愛青青菜一畦屋後橋低春漲滿小園圍抱竹林齊

其四

東風吹緊十分寒纔過新年歲月寬準擬看花天意阻梅花消息雪中殘

雨霽

連絲十日雨雲破喜新晴水漲三篙足雷驚萬物萌落花憐舊夢瓶中所插梅花日漸零落

好鳥試春聲閉戶樓頭坐餘寒靜處生

雪後

看花庭外幾回空冷落紅梅煙霧中地下水仙曾浴雨一枝喜剩玉玲瓏

其二

連日瀟瀟煙雨昏小樓春冷借燈溫夜長不寐聽更漏思與高人對榻論用東坡句

立夏前二日

匆匆春又去花事雨中完自正月無快晴之日新綠和煙長餘紅氍露殘薄寒依日

盡老病脫根難為愛鄉村好尋詩獨倚闌

薄晴出游村外

嫩晴天氣雨初乾剪剪風來四月寒獨立斜陽覓佳句藤花滿架耐閒看隔岸紫藤

開花

其二

翠鳩呼雨復呼晴桑柘陰濃夕照明誰識村居風景好雞鳴犬吠盡詩情

半農草舍詩選 卷四 十一 涉園叢刻

右詩爲余族父文圃公撰公少有文名早歲入邑庠旋食餼自幼喜爲詩兼善繪事性孤介與人落落寡合余歸自粵東見公時已年踰四十矣嘗設肆賣藥躬自操執不辭勞瘁業不振旋舍去徙居太邑之西鄉足不履城市某歲新年余往謁賀棹小舟行小港中曲折不得達入夜始抵其處公以酒飯餉余族祖母族母暨弟妹輩圍坐一室融融洩洩公語余鄉居甚樂也未幾又遷居城中公素喜道家言至是心益專學益進且屏其家人獨居於城南福業寺閒與朋輩習靜談玄蓋微有厭世之意矣公僅一子未授室卒公痛之甚踰月亦逝女一先適人且寡居聞余有涉園叢刻之輯以公詩數冊畀余卷端有公自撰丙寅序其李徐二陳諸公序言亦皆成於癸酉以前後此數十年所作悉未編定稿殊錯雜略加整治起同治丙寅迄光緒丙午得詩三百五十九首析爲四卷其詩冲和恬淡天籟自鳴不事修飾與白香山陸放翁兩家爲近公自序曰詩之至者在乎道性情又曰偶有所觸直抒胸臆斯言也可謂自知也已戊辰仲春族姪元濟謹跋

清籟閣詩鈔

0-00 944

92A

1976  
1977  
1978  
1979  
1980  
1981  
1982  
1983  
1984  
1985  
1986  
1987  
1988  
1989  
1990  
1991  
1992  
1993  
1994  
1995  
1996  
1997  
1998  
1999  
2000  
2001  
2002  
2003  
2004  
2005  
2006  
2007  
2008  
2009  
2010  
2011  
2012  
2013  
2014  
2015  
2016  
2017  
2018  
2019  
2020  
2021  
2022  
2023  
2024  
2025  
2026  
2027  
2028  
2029  
2030  
2031  
2032  
2033  
2034  
2035  
2036  
2037  
2038  
2039  
2040  
2041  
2042  
2043  
2044  
2045  
2046  
2047  
2048  
2049  
2050  
2051  
2052  
2053  
2054  
2055  
2056  
2057  
2058  
2059  
2060  
2061  
2062  
2063  
2064  
2065  
2066  
2067  
2068  
2069  
2070  
2071  
2072  
2073  
2074  
2075  
2076  
2077  
2078  
2079  
2080  
2081  
2082  
2083  
2084  
2085  
2086  
2087  
2088  
2089  
2090  
2091  
2092  
2093  
2094  
2095  
2096  
2097  
2098  
2099  
2100



清籟閣詩鈔卷一

歙縣 潘貞敏 伯時 著

山陰 宋澤元 瀛士 校刊

亂後登芝山有感 癸丑三月

鶴唳後嗥不忍聽  
峯巒已失舊時青  
九莖何處尋仙草  
滿地苔痕戰血腥

伴鷗亭與督軍臺都作昆明劫後灰  
市井蕭條人跡少

看山還趁夕陽來 偶臨西閣望五老夕陽開宋  
范文正公守郡時題句也

秋夜

秋後猶餘熱星河夜氣清  
卷簾通月影曳履定蟲聲搏

清籟閣詩鈔卷一

練誰家杵調絲何處箏  
他年堆蠟淚肯忘短燈檠

兩峯山人終葵嫁妹圖

羣鬼啾啾作人語  
老嫗嫁妹如嫁女  
門第爭傳進士家  
送親不用七香車  
一鬼搥金一伐鼓  
一鬼持蓋相撐遮

劇憐小妹頗妖冶  
婷婷嫋嫋同春花  
含笑弄璫扇半卻  
玉膚籠罩輕紅紗  
蒲觴卽作合歡酒  
不知誰是鴛鴦偶

明年抱子來歸甯  
但願阿侯勿似舅

烏夜啼

風淒淒烏夜啼  
月光無色燈欲死  
淚痕點點沾羅衣  
沾羅衣解玉珮  
心在啼鳥口中碎

思婦吟

月光如水蟲聲寒  
落葉卷地秋風乾  
蟲聲風聲兩淒絕  
無聊長夜何漫漫  
高樓思婦聽不得  
夢魂飛度燕山北  
蛾眉黯澹久不描  
休寄焉支好顏色

述懷

非詩能窮人我窮  
乃作詩若以爲詩  
咎恐其弗任之匪  
特不敢咎破悶深  
相資我有幽憂疾  
歲久不可治賴詩  
爲陶寫一發胸中  
思興或爲之動情  
或爲之移詎但怒  
能止亦且俗可醫  
是詩之與我臭味  
無差池今年屆除  
夕當效無本師

清籟閣詩鈔卷一

有詩可破悶有酒堪澆愁  
流行坎卽止委心任去留  
百年一瞬爾誠哉如浮休  
通窻本無定寒暑相環周  
儻不悟此理身心空爲仇  
性情徒極枯無乃天地囚  
何如屏俗翳一讀逍遙游

王蓉香大令 廷鑑 見示所著蘇臺雪院本題詞二首

豈爲窮愁始著書  
干戈滿地倍欷歔  
戲儒生憂樂關天下

一卷叢殘涕淚餘

詞人譜出蘇臺雪  
直筆森嚴鬼膽寒  
自是千秋推信史

諸君莫作稗官看

張雲生 肇源 過訪詩以贈之

握別章門歲兩周行蹤淪落等雲浮數奇莫漫嗟後賢

曾侍郎駐師百花洲余與雲生投效均未遂 癡絕何須笑虎頭 雲生善畫 秉燭高

談疑夢寐銜杯痛飲破牢愁篋中一卷英雄記不待披

陳涕淚流

過弋陽訪黃韶九郡丞 振成 畱飲戎幄

刀光如雪月溶溶毳幕銜杯興更濃漫向樽前諧競病

校詩樓上有昭容 郡丞有姬人知詩時在軍中

曉度大庾嶺

案上鐙猶在勞勞又遠征繁霜砭馬骨殘月墮雞聲古

清籟閣詩鈔 卷一 三 藏花盒

驛紅梅綻騷人白髮生何時歸故里買犢學躬耕

珠江舟中

褪去紅襦見玉肌瓊漿沁齒味如飴濁醪莫解臨叩渴

閒坐風窗啖荔支

十里江光似鏡開笙歌圍繞海珠臺瓜皮小艇游人喚

赤腳蠻娃盪槳來

雜詩

吾人讀詩書所貴在博識安能守章句效雕蟲篆刻或

有難析義以不解為得不解而能通其識乃超特

陸雲何善笑唐衢何善哭人心不相同各如其面目塞

翁雖失馬安知果非福飛鴻遇順風未必勝雌伏幽人

歌考槃曰獨寐寤宿五城十二樓是我談詩屋

吟罷乃飲酒飲罷輒賦詩飲量既不宏詩句亦未奇聊

以澆壘塊聊以寫幽思我自以為樂人皆嗤曰癡噫嘻

子非我此樂安得知何處覓解人庭花含春姿

習習清風生故人忽然而至床頭一甕雲發醅相與醉不

分誰主賓列坐每無次道德五千言知希乃可貴以此

通論詩要得味外味

淮陰感一飯奉以千金償少陵感一飯終身矢不忘偉

哉兩賢人襟期洵非常走也百不能材薄德實涼玉環

清籟閣詩鈔 卷一 四 藏花盒

不可求黃雀空徬徨

貧乃士之常所憂惟在道少壯不如人蹉跎以至老沒

世名無稱有若草木槁草木固無知春風猶再好尺璧

非所貴寸陰良足寶汗青知何時須與頭白了

叢竹生庭前青筠煉冰雪怒風摧挫之龍鍾腹欲裂腹

裂痛何傷其節不可折有如強項人不愧錚錚鐵誰與

倡危言磽磽者易缺

江南有佳橘踰淮變為枳是孰使之然習俗所移耳桃

李榮於春松篁冬不萎一氣相推故此中有至理士無

賢不肖但視命亨否否乃亨之基禍者福所倚君子坦

蕩蕩聖言良有以

雲齊西北樓日出東南隅平地生風波何處非危途人  
苦不自知多為名利驅持器飲江海腹滿焉用餘何如  
任所適游于物之初

江夜

碧眼胡兒夜吹角吹得城頭萬星落萬星一落不上天  
散作燈光滿樓閣樓閣參差俯水隈風窗面面玻璃開  
波紋瀲灩金鱗動宛有鯨魚跋浪來

微雨後園中草木葱青可愛即景成詩

鐘日雨廉纖眾綠淨如沐土膏含滋潤鬱鬱吐芳馥庭

清籟閣詩鈔卷十

五

懺花會

前榕樹中流鶯語圓熟何當攜斗酒荒郊騁遊目小園  
雖無花卻有一叢竹濃陰覆我室白比篔簹谷忽聞遠  
村外催耕啼布穀觸我內顧憂家無僮石蒼吾不如老  
農披簑叱黃犢

月夜

明月乍離海清光萬里同所思人不見疑在廣寒宮徒  
恨仙塵隔而無夢寐通傷心懷往事冷淚洒西風  
萬籟盡銷聲寥天一雁鳴可憐今夜月猶是去年明滄  
海珠難覓瑤臺鏡已傾無端悲錦瑟腸斷玉溪生  
歲暮書感

綠淨軒中暮復朝行吟坐嘯思無聊倚牆風颭一叢竹

拂檻煙籠數本蕉塵夢難醒嗟鹿幻幽棲未卜感鸞飄  
寒蟬唧唧催人老獨與孤檠話寂寥

枕經解史滌煩襟運甕徒勞惜寸陰小草在山無遠志  
閒雲出岫豈初心學書常笑頭濡墨積毀尤虞口鑠金  
不善謀生恥温飽忍飢猶作卧龍吟

腰間寶劍重摩挲醉後嗚嗚擊缶歌南郭無竿休濫吹  
北山有鳥莫張羅祭虛季女尸蘋藻經授門徒廢蓼莪  
壯不如人行老矣也應拊髀歎蹉跎

薑桂何嘗損北辛夜月珍重歲寒身階前萱草能侵雪  
清籟閣詩鈔卷十

六

懺花會

池上芙蓉豈怨春老子婆娑懷庾亮美人遲暮感靈均  
他年東閣郎君貴記否曾為座上賓

薦士何人表襴衡著書安敢效虞卿襟懷磊落空前古  
琴劍飄零愧此生少府無妻休割炙小人有母未嘗羹  
詩家漫羨凌煙閣抱膝長吟 聖明

功名艷說爛羊頭凡眼何曾識馬周廉吏兒孫多後起  
大臣經濟只先憂九州鍊鑄終身錯百鍊鋼成繞指柔  
富貴能令親戚懼男兒畢竟要鳴騶

大府憐才比鄭公先生我自笑冬烘干時頗愧書三上  
遣興惟憑酒一中未解安危嗤燕雀底須得失較雞蟲

為師本是人之患孟子良言果折衷

巡檐叉手獨徘徊索共梅花笑口開壯志未能黃鵠舉

流光何苦白駒催人非知命難安命天或成才始礪才

隨分蓬蒿如此樹欣欣都自報春來

故衫

授衣時節試輕羅摺疊經年縵有波熨貼美人應暗笑  
不知何處酒痕多

捲簾怨

曉起捲珠簾忽憶宵來夢撚帶一沈吟溜去釵頭鳳

新霽

清籟閣詩鈔卷一

七

歲花會

積雨連朝霽色開薄寒已解煖初回柳條青入高人眼

杏葉紅分越女腮詩未成家聊破悶庸能載福不須才

休誇車馬江干駐屐齒翻嫌損翠苔

春日即事

竹笋如簦柳線長梨花雪白菜花黃斑鳩靈鵲爭相噪

天意陰晴費主張

細草蒙茸一徑深綠榕如蓋晝陰陰閒居漫道無經濟

灌竹澆花利物心

綠水溶溶漫野塘奈他流盡好年光今年春色真虛負

試問明年可倍償

終朝

終朝手一編校勘費丹鉛生計嗟牛後才名愧駱前客

愁煩酒洗春夢倚花圓悟得閒中趣逍遙似散仙

余舊作珠江畫舫曲詞涉浮艷稿久不存曲中有

歌之者

偶託閒情譜竹枝貂褸錦段四愁詩流傳不假弓衣繡  
一串歌喉付雪兒

競誦香山長恨歌旗亭畫壁較如何時人莫訝詩名豔

憔悴青山鬢已皤

戲詠質帖

清籟閣詩鈔卷一

八

歲花會

一紙生財券真同鬼畫符送窮無妙術濟困有良謨啓

篋蹤云罄探囊幸未虛論癡洵可笑買醉莫愁沽字類

蕭郎蚓文非博士驢往來權子母瑣碎注蟲魚卻是錙

銖較何嘗貴賤殊珍藏猶制話枕秘等靈圖千字編條

目三年計轉輪帖休臨乞米興不敗催租頗畏風霜厲

尤驚歲月徂朝回煩杜老渴後累相如緩急誠堪恃通

融正所須絕交嗤富客結契盡寒儒韞玉時宜待分金

事已無周官均幣帛何日用之舒

九日同人登鎮海樓

鎮海樓高接帝閭振衣直上共憑軒風催霜信來蠻徼

潮挾秋聲過虎門百瓊莫辭傾竹葉一官無着類蓬根  
與君等是天涯客折得黃花憶故園

夜過六榕寺

犬吠深巷中偶入招提境夜色何蒼涼微雲澹花影

登樓

無地堪容我登樓強自寬招來風入戶邀得月憑闌作  
賦嗟王粲逃名愧幼安茫茫身世感觸迆上眉端

題酒家壁

雨過天如洗空青淨若秋飛來一片月挂在柳梢頭有  
客能高詠何人可善謳任他塵撲面題上酒家樓

清籟閣詩鈔

卷一

九

懺花齋

讀昌黎薦士詩有感

位卑詩寒孟東野年過半百一窮者苦吟不管神鬼愁  
空山落木號深秋自從見賞韓吏部相憐有若駉蛩附  
人生知己亘古難何必身榮始稱遇我詩力薄愧未工  
無復硬語能橫空一官落拓不稱意豈我亦坐詩人窮  
詩窮不爲俗流識能薦士者昌黎伯

夏日感興

竹裏煎茶鶴夢驚風前小卧展桃笙空懷壯志思經世  
偶抱微疴借養生曠達劉伶因酒著酸寒東野以詩鳴  
丈夫要作千秋想毀譽何勞月旦評

自作新詩自寫真紛紛那計笑還嗔偶看良馬思奇士  
閒對名花憶美人富貴無常徒結怨窮通有命且安貧  
面纔如碟頭如筆豈是經天緯地身

一事無成悔浪游十年磨劍滯炎州賃春廡下英雄老  
乞食播閒妾婦羞楊柳條經遮大道花枝最怕近高樓  
蠻娃莫唱思歸引棖觸鄉心我欲愁

義和敲日已東昇火微擎天氣鬱蒸汗滴農夫禾下土  
涼生公子案前冰鑠金縱使能銷骨飲水何妨更曲肱  
狐蟻含沙蜂蠆毒路人莫怨鄧都鷹

中秋夜登粵秀山翫月

清籟閣詩鈔

卷一

十

懺花齋

繡旛風細裊香煙一片笙歌沸暮天爲問越王臺上月  
可能還似漢時圓

十六夜登拱北樓翫月用前韻

纖雲四卷淨無煙百尺危樓聳碧天滿目清光飛玉鏡  
今宵不減昨宵圓

捉搦歌

春風回耐撩人意入我羅幃無顧忌驀地相逢不相避  
吹開髮帶眞多事  
瑤臺玉鏡明月光嬌嬈照影添新妝郎誠愛妾妾愛郎  
郎意要如妾意長

今年春比去年早山中綠遍蘼蕪草人生能得幾時好  
小姑今又爲人嫫  
芳年顏色如朝霞雲鬢亂堆烏雅窗中人與窗前花  
盛衰只隔一重紗

雨中游紅棉寺

越秀山連天高紅棉寺在山之腰四圍松樾高十丈紅  
棉花更出其上遠望熊熊同赤城燭天照耀朝霞明又  
疑龍宮之寶樹火齊木難紛縱橫我來策杖游正是清  
明節久旱忽逢雨人心大欣悅泥淖敢告勞拾級屐齒  
折繞樹時聞布穀啼叱犢老農扶耕犁元冥有意逞顏

清籟閣詩鈔

卷一

十一

懺花盒

色滿林汁染燕支赤點滴疑是天雨珠寒者或可以爲  
襦一笑逢老僧無言但點首欲就證前因啖我半芋否  
功名富貴不可期何如飲我一杯酒不願參禪且學仙  
一醉朦朧復何有賈勇更登最高峰溼霧襲袂雲生胸  
俯視下界一撮耳萬家春樹溟濛中長嘯一聲下山去  
恨無謝眺驚人句不知他年可有好事徒繪我戴笠著  
屐圖教人錯認髯蘇無

清籟閣詩鈔卷二

歙縣 潘貞敏 伯時 著

山陰 宋澤元 瀛士 校刊

花埭

花埭人家樂栽花當種桑塵囂雖近市風景恰如鄉淺  
水淨明鏡遠山銜夕陽何時結茅屋題作小滄浪

暮抵佛山

暝色歛歸鴉遙峰帶斷霞歌聲浮水面燈火出人家獨  
掉瓜皮艇來從茉莉沙地名距佛  
山十里斗牛如可犯卽此是

靈槎

清籟閣詩鈔

卷二

一

載花盒

初寒

過隙駒光忽暮秋牆東有客續離憂布衾竟擅專房寵  
濁酒難銷隔世愁池上芙蓉真國色山中泉水是清流  
盛名坎壈君休怨自古文章與命仇閩與山秀才來高  
談及秋闈被放呂

勝歎

非航口腹苦思純懷橘兒郎有老親白髮早衰憂世客  
秋風先冷與鄉人閉門我是陳無已愛土誰如賀季真  
薦舉不行科目濫丈夫端合老風塵

九日閩興山秀才邀同王竹君秀才游興秀山爲

雨所阻卽飲與山寓齋

莫蠟游山屐賡歌聚一堂停雲偕二妙賞雨作重陽勛  
業將詩抵窮愁倩酒醺鱸魚飛雪膾風味憶家鄉

郊外晚步

一徑入修竹寒潭生暮煙故鄉千里外落日萬山前塔  
勢穿雲直鐘聲渡水圓荒村好風景欲去復留連

畫屏

畫屏遮斷玉簫聲枉說蓬山與碧城羅帕題詩名士筆  
玉璫緘札美人情卷施拔去心難死紅豆拋殘子又生  
諫獵貲郎偏善病乞漿何處訪雲英

與友人飲

樹影送新涼蕭齋共舉觴貧原非我病瘦不畏卿狂心  
熱爐中燼頭飛鏡裏霜名場雖潦倒詩筆未頽唐

遣興

柳色如煙綠未勻畫橋流水碧粼粼江山何處無風月  
誰是閒人作主人

楊游戎

得勝

羅守戎

秀富

余舊日管領舟師部弁

也由充來見笑示以詩

韶防四載共辛勤年少周郎劉竹溪提舉  
嘗以此相戲謬典軍麾我  
遐荒乞升斗喜君絕徼建功勳鮎魚緣竹原非易驥馬  
嘶風自不羣從古管城無貴相更期聯步上青雲

環蝓

水族類實繁有不可具述姑就所見言其理頗難達一物賦二形其名曰環蝓未知一而二抑係二而一或云其腹飢解則挾之出行有如狼狽不可一朝失游有如比目不可一旦別如蠅之附驥如蝨之憐厖如常羊從蟻如蝨蠅取物如鸞魚乘雌如鴛鴦相匹如鳩占鵲巢如雀入燕窩更有鸚鵡螺寄居相髣髴非螟蛉類我非蟻同穴非穉蜂出房非螫龍潛窟既不如章舉有肉供舖吸又不如蝦蟇有聲能喧聒縣疣與附贅儼同疽貼

清蘊閣詩鈔卷二

三

懺花盒

且兩忘作詩以紀實

擣衣吟

烏啼月皎皎蛩語風淒淒離鄉幾千里遊子嗟無衣擣衣夜苦短枯杵那得緩杵聲不在砧卻在遊子心

素馨詞

風味美人香添妝趁晚涼珠兒與珠女偏說小南強玉質委泥沙香魂幻作花降王無寸土贏得素馨斜

游俠行

男兒不稱意驅馬幽并游朝就屠狗飲暮宿胡姬樓胡姬十五六窈窕顏如玉攘袖彈瑤箏當戶理清曲一曲繞梁飛問郎歸不歸笑索纏頭錦脫手千金揮酒酣為擊節擊碎珊瑚玦復邀屠狗兒城南臂鷹獵

秋懷

過眼煙雲變幻奇百年世事一枰棋歸期屢破刀頭夢窮病難神國手醫曾笑脫冠從杖尉休慙乞食向歌姬麻中儘有蓬孤立何必風前泣素絲

好山咫尺欠登臨

友人約游白雲山未果

把臂何當共入林壯志

清蘊閣詩鈔卷二

四

懺花盒

畫殘名士餅秋聲搗碎女郎砧寄書豈易求雙鯉時作家報便郵因無導氣無須習五禽嶺上白雲如可贈倘能膚寸作

甘霖

松戶風聲捲怒濤蕭蕭秋氣逼皮毛滑稽玩世東方朔貧賤無家北郭騷蠻女雲鬟盤墮馬麴生風味稱持螯詩成何必求人賞吟向黃花亦足豪

將進酒五篇

嗚呼天既不生我以銅筋鐵肋能挽兩石弓擊強有如諸葛豐又不生我以眼如秦臺照膽鏡坐令魑魅罔兩難潛蹤胡為飄飄人海中浮雲柳絮隨春風學劍豈能



萬人敵嘖詩真是寒號蟲男兒肘不能懸斗大印何如  
月下傾金鐘酒邊逸氣莫可遏吐出光燄萬丈縹緲之  
長虹鳥飛兔走各關捷昔日少年今老翁千金買笑且  
爲樂無使俗慮塵心胸劉元石蓋次公聊與子兮相從  
甯失尙書期莫放樽中空

誰謂天不飲天上酒旗光歷歷誰謂地不飲地下酒泉  
流淅淅劉伶本以酒爲名有酒不醉真可惜舉觴在手  
須盡歡墓土何曾沾一滴眾人皆醉我獨醒到頭不免  
終投汨吁嗟乎夏后何故疎儀狄顧公在坐咸感感意  
彼前生俱是病瞿曇不愛酣嬉愛蕭寂我欲一年大醉  
清籟閣詩鈔卷二 五 懺花盒

三百六十日日之不足繼以夕不願封萬戶侯不願食  
萬戶邑螺贏螟蛉安足豪醉鄉且訪東臯績

我昨夢歸三十六峰頂上游千重雲海蕩漾生涼秋何  
不變而爲霖爲雨既天下坐令旱魃爲厲荒田疇搔首  
問天天不管豈非獨與生民讐大聲疾呼振巖谷唇乾  
口燥舌卷難入喉山中老松高百尺逆卷偃蹇枝相樛  
如龍如蛇如青蚪拾取金釵千股添酒竈鬱鬱一煮人  
閒愁青山白雲極樂國呼兒爲我營糟邱

能耐飢寒卽豪傑過人何必有奇節壘塊化作胸中血  
冷釜豈肯因人熱養生徒然餐玉屑保身自古稱明哲

嘯歌不廢齒已折脛股將殘僅存舌君不見治長無臯  
道縹緲巧者未必果勝拙愁如北風吹白雪飛上入頭  
不可減狂來醉舞如意鐵悲歌擊得唾壺缺他年謝家  
青山留片碣大書酒人某某委蛻穴顯榮富貴真一瞥  
仰天大笑冠纓絕

噫噫乎悲哉秋之爲氣也慄冽使人哀磊磊落落胸一  
日不得開世路更比太行險馬蹄顛踏車傾隕深山樗  
櫟斧斤絕城頭有草風先摧麝以臍敗象以齒天之所  
蠹正以材何必朝人省暮入臺素衣冉冉飛塵埃烈士  
狗名貪夫狗財介山郿塢俱蒿萊豈如獨棹酒船轟飲  
清籟閣詩鈔卷二 六 懺花盒

山青水綠處玉簫金管行相催主人壽客傾金疊美人  
笑酌葡萄醅珥墮簪遺履烏錯醉倒一任吳兒哈  
中秋夜放舟海珠寺醉後作歌示同遊諸君

越王城頭鼓初發海珠江上潮瀟瀟翻銀捲雪洗長空  
湧出晶瑩一輪月九霄月是今宵多畫船款款揚清波  
兩頭簫管珠翠繞雪兒進酒紅兒歌舉杯在手月在酒  
何須金印懸如斗拇戰應憐玉臂寒肉聲引出櫻桃口  
主酬賓酢各盡歡勸君莫憚金樽寬栖鳥叫得寺鐘動  
銅鉦已挂青林端

病酒

中酒只一日病酒一日半膏騰掩關臥歛忽易昏且任  
從俗子訕呼作渴睡漢戶小興卻豪雖狂弗及亂惟當  
思飲時枯腸嘔其曠有如患頭風閉塞而不汗喜逢麴  
生至清香沁鼻觀一盞既入喉頂似醍醐灌內邪盡已  
祛何必薑與蒜又如吞金丹頓令凡骨換藉以養性靈  
那怕肺腑爛果使愁可破縱死亦奚憚況非性命憂不  
過稍疲便胡為老聾丞駭作鳥獸散更有孟公客越閣  
同鼠竄畏之甚砥鳩深為昔人歎一枕夢初覺睜目日  
已盱解醒復命酌霍然一笑粲

秋日過柳堂贈李子虎學博 長榮

清籟閣詩鈔

卷二

七

懺花盒

仙李盤根大垂楊繞屋稠淡煙籠翠壁微雨洗清秋攜  
得元暉句來登太白樓 園有襟溪閣帶歐珠海與白雲山相望 江光與山  
色蕩漾赴雙眸

嶺嶠能詩者於今復幾人風騷嗟日替大雅竟誰陳夫  
子真無敵孤生幸有鄰 余寓與柳堂權比 好憑疏鑿手一為激  
渾淪

旅況四首

逆旅形憐影相依只一鐙荒齋疑野廟老僕類孤僧詩  
證小三昧禪參最上乘蕭條吾亦慣斷酒不相應  
莫展凌霄翮真如鶴在樊雨聲羈客淚雲影美人魂多

慮能妨智無才怕受恩碧城何處所幽恨寄荃蕪  
孤雁鳴天外淒涼不可聽還家徒有夢媚寵恐無靈飲  
酒強攻藥 余體素弱醫者云宜於飲酒 哦詩當誦經典裘謀一醉塵  
世幾人醒  
天不虛生我蹉跎我負天百年猶旦暮萬事總雲煙思  
澀詩無律愁深酒失權歸田空作賦誰贈買山錢

羊城秋感

久貪我與我周旋隱几蕭條手一編經濟要須名位顯  
詞章或可草茅傳死生契闊傷元伯兒女情多累茂先  
憂患飽嘗吾德甚冷吟閒醉度流年

清籟閣詩鈔

卷二

八

懺花盒

何處雲山是故鄉登高望遠思茫茫我心匪石不可轉  
民口如川宜慎防征士荷戈悲戰伐老農懸耜樂豐穰  
窮途豈灑飄零淚留向烏江弔憤王  
萬家砧杵搗秋聲一夕相思白髮生鴻雁不來鄉信杳  
豺狼當道客心驚其如捫舌言難悔未必飢腸字可撐  
乞食吹簫誰過問尉佗城異闔閭城

秋懷

金篋難刮眼中埃瘴霧迷天掃易開赤日退如狂寇退  
清風來似故人來蒹葭鱸膾縈鄉夢桂蠹文犀感霸才  
莫漫無衣怨黃葉越羅楚練耀輿儔

識字粗能記姓名豈知憂患暗中生詩書果是不祥物  
感慨聊爲對酒行把盞易增遷客恨拍臺難遣故鄉情  
蛩吟冷砌烏啼樹大鳥何年始一鳴

半帆亭看菊知成果禪師已於五月間圓寂矣作  
詩弔之

半帆亭外日初斜木葉將零菊有華成果僧今欣證果  
看花人已悟拈花梵鐘卽是當頭棒朋儔真如放手沙  
可惜重來蘇玉局過門彈指倍咨嗟

清籟閣詩鈔卷三

歙縣 潘貞敏 伯時 著

山陰 宋澤元 瀛士 校刊

題大通寺壁

奔走歎勞勞霜華點鬢毛此間真福地何處避塵囂烏

柏一林雪蒼松萬壑濤倘容分半榻不羨擁旌旄是日

府於

寒夜

獵獵悲風咽暮笳孤燈細雨落檐花豐貂無力重衾薄

何處羈人不憶家

清籟閣詩鈔卷三

臘月十九日子虎廣文招陪文樹臣觀察星瑞周

雲圃太守毓桂暨盛蘆舫上舍開榮觀中惟心

兩上人集柳堂拜坡公生日遲樊昆吾別駕封

不至

我生乙未非丙子亦如先生窮不死先生奇才造物忌

我何為乎亦若此投荒詎意蹤跡同識字都從憂患始

公雖仙去遺像在座上懸惠州白鶴峰笠展圖石刻拓本後人敬之肅然

起今朝正是嶽降日躋堂介壽游風軌此邦本屬公之

鄉勝飲臨泉亭下水尊羹況有藤菜敵俎豆千秋肅禮

祀博山裊裊蒸婆律匏尊泛泛酌瓊醑景祐至今飈輪

馳八百三十四年矣景祐丙子至同治己巳座中諸賢俱健者旗

鼓相當爭角觝洋川老可東川郎皆公同官舊知已參

寥辯才偏袒至各設清齋奉盤匱兩上人攜蔬一盂作供有客有

客彈賀若泠泠妙似弗着指蘆舫操平沙一曲麴蘖不醺冰雪

腸淫哇淨洗箏笛耳樊翁竟同陳述古有約不來胡乃

爾我亦當年弟子行走馬尋春陪杖履搏沙何幸聚一

室公雖無言心自喜神弦為譜鶴南飛主人即是腰笛

李

新歲四日游花埭同座十六人誠盛會也諸君有

詩相貺因賦二章以繼響焉

清籟閣詩鈔卷三

春風駘蕩養花天多少游人放畫船縱使此江能變酒

也須彼美盡如仙綠雲冉冉凝歌扇紅雨紛紛落舞筵

蠟淚成堆君莫笑前身應是柘枝顛

一帶園林傍水涯生香不斷四時花招邀共訪三三徑

彷彿來游七七家擊鉢要依金谷罰傳杯好趁玉釵斜

他年若纂珠江志十六詩人此泛槎

舟中寫望

蒲帆掛長空煙暈平楚晚波光涵太清雲中好山遠殘

陽射鴉背投林共爭返游子行不歸去喫惠州飯

到惠州呈劉樹君郡伯淮年兼簡顏夏廷觀察培

宋華庭郡丞澤元二首

書記才慚杜牧之昔年詩識驗尋師余舊有尋師到惠湖之句廣平

光祿皆吟侶一是神交一故知夏翁曾通詩面實未謀面華庭則舊好也

太守文章繼大蘇何時同泛小西湖鷺城風月雖然好

也要名流領郡符

蘇井

公昔鑿此井其味甘且冽冰湍與雪乳湧出而不竭乃

汲以銀瓶涼沁胸中血飲之令人壽效勝餐玉屑結茅

於此間終老計已決萬水同一源何必峩眉雪

朝雲墓

清籟閣詩鈔卷三 三 巖花會

六如亭子枕江濱與詩人弔夕曛我愧東坡老居士

一杯未覆魏城君亡妻王孺人歿已四年猶淺土也

對酒行

白起果是小豎子商鞅豈是豪傑士生不如死死如生

袁粲長生褚淵死誰曾入海求蓬萊誰曾採藥游天台

茂陵一語真仙才世間豈有神仙哉

松柏經冬枝益勁磨鍊冰霜有本性窮陰凜冽萬木僵

獨與寒梅鬪清峻漫山桃李爭春妍莫言雨露施恩偏

東風更比朔風惡紛紅駭綠吁可憐

合江樓用坡公元韻

我登斯樓真快哉倦眼頓豁煩襟開軒窗四啓無障礙

時有習習清風來此邦自古風物美遙空朵朵芙蓉起

合江樓上一片雲飛下合江樓下水兩橋迤邐東西新

往來利涉多行人湖山不朽公不死年年歲歲猶青春

樹君郡伯以舊作菊花詩見示次韻

我愛屈靈均拾取落英食又愛陸魯望隙地杞同植我

家無幽芳尊酒亦減色平生不干人至此忽會墨含笑

乞諸鄰買不費赤仄亦如當壚女醉即卧其側乞菊

清風颯然至開軒面遙岑菊花滿町畦幽香襲衣襟秋

光爾許淡秋氣感人深采擷得盈把欲贈無知音

清籟閣詩鈔卷三 四 巖花會

豈易得慷慨空悲吟負此金琅玕吁嗟美人心贈菊

只憂庭無菊不憂廚無糧典衣購得之直是在夫狂對

之雖無言其意自悠長何哉庸俗人徵逐桃李場此花

無俗態竟體揚芬芳有如置佳賸綠衣而黃裳買菊

紀雨和樹君郡伯韻

風如猛虎歎不住吹折江頭木棉樹沙飛石走陽鳥藏

黑雲重重滿天布前村人家茅亂飄雷公碎訇山震搖

銀河之水供一瀉陡漲十丈江中湖浪婆颯母那有此

乘機肆虐竟不止大魚驚竄老蛟怒不見天地只見水

須臾雲散天復清斜陽一角開新晴憂者以喜病者愈

造化生物非無情隔岸諸山似瑤島招之可三出雲表  
東坡去後不復浮江來自詫今朝眼福飽老農歡作爭  
芸田太守愛民心格天黍育稷生致足樂何妨野吏亭  
外樹的同鳴弦時方習射故云

華庭郡丞招飲西湖以詩見贈和韻報之

平生好酒無酒友得君無異飲醇酒君才何止高十倍  
也爲飢驅事奔走天生大材終見用肯放英豪在林藪  
一尊招我西湖嬉挈鷺提鷗問花柳禪堂共築糟邱臺  
拇戰縱橫誰可偶主人休謂我醉狂能飲一石纔一斗  
新詩自歌自擊節莫笑千金享做帚荆山抱璞屢遭別  
清籟閣詩鈔卷三 五 戲花金盒

惠州雜詩

昔者東坡公遠師抱朴子於今七百載我復師公爾公  
靈不磨滅如地之有水水果無絕流卽公長不死羅浮  
四百峰春睡正甜美三載居此間明年徒僭耳平生多  
屯蹇行踪摩定軌動筆輒招謗文章屢禁止晦久則愈  
光小人枉訾毀蒼天所厚公在彼不在此  
明月照我牖皎若白日光幽人不成寐起坐徒傍徨昏

燈半明滅清夜何其長忽聽荒雞號中懷慨以慷  
蟋蟀牀下鳴唧唧復唧唧其聲清以哀如出我胸臆作  
客已十年飢寒苦相逼所媿南飛鴻冥冥避繪弋讀書  
可救貧拚卷三歎息

荒齋雖一楹點綴頗不俗案上列圖史檐前種松竹清  
光上窗紗映我須眉綠好風天上來枝葉夏寒玉時有  
鳥雀噪笙簧弄新曲攤飯於其中考槃詠寤宿顯晦有  
天命詎就詹尹卜西湖風景佳舊游況可續倘援鏡湖  
例願乞作湯沐

西湖近咫尺招友常嬉游百錢買輕舸蕩漾隨波流其  
清氣閣詩鈔卷三 六 戲花金盒

水清且漣煎茶注冰甌可以洗我肝可以潤我喉遠望  
雲中山應接紛難酬羨彼無機心飄飄雙白鷗夕陽在  
平地買醉城西樓呼兒沽美酒笑脫千金裘人生不稱  
意長揖歸林邱

名勝不飽游過後輒追悔及時不行樂歲月豈相待我  
來湖上游吟聲雜露酒何必貰醇酒始足澆磊塊汲水  
飲滿腹中有西湖在

觥觥大城公本是香案吏乞郡來海徼招我典書記公  
餘共賡歌搖筆創經筵近代名家中允堪豎一幟倘若  
背城戰何止三舍避五言如長城先登輒顛躓公如秦

楚雄甲堅且兵利我如小附庸兵戍甲亦棄雍容將旗  
鼓足任邊陲寄

大雅久不作元氣日以衰此邦風物佳西湖澄明漪洵

堪與杭穎鼎足爭雄雌風物雖美好也須人扶持詎意

大海萍天復作合之宋子命世才華庭顏公真良師夏

山更有顧曲郎菊軒刻苦常拈髭唱子而和汝吟筒交

相馳蒙也蝨其間應敵亦已疲諸君悉健者拈韻爭新

奇風雲月露狀雕績無遺姿湖山亦生色造化終無私

笙磬音響同一卷詩人詩時將倡和諸什編為一卷

和夏廷院長豐湖銷夏六首

清穎閣詩鈔卷三 七 懺花齋

西湖天許乞重到證前因藤茶先生饌荷花六月春往

來青雀便浩蕩白鷗馴得遂初衣願高懷抗季真

當代扶輪手文能障百川但教心似水何畏日如年脫

有羲之鬼才猶太白仙桃笙攤北牖欹枕抱雲眠

地接黃塘寺荒牆冒綠蘿亭空延月早樹老得風多塔

迴鈴聲咽湖平鏡影磨煙霞容嘯傲原不算蹉跎

三年開絳帳課士比陽城思苦真情出心閒道氣生酒

將花釀就詩是雨催成後學資提倡風騷有正聲

何日同攜酒來登野吏亭杯浮春蠶綠山放曉螺青飛

瀑動危石夕陽明遠汀相將廢妙句吟與老坡聽

暮靄籠城郭蒼茫日又曛江山千古秀旗鼓兩家分竹  
露滴如雨菱歌飛人雲興酣揮綵筆白練寫羊欣

華庭於竹醉日移竹頗有生意喜而賦詩因和其

韻

吾甚愛此君相對輒心醉君醉乃此日其說似不偽儼

同玉山頹清風送涼吹園丁負之來倒地尚酣睡有如

晉公子謀遣為情累因從後堂移不覺語近戲卓犖牆

東客癖好有同嗜削尾以植之書齋窗外地病葉何龍

鍾一雨轉蒼翠底須如渭川卽此正不易所以蘭成園

愛憐弗忍棄昔嘗怪涪翁咒筍是何意籜龍常稱兔頰

清穎閣詩鈔卷三 八 懺花齋

少瀟灑思子非饕餮人豈爲口腹恣明年儻生孫湯餅

聊一試君將爲兒娶婦故云

偶成

四海茫茫何處家難從杜曲種桑麻梅花笑我心如鐵

明鏡欺人鬢有華肯把詩篇投賀監誰將書札報秦嘉

病成消渴渾無那雪乳新烹活火茶

斗室盤鍋寄此身生天成佛兩無因飢腸得酒撐芒角

病眼看鏡賽月明瞎馬臨池誠可畏盲人摸象總非真

時方穠桃郁李飄零盡紅樹林間正好春

白鶴峰謁東坡先生故居

柳堂昨歲拜公像今日來登白鶴峰披拂蓬蒿尋故址  
摩挲碑版認遺容千尋劍氣才無敵萬斛泉源世所宗  
我本先生詩弟子名山負笈許相從  
翟夫子舍在西鄰夜火無嫌過往頻瘴海徒縈京國夢  
荔支果勝故鄉菹八千里外爲遷客七百年來少替人  
廿載飢驅吾憊甚此邦喫飯亦前因



清籟閣詩鈔卷四

歙縣 潘貞敏 伯時 著

山陰 宋澤元 瀛士 校刊

雨中看山有作索華庭郡丞和

驟雨不見山依微但具體瀟瀟復傾盆玉女頭可洗長  
江忽翻倒陡將天作底穠雲堆重重浩水流瀾瀾厥後  
勢漸殺山容爲之啓煙霧鬱不消其穎尙有泚小舸一  
葉浮遠樹僅如薺天然好圖畫高出襄陽米天意亦如  
人哀樂歛相遞夕陽開晚晴一笑乃破涕

華庭和詩久不見報疊韻速之

清籟閣詩鈔卷四

懺花會

論詩溯淵源貴精文選體陳言儻務去惡習庶可洗滄  
海嗟橫流汎濫靡所底邇來風雅衰其派益漫瀾喜君  
工詞翰不讓林逋啓葛蔓盡掃除臨流激寒泚餘事偶  
載筆逸詩搜采薺君著有筆記詩話各種我昨馳吟筒乞詩如乞  
米頗怪英瓊瑤胡爲久未遞豈是僧懶殘不拭俗人涕

約華庭郡丞訪松風亭卽用坡公原韻

松風亭下松成村中有不散詩人魂我來惠州將半載  
終日謳吟頭日昏閉關無事等坐廢何不一訪荒郊園  
舊地再經意彌適恍若昔讀書重溫是時一雨忽三日  
明朝或可開曦曦步游不必租蹇衛聯袂共出城東門

林端山色淡如畫澄日絕叫難名言踴歌莫憚歸去晚  
且邀明月傾金尊

華庭招飲合江樓醉後仍用前韻

昨邀君訪梅花村一雨欲斷行人魂今君招我樓上酌  
風日晴好開煙昏觥籌交錯恣歡譁酒令嚴如金谷園  
執杯持耳不容緩奚暇更擇涼與温醉眠忽聽午雞叫  
夢中要看羅浮暎手談儼若遇敵國要知此會非鴻門  
著棋擔糞吾不審斯語昔聞逋仙言君其休矣勿相恩  
不爾翻倒胸中尊是日諸君奕棋故調之

借華庭訪松風亭不獲再用前韻

清籟閣詩鈔卷四

懺花會

聯袂出郭尋荒村賦詩欲招坡仙魂殘碑斷礎杳難覓  
度阡越陌天將昏道旁野老亦不識盛衰致慨同名園  
憶昔先生飲於此兩株玉葉天香温於今相去八百載  
正如薄暮思晨暎唇乾口燥足重繭喫聊過般若門  
好古有癖天亦妬我方氣沮君無言勝游不許後塵步  
濁醪孤負攜來尊

周菊軒明府爲楨招飲湖上報之以詩

湖上春光好尋芳正及時雲山堪入畫主客盡能詩攜  
屐游將遍銜杯醉莫辭將軍司筦鑰不禁夜歸遲謂王松泉

野吏亭晚望次樹君郡伯韻並效其體

夜涼如水遙空清流螢引我亭上行樹間眾響此俱寂  
天上銀河流有聲鎗影如星出窗窳波光映月涵虛明  
西方美人不可見榛苓致詠傷余情

書郡伯勸民十詩後

為政崇文雅還如員半千傳家存治譜化俗有新編循  
吏心猶佛詩人骨亦仙居官惟飲水不取會稽錢

秋懷四首次郡伯韻

昔我來時柳放衙光陰荏苒菊將花衰遲聞道腸拖鼠  
竭蹶謀生足畫蛇鄉井蕭條人事改關山迢遞夢魂賒

清籟閣詩鈔

卷四

三

載花盒

宦情頗似秋容淡贏得霜痕染髻華

竹香蘭氣一庭收池上芙蓉媚素秋縱酒放歌容我懶

批風抹月與天游書傳吳下憑黃耳豕到遼東盡白頭

漫道詩人了無益秦吟十首是嘉猷郡伯新作勸民詩十章

乍可狂歌老孟諸飢驅難守舊田廬登樓王粲謀生拙

彈缺馮驩作計疏涉世漫憑無鬼論傷時休廣絕交書

消閒獨向孤亭望一帶林巒畫不如

西湖咫尺任徜徉露白葭蒼釀早涼燥燥蓮花初入幕

蕭蕭落葉亂飄牀中心要在弓能滿垂手休嫌袖太長

莫訝悲秋如宋玉牢騷容易到詩腸

昨邀華庭訪松風亭郡伯不能偕往亦用蘇韻賦

詩志憾因四疊前韻奉答

公非勸農不到村一邛一壑繫心魂文書堆案若枕祕  
揣摩研習無朝昏有時閉門苦覓句遊目不暇窺林園

含毫邈然與古合喜動顏色迴春溫耽吟恰不廢政事

放衙坐待東方暝開人本具山野性相將一笑同出門

山靈從來厭呵導公自解嘲曾有言歸來再作小游覽

野吏亭上同開尊公詩有小游覽亭算出游之句

中秋夕郡伯招同幕中諸子飲於合江樓醉後作

歌次韻奉酬

清籟閣詩鈔

卷四

四

載花盒

合江樓上清光多澄江秋碧涵星河青天萬古一明月

今宵分外燦燦揚金波若不把酒共欣賞天公笑我歲

月空蹉跎惠州太守本是香案吏新分符竹辭鑿坡飛

箋召客夜開讌倚欄疎柳猶媚那遠望羅浮峰頭四百

三十二一一羅列爭巍峩恍惚驂鸞跨鳳登桂府親見

盈盈粉頰一笑生微渦輕軀玉為骨澹服雲裁羅酌我

以天漿漱灑黃如鵝狂生雖狂有仙骨愛憐未忍加搗

呵憶昔東坡先生遷謫居此地胸有萬斛熱血漸漸均

消磨眼中之沙竟無一塵可託足直欲牽船就岸戴笠

而披簑我有賢主飲我蘭陵之美酒雖不續命亦足蠲

愁病古今才人幸與不幸竟如此欲將此理搔首詢姪  
娥酒闌夜靜籠燭共歸去照見主賓一一朱顏醜不怕  
傀俄玉山自傾倒滿路如屬鋪青莎

六如禪室

名山負笈願差償復許聞歌到後堂舍利佛參天女室  
水田衣學道家裝風情未必如雲散霞影休將比電光  
龕上鏤霞影  
二字頗典雅坏土松林同羽化駐顏果是有仙方

重過準提閣

傑閣轟蒼冥騷人此再經樹如僧貌古苔上佛頭青斷  
榻文難辨危牆足怕停修真須慧業祈禱恐無靈

清籟閣詩鈔

卷四

五

歲花會

少梅郎中假滿還京兼應禮部試作詩送之

我初未識君傾慕亦已久君初讀我詩稱許不容口君  
本騏驎姿我如牛馬走文章通性命未嘗銜杯酒吁嗟  
乎人之相知貴知心世人結交須黃金感君意氣何爲  
落俗情一洗無古今不恨識君遲祇恨別君早驅車返  
神京相逢何草草不須撒手嗟搏沙送君穩泛河源槎  
期君走馬遍看長安花

西湖雜詠同華庭郡丞作

惠州名勝說羅浮不見羅浮是惠州賴有西湖爲生色  
湖雲湖水日悠悠諺云上不見羅浮是惠州下不見羅  
浮是廣州言舟行不見羅浮始至也

兩湖煙水一隄分一半蓮漪一半雲太息華嚴歸小劫  
六如亭是可兒墳

湖心亭在水中央荇葉蘋花也白香可惜不栽紅菡萏  
更無翠蓋罩鴛鴦

浮碧洲前翡翠飛黃塘寺裏鷓鴣啼林端一縷炊煙起  
知有人家在水西

城上雲低塔影長葛衣吹得晚風涼怕從太保墳前過  
翁仲縱橫卧夕陽

菰蒲蘆葦滿湖中窄窄船身僅可通岸上誰家挑水女  
野花插得髻邊紅

清籟閣詩鈔

卷四

六

歲花會

波紋如縵碧天寥此地依然有六橋翻笑杭州猶近俗  
笙歌徹夜太喧囂

清風明月不論錢陽羨何須更買田安得多情王錄事  
結茅便在此湖邊

涵碧亭看晚霞

十頃晴湖鏡面平金光滉瀟晚霞明天台曾讀興公賦  
也似游山到赤城

九日懷雲臺

去年重九日共泛柳堂觴今日又重九相思各一方美  
人不可見引領徒瞻望漱玉灘前水何如別意長

我本不諧俗君能諒我狂人生貴知己世事果何常對  
酒添秋思登高在異鄉黃花多插髻莫使點新霜

庚午重九登白鶴峯用坡公丙子重九二首韻

蠻荒遇佳節羈客尤思家呼朋共登高插髻歸無花巍  
巍白鶴峯復道長而窅野樹盡垂實不辨梨與楮榕根  
蟠牆陰詰屈如修蛇可憐長帽翁仰屋徒咨嗟一塵雖  
可託無地栽桑麻天胡阨之甚遽奪王子霞此邦卧未  
穩復竄儋海涯華表歸來魂不及林間鴉

今日天氣佳峯頭高插雲振衣凌絕頂把臂雲中君俯  
視九州小瞭若觀螺紋黃河如坳堂九曲流潺湲道逢

清籟閣詩鈔

卷四

七

鐵花盒

安期生謂我志頗勤名山此兩席特許詩人分對面合  
江樓挺峙雙流瀆中有醉太守新詩亦超羣坡仙儻在  
茲顧之定欣欣有此倡和樂不思陽羨耘

有為余寫照者詩以卻之

丈夫不畫凌煙閣便當置身在邱壑靦然面目人海中  
抗塵走俗久無著有客勸我為寫真我非佳士敢剽掠  
已經無地可埋憂何須有畫空行樂我貌雖不揚我形  
卻不惡縱使惟妙復惟肖終覺形骸苦束縛况非妙手  
傳神阿堵中頓令鬚眉能躍躍我本乾坤一贅疣贅疣  
之疣更何託吁嗟乎既不如此張益州招提留像傳千秋

又不如陸務觀圖成團扇人爭看容顏憔悴誠可憎窮  
愁有骨徒嶙嶙他日 朝廷詔書至也須韜面如姜肱

樹君郡伯以坡公紹聖丁亥寓居合江樓重九日

無詩代作一首出以相示因效顰焉即用元韻

未能西歸理釣槎可堪歲運逢龍蛇南來一載兩寓此  
強勝無屋船為家朱樓縹緲接雲漢喜無俗事來紛拏  
吾生俯仰了此世微塵生滅恆河沙賴有綠衣頗解事  
清修梵行學結跏悲秋我方發浩唱傷春子又歌殘花  
真一酒熟相對酌海氣蒸出千層霞明年何處作重九  
銜杯不必長吁嗟

清籟閣詩鈔

卷四

八

鐵花盒

古意五首

秋風日以厲木葉零庭柯洞庭八百里嫋嫋揚素波湘  
蘭與沅芷幽思感人多所以古騷人寄怨山之阿我懷  
未云已我意將如何

樓上月皎皎樓下風瀟瀟樓中有思婦暮暮復朝朝朝  
朝復暮暮河水不可渡不恨君不歸妾顏難久駐  
春月非有情使我心歡悅秋月非無情使我心淒切古  
之傷心人懷抱各自別湘妃竹上斑杜鵑口中血海石  
有枯爛此恨永不滅  
妾如芙蓉花郎如王孫草草色常青青芙蓉易枯槁人

壽能幾何行樂苦不早感此傷妾心淚下沾衣襟  
碧雲渺天際悠悠自飄揚一陣春風來散面之四方美  
人隔千里引領徒悲傷可憐雙鴛鴦忽作參與商

只爲二首

只爲飢驅事遠游誰知生就配軍頭牀前蟋蟀天邊雁  
併作離人一夕愁

只爲愁多怯舉觴愁多卻易減容光拌教瘦盡東陽沈  
莫恩先生錦繡腸

冬夜書懷

名場落拓到詞場小技雕蟲亦可傷作郡南柯終是幻

清籟閣詩鈔 卷四

九

藏花盒

上書西嶽豈真狂愁生吳市吹簫客忽寫邯鄲挾瑟倡  
天外征鴻聲斷續忍寒都爲稻梁忙

賸有豪情舞蔗竿累人口腹愧豬肝語言忼爽招尤易  
境遇崎嶇立脚難新署頭銜充債帥倒持手版謁尊官

寒梅花上拳枝雀何日春風振羽翰

好向巢林借一枝爭墩常笑古人癡有書可讀能醫俗  
無病而呻且作詩相馬但能分牝牡聽蛙何必問官私

九泥漫說封函谷卻恐難將塞漏卮

偶作新詩寫性情蛟螭螻蛄任譏評登壇卻畏逢強敵  
飲酒何妨失老兵千里飄零嗟蠖屈十年辛苦誤雞聲

宵窗斗覺寒威逼怪底霜華筆下生

十年不字乏良媒鏡裏朱顏已暗催金線拋殘無限恨  
玉釵敲斷有餘哀夢魂直被風吹散霜信渾疑雁帶來  
細讀蒙莊參妙蘊浮生野馬與塵埃

重衾不耐曉寒淒咫尺家園夢裡迷齧指心驚垂老母  
畫眉腸斷食貧妻殘蟬咽露秋瀾肅病馬嘶風志未低  
漫把歸期占鵲語年年孤負杜鵑啼

前身原是打包僧况味休嫌冷似冰幸免譴詞遭醉尉  
尙能拜起怨聾丞愁心寄向中天月客夢然殘半夜鐘  
知己難逢千古恨他年相弔只青蠅

清籟閣詩鈔 卷四

十

藏花盒

一官如芥未能拋腰折眉摧等繫匏長柄葫蘆君莫問  
回甘橄欖客休嘲書因促迫難爲草詩待刪存盡付鈔  
欲使金鈴圓箇箇挑燈五夜費推敲

庭梅盛開用松風亭韻乞郡伯和

何必遠到羅浮村此間真個能銷魂玉妃慎勿苦幽獨  
我來伴爾吟黃昏遠山芙蓉略嫌俗渴疾迥異消文園  
巡檐索笑風露冷絳玉可倩騷人溫幽思滿懷說難盡  
羲和倒挽扶桑暎有人孤寂耐遙夜明珠一斛嗟長門  
悲歡離合本有數智者不陋狂夫言酒闌惆悵訂後約  
明年何處同芳樽

花落仍用前韻再乞郡伯和

參橫月落愁孤村暗香難返驪仙魂有如優曇偶一現  
玉兒委化悲東昏瑤臺夢杳感逝水高閣客去餘空園  
零脂賸粉綺窗下紙帳寂寞寒無溫太息玉顏易枯槁  
長繩莫繫東方暎俗緣解脫無罣礙辟支好證眾妙門  
先生徒抱惜花恨造物之意誠難言忘情未能媿太上  
澆愁且倒牀頭樽

金陵伎陸小雲本良家女色藝俱佳流落風塵非

其志也癸丑春賊至金陵雲先期置酒與姊妹

行別城陷赴秦淮河死同時有不知姓名者精

清籟閣詩鈔

卷四

二

藏花盒

音律賊招之侑觴不屈亦遇害

豈與桃花逐水流秦淮一曲是香邱濁泥已共西施葬

艷色曾推北里尤枉說玳梁棲海燕不教羅帶繫筵篋

從今洗盡風塵恨過客休將比莫愁

拌將頸血濺胭脂豈屑殷勤捧玉卮大節不輸毛惜惜

盛名空說李師師開殘葢楚剛三月引破櫻桃擅一時

慷慨也如南八烈煙花隊裏有男兒

丹旒雙

哀烈婦徐恭人也烈婦為  
署雅州守劉公其年極室

夫有子夫猶生妾無夫天已傾天已傾更何託丹旒雙

雙過劍閣

和郡伯郡齋雜感用夏廷觀察消夏詩韻即寄夏

翁連平

庭梅開又落生物豈無因冷豔能欺雪芳菲不借春鳧  
鷺浮水遠鳥雀上階馴會得乘除意天心自有真

東坡竄南海隨侍有斜川紹聖改元日先生過嶺年人

間無樂土天上少癡仙一枕羅浮夢鐘聲聒醉眠

文房雄大厯五字鞏長城詩律承家學前賢畏後生風

騷關世運才力本天成清瑟非凡響徒慚瓦缶聲

猛虎依松柏何殊施蔦蘿謀生憐我拙得福讓人多官

豈詩名折才須利器磨閒居無表見那不歎蹉跎

清籟閣詩鈔

卷四

三

藏花盒

胸有千間廈先成望野亭

時新葺江山一  
覽亭榜曰望野舉頭紅日近

對面好山青風急雕盤嶼雲低雁浴汀新詩休朗誦恐

有老龍聽

江聲流瀟瀟暝色斂斜曛蠻徼韓蘇到騷壇壁壘分花

開一堆雪

望野亭畔  
梨花已開

人隔萬山雲何日聯吟袂奇文共

賞欣

樹君郡伯新葺望野亭成詩以落之

荒亭一角沒蒿蓬輪奐重新氣象雄大地雲山開眼界

窮檐疾苦在胸中遼空幸不民情隔呼吸真堪帝座

通要識使君勤政意豈徒嘯月與吟風

軒檻玲瓏俯碧波遠招白鶴控飛鵝白鶴飛鵝俱山名插籬常

笑吳司法種樹還如郭橐駝極浦風清漁子遂遙村煙

重牧人簑夫耕婦饁田家樂擊壤聲中醞太和

郡伯囑華庭郡丞作望野亭圖因題二詩

領郡羅浮下蠻陬十萬家一犁春雨足徧地有桑麻  
片帆帶雲飛相踰杳無跡隔岸暮煙平人家在寒碧

枕上聞雁

天外孤鴻鳴酸風助幽咽一聲又一聲叫出口中血我  
本羈棲人聞之更淒絕布被新加棉深宵冷如鐵飢甕  
上銜粲昏昏欲滅何須聽啼後肝腸始寸裂

清籟閣詩鈔

卷四

三

懺花齋

清籟閣詩鈔卷五

歙縣 潘貞敏 伯時 著

山陰 宋澤元 癡士 校刊

柳堂載酒圖子虎屬為馮子良太守詢題

老良詩伯誰所稱乃今相國通侯曾老良詩名雄海內

自張旗鼓成一隊我聞君名已廿年今聞矍鑠猶踰前

詩人自具壽者相風流白陸皆神仙柳堂是我觴詠處

花洲是我舊游路太守宦江西三十年現已假疴百花洲欲攜行卷乞品

題安得真乘酒船去

自懺二首

清籟閣詩鈔卷五

七

花盒

置身材與不材間掃地焚香晝掩關一盞濁醪消萬慮

天生憂患我癡頑

醉後高歌意氣豪書生未合擁旌旄王官谷裏凌烟閣

瘦島寒郊盡鄂褒

庚午臘月十九日樹君郡伯招同幕中諸子拜蘇

文忠公生日於白鶴峰祠下

臘月十九日先生懸弧辰去年集柳堂大會諸詞人今

年來惠州益與公相親萍蓬躡游跡香火聯風因憶昔

紹聖初謫譴來海濱始居合江樓楚庭傳籍民繼徙嘉

祐寺難免閩黎噴後遷白鶴觀荷鋤闢荆榛起屋二十

間鑿井疏清淪齋日思無邪堂日德有鄰旧然無芥蒂

學養醇乎醇至今八百載颺忽同奔輪廟貌猶歸然崇

奉欽明神附祀有斜川隅坐依昏晨子霞居後堂了悟

超微塵彼哉章蔡徒蟲沙空紛綸茲屆稱觴期蕉荔筵

前陳主祭者為誰郡守劉伯倫躋堂共賡歌曲奏雲璈

新風騷振元氣我愧能詩賓郡伯新集公詩為詞中楹聯用故應主客盡詩人句

藩域雖畧窺要皆公傳薪願公挾修髯滿引羅浮春

庚午除夕

滿城簫鼓正喧聞爆竹聲中歲又遷韓子送窮工結柳

瘦郎入幕愧依蓮躡棲嶺外三千里落拓天涯十五年

清籟閣詩鈔卷五

二

花盒

余自丁巳即餽口四方未嘗一日安居閩里也撥盡寒爐商陸火海雲紅上翠

微巔

辛未春日清愛庭讌集

玉梅花下敞瓊筵雲母屏風六曲連報答春光雕好句

自磨濃墨寫紅箋

和答樹君郡伯寄懷元韻

小草均沾雨露滋芳菲敢怨出山遲性情落落殊難合

世事茫茫不可知辛苦十年吟古鏡艱難二月賣新絲

畫眉深淺從誰問兒女青紅又一時

詩家亦自有凌煙五字長城世共傳百琲明珠憑客採



一篇錦瑟倩誰箋  
黃事業超前古  
韋白風流享大年  
且待前山同把快  
安排湖上棹航船

華庭郡丞亦用前韻寄詩見懷和答二首

東風楊柳發華滋  
治葉倡條翦出遲  
宦况酸寒山隴笑  
離懷縹緲水雲知  
半規月影明書幌  
一縷茶烟颺鬢絲  
往倚危欄頻悵望  
為誰風露立多時

薄寒料峭雨如煙  
兩地相思尺素傳  
坐擁縹緲酣武庫  
醉彈紅燭擘吟箋  
煙花恰好逢三月  
風景何曾異昔年  
里曲敢矜宮體豔  
有人唱徧總宜船

郡伯再用前韻見寄三疊元韻奉答

清籟閣詩鈔卷五 三 藏花盒

心苗意葉吐芳滋  
枚速終當勝馬遲  
太守宴游偕客樂  
長官清德畏人知  
憐才重許安吟榻  
為政須知理亂絲  
經濟本來根學術  
天生英偉要匡時

衣袖曾經惹御煙  
校書藜閣本家傳  
航吟不廢金荃  
體灑翰新裁玉版  
箋天上卿輝瀾五嶺  
懷中刺字滅三年  
舟人莫怪篙師拙  
獨力難撐上水船

服闋赴補賦詩言志

煮字難撐場高堂  
年已暮脚躡與手版  
重理折腰具負  
米力弗任望雲心  
轉懼思之重思之深  
為一官誤  
朝朝聽官鼓奔走  
亦已劬既為飢寒驅  
且復忍須臾自

顧無一能舍此將何圖  
儻有二頃田不歸真下愚

旋惠四疊前韻呈郡伯

和風煦物盡含滋  
重託龍門未是遲  
豈駟相憐蒙略分  
熊魚兼獲懼酬知  
階前新竹初遺籜  
牆外垂楊已掛絲  
幸荷發生同雨露  
不知培植許多時

知公筆底有雲煙  
走海驅山妙莫傳  
畫做將軍圖素壁  
公新作畫詞吟幼婦  
寫紅箋處囊頗愧  
三千客名世剛符五  
百年後約同開櫻  
筍宴珠江再泛木蘭船  
公有羊城之行  
邀子偕往

亢旱行

黑雲半天天欲雨  
忽然一陣風吹開  
山頭日色赤如火  
清籟閣詩鈔卷五 四 藏花盒

航稻臥地成蒿萊  
老農辛勤費播植  
桔槔聲斷心腸摧  
後日飢寒恐不免  
眼見金帛為死灰  
欲將乖龍割左耳  
免使旱魃成偏灾  
詩成反招俗子笑  
爾家田園安在哉

舟中望羅浮山作歌

羅浮四百三十有二峯  
一峯一峯一朵青  
芙蓉雨晴濃淡態  
度日千變是乃天地靈  
秀之所鍾  
我從羊城來解后  
欣相逢山靈肅客遠  
迓不待投刺何其恭  
賤子本有愛山癖  
推篷靜對無倦容  
有時隱約露半面  
有時突兀撐晴空  
濃雲萬疊煩湧絮  
飛泉百道疑奔瀛  
參天老樹抱山脚  
不辨漢時之栢秦時松  
或翩躚其若鶴或天矯而

如龍高林平楚綠陰合放出一角斜陽紅茲山自昔名  
粵嶽足抗秦華恆衡嵩青葱峭嶺自流盪可以流我萬  
古磊砢之心胸安得身騎大胡蝶飛雲頂上乘長風攜  
黃野人訪葛仙翁更到梅花村畔沽酒邀師雄人生涉  
世苦憂患今我不樂居樊籠我知東坡到此悔不早茅  
庵祇結焦山中狂吟此詩爲息壤何人爲我深刻璇臺  
東

舟行雜詩

隔岸杉皮閣紅燈水上明誰家歌月子徹夜不停筆

當午苦炎熱開窗納好風先生方病酒消渴壁輕紅

清籟閣詩鈔

卷五

五

懺花盒

鱖魚初出網烹食味逾鮮觸我還鄉夢江南四月天

中夜推篷起鳧鷖亂水濱山河微有影新月一鉤銀

遠樹平如薺輕鷗貼水飛雨餘山翠重涼上酒人衣

暗水通山罅垂楊覆野橋此間堪學道我欲縛團焦

五月初一夜大風雨

乾坤雷碾山震搖猛虎獻谷風怒號夢魂吹散不可攝

屋瓦盡作鴛鴦飄須與大雨復如注荒齋几榻無乾處

我居平陸何足憂危哉橫瀝墟前渡前二日橫瀝渡船爲風所覆

觀劇紀事 五月初七日

歡場月旦果誰操難得名流一字裏秋菊春蘭爭獻媚

可人終是鄭櫻桃

塗抹青紅第一流奈他金玉吝歌喉尊前儻唱吳娘曲

愛聽鸞鸞照九州月子鸞鸞照九州乃吳歎也

白髮蒼顏舊史官燕臺迴首思漫漫玉堂重許坡仙到

那畏霜風刮面寒夏翁年未致仕早賦歸田嘗云如假以京秩卽驅車北上蓋都中友朋文

酒之樂不能忘懷也

滿耳絃歌沸九衢才能經世卽眞儒大羅天上曾游醮

記得霓裳散序無

響遏行雲近自然無端哀樂感中年風情不爲憂虞減

也算楞嚴十種仙

清籟閣詩鈔

卷五

六

懺花盒

詠園中花木十首

庭前老榕樹可蔽半畝宮巨幹忽挺出攫拏摩晴空終

日欲作兩颯颯生悲風蕭散見幽致不及松檟桐擁腫

如木棉開花徒紛紅等是樗櫟材大匠難爲功

秋棠生牆陰枝葉暈紅翠著花雖不多楚楚頗有致嬌

恐日炙消雨過粉痕膩我亦斷腸人相看欲揮淚

未麗與素馨柔媚兒女香飢膚瑩冰雪纖殼生微涼對

之可辟暑采之可助妝幽人動遐思悵望天一方

修竹環窗前何止三兩竿森森共羅列个个青琅玕瀟

灑見天性綠陰生晝寒坐我於其間詩酒相盤桓有時

發長嘯響過青雲端丁甯語懽青莫放俗子看

芳蘭如佳人藁荷本君子性情雖不同氣味乃相似滿地胭脂花紛紛競紅紫正如東家施效顰實可鄙古人稱避面可謂知彼己吾疑尹婕妤好容顏亦絕美比邢縱不如相去一間爾

亭亭美人蕉依傍太湖石體態何綽約婉變無俗格正如良家女其美不在色遺貌而取神解人斯難索相對雖無言含羞情脈脈何必買春芳千金一笑擲

倚檐木芙蓉嫩葉如碧玉綠淨無纖塵便娟若新沐豈待敷稠紅始足悅心目花開子又生生意苦不足

清氣閣詩鈔卷五

七

懺花會

老青閒幼綠淡白兼深紅雞冠鳳仙花雜沓共一叢遠觀頗豔美近玩難為容纖脂與俗粉其質誠凡庸

新栽數株柳娘娜含幽芳柔絲踈地垂風來自飄揚今年比人短明年比人長再過三五年定復高出牆人胡不如物兩鬢添秋霜是故桓宣武琴條多悲傷

菊苗滿町畦叢生雜菅草倘不鋤去之為害恐不少灌漑苟失宜柔脆易枯槁亭毒無厚薄受氣固已小桂不擇地辛清芬常嫋嫋梅能抱冬心堅貞歲寒保

園中花木吟咏幾遍瓜豆一棚蕭疏有畫意偶未之及瓜豆有知能無對乎爰賦一詩補所未逮

削竹編成籬鹿眠一一具下栽瓜與豆引蔓兩交互長藤更出奇裊裊蟠上樹有如蒲葦絲紉結磐石固又如鳥女蘿松柏可攀附儻云是寄生所見無乃悞開花微有香結實小如瓠可以持作羹豈不勝煨芋我本藜藿腸芳甘美可茹嗟哉膏粱子終歲不下箸

感秋詩四首并引

旅夜無憀一燈如穗階前蟋蟀助我清吟人固得秋氣之多詩亦與商音為近率成四律題曰感秋世有騷人當同茲喟息已

天邊蕪蕪起涼颼月影橫窗寫竹枝夢入華胥魚未眠

清氣閣詩鈔卷五

八

懺花會

秋生海國雁來遲三年刻楮癡堪笑一喝成慮事亦奇促織聲中鐙欲盡只能繰得鬢成絲

瑟縮真如蝨處禪向來哀樂摠難論短衣射虎心原壯長鋏歌魚道豈尊對此茫茫無限感書空咄咄不堪言懷人歎逝兼傷別明日青衫有淚痕

此身只合老巖阿蓬轉萍飄可奈何東脯難供慈母饌考槃空詠碩人薏米辭彭澤高陶令玉獻荆山陋卞和世味酸鹹嘗已遍不應皺面始觀河

朱絃疏越邈遺音典盡征衣不典琴風月無猜容嘯傲江山有約好登臨胸中空剩邱遲錦篋裏仍虛陸賈金

極目天涯勞遠夢夕陽紅處白雲深

湘君詠

重瞳南巡忽野死九疑仙人啼不止沅湘本是清淺流  
一片汪洋淚成水沅湘之水深復深煙波渺渺愁人心  
雲中翠竹自今古天風吹下參差音

夜坐

夜色涼如此秋聲起白蘋妄言姑說鬼默坐可通神露  
氣欲砭骨花香能醉人男兒空作健壯志瘁風塵

行路難

君不見太行山千盤百折多險難又不見洞庭湖一碧

清籟閣詩鈔

卷五

九

懺花齋

萬頃煙模糊更有瞿唐濫瀆險阻之堪虞吁嗟古聖賢

何必造舟車人生窮達自有命曷不忍飢受貧病

渴不飲盜泉飢不食漏脯陰不息惡太里不過勝母巫

山高高淮水深從來志士多苦心窮居落莫不稱意慷

慨擊節空悲吟

酌君葡萄之美酒彈君綠綺之瑤琴寄君迴文之錦字

贈君玳瑁之華簪酒可銷百慮琴能寫愁心錦字雖無

多是妾手中絨華簪不足貴結髮思義深少年空向風

塵老笑爾迴頭苦不早

天高白日寒涼風吹得羅衣單拔劍長太息舉酒為歌

行路難行路之難不可說令人聲咽心中酸淚痕漬袂

如海水風吹日炙不得乾三峽猿猱啼洪流激危灘淒

淒復切切聞之傷肺肝

九折坂前石齒齒啄腐吞腥利人死縣崖絕壁下無底

其危險也乃至此行路難可止矣山魃跳舞魑魅喜有

人不敢前有人去不止孰是忠臣孰孝子

我聞天上可寄愁又聞地下能埋憂天地否憂與愁座

上何人能不白頭白雪之白非藥可瘳何必乞鴻寶何

必尋丹邱好攜歌兒並舞女調箏摘阮彈箜篌醇醪百

蓋一吸盡童顏可駐如清修俗子紛紛漫嘲笑雨斧伐

清籟閣詩鈔

卷五

十

懺花齋

盡生醜醜浮生冥漠隨物化世間久已無時周

丈夫胸懷原磊落今我胡為慘不樂秋風振木天地空

美酒卽是消愁藥買山而隱置非貪阮籍詠懷實妄作

一塵蔽目如車輪金篋隔膜不可刮君不見黃鵠一舉

千仞高下視拾榆鷲鳩啞啞求其曹

樹木

樹木曾聞計十年大能為棟細為椽榭榭空向深山老

造物生材也枉然

華庭司馬見示珠江早發近作依韻奉和

蛟墓更促曙光催黃木灣前客舫聞急水流將殘夢去

曉寒引得旅愁來側身杜老工懷古詩中有感於 趙倫劉錕事 义手  
溫歧未費才莫怨江心風浪惡強於騎馬陟崔嵬

再和石龍江漲原韻

中澤聲懷楚飢鴻實可哀鳥驚棲樹木荇藻冒樓臺薄  
酒沈沈醉閒愁滾滾來不知當事者何術可彌灾

歲暮雜詩

饋歲與別歲東坡曾賦詩土風懷故里嘯咏託明時余  
亦羈棲者飄零鬢欲絲儻呼如願婢賣得幾多癡  
十載困馳驅飢寒逼腐儒功名雙足剛天地一身孤薄  
酒不成醉高歌聊自娛新詩黏滿壁當作送窮符

清巖閣詩鈔

卷五

二

歲花會

地擅羅浮勝仙人有葛翁丹砂臙餘粒蘸上海東紅豔  
色張炎國元精耿祝融桃花真躁進含笑待春風  
昔聞杜陵老守歲阿戎家誰惜天涯客棲遲古郡衙佳  
音占鏡聽喜氣入鐙花臘鼓催年矢兒童且漫撾

清籟閣詩鈔卷六

歙縣 潘貞敏 伯時 著

山陰 宋澤元 瀛士 校刊

做裘 並引

余舊有狐裘一襲服之十餘年今已敝矣乃作

此詩

誰把長裘蓋洛陽閉門有客臥方僵故人冷煖如冰炭  
與爾艱難耐雪霜雖乏奇温名尙美轉因反衣拙堪藏  
挫磨已久將成韃虎豹何曾異犬羊

從今典質厄能逃不怕長安酒價高炫俗縱教輸鶴髦  
清籟閣詩鈔 卷六 一 馮花盒

受憐終覺勝綈袍本來平仲如寒素若較黔婁已富豪  
患難相依恩義重苛求遑忍更吹毛

雨夜呈華庭

寒窗悄悄雨濛濛一點燈花綴玉蟲千里家山魂夢裏  
百年心事酒杯中無生且說如來法不死應推造化功  
我自賦才輸宋玉敢將搖落怨秋風

感興二首

三市南飛鵲巢林借一枝窮通原有命天地本無私病  
肺妨名酒飢腸出好詩微官如汎梗吾道果何之  
一日復一日蹉跎直至今茫茫滄海上何處覓知音我

本天涯客胡爲久滯淫更堪孤燭夜搗練急寒砧

子虎襄校事竣將攜幼子游羅浮山赴華首臺僧

吾公之招詩以勸駕用東坡先生游羅浮山示

子過韻

憐君校藝如研京耳畔不聞鴉雀鳴丹黃已滿五千卷

炳燭著書猶眼明君新著望野亭雜錄本與名山有夙契襍被久

欲聽無生家有薄田苦秋潦救貧直以目代耕飢腸宛

轉出金石信而好古儕老彭奇峯四百天邊橫喜君陟

降腰脚輕試登絕頂發狂嘯凜凜更比於菟矜况有驥

子侍杖履問詩問禮同趨庭有約不來果虛語市井之

清籟閣詩鈔 卷六 二 馮花盒

談誠不經諺云有約不游羅浮華首臺前一片石奇勳留待詩人

銘松風謾謾逼毛髮束縛塵鞅卑公卿不須般若湯一

蓋坐令五岳胸中平

中夜

客子喟中夜寒蠶伴苦吟月昏花影瘦風緊柝聲沈春

夢幾時覺秋心如此深霜華簾外重莫向鬢邊侵

子虎廣文以詩留別依韻奉酬

君才璀璨筆生花兩月塵詩太守衙鳳泊鸞飄同作客

賣蛙販鼠各成家從來貧士交原篤大抵文人語近誇

共上江亭間眺望茫茫天地浩無涯

黃花紫蠟展重陽清愛庭中共舉觴交以淡成忘簡畧  
事從過後耐思量飛箋鬪韻豪難敵翦燭論文樂未央  
我愧因人徒碌碌敢云無短亦無長

身無仙骨莫言詩詩法如兵有正奇于日酒宜豪士飲  
五銖衣稱美人披營成倚角難爭勝畫就眉痕可入時  
味別酸鹹同飲水自知終覺勝人知

征帆渺渺隔疏林他日相思有夢尋三弄梅花翻舊譜  
君詠梅數用坡公松風亭韻一江煙水盪離心何時訪戴杯重把此  
事推袁感益深君若不來無此別合江樓下惜分襟

子虎將返羊城華庭餞於湖上遂同游諸名勝詩

清籟閣詩鈔

卷六

三

懺花盒

以志之卽用宋芷灣先生澄觀樓題壁湖上五

別詩韻

偶作湖上游因與故人別別後思今朝森森煙水闊湖  
水清且漣離憂爲君結壁上墨瀋新臨風憶前哲

隨喜永福寺佛笑僧無言於此悟詩法乃是不二門詩

豪借酒助角勝傾金樽我力能伏虎足證精修勤是日

醉大

遠望六如亭覆蓋如團瓢捫碣披荆榛遍地生靈苗朝

墓生有香草爲他處所無故居白鶴觀相去幸未遙環佩歸來魂月

夜常招要

下山復登舟元妙觀裏去暮靄空濛中鐘聲在何處一

笑語道人枕柳亦無樹觀內枕柳樹新爲颶風所拔惟有兩石兄屹

立尙如故謂玉皇閣後蓬萊石

眾星麗霄漢熒舟蘇堤邊遠山似斷夢冥冥有無間主

人意頗厚聯袂相與還步進朝京門不見湖上山

愁

不待言愁我始愁神清叔寶本風流蟾蜍影裏常懷遠  
蟋蟀聲中易感秋羸馬黃禾非憤語美人香草總離憂  
濁醪果有回天力醉倒匡牀一笑休

懶

清籟閣詩鈔

卷六

四

懺花盒

土木形骸懶是真或疑叔夜是前身賓朋契洽周旋略

骨肉音疏夢寐頻篋裏詩篇多散逸案頭書帙任橫陳

寒香未放吟情減窗外梅花也似人

苦寒行

白日慘淡陰雲凝寒風入袂如懷冰飢鳥墜地飛不起

犬子搏擊相欺凌豪家歌舞夜未歇酒氣蒸騰罽袍熱

翻恨門前雪未深不知路有凍死骨

雜感四首

天遣窮愁索好詩雕肝鉅腎苦吟思兵談紙上曾何補

米浙矛頭實可危後世揚雲應有識前身彭澤果無疑

笑他鷺利爭名客都是黃梁未熟時

竹花不實鳳凰饑齒冷熊蛙較瘦肥十七史從何說起  
五千言本貴知希故人我自慚須賈先達誰能薦陸機  
束帶折腰真可笑毀車殺馬未為非

幾年別夢繞家山秋在林巒隱約問平淡固知由絢爛  
聰明未必勝癡頑浮雲影裏心無競流水聲中意自閒  
解事鄰翁賒美酒瓦盆泥飲夜深還

故園無地可躬耕落魄江湖一劍橫杜牧罪言終不廢  
韓非孤憤本難平閒中酒是消愁藥亂後詩多變徵聲  
險阻艱難嘗已徧少年壯志誤平生

清籟閣詩鈔卷六

五

蕪花盞

戲作六言

王郎拔劍斫地屈子呵壁問天丈夫不逢知己自憐終  
勝人憐

年光去若流水世事薄似秋雲阮椽能作三語程尉不  
值一文

江上

江上一片雲孤飛向何處忽被風引回挂在空中樹暝  
色入林薄鳥與人爭渡數枝柔艣聲衝破半江霧

水仙花

一樣閒花草如何號水仙誰翻新樂府譜上七條絃

讀書

前世不讀書今世讀已遲今世不讀書後世成頑癡昔  
聞魏武公好學老不衰又聞董江都目不窺園葵性靈  
藉疏淪氣質亦已移奈何今之人利欲蒙其私終日徒  
擾擾遂與本性離甯可百不能一俗不可醫

仙人有九障好名乃其一我雖不好名猶愛弄紙筆所  
患易語言頗不中繩律何當盡屏去讀書貴專壹欲超  
上乘禪拚面三年壁

一事有不知賢者以為恥進修競分陰焚膏以繼晷夜  
夜忘寢食可謂好學已學問無津涯疆記安足恃義理  
清籟閣詩鈔卷六

六

蕪花盞

苟貫通著述亦可止干譽已蒙譏何況博朱紫

江山與雲物寓目皆文章古稱大手筆造化足以當浮  
雲裊空際隨風自飄颺山容無定姿頃刻更青蒼人固  
莫之測天亦難主張寄語操觚家法則靡故常會心自  
不遠神妙參彙茫

估客行

客從遠方來云是洛陽賈六十始還家二十去鄉土井  
廬已非故欲進猶逡巡兒童走相避不識繫何人老婦  
出門看泣涕落如雨牽衣上中堂哽咽不得語憶昔初  
去日有兒才倚牀兒今復生兒比兒身更長行役四十



年生還頗歡悅可惜千黃金難消兩鬢雪

道興

一帶山如畫青蒼接混茫風聲塵古木塔影卧斜陽命  
定天難勝愁多水易量何時拋手版送老白雲鄉

舟中看山

人世百年如過客幾人辛苦幾人閒不須作令求陽朔  
鎮日船頭飽看山

題黃韶九太守宦游草

還山未辦買山資剩有牛腰一卷詩廿載宦游心似水  
半生吟苦鬢成絲胸中那各消除盡腕底煙雲變幻奇

清籟閣詩鈔

卷六

七

懺花會

兼工白雪陽春難屬和也應愁煞中兒時以歸田四  
詩徵和

兩度從軍共荷戈尙餘豪氣未消磨初翻樂府思歸引

曾唱陰山勦勒歌先刊有軍  
中草行世學有餘師宗派正語無浮

響性情多雲龍我愧窮東野銅斗聲中拜浪婆

春閨曲

春陰漠漠天冥冥柳條淺碧桃深青一簾香霧吹不散  
薄寒料峭淒金屏金屏日永繡方倦錦衾輕覆芙蓉面  
夢裏分明覺後非相見爭如不相見

登湖樓遇雨

層樓面西湖遙峰作屏障山禽招客來頗適間眺望如

入水精域胸臆頓開曠天氣忽陰晦長風鼓巨浪水性

本善柔風乃激之蕩風徒肆其虐水復與之抗風聲和

水聲相持不肯讓須臾雨又至其勢更壯王瀟瀟復浙

浙漁磯沒新漲借得田家簑色似綠苔樣歸途夕陽麗

浩歌聊一放

壬申上巳日華庭郡丞招同葉己峰孝廉大滬  
鄭

友石秀才守英集合江樓修禊余大醉次日華

庭作詩謂之賦此解嘲勿謂仍作囁語也

春色三分半塵土流光荏苒剛重三且循故事共禊飲

合江樓上香風耐主人好客每投轄交情深比桃花潭

清籟閣詩鈔

卷六

八

懺花會

鶯聲噤噤雅可聽攜來斗酒兼雙柑波光雲影相上下

雕甍縹緲空中涵連朝疎雨濯林樾微曦漸漸開晴嵐

鄰家牆頭花甚媚玫瑰乍吐山茶含楊柳垂絲踈地碧

中有夾竹桃相參敲門未肯許我看勝景可惜難窮探

坐客笑我真好事愛花成癖何癡懲罰以巨觥未敢拒

清醇可口流芳甘一舉數觴與更劇抵掌正好資狂談

豈知入腹化劍戟橫相攻擊誠難堪適可而止斯美爾

瓶瓶溢量傷於貪諸君振履蹋歌去扁舟共泛城之南

我於此地倘醉死便與坡老同一龕兩億推挽扶上馬

憑空虛躍疑鸞驂歸來斗室苦岑寂閉門隱几如瞿曇

卻羨劉伶與傅奕養生有術齊莊睡夢中酬對致足樂  
高談妙理聲誦誦紅日半窗尚未起憊矣儼似三眠蠶  
狂花病葉君勿謂此樂不使他人語

詔九太守以足疾歸作詩慰之

捷徑終南恥競爭宦情已淡好歸耕槃跚却喜猶能履  
世路崎嶇本不平

讀左氏

鄭伯不兄段不弟養癰成患是何意煮豆雖然箕投鼠  
宜忌器段不弟猶可言天下豈有無母國寤生之罪通  
於天一言悟主頌考叔融融洩洩彝倫睦

清穎閣詩鈔

卷六

九

藏花盒

祿偶弗及輒怨嗔身將隱矣焉用文貪天獨不爲母計  
矯廉之士真忍人君不見後人捧檄而色喜焦骨有知  
應愧死

爲政不在多言用寬難於用猛水火之喻誠至精惜哉  
太叔昧不省誰知陷溺深倉猝難救拯誘民於死亡幾  
與屠伯等古之遺愛原不多飲泣聽唱誰嗣歌

閒居無事作詩遣興

春風來幾時村村足花柳胡爲今又去惜爾來未久我  
亦思歸人徒勞瞻馬首明年倘重來尙能相識否  
春風不可留倏忽屆朱夏造物真無情水流花又謝繁

華只須與天地一傳舍吁嗟蝶蟲長不如物能化

好鳥不我棄肯畚勞者歌宮商發天籟其音清且和先  
生奚囊中詩句日以多詩句日以多歲月空蹉跎

人生百年內生計常草草多憂顏易衰所在營一飽富  
既不如貧壽亦莫如天樹立當如何綢繆可不早

我愛飲湖水湖水有真味我愛攬山光山光有清氣宴  
安不可懷膏梁亦可畏試問藜藿腸俗氣滌去未

窮愁爲我仇凋我青絲髮窮愁與我厚鍊我吟詩骨三  
載居惠州寄身水雲窟興酣一狂歌餘音振林樾

城上晚望

清穎閣詩鈔

卷六

十

藏花盒

向晚登城望山山罩暮煙輕鷗浮水遠修竹抱村圓放  
眼乾坤小驚心歲月遷故鄉無四壁讀賦厭歸田

七夕舟中卽事

亭亭畫舸漾中流新畫眉彎石黛浮才得相逢便相別  
憐他駭女與癡牛

一簾香霧篆煙橫萬籟無聲夜氣清乞巧讓卿儂乞拙  
女兒心性要聰明

白鶴峯舊有三賢祠祀抱朴子陶靖節暨東坡先

生傾圮已久葉穆如大令重加修葺招集同人  
共落之適余有事於羊城未與是會迨返惠州

卽買韓江之棹矣。儀舟城下三日，竟未一游。豈  
雪泥鴻爪，亦有定數耶？華庭郡丞見示新作，依  
韻和之，以志余憾，且以錄別云。

三載居惠州，卧聽嚴城漏。中宵不成眠，倚欄觀列宿。造  
化誠無知，而所薄者厚。人定乃勝天，顏天勝跖。壽青衫  
老從事，駑馬戀棧豆。非無遠大圖，愛此山水秀。偶從湖  
上歸，佳氣輒盈袖。三賢亦非遠，壺觴可相就。寤寐通精  
誠，款洽若故舊。古人亦恨我，誕生千載後。相見應相憐，  
相思夢魂瘦。

古人憐我迂，終日把卷讀。讀書不療飢，餓死我亦足。白

清籟閣詩鈔

卷六

十一

懷花儉

鶴峯崔巍新葺三間屋，所恨未一登城下。空信宿俗氛，  
眞累人勞勞。愧奔逐三公，應怪我過訪。懶剝啄花間月，  
堪邀牀頭酒。初熟到門竟不入，如看子猷竹。補過後有  
期，寒裳來不速。皇天式鑒臨，不必端茨卜。

盤餐有苦瓜，一器人多不下箸。子獨食而甘之，乃

作此詩

種自南，荷得芳。映曉露，含病同。良藥利妙，共藜藿探鹽  
豉。洵宜下膏梁，恐未諳。年來餐藥，慣細嚼。有餘甘。

清籟閣詩鈔卷七

歙縣 潘貞敏 伯時 著

山陰 宋澤元 瀛士 校刊

重到湖州有感

佳氣葱蘢鬱鳳臺舊游歷歷幾低徊江山如故人非昔  
世事無常我又來草長池塘詩夢杳塵生羅袂曲聲哀  
三弟暨室人自憐榜檝難為用敢忽空山老大材  
均歿於湖州

秋夜偕華庭酒樓小坐

囊中賸有賣文錢買醉江樓月正圓風捲松聲來檻外  
露浮花氣到尊前杯盤狼籍君休笑枕簟清涼我欲眠

清籟閣詩鈔

卷七

一

懺花盒

襟上舊痕猶在否不堪回首憶當年

九日同人登西湖山歸飲酒肆

六年不作嶺東游重到湖山最上頭雲影暗牽鄉國思  
漁歌唱徹海天秋今朝又值重陽節我輩難銷萬古愁  
落木蕭蕭羣鳥散典衣同醉酒家樓

登金山作

徒步至北郭言登金山岑金山一何高上有松竹林涼  
風洗我耳流水清人心怪石蹲猛獸古木啼幽禽振履  
空谷閒時出鐘磬音聞有甘泉碑上有明洪若披榛費水所書碑  
搜尋不于下山去夕陽已西沈

借友飲野亭

結伴出東郭攜樽到野亭鯽因名士賤山向酒人青世  
事何須問秋聲不可聽劇憐失羣雁飄泊滿前汀

題華庭郡丞懺花圖

科頭箕踞蒲團上宛似如來入定時一笑拈花無我相  
十年載酒有情癡生天未必輸靈運驚座從今悔牧之  
贏得眾香參鼻觀枉拋紅豆種相思

紅嫣紫姹感芳年綠轉黃迴歎逝川往事都成胡蝶夢  
閒情不墮綺羅禪彩雲易散空中影舊雨難忘過後緣

自古才人多治習懺君成佛我成仙

清籟閣詩鈔

卷七

二

懺花盒

木棉花

東風吹暖木棉枝焰焰燒空亦自奇獨向南天標赤幟  
漫從北地采焉支染來霜葉千秋醉宛似江鄉九月時  
春色秋容俱妙絕不宜圖畫只宜詩粵中多圖作屏幃殊無足觀

清明日郊行遇雨

大地春將闕倏忽過百五流鶯惜餘芳二分已塵土偶  
來荒郊外散步聊容與遙山蕩空翠新煙起深塢誰家  
賽勾芒隱隱聞村鼓我無濟勝具獨行嗟踽踽游興尙  
未盡催歸叫杜宇林表揚輕颺一陣落花雨衣袂竟沾  
溼笠屐碎難取平生事多乖所向輒遭阻此游何足道

造物勿余侮

題樹君郡伯詩集

一代風騷手千秋著作才胸中羅斗宿舌底起風雷  
夏陳言去紛紛妙緒來名山應不朽生面別能開

超羣多逸氣流派有家風大敵竟能勇偏師誰敢攻  
蚍蜉休撼樹鷹隼慣摩空所學非人力端資化育功

本是承明客班春到海隅文章凌屈宋游跡躡韓蘇  
踔厲才無偶賡歌德不孤蚤懷兼濟志諷諭即嘉謨

青衫依幕府慚愧百無能鼠璞渾難辨龍門竟許登  
三年空刻楮五夜費挑燈末學資宏獎臨風感益增

清籟閣詩鈔 卷七 三 懺花盒

年共存詩三百餘首荷蒙鑒定

偕友人暮登韓山樓用昌黎山石詩韻

前村曖曖煙火微一羣歸鳥投林飛我來正值三月暮  
深紅落盡翠綠肥層樓高出霄漢上斷岸千尺行人稀

蓮龕燈影半明滅僧無儲粟饑饉試登絕頂縱倦日  
有亭如蓋無窗扉相將跌坐青石磴俯吸江淥延陰霏

數聲清磬破空寂天地一色山四圍諸君倦矣下山去  
露氣砭骨思添衣怪鴟慣作山鬼歎野馬不受黃金鞿

明朝再來飲美酒瓶罍不罄其無歸友人云亭上宜小飲故及之

書勸農圖後

白鬚使者行春來獨騎瘦馬衝黃埃僕從三五民不墮  
瞻蒲望杏心悠哉郊迎父老雜童豎馬前怵舞聲如雷

政平訟理歲則熟木飢水毀天難災不持手版謁大府  
先向田間慰勞苦為語今之賢有司願持此圖作治譜

示弟

長物吾何有空教賦逐貧一廬為寄客八口是飢民憂  
患侵雙鬢文章誤此身汝兄真自愧四十尚風塵

蔡家園夜泊

韓江纜解纜小泊蔡家園水鳥堪同夢炎官未斂成漁  
燈延暝色林木納陰霏深夜猶煩熱閨中漫寄衣

清籟閣詩鈔 卷七 四 懺花盒

織女吟

通詞漫說託微波兩地相望可奈何十萬天錢償不得  
縱然有巧也無多

過三河壩有感

此地曾經幾度過郵籤又報抵三河山眉水眼都無恙  
只有勞人鬢雪多

泊嘉應州登觀瀾閣小集

共上觀瀾閣憑臨眼界新山仍浮紫翠氣可識金銀星  
火明林表歌聲出水濱此間風月好端不屬勞人

上篷辣灘

上篷辣灘

上篷辣灘

上篷辣灘

淡雲疏雨浣新秋胡蝶輕帆蚱蜢舟一夜灘聲喧客枕  
可能流盡別離愁

用坡公監試呈諸試官詩韻上方子嚴觀察濬師

公才難斗量積如富家廩糠粃簸揚盡穎悟性所稟曹  
倉供日耕硯田占歲稔每當行文時磨墨蒙被飲沈酣  
蹶然起噴薄出餘瀋費盡良工心鎔鑄金三品世之淺  
見者豈辨苒與荏在卓哉老斲輪知之則已審賢如歐陽  
子好士較尤甚謂李文恪公羅椒生尚書爲國求俊父獨許標奪  
錦珠從網底收土不飯中磳鳴珂入鳳閣趨時鄙跼蹐  
擲筆判五花颯如秋霜凜宅心鑑止水澹定不復淪誰

清蘊閣詩鈔卷七 五 懺花盒

云味如冰回甘美逾樾 天子簡賢良斯民安席祗持  
節巡嶺西來蘇有佳朕父老走相告煦嫗慰夙諗眾口  
非難調所貴善烹飪吏治本經術文章駕范沈士客感  
德化械鬪風漸寢朽材愧卷曲殷勤荷鏐綬欲獻巴人  
詞敢效寒蟬噤惡客休入室窺我秘藏枕時以所著蕉窗隨筆見貽

寶劍篇爲高要梁鈺卿錦瑛賦

純鉤百鍊不虞折寒芒炯炯皎如雪淬礪無須矚鸚濡  
曾飲千人萬人血乃祖昔日征金川腰間佩之亦有年  
功成身退歸嶺嶠鋒藏鐔斂全其天傳之子孫承寶用  
珍藏更比南金重海宇於今已宴安英雄漫作封侯夢

秋夜書懷九首次子嚴觀察韻

秋風一以至洞庭波始生淒淒歲將晏木落山晴噪素  
月流空階冷然如水清斷雁唳空闊影滅傳餘聲展轉  
不成寐萬感心中縈美人隔煙水余懷向誰傾

永夜詩可心窈然自高迴所得秋氣多筆力故勁挺我  
欲肆瞽說撞鐘乃以莛熟讀深思之若醍醐灌頂又如  
酌醕耐未飲已醅酊想其灑翰時順流駕輕艇庖丁解  
全牛善然輒中肯

公本射雕手才力實有餘我雖攻詞章力不勝匹雛操  
觚愧率爾刺刺徒平鋪斂之使就範有如鳥在笄修煉  
清蘊閣詩鈔卷七 六 懺花盒

功未深難叩仙人居美矣公之詩顯顯光明珠非關力  
弗逮抑亦氣質殊

我如庾蘭成平生最蕭瑟黃字常腹飢拈茶亦手拈愛  
參文字禪皈依維摩詰悟得無言旨所慙未入室誰爲  
梁父吟草廬空抱邾

雨聲忽打窗狂風隕木葉籬花色黯淡伶俜抱寒蝶登  
山須正冠步廊揣響屨緬思古之人形神或可接拒霜  
獨逞媚灼灼舒笑罨牀下鳴蟋蟀聲與無射協秋士胡  
多悲牢騷日積疊愁城借酒攻奇兵喜獲捷

賤子本酒人麴枕槽可藉醉亦不在酒意已與酒化好

官不如飲何必待旬假瑣屑弗足論天地一傳舍何時  
歸故園努力事耕稼細繹耒耜經箋釋犁與杷場圃築  
已畢督備獲稻極攜樽就田父嬉笑雜怒罵駑駘困羈  
馬矜寵心早謝昂昂千里駒踏鐵可得卸

丈夫貴澤物豈徒以詩鳴夫惟能詩人乃有真性情作  
賦歐陽子詠懷阮步兵識見果超卓寵辱都無驚旅進  
復旅退貌敬心已輕願公崇明德千載垂清聲

行年未四十雙鬢已飛雪南方地卑溽體氣漸疲茶范  
叔能忍寒程曉漫潮熱貪嗔久已斷所贖止癡絕菊花  
滿頭插醉倒重陽節氣並蒼雲高心與白露潔吾家老

清籟閣詩鈔

卷七

七

懺花盒

騎省謀已固早拙何當棹扁舟散髮探禹穴

志士每多感騷人例悲秋悲歌何激烈懷士空登樓讀  
公秋懷詩使我增深憂剪燈一為和清夜何悠悠詩成  
試高誦月墜前山頭

題新羅山人嬰戲圖同子嚴觀察樹君太守作

一兒奪取竹馬騎羣兒擊鼓相追隨朱袍烏帽學官長  
官長卽是羣兒爲披圖觸我幼年事約畧廻思尙能記  
一啼一笑皆天真猶有羲皇上人意世人莫笑羣兒癡  
羣兒心事人未知歡呼跳舞父母喜君獨不見老萊子

讀樂初將軍

長善

詩文集題卷後

文筆追燕許韜鈴媿范韓羣雄甘執弭上將獨登壇慷慨  
追黃鶴將軍黃鶴樓詩久已膾炙人口翔翔躡紫鸞邇來詩教做端  
賴挽狂瀾

神勇真無敵盤空巨刃磨先鋒唾白石妙伎唱黃河好  
奏昇平頌休賡勅勒歌白麻他日召梅鼎借調和

聞道園林勝堪方第五橋檐花低傍戶池水暗通潮月  
露才能繪煙雲福足消休明資鼓吹投筆笑班超

清夜長如許消閒借好詩沈雄疇可匹諷詠竟忘疲風  
雅勞揚挖曹劉聽指麾儻攜行卷謁絕倒帳前兒

題李小巖孝廉

文泰

詩卷卽用見贈元韻

清籟閣詩鈔

卷七

八

懺花盒

破浪乘風阻注游賣文羊石且句留憐君空有邱遲錦

愧我偏無白傅裘時以衣裘相假辱承齒及海內騷人爭避席異鄉

爲客莫登樓細將詩卷燈前讀鰲擲鯨喙字字愁

李香萃少尹

家瑞

用余雨中看韻惠題拙稿矜

寵殊甚疊韻奉酬

李杜韓歐蘇文章各有體光燄照宇宙俗塵已盡洗如  
長江大河深湛乃無底鄙詩愧不工滑易逐波瀾微蟲  
吟草間或亦天所啟君胡愛之甚刻畫澗蘭泚若嗜菖  
蒲菹味美勝於薺敢期傲帚享直是太倉米格調苦卑  
下風氣見嬗遞無益費精神不值一唾涕

遷居市月又將他徙偶賦俚句聊以解嘲呈比鄰

諸君

千萬空勞說買鄰道南推宅已無人梁間燕子應相笑  
何處能容自在身

天地蘧廬孰主賓牽船就岸且安貧胸中縱有千間廈  
庇已無能况庇人

題友人野水間鷗館卷子

倪君大雅姿清超絕塵俗藏身人海中結廬王山麓嘗  
讀演雅詩服膺黃山谷間鷗無機心野水少紆曲君才  
可大用乃乞升斗祿英俊沈下僚何足為榮辱紛華一

清籟閣詩鈔

卷七

九

黃花金盞

戰勝名場謝奔逐抗心希古人閉戶樂幽獨開軒延朝  
爽俯檻吸深淥清風忽然來吹皺一池綠何當徑敲門

登覽豁倦目

館與粵秀山相望願  
適瞻眺惜未一至也

喜晤胡丹山嵯榘

汝鳳

有贈

章水分襟後音書誰與傳飄零人事改荏苒歲時遷客  
路三千里離懷十七年喜君猶健在相對歎華顛

耆將軍齡畫石

退食聊將翰墨娛蓬萊割得碧雲腴不知肘後屏風疊  
有此瓊瓏秀潤無

故園

豈有臨江千木奴故園松菊久荒蕪青山橫我為通客  
白髮催人成老夫言不由衷何必質書難盡信弗如無  
宦情更比詩情淡好辨煙簑作釣徒

喜樹君都伯來省再充文闈監試六疊辛未寄懷

元韻

記得臨歧別淚滋隔年相見未嫌遲洋洋久噪神君頌  
碌碌難酬國士知鄉夢濃于襟上酒壯心消盡鏡中絲  
抗塵走俗渾無謂酒賦琴歌憶昔時敏在公幕數載極  
文酒之歡迨聽鼓  
羊城此樂不可  
復得思之惘然

五雲深處裊香煙 恩詔頒來萬口傳監試重慶坡老

清籟閣詩鈔

卷七

十

黃花金盞

癸酉公在闈中用坡公  
句監試呈試官韻賦詩感秋曾壁薛濤箋提調方子  
嚴觀察賦  
秋夜書懷五言古詩豪情邁往今非昔離緒纏綿日抵  
年玉敦珠槃空有約山陰屢阻子猷船公迭次來書招  
為俗氣所雜  
未遂此願也

李端士秀才

青麟

以詩見示有我自江湖愁落魄

旁人錯認杜樊川之句因廣其意賦二詩贈之

落魄江湖杜牧之茶煙風颺鬢成絲旗亭近事君知否  
不唱黃河遠上詞

槐黃燼陽愛高眠暈碧裁紅詩百篇名士何須科第重

王官谷裏有凌煙



甲戌人日招同人游花埭以詩代柬

春色今年要倍償東君端不負清狂相將載酒游花埭  
何必題詩寄草堂新柳綠沾騷客袂小桃紅鬪美人妝  
底須濟勝嗟無具十里晴波一葦杭

樹君郡伯回任潮州送至香港別後寄呈用辛未

見懷元韻

級佩芳蘭九畹滋識公翻恨十年遲東隅已失終難補  
南郭無能愧受知紫燕尙思尋故壘青蟲可許吐餘絲  
微材本是籠中藥敢忘殷勤拂拭時

驪歌一曲慘風煙鬱鬱情懷語莫傳別後好聽新政績

清籍閣詩鈔

卷七

二

鐵花會

相思惟閱舊題箋頻勞遠夢縈千里記奉清塵漫五年  
海上分攜公念否有人惆悵獨歸船

鐵花會詩集題辭二首

倜儻風流宋子京詩如美色果傾城談兵蠻府紆奇策  
角勝騷壇負盛名藻思芊綿才轉歛餘波綺麗骨原清  
嶺南佳句流傳遍幾許弓衣織得成

廿載論交氣味親高歌痛飲見情真花前擊鉢豪難敵  
醉後揮毫妙入神做帚千金應笑我名山一席有傳人  
汗青頭白殊堪懼卻羨麻沙刻本新

清籟閣詩鈔卷八

歙縣 潘貞敏 伯時 著

山陰 宋澤元 瀛士 校刊

游香港卧雲主人招飲杏花樓卽席有作

杏花樓上綺筵開 選舞徵歌得得來 今夕何殊金谷聚

主人休惜玉山墮 雲扶海氣侵羅袂 風遞花香入酒杯

璧月瓊枝無那好 一聲羌笛不勝哀

和樹君郡伯寄懷用宋芷灣觀湖上五別原韻

劉歆惟感知湯休 復怨別年不相見 何以慰契闊遠

望天一方寸心耿 如結所愧檮散甘 知人累明哲

清籟閣詩鈔 卷八 一 散花盒

士為知己用古人 曾有言恃愛忘謙 陋奏技班郢門公

偏不我棄醉以花間尊 三年刻楮葉無益 徒辛勤敏寓惠三

載得詩數百 首編刻楮集

公本峩眉人 公產於蜀有寄 生西蜀州私印 行歌負大瓢 我初讀公詩

焚硯如君苗 假以道路計 何止百里遙 豈期謬推許 欲

解玉佩要

去年湖州來 旋復湖州去 海水聲滔滔 前年送行處 行

人自此遠 望眼阻雲樹 年年輒送人 低頭愧親故

昨日尺書至 離愁來酒邊 新詩亦肫摯 不在形跡間 畫

思夜輒夢千里 一夕還何當 來相從 羈飲西湖山 癸酉 旋省

同人談 後於此

李汝勤少尹 德新 以詩見贈次韻奉酬

曾贊征南幕 飄零亦壯游 汝勤曾佐曾文 正公金陵戎幕 雄心空躍馬

浪跡等浮鷗 題壁南朝寺 挑燈北固舟 長江天塹險 攬

轡幾凝眸

不作諸侯客 扁舟載月還 羈愁三峽水 鄉夢九疑山 氣

挾風雲壯家居 廉讓間十年 空學劍 贏得一身閒

還家無四壁 難繪卧游圖 遣興開書帙 哀時擊唾壺 吟

聲憑鳥和醉影 倩花扶孤矢 男兒志羞為 壘牖儒

隨牒來炎嶠 低眉見要人 退閒詩作伴 投分誼逾親 有

幸曾傾蓋無才愧 莫縉 時余司 權羊城 廿年迷宦海 何敢說知

津

奉和子嚴觀察三充鄉試提調舟中感賦元韻四

首

滿院槐黃正 早秋端江又 泛木蘭舟 庇寒共仰干 閭廡

得句能輕萬戶侯 三度文衡資 碩畫廿年宦海等 浮漚

未知好士歐陽子 更放何人出一頭

一燈如豆伴清吟 斗轉參橫玉漏沈 水鳥舟人同入夢

清泉白石足盟心 浮雲過眼渾無定 殘暑熏肌乍可禁

中夜援毫詩思湧 灑將墨瀉作甘霖

三十六江潮水漲推篷曉起景尤佳涼侵薄袂金飈爽  
霧歛奇峯玉筍排獨酌無聊和影醉聯吟預約把詩差  
明朝儻遇孫賓石痛飲高歌一放懷謂監試孫  
駕航觀察  
黃木灣頭起夕霏泉聲瀲灩繞苔碕半篙綠水征帆卸  
千頃黃雲早稻肥明鏡未妨人共照朽材真與世相違  
無名莫漫嗤昭諫我亦江東老布衣

子嚴觀察見示論詩一首書駕航觀察楫壺巢吟

稿後勉和原韻并效其體呈兩觀察

尙閔肆者祖李杜愛澹遠者宗裴王同歸異趣各有得  
天風海濤紛淋浪樂安先生起山左與古作者參翱翔

清籟閣詩鈔

卷八

三

懺花盒

蘭成射策正綺歲殿中作賦鸞皇鏘追風躡電騁逸足  
雲程九萬騰飛黃 天子臨軒喜動色文壇健將能挽  
強遂排金門上玉闈英英氣宇何軒昂賡歌太液日三  
接潤色鴻業聲洋洋清言妙論婉衛樂高文典冊追班  
揚兩行紅燭夜修史不使眯目來纖熈抑揚妙不爽銖  
黍古人未許誇三長撤炬共羨老坡遇應 召敢效青  
蓮狂改官清要躋柏府民生利弊煩推詳陳之 黼座  
輒報可康濟夙願平生償兩持高廉使者節恭膺 簡  
命承 天章政通人和百廢舉口碑載道流芬芳去年  
提刑蒞穗石蠶胥墨吏皆驚惶虛堂縣鏡鮮道飾虎豹

1800 7 25

遠迹蛟鼉藏竭來棘院作監試風清弊絕勞費襄餘事  
作詩偶涉筆精采溢目如球琅誰歟健者可頡頏嶺西  
觀察吾同鄉有條不紊體用備所貴挈領兼提綱天生  
才筆亦相敵含豪神妙窮微茫倡子和汝致足樂清思  
杳渺涵秋光曲折赴節力道勁望衡九面帆隨湘一昨  
聯吟壽賡老聲出金石揚清商豈期下里亂白雪正如  
梧檟儕杞枋謳歌愧未造藩閩雷門振鼓不自量昨駕  
航觀察  
察和子嚴觀察壽賡堂 只今大雅寢衰替青紅塗抹成  
優倡天遣兩公特到此要留奇句傳炎荒賤子廿載羈  
粵嶠飄蕭白髮同馮唐畫眉悔不合時樣對鏡搔首頻

清籟閣詩鈔

卷八

四

懺花盒

端相楚漢分爭逐秦鹿敢詡大長雄蠻方癸酉閩中子  
嚴觀察樹君  
太守互相倡和文樹臣觀察云楚漢相爭 誰歟健者可  
尙有尉佗雄據一方蓋謂敏也何以克當 誰歟健者可  
頡頏使我中夜徒彷徨少日讀書老漸忘割愁何處求  
劍鋸吁嗟乎邱生才退官不進輸他黠鼠能搬薑詩能  
窮人休怨傷他日兩公立廟廊掀髯引滿進一觴安知  
不使吾軍張

和子嚴觀察聞伯兄入覲北上用子由中秋見月

寄子瞻韻奉懷之作

雁聲嘹亮青天高月光如鑑窮秋毫涼風颯颯起天末  
蒼松萬壑騰洪濤中夜作詩懷伯子湧泉誰道文異水

池塘草長句有神擊節高歌鳥驚起光陰荏苒跳雙丸  
離愁千斛胸中蟠連牀話雨久契濶公前畫連牀話雨  
行看子敏曾題句  
那堪更犯霜颯寒憶昔聯鑣歷梁汴世事浮雲幾更變  
入洛機雲才思多屋住兩頭扁白板八公縹緲思故山  
當年攻戰傳符堅風聲鶴唳淝水尙遺殘鏃人爭看  
人生能得幾時好喜我未作霜前草拏雲心事久銷磨  
壯不如人今已老因貧而仕仕轉貧嶽寄厯落堪笑人  
公等共爲蒼生出我本滄海釣鼈客

題居玉徵夫人慶所作畫

絕世風流管仲姬白描粉本學徐熙題成斷句君休笑

清籟閣詩鈔卷八

五

懺花齋

押角章鈴倒好嬉

寄彭南屏太守翰孫惠州

風流爲政近如何明月歸雲入獻歌明月歸雲  
洞均在西湖公事

不妨湖上了詩篇應比舊時多繙經恨少波羅蜜應敵

疇當曳落河時以壽蘇  
詩屬和遙羨鶴峯梅放日紫裘腰遂拜

東坡

抵珠江舟中作

江雲漠漠水悠悠無數飛花點客舟楊柳萬條春似海  
誰家少婦不登樓

蒲澗寺用坡公韻和樹君觀察

九節菖蒲生澗前大瓢貯月汲清泉東坡居士曾游處  
南越名山別有天斷碣摩挲尋昔夢妙香頌略悟詩禪  
怪公雅有煙霞癖同是蓬萊謫降仙

樹君觀察華庭郡丞見示游白雲山倡和之作次

韻二首

憶我來嶺嶠彈指二十載此山曾屢至舊游幾人在今  
朝又戾止豪氣增百倍自有濟勝具豈患筋力殆老僧  
導我前白雲若相待人道白雲山我道白雲海山耶復  
雲耶終古色不改倚裳盡賢俊縱談坐石塊聊爲避暑  
飲瓜李鮮可采共啖羅漢齋特殺戒膳宰是日山僧所  
治素饌頗佳

清籟閣詩鈔卷八

六

懺花齋

劉侯昔射策歸院金蓮送腰間大羽箭蹲甲可以洞宋  
子射雕手英勇久驚衆百步能穿楊共託先中中今也  
迭倡和妙語託微諷能令強弓彎奚憚柔翰弄賤子愧  
羸劣筆禿江郎夢控弦矢先落聊博一笑聞

春間道經揚州喜晤門人蔣生祖勳別後寄詩見

贈如數答之

十年不相見相見動初心往事渾如昨臨風感易深郎  
君方負笈大府遽投簪今日西州過惟餘淚滿襟  
破涕翻成笑摩挲老眼明翩翩貴公子佼佼魯諸生既  
負才華羨端期學業精 聖朝崇樸棫早晚達 天閱

尺書千里至緘札有新詩我愧蜘蛛隱君真鸞鳳姿及時須努力別後最相思儻有南來使頻煩寄一枝

偶成一首寄呈子嚴樹君兩觀察

元英告養彥和歸嶺海風騷已式微笑我閉門徒覓句千秋牙曠賞音稀

暮春偶成

百舌聲中春已深閒庭寂寂晝陰陰吹開紅紫還吹落一樣東風兩樣心

過後瀝

數株疏柳亂啼鴉一片江聲走白沙冬日亦如春日暖

清韻閣詩抄卷八

滿山開徧弔鐘花

緬笳

昔嘗游潘州間暇訪林麓徐行至西岸森立多喬木中

有一株樹高聳半天綠厥名曰緬笳其實可治目得種

由朱波緬甸街子非鴻鵠自滇攜之來前明李太僕邦直

歸橐存一雙什襲等瑛珠植其一不萌賸一藏諸篋亡

何歛失去小婢苦遺扑含忿自經死茹恨竟夕哭詎知

墜榻下甲坼不信宿柯條日以長出之乃毀屋迄今四

百年繁茂感亭毒村氓實賴此衣食地名緬甸現歸關姓

為世業每當結實時雕鏤若琢玉遠近購之者紛紛競

相逐或以貽友朋或以餉戚族蒙亦獲數枚摩挲指日三復老眼無昏花奇功勝甘菊焚膏以繼晷尚有讀書福

除夕寄懷樹君觀察揚州

竈祀黃羊歲又闌圍爐憶遠思漫漫文如修竹真多事人異棉花亦耐彈自信夜行甯作盜誰知雲臥早辭官紅橋十里春波綠一葉扁舟一釣竿

光緒二年丙子乃東坡先生十四周年也十二月

十九日權惠州守彭公翰孫邀同人壽先生於

白鶴峰故居首倡二詩幕中諸君咸和焉因次

元韻

清韻閣詩抄卷八

八

懺花齋

景祐迄紹聖歲月何悠悠先生謫惠時花甲明年周後

七百餘載公適守是州正十四丙子盛典光炎陬白鶴

雲中翔山下清泉流學得長不死八千為春秋飛仙有

此骨配軍無此頭況有斜川隨克紹箕與裘

昔偕劉元城歌詩共獻壽庚午年劉樹君太守曾邀幕中諸子賦詩為壽今公

又繼之佳話播先後政事足媲美文章飭研究發言為

詩歌精妙兼樸茂雛鳳聲更清風騷肯堂構公子泰士亦有和章

鞠脰同稱觴香烟漫紫宙花豬與竹鮑羅列滿遵豆麩

和盡雅音深慙我語陋

冬夜與崔次五離椽式九小酌戲贈

淒厲霜風壓敝裘孤燈細雨夜悠悠酒邊試問崔從事

年少因何有旅愁未七字乃李義山送崔珣往西川句也

九日二首和汪其生琮韻

何處登高去王山曉霧開相將攜酒榼隨意坐莓苔節

物年年換游人得得來翻嗟杜陵叟作客獨登臺君是日觴

客於粵秀山麓之學海堂

不負重陽約杯盤互主賓看花逢勝日載酒訪幽人得

句題蕉葉呼兒整葛巾白雲天共遠凝望倍思親予是日同

人釀飲葉氏園中

從軍辭

清贖閣詩鈔卷八

九

戴花盒

寶刀偃月馬嘶風馳逐黃埃赤日中少婦不須嗟遠戍

已聞魏絳立奇功

金 漢

州 臺

不 不

西陽盧氏慎始  
基齋刊于都門



海嶽行吟草目錄

卷一 車驅草四十二首

卷二 江行草三十七首

卷三 吳郡小草十五首

卷四 西冷小草十七首

卷五 歸颿草七首

卷六 爪雪草十一首


卷七 味辛草二十四首

卷八 車驅後草十四首

卷九 渡湘草九首

卷十 疊聚星堂韻詩九首

海嶽行吟草目錄



車驅草卷一

河陽劉興棧

家坦衛孝廉攜尊黃鶴樓對雨話別

落梅時節雨如秋珍重行人作壯遊客裏別離聊對酒  
天涯兄弟此登樓蒼茫山勢燕雲接曲折河聲漢水流  
我去金臺高立馬看君擲筆到神州

武勝關

夾水亂峯生危峯累戍營關河分楚豫山鎮接嵩衡旺  
氣中原盛雄風霸主盟祇今門四關高立頌昇平

自信陽至確山

黃雲濃釀雪野水峭生稜入夜經明港侵晨過朗陵客

車驅草卷一

心原冷淡詩思覺清澄又見山平遠茫茫樹幾層

大梁懷古

望京樓上一徘徊天上黃河落酒杯盛氣竟思吞牧澤  
遺音何處覓繁臺忍捐敖粟千倉去痛快秦椎一擊來  
但指蓬池怯迴首不堪阮籍又生哀

臘月三日大梁旅舍雪夜寄妹

阿兄赴晉陽忽作梁園客梁園古雪深驅車行不得對  
雪勞懷思望雲黯顏色冒雪呼渡河又被太行隔  
爾姪已成入前年歸蔣氏吾母愛所鍾爾嫂生止此蔣  
木闥闔家門楸亦墮水將呼壻俱來撫之若已子  
驚心辛卯年禍水從天降田廬蛟龍吞鄉鄰魚腹葬身

負老母出衝波更逐浪舉家滅頂來露處隄防上

隄防復分崩紛紛駢足立死生各不知但聞吞聲泣母

願兒心悲兒願母願戚繞膝皆弱穉睜眼坐終夕

蕩析逾兼旬母命歸破屋欲補無寸蘿欲支無一木母

日且往歸差勝星露宿兒其志四方菽水庶幾足

大水已三年今年災更異冰雹大于磐暴風橫捲地豈

惟麥禾傷人物安逃避大旱夏徂冬歲收復何事

村落爲邱墟田園成茂草荆棘滿道塗可知人行少租

稅徵三年虎狼而梟鳥碩鼠一興歌適彼悔不早

吹臺

噫嘻乎吹臺之上但聞悲風鳴何處更覓師曠聲噫嘻

車驅草卷一

乎吹臺之下但見孤月明何人能吹王喬笙我登斯臺

發長嘯曠懷古人一憑弔古人不作我何言平沙莽莽

空凝眺仰觀黃河天上來奔流到海聲如雷俯視汴水

繞城流流過前朝春復秋此外樊樓有鈴語塔院梵音

雜鐘鼓梁園無復鄒枚才滿天雪飛誰爲主回頭忽見

三詩人太白謫仙無與倫少陵野老固詩史達夫同領

高臺春三公壯遊昔至此登臺欲吹古人起慷慨一一

成悲歌周王晉霸都已矣我把一杯醉青蓮人知詩仙

復酒仙不知漁陽息鞞鼓汾陽卒伍拔來前杜老謳吟

不忘國節度力追胡笳北可惜從古大詩人絕大襟懷

埋煙墨太白太白爾主吹臺吾爲客少陵少陵爾上吹

臺吾安登達夫達夫爾步吹臺吾其趨狂歌未已層臺  
高峙孤月在天悲風滿耳彼知音者其子晉耶抑師曠  
爾吾以爲莫如有唐之三子

洛陽懷古

灤水西來澗水東嵩高二室久尊崇山川雄踞中原勝  
龍馬靈開萬古蒙未必少年惟賈誼至今何事歎吳公  
治安策裏蒼生淚竟付長沙一席風  
八斗才名近尙新一時窮巷數車輪知除卧雪無高士  
不信凌波有美人感慨心情原可假飛翔時事恐難真  
我從宛葉經過此解珮何堪問水濱

喜雨爲開封大尹郝衡橋明府作

車驅草卷一

三

曉來天氣覺清和想見荒原綠意多不識隋隄新柳外  
一春風景竟如何

二程子祠

花柳而今尙一村淡雲天氣覺微溫我來恍人春風座  
此去誰探立雪門祇有龜山勞目送更無龍德不心尊  
晦翁程子贊龍德  
中正厥功斯博 四箴碑下苔花老綠到濂溪砌草痕

包孝肅祠

思公一笑比黃河此去黃河路幾何儘見童蒙呼待制  
信無關節到閻羅斷牛舌後析楊少牧馬場邊黍稻多  
一種惠民河上水薦馨人尙掬恩波

漳河

1800 7x5

傾觴橫槩意如何一代奸雄委逝波只有西陵田畔月  
猶懸明鏡照漳河

盧生廟

欲別邯鄲恰費思我來無夢更無詩一言且博盧生笑  
此夢何時是醒時

由樂城入晉界

悲角驚沙外巖城古道中中軍樂武子五伯晉文公表  
裏山河壯驅馳顧盼雄頰聞前路險未必勝蠶叢

韓信設背水陣處

但用奇謀李左車井陘泥塞一九初置之死地生何易  
算作眞王假未如不爲趙人驚漢儼肯教張耳敗陳餘

車驅草卷一

四

可憐背水功成處惆悵淮陰一釣魚

呈徐咏之方伯兼上近稿

廿年仗劍走江湖孝穆聲稱近世無清夜焚香聞玉珮  
紅薇分艷架珊瑚古來吐哺東西陝天下奇才大小蘇  
我是問津劉子驥肯從淵海失元珠

觀劇有感

十年供奉五侯門花落花開幾旦昏一種夕陽簫鼓後  
不隨芳草戀王孫  
兒家生小冠花曹舊院風酣月又高者莫季龍歌席畔  
酒痕紅上鄭櫻桃

王郎曲

攜柑釀酒憶雙鶯宮鶯春鶯余侍一樣深宵喚小名自

啟吟窗開寫影櫻桃花外月空明

圓鈴曲有序

余將之燕臺道出并門新秋風雨殊無聊奈乃承周解亭李仲山傳凌煙柳漁湖張進庵羅子封諸明府飲餞并州樓命小伶圓鈴倚觴度曲醉酣出指扇磨墨乞題小詩殊可兒也昔人謂十三女兒學繡時如春花含苞欲開未開令人有愛惜鄭重之意余於阿圓亦云

一聲清響落尊前真箇金鈴个个圓我是行人聽不得并門秋雨晚涼天

仲山明府用戲字韻題醉雪圖依韻酬之即質傳

凌烟明府

棘門灞上皆見戲祇有飛將從天墜飛將騎馬捉寶刀

車驅草卷一

五

生擒健兒若無事騷壇長吉有後身往往心肝嘔在地三尺古錦自壓肩一條紅燭替垂淚忽聞詩敵盡登壇大戰小戰爭奮臂爲我狂歌醉雪圖此圖從此人不棄得句人謂如神仙下字人謂如老吏惟君謂我無古人忽如車載千鈞輕使我慚愧汗滋顏使我跼蹐背生刺此情便語作醴人不緣痛飲亦心醉

七夕書贈獲鹿令吧泉雷明府

匹馬萬山中秋來雨又風前溪聞水漲孤館宿雷封寶劍磨頻躍鉛刀試未工此行學師道一辨見南豐

宿正定

曉風吹客渡滹沱前路常山計又過却憶餘醺香夢醒

玉釵紅燭夜如何

涿州

曉樹蒼蒼夕照紅羣山西抱水流東神遊上谷漁陽日人有名儒國士風天上花葩空漠漠村邊桑蔭尙童童停車且上層樓望無數燕雲逐塞鴻

太學石經歌

名山之業誰萬古山中煙墨飛如雨誰歟健者移此山山移太學東西序移於西者儼然摹繪岐陽文周之心傳移於東者又如刻露那嶧孔孟之真詮詩書易禮春秋篇衍爲五經七經以至十三經乃全燦乎煥乎日月星辰經九天何俟割取雲根一片學彼碑榻銘志空雕

車驅草卷一

六

鐫不知石經始于漢廣于唐備于宋禪爾諸生朝夕誦誦習期成面壁功他山之石攻錯用我遊太學徧讀石經之本文字字端楷殊八分金玉追琢圭璋剖大匠一風運斤載沿其文摩其石形質深青色淡碧上下四旁磨礪平其高十尺廣三尺石之陽兮石之陰牽連刻畫無溢侵高文典冊郢斲鼻天祿石渠精抉心刻石幾事其數八十有八事刻字三十六萬五百有六字吾恐作隸端正如王胡擲筆投袂稽首而逃避書丹神速若中郎敢使黃絹幼婦外孫壘日題碑次又何論乎唐宋石經缺失無完義噫吁嘻算除岵峒山巔堯碑舜碣無與永垂於天地

乙未八月二十九日笙歌蔣宮詹招往隨觀三殿

陳設是日先詣文廟觀周代祭器不果

爲觀法物負明堂奇遇能兼本不常大禮賦慚杜工部  
帝京篇妬駱賓王祥烟縹渺浮三殿曉日瞳矓煥九闔  
差喜探懷雙管在藉君薰染早朝香

大成門張照草書唐韓愈石鼓歌碑

我聞廟堂之上抽毫珥筆一一崇端莊譬諸正笏垂紳  
齊邀朝明堂又聞秦漢以來銘鼎鑄鐘事事皆典重况  
在孔子門墻書丹敢放縱我遊京師謁孔廟大成門外  
豐碑隋大書昌黎石鼓歌姓名兩字書張照張公我朝  
大書家擲筆往往天飛花書名到處墓厓石我見此碑

車馬草卷一

七

吁嘆嗟碑之邊旁連向背一氣貫注無空碍濡染大筆  
斯淋漓今古煙霞破冥晦嶧山李斯大篆銘太學蔡邕  
熹平經英英陳思文孔廟鵠書繇刻晞晨星此碑屹立  
石鼓左石鼓十列碑一塚詩歌磅礴鼓失聲俗筆媚姿  
石惡可張生張生爾乃不愧草聖書賢之子孫龍虎卧  
闕跳天門怒猊抉石渴驥奔飄忽風雨橫天半默畫星  
辰空手捫周宣石鼓文雅頌昌黎石鼓人歌誦卓哉漢  
廟三絕碑此碑庶幾堪伯仲噫嘻乎好古我愧李陽冰  
神移碧落書虎稱對此且學歐陽詢坐觀三日吾猶能  
張生張生爾乃不愧草聖書賢之子孫笑我生不劉德  
升

陶然亭 亭爲吾鄉江采伯都憲別墅

孤亭倚斷霞亭樹亂棲鴉深秋晚風後漫天蘆葦花故  
鄉李北海別業小西涯一樣傷零落殘詩滿壁斜

留別光五存之卽奉令兄栗原方伯

秋風胡瑟瑟吹我薄衣裳秋日胡淒淒照我瘦容光言  
步東籬下叢菊爭芬芳呼奴卷簾幕檢點南歸裝故人  
一執手氣結增悵徨回憶荆郢日傾蓋成惠莊大開知  
魚軒亭館相徜徉花開月復上詠歌羅酒漿歡會復幾  
時鴻雁分翱翔君歸皖江左我返沔水陽忽忽八九載  
寸心兩相當昨者金臺上有客鬚眉揚我亦鬢欲絲絲  
絲丈尺強睜眼各熟視相對若相忘一一互問訊驚顧

車馬草卷一

八

喜復狂細話別時事情思兼哀腸助以江淹筆酌以孔  
融觴覆以孟宗被聯以姜肱牀古人重氣誼微君誰頡  
頏獻賦不得意馬卿病渴羌茂陵不可卧爲登孟祖堂  
故舊良繼緒苔苔契庚王此情豈不重魂夢驚飛蝗此  
邦豈不樂鄉園變滄桑况復樗櫟質適洽斤削望鮑叔  
在干載吾顏滋赧惶君言亦將歸課乃子弟行頗知謝  
庭砌蘭玉生光芒藉此養元氣魏公珍晚香賤子有此  
情衣食會奔忙南北苦不知蓬梗亦何常視君全盛家  
天淵敢低昂長揖且歸去後會期正長今夕月方圓歧  
路鋪秋霜

光武廟

謹厚劉文叔春陵大業成生平小戰怯卧起故人情西  
洛無新室南陽有舊城停車一瞻拜誰奏客星明

新野

白河水上葉舟行新野城邊穫稻聲一度揮鞭一廻首  
故鄉風景不勝情

遊習池懷周芸阜觀察

先生手鑿高陽池為講耕桑為說詩書畫自乘米家舫  
樓臺人比峴山祠謳歌聲裏來何暮著作林邊去後思  
記得品題江水上匆匆灑墨尙淋漓竟陵舟次手訂荆  
南詩草及觀我觀  
並舟而行不忍遽別云

海嶽行吟圖復承雲伯先生惠題長篇步韻酬之

車驅草卷一

九

噫嘻乎行吟之人忽如冰心一片照玉壺又如吳山曉  
翠干點落西湖不可支者如斯樂豈必四海而五嶽一  
同讀罷一自豪者莫浣花老人狂吟雲子鈔不然太白  
黃河之水廬山謠霧衣風馬紛紛而游敖濯足不數萬  
里流放眼何妨天下小天下詩人大半入吾畫圖中但  
覺縱橫跌宕有似君者少執手歌嘯若生平江山之助  
會未經斯為雲山之蒼莽斯為河海之英靈得毋助我  
萬里之行自此始仰天高吟吟不止但是屈原行吟徒  
憔悴洞庭君山不出三閭里我聞成連海上鬱崔嵬望  
見方丈瀛洲與蓬萊何如先生走東海攬衣躡屐登雲  
臺况為髯仙座上客請雲行  
宮保或彈雲璈吹玉笛夜深頓

令蟠龍驚意氣元龍人誰得笑我空作海嶽游游興年  
年春復秋低頭但拜管城侯寸管飄然凌九州九州之  
山有如嶽九州之水有如海不知山高復水長今古登  
臨果誰在我和君詩行問天行行重吟逍遙篇請將秋  
水馬蹄意質之頤道詩中仙

翰山護中丞惠題左書遺冊即步韻謝之此冊留  
節署八

九十

慈雲一朵忽飛還人報軍門夜未關蒙道材官送冊  
三詩二下急畫  
燭兩行雙管下並荷題梁  
園醉雪圖節樓初鼓片時閒神摹白鶴  
羣翔墓感極靈鰲首戴山誓指痛心前日事血痕如挹  
墨中間

車驅草卷一

十

煙露山邊土一邱張星照耀郎瀛洲眼前圖畫兒孫寶  
望裏神仙李郭舟呈册展謁  
尚蒙齒及往日春風花覆水連天芳  
草客登樓不知筆落燕公手更有何人與闡幽煙露山  
南碑先  
墓在焉

題張雪樵司馬采石倚樓圖

乘風曾過采石磯浪花倒激山雲飛攬衣更上太白樓  
舉杯一酌三千秋我覽斯圖發狂喜十有五年重到此  
太白酒樓故依然有人拍手憑闌起其人為誰髯也飄  
當塗司馬張雪樵雪樵讀書此樓下一時競稱人中豪  
豪氣一嘯白雲白豪情一生青山色嘗修太  
白祠墓天上謫仙  
如可求也應為君潑醉墨圖中墨潑何淋漓大筆推君

宮保師宮保風流乃復爾爲君展卷經幾時我欲從之  
酒樓上聽君師弟發高唱懷古總爲謫仙人詩膽或因  
酒膽壯牛渚江頭怒濤生我眉亭上孤月明下視雲山  
一蒼莽擲筆但覺松風鳴我題圖成語司馬人生碌碌  
何爲者看君拈髭倚樓闌我亦神仙中人也

題家坦衢明府鳶飛魚躍圖

我見斯圖心眼開仰觀雲霄無纖埃我題斯圖搖筆起  
一江秋水清澈底坦衢寄懷何坦蕩讀書千卷情一往  
雲中白鶴自盤空驪頷明珠探在掌攜尊日坐鵲山樓  
樓頭招客仙人儔江間波浪亂山立酒酣斫劍蛟龍愁  
看劍忽忽不得意抑塞慷慨磊落氣因乞妙筆寫作圖

車驅草卷一

上

俯仰古今大天地往古來今誰庶幾天空地濶神悅怡  
何物不寓飛之理何在而非躍者機鳶兮魚兮在何許  
天平淵乎人何與此境若落色相中蒼帝無才流水腐  
坦衢何年爲此圖呼我題詩圖與俱鳥聞高翔魚驚潛  
我詩不成將何如我歌且請君側耳胸懷坦蕩君可矣  
但思昨者登君堂一堂太和融此旨冲霄想見鳳池毛  
跋浪還有龍門鯉我歌此詩還君圖興飛距躍何能已

江行草卷二

沔陽劉興樾

久雨將霽解維江行

一雨將春去江天思惘然亂雲低壓水片席遠浮煙磊  
落吟懷在牢騷客夢懸解維聊自遣閒扣榜人舷

日暮又雨泊西山

暮雨西山脚依山一艤舟鼉鼉吹白浪鼓角動黃州坡  
老憑誰喚涪翁不可求松風起高閣彷彿答吟謳

赤壁

慷慨何堪對酒歌大江東去奈愁何英雄難得誇年少  
名士偏能殺賊多一葉蒲帆風乍起三分戰壘水微波

江行草卷二

蒼天似為池中物雲雨朝朝壓艇過

雨中江行望廬山

昔讀大白廬山謠恍惚迷離神為消今放扁舟廬山側  
風雨滿江登不得大開篷窗遙相望一山頃刻成萬狀  
高峯何處香鑪巔但覺香鑪空生煙石梁何處挂瀑布  
但見天池隱朝霧屏風九疊雲色深金闕二峯雨氣沉  
雲霧煙雨紛若秋山風吹落暮江頭江頭波浪忽山立  
廬山諸峯如拱揖似為海嶽行吟人曾向潯陽一灑筆  
山中二林分東西胡弗懷古一評題匡君兄弟書幾卷  
靈運曾因白社見况有靖節躬耕田猶足結茅三兩間  
山中歷朝諸名賢姓字一一堪追攀乃如玉京之仙子

紅蓮一葉聽所止聞君歸帆挂秋風江心月白山之東  
為掃巖石待君坐醉供狂吟倦高卧我感斯意告山靈  
丹崖綠壑相與聽太白廬山謠在上秋來敢踏廬山青  
但是一情殷懃祝銀河落天山如沐煙雨頓消雲霧開  
好見匡廬真面目

余忠宣公祠

生為韋虎死張巡遺像虔瞻凜若生傳志金遼勞史筆  
艱危兵革寓農耕孤城六載能無恙百戰重圍總不驚  
千里長江一抔土靈旗猶卷怒濤聲

雲汀宮保書刻余忠宣公傳碑

泊舟皖公江言拜忠宣祠祠內瞻遺像祠外見豐碑碑

江行草卷二

二

高十尺廣四尺肉厚九寸巍然立寶蓋倒垂座正方是  
誰割割雲根出銜書前撫皖江今之宮保陶大書忠宣  
本傳深刻昆吾刀本傳製自宋文憲人臣觀者森髮毛  
元末當年此賊藪忠宣一身六年守小大二百數十戰  
遠賊膽落近賊走殘卒千人率為農渭濱雜耕諸葛公  
史筆獨斷金遼宋義節所激成孤忠生為孝寬為僧辯  
死為張巡為許遠胸中眼中數完人鬚眉如生淚血滿  
手持寸鐵無斗糧此身遂與此城亡江聲嗚咽江水泣  
白日慘淡天無光我來剛逢戊戌歲謁公祠廟紛涕淚  
便向祠陰拜墓門長歌聊代生芻祭嗚呼忠宣公不有  
文憲剖公之丹衷千秋萬世安使人臣風吁嗟此邦但



呼忠巨廟不有陶公書碑爲人告庸夫豎子安知忠宣  
號大武宮保扶持大綱維振興古風教此碑此書足與  
皖公青山千秋隋旁有新安相公識頌碑畧低太上不  
朽斯庶幾祇謂宮保書米趙杜陵評書坡公誚君不見  
褚遂良楷書聖教天骨張又不見李北海雲麾風神蘊  
真宰

疊韻寄光栗原方伯令弟存之

桐城光五智河劉惠莊仇匹陳雷儔旦夕不見神爲遊  
迴憶車蓋傾荆州詩筆文墨東南際一字鎚鑿必險幽  
雙柑斗酒黃栗留奇氣鼓盪方員洲我如池上織鱗浮  
君比深山無角虬雲雨不得胡矯游擲筆激昂江河流

江行草卷二

三

長公子瞻君子由卷軸在手旁汗牛珊瑚根大綱難收  
奇光驚閃鮫人眸昨者金臺相唱酬聯床抵足古綱繆  
君我齊年同春秋咀嚼蔗尾瞻竿頭敢象蠶上輕王侯  
睥睨嘻笑貌顏羞傀儡當場緋衣猴無金北擲錢胡投  
長揖國門期藏修隴畝躬耕播種稷忽忽斗柄星兩周  
東風又吹春草稠行吟海嶽無他優寄君此詩歌勿休  
險韻強闖如刺讎

采石磯登太白樓用雲汀宮保題壁韻

太白酒杯方到口采石江聲停不走酒樓在前祠堂後  
容納乾坤開戶牖我向樓頭一揮手一斗百篇誰其友  
光燄萬丈天梯陡鯨魚何止橫億畝此去江左復江右

謫波詭雲無不有神龍變幻覆鼉吼千秋安從窺窠曰  
太白之精精靈厚青蓮一朵蟠石紐天寶壬午逾乙酉  
錦袍爛然烏紗黝九重知已天長久歌詩十章諷詠九  
豈意新聲奏翻成貝錦催長安門外拂衣去華陰縣裏  
跨驢來情知開元之盛不可作不如三江五湖傾酒盃  
仰天長笑空江灌逸氣橫排鸚鵡壁愁思孤生鳳凰臺  
浮雲蔽日心爲哀驪山幾日飛黃埃太白豈但詩仙才  
我來欲喚謫仙回聊將此語澆一杯不才敢言陳尊魯  
馬瘠僕痛陟崔嵬人生逐逐胡爲哉登樓但覺心眼開  
醉墨且潑浪花堆胸中從此芟蒿萊豈必汗漫遊九垓  
如此江山足歡哈安知不爲六逸八仙相追陪

江行草卷二

四

莫愁湖

會縣小影鬱金堂十五盈盈淺淡粧怪底景陽宮井水  
臙脂紅上薄羅裳今懸小像着色頗妍非復華君白描之舊矣  
開國中山異姓王湖山回首太蒼涼奈他燕子年年至  
只認盧家玳瑁梁  
莫愁村在石城闔曾是家山最近人我作莫愁湖上客  
可憐蘇小是鄉親

隨園題壁

隨園先生仙去後詰嗣真來別駕訪慶佑之制  
軍至楚遊迨於漢陽月湖桃花夫人廟話舊依  
依高青士別駕黃心盒山人爲畫月湖遊近圖  
各識一詩蓋二十年來矣今行吟海嶽重過此  
園值真來昆仲年來亦復下世作此傷之真來  
諱遲

小別倉山近卅年風篁搖曳覺凄然山亭水榭都如昔  
不見吟詩老謫仙  
行吟笑我亦生遲海嶽空存萬首詩記得桃花花樹下  
一龕紅雨話袁絲

隱仙庵古梅

留春仙館倚山隈一樹知經幾劫灰梅大十圍高不逾  
丈樹空如火燒者  
然枝葉橫斜發生獨茂秋巖深夜愁聞孤鶴唳古香吹  
送六朝來  
鬪水霜冷益開枯木禪心方入定優曇如雪覆蒼苔  
夜闌風雪轉生愁怕走僵眠白玉虬野水空山高隱士  
白雲明月古名流廣平老病心彌韻和靖孤吟氣轉道

江行草卷二

五

可惜階前雙桂樹不同此樹作春秋古香解前老桂二  
株亦為六朝時物

印心石屋

天為純臣寫此心萬川明月一輪侵丹衷自矢仔肩任  
清夜還思面壁深窗外梅花頻照影胸中邱壑信為霖  
知公一品方成集况錫嘉名播藝林

明孝陵

寢殿穹碑號尚尊龍盤虎踞敢空論前明太祖高皇帝  
故國鍾山此墓門一代有誰能配饗六朝無主最銷魂  
九原感荷熙隆典陵廟松楸萬古存

登雞鳴寺塔眺後湖

雞鳴寺踞治城端倦客臨風一倚闌七級浮圖開眼界  
六朝詩思有波瀾航頭驃騎軍容盛江上蛟龍雨氣寒  
不識領邊珠一顆可能採取到湖干

長干塔

言登長干塔下瞰長千里長千千萬家營營一如蟻拳  
石六朝山匹練一江水八極渺無垠九層高乃爾元氣  
自渾然驚風倏至矣花雨落眼前煙霞生脚底闌干勢  
欲奔蒼極危將圯恍惚八翼生冲天而後已低昂九重  
天其巔乃在此亟緣石棧下問塔何年起或謂孫吳時  
或云梁武載有僧西方來自言古佛氏戲作瓦礫堆居  
然旃檀址莊嚴寶界中遍地黃金累蓮花坐如來竹林

江行草卷二

六

護大士菩薩低眉看金剛努目視其數恒河沙妙相崇  
壙比一一石雕之絕無斧斲理天然貌有神險哉膽破  
鬼劫火幾焚燒法輪亦轉徙傳聞巔頂間向有釜鑊在  
古水積其中怪鱗巢於是拜斗七星魚腸劍三尺鯉厥  
害勝毒龍作祟類狐狸我佛胡無靈招魔或有以乃歷  
牟尼珠乃鎮舍利子慧日發琉璃神光輝金紫寶藏流  
無窮金錢聽所使天府奉法王此猶餘事耳但思蕭梁  
時造塔期懺悔夜深鐵馬鳴悲咽臺城裏我輩造極情  
在此不在彼慈燈萬盞明參天澈元旨八萬四千塔於  
此歎觀止

雨花臺

昨踏臺城路今上雨花臺臺城路旁亂榛莽雨花臺畔  
山崔嵬雲光禪師在何處滿目空花天不雨掉頭一喚  
蕭老公高臺四角生悲風雨花臺臺城路城郭依然花  
滿樹我題詩罷橫江去

金陵雜感

烏衣巷口小徘徊無復春生玉鏡臺幼時議婚王氏祇有王家  
新燕子似曾相識客歸來

小倉山色太荒涼到此空攜古錦囊我欲更遊詩世界

蔚藍天外有斜陽先君子詩業隨園老人余尙得數見先生於蔚藍天詩世界各樓榭

垂髫同學張平子伯仲弱冠先生陸士龍瑞我到江東

尋舊館暮雲春樹一重重

江行草卷二

七

狀元境外魁星閣文德橋南鈔庫街曾是河樓絃誦處  
尙餘燈影落清淮

黃公祠內舊基杯白髮青尊對短檠欲覓老僧談往事

破樓殘雨咽鈴聲

會入長千古寺門幼時拜報恩寺方丈爲師法號鶴年捨身猶是小王孫

低頭一下空王拜爲有先人未報恩抵白下屢夢先嚴慈伯叔父言笑宛

如生前

六朝遺跡久銷沉金粉飄零更不禁我賦大招賦天問

墨花如雨白門深

秦淮雜憶

李娟張態可人憐幾日鉛華盡洗捐我欲扣門轉惆悵

枇杷花落晚風前

釣魚巷口水關東片片飛花漲落紅不及掠波雙燕子

故巢猶認小樓中

長板橋南舊酒旗美人多半潑胭脂數株殘柳空搖曳

流水棲鴉又幾時

當年桃葉與桃根艇子雙催古渡門今日重過桃葉渡

渡江似我亦銷魂

欲渡清溪一問津故知寥落太傷神少陵曾作江南客

尙有龜年是舊人

餘音何處繞塵梁一曲清歌夙擅場近日新聲都不奈

更無人唱杜韋娘

江行草卷二

八

會說詩豪醉狹斜桃花紅遍玉人家半樓紅雨珠簾捲  
知是劉郎去後花

乘舟慚愧老髯仙但結詩僧佛印緣欲理水絲待琴操

秦淮風月早涼天擬初秋返棹白下

燕子磯

不堪迴首石頭城八代興亡百感生曾是鳥飛飛不到

可憐燕子太無情

黃天蕩

千里樓船百萬師韓王曾此立兵威金人膽落龍王廟

鐵甕帆連燕子磯旦夜鼓鼙搥浪立旌旗龍虎拍天飛

如何計敗書生語湖上騎驢緩緩歸

丹陽懷古

江聲猶助寄奴驕百萬樽蒲氣未消一手生擒數天子  
幾回親話眾耕樵南徐郡邑開雄鎮北伐兵戈落暮潮  
可惜滑臺新將將不煩強敵駕連鑣

江行草卷二

沔陽盧靖校刊

江行草卷二

九

吳郡小草卷三

河陽劉與樾

陳芝楣中丞留余小住滄浪亭並成五古一首書

扇見貽感佩之餘敬步元韻

幾日到蘇臺行吟吟且住偶登湖海樓一見歡如素意

態彌雍容顏色混喜怒翰墨因緣中毋亦關前數慰我

滄浪亭領畧觀魚趣觀魚處在滄浪亭東偏中丞重建始悟古阜夔論

交及尹務緬懷商邱懷扣舷風月渡清風明月本無價買來只用四萬錢

歐公滄浪亭詩句長嘯孤亭巔雲飛最高處

中丞枉過滄浪亭寓館

水雲四抱好軒居水雲四抱之軒中丞題額也余館下榻於此客傍滄浪睡

吳郡小草卷三

起初小隊弓刀勞節度高文典册愧相如誦詩儘許遊

人聽時讀大刻於觀魚處倚樹還因古木疏笑問南州徐孺子陳

蕃榻下可觀魚

為芝楣先生書册既成率題一律於後

牙籤堆几夜焚香雨氣侵簾乍怯涼多病相如偏作賦

行吟屈子慣臨湘水雲深抱蕉天綠烟墨輕融繭紙黃

自笑滄浪亭上客新詩唱過小滄浪節署東偏曰小滄浪館

鏡換刀歌為龔木民作

世間古物各有好物物皆足寫吾照一段寒鐵一頑銅

果然承恩不在貌龔司馬佩寶刀古錦為囊錦纏條高

歌將軍吾亦豪潘公子握明鏡菱花迸奩秋月暈南宋

宮人誰持贈奇哉公子手把此鏡躍然起曰宋宮鏡將

換司馬寶刀耳刀挂司馬壁一時恍聞嗚嗚泣若為牟

將軍助名姓字久沈淪嗚呼將軍知己者何人前有龔

木民後有潘絳庭才人名士傳將軍刀頭百萬公魔血

帳下美人齊變色美人今日歌舞來臨安粉黛曉奩開

龔木民潘絳庭一刀一鏡兩人心我有鏡方一寸我有

刀筆尖搖頗欲持刀使刀屈為鏡一照吾面目且把鷓

鴉裘呼兒登酒樓一歌君詩進一甌君不見古月魄曾

照秦城換趙壁又不見豪俠者還將愛妾換良馬

彝器拓本册子為六舟上人作

滄浪亭上六舟僧詩畫金石無弗能探古搜奇不辭遠

吳郡小草卷三

秦碑漢瓦包行滕前生無乃碧巖石烟譎雲詭石峻嶒

更出彝器手拓本乞我題詩窮乃形一器一觀一摹撫

但欽其器寶莫名我思宣和圖博古圖像千百人能稱

金石攷訂家千數真贗辨難各減增按圖摹寫手腕脫

徒矜賅博安足憑六舟上人拓此本我為上人狀苦心

心知彝器太古物古物往往多沈淪衰周九鼎湮洛水

岐陽十鼓埋荆榛就逢識者爬羅出形質破殘石已磷

何如一器圖一過自一而十千百承各按其名釋其義

當時作者登廟廷原父伯矩中叔季甲乙癸戊子已辛

周魯邵宋配殷夏建始太康迄竟寧彝鼎繁敦曷觚洗

尊卣壺爵鬲斝燈曾酌古人之玄酒會盛古時之大羹

古香古色一齊發古心古貌敦嚴凝手捫其腹生稜角  
言提其耳旬吹聲舞器舞器抉爾精六舟六舟聽我吟  
我前弔古金臺上躬謁孔廟觀設陳國子先生揖且語  
三代十器羅殿庭皇皇法物目親睹氣蘊雲雷光日星  
嗚呼此亦彝器耳一旦遭逢聖明君不然如爾圖此本  
長伴一鉢與一瓶徧歷宇宙大山水斗大頑石羞硜硜  
譬如詩藏古佛閣奇形怪狀千秋春但持此本誇博古  
六舟一笑非詩情

靈巖山

館娃宮殿莽蕭蕭響屐迴廊履迹遙只有靈巖萬松樹  
風聲爭擁太湖潮

吳郡八直卷三

三

湯雨生將軍屬題琴隱園圖即以代柬並乞畫海

嶽行吟圖暨題句

我別伯牙臺曾踏臺城路城北多山林中有高人住高  
人不可見山林引芒屨惘惘小倉山滿山生煙霧落落  
大隱園雪鴻早飛去隱仙有茅庵六朝老梅樹盤山四  
古松半空寒濤怒悠然山水中低徊幾日暮今觀琴隱  
園圖中如告語知是湯將軍彈琴聊寄寓手闢十畝園  
神移七絃趣冷然此襟期倏然此丰度我聞將軍能世  
南五絕具書畫喻高深詩情韻絃素紙閣蘆簾前挺芝  
復飛絮風雅萃一門瓣香焚幾炷此樂樂無涯其人人  
有數古來大名將功成思退步青門種瓜時赤松辟穀

處幅巾瀟亭遊款段湖上駐何如抱瑤琴一曲初心賦  
自聞赤嵌山先聲摩厓著至今臺海邊波濤如奔赴感  
此發遺音手揮目還注願我行吟人何緣聆英護願將  
樂府篇一顧劉生誤劉生古從征頗得江山助山高水  
自流此情如或遇林岫復杳冥煙雲更迴護昨日海上  
迴近自華亭觀成連有餘慕

師子林四十韻有序

余遊歷所經凡題詠皆登時書壁惟師子林不  
能成一字客問其故答之曰此題如學虛講義  
理路微細若但以山石奇巧目之失之遠  
矣伏日坐滄浪亭怪雲滿天忽成此作

昔觀倪迂畫林木多疎曠今遊師子林山石密難況傳  
聞雲林叟畫稿付巧匠三十六洞天七十二巒嶂二十

吳郡小草卷三

四

四飛橋懸空空倚傍我從洞口來忽出層峰上峰巔路  
既窮石梁又飛向峭壁落面前勢欲各相抗石竇一線  
通茅亭驚天賦小坐甫移時神氣殊佳暢倏聞人語來  
拂石欲相讓乃隔對面山山頭互相望咫尺不可即喬  
林鳥喧唱鳥道縱橫交遊興殊快快天水乍空明微波  
生滉漾一峯插中央大江小姑樣巖穴漱流泉石罅齧  
細浪罅穴曲曲穿竹畧輕浮漾十步一瞻迴五步一愴  
悵石棧相鈎連天梯自安放躡足復褰裳煙霞隨跌宕  
俯視開虛堂回頭失林障初疑蜃結樓徐吟米家舫蕭  
蕭竹樹間幾縷茶煙颺因之觸詩情何以窮形狀鍊石  
或補天天體曾無恙銜石能填海海山難裁量竊思泰

山雲觸石而摩盪又思金華山叱石豈虛妄要之造化  
工人力實相尙邱壑在心胸煙雲滌肺腑使非畫理深  
位置安能當妙哉一壺中九華活現相渺矣粒粟間三  
山憑俯仰我自楚山來神緣吳山王面面如望衡帆轉  
隨湘漲厥名師子林林立石者相師子多拳毛拳石胡  
盡藏倪迂呼不來米顛拜已降天上多夏雲奇峯生惆  
悵

題顧湘舟滄浪長卷 有字

卷中題者如韓性翁尚書五原堂廉訪  
吳棧華庶訪朱鶴成侍讀皆長篇也

未登景賢閣先展滄浪圖林木水雲際歲時風月具千  
秋子美在幾輩商邱徒題句屬諸老孺歌今有無

吳郡小草卷三

五

放棹滄浪水來遊吳下亭樓臺淨几席煙墨鬱丹青我  
向此中住天然常啟扇蓉湖好風月說與虎頭聽滄浪源出吾楚漢陽月湖亦名蓉湖中吳有小滄浪節爲延攬海內英流之地予嘗下榻其中今至吳下陳芝榻中丞又令小住滄浪亭豈非有數焉者存乎其間耶

韓履卿鐵硯拓本

墨痕班剝蘇花蒼老鐵心情字數行若論新詩詠紅袖  
不應此硯屬冬郎先爲余題紅袖祇添香小幀

硬語由來貴鑄成形模猶足抵金城欲穿我亦磨難已  
寄語吳山鐵硯生

滄浪水榭納涼

水閣敞疏櫺層軒夜不扃蝦鬚半簾月螢火一池星枕

簷涼如洗江湖夢乍醒卻愁河漢水秋至倍泠泠聞楚大水甚

嘉興舟行

浙河風景異船在綠天過古木千章外童桑兩岸多飛  
橋虹飲澗柔艣水微波雲端上新月開奩鏡乍磨

石門

落日石門縣蓬窗面面開亂雲含雨至高樹引風來噪  
晚立蟬急迎涼白鳥催呼童舵樓尾煮茗當新醅

吳郡小草卷三

同里盧靖校刊

吳郡小草卷三

六

西泠小草卷四

沔陽劉輿楸

韜光寺阻雨漫題 立秋後三日

一天涼雨韜光寺海色江流渺不分  
脩竹萬竿松百畝都從山半釀秋雲

一線天

古洞雲垂白晝昏更從何處覓天根  
管窺欲作摩厓字忽認山中屋漏痕

桐城姚吉甫公子以朱節母胡恭人暨子履中明

經殉孝雙旌頌徵詩

嗚呼朱節母史書賢母古無有嗚呼朱孝子孝子之孝

西泠小草卷四

一

乃如此母也何賢終身節既全乃教其子報所天子也  
何孝罔極恩難報王哀蓼莪廢詩教痛父不祿侍母疾  
焚香額天天亦泣衣不解帶及十旬哭無絕聲形骨立  
彌留喃喃呼母聲我哀其情難把筆噫吁嘻哀毀滅性  
人胡譏天性至情非人為國殤且書况孝思嗚呼不有  
此母安生此子其節其孝可以風矣

新秋雨後西湖曉望

晴晴雨雨總宜詩望入新秋倍有姿  
大好南屏初日上分明西子曉粧時  
波光倒射山嵐落樹影遙含塢勢歛  
記得望湖樓上望若為掩映若迷離

小有天園感懷

怕聽人歌小有天園林如夢復如煙  
秋荷萬柄閒搖曳綠上吟衫太可憐

雲棲

侵晨一掬虎跑泉孤塢憑臨勢插天  
兩地儘傾三十壘此來還結嬾殘緣  
午齋於此中天赤日太如焚  
盼煞雲棲一片雲雲卧山中偏不起  
修篁深處夢湘君

碧天一角忽沈沈翠海移情望轉深  
奇句修訂中有亭題曰碧天翠海是水是雲都不辨  
殘鐘隔樹落山岑

我亦行吟海嶽遊不甘棲息老林邱  
行吟吟與雲棲者也算拳雲補佛樓  
補雲者僧述嘉慶辛未寺燬於火嗣走京師歸手為重造落成

西泠小草卷四

二

錢武肅王廟

英雄割據痛殘唐祗席蒼生此一方  
堪享千秋兩浙祀最難三世四賢王  
銀牌書下蛟龍泣鐵券恩深日月光  
潮汐至今猶勢怯三千勁弩在弓囊

表忠觀讀蘇碑

湧金門外表忠觀豐碑如列屏  
六扇屋以左右兩廊廡護以楯軒  
防缺陷當年表忠者何人蘇文忠前  
趙清獻趙公一事必告天蘇公奇才  
先帝念以忠表忠如一心大書特書  
同本傳想當李唐晚季時若者割據  
若驕僭梁唐漢晉及後周江河血流  
山骨濺惟有錢王收越中朱三走死  
黃巢困一從宋祖御極來心知太平  
真主見



表上吳越入版圖老臣錢鏐惟帝眷帝曰吳越爾惟王  
王保爾赤出昏墊且聞洪水自天來沿海築塘江築塹  
斯爲吾民興大利斯爲吾民捍大變賜王免死死罪三  
賜王冊書銘鐵券珍逾寶劍逾彤弓藏之子孫世世萬  
以此坡公把筆時筆尙未落神先見如王立馬錢塘江  
錢塘江頭橫白練如王叱咤海上潮三千勁弩還留箭  
有時縱橫寓毫端如王鬚眉人驚眩有時超忽益矜嚴  
如王冕笏正南面我見蘇碑勿慮千此碑此書生鐵鍊  
惜哉碑脚字畫殘何年摧折石三寸石折字殘義可通  
首尾一氣含剛健坡書自負玉環肥此碑體環骨偏燕  
我來下拜武肅祠讀碑何止一千遍所恃我王夙愛才

西泠小草卷四

三

讀碑豈嘆久留戀到來倘爲江東生前身知遇猶貧賤

半山閣

飛閣出半山西湖在闌檻却隔城一重湖波倩誰剪

龍井

煙霞洞北去龍井好山泉龍噴古井水穀雨采茶天色  
香一以淡風味覺悠然竹樹碧無奈忽飄禪榻煙

白公祠

袖中詩本欲呼公特送杭州一席風我向祠邊掬湖水  
酒痕香過藕花中

西湖泛月憶孫石樓

今夜西湖月當年北海尊舉杯醉湖水佳月戀王孫天

外波千頃江南雪一痕欲尋剡溪路鼓棹一銷魂

餘姚訪朱少仙先生不果行郵寄此詩

在昔王文成少年尙氣俠學佛更學僊卒乃聖學接一  
代大名儒文章光日月千秋老元臣毅謀飛旌節欲訪  
少仙翁一爲証茲說少仙今詩仙迥懷符高睫生不願  
封侯棄官如脫葉手種萬萸管綠雲紛稠疊吟詩對此  
君此外都不屑繞竹山房間蒙嘗資遊獵讀詩想其人  
不辭遠跋涉今我來錢塘將鼓渡江楫海上怒濤來濤  
頭萬山雪惱我發狂吟遙寄朱蝴蝶朱載上爲黃州廣  
文有冷官無一事

登烏程昇山懷范白劬文橋杆

西泠小草卷四

四

賢哉范大夫自稱陶朱子乃載五湖舟去浮漢江水漢  
水去悠悠湖波望瀰瀰今我過霅溪言尋范公里桑陰  
翠疊雲湖波縹若綺青嶂繞郭多昇山極天峙擘衣一  
登攀懷遠何能已千秋王右軍俯仰賢橋杆

西泠小草卷四

同里盧靖校刊

歸颿草卷五

沔陽劉興棧

八月二日五鼓發京江大霧彌天欲登金山不果  
片艇發京江天猶未曉但聞篙聲人語難了了自  
覺風浪生夜潮橫相攪欹枕不可支披衣心膽燥亟起  
推短篷水雲彌浩渺止見孤帆明不見舳艫船忽巖山  
之椒初日方杲杲晨色發光芒丹碧涵虛晶樓閣雜梵  
宮孤檣出雲表恰如李將軍一幅新畫稿喜極思登攀  
縱目開吟抱江水乍空明波平風亦小榜人爭解維不  
顧遊人惱因憶焦山遊亦為俗吏騁留此待重來一齊  
印鴻爪

歸颿草卷五

八月十五夜秦淮水榭玩月

家家兒女話團圓拍手爭攜白玉盤我不題糕閒說餅  
秋花深處一憑欄

武穴雨夜剪江覓泊船處不得

長江天塹飛難渡自發金陵朝復暮兼旬才抵武穴江  
荒江更無泊船處榜人冒雨暗剪江水天無色空茫茫  
船頭忽擁亂山立懸崖累石爭排窗山邊水流流更急  
急流迎風相搏擊風聲水聲萬馬騰帆檣驚鳥船退鷁  
此時行止仗舵工舵工僵立篙師聲滿船一時寂無語  
已拚性命呼吸中何處微露燈一點迷津彼岸當不遠  
忽如太乙乘蓮花東海汪洋見清淺噫嘻人生行路難

浮沈都作如是觀不然竟攜河伯使聳身鯨背江水寒  
我把一杯醉江水此去武昌尚千里倚蓬日日但吟詩  
寄與江行諸君子

張見津洞庭更生圖

一葉扁舟下洞庭天風吹水夜冥冥不知波浪排山立  
愁殺湘蘭不忍馨

由來孝子亦臨深千里江湖負米心今夜湘靈洗瑤瑟  
白華清潔一高吟

以孝完貞卷子

金家女字伍氏女父漢陽泮宮士義方教篤女子子女  
命不辰女父死家無粒粟母寡矣女上無兄長無姊待

歸颿草卷五

二

哺弱弟悲帖屹他時恃有門楣喜豈意瘠病瘵一病終  
不起女欲奔喪其如禮不得為夫婦何能言婦如心矢  
從一而終耳兒為嬰兒子而已女孝人能知女貞人難  
擬松柏有高節不植其將萎冰霜有潔操不寒徒為爾  
曹娥碑文照江水中郎墓讀垂千祀我題數言署卷尾  
用待翰軒采風史

追贈宮保芝楣中丞薨後若有所失屢欲作詩哭

之不能成五月赴弔勉成五十六字

雪霜催臘雨催春亂石填胸滿縛身欲哭先生無一字  
後今知己更何人封圻畢竟傳衣鉢戊戌相見時贈先  
生詩有衣鉢封圻  
今有幾文章江夏古無雙之句蓋先生奉雲  
汀宮保為師故也督兩江贈宮保一如陶云榮落居然

託砌茵五鳳齊飛彈指事公子五長皆固應含笑感恩  
綸特恩賜長君舉人

歸馭草卷五

同里盧靖校刊

歸馭草卷五

三

爪雪草卷六

沔陽劉興樾

題耕雲廣文浮白圖即以話別

天上黃河落酒杯余大梁懷古句酒星飛動酒龍迴世

稱奇語無人道竟被先生畫出來

前身自是謫仙子開瓊剛逢賀季真今日端宜浮一白

明朝又是別離人

黃城阻雨有序

將赴李雷軒觀察之招迂道黃城將換輿夫風雨交作不覺數日苦無晴奈仍讀程廉訪龍挂詩再疊其韻遣懷寄觀察暨公子

黃城連日雲翻墨苦雨纒覺征途窄一聽雨聲一生愁

爪雪草卷六

那不教人鬢生白此隔申陽山幾重此去江城路幾尺

天上羲輪叱無聲囊中寶劍光徒射私心欲勞盤古翁

重把雲天一開闢使我驅車花外行使我勒馬柳邊立

故人一夜夜宴開海龍何妨海倒吸而乃欲晴不放晴

侵晨又復融寒濕惱我誓將遣五丁力鎖蛟龍歸大澤

抑或告諸城隍神時寓廟內上乞皇穹為良策不然徑仗馬

伏波據鞍顧盼或為役旁有伏波祠自問才非渴相如何苦

沈酣金莖液阻雨此間幾晨昏繩床已穿數重席心知

故人同此情容易敝裘狐集腋太華少華一望中天外

峯巒想成癖年來久為海嶽人何物雲山橫半壁詩成

敢炫江筆花屐齒遺印程門迹冒雨登臺魯臺因謁二程子祠

望魯書院謁二程子祠

黃城重拜二程祠棖觸先人去後思几席猶明藜杖火

門墻遺憶魯臺詩書院後有魯臺山山巔有臺曰望魯臺我來花柳剛三

月此去關山又幾時忍聽白頭老門子一談往事一嗟

各閩人李姓述先人主講時事甚悉年已八十矣

夜渡廣水

斜日下無影層雲鬱又開山窮流水出沙斷小橋來遠

火郵亭暗嚴更畫角催且投茅店宿沽酒洗塵埃

李家寨官店壁上客有和余題壁元韻者走筆書

後

全楚重關外中原卅里天鶯花三月老車鐸數聲圓下

爪雪草卷六

馬尋泥雪何人感歲年有風霜五十年之句因君還寄語遙託暮

雲邊

題詠花人照

昨臘我登孤山歸江南驛使相追飛一枝遙寄山之隈

屢承翻書十枝五枝關山催東風吹我申陽來孟浩踏雪又

驚猜詠花寫生攜手開癯貌瘦骨眼頻指乃知倚樹正

蒼苔手把一卷心低徊竹籬茅舍次第排瑤琴紙帳銅

尊疊焚香掃地縹緗堆就中一榻待不才萼綠華是仙

人胎紅羅亭畔明霞霏詠花之人誠佳哉題詩為語畫

中梅百花頭上詩誰裁如此詠花君須追

白芍藥

芍藥花前縞紵情不堪投李報瑤瓊豐臺滿地疑霜化  
溱洧何人望月明對客自應心皎皎贈卿難遣態盈盈  
素懷如我休相謔說到將離鬢髮生

雨窗東慕韓太守兼寄谷樵刺史

夜雨瀟瀟漏鼓沉已拚旗鼓對鷄林客中方洽雲龍願  
天外忽聞車馬音太守冒雨送  
差即還汝郡三弄費禕吹笛曲重暮  
區冶鑄刀心海南煙水江東樹遊子天涯幾度尋

贈別廉勺公子

風沙莽莽日遲遲記得夷山送遠時乙未夏中余之燕  
臺承送河干而別  
五月黃河秋照影一鞭寒雨客臨歧掉頭未免增惆悵  
攜手何堪又別離況是短長亭外路綠莎如水柳如絲

瓜雪草卷六

三

楚岫秦巒幾萬堆為君重盡掌中杯年華鶯燕佳公子  
錦繡鴛鴦小秀才但向申陽歌吉仲莫因梁苑望鄒枚  
祇儂海嶽行吟去一惹行人首一廻

賢山有序

余至申陽蕭軒觀察奉故舊煮酒縱談忽閱  
三四十日歸裝束矣觀察曰此去數里有賢山  
焉古人題詠甚多願留一日為此山結墨緣暮  
府潘柯亭爭為遊山主與馬酒尊紛然交錯良  
盛遊也攷志乘一曰賢首山一曰賢隱山究未  
確指其賢為何人惟南齊書載西魏伐義陽軍  
蕭衍駐兵賢首山救之然則賢山之名初不必  
果以人傳也抑賢人之名竟不欲傳於此山耶  
昔齊景公登牛山流涕沾衣晉羊祜登岘山處  
其漸滅無聞遊斯山者將謂之何是日遊者主  
人則蕭軒觀察也公子廉勺茂才從攜尊者為  
潘子柯亭同遊者湘南史鼎卿關中張子靈也  
路出申陽第幾程賢山招客早情生風雲黯淡蕭梁蹟

泉壑迷離隱首名叢竹亂撐危塔影萬松爭擁怒濤聲  
狂吟恐惹蛟龍聽雙幹參天氣未平

瓜雪草卷六

同里盧靖校刊

瓜雪草卷六

四

味辛草卷七

和白翁見贈韻

沔陽劉興樾

春殘何苦峭寒侵布被如冰夜更深  
牕外雨聲愁映倒  
夢中詩句向天吟詩夜夢以英雄橫槊黃墟感故舊登壇  
白髮心翁示周止庵遺稿為料得牡丹應解事含苞將  
為老人簪

重修伯牙臺觀印心石屋即景感賦

凌空多少好亭臺可惜雲扃叩不開  
一曲劉生新樂府  
古樂府成連何處刺船來傷陶文  
四壁詩歌總印心石屋各碑記大半且從絃外覓餘音

味辛草卷七

琴湖一樣瀟湘月照見髯仙夜鼓琴文毅美

自在庵牡丹盛開將與詩僧韻禪觀之小沙彌來  
言夜來風雨摧折盡矣慨然成此

繁華過眼本雲煙一笑人間富貴綠即色即空方悟佛  
花開花謝總由天妒將風雨春何意買得胭脂畫亦鮮  
且譜清平歌芍藥一盃婪尾夢青蓮

黃鶴延秋圖為黃芳谷司馬題

黃鶴渺何許仙人還復來江天此吟嘯樓閣高崔嵬  
拍  
手動江練古懷盈酒盃長空自清曠淡淡秋雲開  
自是謫仙子放歌崔顥詩樓頭有涼月笛外吹輕颺  
一  
我展君畫千秋空爾期聊為采蕭詠倚檻今何時

贈錢叟渭農

客裏何堪此老情吟來好句若平生  
數峯青落瀟湘水  
誰聽空江鼓瑟聲

落拓如君亦壯哉我思拔爾愧奇才  
算來不及僧巖石  
猶有濃煙結篆來時與寄寓

義女行有序

旃林洪君漢上老宿也二十年前余開社月湖  
嘗知名焉顧以君方維于資事者海業未暇過  
從今春復為海嶽遊苦雨疾作小憩於此聞君  
將就訪於根心竊奇之及語其新詩氣味醇質  
宜其胸次超出塵俗也越日范白勗翁招集自  
在庵一見如平生歡揮塵談笑展余海岳行吟  
圖長卷讀盡評詩微意謂君一時事落落焉  
有豈非為言靈詩賦意謂君一時事落落焉  
知君有義女者回河人也其時湯析流乘亂  
鬻賤者不知凡幾而君見其女特厚其值顧其

味辛草卷七

貌歎曰此良家子也遽命拜夫人為母蓋儼然  
吾女之矣擇某氏子為婿亦既抱子而君遂  
以外大父居之不疑云嗚呼窮桑不少餓人食  
惟感夫宣子魏顆能從治命草遂結於杜回充  
斯樹隱驚風雨感鬼神塞天地橫四海將無之  
而不可豈惟詩文之足為君重哉嘉慶初金陵  
秦中丞子告歸里於秦淮水榭得二教坊女殊  
色也每於絃索之際而露悲婉之聲中丞心動  
以千金贖歸畜為己女配兩佳士且豐其奩一  
時盛觀其事諸聲歌君義女之舉洵堪並傳  
若僕者家世清貧頻遭水害亦嘗奮臂而全已  
破之家傾囊而救已溺之命力小任重自知不  
勝然見義必為善尤樂君近厄于火而慷慨  
好義者風即備將  
來志乘之採擇焉

咨嗟復咨嗟有女隨波逐蘭芷下湘流芙蓉委江濱  
江  
濱水連天誰復辨陵谷陵谷倏變遷人民葬魚腹問女  
來何方遠在荆沔問女屬誰家姓氏或其族父兮胡

不生母兮胡不育胡不攜弟昆胡不借伯叔而乃質質  
然甘被市廛鬻可憐女無言掩面吞聲哭先生惻然傷  
誰言奴若僕亟呼老妻來即為吾女畜阿爺市釵裙阿  
娘具洗沐阿姊理鬢鴉阿妹施粉綠海上此扶桑寄生  
良亦足悲哉薄命兒墮溷胡族簇我昔遊金陵爭唱秦  
樓曲不惜千黃金為買雙白玉視乃洪厓翁後先如接  
續嫁婿亦龍鳳生兒即骨肉此義人安知此義天為賜  
我本古劉生樂府例應屬衍為義女行一風燒濟俗

射粉團圖為旃翁索題 有序

天寶前端午節進角黍粉團  
明皇命宮人射中者始得食

知是開元全盛日粉團角黍作端陽綠槐陰裏排紅袖

味辛草卷七

三

戲挽羅襦引箭囊

小小瑀弓月樣彎條條羽箭寵恩頒不知女伴誰奇中

合折榴花插鬢鬟

開元遺事唐明皇嘗手折  
千葉石榴插妃子寶冠上

射覆紛紛更射鈞宮中百戲本風流一聲鳴鏑羣花笑

爭似三郎中綵毬

端午後日丁衡泉招同王古舫遊梅子山古舫高

興寫畫酌余作詩紀事因憶癸未修禊于此壯

丹盛開名士美人畢會吟壘得毋今昔之感乎

小小遊山亦有數忽水忽風天忽漏月湖湖西梅子山

山隔一湖不可渡我別此山二十年譬諸良友欣相遇

咫尺乃復成天涯此情安得遲且暮梅子方熟梅天寒

賈勇拚戰雨風住風伯退走雨師降義輪轉為山靈助

登山亟尋舊詩壇壁間不見紗籠護牡丹庭砌問花王

國色天香今何處老僧曾送詩料來此景何堪重回顧

舉頭忽欲問紫雲紫雲觀邊生煙霧濯足未免想滄浪

滄浪館外飛鷗鷺此天空海濶情寄我流水高山趣

千秋識曲復幾人古來牙期空追慕幸有摩詰老畫仙

古墨欲傾金壺注舉觴更酌鸚鵡杯豪哉主人今丁固

我醉方欲發豪吟怒濤又起老松樹臨湖峭壁上鐫海  
濤天空四大字

驚蟄前五日雨中簡石樓柳菴兩翁

苦吟三日竟無詩大索枯腸九轉時一夜笳聲遙斷續

五更風雨太迷離花開杜曲傷為客酒醉平原舊有期

味辛草卷七

四

底事孫山山館外春雲如冪柳如絲

疊韻答石樓柳菴

燭分紅影眼搖波敢道破囊有太阿夢裏驚雷天半落

江頭春雨枕邊多友朋心緒紛于縷鄉里情懷亂似莎

為報幽蘭花又放詠梅人到復如何

留別女弟子孫紫香

不課謝家嬌女詩匆匆又是早春時蘭閨未免增惆悵

花事何堪問可離自是才華同左鮑親來杖履本牙期

余與乃翁文字交  
垂二十餘年矣鴛鴦繡就還須看豈為平原始買絲

庭階花影漾簾波小字排行第幾阿閨閣門生原不少

女中博士恐無多好從針孔穿珠字莫向天涯怨碧莎

此去梁園重咏雪因風柳絮意如何

疊韻寄懷段小笨范白舫洪旃林江湘雲諸先生

暨丁衡泉老友將重遊海岳用識別懷

人無消息託新詩又是東風二月時杖履逢人知老健  
行吟笑我太支離一宵燈火船初放十日黃陵醉不期  
攜手莫言往時事心情萬縷復千絲

百尺蚪松千頃波南州北海又東阿建安諸子交情重  
楚國離騷感慨多到處風花尋舊壘五湖煙水漲青莎  
白翁將赴揚州江樓玉笛紛吹雨爭奈行人遠別何

附錄紫香女弟子送別詩

武昌楊柳好吟詩漢上題襟趁此時春色先生歸杖

味辛草卷七

五

履辨香弟子惜分離論交不乏孔文舉識曲行逢鍾

子期應有洛陽風土記看花一路鞞青絲

塵生羅襪迴凌波復有幽香發澗阿筆底生花真可

擬客中題句果然多謂水仙梅每思楚響來空谷幾

度閒庭長綠莎方喜追隨又離別迢迢南浦悵如何

由後堡緩步歸偶作

遊興動春霽東風送小舫水添半篙綠天歷萬山青煮

茗村厨遠吟詩野老聽兩家有祠墓巖壑暮煙局早春

借放艇子

煙露山

斜日在林麓芒鞋踏亂山煙巒爭起伏石徑故彎環差

喜吟響健渾忘倦鳥還不知孫綽句重疊出柴關石樓

疊韻詩早在容席致剪  
燭明論一過頓忘神倦

題鳳瞻小照

結茅巖石阿泉流當戶牖照人心跡清塵慮空所有松  
風天際鳴竹陰橫半畝稚子何處來而翁方坐久

壬寅二月初將由大梁之晉燕過漢上和續春

唱詩

東坡久不作春帖孰摹之一彈水仙操更吹楊柳枝騷  
壇高唱入爆竹亂喧時此是陽春曲歌應付雪兒

洪少翁招集問青閣疊韻話別

古來燕趙地我欲車驅之慷慨悲歌士關山榆柳枝兩  
河正春水二月好天時倘得三過奏正平良可見

味辛草卷七

六

味辛草卷七

同里盧靖校刊



車驅後草卷八

沔陽劉興樾

滎陽

說到滎陽我亦豪書生匹馬筆橫刀氣凌叱咤關河外  
歌入風雲戰壘高豈有杯羹分置祖更無倉粟肯捐敖  
可憐左肅兼黃屋漫數區區汗馬勞

汜水

一弔成臯古戰場悲歌忍下泣千行英雄成敗原天數  
壁壘縱橫各霸王地阨秦關形險塞山臨廣武氣飛揚  
乃翁底事頻捫足遺鏃今猶拾道旁

鞏縣

車驅後草卷八

滎陽題罷又成臯一宿郵亭夢尚豪鷄口河聲分鞏洛  
馬頭山色識嵩高中原倍覺金湯固故壘猶撐鐵壁牢  
曾是東都稱捍蔽摩挲寶劍未容收

天津橋

天津橋下春水生天津橋上春草平知是洛陽風景地  
耳邊惟聽杜鵑聲

香山

擲筆伊川一水隈香山高處耐低徊袖中亦有新詩本  
剛自杭州帶得來  
白傅當年有畫圖圖中人在我將呼倘教圖畫重新寫  
肯着行吟客子無

峽石道上大風

山峽盤紆石亂堆碕礧叱馭費遲徊刮天聲送千峯去  
捲地塵飛萬馬來行路底須愁蜀道渡河還欲上金臺  
將渡茅津由太可憐一種泥鴻爪印到沙中幾萬回  
原出獲鹿入京

函谷重題

一語殷勤謝項王將為他盜備非常可憐三月阿房火  
了却焚書事一場

省妹茅津將重遊晉陽曉珊妹丈贊府賦七律一

首寓留情見乎辭元韻答之

艱難楚塞復秦關執手何堪涕出潛千里晤言紛剪水  
十年愁思亂堆山祇應河上人同聚敢說并州客又還

車驅後草卷八

容易天涯賢弟妹心情寫出一般般

喬見齋方伯時護撫篆

屏藩高出古唐城南國人來望亦驚江漢精華喬太尉  
趙韓軍帥晉名卿肘懸三印千官上現權巡撫提督  
層樓五岳橫撫垣御書樓後景土為山象五嶽真形領畧寶賢堂上意寶賢

堂法帖碑刻楚珩荆璞定關情

海嶽豪遊過十年并門會灑墨花圓詩歌喬嶽誰思和  
文重邱明肯讓先吾鄉邱南屏先生曾撫此邦絕大淵源涓口水無

多祈禱晉陽天左書遺冊行吟卷要託青雲護一編

潼關

函谷一九泥可封潼關四扇日當中將軍守關有勝算

鎗卧半段何從容漁陽鼓聲將死滿天楊花狂風起  
關門登時魚鑰開將軍痛哭天為哀潼關從此竟不守  
罪歸將軍罪何有我叩關門一悲呼繞關潼水流嗚嗚  
將軍一死復何如

聞萬城隍潰

聞說荆南保障摧驚魂一夜散奔雷黃河水本從天下  
涿洞源真迸地來怪鱷妖螭驅未遠九牛三象挽難迴  
堤上九鐵牛象鼻石  
破三處皆鎮水者 下游我有邱園在誰遣滄桑又一

哭段小笨先生即代文祭之

小笨先生馬牛元韻遺詩余既奉和四首矣然  
撫膺尚多未盡之意先生生平嘉言懿行自有

車驅後車卷八

名公傳誌第就余所欲言  
者言之用抒哀忱云爾

三

嗚呼先生吾父執八十二年如一日古昔賢豪重交情  
今人何必讓古昔回憶兒時謁公時竹枝傳唱漢江湄  
公嘗作漢陽竹枝辭十首  
豔傳一時曾於童時誦之 我亦畧解詩中趣從此相遇  
如阿宜先生家在鄂江渚吾祖吾父交相與振衣一登  
居俟堂家人情好紛難數先生一嘗過吾家一葉扁舟  
泛煙霞先生為客吾父主神仙中人人咨嗟嗣後風雨  
復聯榻荆南形勝齊安接攜手還上小別山春花秋月  
兼暑臘有時人謂龐德公直造德操中庭中庭中妻子  
兒若女爾時形迹都消融有時人謂鮑與管取財或多  
意各坦不信阿兄重孔方但知我輩有急緩有時人謂

仲子由車馬何物况輕裘與子同袍更同澤詩人之詩  
斯千秋然此云云世亦見一事關心偏眷眷但說辛卯  
禍水來廬墓蕩析滄桑變願我尚存破錦囊壯我遊興  
傾我觴匹馬一鞭三萬里狂歌為破蒼天蒼萬首新詩  
壓歸轡一回質公一沈醉敢道雄傑橫九州雄傑橫九  
州問文毅  
贈海嶽差吐行吟氣去年振策渡黃河高恆岱華相捫  
羅三楚陽侯復多事先生此去徒悲歌我讀遺詩淚如  
雨馬鬣牛眠空和女先生家世正熾昌孝子慈孫復何  
語嗚呼先生如有靈誦我此詩鑒我心生芻一束其可  
矣嗚呼先生來享臨

車驅後車卷八

四

渡湘草卷九

河陽劉興棧

題松廩司馬山石牡丹畫屏

我聞洛陽錦千堆千堆萬堆高崔魏君乃移向長安去  
長安種成牡丹樹君樹牡丹如樹人人與牡丹同千春  
牡丹本為羣花冠其人突出河陽縣河陽二月咏穠華  
豈比姚家與魏家君曰姚魏空復爾看到子孫斯可矣  
羅鄴牡丹詩看子孫能幾家子舍孫枝果何如且將牡丹入畫圖一  
樹牡丹一巖石嶒嶸層累匪旦夕君為此意畫牡丹君  
乞我詩書巖巖我向春風發長嘯詩成直教牡丹笑君  
不見李鄴侯金紫往還殊風流又不見陶宏景富貴肯

渡湘草卷九

許山中隱

城陵磯守風戲祝湖神

楚妃日日奏南薰舟子停橈不願聞我是行吟海嶽客  
詩成爲告洞庭君洪都終夜誰千里赤壁何妨助一軍  
此去長沙思作賦片帆將破滿湖雲

岳陽樓

我來大有神仙意絕勝仙人控鶴來天外芙蓉落襟袖  
洞庭春色倒尊罍更無憂樂希文想孤負乾坤老杜才  
西望但從岷嶓祝奔流到此要飛廻

君山

湖上山光滿郭青青山何處問湘靈風飄雲岫方搖曳

望裏烟鬟又皆真爲爾一彈水仙操莫教三楚旅人聽  
祇今腸斷斑斑竹和雨和煙滿洞庭

湘夫人詞

雨裏煙鬟淚墮時湖邊寶瑟耐人思可憐帝子蒼梧怨  
只有蕭蕭水竹知

泊靖江港夜聞吳歌

靖江港內米千艘燈火深宵滿舵樓忽聽吳娘歌一曲  
畫船簫鼓夢蘇州

長沙

漢家藩服楚南開遷客騷人總費才芳草亂生賈誼宅  
落花愁上定王臺畫中城郭瀟湘影江面青蒼嶽蘆苔

渡湘草卷九

漫道古來卑濕地高峯七二極天來

磊石山

磊石山邊石亂堆一山翻作兩厓開此山三面臨湖蛟  
泊舟處曰龍窠蛟  
龍勢吸全湖水波浪聲喧百里雷幾處浮家開小市偶  
聞柔艫賣新醅不能沉醉醒何事且聽漁歌別浦回

岳忠武平楊太處感懷有作

昔在建炎年盜賊乃讎起楊太穴洞庭其鋒更難弭官  
軍敗鼎江大書宋高史嘗聞太用兵波譎而雲詭水攻  
則登岸岸戰復入水火兵陣以舟舟盈湖湘裏太舟行  
以輪輪飛疾如矢頃刻渺茫間縱橫八百里淵藪未能  
窺荏苒安足比所以王瓌軍剿捕輒披靡奇哉岳家兵

自天飛來矣飛來洞庭湖八日太死彼厥算一何神厥  
功一何駛以賊攻賊心以賊傾賊壘人持一把茅飛輪  
如縛趾太乃褫其魂太乃窮其技號令屹如山早呼岳  
節使良由公生平先聲雷灌耳文官不愛錢武將不怕  
死况乃忠孝心橫塞天地海桓桓張相公爲公竟留此  
堂堂南宋君命公先有旨旨曰咨爾飛平么厥惟爾向  
使君臣心任公相終始提戈搗黃龍痛飲一彈指豈惟  
八陵安要雪列聖恥車駕回中原周宣漢光美作詩告  
公靈庶幾余言是

疊聚星堂韻卷十

河陽劉興越

小寒後三日黃鶴樓對雪奉懷光栗原方伯

江雲寒壓千林葉江樓危聳一天雪我披仙人鶴擎衣  
倚闌詠雪殊快絕醉墨當年潑壁間癸未臘中大雪連日登樓題壁因得  
七古橫斜敢學斂股折迴首風霜十數更墨痕擬化煙  
雲滅詎意先生奇賞之方伯前自楚北乘舟赴閩時公  
唐謂如碧海鯨魚掣一聲玉笛忽橫吹樓頭亂落梅花  
瀨今日登樓望燕雲六花滿天紛飛屑闕山千里浩無  
涯江天一色渺難管想見燕寢香凝時瑞雪頌陳豐年  
說但願建節制楚荆重詠鄂王古時鐵先生分巡荆南會以江陵入觀

疊聚星堂韻卷十一

詩屬越和作入王寺古鐵其一也相傳古鐵為岳武穆遺跡

次日又雪重登鶴樓即景感懷奉寄栗原方伯

欲仿右丞畫蕉葉寫出江楚滿天雪北望雲夢南洞庭  
浩浩茫茫人煙絕我聞江漢俱朝宗奔流入海只一折  
如何冬季水落時泛濫汪洋勢未減猶憶先生巡荆南  
斬蛟急於六丁掣鴻鴈千羣水為家俸錢一擲風散纈  
丁亥江陵監利兩邑隄潰流亡無算先生捐俸倡發米粥衣席草具各物民賴以安老羸頓活億  
萬人壺漿手調米鹽屑一絲一粒一束芻躬親顧視敢  
輕管我亦廣廈以內人濫竽亦復資講說知公心繫舊  
治疆重來何勞牛鎮鐵乾隆戊申荆州萬城隄潰下游州縣皆成巨浸畢秋帆尚書制  
楚請督修工竣鑄九鐵牛鎮之至今利賴堪垂不朽

臘日雪霽胡素亭江湘雲連日招同周笑梅家與

香小菜梅史兩公子小集即懷默園觀察兼送

兩公子北行

故人沽酒燒黃葉攜手南樓看積雪仰天一笑倒一尊  
纓索那禁淳于絕我輩落落塵世中肯學傀儡腰輕折  
縱論豈甘讓古人英雄使君操可滅平原公子與更豪  
醉筆故撩顛旭掣同是登樓舊賓僚酒酣一一青衫纈  
臘鼓偏助孔兄驕圍鐘且飽雲母屑迴首枯桑鳴天風  
默園先生有冬桑四律歲寒時日去如管人生聚散本無常世間  
公道猶有說請將一語寄燕臺可惜武昌真鹽鐵

大相國寺聽講大雪不果因書廟壁

疊聚星堂韻卷十一

二

相國法師翻貝葉忽逢梁園滿天雪初疑花雨飛繽紛  
麟厓驚嶺都隔絕拔劍撞鐘無聲擲玉敲磬磬空折  
我與老僧且參禪佛家何起復何滅老僧低首寂無言  
法幢一任風吹掣因思王播題詩歸碧紗籠處花生纈  
得句誰獻紫瓊霜揮塵誰聽清玉屑詩家三昧一在斯  
要求我佛慧眼管六花戲作頑石堆似欲學聽生公說  
參禪不覺雪淺深早沒寺門鼎耳鐵

留別作有序

霖雨次旬山水漲發不能成行曉珊妹丈復借  
章州柳漁湖潯陽傳凌烟丹徒張述菴皖江羅  
子封吾楚李仲山周解亭諸明府易寶田  
幕府連日祖餞且命小伶侑酒醉酣成此  
纓為金井桐飄葉仰觀銀河波翻雪銀河夜夜落九天

人間關山都阻絕遂使海嶽行吟人不教秋柳臨岐折  
玉管金尊日復排畫燭紅燈夜不滅落落四海兄弟行  
搖搖雙管生枯掣或把闕海珊瑚枝或將吳江綾錦纈  
楓葉蘆花送客情蘭芷荳蕪離騷屑惆悵更有秦少遊  
離筵忍指淚眼瞥但恐此去黃金臺未必郢書成燕說  
怕聽門外駕驪車惜亂車鐸東東鐵

華山有序

余游華山之長值風雲忽起因憶唐時有士人  
榜渭水上岸一葉葉長拾置諸懷登山未半覺  
懷中葉冷如片晴時欲動少頃雷震驚風雨  
大作懷中葉化龍飛去矣方欲裏足天忽放晴  
日照三峯光華萬象真奇  
觀也遂賈勇造絕頂焉

跨渭何人腦懷葉游山忽驚龍噴雪疾風猛雨挾奔雷

疊聚星堂韻卷十

三

游者至今爲駭絕我下嵩陽渡大河西望太華路干折  
雲巒一重樹一重三峰不向天外滅忽如玉女洗頭來  
忽如仙女高掌掣中間一朵妙蓮花煙嵐都成采翠纈  
我欲作事投華神句不驚人詎吾屑攬衣一上三峰巔  
秦漢晉唐胡飄管舉手還欲捫星辰借証昌黎仰天說  
壯觀恰喜日方升光射潼關四扇鐵

七月十五夜霽園玩月寄雲伯

颯颯涼風蕭蕭葉霽園山頭月如雪我來對月更當風  
風月如斯稱兩絕雲伯老人騎黃鶴登山固應屐齒折  
如何良夜緊閉關隱隱夢隨山雲滅先生自言得真禪  
寶筏日事金繩掣青衫忽變錦袈裟天花紛作袈裟纈

我聞佛門四大空空明豈庸著纖屑若論皓月証禪心  
今夜胡弗睜眼瞥我在山巔月當空絕妙禪境爲君說  
一笑更喝月倒行清輝照君門限鐵

荆江隄潰

太守語我龍化葉謂漢陽楊  
蕉雨郡伯荆江倒海濤噴雪西南縣  
邑盡陸沈是處隄防都決絕荆州地居沔上頭水勢建  
瓴無紆折吾鄉又出沔之東想見鄉園一漫滅怒衝空  
有軒校心奈無孝侯劍可尋回憶辛卯沔水來墟里人  
民漚散頽禍水方息幾何時廬墓又激波浪屑傷哉鴻  
雁一哀鳴天際紛飛安忍瞥力挽狂瀾將望誰此情還  
爲太守說幾日隄防固金城牆鑄生銅壁立鐵

疊聚星堂韻卷十

四

秋蝗

收蝗多在菰蘆葉何若深埋三丈雪雪壓一重冰一重  
直教茲蟲種類絕去冬冰雪亦復多今年羽翼應自折  
如何秋來水橫流虐似陽侯剿不滅紛紛結陣貼天飛  
恍惚黑雲亂翻掣接翅忽又下西風葉落洞庭鋪細纈  
我欲籲告眾波臣張口吞吐勿吐屑賤子悲秋斯更悲  
計種二麥在畝瞥乙未之夏丙申秋書蝗書水人何說  
殷勤寄與捕蝗人攜鋤快磨鴉嘴鐵

疊聚星堂韻卷十

同里盧靖校刊

海嶽行吟草附錄

沔陽州志卷九 人物志 文苑

劉興樾字蔭喬號梧孫少負雋才以廩貢就京職觀石鼓文歷燕趙河洛齊魯吳越諸名勝皆紀以詩一時名流如陶雲汀陳芝楣陶鳧鄉諸先生皆延為上賓所繪梁園醉雪圖海嶽行吟圖題詠殆遍自號海嶽行吟客即以名其詩集又有梧孫古文嘗書江漢炳靈四大字刊石於黃鶴樓估客摹為至寶兵燹後靈字猶存

湖北詩徵傳畧卷十四 孝感丁宿章

興樾字梧孫號蔭喬別號海嶽行吟客有梧孫詩艸

自童時入家塾叔姪兄弟各言爾志率以魏科顯官自

附錄

一

期至余則以為他日倖博一衿食一餼接吾家書香便當學向禽作海嶽閑人奚囊中積幾卷詩法帖內臨幾種字不至登牛山而流涕沾衣上峴山而感嘆漸滅斯亦可矣洎二親見背婚姻始畢慨然振策為萬里之行風雪關河肌膚起粟雖呱呱之聲酸鼻震耳不顧也所詩率成於車馬控送之間詎免吾黨之訾議况文人相輕自古已然吾第言吾之志而已志在山水則恣其憑弔志在友事則發其天懷不汎愛古人亦不菲薄今人

節先生自撰詩序

梧孫詩才敏捷風發泉湧七言律最近許丁卯工行楷儷語嘗受知於楊介坪中丞居沔之白湖每遊江漢道

出櫛湖必過余晚香山館賭酒角詩盡歡而去和余咏梅云同此愛梅癖前身或姓林山深微見雪夜靜忽鳴琴不辨古香處時聞流水音斷橋斜畔路攜手一相尋

石樓詩話

成廟時吾鄉稱詩繼白菴而起者其為丈平丈襟度瀟灑善談名理古詩波瀾橫溢當其奮迅馳突直欲辟易千人如陳橋驛小西涯卒將軍寶刀歌諸作是也近體尤工詠史冥心獨造語近情迨至其筆鋒精銳議論英爽舉重若輕聲出金石實有突過前賢之處丈所在公卿倒屣如陶雲汀林少穆李石梧張詩胎諸大老皆引為布衣交推襟送抱文酒歡譙無虛日余童時先子曾

附錄

二

攜謁丈於劉孝長先生座上鶴髮癯顏藹若春風乞讀近著即叩所引故實見余援應無滯喜語先子曰此子有俊才勿令為時文所誤也白頭故我深用赧然雪窗輯詩及丈因類誌之又聞之先子曰丈遊踪所至即取閱其邑之志乘凡名賢勝蹟無不入詠舡唇馬背擁鼻唵哦苦索冥搜至老不疲有一詞一意落前人窠臼者又必塗改至再至三而後已是集中傑作最多嗜嗜不能盡登僅摘佳句以當五侯之鯖云桓侯廟云身是燕人慷慨易世無昭烈死生難赤壁云英雄難得誇年少名士偏能殺賊多汜水云英雄成敗原天數壁壘縱橫各霸王洛陽云山川雄踞中原勝龍馬靈開萬古蒙知

除卧雪無高士不信凌波有美人又前四句云杜鵑聲裏送殘春緩步橋頭大有人吾黨無端分閩蜀當時未免愧安民朱仙鎮云中原廟寢心甘棄南宋君臣意可知大梁懷古云望京樓上一徘徊天上黃河落酒杯盛氣竟思吞牧澤遺音何處覓孫臺四首後半云宣和書畫方成譜花石君臣又有綱一種汴河嗚咽水至今流遶宋宮牆游梁祠云氣壓王侯原善養力陳仁義本良能不妨禹德爭高下何必齊遊辨後先俎豆儼陳梁禮幣雲霓猶望晉山河包孝肅祠云賢守有心宜北面黎民無事問南衙又次首前四句云思公一笑比黃河此去黃河路幾何儘見童蒙呼待制信無關節到閻羅又

附錄

三

肯教硯珠端溪石幸免名鐫黨錮碑宗忠簡祠云南宋挽回天半壁東京涕淚渡三呼邵康節祠云與世無猜黃叔度斯人有道郭林宗觀三殿陳設云大禮賦斯杜工部帝京篇妬駱賓王丹陽懷古前半首云將軍生子竟何如但覺阿瞞氣已除基業自開吳大帝童謡空應武昌魚二程祠云指奸忍出大蘇氏立異偏逢拘相公我來悅入春風座此去誰探立雪門明孝陵云前明太祖高皇帝故國鍾山此墓門鞏縣云雞口河聲分鞏洛馬頭山色識嵩高望西山云積雪噴飛羣壑去西風吹送萬山來送王漢南偕姪雨嵐之荊州陶觀察幕中四句云知己爲依陶侃幕開懷先上仲宣樓藉難吳楚行

千里容易江湖共一舟雨夜渡河云雲景倒垂山壓艦秋聲高擁浪鳴鼉

萬安橋對月懷江湘雲云客中安最好言至萬安橋橋上望明月船頭生暮潮一聲長笛起四面碧雲飄恍入江郎夢黯然魂欲銷黃鶴延秋圖云自是謫仙子放歌崔顥詩樓頭有涼月笛外吹輕颺一我展君畫千秋空爾期聊爲采蕭詠倚檻今何時滎陽云說到滎陽我亦豪書生匹馬筆橫刀氣凌叱咤關河外歌入風雲戰壘高豈有杯羹分置相更無倉粟肯捐放可憐左蠶兼黃屋漫數區區汗馬勞昆陽懷古云天教漢業起春陵一戰昆陽旌莽新光閃電雷廿八宿氣吞虎豹半天人不


附錄

四

逢大敵安能勇似比高皇更有神井底蛙空銅馬歎夕陽猶照舊城闈關陵云一卷春秋大義彰肯將生死負天王建安故鼎原沈洛東漢諸陵況在邨抔土直凌嵩嶽上寢宮還近解蒲鄉恪恭謁廟虔瞻墓國士風傾亦氣揚黃天蕩云千里樓船百萬師韓王曾此大兵威金人膽落龍王廟鐵甕颯連燕子磯旦夜鼓鼙捷浪立旌旗龍虎拍天飛如何計敗書生語湖上騎驢緩緩歸錢武肅王廟云英雄割據痛殘唐衽席蒼生此一方堪享千秋兩浙祀最難三世四賢王銀牌書下蛟龍泣鐵券恩深日月光潮汐至今猶勢怯三千勁弩在弓囊長沙云漢家藩服楚南開遷客騷人總費才芳草亂生賈誼



宅落花愁上定王臺畫中城郭瀟湘景江面青蒼嶽麓  
苔漫道古來卑溼地高峰七二極天來岳陽樓云飄然  
大有神仙意絕勝仙人控鶴來天外芙蓉落襟袖洞庭  
春色倒尊壘更無憂樂希文想孤負乾坤老杜才西望  
但從岷嶓祝奔流到此要飛回鄴中云七子紛紛菟擅  
塲一家樂府自宮商建安忽變黃初局知落騷人淚幾  
行蘄州云蘄陽江上雨瀟瀟白浪掀天氣更驕解事舟  
人爭艤棹好山新翠落詩飄放鶴亭云矯矯雲中白羽  
衣焚籠何苦室天機解人只有林和靖一任青天廓處  
飛韓蘄王墓云滄浪亭畔翠林園又向靈巖拜墓門想  
見騎驢湖上去殘棋一局最銷魂



有奇

田

田

田

田

蔣	屋	如	厓
氏	校	月	涂
慎	印	著	凡
脩	甲	始	告
書	策	丙	成

小傳

姚必成字西農溧水人居江甯資性方嚴不苟同於俗以詩賦爲馮宮允桂芬所賞光緒十七年拔貢生選授崇明訓導未赴經亂轉徙無定南望鄉關輒隕涕發爲詩歌以寫憂同治三年卒於上海卽江甯克復之日也著有吳門詩存袁江小草

金陵叢書  
廣氏校印

西農遺藁

金陵叢書丁集之十三  
溧水姚必成

樂府二章

鹿斯奔

鹿斯奔九江來鹿從九江來追者狼與豺豺狼逐鹿入城裏  
嚼鹿草間鹿亦死吁嗟爾鹿曾食草吹笙鼓瑟揚王廷胡乃  
縱獸戕生靈可憐因獸不知鬪墮中之鹿無人覆

園有葵

園有葵心向日豈風西南來葵心不復直杏爾園中葵葉大  
枝蕪蕪移栽別圃夫何爲我聞葵有智智能銜其足嗚呼葵  
兮但衛足哀哀草野同聲哭

葛芝山殉節詩

芝山名儲上元人

毒不藥仰鋒不刃務水不滅頂火不灼眉脛不經雉吻不餓  
鷓鴣生死法何太奇葛生何人葛生醫賊來誓以死殉國慷慨  
從容兩不得置酒喚婦飲昇棺作安宅死後入棺喘僵魂  
生前入棺凜毅魄召子姓呼親朋友冠而敘飾盜棺椎斧聲  
登登旁人環列呼不應嗚呼葛生醫士耳無官無守可無死  
生乃獨以活爲恥地下含笑挈妻子

張鵬頭歌

張任漢也

張鵬頭金陵俠身爲好男兒名類賤婢妾婢妾重守貞男兒  
重橫行心守貞兮身橫行任人呼我鵬頭名鵬頭頭雄一  
鄉鬪雞走狗遊俠場鵬頭鵬頭力如虎晚節蓋徹學周處威

豐三年春二月狂寇蔽江來楚粵花濺萬家淚草漉滿城血  
鴉頭陷賊中目背一雙裂同心恨少殺賊人傷哉孤負腰間  
鐵那原張生謀襲警城中聞有張鴉頭夜深造膝延訪一  
見密如膠漆投鴉頭再拜謝張子先生何爲乃如此先生膠  
庠彥家世承簪纓鴉頭何許人區區市井氓先生誠不鴉頭  
棄歃血願與先生盟是時大帥營城外密結賊中伺賊懈張  
生微服夜詣營預約援兵待大帥鴉頭受令心膽豪夜深  
報磨寶刀磨寶刀邀其曹神策門高復高斬關奪隘奪不得  
夜賊初不閉城是手刃數賊潛蹤逃賊驚有變捕張急大索十  
日張就繫鴉頭密語張先生君慎勿承眞姓名爲君脫險我  
經營何物獸醫沈沈不獸若讒之于賊賊來縛頭囊木身

丁十三 姚稿

金陵遺書 廣氏校印

貫索械紫手鑄墊脚鴉頭了不畏談笑意自若賊脅以刑肆  
殘虐鴉頭俯首就炮烙鴉頭自念市井氓知己幸遇張先生  
先生死固泰山重鴉頭死豈鴻毛輕未幾張生飲賊刃鴉頭  
旋亦身同殉男兒死耳安足論食毛踐土皆王臣一死庶幾  
酬 國恩嗚呼鴉頭爾死矣鴉頭雖死固不死萬人嘖嘖稱  
鴉頭鴉頭之名將千秋我不識鴉頭生平作何狀憐爾忠心  
忠義爾壯壯壯作歌勒爾幽宮銘招魂遙隔楓林青一篇敬  
代卮酒奠鴉頭鴉頭儻有靈

題周還之無題詩并引

周子還之以安仁作賦之年抱庾信傷時之恨時則金陵  
瓦解玉壘烟飛劫滿紅塵冤沈黑獄憔悴姬姜之族拆盡

鴛鴦悽涼王謝之堂不飛燕子無家賦別幾于巫峽猿聲  
舉國若狂翻學楚人賦舌入穴者難探虎子出關者半數  
雞鳴君上有衰親下餘弱息絕裾未忍深譏溫嶠之非微  
服相從暫避鍾儀之繁念恩情于毛裏嘗辛苦于賊中誦  
都官結綺之詩悲沈白下倚織女支機之石君人爲其  
恨寄黃姑則有安世忠貞留侯計畫圖而藏七  
首浙米而借矛頭志在復讐忠思報主腹 鯉音書遠  
達重關心有靈犀消息暗通一點君乃爲劉氏而左袒運  
龍生之智蕞寡子弟于三河得少康之一旅方擬斬樓蘭  
于塞外直剪渠魁得董卓於車中立戮大愆何圖師漏竟  
至儒坑褒馬革之屍精能貫日滴鵬曉之血冤莫呼天君

丁十三 姚稿

金陵遺書 廣氏校印

以牽連幾遭陷阱爰營兔窟得越鴻溝孝子思親愛日幸  
依遠道小人有母望雲尙隔重城雖羹湯賴洗手之人而  
釵鏡之同心之侶當永和之禊日陌上花紅咏天寶於當  
年江頭柳綠固已文通賦就宋玉悲多矣余于甲寅季春  
晤君子中下村秋氏宅萍蹤偶聚絮語重溫誌恨事于燈  
前出新詩于袖裏鮑家句唱慘逾薤露之歌表聖評成密  
比花風之數譜怨情于春女錦織迴文仿豔體于冬郎絲  
成儂色當其歌傳白傅曲唱紅兒好色託之國風怨誹抒  
于小雅詩言其志何妨降格而爲情見乎詞都是斷腸之  
響痛煞蛾眉十萬永巷長幽恨他虎旅三千雄城不取嗟  
予苦守春深燕子之樓笑爾甘心豔說鷺兒之帕比例有

同於錦瑟謳歌何借乎銅琶此則屈子離騷香草美人之  
夢杜陵秋與珠簾繡柱之辭也嗚呼日運方中天心竟醉  
惟不中于博浪曲空顧于當筵有志未成君嗟怪事傷心  
不已僕亦恨人比高潔于孟嘗空懷報國感飄零于王粲  
久歎離家回頭眺鍾阜之雲顧影慘鄴州之月大丈夫不  
得志寶劍背磨兒女子有深情瑤琴夜訴聊吟短什用副  
長歌敬請鴻裁無咄紹續

經歲故人別相逢倍愴神杜陵悲散亂關府擅清新聞裏紅  
顏婦堂前白髮親春風尚多厲珍重此吟身  
報國一心誓空拳憤獨張警韓政死逃楚伍員亡紫氣迎  
函谷仙詩小紅雲捧帝鄉仙都何處覓惆悵咏曹唐

十三

統稿

四

金陵書  
唐氏校印

一卷西崑體生花舌榮蓮寓言存十九塵劫墮三千亂世才  
人感名都美女篇舊薇新盟手讀罷意纏綿  
淪落天涯慨今吾異故吾幾回傷往事一樣泣窮途本事詩  
堪賦同聲調不孤歌呼聊舉佾悲咽聽鳴鳴

長歌慰王藕生

藕生磊落青霞氣先世蟬嫣金紫貴瑯琊大道豔聲名烏衣  
舊族標門第烏衣舊第上新河明鏡雙橋跨綠波祖硯流傳  
珍紫玉 賜書稠疊裏黃羅尊人夙紹青箱學五鹿談經折  
其角令子趨庭鯉訓承玉昆輝輝花尊藕生綺歲擅聰明  
秋水瞳人翦目睛細瘦通眉長指爪明如叔則玉山清秋風  
棘院頻懸戰咫尺鵬程翥薦壯夫小技悔雕蟲藏書且復

鈞探徧丹黃點劫腕無停象緯縱橫攷列星司馬文披扁鵲  
傳青烏術訂撼龍經高齋十笏朝烹茗自謝人間清福領登  
鼓湘江破浪來梧桐月暗筠簾影全家襁被整輕裝菱水西  
偏古柏塘舊壘不堪尋紫燕危災幸喜脫紅羊父兮依子姑  
依婦骨肉團圓樂重聚首琉璃其奈不堅牢噩夢無端驚夢白  
人生嘉耦最相憐况復干戈搶攘年故里回頭悲淚咽深宵  
迸血聽曉鷓分明別鶴離鸞調不是當時錦瑟絃曾誓衷情  
堅似石爭禁淚睫瀉如鉛清明節近桃花冷陌上相逢潘駒  
省沽酒墟頭敍苦辛翦燈窗下餘悲哽天涯我亦感萍飄拾  
橡空山不自聊舊侶鴛鴦嗟闕別重關虎豹慨迢遙即今寇  
孽猶雲擾顛倒眾生同懊惱多少叙君困棘荆何如瓊瑤歸

丁十三

統稿

五

金陵書  
唐氏校印

蓬島一言我擬塞君悲自古同心願易違神女生涯原是夢  
建觀何必鼓盆非君家世澤承管組君學淵源擅稽古他日  
重歸通德門長卿甯愧題橋柱我爲王郎歌莫哀酒酣拔劍  
樽重開君休兒女情傷感珍重驂驢萬里材

示內子

更無紙開與蘆簾何處誅茅葺短檐南國酸文悲庚信青溪  
故宅冷江流心絲灰散書千卷髮影蓬飛鏡一區增繳從今  
差可避好將比翼學鸚鵡  
溧水任茂才塏烏山陣亡詩  
釣臺遺澤世家存神樛風高處士門茂才之祖以孝可傳家  
忠報國路人嘖嘖說文孫

蟻賊縱橫蔽野來  
書生授命劇堪哀  
島山山下旌旗暗  
毒霧愁雲鬱不開

誓爲厲鬼學睢陽  
一夕陰風葬國殤  
忠憤滿腔何處洩  
血痕點點送金瘡

城郭今看故里完  
干戈回首尙心酸  
遺聞我向芹宮采  
他日重編待史官

偶成

酒不攻愁壘  
棋難解劫圍  
江河悲日下  
鄉土慨全非  
黃目流民集  
倦懷遊子歸  
北來紛帶甲  
應有將如飛

和張子畏太守寅秋杪感懷

孤阜盤秋氣  
倍豪清商吹  
老暮天高  
忘懷得失  
塞垣馬入手

丁十三

城稿

太

金陵書  
蔣氏校印

尖團江國盤  
小翹屏帷容  
菊隱暫娛詩  
酒息薪勞東  
山須爲蒼生  
出莫厭浮名  
世外逃

擬諸將

專征受詔鎮  
南天肘後黃  
金相印懸  
仗鉞何難  
戮小醜  
駁弓爭奈  
伏中權  
波深浪泊  
爲愁沾月  
暗崑崙  
馬不前  
孤負金甌

枚卜意棘門  
爭及亞夫賢

雄師十萬統  
繚緜破虜  
將軍位微  
侯瓜步空  
江東逝水  
梅花高嶺  
北邱邱無  
端廢壘重  
圍撤浪說  
名城一戰  
收半壁東  
南

資保障心  
肝誰向至尊酬

落日殷紅照  
大旗營門  
鼓角聽遲  
遲師中舊  
隸楊無敵  
人望今同  
郭子儀背  
水一軍爭  
勝負長江  
千里繫安  
危幾人盾  
鼻

向磨墨待和將軍  
競病詩

百戰餘生一死  
拌孤忠慷慨  
濟艱難昌黎  
後敘中丞傳  
韓信威名大將  
壇五丈星辰  
芒角殞八公  
草木血膏寒  
孤城斗大

援兵少諸將皆  
從壁上觀

蓋世饒雄命世  
才陣前金甲  
受降來摩天  
寶劍銅爲膽  
滿月瑯弓鐵  
作胎雨露果  
能酬魏闕星  
辰儘許附雲  
臺麒麟傑開

高千尺好奏奇  
功齋草萊

九日弔武進湯  
貞愍公

治山樓一角九  
日記登臨公  
竟懷沙去風  
寒大樹陰江  
山餘戰壘箕  
尾耿忠心海  
內同聲哭長  
悲絕筆吟

渡太湖

丁十三

城稿

金陵書  
蔣氏校印

七十二峯青  
東西接洞庭  
長江誰擊楫  
大澤且揚舫  
百里須與駛  
全家患難經  
風波幸安穩  
吉語榜人聽

五十述懷

五十功名愧  
馬周爲肩空  
負骨清道詩  
書幾輩流光  
誤烽火頻年  
逆旅愁泛宅  
浮家聊寄迹  
求田問舍學  
從頭嘉辰明  
日

花朝屆似較  
羣芳占一簪

達人從古順  
天時雉兔何  
煩詠百罹雲  
笈幸逃丁未  
劫星宮且守  
甲辰雖高堂  
親在休言老  
中歲兒生不  
算遲卻有年  
來

無限感存  
令聲斷鳳鸞

三五當時說  
少年壯懷曾  
誓祖生鞭師  
門期望恩違  
答朋輩飛騰  
翼早翥獻賦  
空迫燕市騎  
行歌卻叩越  
人舡半生低  
首



雕蟲技浪博微名亦可憐

拈毫還是學伊唔為慕當年高達夫菊自留香甯恨晚花猶  
生管未為枯開對白墮酬初度重對青燈認故吾髮未星星  
髭未雪風雲那便帶前途

別柳

剪剪東風拂面來攀條隨意坐莓苔記從官道迎油壁忽漫  
陽關勸酒杯兩岸催人搖桂楫一枝祝爾傍蓮臺秦淮烟雨  
姑蘇月費盡江淹作賦才

垂楊懶詠玉溪生夏夏鞭絲夕照迎細把萍因系解脫悔將  
絮語誓生平管絃寂寞春歸院船鼓喧闐暮出營冶葉倡條  
拌割捨多情卻似總無情

丁十三

八

金陵書  
將氏校印

題凌竹泉志珪蜀遊草

曉發聲急子規叫寫景分明棧道圖峻開千尋門入劍輕舟  
兩岸峽穿巫凌雲氣軼漢司馬聽雨聲淒張野狐感事傷時  
同一例草堂詩句仿成都

五人墓

紹琦氣餒正熏天慷慨同將義憤宣西市甘心拚一死東林  
抗手指諸賢真娘墓碼纏秋草短簿祠雲鎖夕煙爭及遺封  
崇馬靈貞珉終古姓名鏤

司徒廟古柏

神物千年謝斧斤英姿猶想漢將軍空山偃蹇難為用徑裏  
長封鄧尉雲

賦綏寇紀畧

勝國蒐遺史南狐紀事真滔天逢此寇當國屬何人十八興  
圖讎三千墮劫應九江哀將帥遺恨鬱難伸  
曉行廣福道中

朝暎射翠綠畫裏盪舟行橋曲臥弓影波平恬勝聲昨腰青  
鷗劃水而白煙生指點招提近前山墻影橫  
齊夕

殘角魯門罷孤燈店壁明漸無風籟響才見月鉤生默默高  
齋意嘈嘈晚市聲相思不相見魚鑰下嚴城  
不寐

萬虛集枕上一身依客邊烏曉深夜靜雞唱遠村連愛世復

丁十三

九

金陵書  
將氏校印

何益懷人伊可憐跳梁爾何物點鼠尙狂顛

讀青邱集四首

侍郎詩派尊崑崙壇坫東南獨擅尊奏出元音嬌韶沒得來  
清氣本乾坤史官直筆龍門秉風土遺篇鶴市存千載清詞  
人臉炙梅花詩詠月黃昏

百尺齊雲簇畫樓英雄割據起高郵不甘越國官羅隱但向  
新豐客馬周酒肆才名藏白下詩家麗景寫青邱金門鮑繫  
非吾願笠澤歸裝理釣舟

一曲清歌聽教坊昇平往事話文皇琵琶掩抑彈商婦劍器  
低昂舞大娘開國冠裳盛羅綺故宮禾黍感滄桑最憐一往  
情深處豈醉佳人錦瑟旁

蓮鱸自分老江潭作記偏能累劍南枉有盛名歷元白可憐  
黨獄等胡監華嚴浩劫罡風墮著作雄才大海函比似唐賢  
初盛集文林縱轡乘誰膠

感懷次張志萊先生韻

綠陰早又徧天涯景入詩家更畫家閩嶠雲深猶伏莽吳宮  
春老怕看花匣中劍自騰虹氣箭上弦誰惜歲華我擬避兵  
兼避穀天台深處種胡麻

疊韻贈吳九帆

愛河亦自有津涯故寫真真屬畫家冷笑宋人工刻楮劇憐  
杜牧慣尋花天宮祇願居兜率世界憑誰轉法華贏得雲箋  
題詠徧珍珠細字密於麻

丁十三

姚稿

十

金陵叢書  
謝氏校印

再疊韻贈志萊先生

龍眠山翠接雲涯故是韋平宰相家秋水長吟三尺劍平泉  
愁憶四時花何時畫筆思訓祇有酸文弔李華忠愛卻難  
忘每飯先型不墜舊黃麻

唐子畏祠

瓣香肅祀屋三楹市近鷺鹿地轉清詩稿千秋傳絕調文家  
一代掩狂名桃花漫擬唐崔護香草原同楚屈平自古生天  
憑慧業蓮龕還證佛前盟

書生終不屈驕王幸免才人謫夜郎儘學劉伶稱曠達何曾  
阮籍肆猖狂山前繡骨一坯冷谿畔無言千樹芳豈獨庭前  
臚祀典名賢五百配滄浪

異代同宗有偉人種花曾現宰官身吳時陶山先生字令四時俎  
豆祠堂古滿壁珠璣樂府新茂苑清芬留勝賞河陽遺澤藹  
餘春一龕彌勒聊同坐者舊當年共隱淪待先生像京兆文

章公祠

也如朱邑祀桐鄉循吏長留俎豆芳詩社高名爭白傅劍池  
險地占吳王祠雲畫鎖清香冷樹雨晨飛畫戟涼千載蘇州  
稱刺史左司豈獨擅文章

白公祠

杭州曾作守遺愛又蘇州詩已雞林播祠仍虎阜留湖山來  
過客身世抱股憂安得公重起寬仁藉大裘  
范文正公祠

一十三

姚稿

十一

金陵叢書  
謝氏校印

豐碑綽楔表崇祠百代馨香重本支官比韋平傳父子名同

韓富播華夷梅鹽味劑和同辨齋粥芬清儉樸貽後樂先  
天下共規模早定秀才時  
讀吳九帆落花春柳諸作賦珠樹一章

珠樹巢空鶴獨栖藥爐經卷客囊攜醉餘倦眼看花霧定後  
禪心作絮泥昌谷惱公深抱恨義山述事半無題娟娟秋水  
芙蓉影回首瑤京舊夢悽  
即事感懷示九帆

笠澤閒乘一葉舟猜疑久釋水中鷗六朝金粉詩裝膾千里  
戈鏃戰壘愁月地招邀聊主客雲臺圖畫讓公侯閒情卻有  
難忘處煙雨秦淮舊酒樓

命疇近日結同袍磨琢還資切玉刀一字能繩文律細千人  
誰和曲聲高焚香靜坐參周易飲酒微酣讀楚騷一樣唾壺  
頻擊碎狂吟不是少年豪

幾時洗甲挽天河拭目昇平待止戈狂倚寶箏歡會少閒題  
錦瑟語言多纏綿漢殿秋風曲悽惻吳娘莫雨歌說法我猶  
饒寸舌須提于意欲云何

光福寺經幡

講寺莊嚴創大同石幢今尚鎮琳宮三乘妙諦留文字不墮  
臺城浩劫中

敝帚

金殿平明渺昔歡徘徊不共扇移鸞羽旄半落蘇卿節劍佩

丁十三

統稿

十三

金陵遺書  
蔣氏校印

會高仲路冠家有千金同棄置祠餘一拂等荒寒眼前到處  
飛塵堪整頓還應惜破殘

酬常熟言良鈺經歷

相逢傾蓋便言歡知己天涯得最難願我疏才慙記室憐君

薄宦屐衙官金門獻賦

恩會紀

一君以實資實成均廷試第  
一得官歷歷有紀恩時節

錦瑟吟詩淚尙彈聽說干戈飄泊苦幾回前燭到更闌

送俞撫叔歸錢唐

蓮花幕下致翩翩飛檄雄文最少年七里灘聲催短檝六朝

柳色盼歸鞭離筵薄醉青州酒別緒閒吟蜀郡殘屐指明春  
相見早山村數雨焙茶天

讀梅邨集

詞源如海藻如春隻手能扶大雅輪忠愛何曾忘故國亂離  
不幸作才人纏綿舊恨闌成賦孤負初心粟里民一閱自歌  
金縷曲可憐絕筆劇酸辛

無題

荳蔻梢頭碧玉年春風乍倚最嫵媚官居切利甯無分使覓  
氤氳獨少緣阿閣重三運風諾教坊第一誤鴟弦小姑重訊  
青溪蔣怕說當時舊翠鈿

亡婦忌日作

生死經年契闊餘月華重見溢方諸賸妻事事都乖外婦服  
雖除恨不除

丁十三

統稿

十三

金陵遺書  
蔣氏校印

忌日剛逢佛誕辰二十九年時曾誓斷薰辛瓣香今日蓮臺燕  
不見閨中頂禮人

嬌兒焚楮拜筵旁弱女擎樽奠酒漿地下阿娘還見否今年  
都較昨年長

憔悴頻年爲寇兵旅魂何日返江城王師近說將殲賊家祭  
今朝特告卿

吳門晤伍荔臣

從戎空賦鮑昭詩盾墨磨殘九子麤亂後勞人眞草草微官  
薦牘轉遲遲壯心依舊還磨鐵愁髮相看各有絲客邸吟身  
好珍重朔風凜烈歲寒時

羯末封胡魯竝聞清才似子更超羣塔鄉拊託曾憐我人海

蒼茫又晤君節序驚心吳苑雪烽煙回首蔣山雲相逢那免  
悲懷觸地下常埋痛左芬

祀龜

萬龜煙空冷故鄉他鄉循例祀黃羊客中爭免年時感輸與  
兒童喜欲狂

書李二贊部郎感懷詩後即送其北上

我讀君詩句高歌泣鬼神 國家多事日天下有心人未必

世長亂休嗟生不辰驪駒聽再唱行矣報 楓宸

讀吳下近人詩集率多題詠金陵者詩以誌感

六代繁華幾廢興詩人從古愛金陵名流歌詠黃初續志乘

叢殘景定徵烽火無端驚浩劫江山有路阻吟朋一篇重續

丁十三

十四

金陵叢書  
蔣氏校印

闌成賦掩卷歎感不勝

戲書少陵北征詩後

短褐休嫌補綴粗尙留紫鳳及天吳秋風客邸猶堪晒檢點

征衫盡篋無

贈陳嶽樓名學工畫詩為真

將軍指客散如星客邸逢君感絮萍畫裏江城備更畫青山

不似舊時青

題淺竹泉懺綺軒詩

憐才若箇識狂奴慧眼垂青謝彼姝爭奈冬郎吟側豔描摹

略似十眉圖

論詩近代薄香奩知否通才妙筆兼兒女英雄都一樣桂蕊

辛辣蜜甘甜

酬許鶴巢廉殿在贈四首

天台賦久誦與公似此鴻才信博通芳草獨尋幽徑綠名花

偏遇上林紅漆園妙論搜知北孔壁遺文辨活東鬱鬱甯堪

駒局促相期冀野策花馳揚近作有只願先

妙絕仙人白石才筆花開共白蓮開曉風笛韻詞歌柳明月

簫聲譜按梅采采陔華廣樂府空空水鏡繪靈臺冰甌雪椀

清如許為挾三生慧業來補集新中白遠一因

百城羨爾擁書疴咳唾風生塵尾談躡足便登峯第一君試

偶畫眉甯爾月初三筆為營陣奇兵抵詩論功名上賞堪天

與名山供著述翠屏幅展煙嵐

丁十三

十五

金陵叢書  
蔣氏校印

滕王序筆感心知浪說文章擅色絲那有文能工乞巧祇餘

符尚號論癡名流相對思焚硯勁敵當前令假旗卻笑東鄰

效翠慣臨妝還點絳脣脂君序余拙稿

和桐城張柏溪先生元韻

劫堂芥子幻虛舟浩蕩誰馴萬里鷗憂世總難疋痼疾哦詩

聊遣昨年愁浮蹤越國鷗夷子壯志扶風定遠侯老去悲歌

仍慷慨秋風髮髮感登樓

同仇幾輩賦同袍熱血淋漓寶刀國典褒揚丹絳重師門

傳授絳帷高桐城馬命之微士晚輩才均舊文節梗多零

落故里榛蕪尙驛驢抵掌縱談天下事酒闌燈地與猶豪

別離我亦悵關河奮志難揮落日戈末路自憐遭遇少同心

深荷切劘多軍中遲聽平蠻曲市上還爲擊筑歌便擬開雞  
同起舞中宵頻問夜如何

山塘泛舟次柏溪韻

佳日相招作勝游湖山第一占蘇州牙檣錦纜波中舫檀板  
金尊水上樓鄉入溫柔曾買笑場園歌舞總忘憂清芬誰似  
詩人遠終古祠堂枕碧流公華白二

虎邱次柏溪韻

劍池波冷浸山塘說法臺高俯下方石上浣紗思越女崖前  
拾翠集吳娘梵宮瓦他琉璃碧窰堵嬾舍舍利黃幾度登臨  
思霸業歸塗回首暮煙蒼

聞鄰婦夜哭

痛哭緣何事宵長攪客眠恨深應似海淚迸想如泉世有不  
平感人逢多難年東南留缺陷誰補女媧天

吳江道中

傍水樓臺點畫圖涼波瑟瑟浸菰蒲鷗程迢遞通吳越一櫂  
秋風驚雁湖

陸宣公祠

宰相專祠故里留嘉興唐代屬蘇州韓非口吃言辭蹇賈誼  
才長奏對優別駕浮沈終謫宦乘輿播越仗忠謀瓣香百代  
同尊奉燕許文章匯眾流

擬韓昌黎縣齋有懷例次原韻代作

賈生長沙謫明妃絕域嫁才士悲屯邈美人情嬌妮嗟我生

丁十三

此稿

十六

金陵叢書  
蔣氏校印

不辰祈天命未遑方期鸞鳳翔翻受鸇雛嚇楓棧遠京闕炎

荒就官舍判牒坐衙齋退公憩亭榭薰風散蒸荔新火改桑

柘大海波濤煎驕陽金石化隸役雜喧厯親賓孰慰藉微官

雞肋啜異俗馱舌訝生留九死餘職膺百里乍賢勞詎所憚

瘴癘吁足怕木殊陸西游那望寇恂借偏災憶昨歲大旱丁

盛夏蝗蔽青疇間癘疝赤地肆牙糖夏快焚楓陸宏肆赦官

吏猶催科閭閻缺祭藉困指倉已空磐懸屋誰架理財但持

籌馭朽孰執祀流亡念黎庶庶仕慨姻亞飛章達九關待漏

乘五夜患冀泯殺函恩思報嵩華中旨忽切責朝命莫寬假

訪逾篋書騰辯甚數輟矣議罪付平章計吏由僕射妻孥做

車驅重僕奏驢跨張儀空視舌揚雄幾拉幣櫛沐嗟勤劬徂

丁十三

此稿

十七

金陵叢書  
蔣氏校印

征鮮休暇前程嶽逾衡別路水泝瀾慈愆汲黯言嬖戒灌夫

罵思昔參軍中從人客麾下贊畫陳談猷談兵參譎詐助慕

唐虞隆術卑管晏霸豈料匪石貞轉被含沙射省躬追愆尤

懷寶值聲價無補聖朝闕請迴俗士駕斷尾憚爲儀護臍恐

傷爵載歌洞樂樂願言籌組謝漢陰朝灌園彭澤秋穫稼安

用歌五噫臨風生歎咤

題潘順之太史西園集

海天徑開築吟籠一挂臣冠更不參蹴浪魚龍多幻相閉門

風月止清談明湖秋柳王池北錦里梅花陸劍南獨步騷壇

謝馳騁從容按轡乘誰駘

秋螢

露華清逼豆花棚飛傍疏籬冷餒生一點秋心涼更熱儘無人處儘光明

和程蘭畦晚張總統挽歌

半壁更誰倚孤忠天竟亡頽雲淒白下陰雨黯丹陽功敗岳樞密名留王鐵鎗煙塵今孰靖狂寇益鷓張

我亦部民隸餘生再造同落星悲上將貫甲仰精忠太息長城壞淒涼故壘空雲旗渺何處煙雨蔽江東

贈徐碩

能言天下事眾裏舌偏捫氣得書三昧情餘酒一樽知余如

鮑子哀爾是王孫山頤為中後何日雄心遂同君倚劍論

經清江浦大王廟下作

十三

姚綱

十八

金陵雜書  
蔣氏校印

望祀尊淮濱 熙朝典秩崇輝煌灑 宸翰廟題成皇飛挽

含神功尚憶舟程沂曾瞻廟貌隆十年驚箭駛一炬慘烽紅

苦蔓纏泥馬荆榛窺澤鴻民祠為廟宿磚拋垣左右石臥砌西東

洞戶金鋪失層臺玉礎空廊廡留閤殿檐冷敞疏櫺塑仰劉

鑿巧規尋魯匠工靈祇端獻冕羽衛肅刀弓安堵民方賴乘

危寇忽攻摧殘憐比屋寥落等行宮篆仙香繡土轉寒旆捲

風歔歔增過客蕭瑟感飄蓬何日丹青整明禋肝蠻通重邀

界嘉祝清晏九州同

題鄭贊侯襄停雲圖册

籍甚才名鄭鶴鵠題襟詩句播江湖雪泥蹤跡尋鴻爪幅幅

吳淞翦水圖

吳雲南望北燕雲藹藹春空態度分多少風鷺總飄泊遙天  
睇目惜離羣

書帶春來綠草堂重拈新韻擬柴桑絳霄何日看舒卷同遂  
游龍上下翔

袁江雜詩

衝途四望接舟車南扼維揚北控徐西去萑苻猶伏莽東流  
波浪未歸墟奔騰幸不黃流奪奠定應安白屋居兵革祇今  
紛未息更誰修志補河渠

當年轉漕藉清淮白粲屯雲畫鷁排夾岸樓臺雄巨鎮轟雷  
車馬溢長街梨園部伎喧金管北里臣冠挂玉釵一霎繁華  
竟銷歇灘頭嗚咽水浩浩

十三

姚綱

十九

金陵雜書  
蔣氏校印

河隄重鎮列軍門多少材官帳外屯駁檣纒看飛白羽傳烽

候見照黃昏千羣衝突驚蜂擁一旅倉皇駭獸奔聞說龍山

燈火夜清歌妙舞尙擊樽

可憐焦土等阿房萬戶千門瓦礫場空有鳴鼗生廢井更無

語燕返空梁夜深銷他金銀氣波冷沈埋粉黛香回首仙源

樓宿地淮南雞犬總茫茫庚戌冬多過此與元

覬覬數仞峙雲宮鐘篋都歸逆餒中萬古斯文天豈喪一方

塗炭劫偏同波流芹藻園橋冷地沒蒿萊講舍空廡下遺碑

披蘇讀夕陽紅映燼灰紅

客程衝冷朔風聳慘聽哀鴻四野噉水落魚鰕登小市霜寒

應隼下平阜沾春近訝郵筒少自蘇那昭後紹刻楮先愁紙

價高所不重掃瘡痍起溝瘠何人撫字解心勞

讀杜十首

少陵述喪亂義祖三百篇其詩挾商聲曉角吹霜天我從百代後披吟浣花箋仿佛下夔巫聲聲聞杜鵑思昔公仕唐翠華西播遷腥羶犯宸極鐵騎衝幽燕卒賴李郭力轉坤而旋乾今也值小醜潢池弄戈鋌逆氛煽十稔千里紛蔓延民墜塗炭中肌膚無完全何日收江南斥埃清烽煙讀公亂前詩悲公遭沛顛讀公亂後詩轉羨公當年

丁十三

統稿

一一一

金陵叢書  
解氏校印

八代文疲茶起衰惟韓子詩衰至陳隋桑漢音俚鄙非公起厥衰做壞伊胡底大哉杜與韓一代中流砥柱乃典謨匹公則雅頌比造化生偉人風氣轉頹靡有唐三百年樂府銷宮

徵公也集大成條理貫終始節韻鳴鈞天筆瑟安足齒嵩華倚雲漢培塿安足擬允矣推詩聖豈惟備詩史

開元昔全盛清夷開皇路泊乎天寶年符瑞方士誤郊廟禮竝行秦侈踰度數公投延恩亟奏進相如賦諫諫寓諷頌惜哉帝不悟是時姚宋亡玉奴蒙寵顧宰相椒房親禊遊盛章杜水邊吟麗人紅巾託題句指斥及宮掖豈不畏譴怒賢者居人國忠愛固其素禍亂燭先幾履霜堅冰懼未幾馬嵬驛游魂終血汚長歌哀江頭露臆淚如注

西京既淪陷朝多汗偽官麻鞋獨脫走關山難行在拜拾遺君臣相見歡此離眷妻子北征忍饑寒房瑄時罷相禍階董庭蘭伏闕為力爭披瀝激忠肝逆鱗忤殿陛貶謫褫帶

盤棄官客秦中橡栗給朝餐饑驅西至蜀雲棧登千盤迥首望峒棧岩巖五雲端才人厄遭際俯仰多憂患平生自期許竊比皋夔班經綸鬱不展誤身嗟儒冠文苑檢舊史掩卷增長歎

回紇恃驕強自古為邊患肅宗借其兵收京拯寇亂屢肆無厭請蠶茲日悖慢公主黃鶴悲信誓不敢畔計拙是和親倒置失廟算仁恩昔築城意在轍立漢豈謂潼關隘胡來頽禦捍古者守四夷敵不中國玩羈縻使勿絕懷柔寓英斷後王嗜近利得不償失半載誦花門詩今古同一歎非種妨嘉禾不鉏日滋蔓

丁一三

統稿

一一一

金陵叢書  
解氏校印

若臣精神一再厲庶光中興業禍端弭後裔天心厭唐德運衰肅代際安史亂甫平旋踵吐蕃繼陵墓金梳出禍生廣德歲公詩諷諸將切責戒泄泄及吟往在詩屬望深唐帝繼體如太宗漸懷貞觀世節儉裁冗官納諫祛蒙蔽上符藉古箴下匹宣公議桑土紆綢繆宗祈關至計代宗惜不振艱險罔思濟德宗復蒙塵子孫益失勢善蔡炳前謨覆轍早扶弊吾欲進公詩編如金鑑例

次山春陵行蒿目恤困疲賊退憫征斂更示官吏詩和者惟杜陵同調如墟篋謂當甲兵後誅求急有司得結十數公撫民溥惠慈庶回萬物氣寒谷回春曦仁人言說如中情見乎辭從來凋敝後腹削尤堪悲征輸固急公室家亦願私敬告

從政者民今方殿屎請檢兩公作公餘雜誦之

八哀詩卒章怡懷山江相明皇不能用荆州被廢放厥後遣

使祭事何補疇藝篇中略不書命意固有當固哉高叟輩千

載騰譏謗謂其失輕重求古苛論創豈知詩人詩體例非誌

狀叔巷矜藻采補作亦涉妄昌黎固有言蚍蜉不自量

明哲重保身不與世俗忤縱負命世才于人無狎侮公智能

脫賊出險自履虎及爲工部郎參謀佐嚴武何至學爾術媿

罵對黃祖當其居草堂酬唱舍幕府小隊出郊坰車馬駐江

滸想見武憐才亦緣公善處史稱公獨躁傲誕藐簪組子前

斥父名諱甚車齒吐武官不鉤簾門吏幾殺甫才人身後謗

疑案蓋千古誰雪惹惹誣青簡削調語

丁十三 純稿

二十二

金陵叢書 蔣氏校印

小夫事雕蟲章句矜風雅風雲月露詞爭鳴等伍瓦詩人本

忠厚性情不可假卓哉漢西叟一代有心者飢驅耿懷抱筆

端藉傾瀉獨善恥一身兼善念天下堂前任撲棗西鄰有孺

寡茅屋秋風破翻思構廣廈

淮浦懷張文潛

投石曾觀畫墨滸清游當日共鬻蘇詩人去後淮波冷誰入

西園雅集圖

鱸舍

鱸舍依良友齋魚伴老僧是霜歲華改雨雪客愁增行路難

如此還家夢不曾悲歌同拍案寒穗落窗燈

再題杜詩後

得失文章共寸心寥寥當代幾知音台州遠謫鄒司戶嶺表

長流李翰林細雨檐花思共酌暮雲春樹悵分襟才人老去

同淪落臥病滄江費苦吟

梓州來往復夔州懷古登臨重百憂旅舍不忘家國恨謫居

猶抱甲兵愁莫年蕭瑟悲開府遺像清高拜武侯泥飲卻從

田父醉忘機自狎海中鷗

斯文萬古等江河柳雅韓碑共不磨山塞新聲編樂府收京

舊製補鏡歌高凌中晚鴻裁創下視元明廢體多祗有義山

微具體差堪遺響振靈鼉

曾瞻袍笏仰神清昔游南池後想見耽吟太瘦生晚歲家園依

錦里早年詩句重任城一弓地尙帶香奉萬歲名誰寂寞爭

丁十三 純稿

二十三

金陵叢書 蔣氏校印

異代祠官更諡典孤忠心迹鑿分明

懷人十四絕懷江南北同知吾人老不之及焉

詩人遠別許丁卯鄧尉梅花誰共探驛使不來書斷絕一條

衣帶隔江南許處臣庶

館娃宮冷燼廊荒一翼靈巖作戰場爲問朝川無恙否紙盡

飛斷信茫茫王、張、臣、明

村居遠傲洞庭濱借避兵戈離市廛今日深山半豺虎可容

還采五湖莼蘇小、鮑家、賦

儒臣侍從宦京華才賦歸歎戰鼓拋遠翠故人陳亮去子雲

天何處共浮家蘇林一師、杜芬

迥風才引孝廉船盡室倉皇又播遷蕉館題詩曾幾日楓江



判袂情經年馮中之芳韻中之北上冠

棘人呼籲慘誰聞感爾經營馬鬣墳戎馬催人各南北幾時

高誼答層雲吳人許某先君子以四月三日捐館時吳中許

也也

剪紙頻頻招我魂窮途慷慨飯王孫海濱近說狼烽熾天末

故人存不存毛叔開宜信

詩書拋散別鄉閭五載蘭陵避地居老去甯堪兵燹苦吳天

咫尺渺愁余徐稼樵大翰

良朋何日脫藩籬南望家山繫夢思腸斷前年書一紙寄聲

猶訊膝前兒陶徵家五游余兒會寄書云微五膝下去歲病伊之乾亦

繫阿爾也繫阿爾也

丁十三

姚稿

二二四

金陵嚴氏校印

白門城陷曾同守茂苑兵來各一方三十餘年膠漆契具區

萬頃阻汪洋石品三維金避亂居尺案

中西絕學一家名星宿探源鉤擷精足爾關山困奔走天心

為底此才生陳子瑛瑒

幾年假借平津閣點竄丹鉛苦未休白髮高堂明鏡老天荆

地棘為君愁楊模庵長年

礮車雲起騎婁東十載重逢一而中又挂征帆茗馨去半肩

行李太匆匆王雨嵐章

書生鞍馬幾曾經遠賦從軍別淚零知否全家近何似傳聞

疑信不堪聽丁裕吾啟昆從軍中

前詩甫成周還之亦以懷人三十六絕寄示賦此復之

禪關兀坐畫隱几天風吹墮詩一紙懷人爾我同悲歌吮豪

不斂莖芽指吾儕性命視友朋海內天涯幾知己文章契合

生因緣道義切劇締終始歌廢但愛聯韓孟睽別每憐分杜

李所惜蹤跡同梗萍亦或釣遊異桑梓風饕雪虐歲云暮繁

霜日食運丁否關心鴻雁謀稻梁搥腕鳳鸞棲棘枳吟懷根

觸愁鄙人詩情磊落見吾子三千字密林界烏芥六鱗排書

附鯉同音笙磬奏雅南合調填笮播宮徵汜湖百頃風蕭蕭

淮水三洲波瀾瀾相思異地種紅豆追念盛游沈綠李何時

萬國煙塵銷坐見九州兵甲洗但聽永日言笑權不用停雲

詩句擬

除夕

丁十三

姚稿

二二五

金陵嚴氏校印

屈指八除夕故園長別離去年吳苑宿爨歲越山羈淮浦復

今日關河增旅思吟瓮無地築何處祭新詩

梅信

芳訊迢迢盼隔年山程水驛綺窗前但聽消息枝頭報便抵

平安竹外傳何遜新絨東閣印杜陵遙寄艸堂牋故人厚祿

無書報不及寒香踐約堅

讀韓集十二首

后山譏韓子謂以文為詩此論一作備後儒競詆譽不知詩

與文厥塗本非歧惟公生有唐文壇尊宗師餘事作韻語大

筆何淋漓譬猶萬斛潮浩乎無津涯是固有真宰聲律不可

繩惟辭必已出文辭即詩辭班駁鼎彝紋蒼勁松筠姿我愛

元遺山警句拈退之山石踰華確壓倒蕃薇枝

供奉詩中仙少陵詩中聖公也嗣少陵杜孔公則孟頫昔公  
生平巖巖太山性岡高梧猶秀風疾草逾勁磅礴而鬱積發  
之爲歌詠其作南山詩豈與北征競詼詭寫幽奇浩瀚由氣  
盛天寶與元和後先相輝映賢者誠不測蠶叢獨開徑自成  
一家言盤空橫語硬

言官不建言廐馬立仗耳況復飢饉年征斂困閭里貞元癸  
卯夏公初拜御史朝命寬田租有司違詔旨公疏奏楓宸宵  
小恨切齒斐惑天聽謫官南遷徙連山瘴癘侵江陵旱溼  
履讀書吟縣齋述懷寄學士艱難挈入口崎嶇出九死批鱗  
豈不畏緘口固所恥根本念京師瘡痍憫赤子讀公嶺外詩

丁十三

姚綱

二十六

金陵叢書  
謝氏校印

千載尙仰止小雅怨排音國風忠厚旨

憲宗中興主平蜀揮天戈雍容博士臣聖德歌元和泊乎淮  
蔡平海宇消偏頗赫赫神武姿史册無譏詞獨惜信柳泌晚  
節蕪惑多求仙餌方藥髣髴迎釋伽侍郎抗表諫刑辟幾網  
羅湖居南海濱蛟鱷掀鴻波刺史奉命來險阻頻經過塗中  
逢漉吏作詩自吟哦謂聽漉吏語慙汗增顏醜國恩嗟未酬  
罪責豈云苛古人既去國眷眷心靡他戀闕懷丹忱百折固  
不磨憲宗苟聽言明良同庶歌庶幾皇唐業盛事追卷阿何  
爲貶直臣黃髮忘嵒嵒徒令百世下作碑感東坡

悽惻復悽惻南來一身存重溯始興江波濤如箭奔公幼依  
兄嫂官舍隨晨昏兄卒賴嫂鞠服著報厥恩厥恩難云報歷

歷此心門撫育念兒時點滴涕淚痕有唐多詩人藪圃輝瑤  
琨誰歎勵薄俗爲蒿菘敦本根

童時讀公詩石鼓及衡嶽信屈聲齒牙艱澀棘口角長稍窺  
公集蠲解辨形兒癩年逆氛煽一炬烈火爆亡書良朋憶焚  
硯古人學竭來海曲樓重覩天章倬鷗借得善本雷鳴繹雅  
樂才大極恣肆識高自卓犖典重作誥盤廣大媿韶簡奇字  
搜子雲諧語襍方朔躍冶精金融剖璞良玉琢入廟勇扛鼎  
斫陣險奪稍鉅製固饒長短什亦秀擢如山立千仞小石雜  
礫礫如水匯萬派細流間澆澗黜鄭斯爲雅有純信無駸高  
秋氣蕭爽一卷披吟數末世瓦缶鳴黃鐘遭削斲安得公乘  
雲和聲鳴鶯鶯下界埽秕糠一洗濁世濁

丁十三

姚綱

二十七

金陵叢書  
謝氏校印

人才生最難振起賴宏獎惟公識拔精一字奇必賞賈島一  
詩僧敲推苦涉想公與之締交延譽當途廣賦詩寵其歸推  
許復景仰卒也返初服名登進士榜使公得柄國進賢杜羣  
枉沈淪搜草澤冰鑑清秋朗豈有珊瑚枝不能入鐵網  
詩人際遇窮無如孟東野五十尉溧陽屈辱百僚下及其遇  
昌黎一見心藏寫卑惜棲枳鷺老悲伏權馬爲雲願逐龍駟  
豈不相捨古人重惜才同調慕風雅所恨推轂難汲引權莫  
假一篇薦士詩遺逸念屈賈窮途獲知己安得如公者悵望  
懷千秋臨風淚一灑

文章有坦途險怪豈足矜大家作狡獪偶一和友朋要之託  
比與匪云爭才能陋儒務艱僻風雅日替陵奇澀學皇甫儼

非山火騰誕論仿虛全咎非月他徵冥搜炫奧博自詡得未  
曾流弊爲苗軋勒帛廬陵懲豈知公集中此體不濫登排冢  
必妥帖斯言吾服膺寄語操觚人慎毋乖師承

澄觀雖僧徒才用與眾殊文暢喜文章棄家隱浮屠惠師愛  
山水一葦杭湘湖靈師涉書史一飲盡百壺公各贈以詩密  
字編瓊珠開佛乃愛僧言行豈不符開佛開其幻西方本虛  
無愛僧愛其真白雲自高孤崔浩滅沙門已甚胡爲乎

聯句古未有斷例自公劫後繼之廣和必先以倡合乃兩  
美諧衡亦二難抗晉鄭交胥僑吳蜀角瑜亮頗收逞心兵般  
唾鬪意匠音如鸞鳳諧勢不醜蚌讓錦繡花交柯淪漣江疊  
浪衣裳儼無縫胡庶若依樣數子棋局同繼聲歌律嚶從來

丁十三

純稿

二十八

金陵書  
新氏校印

君子朋臭味苦岑尙工都契青蓮香山友元相契既膠漆投  
爭雷水火釀猗歟韓與孟抗手騷壇上獨絃不搗彈偏師不  
攻掠名共千秋傳厄匪兩賢謗志合斯道同豈獨才雄放  
元濟就檻車天書册元功作詩賀丞相封兼五等崇丞相昔  
視師表奏參軍中行軍假司馬密謀贊元戎司馬計誠祕雪  
夜堅城攻從來兵家忌擁兵但自雄批亢復搆虛賊深須與  
空機會苟坐失燎原毒無窮一舉殲龜虢誰歎如晉公

題洪海如抱硯圖

河從積石趨龍門激浪爲滌硯墨渾潼關之險一夫守全城  
堅比硯石厚君抱硯兮走四方東秦岱兮西咸陽北碣石兮  
南衡湘時清簪筆登明堂時危磨盾臨疆場共出處兮同行

藏永以爲寶長毋忘

讀舒鐵雲瓶水齋詩

青蓮玉局一身兼下水船爭及孝廉五嶽煙霞餐泰岱百蠻  
風雨走滇黔軍門鏡吹琴琴鼓樂府絃歌昔昔盟別駕治中  
休污我東歸沿路數郵箋

絕傲奇兵耀錦車美人韜略合穰苴陣前汗馬桃花染鏡裏  
鸞蛾柳葉舒赤雅慵編廊湛若青琴不奏蜀相如女牀山色  
經年別珍重迴文錦字書

才人落魄劇堪傷彈斷琵琶意慨慷杜默窮途悲項羽少陵  
同調得王郎數行泣下推牛地三疊歌廚戰馬場千古英雄  
同此恨閒吟莫道是清狂

丁十三

純稿

二十九

金陵書  
新氏校印

當年海宇際昇平湘水偏教泣賈生造物何嘗憐孝子當途  
枉說重才名燕南趙北公車困越水吳山畫舸輕贏得長留  
書卷在蕭齋瓶水玉同清

觀劇戲詠

誤人容易是名場失足匆匆控策忙風雪灞橋驢背穩孫山  
何似秀才康 豎馬

聞歌子夜鎖無聊雙槳橫塘昨夢遊根觸當場聽一曲吳娘

莫雨唱瀟瀟 湖船

上界飛英簇絳霞下方萬國莽蟲沙風翎細縛瑤階帶不掃

煙塵但掃花 掃花  
題張石樵先生清暉草堂圖

真州地擅佳山水詩句留傳舊司李綠楊城郭近揚州柳陌

菱塘紆十里昔日淮南全盛時園亭池館接參差清河壇站

尊南垞先生高祖為老屋三間筆一枝兩字清暉額草堂澄

江幽映照衣裳芝應蔥圃羅花木鄴架曹倉富縹緲世德清

芬承五世山林城市更居第詩人家學瓣香留味真閣裏清

暉先生閣著小住林泉署散仙輞川圖蹟仿龍眠標題一

管吳興筆繚素香生翰墨妍為卷中書離亂年來人事左

蕪城回首經烽火釋梵宮傾冷紺園王根宅圯悲青瑣草堂

一律委荆榛祇有蘭亭粉本存北苑空教寫邱壑東園何處

問江邨先生莞爾披圖笑世事如棋那可料今古從來傳舍

同臥游何若丹青妙劫來避地傍東瀛坐享詩書清福清繞

丁十三

稿

三十

金陵書

滕文孫就家塾簪毫令子直承明傳家報國心俱慰篋中珍

重舊圖繪日月清光萬古懸雲煙過眼餘香翠振衣我恨未

登堂讀畫吟詩感慨長卻喜漢西描別墅騷壇遺韻繼漁洋

稷游補寫當年景聊當名園記洛陽

和石樵先生懷古四首

太初宮殿莽荆榛猶有招提蹟未陳十字縱橫臥苔蘚三分

事業委煙塵婚姻舊說通吳蜀盟誓誰教背晉秦江介祇今

頑不轉更無人試劍鋒新狼石

漢家火德未消亡一面東風烈燄狂樹影舊曾繞烏鵲劫劫灰

今尙認紅羊焚川憑弔沙沈戟玉局登臨夜舉觴千古江山

形勝地將才若箇繼周郎赤壁

獬兒至竟是英雄狡臂能開兩石弓白額腥風吹草木紫指

怒氣懾飛熊蒜山崩男遺蹤並狄壘荒涼霸業空卻恨嚴關

誇虎踞子孫容易失江東慶亨

颯颯靈旗暮雨寒夫人遺廟枕江干三生鴛牒吳宮怨萬點

蠶叢蜀道難東去江流淘急浪西來巴水瀉哀湍神絃迎送

傳幽恨仿佛湘靈雅瑟彈蟻

石樵先生賦詩在贈奉呈四首

憶誦風檐七字詩先生以梅花嶺詩為學才名冊載久欽遲

因緣有幸聯文字身世無端遣亂離鮑照蕪城歌慷慨香山

樂府筆淋漓那知嶺上梅花發不見當年開部祠

詩人老去鬢星星魯殿靈光足典型報國文章傳梓舍午

丁十三

稿

三十

金陵書

官本現浮家蹤跡傍萍汀蔗根有味思同調先生詩采入竹

葉澆愁恥獨醒忠愛那能忘每飯幾回北極望朝廷

不堪鶴唳與風聲處處潢池弄甲兵舉子桃花荒夏課農人

舊葉誤春耕憂天祇覺牢愁抱討賊誰將大義明爭怪耽吟

澆花叟八哀吟能不勝情先生集中

兵戈我亦抱離憂裝下桐悲劫火收古調重磨廣陵散清笛

怕聽白門秋江流作賦才華盡願況評詩獎借優便覺品題

聲價重識荆何必更封侯

喜聞官軍收復安慶和程蘭畦韻

十年離亂感匆匆皖北江南浩劫同逆儀誰能銷巨寇捷書

忽聽奏元戎即今日月新開扇從此天山定掛弓劍外新詩

傅杜甫吟箋快視寄郵筒

題白傅詩集即仿其新樂府體四首

秦中吟

秦中吟吟秦中唐之根本地京師首善風俗隆粵在貞元元和際不與貞觀開元同吁嗟風俗遠前古僕指未能更僕數富室羅福豔嫁婚瓊林給帛同塵土大道惟誇第宅宏清門誰恤孤寒苦何人勇退懸車輪立碑但將功德陳五絃歌舞歲云暮吐丹賞譙長安春可憐囚死閩鄉獄慘絕衢州人食人詩人蒿目傷心久譜作秦中吟十首秦中吟寄慨深下爲士庶戒上爲官宰箴京師從來四方則憂患往往生惛淫君不見秦中吟

丁三

三十一

金陵叢書  
蔣氏校印

新樂府

新樂府五十篇著草藝經策朱絲清廟絃黃圖萬里情如繪金鑑千秋錄並懸一代艱難思法祖四夷固守慎開邊其他剴切陳時事保泰持盈關至計句裏聲聲協徵宮行間字字含規刺當年中晚盛詩人薤苑笙簧錯雜陳豈少樂章奏清廟豈無鉅製歌生民鋪張揚厲徒爲爾爭及拾遺補闕臣拾遺補闕心良苦遭逢幸遇中興主中興天子神武姿微臣竊職愆無補臣有元和新樂府歌廣聊當幽風詩陳之朝夕同

和微之

和微之答微之秘省校書日江陵謫掾時楚山蜀道郵筒遞

吳郡杭州驛騎馳當日論詩主諷諭無人同調似微之微之夙負時流望詩句流傳宮掖唱一首進昌宮閣辭居然長慶歌行抗卻緣官那累聲名我惜微之急作相後世方貽輕薄譏當途又被黃緣謗黃緣要路拜平章轉瞬樓船鎮武昌富貴豪華如轉轂淒涼丹旆返咸陽故人方授河南尹醉飲花前日醅酌晚節優游樂遂初華資不羨中書省中書省曾幾時可憐失足元微之全名不及白分司

潯陽月

潯陽月潯陽月水上琵琶聲慘咽一彈惹人離恨一再彈觸我遷謫情潯陽遷謫經一歲猛憶去年辭帝京帝京仙樂久不聽琵琶卻帶京都聲京都聲誰所授年華老大悲紅袖曲調淒涼夜月低鬢絲憔悴風塵瘦風塵憔悴感如何爭禁青衫泣下多自古逐臣悲廢放賈生湘水涕滂沱千秋一樣懷忠悃不爲琵琶始作歌

丁三十三

三十三

金陵叢書  
蔣氏校印

西農遺藁跋

右西農遺藁一卷溧水姚西農先生箬先生夙以詩賦爲馮  
林一宮允所賞在白下爲湯貞愍坐上客一時雅材並與友  
善既遭粵寇之難轉徙不常憂生念亂發爲詩歌然極重聲  
律樂府數章可被管弦其譏訶同時作者或謂其以文爲詩  
至於推崇昌黎則又謂后山譏韓子謂以文爲詩此論一作  
循後儒競詆訾不知詩與文厥途本非歧何其持論不同耶  
蓋先生服膺少陵而從昌黎義山入一則曰杜孔公則孟一  
則曰祇有義山微具體差堪遺響振靈壘可以見矣唯學韓  
之雄健而去其險怪學李之典碩而去其晦僻是真善學杜  
者殆深合風人之旨所謂溫柔敦厚與鄉後學蔣國榜

福壽

日

學

蔣	屋	如	厓
氏	校	目	涂
慎	印	著	月
脩	甲	始	告
書	寅	天	成

2970

2970



小傳

楊得春字柳門上元人性謙沖潔清自好為諸生與金和周葆濂姚必成齊名詩學中晚唐尤工駢文嘗居一樓劬羅古器物金石彝鼎暨磚瓦若古錢漢之魏之且周秦之斑駁陸離亦閒及荒怪得春則甚樂也以故儕類罕所接比接之則故和易無他腸而友愛殊甚嘗與鄉舉一試畢其二弟忽病篤遂屏不入或勸終之得春曰科名何物即得亦儒來夫兄弟者一失不再得吾其以區區易乎其至性如此咸豐中遭亂旅居改名曰後旋卒著有柳門遺稿

丁九 小傳

金陵叢書 蔣氏校印

柳門遺稿

金陵叢書丁集之九

上元楊 後

古詩五古

鷓鴣聚深林唯求一枝宿鷓鼠飲大河僅能滿其腹嗟哉世上人營求苦碌碌蝸角名共爭蠅頭利羣逐今昔殊富貧前後判榮辱天道如循環盛衰自倚伏吾生何所求有書萬事足  
夜理朱絲絃絃絃感秋氣一彈明月來再彈白露墜三彈鶴夢醒天風落松翠是時夜澗晨涼氣滿衣袂高樓人已眠四壁鳴絡緯莫謂知者希知希乃為貴  
得家弟兩人手書

丁九 編稿

金陵叢書 蔣氏校印

客從龍都來貽我書一尺云與舍弟逢此是近消息閉絨未及讀喜已動顏色上云長相思下云長相憶勸我早歸來屬我慎眠食今夜客中夢庶幾帖枕席實此三紙書何論萬金直

舟行雜詩

冒晨解縛纜一帆破煙出風勢來蓬蓬水聲聽汨汨橋甫三里過地已八尺即舉頭山乍來轉眼樹已失不知風力猛但覺岸行疾向來多逆境順境此第一  
朝發臨夷江言經鴛脰湖接壤近平望附庸鄰具區誰將銀河水瀉此玉唾孟云此方十里四望天水俱綠樹自高下青山時有無西風蘋上來涼氣侵袍緇遙天下白鷺一片飛雲

孤波面雜菱芡岸側搖菰蒲一船放鴨歸搖入煙中蘆幽人  
四無鄰鷓鴣相招呼何時躡草屨來逐撈蝦徒道路日奔走  
自笑非良圖

侵晨發胥江薄暮抵烏鎮前途云匪造一塔高數仞煙際紅  
一燈漸與人語近舵樓晚飯罷細酌盡芳醞舉杯醉新月青  
天或可問

四境無培塿茲山聳濃翠云是古道場寒山此焉懸孤塔凌  
穹蒼幽宅聞靈秘勞勞嗟吾生駐足苦無自來自姑蘇城行  
經湖州地湖州水上山姑蘇城外寺兩處皆空過對此竊心  
愧

且發烏鎮路午及新市津衣帶一條水澆澆清無塵西風弱  
雲碎散爲白龍鱗一鷺過我前飛飛不可馴此中古村落應  
有無懷民朝餐屈到菱暮食張翰尊安得從甫里永爲江湖  
人

秋陽正卓午挂帆雲水鄉舟人飽午睡客子歌清商永與遠  
天吞一鏡揚清光簇簇波間菱陰陰隄上桑昨夜西風來木  
葉忽已黃連村動砧杵未寄寒衣裳悵望南飛鴻能無思故  
鄉

吾生萍無根舟行任顛簸落帆風力微照水星影大遙天氣  
純白冥冥月初墮櫓聲鳴嘔啞如與雁相和苦吟人不聞獨  
擁布衾坐

秋蠅

秋蠅從何來遽爾集於此生世從積灰鑽營在故紙拔劍飛  
復還拋豆擊仍止趨炎爾勿矜西風已微起  
遊淨慈寺後由鶴渚泛舟而歸

弭棹遶鶴渚湖汜清湜湜向聞西湖名今日始相識如彼西  
子妝半面略窺側長隄隨帶環遠山若鬢植火歎紅樹光燄  
燄不可逼湖水一鏡平風來忽如纜荇藻皆浮空游魚拾可  
得涼波閃斜陽純作金碧色一鷺舟前過飛飛若可弋遙見  
清波門歸來日已昃何因作生計全家住湖側

黃妃塔

童然塔高峙本以黃妃名中貯佛螺髻呵護紛百靈回降與  
雷峰展轉訛音聲我今過其下五級何崢嶸其色毅然黃爭  
此夕照明塔以藏髮在殿以握髮傾可知禮賢意不及禮佛

古意

昔有良家女生質本窈窕才推咏絮優名擅針神巧及笄猶  
未字容華嗟易老旁人惜青春彼善傷懷抱不愁得婿遲但  
願得婿好不見唐花嬌管眼即枯槁莫歎零落易祗怪花開  
早

由寶應縣舟行夜抵淮安

午發白田浦夜抵淮陰城川途廣且修榜人銳兼程前以百  
丈牽上有孤帆橫不識所經路惟聞風水聲黯黯殘月白淞  
淞寒雲生人語出煙樾篝火深叢明統如戍樓鼓壯哉湖防

兵宇內正多事此地能宵行瘡痍會掃蕩四海期昇平

題甘建侯保璞圖

美玉珍璞璠乎尹類旁見待買無與沽求售毋乃街甘子有  
良璞保之若鼎甌光采韞益真雕琢價乃賤名鼠幾誤周則  
足久懲卞人世知音希關廷莫輕獻

題小天籟閣圖爲項月亭作

小天籟閣者芝房先生眠琴之所也癸丑以後閣燬琴亦  
不復存月亭摹圖徵題以志數典不忘之意賦五言一章  
歸之

茲閣雖云小主人墨林派圖書紛古香賓從樂情話北海頰  
開樽西園數傾蓋有時鳴夜琴竹影一燈外曲終聞松風片

丁九

四

金陵書畫  
蔣氏校印

月海東挂華屋悲生存山邱閱年代嗟哉劫火餘閣圯琴亦  
壞野老盧其旁耕煙種寒菜慈孫述祖德慕之入圖畫梧竹  
故依然冷發天籟

牽牛織女用九佳全均

牽牛處河側織女處河涯云是夫與婦乃使東西華我聞天  
官書載筆堪模楷牽牛爲犧牲織女天孫儕不知漢魏後何  
自騰淫哇咄咄成武丁乃云天官差七月七日夕河影清于  
淮奕奕氣正白萬里無煙繡鵲橋既已成鸞輅又已離精靈  
儼而合漢水流涪涪終夕樂歡會味且仍離乖行者不可留  
送者返自厓復有好事輩附和聲如蛙聘錢負二萬俗論成  
徘徊我想閨閣中妙嬉多楚娃頭上何所有七寶珊瑚釵足

1800 7 25

80 2

下何所履五紋金縷鞵黃昏竹陰動月陰空庭徒金盤釘瓜  
果素手紛安排尊中亦有酒案上亦有膝七孔穿織絨五色  
聯文縉西市買穀板黍稌連根荻東市買化生溼土分形骸  
私祝人不聞深拜依庭榭蛛絲一時結笑語聲噴唾香煙蕩  
層雲閨闈生涼飄簾波起激灑花裏門斜闌九衢燦燈火徹  
且喧天街嗟予畏煩暑半月門掩柴青苔日綠壁深閉隨羸  
羸今夕復何夕流火天西換平生有大拙卻羨人巧皆但覺  
炎涼多中之如瘴瘴往往熱中動列餒騰枯蕭世路固崎嶇  
予心亦巖巖腹書縱可騰識字良非佳曝衣聊解嘲憤鼻羞  
當階免俗苦未能且復臚珍鮭乞靈向雙星望眼時一措昔  
有汾陽王印綬紆青綳一旦逢天孫乘雲下空齋五福許以

丁九

五

金陵書畫  
蔣氏校印

四電近隨神媧後卒變天弧射殺狼與豺萬騎導前列一一  
金輪駁策動重顏牧隲位高棘槐千秋萬歲後偉績光黃牌  
又有王子喬猿鶴嵩山偕仙骨既已具肯向蓬蒿埋但騎綠  
毛鳳不羨白鼻騮冷然御風去笙吹宮商嗜感此還書空作  
字如盤蝸富貴亦所願曼衍憐優俳神仙如可求遠泛天河  
薄作爲乞巧文庶或償所懷妄言且妄聽何用營齊諧  
村居  
淫潦苦不舞朝暉開明光曉風吹白雲捲作羅衣裳江村四  
五家衙門近相望楓樞植爲椽榆柳森成行修竹宜子孫新  
筍如人長芳草綠被徑胡蝶飛過牆清風隴上來麥花微有  
香方今苦爭戰此地若或忘安得卜鄰住終身樂徜徉

贈宜興儲麗江

東坡昔買田無如陽羨良舍人近買屋亦在陽羨陽一自妖  
氛來避者殊倉皇舍人其先識卜築居長岡銅官接玉女山  
色何蒼蒼山居無四鄰左右惟篔簹英英繡雲氣間以松千  
章全家住其間呼吸空青光竊恐回風巖無此山中涼紅塵  
且不到況乃戈鋌鏖春風麥苗綠秋雨槐花黃深山無歲時  
草木能周詳後圃何所植葵蕊蘇蘇盡前門何所樹桐梓樞  
榆楊何以奉慈親甘旨娛高堂何以怡弟昆堦篋列成行何  
以俟友朋翦韭炊黃梁何以教子弟書卷紛琳琅賓客款徐  
穉甥舅聯韓康琴尊北海共絲竹東山張有時擲秀句字字  
春花香請纓志磊落擊楫懷慨慷南山豈終隱霧豹三年藏

十九

編稿

六

金陵叢書  
蔣氏校印

願君作霖雨一慰蒼生望嗟予挈老幼兩見關河霜身世如  
秋蓬轉徙渾無常安得來買鄰卜宅君之旁指顧洗兵甲作  
伴同還鄉

題垂釣圖

為愛垂釣書繪作垂釣圖千秋翰墨緣證以煙波徒意本不  
在釣釣亦不必得竿魚兩相忘坐看遠山色渭川釣以利嚴  
灘釣以名小溪釣非釣名利兩無爭

項月亭望雲圖

君家黃山邊綿綿連接岡嶺故山多烽煙西望勞引領朝望山  
雲飛夕望山月吐望山不見山千里夢魂苦

松石圖

涓涓石上泉皎皎松際月中有遺世人襟懷共登澈松氣上  
若煙石色積如雪併作水月光英英白雲結既可悟畫理兼  
能沁詩骨方今蕞隆隆益以暑烈烈炎官張火繳金石且銷  
滅得此境清涼熱惱除一切此間得佳趣勿為外人說

棄婦詞

梁溪有周甲者婦徐氏拙而賢婦歸周十餘年已三乳矣  
甲家憎婦計棄之謀之吳乙乙虎而冠者也一鄉之人皆  
憚之因噉里中諸父老詭為婦不孝狀鳴之官而出之官  
廉得之不許甲歸徑逐婦婦舍舍旁一團焦攜幼子居焉  
甲家月給米麥斗計置穰殿其中婦和野菜拉雜煮食之  
雖不飽不怨也甲無可奈何則又陰屬里中無賴子偽為

十九

編稿

七

金陵叢書  
蔣氏校印

質屋者而誘婦婦覺則大號無賴子始去鄰媪有勸婦歸  
者婦曰兒奚歸生為周氏婦死為周氏鬼且母家素貧田  
禾不盈五七畝蝗蝻且盡兒奚以歸媪曰然則死乎曰兒  
非不能死徒以姑老子幼不忍耳嗚乎婦之操可謂堅而  
婦之志抑亦苦矣昔文王美里之拘宜白小弁之咏孤臣  
孽子古今有同慨焉余聞而悲之因製為棄婦詞云  
萬籬附喬松喬松有時槁陵茗倚修竹修竹不長好女以色  
事人始終那可保婦年三五時來歸室家陸堂上奉旨甘膝  
下載生育豈知十餘年世事多反復郎謂華色衰翁嫌織作  
遲脫葉滿階日棄婦下堂時東鄰亦棄婦棄婦歸母家西鄰  
亦棄婦棄婦死水涯妾雖無所歸妾豈不能死妾死不足惜

其奈姑與子

孝鳥吟

庭有姑楡高可二丈許鵲巢其顛鵲他徙有二客鳥巢其巢音響清越其色殺然黃如世俗所稱珍珠鳥者逾年生二殼又逾年雄死又逾年殼雄亦死霜之晨月之夕子母哀啾依依共命居久之有黃鳥自東南來將殼雌去蓋鳥增也自是或雙雙俱至或獨至必有所將如反哺然一日雌鳥病斃色沙鳴殼雌及鳥增守之不去十餘日雌鳥死殼雌哀鳴宛轉日夜不絕聲越三日亦死所謂鳥增者遂飛去不復來

中庭有楡樹枝葉何扶疏葉葉自相向枝枝自相於二鳥巢

丁九

編稿

八

金陵叢書  
蔣氏校印

其上得食相鳴呼燕婉若夫婦出入將雙雌兩雄相繼殞子母嗚無辜夜夜悲鴿寡朝朝怨鴛孤聞者氣鳴咽過者行踟躕雌病斃反哺來往如鴉鳥母死子亦死恩重輕其軀我為孝鳥吟吟罷重欷歔小時解憐母嫁則憐其夫嗟爾世上人胡為鳥不如

元日詩索雨人弟和之

元日晴固佳陰晦亦無那寒威凝若冰雲陰壓如磨我既不賀人人亦不賀我此時宜飲酒酒醉便高臥臥起還披衣日映不知餓婦子雜笑言弟兄剛燕坐春風在梅花笑口忽已

破

題徐君獨立圖

天地參我形名利紛我魂我後奇鬼曠我前塵海喧微軀偶中立牛鞭馬則健誰能空萬象風骨獨高齋卓哉徐孺子霞舉何軒軒如驚濤澎湃獨運北海鯤如采雲紉縵獨翔丹山鵠如峨嶠萬仞奇勢獨蟠蜿如黃河千里懸瀑獨飲噴金鐘在東序聲獨振丹闈扶桑開旭日光獨照無垠長松傲朔雪節獨著山樊太山生層雲氣獨彌乾坤驕駟乘長風迴立傍金門鸞鳳鳴梧岡峙立迎朝暾雲垂而海立跋浪恣灑龍總干而山立空青嵌雲根古鼎鬱雲雷兀立陋飯甌削壁自今古卓立巍崑崙有時榮鵠立翩飛任鸚鵡有時如鶴立鸚鵡嚇籬落落如太古不數他山尊仰觀齊卻步何物敢攀援賤子有微詞願向明公論世途重徵逐豪門竟趨奔人情惡

丁九

編稿

九

金陵叢書  
蔣氏校印

孤介名流積愁怨學術有同異攻擊何紛繁品類判邪正鉤黨含煩冤才奇招物忌世路遭屯屯技絕逢天怒著作涉無存菘菹盈道路誰與夢葦蕪瓦飯登寶錄不復重瑤琨遺世而獨立毋乃招誘言公笑曰唯否我志不可諉花間宜獨酌碧酒自盈樽寒江宜獨釣流水聲潺湲古調惟獨彈空峽嘯哀猿興來每獨往春花尋芳原蕙纈而蘭佩小立或遺沅竹杖而芒屨怕立或林園衣葛翩翩立靜對南風喧撫松亭亭立象外悟真源與物一無競於人夙好敦若為詭異趣北轍而南轅若為厚薄態雲覆而雨翻若為貪婪念蟬捕而蛇吞若為雄踞狀熊咆而虎蹲紛紛在宇內其志皆濁濁我獨屏塵瑤條然脫羈煩不尋耦耕侶甘菊充夕餐不招借隱人煙

蘿欣自捫不躡靈龜頂文光耀奎垣不誇仙鶴背神舉隨雲  
騰甘列獨行傳夢入隔溪村白雲聽來往煙景閱朝昏  
過治坊贈鑄劍李叟七古

李叟鑄劍劍有靈劍氣上燭瑤光星星光燄燄爐火青千辟  
百灌功乃成干將莫邪吾莫名渾身已帶蛟龍腥脊錫身首  
臙後莖桃氏制度古有程後世求勝更厥形長槍大戟人所  
爭我有一言君試聽安得天下皆昇平但鑄農器不鑄兵  
病瘡

咸豐三年歲值癸滾滾黃塵起千里民生滿目皆瘡痍吾身  
此時亦瘡痍始猶磊落叢皮毛繼且浸淫透肌理細者瑣碎  
若苔蘚大者隆高似桃李東坡歷歷漚四散北邙累累冢新

丁九 楊稿

十

金陵叢書  
蔣氏校印

起瘡蠶一例病在膚疙禿無端血流耳但得砭石瘰可彈若  
食臘魚瘦斯已乾瘍往往散作斑小麴時時潰成水溼黏一  
片賴壤糊盆起從中黑墳時百孔攢似彈子滿五毒攻宜赫  
蹶紙渾身破碎如芭蕉惡疾牽纏怨茅苜蓿來擬倩麻姑搔  
痛極甯忘郭生恥脹起方謂馬腫背癢化還期類煎髓凝脂  
宛若老松樹注藥無如大楓子薑芽斂忽十指駢木皮敲已  
一枝委有若苦忍焯掌痛讓讓甘蒙漆身毀安得泚泚手不  
龜止恐痺痛肉先死架散步漸非那耶展轉天教臥牀第身  
其餘幾剝及膚足不良行鼎顛趾積師防設必傳鞭卻克難  
跛不忘履癢時有若蝦蟇然疥處將無駱駝似株連幸免齊  
侯濬波及須防楚婦痔腰下鱗甲龍不如背上芒刺蝟堪擬

剗肉似我豈善謀嗜痂有人定知己貧區揮灑會有時元氣  
淋漓尙堪恃區區疥癬一旦除余亦行占勿藥喜  
村居六款

我家高樓向南起懸對方山四十里棄家避地王墅村村居  
正著方山趾茫然四顧將安歸親戚得保聊因依寄居人事  
謝還往無書撥悶如調饑兒童伊唔魯論半春秋文選亦斷  
爛出愁入愁朝復朝出對方山入空案無書款

我性不能書頗亦好塗抹澣衣老嫗頗有言衫袖常污遺墨  
潑自經喪亂棄家具蒼壁元珪愛全割我聞宋人始貴茶詩  
人寒餓無長物饋遺獨此相矜夸我并無一亦復佳不使墨  
磨消歲華小兒無事難塗鴉看飲黃犢翻水車無墨款

丁九 楊稿

十一

金陵叢書  
蔣氏校印

甯可坐無席不可案無筆塞塞默默空面壁使我無以寫憂  
疾筆工昨日來解包三錢雞毛索價高青銅三百不可得何  
由遠致中山豪嗚呼筆耕吾已倦尖奴張軍空自銜長槍大  
戟隨官軍橫掃千軍看一戰無筆款  
東坡無田耕破硯我今破硯不可見依人作計終愧人生硬  
況如磨鐵面我有三硯常自隨蕉葉金星與澄泥以手畫墨  
如畫脂無復有石相磨治倉皇萬卷盡棄卻此物豈復能提  
攜我無硯田勿白欺且喜村田無水旱但願甌窶滿簞汗滿  
車不齎盜糧作民饑無硯款  
懷素芭蕉無地種鄭公柿葉難爲用會稽九萬婺州百有紙  
誰能與我共小紙作書常畏噴殘牋寫傳那堪誦不如抱樸

自娛戲反覆細行無款縫嗚呼國家深仁邁豐芭寬租發粟  
無時已蜂屯蟻聚胡爲起我欲作箋問天公安得青天化爲  
一張紙無紙款

東家借冠子夏小西家借帶休文寬短衣杜甫東郭履野童  
還笑儒生酸我思閉門亦良得送迎無復成主客倒冠落佩  
豈得已相煦相濡莫相責無衣款

### 西塘莊古槐歌

閏七月十一日由張廟行二十里許至西塘莊時微渴因  
乞漿于孫負家負宅旁有古槐大可數十圍正榦爲屋所  
錮其側枝穴地而出凡三伏三見最後一枝南出夭矯猶  
龍負云三百年物土人有珍禱輒應焉因作是歌

一 九 編稿  
一 金 陵 書  
一 蔣 氏 校 印

西塘莊前老槐樹十畝沈沈綠陰布骨格嶮崎怪石起面目  
猶頑夜又具窮鄉寡婦說謂神遠道行人見斯怖根盤屋底  
數十尺榦出村前百餘步三伏三見澗水流十盪十決壯士  
忤陰森靜夜搖作風霖屋晴天散霧黃雪碎碎花亂飛綠  
珠沈沈米無數心空難免野火入應折能無疾雷懼地中枵  
腹百魅藏天半回身一龍怒居民時亦事禱求過客因之感  
運暮華堂種德宜子孫古市談經陰途路此槐淪落三百年  
所惜奇材少奇遇

### 東埠雜技行

正月三日天氣新東埠雜技紛陳四方擊鼓正殷地幾人  
竿木猶隨身近縣同來十餘輩廣場環立三千人是時雨霽

日卓午琉璃地輾無纖塵一髮中立瘦如鶴兩少從之健腰  
脚壯哉朔方好身手難以都陽暴諧諧宛轉方呈隱瓶戲須  
臾更奏拋毬樂轉盤弄碗無弗精鉦聲鼓聲一時作繞場三  
而回風靡回身卻作筋斗翻奔騰忽欲走沙石轉旋直可迴  
乾坤天龍悟來一指豎觸虎跳後全身蹲有時乘勢踏空起  
空空妙手無攀援竿圍六寸長九尺一人緣竿二人執髻者  
盤旋門輕趨危哉性命爭呼吸倒挂纜如么風懸翻空忽作  
金雞立都盧自古工尋樞只恐都盧未能及看場漸狹人漸  
遮爭先快靚紛如麻幾輩從中舞劍器半空坐覺飛天花一  
時辟易眾稍退四圍禁止人無諱少間更請試他技眷屬神  
仙原一家一家技藝皆僅見處女媛公逞機變屏上能行李

一 九 編稿  
一 金 陵 書  
一 蔣 氏 校 印

鄰侯掌中解舞趙飛燕蝴蝶輕盈痴承蛾眉曼衍黎軒眩  
金谷蘇來百珠珠細骨輕軀堪表一婦高髻繡襦藉臥弄  
案瓊足適當案坐八人頗宜稱姿容五石仍有強隨風疾旋  
若轉磨對月輕舉如飛鶴瀾灑頓挫莫名狀公孫見爾應慙  
惶紅衣小兒試梯技梯凡五枕梳尺二偃僮程材良足奇王  
娘戴竿直如戲青雲屹起高轟天綠水低臨下無地倒投跟  
挂無不宜上下翩翩等閒事雙雙女子裁十齡懸燈案上能  
飛行熊經鳥申前後折免起鶴落豪芒爭二分在外足無著  
千丈一落人皆驚起來眾口齊叫絕了丁亂擲金錢聲一婦  
年可廿四五自恃身輕與相賭轉渾如蛺蝶驚亭亭共門  
請疑豎仄行卻行足並翹左倪右倪首高俯側置行數十

回翠目相看面如土少焉少婦登案眠雙鬢女亦從之前枕  
腕真堪隨反側折腰更復舞婢娟越女低昂若騰兔隱娘起  
伏同飛鳶懸空危坐足承足前身或是蓬萊仙縱身還共長  
竿揭百尺竿頭脚容歇柱腹從教四大空合掌驚聞一歌闌  
儻令撒手雌同縣似此飛行迹真絕奏技愈上錢愈多滿地  
青蚨落飛雪方今四海多氛祲中原將帥開赤心七郡良家  
盡應募三河俠少齊推襟脫使斯人肯相助眼前劇賊皆成  
禽瘡痍盪掃萬方淨肘後坐見懸黃金我亦天涯嘆飄瞥老  
幼關河累提挈窮途見此增感唏雙計從之苦頑拙霜雪顛  
毛半已皤鐵石腰支那堪折日斜人散歸去來猶覺飛騰壯  
心熱

十九

十四

金陵雜書  
蔣氏校印

村夜效昌谷體

古鏡開波萬菱帖絳縵風衣響蘆葉山狐拜月鬪饅黃深松  
鬼火青無光破廟高槐綠如蠶老蛙吃吃作人笑笛牀仰臥  
天無霞營室東挂軒轅斜鄰媪汲水驚夜鴉一螢飛上慈菰  
花

題高渭川瓊芳錄

八瓊同列七瓊完全舍生取義心所安八瓊同陳一瓊破一髮  
宗祊繫維大生者能孝死者賢消消淚血噓春鵲古水無波  
沁寒鐵冤覆天盆苦難雪吾謂河可枯兮石可裂瓊底清光  
永無滅  
又代作

惟鶴升堂作人語萬戶千門箭飛南八瓊陳庭若環堵高君  
堂堂得死所一門八口同捐軀舍生取義斯吾徒子殉父兮  
婦殉夫波及三女真無辜七瓊同完一瓊缺天遣雷霆擊之  
裂中有珠光迸明月一髮千鈞引無絕

冬青歌

寓舍之東偏有冬青樹生糞壤旁其南鄰有銀杏高可參  
天稍西一槐高不及銀杏而大且合抱相傳爲宋明物因  
感二樹之得地而冬青之獨失其所也歌以慰之

寓舍冬青樹盈丈終年溼沒同蒿萊居人視此不解惜龜旁  
溷側栖塵食我來摩挲日三五愛玩豈恤人笑哈九月十月  
北風起嚴霜日夜來相催喬柯不改葉不易得毋鐵石爲胚

十九

十五

金陵雜書  
蔣氏校印

胎濃青淡綠鬱蔥荷眼底疑有春風來世間友朋貴耐久歲  
寒見此心爲開君不見東家銀杏宋時植又不見西家老槐  
明季栽鳴脚龍爪久久閱人代名園相倚青雲堆若論年壽  
定前輩况復得地依樓臺豈知風雨一朝至蕭蕭脫葉埋荒  
苔童然對峙老翁秃昔時濃蔭安在哉何如此樹不搖落枝  
幹寸寸森瓊瑰榮枯相較理足據傾者斯覆栽斯培盤根錯  
節苟自厲歷千百劫長崔嵬榭枳梓各有用須知此亦非  
常材

舟中見月

見新月見月憶修眉記得晨妝臨寶鏡不容人畫止偷窺今  
日舟中見相思知不知



見新月見月憶纖鉤記得杏花風雨夜繡簾新捲小紅樓今  
日舟中見纖纖惟兩頭

劉野萃茂才招同時丈蘭汀黃子靜涵爲寒碧莊之遊歸賦

長句

蓉峰老人有石癖登石深山石紛走一官解脫歸去來三字  
經營縹緲透小者怪若彈子滿大者穿從泰山溜海中縹渺  
三壺連窗外玲瓏一峰秀輕盈到地似飛燕拏攫當空若猛  
獸一卷鞭至疑祖龍半夜飛來等靈鷲襄陽擬作丈人拜玉  
局應從小兒授瑯嬛漫詫福地尊仇池反覺洞天陋左拍洪  
崖高及肩右挹浮邱拂其袖金仙冉冉降自庭玉女亭亭立  
當雷雲林居士在邱壑南極老人列星宿就中奇者名曰華

一九

楊稿

十六

金陵

蘇氏校印

仰面觀之接雲構南國久曠北海尊東道幸與西席遊此間  
樓閣導我遊豈有煙霞莫予親高峰一一指厥名曲徑三三  
列其後奇書并讀大小山佳境平分內外圍堂前飯釘羅尊  
彝壁上琳琅雜篆籀看竹何須主人問觀河先驚面紋綉青  
蓮池上猶有花丹橋檻前已垂袖畫闌老桂黃雪飛夾道長  
松綠雲覆苔磴滑留鳩篆涎珠路盤旋蠶穿寶奢願擬爲十  
日留奇貨休論萬金購清遊他日繪作圖主客長歡石長壽

陶谷藏書印歌

與張子和明府別兩年所矣今年始見于姑蘇之三賢祠  
出秘書數種見示上綴小印文曰陶谷癸丑以後珍藏印  
因感而作歌凡五百八十有八言

石頭城西有陶谷中弄奇書萬千軸使君當日宴客時記曾  
親見藏書目李樓鄴架紛題籤漢志魏畧信手拈案頭儘許  
琅函攤卷尾都將玉印鈐數世家承賜書龍先人手澤尤珍  
重總角英英紫玉光映間灼灼紅泥壅君家翩翩弟與兄八  
龍五鳳爭蜚聲巷分南北阮遙集屋列東西陸士衡身間金  
多徧搜訪寶物盡歸清秘藏金石重編趙氏錄書畫同乘米  
家舫下帷攻苦愛三餘古事惟應問仲舒解題每訂直齋誤  
書志翻嫌公武疏就中使君學尤力蝌蚪篆籀古爲式揮毫  
便爾成雲煙餘事猶能工篆刻名山千古邁前賢不獨山公  
啟事傳拔地倚天韓吏部曉風殘月柳屯田一從聽鼓應官  
後宦海浮沈五年久青編只辦書隨身墨綬有時印懸肘驚

十七

楊稿

十七

金陵

蘇氏校印

心烽火江頭來萬姓同罹玉石災賀鼎惟尊皆楚炬牙籤錦  
軸半秦灰使君此時正游宦將兵每喜多多辦草檄親磨盾  
鼻書藁砧幾費刀頭盼爲言去歲從西征迎營直逼揚州城  
朔風金鼓朝傳箭大雪弓刀夜督兵刁斗森嚴誓師罷羽扇  
綸巾示閒暇萬馬雄兵四面攻百雉堅城一朝下陰陵失道  
奔前途轉敗爲勝功弗居方擬重圍戰因獸豈期漏網脫殘  
魚屢立奇勳不受賞吳會重來孰標榜思量往事空壯懷收  
拾殘編有奢想新鐫一印印九文癸丑以後珍藏云誇人出  
手等珠玉當時過眼皆煙雲字裏行間手親押朱光燄燄疏  
璃匣卷軸仍森白玉堂煙塵已換紅羊劫我今觀此心忤忤  
師山無復舊堂扁

山

堂

印

圖

書

金

石

灰

同

滅

華

屋

山

邱

題洪石樵背月吹簫圖

紅樓綺苔古蟲泣桐陰悄青冰增立參差吹裂青鸞聲流雲  
夜瀉銀河笙揚州紅橋二十四珠簾波捲春雲膩鷓鴣刀截取  
瓊玕枝秋風夜攪哀猿思綺夢如煙吹斷絲青天缺恨瓊娥  
知

題陳卓齋道士張琴和松圖

陳君灑落神仙人以琴爲命松爲鄰玉軫冰絃奏桐尾空山  
無人響流水峨帽萬丈飛雪涼芒屨碎踏松花香萬粒迷濛  
織青霧盤磔鱗皴古龍怒天風吹下波濤聲碧海成連夢中  
遇

題廬山瀑布圖

翠削樹煙碧落裂銀花碎翦晴天雪湫雲彌漫嘯古龍飛滿  
卷人寒山松匹練垂天自朝暮結茅且向匡廬住出山不及  
在山清切莫飛流向東去

琵琶曲

咸豐丁巳三月二十日李式如茂才招飲同人於怡怡堂  
酒半出琵琶伎侑觴避亂以來蓋久不聞此聲矣根觸舊  
游不勝今昔之感因製爲此歌命之曰琵琶曲云

山桃花紅江月白主人移居夜宴客烹龍炮鳳臚八珍紅燭  
輝輝照瑤席席前歌妓顏如花輕籠漫燃撥琵琶風聲拂拂  
出十指滿堂坐覺飛黃沙初來爲彈小青曲後彈連環聲續  
綴衡陽雁叫秋潮生巫峽猿嘯夜雲逐嗚嗚兒女語未終沈

一九

編稿

二十一

金波 蔣氏校印

沈武夫怒相觸坐客傾聽心顏開清歌一聲酒百斛藏蘊射  
覆分兩曹其中飲者誰最豪王郎起舞翔以翔須臾拇戰手  
如雨大戶小戶皆醜醜美人歌罷銀缸背兩臉紅霞若微醉  
千回萬轉眼波媚斜倚琵琶忽如睡是時四座皆消魂我獨  
沈吟感前事自從避亂辭石城五載不聽琵琶聲琴尊北海  
全消歇

生 從軍故 軍故 人家室流離幾遷徙吹簫乞食誰爲聽吳越年來苦  
飄泊聽此心懷殊不惡回憶秦淮夜泛時金尊檀板都零落  
眼前有酒須盡歡萬事何如一杯樂君不見蓉城高峙江之  
濱杜康墓接劉伶墳古來飲者何紛紛兩人以外多沈淪方  
今四海紛煙塵朱方白下仍屯軍哀鴻往往聲酸辛今夕何  
夕肴核陳主人盡醉客亦醉當筵不飲空歸去竊恐琵琶解  
笑人

丁九

編稿

二十三

金波 蔣氏校印

飲項月亭黃山茶因訪悟堂上人

項君招我延清涼飲以茗飲得未嘗峽州願落不足數此品  
來自黃山岡越甌醉翦綠雲片圓荷小葉浮中央我聞東坡  
評茶愛北苑紫金乃復煎鹽薑又聞山谷煮湯重官焙雞蘇  
胡麻陋渴羌茲茶具足色香味令我舌本滋甘芳泠泠想經  
露氣入拂拂疑有風聲揚古人處方卻飲暑曾以清震名其  
湯暢飲勝吸碧簫酒擘蓮雪藕皆尋常枯腸得此古冰雪譬  
熟惱傅旂檀香詩成徑訪悟堂去寺樓一角明頽陽  
題秋美女士三十六芙蓉館遺集 故人蔣氏校印

太息風塵客相期園苑仙魚書三百里鶴算一千年靜室虛  
生白清談妙入乎何時香案下口自授真詮  
贈謝建之外弟

與子久相別欣逢虎阜前煙塵滿故里萍水證良緣暮雨胥  
江路秋風震澤船高堂幸無恙努力愛華年  
對月

孤客對秋月一庭虛白生涼風忽然起夜氣與之清葉響打  
窗靜燈光搖壁明斷鐘零柝意併作客中情  
張子和太倉勸災予亦將有武林之行

大令今循吏應官鼓重聽使星明海甸霖雨及生靈願我髮  
已白多君眼獨青相逢又相別明日各揚舲  
丁九 楊稿 二二八 金陵叢書 蔣氏校印

徐錦江爲予歌哀江南詞詩以贈之  
海內識曲者於今有幾人惟君具隻眼吾道仗扶輪作客漸  
垂老著書難救貧忘年論交誼莫厭往來頻

舉世孰青眼逢君今白頭關山阻風雨天地厭戈矛心事碧  
雲暮詩編黃葉秋西窗論文處翦燭話綢繆  
舟行

煙樹淡將夕餘霞映遠空人行帆影外雁到觸聲中蘆上已  
飛雪蘋間微有風停船問前路已有一燈紅  
贈高紫庭即題其咏蟲詩後

久別高季迪相逢吳市中杜陵詩卷在莊叟寓言同即此么  
廢物能容造化功蘇臺尙飄泊我亦可憐蟲

贈李桐階即題其萍風集

言語妙天下香山有替人一空文字障獨抱性情真恨我見  
何晚如君交易親新詩共相訂莫惜往來頻  
長日

長日一無事閒身與靜便老妻開竹簾嬌女索瓜錢檐響滴  
槐雨簾香浮茗煙蟬聲雜變徵已入早秋天  
舟行雜詩

一水盪空闊扁舟任所之風來蘋葉上波起洞庭時斷岸蟲  
吟澀孤雲雁度遲芙蓉朝可采何處寄相思  
舟夕自閒適清吟明月中衣涼疑有露帆落漸無風夜色隨  
孤雁秋聲吟百蟲可憐荷戈者辛苦尙從戎

丁七 楊稿 二二九 金陵叢書 蔣氏校印  
晚飯舵樓底角聲清且哀涼風中夕起明月一帆開樹影螢  
燈出船聲魚斷來離家日趨遠聊醉掌中杯

夕照淡將沒行行前路遙橋來帆更落波定構重搖蛺蝶渡  
秋水鷓鴣歸晚棹何時回故里一葉訪寒潮  
扁舟停一葉嚴柝正三更到岸片帆落出林孤火明水雲騰

盛氣村月警雞聲起視夜何許銀河耿耿橫  
一路景如畫翻嫌畫未能魚牀下浣女鳴艇載歸僧白雪過  
蘆嶼黃雲來稻陸歌聲雜歎乃相煇采湖菱

淨慈寺  
前朝光孝寺今以淨慈名花氣諸天近松光一埵明人誰問  
宗鏡我欲證無生不待晚鐘發到來心已清

登會稽山

南歸尋禹穴勝地獨來遲清磬上方寺奇文終古碑龍吟松  
護護魚躍水淅淅儼溺徧天下小臣空淚垂

雨中出文德閣

關塞與天齊征人匹馬躋風聲推樹過雨勢壓山低認路濛  
濛影行歌滑滑泥今宵何處宿客思已離迷

至鎮遠買舟南下

銷盡輪蹄鐵匆匆又換舟千峯排岸走一水抱山流願我無  
長策欺人說壯遊灘聲吹滿耳併作旅懷愁

秋途感作

一路踏黃葉秋聲碎滿林西風飄客淚歸雁識鄉心道阻家

二十九

三十

金陵叢書  
蔣氏校印

難問愁多病易侵閨中人憶遠衣寄費沈吟

月夜獨酌

孤雁一聲過夜涼秋滿天大江流漢水明月上人船乘興歡  
呼酒觀空便是仙姮娥獨相慰竟夕傍尊前

雜詩三首

同別故山青悲歡徧驛亭屠龍懷絕技旅雁指空冥舊雨一  
朝散微雲四野停秋江今獨涉蘭杜鬱芳馨

望斷衡陽雁春風未北歸書憐湘水隔夢與楚雲飛烽火傳

宵警親朋盼夕暉萋萋芳草長幽怨滿柴扉

載出延令道車聲正到門山中秋月冷江上亂雲昏新句苦

屢疊醇醪瓦注溫相攜同慰藉今日安離魂

贈尹敷貽學博

風雨黃橋路尋歸款竹扉文章宋師魯名望漢翁歸憂世心  
俱粹傳經願豈違扶輪仗大雅知我漫云希

書劍飄零日干戈擾攘時窮途艱地主曠代獲人師驥尾附

千里鶴巢分一枝善人名夙著不獨里閭知

采鐸向何許遙遙白下城風驚楚一炬雲散魯諸生講學苦

無地之官空有名烽煙期盡掃多士快逢迎

贈葉禾生

不見石林久相逢淮水涯故人欣有子一蔬足名家餘力破  
秦漢虛心突趙吾高堂若問訊爲道雪髮鬢

題甘曉亭校書圖

北郭山采閣子家所南城津遠樓甘氏書樓圖書同劫火身世亦  
浮漚我已艱荒落君仍工校讐避居得閒靜此福幾生修

贈周還之

當代周邦彥風流迥不羣相逢吳鄉縣同憶故將軍往事付  
流水前游空夕曛天涯幾人在望斷冶山雲

客感百端集君詩一卷新經明還教子園小足娛親僧寺茶

黃會官盤首藉春避居歎離索安得住東鄰

贈蕭伯山文鶴內兄

不見蕭思話于今已七年相逢淮海際幸免亂離前絳帳春  
風坐青燈夜雨懸平生師友誼飄泊共華顛

憶昔成童日郊公選壻秋無才愧冰玉知己痛山邱爲社成

虛夢虹橋溯舊游重逢莫輕別同醉酒家樓

大地

大地窮黎感嚴宵久客情虛坐積雪影高枕遠江聲窗竹聞  
寒滴燈花卜曉晴前途尙淹滯何日是歸程

文峰閣納涼和項月亭韻

冒暑登傑閣高高透碧穹窗開萬井樹閣倚一天風歸鳥夕  
陽外行人深竹中詩僧解留客花底茗爐紅

鎮日

鎮日閉門坐炎歎百不宜兒閒猶作畫客到只論詩竹氣風  
侵簾荷聲雨落池先秋遞涼信最好夕陽時

文峰閣訪悟堂上人

十九

楊稿

三十三

金陵叢書  
卷之九

聞說遠公社梅花香可親偶偕南郭子西門外來訪北枝春好

友共談藪新詩如飲醇還期風雪夜同此祀茶神

舟泊寶應

戍鼓夜分半停舟北郭邊離家三月外尋夢十年前窗影風  
侵竹湖聲雨入船嬌兒愁惡臥布被裏頭眠

解纜月初墮晨光微可分天風吹不已木葉下紛紛水闊霧

成雨天低江入雲汀舟起孤雁子亦恨離羣

癸丑避地王墅張子畏太守月有所贈彭雲堦都轉爲余買

宅王睿甫大令亦以資助即事感激兼呈三君

垂暮那知遇百憂縱橫豺虎困詩囚身從閒道栖同谷天許

全家出汴州羞澀齋鹽愁過日頻煩縞紵義凌秋飛霞高閣

能無恙何日花枝共酒簪

金陵一旦萬家空流落江村此禿翁朱雀橋荒悲舊業青龍

山近想淳風移家幸有名卿助蹈海應無義士窮北望籬門  
原咫尺風塵消息苦難通

漁翁

生涯常在水之涯兩手空空兩鬢華苦雨淒風情自若朝潮  
夕汐計無差妻孥等是舟中客富貴何殊浪上花問到避秦

真樂境桃源深處有人家

蘆荻洲旁蓼岸邊漁兒漁女慣烹鮮行吟騷客曾相識失路  
英雄尙乞憐船可爲家忘卜宅魚能換酒莫名錢桑田又見  
成滄海儻問年華不記年

感懷

丁九

楊稿

三十三

金陵叢書  
卷之九

梧桐冷落鳳凰生不逢辰亦自傷四載烽煙歸故里三更

風雨夢橫塘空心蓬梗騷人直瘦骨梅花笑我狂便問平安

千箇竹平安何日報家鄉

掃晴娘

翦裁倭紙與鸞牋著得絳衣分外妍誰說紅顏多薄命卻將  
素手善回天清風嫋嫋餘雙袖皓月娟娟照一肩能向日中

逃影否靜持苕帚學參禪

爲怕拖泥帶水行使卿憐我我憐卿真心耿耿憑何策妙手  
空空快此情不把紅塵勸透徹那能白日見光明升天階級

安排定便把夫容朝玉京

懶向庭前掃落花癡情猶自繫天涯因他苦雨經連日阻我  
行人未到家願把婆心盟日月敢煩女手拂煙霞彼蒼果爾  
多方便笑倒吟肩釋八叉  
十八封姨子細猜佳人底事立蒼苔英雄氣短輸橫掃兒女  
情長費翦裁無限心思將日貫者般手段把天開知卿斷絕  
巫山路行兩行雲總不來  
痛哭

太史公書半紀聞賈生痛哭欲云云無功臣子憐蘇武有道  
君王歎漢文隱逸難尋陶令宅權奸空跪岳王墳今朝張翰  
杯頻酌醉把君苗筆硯焚  
題時蘭汀翰香集

十九

編稿

三十四

金陵叢書  
蔣氏校印

朝雲夕月暮煙絲都是奚囊絕妙詞泛宅秋經路馬渡移家  
春到鳳凰池一生知己劉伶酒七字驚人李白詩風雨四窗  
幾回讀挑燈想見夜吟時

贈蘭汀

年少逃禪得未嘗君因前世悟空桑閒身彌勒同龕隱慧眼  
牟尼一串光我想圓如梅子熟佛心清共木樨香嗟余亦有  
長齋念松下清陰每坐忘

鄉關猶未厭戈矛浪作吳門汗漫遊夜雨陳蕃新下榻秋風  
王粲獨登樓一千里路誰青眼四十年華已白頭難得主人  
賢似此雞陂鶴市暫句留

知君多藝又多材不獨風騷見別裁清聖一生歌酒德謫仙

19501

七字擅詩才醫方半是長桑授畫筆都從小李來宛委新窺  
枕中祕傾筐倒篋一時開

厚德端宜享大年登山臨水似飛仙葭菼小隱韓康市書畫  
曾乘米芾船馬帳千秋崇正學龍經一卷得真傳向平婚嫁  
從今畢五岳遨遊幸早旋

雲天高誼異尋常交到忘年見熱腸故里數椽歸未得窮途  
一飯感難忘論文夜翦四窗燭話舊秋開北海鷗指顧南天  
息烽火重陽作伴好還鄉

答張雨樵

邂逅翻嫌相見遲旗亭尊酒話流離學書久鄙趙承旨得句  
能追韋左司落木樓臺殘照影秋風菱芡故鄉思江天烽火

十九

編稿

三十五

金陵叢書  
蔣氏校印

從今息作伴還鄉好及時

壽陸丈夫婦六十

蓬蓬臘鼓動春聲冉冉華堂瑞靄清庭桂階蘭爭挺秀木公  
金母共長生名山著作西湖占廣坐親朋北海迎翹首江天  
看象緯婺星高並壽星明

家世雲間世澤延高風林下並稱賢桃枝已熟三千歲花甲  
同周六十年石奮門庭佳子弟劉綱夫婦古神仙賓筵幸附  
葭莩末試奏南飛鶴一篇

登金山

半空蛟蜃結樓臺此地高寒絕點埃天界直存仙佛想江聲  
時挾雨風來夕陽下界度飛鳥古寺南朝餘劫灰眼底蒼茫

極東海五雲多處是蓬萊

客中

客中無計畔牢愁  
明月高寒獨倚樓  
大地河山千里夢  
涼風湛杵萬家秋  
干戈擾攘聞新警  
書劍飄零悔浪遊  
我本有家歸未得  
一帆明日又杭州

江頭烽火逼天來  
萬卷圖書付劫灰  
過眼雲煙新印本  
傷心瓦礫舊樓臺  
書生結習終難免  
秘本新收亦可哀  
儘有儲藏萬餘卷  
嗟予空手賣山回

嘉興道中

黃雲壓野稻初登  
此境丹青畫未能  
秋水荒蕪編蟹斷  
夕陽高柳挂魚罾  
隨邊取土同栽柘  
波面牽繩各護菱  
我亦置身

圖畫裏山屏水鏡一舟乘

塘栖夜泊

魚鹽水市古塘樓  
夜半停舟近大隄  
一帶樓臺波上下  
萬家燈火岸東西  
白蘋風冷客初到  
黃葉枝高鳥乍啼  
永夜清吟不成寐  
遠村落月已鳴雞

岳武穆王廟

痛飲黃龍氣不平  
當年枉自壞長城  
千秋日月忠同見  
三字風波獄竟成  
叩馬安知非國士  
騎驢僅足保餘生  
建炎時事都堪哭  
不爲悲公淚亦傾

清明次鎮甯

節到清明便可哀  
紙灰煙裏怕頭回  
意中景物思鄉里  
客路

光陰付酒杯垂柳那堪官道折  
野棠都傍墓田開  
老親地下應兒望  
不見今年上冢來

寄內

記得歸甯暫別離  
畫樓獨住亦相思  
那堪楊柳花飛後  
又見櫻桃子熟時  
分手未忘丁囑語  
還家難定隔年期  
春來莫恨蕭郎信  
兩泊風飄在路歧

登岳陽樓

神仙曾說醉三回  
我到能無酒一杯  
楚水白連湘浦遠  
君山青過洞庭來  
風帆上下難爲住  
襟抱平生喜暫開  
幾輩競談憂樂計  
不知誰是濟川才

梅花

千樹萬樹雲徑深  
置身高立孤山岑  
美人不來月在水  
仙鶴一去煙橫林  
吟詩每帶冰雪氣  
講易能窺天地心  
參橫斗轉不知曙  
此境宜向羅浮尋

淮安

淮安重鎮天下奇  
右連洪澤左射陂  
四瀆經行半由此  
七州扼要能制之  
香山詩編枸杞井  
北海書翰娑羅碑  
窮途一飯亦難得  
漂母不作空傷悲

高子安歸自粵東即題其詩集

蠻雨蠻煙百粵程  
花田荔浦五羊城  
全家浩劫餘孤注  
一卷新詩有變聲  
白髮高堂遊子夢  
浮雲滄海故人情  
東臯相見又相別  
風雪離亭酒共傾

贈某大令

射鴨觀魚報政成元龍湖海舊知名詩追白社風斯古心與  
黃橋水共清一境絃歌春有脚四郊桴鼓夜無聲仲宣愁絕  
登樓賦卻費中郎倒屣迎

窮途歌哭總無端萬戶何如一識韓異日或能憑驥尾此來

原不爲豬肝一官落落崔丞遠四海茫茫范叔寒泥雪偶留

鴻爪迹他時乞與故人看子調和張

韓侯祠

下馬叢祠燕辨香將壇冷落釣臺荒從龍氣運歸真主烹狗

功名忌假王榮辱何關少年事死生都出婦人行中原此日

多擊鼓安得將軍鎮四方

丁九 編稿

三十八

金陵叢書  
蔣氏校印

贈蔣心相明經

姚李瑞願子王張國容皆已死靈光一殿歸然存關河八口貧

非病賓客諸侯老益尊掃撥殘雲見青眼目復挽留舊雨話

黃昏淮陰漂母今何在徑欲憑君一叩門

贈朱銳甫先生士端

久聞朱昇號書淫絲帳青編白髮侵根柢六經皆注腳網羅

百氏少成心天留一老靈光殿人仰名山著作林旅館蕭條

綠苔滿多君幾度足音臨

強識彙成一卷新著書歲月健精神歐編趙錄千秋業商敦

周彝四坐春凌長而還承絕學鼎臣以往見斯人經師兼負

人師望問字思從步後塵

快雪

快雪今朝穩放晴龍川川上峭寒生三千世界水晶域十萬  
樓臺白玉京幾日道途多傲學誰家庭院尙歌聲大裘廣廈  
平生願客館蕭條百感并

臨別贈陸佩秋

雲泥天壤各升沈君出風塵我在陰湖海十年朋友淚鼓鼙

千里弟兄心虎頭夙具封侯相駿骨同酬募士金至時以募勇

落日孤帆忍相別大隄煙樹暮蟬吟

九日偕周還之李芝生蒙湖登高

博沙蹤迹暫句留菊殘黃蕪且唱酬我輩窮途宜縱酒他鄉

九日共登樓鯉魚風老明湖夕鴻雁雲荒落木秋回首鄉關

丁九 編稿

三十九

金陵叢書  
蔣氏校印

信懸絕十年不作冶山遊

移居張壘新宅謝成蓉渠先生

爲賃鄰村屋數椽先生高詭薄雲天望衡止隔二三里買宅

何論千萬錢未免室家猶繫累好從文字證因緣少陵大茈

孤寒士廣廈分明在眼前

除夕

狼烽淮海逼殘年鴻雁哀嗷大道邊齋粥危時多過分糶盆

異地且隨緣親朋乞寫宜春帖兒女喧爭壓歲錢自笑聞仙

貧太甚曾無酒脯祭詩編

元旦

改歲書元瑞霽呈瞳瞳曉日萬家晴梅花數點作春色爆竹



千家非惡聲掃徑時逢良友至出門方向喜神迎人心厭亂  
天心轉願祝東南早罷兵

避酒

平生蕉葉量難酬豪飲何堪大白浮杜舉甘心辭菊部重逃  
掉首去糟邱一卮才屬逡巡起四坐難從汗漫遊我自獨醒  
還獨往世人大半醉鄉侯

兩軍旗鼓正相當大戶轟然小戶忙入座人爭吞北海逸名  
我欲傍東牆雄兵止合退三舍虛席何妨空一觴宴罷欲歸  
歸不得森嚴約法畏劉章

梅致

逸品文章別調詩冰天雪地影參差孤山與折有奇趣老樹

一九

楊稿

四十

金陵叢書  
一  
蔣氏校印

橫斜無醜枝落落獨吟高士格嫋嫋相見美人姿疏花冷蕊  
誰相賞月下丰神只自知

護梅

山中風雪四無鄰插棘編籬亦苦辛守向寒天惟有鶴折從  
高樹預防人鈴懸似有黃金綴瓶供休教碧玉斲破屋頽牆  
遮不住白雲環繞一家春

蓉渠話雨軒牡丹盛開招飲即席賦此

三年不見牡丹芳此地重逢喜欲狂香國紫雲天子氣曉簾  
紅燭美人妝金張門第繁華極李杜文章光燄長今日主人  
行且住

冬柳

是日君將有遠行以開花而止  
花前莫惜醉千觴

枝尚垂垂葉已空婆娑生意近來窮感時全減飛揚慮顧影  
真成老秃翁昔日池臺經劫火衰年身世閱秋風一般濯濯  
堪憐處比似春初迥不同

長堤秋盡太蕭森況復冰霜日夜侵當路有時挂青眼少年  
無計買黃金荒寒不盡關河感搖落原非天地心終歲勞勞  
成底事讀書安得一堂深

槎枒老筆寫時艱品在郊寒島瘦間待折腰來已遲暮不如  
人處是蕭閒平林畫本倪元鎮枯樹文章庾子山冷落門前  
無繫馬柴扉甘向雪中關

風景蕭條憶白門輸他落葉得歸根陌頭久斷封侯夢亭畔  
仍消送客魂編簡光陰嗟老大染衣科第望兒孫生機漸逐

東風轉漏洩春光到小園

七夕宴永禽堂

清尊綠酒宴華堂離合悲歡事本常大拙誰憐柳子厚奇勳  
終待郭汾陽鴛鴦夢隔紅牆遠鴛鴦橋通碧漢涼此日甲兵  
應可洗試令壯士挽銀潢

秋感

逝水年華已半生學書學劍總無成春花秋月江湖酒瘴雨  
蠻煙草木兵未必天心忘世亂幾何人壽俟河清醉餘莫漫  
談時事持論於今恐不平

學畫蛾眉未入時風塵笑我獨遲遲不如飛鳥止其止爭奈  
亡羊歧又歧貧自寡交非故傲身雖多病莫知醫可憐吳市

成焦土肯許簫從此罷吹

落日寒山萬馬奔西風瀚海一軍屯  
諸天在說無生法大地難招不死魂  
陌上垂楊愁少婦江南芳草怨王孫  
閒雲依舊成飄泊縱有餘生悔復存

秋聲落葉響蕭蕭枉買青山住六朝  
回首春風翻樂府傷心今雨話燈宵  
窮途那有新詩卷長物空餘舊酒瓢  
不獨一江諸弟隔無多知己也萍飄

我亦流亡到處家海風重泛客星槎  
此生已作拖腸鼠多累翻成畫足蛇  
儘有新聞來日下竟無好夢遞天涯  
寒梅消息憑誰問歸計空懸陌上花

丁九 楊稿

四十二

金陵叢書 蔣氏校印

須問已經人賞音落窳桐焦尾幻夢  
迷離蜨化身還我綠蓑青箬笠斜風  
細雨一垂綸再感疊前韻

謝安無計慰蒼生一局殘棋劫屢成  
積雨東南先患水浮雲西北未消兵  
江天莽蕩龍吟冷關塞蕭條鶴唳清  
壯不如人今漸老榮枯何用問君平

大嶽高牙異昔時隔江烽火節來遲  
驚鳥曉破寒山睡老馬心傷末路歧  
碧落有碑終沒字青囊無藥枉投醫  
依依楊柳霏霏雪愁聽江城畫角吹

憶自尋陽乘甲奔秣陵回首陣雲屯  
飛花盡化離人淚落月空歸望帝魂  
客在異鄉成老大野多荒冢哭兒孫  
何堪復蹈

前車轍半壁今無什一存  
錢塘江上冷蕭蕭別派爭趨海若潮  
奮擊一軍飛上將倉皇萬騎走中宵  
逼人富貴催花鼓與世浮沈逐浪飄  
立馬吳山增恨望孤城落日大旗飄

桑乾自昔帝王家犯斗驚傳八月查  
中秘樞機消息鬼域上都旌旆動龍  
蛇獨不見橫吹玉笛落梅花

偶因避地息風塵故國平居秋復春  
天寶不堪談軼事杜陵無奈作詩人  
江涵鴻雁分飛影枝老鶴鶴暫寄身  
閉戶莫愁虛歲月著書種菜亦經綸

四月四日冒筠千招飲虹橋村舍且有  
普陀菴看花之約以事未赴依韻奉答

花時豔說碧霞宮杜若最靈宮靈宮道路豺狼梗未通  
如此江山經劫火卻來淮海看春風  
地當水繪荒涼後人在天香醞釀中  
妙隱何人堪繼起扶輪賴有白頭翁

丁九 楊稿

四十三

金陵叢書 蔣氏校印

看花約過老僧家路出城西一徑斜  
未得閒身陪杖履空教過眼付煙霞  
留賓滿瀉龍頭酒供佛全勝鶴頂茶  
勸飲甘心避三舍敢將險韻鬪尖叉

冒恒壽筠千兩先生招飲藝圃軒並至  
普陀菴看花宗友石詩先成即次其韻

草木際天春已暮干戈滿地客無家  
來傾北海尊中酒去看西城寺裏花  
紅豔悟來皆夢幻白頭對此感年華  
昨宵瓊島

628

東風緊吹落江天五色霞

將之汶河留別雲溪

東華三代住斜橋雉水嶺山未易拋八口米鹽盡負版一天

風雨燕移巢關河差勝無家別金石難忘有道交後會中秋

知不遠相期步月出西郊

金眉生廉訪招飲即席賦詩

千軍芻粟仰霜臺報國匡時一代才大筆文章唐李杜是日

七疏稿及五小山賓客漢鄒枚研生客為說小南都李水初陳

得春亦亦則其間東風別啟梅花室北海同傾竹葉杯既醉

歸來過夜半嚴城鎖鑰為重開

清明偕家僕庵作出郭遊

丁九

稿

四十四

金陵叢書  
蔣氏校印

不盡江南離亂情更從江北作清明異鄉風雨難為客十載

江淮未罷兵東郭幾人猶野祭西山何日得躬耕期君共上

文峰閣杜宇聲中看曉晴

端陽偕家僕庵詣悟堂上人

佳辰同拜古先生破例開門劇有情午日諸寺悟堂不開門以予

逐客曾為澤畔行采艾懸蒲好時節天涯愁絕庚蘭成

五月十七日為椒山先生生日家鵠臣設酒脯奠之並招同

人集於浸月樓敬賦四律

青天白日鑒忠誠蘋藻馨香祝降庚拜手同陳杯水奠長頭

高並壽星明東樓父子空遺吳西市夫妻豈殉名信是萬年

常不死公孫中何云萬至今生日氣猶生

匡廬面目認來真遺集長留一卷新道統千秋接濂洛元音

終古起伶倫虎符未授專城寄馬市空聞諫疏陳此去焦山

知不遠招魂定有鶴來馴

江南萬里隔君門虎豹森嚴叩帝關一代名臣堪將相九京

正氣燭乾坤天家自負君臣契狄道長懷父母恩我亦書生

思報國蕭蕭白髮愧諸孫

家書一讀一洩淵定論何須俟蓋棺三字冤埋臣力盡萬言

疏上賊心寒護身豈藉轉蛇膽粉骨應慚獬豸冠浸月樓頭

今夜月晶毳捧出萬人看

六月一日為楊太真生日宗友石有詩依韻和之

丁九

稿

四十五

金陵叢書  
蔣氏校印

巫山雲雨夢荒唐唐誰賦清平第二章今日稱觴到蓬島當年

擲笛認宮牆華清妃子傾城豔扈從諸姨舉國狂王母瑤池

作鄰並五雲樓閣望蒼茫

曾浴溫泉水淺深恩波灑灑到如今霓裳舞罷一垂手鈿合

盟成雙印心方士偷窺紅玉佩君王羞對白頭吟香山長句

陳鴻傳珠箔銀屏不可尋

驪山避暑境清涼金屋深深好護藏暖日三竿棠睡足紅塵

一騎荔枝香長集靈臺上新承龍端正樓頭理曉妝豔說深宮

定情夕花顏雲鬢稱金璫

上皇輕色重山河蓮夏槐秋奈若何陳迹重尋鸚鵡母夢香魂

應戀馬嵬坡六宮粉黛專房寵一曲琵琶長恨歌遙向長生

祝生日仙山想見醉顏酡

曉起見茅山 五絕

昔聞茅山名今見茅山面雲中山自橫雲中君不見

曹村蕩采菱曲

朝采曹蕩南暮采曹蕩北儂來照菱花菱花減顏色

阿儂年十五生小曹村蕩聽唱采菱歌移舟故相向

菱絲持作綾菱葉裁作衣朝朝蕩中望但見鴛鴦飛

采菱莫采根采根秋水深苦意落波底蓮子空有心

舟晚

波白魚靜跳天晴雁孤往斷岸西風來葉落打篷響

木杪羣鳥歸草際一螢往岸影如有人風吹敗蘆響

丁九

楊稿

四十六

金陵叢書  
蔣氏校印

客窗

江雲晴更飛池冰皓已結斜陽明一窗樹杪墮殘雪

如皁願樸齋招賞牡丹即席賦詩以山林富貴為韻

花下遲來客草堂門不關君方夢瓊巖我亦念家山

東家牡丹宴西家牡丹吟一叢深花色卻憶旂檀林

寺香名

採筆題新詩園林簇錦繡誰謂草堂貧不及金谷富

一夜春風驟紅紫忽如沸但得畫胭脂豈以多為貴

癸丑六月東風大作經十七晝夜不止 七絕

東吳事業劫灰空今日猶傳借火攻公瑾不生諸葛死可憐

孤負者番風

七月八日大雨

彼蒼何日厭干戈徒使生民喚奈何為勸世人休乞巧但期

壯士挽天河

雪

竹葉梅花松樹頭天公玉戲最風流知君怕作趨炎客不是

寒門不久留

雨後行艾山道中

土橋茅屋兩三家短短籬笆小徑斜門外一溪新漲碧鷺鷥

閒啄水荑花

橫塘曲

妾家生小住橫塘柳映芳櫓竹靠牆郎若船來輕蕩漿水邊

時宿兩鴛鴦

十九

楊稿

四十七

金陵叢書  
蔣氏校印

泊威墅堰

蘆邊魚斲柳邊昏三五零星水面燈風力漸微潮漸落一帆

明月過毘陵

阜橋懷古

飛橋一道臥長虹想見當年阜伯通我亦吳門賃春客誰從

廡下識梁鴻

登舟

風餐水宿一舟乘家室相將苦未能何日丹成能拔宅雲中

雞犬亦飛升

瓶花詩

十月十九日於江陰縣署之後圃折得白菊兩莖九英梅

一枝梅凡三蕊一花菊凡五萼一半開者才如小兒拳一  
開者如羽扇上七瓣排列適均下二瓣當扇之柄噫梅菊  
之于花幽且冷矣而茲花尤極幽冷之趣予以三錢藥瓶  
供之朝夕玩愛過于異書自熱中者視之則將如買菜求  
益矣詩成後又作贊曰花冷於冰瓶醜如鬼陶籬千叢庚  
嶺萬蕊汝定官哥盡善盡美苟無力以致之甯舍彼而取  
此

菊致梅姿迥出羣小窗清供一瓶春似茲冷面難諧俗相賞  
風塵有幾人

題扇

杏花村裏杏花愁那復能將春色探只怕雙雙新燕子也愁

十九  
謝氏校印

飛不到江南

聞仰筆齋振瀛茂才園梅已開詩以乞之  
去年曾看遂園梅今日梅花料已開靜夜無人明月上空江

應有鶴飛來

筆牀硯匣苦無鄰誰慰寒窗老病身六寸銅瓶新注水乞君  
分與一枝春

湖州道中

桑麻菱芡自春秋水利能輕萬戶侯此地有田三百畝餘生

端合老湖州

舟行野望

西風吹老夕陽晴萬里湖天一鷺明閒倚篷窗向南望青山

多處是臨平

對月

水遠天長對鏡宜今朝眉樣闌絲絲紅閨嬌女晨妝面想見  
初三下九時

舟行雜咏

紅燭搖搖心已灰向人猶作一花開舟中對此難成賦獨有

江南庚信哀

扁舟日日問程途煙水雲山擅畫圖柔艣一枝蒲十幅載將

詩夢到西湖

白雲冉冉滿天秋綠水粼粼一鏡流依舊布帆無恙在行人

安穩下杭州

十九  
謝氏校印

小春寄鐵香

江南消息問何人萍聚蓬飛各有因驛使相逢無可寄七言

詩當一枝春

王體之贈盆茶一花甫開半為葉蔽卻賦  
前宵猶抱枝間蕊今日旋開葉底花好似尋陽江上婦羞遮

半面借琵琶

將之淮陰

江湖乞食豈初心書劍飄零百感侵前路不愁無漂母一帆

明日到淮陰

正月二日喜晴

千家爆竹喜春聲昨日陰陰今放晴六扇羅文窗格上梅花

已有一枝橫

二月八日喜錢朗齋至

夜窗翦燭共清談風雨聲中酒半酣一樣杏花好時節轉從

江北望江南

周樸山表弟邀食菱芡感作

河樓茗椀對斜陽紫芡青菱得飽嘗同是天涯未歸客涼秋

風味憶江鄉

贈友

他鄉重與話悲辛匣劍囊書不救貧黃葉燈前風雨夜天涯

同是未歸人

君欲言愁我始愁洞庭波起暮天秋西風作伴還鄉好待我

十九

楊稿

五十

金陵叢書  
蔣氏校印

歸來一葉舟

天涯

天涯書劍等萍飄雉水曠山百里遙樓閣千家燈兩岸一帆

秋雨到黃橋

且巢圖

昔聞巢父出塵區後有巢民住海隅君得一枝棲隱處不妨

繪作且巢圖

千門萬戶冷斜暉但有巢居得所歸我正無依似烏鴉滿天

明月向南飛

去年

去年燒燭宴梅盧今日惟餘雪滿除零落梁園舊賓客幾人

能識病相如

寄詩圖為蔣鹿潭作

病怯爐煙瘦怯寒幾生修得到芳蘭東風著力頻抬舉掌上

明珠一例看

千里雲山一紙詩遙遙空谷寄相思國香自合生香國占斷

春風第一枝

題高子安落花圖

殘雲滿地沈燕脂應悔尋芳去較遲庭院愔愔春寂寂落花

天氣燕來時

紫玉飄煙逐逝波紅霞散綺墮高柯門前崔護重來日空向

東風喚奈何

丁七

楊稿

五十一

金陵叢書  
蔣氏校印

白秋海棠為張小韓作

睡態惺忪病態慵關珊翠袖怯西風皺綉化盡胭脂淚不是

秋花不肯紅

贈陳縷卿少府

傳聞君有謫仙才踢破柴門半畝苔一百篇詩十千酒長安

市上未歸來

荊州識面未艱難為訪詩人到北關落葉滿庭殘照冷閒雲

飛盡不知還

百字令中秋以下同

天秋月滿記去年今日重城雲阻自分今年雙照影月裏嫦娥

娥應妒鸞鏡重圓驪歌一唱卻向天涯住客中闔裏更添多

少淒楚 况復烽火連天吾廬修竹未必仍如故玉宇瓊樓  
凝望久涼透一身風露舊住龍溪新遊虎阜總是消魂處家  
山千里不知何日歸去

鵲橋仙

神仙真種修翎未燥已解霓裳妙舞少年白袷憶從前算一  
例翩翩三五 憐他生小傍人籬落獨立一庭風露羽毛豐  
滿在須臾便從此冲霄而去

高陽臺

心似春蠶身同秋燕冶情零亂如煙滿地閒愁東風吹上吟  
肩綠陰深巷閉門叩記樓頭好月剛圓最堪憐欲說還休幾  
鵲簾前 帕羅暗憶憑欄贈說曉痕萬點寄向君邊我亦傷

丁九

編稿

五十二

金陵遺書  
一府氏校印

心天涯似水流年楊花生是消魂種愈飄零愈覺纏綿自無  
眠莫怨流鶯莫恨曉鷓

臺城路

曹唐詩爲遊仙賦吟成又飛花雨檻闌移春坊開碎錦直恁  
飄零無主留春未許只一夜東風墜樓人去漫倚簫聲夢中  
綵筆好傳與 離愁不知幾許此情誰與共蜂蝶堪語不爲  
殘紅偏饒別怨况有飛英無數尋聲按譜儘滴粉搵酥鍊成  
香句底事撩人有聲聲杜宇

前調

江天  
角圓

少文破浪乘風日烏烏角聲誰奏短笛淒晨清笳怨曙潮捲  
蘆花時候江山似舊想歌起中流幾將舷扣一抹空城水邊

搖落淡黃柳白石城曉角吹入鄉關別來已久記樓頭  
畫角遙對江口古驛飛霜孤城落月此境那堪回首余家江  
防風門清江上舊有關河老幼恨風雪殘年一燈相守  
旅夢驚回問家山在否

前調

前題代作

一天曉角涼無際聲帶愁吹起霧溼檣烏風回塞雁古渡  
荒寒如此疏梅放矣悵驛使音沈相思誰寄不盡空江吟情  
今日正流水 篷窗幾番徙倚算尋秋舊侶零落餘幾烽火  
縱橫煙雲幻變贏得一般身世回頭盛事訝嵐翠金焦銷磨  
都易且傍斜陽認星星戰壘

唐多令

丁九

五十三

金陵遺書  
一府氏校印

璧月印中天樓臺欲化煙坐西窗靜對嬋娟曾照西冷諸女  
伴渾不似昔時圓 故里尙烽煙吾廬何處邊念家山苦憶  
當年蟋蟀聲中人不寐深竹裏一燈懸

虞美人

寒菜園

蔬腸久絕肥甘味菌筍偏昂貴眼前萊菔快生兒天涯風雪  
早又歲寒時 他鄉爛煮瓢兒菜知否家山在縱教老圃尙  
依然未必江鄉風味似當年

洞仙歌

涼蟾一味

涼蟾一味悵紅闌新菱獨立桐陰悄無寐早秋天氣倚虛幌  
同看人去也空牘脂零粉碎 寒蟬悲落葉長簾空牀不盡  
秋宵別離味一樣月娟娟待卷簾看知月也爲人憔悴便記

取當年夢中人恐記不分明夢中情事

永遇樂題張子祠馬

逝水年華團沙蹤跡相遇非偶  
勝指花開帆停楓落重醉  
黃酒扁舟到處旗亭一曲齊唱  
玉關楊柳料應憐江湖老去  
別來短髮非舊消魂最是滿城  
風雨又值他鄉重九虎阜  
中年龍山少日良會曾攜手  
相逢草草前游如夢淚溼龍鍾  
雙袖問當時高歌醉裏故人在否

琵琶仙題王雨嵐

一臥滄江早閉了踏雪尋詩  
雙屐雞黍相約登臨層雲盪胸  
愴煙樹外斜陽一片漸紅破亂  
山愁碧斷壑流泉疏花映水  
塵夢無跡甚贏得身似浮鷗  
況都是江南舊遊客回憶去

十九 編稿

五十四

金陵叢書  
蔣氏校印

年何處又今年春色偏不奈  
當歌對酒說故園別後消息  
花月還照梅邊那堪吹笛

一翦梅

醉倚雲屏彈翠豔銀字箏  
關心字香殘東風一夜杏花  
乾簾外春寒深裏春寒  
芳草天涯拾墜歡花壓雕欄  
人在雕鞍綠楊煙隔路漫漫  
馬上相看樓上相看

跋

右柳門遺稿一卷上元楊師山先生作也先生初名得春癸  
丑後更名後少負雋才與姚西農周還之諸老並為湯貞愍  
坐上客其詩風華綺靡冠絕當世五古如牽牛織女一篇用  
九佳全均妥貼排累言近旨遠七古如病瘡一篇險語奇語  
絡繹奔赴足摩昌黎之壘五律如霜痕疑是月水氣欲成煙  
魚牀下浣女鳴艇載歸僧花氣譜天近松光一塔明等句置  
之晚唐集中幾亂楮葉七律少弱然如淮安一首云淮安重  
鎮天下奇右連洪澤左射陂四瀆經行半由此七州扼要能  
制之香山詩編枸杞井北海書翰婆羅碑窮途一飯亦難得  
漂母不作空傷悲亦極似山谷拗律斷句如清明云東郭幾  
人猶野祭西山何日得躬耕冬柳云荒寒不盡關河感搖落  
原非天地心平林畫本倪元鎮枯樹文章庾子山編簡光陰  
嗟老大染衣科第望兒孫亦佳末附詞數闕則酬應之作非  
其所經意矣鄉後學蔣國榜


十九 跋

一

金陵叢書  
蔣氏校印



遲菴集杜詩



叙

萊山尙書集杜詩一卷。辛亥客魯。從其族子某君段錄。尙書同光中再柄國政。今功罪匪所敢論。獨誦此詩。透健工整。殊不愧著作之林。又辭隱約有指。實兼國故史料之資。彌足珍視。惜無人壹為作鄭箋耳。憶前年春晚在滬。復賭公答留長姻某殘札一葉。迺親翰。非假白記室手。數歲月已在當國時。淺紫箋正書。楷法峭重。語致懇懇。蓋方為其人謀作曹邱者。亦終見老輩誠懇篤厚之風。牽連記之。

乙卯夏節徐彥寬誌

念劬廬叢刻



錫山徐氏輯註

遲菴集杜詩

濟甯孫毓汶著

歸田述感一百首 甲戌 乙亥

復作歸田去悠悠滄海情難離  
隨老母容易即前程野館濃花發  
孤村春水生新歸且慰意心跡喜雙清

江海三年客萍蓬無定居此生遭聖代  
高才下五慈竹春陰覆荒城魯殿  
餘開襟驅瘴癘跋涉體何如

絕域三冬莫過舟一水香花羅封映蝶  
江旌俯鴛鴦更想幽期處應耽野趣  
長如何對搖落風飄鬢毛蒼

富貴空迴首養親惟小園衰年催釀黍  
室後自生萱其喜王侯宅終防市井  
喧方期拾瑤艸失路武陵源

念劬廬叢刻

遲菴集杜詩

錫山徐氏輯錄

朝夕高堂念孝養覆地花心微傍魚鳥  
目斷更雲沙今日看天意將詩待物  
誰名園依綠水細細酌流霞

到此應當宿蒼蒼理又元深山催短景  
臥病數秋天藥餌虛狼藉池塘化藥  
捐所親驚老瘦享鯉問沈縣

湖海筵初秋天昨夜涼高齋依藥餌  
壽酒樂城墮客則挂冠去愁隨舞曲  
長周防期稍稍衰老易悲傷

詔許歸蓬華山休引興長遠驅浮水靜  
巢燕得泥忙永痛長病母遂空所坐  
堂春聲無復道沈憫迫中腸

十月清霜重沈重二豎嬰慵娛兩冥  
莫撫養甚分明落日心猶壯終身恨不  
平親朋盡一哭天意薄浮生

拭淚濡襟血悲來望白雲無才遂仙隱  
何路出塵氛風送蛟龍匣年衰鴛鴦  
羣當歌欲一放朔雪夜紛紛

生我不得力微聲及禍樞勞心休憇息  
削迹共艱虞絕塞烏蠻北歸飛青海  
隅翰林名有素誰分哭窮途

入邑豺狼鬥空郵虎豹爭眼前列械扭  
身上魏拜纓明鑒存愚直終身荷聖  
情路人紛雨泣死別已吞聲

貝錦無停織銜枚有荷戈於菟侵客恨  
魑魅喜人過疑感尊中弩誰憐醉後  
歌長懷報明主亦恐歲蹉跎

控帶莽悠悠慈顏望遠游義方兼有訓  
涕泗不能收快馬金纏轡老兒青兕  
裘我行何到此為客恐長休

念劬廬叢刻

遲菴集杜詩

二

錫山徐氏輯錄

太后當朝肅殊私再直廬斗斜人更望  
風樹柳微舒舊物森猶在新詩錦不  
如榮光懸日月重此憶吹噓

文彩承殊渥潘輿送喜頻奮飛超等級  
感激異天真當代論才子青雲滿後  
塵恩榮同拜手時過憶松筠

鳳歷軒轅紀東堂早見招聲華當健筆  
密灑望青霄列國兵戈闕卑宮制詔  
遙聖圖天廣大皆為掃氛妖

內帛孽偏重恩承雨露低自天題處濕  
歸路柳邊迷高枕翻星月春風入鼓  
鑿侍臣語入仗展轉甚鳴雞

迴繼先父祖美名光史臣女長裁禍穉  
獸錦春袍新賞從頻賦疑傳經固絕  
倫寤聞依門夕酒保正相親

萬里留塘峽。方期解脫初。宮白仍點染。使節有吹噓。退酒排金盞。寒江動碧  
虛。異才應問出。盡取意何如。

峽東滄江起。雙崖壯此門。長風駕高浪。絕壁上朝暉。滿目一悽惻。千巖自崩  
奔。山猿飲和喚。壯士斂精魂。

上有蔚藍天。獼猴壘壘懸。歇鞍在池底。其室附層巔。擺盪盤渦沸。清瀛任體  
孱。百年不敢料。奉使待張鸞。

斜日當軒蓋。西郊向草堂。文章開變奧。祖席倍輝光。行色秋將晚。前賢命可  
傷。平生心已折。引古惜興亡。

鯨力破滄溟。斯人尚典刑。幽燕通使者。南斗避文星。地僻昏炎瘴。風帆數驛  
亭。長年關高冷。恩與荔支青。

### 念劬廬叢刻

選萃集社詩

三

錫山徐氏輯錄

冠冕通南極。慈顏拜北堂。倒衣還命駕。獻壽更稱觴。萬里皇華使。三千弟子  
行。吹噓人所羨。廻首一茫茫。

向日移歌袖。燿霞障幾重。舞階啣壽酒。峨冕耿金鐘。荆玉簪頭冷。庭春入眼  
濃。夜闌更秉燭。擗隱繡芙蓉。

鳥几伴栖遲。麒麟帶好兒。老人他日愛。綵服暮春宜。白露團甘子。輕紅擘荔  
支。病身虛俊味。嘗稻雪翻匙。

冬暖更纖繡。天晴忽撒絲。陰陽一錯亂。軟弱強扶持。黃落驚山樹。花開滿故  
枝。風過齊萬弩。荷淨納涼時。

登壇名絕假。槍急萬人呼。尚錯雄鳴管。時憂卞泣珠。北風隨爽氣。碧海挂新  
圖。圭竇三千士。初宵鼓大爐。

歲滿歸鳧鳥。文章敢自誣。清關塵不雜。永夜月同孤。擇木知幽鳥。柄枝把翠  
梧。風期終破浪。浩蕩報恩珠。

挂席窮海島。鞍馬去孤城。我後鬼長嘯。忠臣氣不平。艱難須上策。飄轉任浮  
生。蕭瑟論兵地。笳吟細柳營。

河漢騰煙柱。歸心折大刀。餘生如過鳥。碣石小秋毫。漂蕩雲天闊。悲運子女  
號。往來雜坐臥。滿眼送波濤。

路失羊腸險。魂飄結蜃樓。乾坤羅漲海。老病有孤舟。苦被微官縛。真成浪出  
游。何時一茅屋。滿壁畫瀛洲。

雪岸叢梅發。吳門與杏然。樽齊兼秉燭。衣冷欲裝棉。祖帳排舟數。金盞隱浪  
偏。他鄉悅遲莫。不敢墮周旋。

### 念劬廬叢刻

選萃集社詩

四

錫山徐氏輯錄

坐對賢人酒。高隨海上查。盡嘗噴嘔馬。迎權舞神鴉。藹藹花葉亂。遲遲歸路  
賒。亦知行不逮。失喜問京華。

欲整還鄉旆。巖栖在百層。使塵來驛道。舟雪灑寒燈。藥餌憎加減。艱難懷友  
朋。乞歸優詔許。益破旅愁凝。

倏忽近二紀。不及祖父塋。聖朝新孝理。輝赫舊家聲。松柏印山路。雲霞過  
客情。悲鳴淚至地。深覺負平生。

春日無人境。殘身方告勞。雜花分戶映。亂石閉門高。遙沒從榛莽。林棲見羽  
毛。平生飛動意。回首與滔滔。自此以下初歸及續作不復次第

游子久不至。菁華歲月遷。柴扉臨野碓。土鏗冷疎煙。自媿無齋菜。人來坐馬  
韉。四鄰何所有。把酒意茫然。

農事閒人說。馳驅喪我眞。遠游長兒子。主守問家臣。霄漢瞻佳士。窮愁怪此辰。江清心可瑩。取飲滄池津。

擺落多藏穢。嫌疑陸賈裝。喧卑方避俗。行止憶垂堂。寇盜狂歌外。柴門古道旁。信然龜觸網。養拙更何鄉。

懶計却區區。村花不掃除。清晨繁菜把。鄰舍與園蔬。勸業頻看鏡。荒蕪已荷鋤。儒衣山鳥怪。猶被賞時魚。

幽獨移佳境。鶴鶴在一枝。高峯寒上日。小水細通池。耕鑿安時論。柴荆學士宜。不關輕絨冕。却怕有人知。

扶病垂朱紱。低頭愧野人。本無軒冕意。直取性情眞。憂我營茅棟。呼兒正葛巾。禮寬心有適。對酒滿壺頻。

念劬廬叢刻

選菴集杜詩

五

錫山徐氏輯錄

農務村村急。漁舟箇箇輕。地卑荒野大。月是故鄉明。暫往比鄰去。常從漉酒

牛百年渾得醉。收汝淚縱橫。

魯酒還多醉。張梨不外求。竹齋燒藥竈。樵鑿倚灘舟。用拙存吾道。長貧任婦愁。誰能更拘束。天地一沙鷗。

晴雀爭枝喧。春鷗洗翅呼。微生雷忌刻。朗咏割昭蘇。失學從兒懶。吟詩信杖扶。百年雙白鬢。隨意數花鬢。

置酒高林下。行歌西水春。灌園曾取適。拖玉豈吾身。紗帽隨鷗鳥。花溪得釣綸。寂寥相照沐。事業闌相親。

寂寂春將晚。傳盃不放盃。風輕粉蝶喜。野靜白鷗來。歸楫生衣臥。柴扉掃徑開。兼將老藤杖。衰意變登臺。

暗水流花徑。春沙映竹村。天清風捲幔。樓靜月侵門。幸近幽人屋。吾知拙養尊。素交零落盡。愁絕更誰論。

鄰家送魚鮓。旭日散雞豚。病枕依茅棟。深居賴獨園。美花多映竹。小徑曲通村。生意甘衰白。我驩兼淚痕。

涼月白紛紛。晴天養片雲。詩應有神助。喧已去人羣。亂後嗟吾在。愁多任酒醺。晚酣留客舞。重與細論文。

竹杖交頭拄。無人碧草芳。迴風起清曙。駐屐近微香。挂壁移篋果。看題檢藥囊。治生且畊藝。毋乃太多忙。

有儒愁餓死。寄食一寒村。小市常爭米。寒燈亦閉門。野鷗無意緒。離雀暮喧繁。甘受離亂話。歎傷垂老魂。

念劬廬叢刻

選菴集杜詩

六

錫山徐氏輯錄

直作鳥窺籠。鷄棲草屋同。負喧候樵牧。拾穗許村童。農事空山裏。經書滿腹中。我若戒滋蔓。勿替丈夫雄。

童僕來城市。剝鞭急鳥棲。浮瓜供老病。糲糲落提攜。星辰劍陰陰。桃李蹊。誅茅初一畝。微分是醴雞。

幾道泉澗隔。連筒灌小園。沈沈春色靜。閃閃浪花翻。有客過茅宇。從兒具綠尊。脆添生菜美。自足媚盤飧。

野客茅茨小。過眉挂杖斑。桑麻深雨露。星月動秋山。北斗三更席。平田百頃間。今年大作社。和勸酒開顏。

田父邀皆去。殘尊席更移。饑寒奴僕賤。樂任主人爲。檻束哀猿叫。叢卑春鳥疑。時聞有餘論。吾道竟何之。

燈影照無睡。娟娟花蕊紅。寒沙淺薄霧。急雪舞迴風。動業青冥上。形骸痛飲中。擊柝可憐子。清漏往時同。

顏狀老翁為。梳須滿面絲。養生終自惜。報主爾何遲。氣得神仙迴。慙紆德淡私。鼎湖龍去遠。白首颯淒其。

鶴原荒宿草。為恨與年深。出守吾家姓。况經長別心。沈思歡會處。久放白頭吟。南海青天外。家書抵萬金。

舊欲隨君去。追踪恨益茫。夫人先即世。蕩子不還鄉。塵匣原開鏡。寒花只暫香。飄零迷哭處。今我獨淒涼。

兄弟分離苦。悠悠經十年。耳聾須畫字。書柱滿懷殷。繫馬林花動。侵雞澗水懸。今朝好晴景。歸雁喜青天。

### 念劬廬叢刻

迎菴集杜詩

七

錫山徐氏輯錄

漸喜交游絕。柴荆莫浪開。吏人橋外少。令弟草中來。野徑雲俱黑。秋山響易哀。文章千古事。吾意獨憐才。

散地逾高枕。餘甘漱晚汀。雲溪花淡淡。野水日泠泠。醉客齏鷓鴣。拋書示鶴鷗。蛟龍纏倚劍。誰定握青萍。

茅屋還堪賦。林麓遂不歌。把文驚小陸。對酒愛新鵝。秋覺追隨盡。衰慙應接多。友于皆挺拔。風雨亦來過。

編性合幽棲。全身學馬蹄。汀烟輕冉冉。霜露晚淒淒。兒去看魚笱。朋來有醉泥。嗣宗諸子姪。須汝故相携。

今日明人眼。高城煙霧開。自須過阮巷。何事有餘哀。花維重重樹。愁徵處處杯。舊諫疎懶叔。問我數能來。

反是生女好。少小愛文辭。鄰舍煩書札。畊巖進奕棋。白頭搔更短。紅嘴漫多知。假日從時飲。江湖興頗隨。

童稚思諸子。平生意有餘。應須飽經術。不可好樓居。詩是吾家事。門聽長者車。老身須付托。茲理倘吹嘘。

漁者柴門內。狂歌托聖朝。古苔生窄地。野竹上青霄。禁掖朋從改。離魂去住銷。如於若箇內。還往莫辭遙。

訪舊半為鬼。相逢皆老夫。生涯已寥落。申子混泥途。山雨草仍在。秋風病欲蘇。莫令膠漆地。意緒日荒蕪。

今日潘懷縣。悲秋楚大夫。江湖漂短褐。書信有柴胡。學貴天人際。幼安造化縲。索居猶寂寞。得我色敷腴。

### 念劬廬叢刻

迎菴集杜詩

八

錫山徐氏輯錄

上客迴空騎。溪風為颯然。野橋齊度馬。森木亂鳴蟬。迹忝朝廷舊。來因孝友偏。草元吾豈敢。莫使衆人傳。

舊好腸堪斷。來書細作行。自聞茅屋趣。怯見野亭荒。漂梗無安地。端憂問彼蒼。蒼君用高義。撫事淚浪浪。

自有一山川。朱樓白水邊。危沙折花當。倒石賴藤纏。竹日斜虛影。蓬門照曙煙。此堂存古製。刻畫竟誰傳。

蕭口花架晚。鸚鵡林標交。薄雲巖際宿。青柳檻前梢。綠竹半含箨。粉黛亦解苞。倚樓高樹頂。棧缺燕添巢。

青青高柳葉。化作長黃虬。落落草松直。龍吟迴其頭。低昂各有意。感動幾銷憂。客睡何曾著。蕭蕭梁棟秋。

秋水通溝瀆。亭深到芰荷。霏紅洲藥亂。隱映野雲多。花動朱樓雪。風含廣岸波。玉尊移晚興。君子意如何。

窈窕一林麓。論功越五丁。入天猶石色。接葉製茅亭。寒日外澹泊。洪河左澹溟。狎鷗輕白浪。相見眼終青。

孤嶂秦碑在。無村眺望餘。凍泉依細石。秋竹隱疎花。洗杓開新醞。傾壺就淺沙。翠屏宜晚對。有待至昏鴉。

漏駛風醒酒。魚跳日映山。登臨多物色。酌酌任扶還。一徑野花落。重巖細菊斑。今秋天地在。飄泊損紅顏。

魁輿移深樹。蛟龍鬥不開。清晨望高浪。昨夜有奔雷。滿目飛明鏡。冥心若死灰。文章差底病。天地劃爭廻。

### 念劬廬叢刻

遲菴集杜詩

九

錫山徐氏輯錄

快意風雨會。翻令室倒懸。茅軒忽巨浪。累月斷人烟。獨鶴元依渚。羣書滿紫船。扁舟吾已就。恣意買江天。

落盡高天日。連空岸脚青。野雲低渡水。山鳥暮過庭。瓢飲惟三徑。悲歌在一聽。雨來霑席上。醉已遺沈冥。

行潦相逐盛。孤城最怨思。畏人成小築。宿鳥擇深枝。不愛入州府。其如有別離。時能補天漏。排闥強裁詩。

鳥鶴愁銀漢。蜻蛉立釣絲。山嵐風落石。草碧水通池。柔櫓輕鷗外。長吟野望時。地偏相識盡。遺興莫過詩。

徐步移斑杖。低頭著小冠。清風爲我起。獨鳥怪人看。自益毛髮古。所悲骨髓乾。焉能輟兩足。九萬一朝搏。

雕刻初誰料。常持小斧柯。斯文亦吾病。與道氣傷和。花妥爲捐蝶。風高湖涌波。師資謙未達。佳句法如何。

鵝費羲之墨。書借褚薛能。美名人不及。崇重力難勝。漢翰惟牽牽。炎天避鬱蒸。篋中有舊筆。未敢缺絨絨。

且將棋皮日。當著著來清。豈異神仙宅。如知進退情。雷遠走精銳。黑白太分明。寂寞書齋裏。深憑送此生。

歸興日蕭蕭。天涯正寂寥。寒魚依密藻。雨燕集深條。淺把涓涓酒。還斟泛泛瓢。百年歌自苦。不用楚辭招。

賤子何人記。柴扉永不關。秋庭風落果。客舍雨連山。牢落乾坤大。逆行波浪慳。寒花隱亂草。衰颯正摧顏。

### 念劬廬叢刻

遲菴集杜詩

十

錫山徐氏輯錄

笠笠綠帷轍。枝枝夜出樞。客愁連蟋蟀。水宿伴烏鴉。野鶴翻窺草。黃鸝亂啄泥。避喧甘猛虎。歸馬散霜蹄。

養拙蓬爲戶。端居若積煎。憑誰給麴糵。不敢廢詩篇。喚起搔頭急。頻遊任履穿。煖湯濯我足。老困撥書眠。

各有稻梁謀。斯文去矣休。清晨飯其腹。一月不梳頭。塵滿菜蕪飯。貂餘季子裘。盡捨書籍賣。吾道付滄洲。

恐有無母雛。天寒鷓鴣呼。百年同棄物。絕倒爲驚吁。流動嗟何及。低垂氣不蘇。於時見疣贅。處處是窮途。

筋力交凋喪。瘡痍無血流。年華紛已矣。衰謝不能休。近淚無乾土。看山仰白頭。望雲悲撼輶。浙浙野風秋。



月挂客愁村孤城早閉門竹風連野色草露滿秋根  
眼復幾時暗啼垂舊血  
痕鼎魚猶假息歸老任乾坤

念劬廬叢刻

遲菴詩

十一

錫山徐氏輯錄

1. The first part of the document discusses the importance of maintaining accurate records of all transactions. It emphasizes that this is crucial for ensuring the integrity of the financial statements and for providing a clear audit trail. The text notes that any discrepancies or errors in the records can lead to significant complications during an audit and may result in the disallowance of certain expenses.

2. The second part of the document outlines the specific procedures that must be followed when recording transactions. It details the requirements for proper documentation, including the need for original receipts and invoices. It also discusses the importance of timely recording and the use of appropriate accounting methods to ensure that the records are consistent and reliable.

3. The third part of the document addresses the issue of the classification of expenses. It explains that expenses must be properly categorized according to the applicable accounting standards and regulations. This includes distinguishing between capital expenditures and operating expenses, as well as identifying any tax-deductible items. The text stresses that incorrect classification can have adverse effects on the financial results and the overall tax position of the entity.

4. The final part of the document provides a summary of the key points discussed and offers some practical advice for ensuring compliance with the relevant requirements. It encourages the use of robust internal controls and regular reviews of the records to identify and correct any issues early on. The document concludes by stating that adherence to these guidelines is essential for the successful completion of the audit and for the accurate reporting of the financial performance of the organization.

雲南林取書白錄部之六十四

悔  
齋  
詩  
稿

共四卷

雲南圖書藏板

甲寅年刊

序

舉君星樓侍御滇南績學士也余曩在京師慕其人惜未讀其詩至今猶惓惓焉乙亥春汪少谷太守以悔齋詩稿見示將付剞劂屬為校字余受而讀之格律謹嚴氣味深厚篇中多見道語蓋有真性情真學問真氣節時時寄諸吟詠不事雕琢純任自然風騷正軌於斯未墜是可傳已太守與侍御同里閏又同舉於鄉以道義相砥厲交最篤集中憶苦篇已見梗概迨侍御視學秦中適太守宰醴泉卸篆後襄校文藝暇則倡酬各出詩集相訂正及侍御入都太守亦移官江右歲癸酉膺上

悔齋詩稿序 卷一

考入

覲乃重晤於都門復商榷近作互製序言以弁其首未幾太守南旋而侍御遽歸道山太守聞之悲感交集慮其篇什或有散佚也屬其孤郵寄江右將刊布以廣其傳所謂文字之交通於心性者歟綜侍御之生平幼侍其尊人宦遊豫章從蘋濱沈先生遊石瑤辰司馬甚重之洎歸里林文忠公招入節署讀書造詣日益進其先世皆清白吏家故貧既失怙以硯田奉菽水性孝友通籍後觀政西曹萬里奉母以遂孝養兄弟有故悲戚不能自已不妄交遊既締交則肝膽相結恒於歌詠中三

致意焉旋由部曹持節關隴膺文衡重任循例加翰林院編修銜所至甄拔人才加惠士林兩省之士至今翕然頌之可謂稽古之榮極遭逢之盛已君夙負經濟才每咏嘆時事忠愛之心悲憫之懷溢於楮墨使得見諸施行樹立當不止是乃竟齋志以沒可慨也夫聞其舊稿多沈博絕麗之作才氣雄邁獨出冠時繼而手自刪汰僅存四卷老去漸於詩律細其苦心孤詣為何如耶余讀其詩益慕其人尤重太守之篤於風義不遺故舊實足振厲末俗維持名教今太守之詩已傳播藝林侍御不及見矣而侍御之足以並垂不朽者此其一也請

悔齋詩稿序 卷一

二

以質之讀侍御之詩者光緒元年歲在乙亥夏四月南州胡壽椿序於豫章書院

序

近今詩流騁才氣者失之相講聲調者失之拘工應酬者失之泛濶風情者失之纖靡貪考據者失之鉅釘求其不粗不拘不泛不纖靡不鉅釘獨抒胸臆自成一家言者數十年中予惟於星樓同年見之星樓壯歲與予同肄業五華書院歲已酉制軍林少穆先生方以古學課諸生而星樓與予均為其所拔識爾時各傳佳句形未親心相慕也嗣遂同登賢書因訂交各出所學相切磋庚戌星樓聯捷癸丑予亦獲雋庚申予賦閒關中星樓適奉督學之命至即延入幕府出所作互相指正而

悔齋詩鈔序

卷一

三

星樓所造已蒸蒸日上迥異恒谿今又閱十二年矣歲癸酉入 覲北上聚首都中星樓亟出手定詩四卷索序於予伏而讀之十二年以前之詩刪節太過十二年以後之詩則詩筆愈老詩境愈高無粗拘泛纖靡鉅釘諸時弊獨抒胸臆駁乎自成一家言矣星樓與予皆老矣富貴利達俱早置諸度外惟此半生心血不得不深加護惜也因憇憇付之手民不揣固陋率筆而為之序

同治十有二年癸酉秋九月同里年愚弟汪世澤序於都門之寓齋

題詞

蕪縣鍾 秀 官城

閉門風雨夕一穗黯孤檠展卷堪流涕遺編有正聲千秋生世感萬里故人情高詠誇湖海誰留死後名

我讀都官集神交到九泉殷殷皇甫序孃孃伯牙絃後死皆同調斯人竟早傳題詞聊寄意蠅驥有良緣

宜黃 黃秩冲 筠孫

翹首滇南路八千竟從風雅結良緣簪毫早視金鑿草持節高攀玉井蓮公由部曹督學關中愧我哀歌惟斫地惜公慧業已生天深情得似汪倫少讀罷遺編一惘然

都昌 李乘時 秀峰

悔齋詩鈔序

卷一

四

快讀公詩轉愴然茫茫塵海幾人傳寸衷常抱千秋感一面空存夙世緣丁卯入都曾伴一面天地何心凋老宿鬼神有淚泣遺編焦琴幸賴知音在舅氏汪少谷為刊遺稿猶聽松風答七絃

六合 周長森 蓮叔

盤龍江水流逶迤醜清盪盪為潭池旁有螺峰明月石照人皎皎超凡姿先生家在五華側題箋日蘸金壺墨一朝揖別羅漢巖來寓江西梅尉宅西江循吏石曼卿迎賓倒屣四座驚高詠隱侯傳絕學還鄉許叔成高名搏風翻健翔雲路校士甘秦持節赴關山嶠帆羽書馳

慷慨登臨常作賦平生心跡如澄潭倏然魴鯉空中函  
雋理名言有真味衰涂畸徑無旁參我聞鄩闡畫疆里  
蒙段相沿迭爲氏碧雞金馬靈秀鍾人文實繼子淵起  
中原詩派中慶傳賈浪仙與浮邱子高曉山前開別業  
曠代逸才揚太史編摩績學推元壺嗣續宗風循正軌  
先生通籍登廟堂將以獻替扶朝綱抗節能爲傳忠壯  
匡時欲紹楊文襄罡風突吼棟材折幽谷潮音共鳴咽  
卅年遺覽付詩篇一卷文章敵水雪桃花潭淺交情深  
雕鏤遺集悲人琴低徊往復證前事敦厚溫柔同此心  
點蒼萬里見一髮玉局風流建安骨吟魂歸繞補陀羅

悔齋詩餘

卷一

五

夜夜湖亭湧明月

悔齋詩稿卷一

舟中苦不得酒賦詩遣懷

昆明畢應

寄懷猶擬采蘭江芳草萋萋接芷江新漲一篙平釣石  
好山兩面入蓬窗似從月下聞瑤瑟欲向風前倒玉缸  
閒讀離騷嗟獨醒打船流水聽琤琮

還家

飛鳥戀舊巢征駒急歸路行行望鄉閭未至心已赴里  
開透東西候門雜僮媪猶記寒梅花出檐三五樹樹色  
漸老蒼我歸胡遲暮既歸勿恨遲門庭幸如故

悔齋詩稿

卷一

六一

寒帷拜我母眠食幸無恙長跪敬致詞觀縷述近狀我  
飢母必憂我寒母難忘我乃慙慈烏子職嗟久曠温語  
承慰藉僮稚進家釀吁嗟遊子心深蒙慈母諒

有弟方髫年早慧殊勝我豫章得君書長言慰坎坷家  
道嗟中衰勞君安置安先人有藏書搜羅亦甚夥舊畚  
勤耨鋤世業勉負荷從此風雨夕執經共燈火

夜雨感懷

垂穗殘燈黯不明悄然孤坐客愁生窓臨廢圃寒先入  
雨過西堂夢未成颯颯驚風摧雁羽蕭蕭落葉亂蛩鳴  
傷心無復聯牀約獨聽空階浙瀝聲伯兄季弟相繼下世

獨坐

繩牀獨坐書頻展斐几閒憑墨試磨天付窮愁資著作  
人非燕趙愛悲歌山圍孤館秋聲聚木落空庭夕照多  
鴻雁不來之子去晚煙漠漠鎖藤蘿

感懷

意氣原無恙年華惜漸增風塵銷一刺心跡問孤鏡投  
筆欲何往入山殊未能酬恩猶有願力薄因飛騰

遣興

龍性年來漸漸馴稻梁謀拙困風塵一言刻骨懷知己  
萬事捫心愧古人投筆每思班定遠留賓重遇漢陳遵

悔齋詩稿

卷一

二

形陷每邀飲 耗耗共笑羊公鶴不舞誰知懶是真  
漏盡乃散 心兵直欲破愁城擊節長歌猛虎行盤錯有時思利器  
模稜無用半書生玉杯醇酒英雄淚鐵馬秋風變徵聲  
寒夜篝燈開舊卷更無餘興賦閑情

檢校書籍有石瑤辰先生所遺本愴然有作

心力全銷萬卷中典型零落恨無窮伯喈遺籍傳王粲  
杜甫餘哀哭鄭公今日淒涼開舊卷當時談笑坐春風  
年來自愧荒經久愁對書燈黯不紅

月夜卽事

篝燈坐宵分人影耿虛壁簾幙搖清風閃閃燈欲熄明



月忽東生清暉照几席溶溶如流水涵虛漾空碧夜氣  
斂浮露孤懷悅幽寂隨月讀我書條然永今夕

暮春寄懷鏡人

園林吹遍棟花風棧觸閒愁兩地同千里相思遲命駕  
十年心力耗雕蟲濃陰羃歷書堂靜春事闌珊酒盞空  
卻羨點蒼高卧處萬山青入一樓中

東泉書舍遺興

地僻何妨過客稀東泉小住已忘機春回茆屋天桃笑  
門掩斜陽燕子歸綠鬢自憐臣尚壯青雲翻羨鳥能飛  
父書滿篋時還讀漸覺從前百事非

悔齋詩稿

卷一

八

閒向郊原散鬱陶時從田父醉村醪漸分菽麥親農圃  
笑看兒童試桔槔渡水烏犍緣岸下盤空老鶴入雲高  
蕭然野外容疏放絕勝當筵對二豪

十丈機槍未掃除側聞微調困儲胥和戎信使增金幣  
伏闕孤臣有諫書誰剪鯨鯢清渤澥還看豺虎據邨墟

風流文采百無用望斷隆中舊草廬

風雲猶自護邊城春到直蘭尙有情青嶂四圍爭起伏  
綠楊十里覆清明卽看寶布還輸稅卻憶牂牁舊用兵  
可是劫灰消已盡東菑臺笠誅深耕

海雲閣

登臨動清興不礙雨霏微曲徑捫蘿上煙中叩竹扉濃  
陰沈樹色寒碧襲人衣小坐觀滄海片帆天際歸

秋夜曲

打牕落葉如急雨階下寒蛩暗不語疏燈倚壁滅還明  
緣案時時竄飢鼠開門獨立望青冥涼意蕭森白露零  
宵深月落長天黑寒芒一瞥閃流星

蕪蘭

濯露滋清華近根剪蕪穢萌芽雖尙稀芳潔已堪愛燥  
涇固有宜豈惟多灌溉花時發幽香垂簾淡相對不逢  
素心人未容初作佩

悔齋詩稿

卷一

九

戊申臘月十九日少穆先生招集卧雲仙館爲蘇

文忠公作生日分韻賦詩

月宿南斗生非偶坡公遙接昌黎後磨蝎何妨坐命宮  
忠義文章常不朽相望於今八百年溯公生辰月建丑  
尙書做燕仙館開細雨梅花絕塵垢供陳蕉荔紛丹黃  
像懸筮屐瞻山斗薦食還調玉糝羹洗爵重傾眞一酒  
飲公福酒蕪心香再拜千秋同頽首公之大節輝簡編  
熙豐羣小空擊剖若援孟博論遭逢君恩頗較當年厚  
詔書已許住常州買田徑擬耕南畝烏臺往事如雲煙  
舒置李定今何有椒漿濯地公其來靈旂彷彿揚左右

范韓文富公所推尚書今亦調元手白髮爲公作生日  
千載心源應尙友臨風公定掀髯笑雲車天際回翔久  
夜闌奎宿森寒芒光氣還看鷲戶牖

澹泉別墅詩

滇黔總制署後有冷紅精舍已廢少穆先生重  
葺之榜曰澹泉以庭前有泉極清也屋成置酒  
分體賦詩得七律四首

池臺重喜共登臨別墅春回一徑深經世宏功推柱石  
寄懷餘事闢園林荆榛未許還當路桃李新看漸有陰  
領取揮毫題勝意澹泉清鑒此生心

梅齋詩稿

卷一

十一

憶昨哀牢妙運籌居人重拜武鄉侯攻心早建安邊策  
放眼還登寫韻樓南詔風煙消戰伐西園賓客許淹留  
分將一派清泉水散作恩波萬里流  
曠懷眞欲契濠梁一鑑新開傍草堂濟物未忘興水利  
引泉已見動波光芙蓉小港沿花徑楊柳輕陰護石牀  
更盼田家勤灌溉清明時節早栽秧  
招邀賓從趁芳辰難得尙書作主人位置軒窗宜讌賞  
平章竹石亦經綸花籠香霧三更月簾捲和風四座春  
祇恐未容公退院長留旌旆駐平津公題楹聯云客未  
買山先借數椽謀  
小隱尙將退院且  
留三宿證前因

菜花樓在節署  
東偏

憑欄鎮日此淹留卓午清陰檻外浮小蝶一雙黃似爾  
隨風飛上菜花樓

碧雞臺詩呈少穆先生

臺在節署西偏  
與碧雞閣相對

高臺矗遙空苴蘭萬山繞屹立對雄關碧雞翥雲表俯  
瞰昆明池波光動杳渺憑高望西南形勝殊了了極目  
大渡西邊防籌宜早葉榆暨哀牢蒙段舊滋擾懷古一  
搔首天風吹浩浩犬羊適構患殺略何悍慄尙書持鉞  
來赫然申天討千里氛祲消一戰櫓槍掃返旆臨昆華  
坐鎮安億兆重登碧雞臺遠觀極天杪舊址惜牛涇荒

梅齋詩稿

卷一

十二

涼繁蔓草乃命除瓦礫乃命剔叢篠四圍漸廓清百尺  
獨縹緲知公憂國心隨地塵懷抱興廢寓壯猷除莠振  
枯槁始基奠苞桑餘力繕城堡桓桓西林業微公誰能  
紹邊境卽清晏恬嬉尙力矯敢將遊觀樂鋪陳修文藻  
塔密左山茶花歌

山茶花以滇中爲最盛樹高數丈花開如盤有  
鶴頂銀紅瑪瑙諸名塔密左古寺一樹又滇中  
山茶花之冠僻在山村人鮮知者少穆先生訪  
得之招同傳雪樵士珍學博呂春谷林大令往  
觀歸而賦詩塔密左俗地名也

羲和 蒼日升扶桑晴雲閃爍臨炎方偶遺火織在禪室  
幻作奇花紅耀日寶珠人競推滇中花譜流傳鶴頂紅  
滇人習見何足異花時萬樹搖東風獨有一株生僻壤  
不與羣花同俯仰地遠偏教過客稀花開未被名人賞  
有如海底沈珊瑚搜羅還待攜鐵網尙書到處求奇材  
拔識往往出蒿萊此花受賞真無愧拂拭爲爾剔莓苔  
看花出郭減騎從賓客三兩相追陪小隊安輿臨道左  
瞥眼花光豔如火入門恍訝到丹天高枝照耀低枝彈  
異哉此樹生南交蜀茶未許矜高標得公品藻復何恨  
吐氣直欲干晴霄遊人目炫朱英燦夕陽一抹橫天半

悔齋詩稿

卷一

七

歸路回頭望樹梢紅雲高處擎香案青山處處花欲然  
都借餘輝成燦爛公歸題句興淋漓文采直共花爭奇  
我讀公詩爲花喜人間遇合有如此吁嗟乎大材難用  
古所嗟豈無杞梓委泥沙尋春舊說雲安寺誰信山村  
有此花

滇中山茶舊推雲安寺最盛

己酉九月揭曉口占

辛勤矮屋猶餘淚倣倣微名敢論文慙對桂花開笑口  
須知下第有劉蕡

劉官屯道中

風霜撲面早寒天山色蒼茫入晚煙添著征衣須愛惜

臨行慈母手裝棉

白水河觀瀑

羣流欲赴壑懸崖忽中裂斗落注寒潭白浪激成雪未  
至先聞聲殷雷聽不絕言尋觀瀑處匹練窗中掣憑欄  
一俯視陰寒森毛髮疑有蛟龍蟠仰噴雨未歇分流赴  
前溪灘聲走清越回首烟樹中波光明復滅

廣武道中

一醉全消旅客情南陽回望氣縱橫沙埋斷碣昏無字  
車裂寒冰碎有聲百戰河山餘廢壘滿天風雪暗征程  
年來漫灑憂時淚慷慨還登廣武城

悔齋詩稿

卷一

七

車中戲作

平生頗似曹景宗不耐閉置車幃中原頭大獵馳快馬  
鼻端出火耳生風當時意氣凌八表男兒羞作可憐蟲  
邇來忽向長安道行人如蟻何紛擾九衢冠蓋半公卿  
十丈紅塵走輿卓輪蹄處處雷聲酣紛紛忘昏曉  
牛溲馬渤雜飛沙面垢衣縑絕倒劇憐縛束因浮名  
一官奔走心怛怛莫嗤曹蜍與李志憤憤我亦百無成  
朝來正自思田里遺興狂歌拂衣起僕從促我還登車  
官鼓聲聲聽未已尙書期會當侵晨慎勿迂緩逢怒隕

請假南歸

沐猴笑我亦彈冠歸去都忘道路難涉世心孤慙寡識  
思親念切勝求官天低木末晨星沒路入烟中夕照寒  
幸有故人共晨夕客途聯轡話長安

同行者鍾龍山  
郭子才諸同年

郭店早發

明月猶在地轅鈴催曉征路紆知補斷沙軟滯車行歸  
雁去何急荒雞時一鳴鄉關同望處天際白雲橫

襄陽舟中

商飈吹不斷激我動悲歌萬古騷人怨空江日夜波愁  
心雲外遠秋氣雨中多坐羨垂綸者蕭閒一釣蓑

高溜洞

瀕名地  
屬陽

悔齋詩稿

卷一

十四

上流如建瓴曲折傍山麓下注勢方急兩石忽中束搏  
激方相爭喧厓動山谷一石復當前橫截水勢蹙舟行  
循石隙欹側慮相觸波臣此設險下有機械伏篙工競  
報賽僮僕進酒肉險夷在寸心胡乃再三讀披襟倚蓬  
窗灘過澄波綠

姊妹山

汀上杳無人晨煙鎖青冥煙消口初上照見兩娉婷雲  
鬢遙相對凝睇炯疏星恍若英與皇含愁俯淵渟我乃  
多感觸致詞向山靈側聞弱水外三山如畫屏綽約翠  
靈至鸞鶴紛雲斬名字列仙籍人間慕芳馨胡爲屏此

地愁鎖長眉青得勿一念誤下謫三千齡山靈若解語  
相對宛涕零會當拾瑤草受訣復鍊形功成報金母翩  
然歸玉局

清溪

楚水入黔曲風湍激箭過天低晴日少地偏亂山多杉  
木竹王廟蘆笙苗女歌玉屏遙望處蒼翠落晴波

龍里道中

滿林黃葉綴晴霞墟里煙中一徑斜木架危橋通澗道  
篔分流水入山家碑殘尙記離亭路霜重全凋野店花  
晷短風寒鄉思迫暮天處處見歸鴉

悔齋詩稿

卷一

十五

悔齋詩稿卷二

昆明學應辰星樓

題焚尾軒詩集

昆明王純生孝廉著王沒後揚丹山學博為刊詩集

早說才名豔誰知遇合遲美人自高潔香草寄憂思文字留心血煙花感鬢絲盈川篤風義珍重護遺詩

采芝徑

不見采芝人荒涼采芝徑藤蘿晚煙深獨立聽鐘磬

夕佳閣

與采芝徑均在城東圓通寺內

晚烟忽四合暝色鬱蒼蒼小閣西偏敞半山留夕陽

感事

悔齋詩稿

卷二

一

龍性誰知竟易馴幾回低首意逡巡但逢劉四甘遭罵

豈有會參解殺人按劍空勞求白璧浣衣深愧染緇塵

純鈞百鍊何虞折莫向囊中妄一鳴

北上

老鳥巢庭樹朝夕呼其雛朝飛日初上暮歸日未徂朝

朝復暮暮飲啄樂有餘嗟余早失怙母子性命俱時會

苦敦迫別淚盈衣裾前年借計吏辛苦登公車去年請

急歸歡喜入門闌今年復北上珍重奉板輿豈不戀鄉

里家無擔石儲郎官祿雖薄菽水亦堪娛庭前烏嘯曉

惜別心躊躇烏啼繞庭樹我行指前途前途日方煖風

霜料無虞同此反哺心回頭謝庭烏

響琴峽

八山十星煙霏霏山翠欲溼行人衣煙開忽見雙玉峽

雲鬢對立明朝暉嵌空數椽結構巧朱欄曲折周四圍

誰與避世此中住披襟孤坐瑤琴揮高山流水彈古調

到此不恨知音稀我欲從之問元理振衣獨叩雙巖扉

中乃無人萬象寂但見百道寒泉飛乃知元音異眾響

不假玉軫兼金窠溼雲滿地難久坐欲去轉覺心依依

年來辛苦事行役此外何地堪息機出山卻聽山中水

隨我潺潺下翠微

悔齋詩稿

卷二

二

飛雲巖

白雲變化爭出岫幻作煙巒聳靈秀凌空倒影勢如飛

芙蓉拔地孤根瘦年來三度此經過風景依稀還似舊

巖前小坐拭苔花半畝松陰罨清晝白雲與我如相知

來往時時依懷袖左側有洞窮然深冷冷微聽泉聲漱

舊傳中有蛟龍潛安禪會受神僧呪呀嗟乎能自深潛

雲自飛禪闕寂寂行人叩長途正自苦驕陽霖雨應須

滌塵垢

送戴筠帆先生

綸孫

南歸即用留別元韻

行行望高山仰止意忘倦循途得初階探勝難遽過意

與巖壑深目奪雲霞絢稍深神漸怡坐久情彌戀  
初見公靜契幸無間胡爲公欲歸東裝指鄉縣望望寒  
生煙霏晨漂霞遮我望遠眸高山不可見

公才視輒生倍之矣翅十芳菲擷屈宋羣言獨高挹平  
生忠孝心一一播篇什春雲肖舒徐秋聲變蕭颯至性  
何纏綿神鬼爲之泣同人酬唱多離歌聽重疊所期出  
山雲春明或重入牛耳待公執詩盟孰敢劫

故鄉慕風雅末學虞支離豈無後來秀方隅固所知錢

劉南園寄卷諸老宿梁木嗟早萎公歸計良好士風期

轉移頗怪柳柳州苦將師道辭斯文日以微微公孰起

悔齋詩稿 卷二 三

義津梁遠後進誘掖宵辭疲懷哉韓門內混籍咸得師

秋風吹布颿言歸正未晚且復立斯須一樽復引滿白

雲東西馳相望日以遠故鄉山水佳頗足供息偃回頭

望京華戀闕積誠悃京朝三十年宦途雖云蹇哉書五

千卷歸舟幸安穩送公復慰公行矣但緩緩

飯廠行

給孤寺前千人立男婦喧雜小兒泣侵晨啟鑰馳馬來

按籍呼名魚貫入一人後至向街頭鶉衣零亂風颼颼

須臾僵仆日半暝露骸三日官爲收京師地廣人最眾

幾輩辛勤事耕種亦知凍餒半游民究勝穿窬釀詞訟

年年十月飯廠開粟米百斛維塵埃天恩俾爾同一飽  
怨氣或免積成灾今年米賤差可喜豈意有人還餓死  
傷心不忍說荒年備荒請自豐年始

雨後

微雨洗明月清光漾虛碧披衣步前楹孤坐藉片石涼  
風動叢竹殘滴復淅瀝蟲聲出牆陰如聞話幽寂

雜感

狗聽荒雞嗥嗥鳴撫時感事黯愁生九秋露冷霜初結  
萬樹風號怒未平擊楫何人懷壯志過江幾輩負虛聲  
當年皖口橫邀敵尙有伯言解用兵

恠齋詩稿 卷二 四

次韻蕭質齋編修培元津門軍營感懷之作

鈴柝聲高警客眠津門慘淡起烽煙儒臣慷慨新投筆

賊霧迷漫欲竟天破虜誰持皇甫節聞雞早著祖生鞭

知君回望長安月尙喜清輝似舊圓

夜坐感懷用前韻

燒燭談兵夜不眠前人勛業重凌煙空餘上下千年感

誰補東南半壁天鷹隼秋高思縱獵駑駘力盡漫揮鞭

朔風刺骨防宜早日暈宵來一道圓

重有感

誰縱鯨鯢過小孤妖氛莽莽遍江湖波濤九派同嗚咽

鐵鎖千尋問有無煙冷汝陰誰據險寇深鍾阜竟吞吳  
山頭火炬遙相望往事何人憶赤烏

梁隨季比部映辰齋中觀南唐李後主墨蹟

宮中染出天水碧疆土付人殊可惜遺墨猶傳金錯刀  
建業文房賸陳迹重光好古誠多才院做集賢富典籍  
侍臣恰有徐鼎臣討論六書別金石揮毫內殿鉤畫精  
筆法森森列戈戟澄心紙貴逾綺紈庭珪墨好勝圭璧  
勢工顛掣如有神書成捲帛大盈尺留心翰墨百事忘  
乃與文士同一癖是時金陵瓦全耳國事日非疆宇窄  
舒慮久割何時還檢點岷興復乘隙卻誇文事工抄羅

悔齋詩稿

卷二

五

不慮雄師壓疆場一朝去作違命侯白髮新添慘不憚  
湘東萬卷雖未焚一日重瞳竟何益官酒日給甘沈昏  
可有醉墨揮素冊空傳此卷猶完全後來幸免靖康厄  
舊錦重裝大回鸞不與片石同拋擲宜和御印徒鮮明  
覆轍仍蹈嗟失策中丞藏此有深意要使興亡鑒疇昔  
囑君什襲巾箱中題跋分明見手澤此卷爲隨季尊人  
芷鄰中丞舊藏  
明窗相對秋氣清古懷鬱勃浮三白卽今依舊對黃花  
展卷共憐江南客發從今日添新白菊是去  
年依舊黃後主歸宋後詩

出郭

出郭淡塵慮不知村路長野花隨意發露草自然香地

僻稀行客天清散早涼桃源疑尚在深悔負耕桑

紅崖碑歌

碑在黔之鎮甯州磨崖書也字畫奇古不可識  
有以拓本貽龔幼安儀部嘉儀者幼安作歌見  
示併屬余賦之

神山忽墮羅施國百靈驚呼攪不得爪痕透裂土花深  
詭形異狀如雕刻或疑倉頡示神奇大書深刻人不識  
陰崖萬鬼聲啾啾悲風慘淡天無色或疑有殷伐鬼方  
元黃狼藉師乃克魑魅潛遁山精藏磨崖於此紀功德  
當年作頌知何人但見懸崖勢劣前我持拓本重摩

悔齋詩稿

卷二

六

光怪奪目心惶惑屈蟠頗與篆籀殊鈎剔不類人工勒  
徑仄峯危異獸蹲雲垂水立太陰黑斯冰小兒走且僵  
會意象形費推測奇蹤應在二代前口不能言斷以臆  
石骨半折殘闕多坐對此寒心惻惻竹王有祠斷碑積  
苗人尙且加拂拭况乃神物留山阿忍令歲久全剝蝕  
儀曹題句何淋漓擬向崖前揮醉墨我無險語驚鬼膽  
輿酣對此殊難默詩成回首望黔中烽煙市地多荆棘  
老魅得意陰靈高崖前風景荒涼極誰能一掃煙塵開  
黔山蒼翠連滇嶺更書偉績垂千秋豐碑立向紅崖側  
讀錢南園先生守株圖詩有感用元韻

人事恒不齊賢者善自處所守或未堅徒勞亦奚補溪

深隱蛟螭山深藏豺虎水枯復石爛嗟彼亦失所

博徒意氣驕一擲恒百萬破釜並沈舟傲倖或如願何

如諸葛公甯靜以致遠沈機固有待盡瘁終無怨

青松生酒底鬱鬱歲寒姿其下有茯苓足以慰朝饑不

慕桃與李經秋恐披離偃蹇詎云傲本性終難移

糯米在太倉所需無多地守分固良圖澄懷觀人事但

嗟世運屯臬獍宜早制六合何時清一枝隨所寄

九日宴集幼安齋中以遙憐故園菊應傍戰場開

分韻賦詩得戰字

悔齋詩稿

卷二

七

西風颯颯寒吹而重陽時節晴天變廉纖秋雨阻登高

蕭灑園亭還做宴尊浮激灑茱萸香饌飲尖團蟹價賤

座上嘉賓盡賢豪醉中情話思鄉縣三吳烽火苦連年

六詔干戈驚掣電東籬回首歎摧燒北海論交且留戀

高歌聊復遣煩憂秋色還看滿靜院詩成卻恐負黃花

興到還思擬白戰

前詩既成飲亦頽然復得四韻

登臨恐觸恨多端入夜張筵酒盞寬華燭影搖知我醉

故園花好問誰看關山莽莽客愁遠風雨蕭蕭秋氣寒

重詠達夫舊詩句戰場遙望淚闌干

大雪作歌呈幼安

凍雲如墨天將暮開門時盼雪花落欲落未落風逾嚴

須臾寒光照帷幕沈沈入夜堆庭階浩浩侵晨滿城郭

頗憐世路多艱危好從地上填谿壑况今吳會紛煙塵

破賊應思運韜畧正宜夜半驅鶴鵝莫向孤山問梅鶴

陶家學士徒風流掃雪烹茶正尋樂冷吟閒醉胡為哉

此輩才人吾所薄丈夫有志清四方壯氣凌空動寥廓

一聯鐵甲不知寒百戰沙場肯示弱饗士朝騰萬竈煙

巡營夜警三更柝功成萬里報天子未必動名輸衛霍

故鄉前月羽書來葉榆雄關失鎖鑰聞大理誰能轉戰

悔齋詩稿

卷二

八

氣無前誓將熱血灑荒漠刀光如雪森寒世事有前驅

無後卻犬羊駢首邊隅清羣鷹從此皆簫勺洗兵盡掃

點蒼煙依舊青蔥聳雲曙銘勛更煩大手筆摩崖字向

山巔鑿作歌慷慨聊示君詩成雪止風蕭索

重遊可園

遊興時復佳人事還暫屏天遠宕客懷雲深入勝境池

臺尚依然樹陰已交併更新迹詎陳話舊趣彌永微涼

效荷香夕睡淡人影魚鳥倍相親依依戀清景

筵前

簾外西風任怒號筵前公子與方豪時游身世餘衣服



孔雀文章重羽毛神女舊留駐玉珮主家新奏鬱輪袍  
誰知寂寞處時客獨立霜天月正高

憶昔篇送汪少谷 世澤 同年之官醴泉

憶昔聞君名我年未三十太歲在甲辰校藝羣賢集沈  
沈鎖院中一一紙札給下筆每大慙此事異著述課程  
笑牽合聲病苦拘執賞音及爭琶古調愧琴瑟維時儔  
類中君如鶴獨立已酉登賢書雲梯同拾級先後試禮  
闈春衣染柳汁我初佐秋官頗恥言法律由來聖賢書  
迥異申韓術君心切祿養陳情改外秩慈烏戀春暉  
歸問家室中間遂契濶相望恒悒悒好風忽然來都門

悔齋詩稿

卷二

九

君重入把臂一狂笑情事話詳悉尊共北海開酒擬西  
江吸相期理風騷重與訂篇帙示我一卷詩創論喜層  
出心源每獨澹牙慧恥重拾匪杜則為韓蒼涼兼古質  
詩教古所崇美刺微得失豈但矜才華高詠成結習君  
今將之官捧檄遠就職醴泉古名區榛苓生原隰九峻  
蔚青蒼涇渭滌繁蕩滴古蹟恐沈淪蒐羅定周密餘事擅  
騷壇上理重撫輯邇者吏治非民命誰矜恤人心積怨  
毒一發不可戢東南騰烽燧羽書頻告急吾鄉亦糜爛  
遙聞勢岌岌伊誰階之厲傷心難窮詰願君宏遠謨拊  
循俾安謐宦成賦遂初重理舊葦笠此願藏中懷此言

預期必長篇持贈君久要指天日時維丁巳冬十一月  
初吉

聞滇中近事感賦

無端禍結更兵連曲直真難訴九天蠻觸一宵成浩劫  
村墟千里斷人煙雲屯部落來回鷓月冷關山哭杜鵑  
不死沙場死溝瀆侍中先已負貂蟬  
危城援絕劇堪哀忽報軍符夜半來豈有老謀工獨斷  
乍聞新令賞渠魁弓刀早徹防兵饋金幣潛輸漢使回  
月黑天陰冤鬼哭陣雲低鎖鑰難開  
猶憶哀牢舊用兵尙書威望有先聲殲渠令肅民安堵

悔齋詩稿

卷二

十一

止殺功符帝好生一自大星沈粵海忽聞羣醜踞邊城  
彩雲散盡妖氛起回首天南涕泪傾

虹橋雨後即景

草綠平疇一剪齊雨餘新漲欲平隄渴虹赴水下綠澗  
雛燕掠花低啄泥山色遠圍畿輔北柳陰清接畫橋西  
紛紛車馬臨官道別有閒人立釣磯

秋夜

西風颯颯入書堂落木蕭蕭動晚涼月上疏檣鏡影淡  
夢回孤枕漏聲長十年薄宦遲歸計萬里愁心滿故鄉  
聞說昆明池上路劫灰埋沒舊漁莊

雨過

寂寂雨初過蕭蕭秋滿林  
旋風木葉斜月拗花陰  
獨酌竟成醉浩歌聊寫心  
寒蛩訴何事啾唧有餘音

雨窗

寒林聽殘夢未成空閨寂寂夜三更  
破窗風急搖燈影  
落葉秋高雜雨聲  
歷歷悲歡思往事蕭蕭鬢髮感浮生  
不堪觸緒增惆悵淚眼偏看遺挂明

讀史

荆公領三司變法期富國高坐政事堂  
怒睚厲顏色放  
流懾言官羽翼引奸慝餘毒流數傳  
紹述爭措克可憐

悔齋詩稿

卷二

十一

失業民強半隨盜賊一朝粘沒來金緡  
鞦歸北

明刑弼五教忠厚慕古風世衰法網密  
殺人以為功我讀酷吏傳每覺心忡忡  
深文興大獄羅織及三公彼徒快恩怨  
猥云效孤忠阿意窺上旨讒賊計自工  
安知釀奇禍此輩難圖終大盜起草澤  
法亦有時窮

淮陰昔將兵自謂多益善苟乏控馭才  
學步易乖舛懸金募游民步伐夙未演  
號稱十萬眾兵驕氣偃蹇鈔掠勝寇虐  
芟芻困輸轉我聞兵貴精敢死斯入選  
同仇聯腹心忠義相勸勉眾志先成城  
敵人敢蹂踐不見岳家軍超距汰庸  
輒長驅五百人殺賊如雜犬

軍超距汰庸輒長驅五百人殺賊如雜犬

排悶

嫚罵何曾惡正平向人其奈似宣明  
排撈莫怨三長史得失無非一老兵  
西第笙歌爭譙賞中原寇盜正縱橫  
劇憐孤劍流塵積底事宵來匣內鳴

郭遂軒同年入都話舊

馳驅萬里賸輕裝拋盡黃金別故鄉  
十載重逢人老大一樽相對話淒涼  
極天戎馬關山阻而地荆榛井里荒  
聞說昔年分手處板橋衰柳不成行

身世憐余百壽難辛勤奉母入長安  
含飴幸博衰年喜炊臼何堪噩夢殘  
豪氣漸消非故我初心多負愧閉官

悔齋詩稿

卷二

十三

燕臺落日蘇臺月此後還從兩地看  
君將赴江蘇

又信國蕉雨琴銘拓本

臨安鐘虞委塵土九廟沈冤向誰語  
淒絕文山未死心獨抱枯桐淚如雨  
景炎時事何倉黃許國自擬張睢陽  
百無可為冀一濟聞道轉徙歷汀漳  
誓將忠義激士卒何暇晏坐彈清商  
匡山既破事已矣從此幽囚廿一死  
三載相依賸此琴蕉雨銘成照青史  
長留拓本共傳觀坐中猶覺悲風起  
吁嗟乎彼琴者木猶有心重以信國  
傳至今狀元執政名節喪當時乃有  
留丞相

感事

前年烽抄擾衢州滿眼瘡痍恨未休犬豕縱橫方伺隙  
湖山歌舞不知愁潮聲嗚咽通龍井兵氣蒼涼接虎邱  
太息蒿松關下路幾人保障似錢鏐

苦熱戲作

安得冰絲千尺長張琴燕坐彈清商餘音鏗爾警塵夢  
高樹因之生早涼誰遣火雲燒赤地不聞微雨灑蒼筤  
爐香易燼硯池涸愁絕小窗烘夕陽

南坪移居城中日久不見賦詩奉柬

與子卽昆弟追隨難暫離聯牀聽夜雨把酒話兒時往  
事雲煙幻中年遇合遲依依相慰藉重詠脊令詩  
烽火鄉愁集冰霜旅况難辭家甘作客謁選遠求官詞  
賦真堪廢韜鈴且細看可知投筆起心事異寒酸

禁籟煙塵暗嚴城警報頻勞君從問道爲我奉慈親辟  
地居山縣憂天愧杞人歸來話辛苦痛定淚沾巾  
解我移居去重城隔暮雲剪鐙時顧影對月每思君繞  
樹烏啼曉驚寒雁失羣懷人無限意何止爲論文

遣興

閉門已覺少風塵開卷眞如對古人詩愛少陵工紀事  
交非鮑叔莫言貧地爐漸熾衾增暖窗紙重糊屋乍新  
枉替梅花嗟冷落誰知轉盼卽陽春

遣興雜詩

舉袖難遮十丈塵問誰瀟灑得閒身求仙莫恨三山遠

成佛都由一念眞彈指須臾驚浩劫回頭容易誤前因  
好從雲散風清後坐看中天月色明

任人角勝鬪枯棋開卷能消十二時甘受擲掄運作郡  
飽經憂患易興悲天憐小草含生意春入寒花發故枝  
勳業行藏兩難問愧心重詠少陵詩

案頭展卷綴新評牆角看人棄短檠何計消愁惟酒盞  
自來無用是詩名書殘柿葉如僧寺看到梅花減宦情  
且向金門充吏隱無田未許說歸耕

誌夢

淒淒風入帷熒熒鏡垂穗遲遲漏方長黯黯客初睡  
念同心人枕函濕清淚夢中忽相見離恨此稍慰笑語  
如生平家計詢瑣碎重翻金縷箱零縑紛藻績中有錦  
一端顏色殊綺麗上有並蒂花枝葉自相對下有交頸  
鳥文禽重匹配沈吟持剪刀未忍裁作帔感君纏綿意  
涕下沾衣袂傷哉夢醒時耳畔言宛在

雨後即事

槐陰漠漠映書堂修竹森森覆苑牆宿雨濕蒸松菌出  
好風晴送棗花香閒拋酒盞耽禪悅淨掃繩牀臥晚涼  
一枕遊仙清夢足不知明月轉迴廊

秋夜

捲簾望明月虛室納清光時有好風至兼之叢桂香秋  
懷增澹遠詩思入微茫欹枕清無寐宵深竹簟涼

題幼安詩草

才名敢道與君齊每誦新詩首自低漫比西江推魯直  
願如東野事昌黎十年辛苦同鉛槧萬象森羅入品題  
已喜珠光常照眼誰從瀛海更探驪

題南坪遊蜀詩草

碧雲過斷湘竹裂長笛聲高入寥泬風迴爽氣凌清秋  
與君詩境同超絕君才健如脫鞴鷹霜天下擊勢飄瞥  
談經說劍何縱橫感遇憂時更激烈十年人事嗟蹉跎

悔齋詩稿

卷三

三

萬里鄉山復遠別遙從薊北望天南燕臺落日昆湖月  
剪燈相對坐宵分重話疇昔轉淒切極天烽火照家山  
直闌城外盡回鶻投筆慷慨還從戎懍懍平生真氣節  
躍馬風生短後衣出師誓飲花門血計定方期縛渠魁  
軍符誰料來倉卒不教驅馬出危城和議當時計已決  
郭外方看狐兔驕軍門早報弓刀撤掉頭從此辭戎旃  
射策遠來朝北闕變化同期雲路高騰驥誰遣霜蹄蹶  
自來福命勝文章肯與鷄蟲競得失一官需次居長  
萬古奇愁每鬱勃開編示我遊蜀詩前年踏遍峨眉雪  
劍南風景杜陵愁寫向岷山懸健筆放懷更請爲君歌

許身稷契誰言拙隨陸能武絳灌文珍重此才不世出  
我才頗放遠輸君我詩直率慙無律酒酣氣振更聯吟  
詩成唾壺擊將缺

將軍引

百金買劍紅毛夷飾以珠玉何陸離將軍珍惜恒佩之  
千金買馬市駿臺骨格權奇非鷲駘將軍欲賦天馬徠  
吁嗟乎將軍愛劍復愛馬意態豈是尋常者忍使煙塵  
滿四野

東湖

平生雅慕西子湖山川間隔空躊躇邇來忽向鳳翔住

悔齋詩稿

卷三

四

好是披公遊歷處昔年讀公八觀詩勝境恨不相追隨  
年深古蹟半荒廢風流文采嗟無遺喜聞東湖傍東郭  
風景猶然滿林壑懷公遺澤慕公才欲往從之心踴躍  
肩輿小住登祠堂千載神交通冥漠昔公簽判來此間  
其時朝野方清閒政成時和百廢舉樓臺不厭同躋攀  
熙豐以來羣小肆青苗助役嗟多事郡守何心說遊觀  
斯民久已傷憔悴逐公海外復何言回首岐封懷勝地  
湖山一角足千秋七百年來續舊遊惆悵西湖近何似  
不堪望遠說杭州

由同官至中部道中作

雄關已廢騰顏垣莽莽青山接五原金鎖關已廢斷澗泉流  
初過雨居人穴處不成村邊城氣候寒暄異秦地軍輸  
調遣煩聞說豐陽飛羽檄須防埃火照青門聞商州有警

試畢榆林早發至魚河堡

魚河一曲尚滌洄官道馳驅望眼開榆塞天低千里曠  
雕陰路近萬山來衡文愧說安邊策相士誰爲濟世才  
曾是當年形勝地荒涼古埃長蒼苔

延安小住卽事感懷用壁間韻

行邁殊不遑無暇蠟雙屐烏延此暫住四圍聳峭壁東  
望清涼山中有古賢迹由徑穿陰崖飛閣踞危石此間

悔齋詩稿

卷三

五

足高蹈苦乏一區宅經世愧前人懷古動心魄王程歷  
邊塞辛苦事鞭策隱淪既難期攬轡敢辭責

遠行萬里路博覽萬卷書抗懷希豪俊詞章特其餘文  
學與經濟兼之者誰歟海內苦多事賢才宜早儲邇聞  
左馮翊煙塵遍郊墟戎行重親歷慷慨誰登輿萬姓嗟  
流離何時歸田廬臨風緬韓范忝顏拜階除

仰看雲中鶴乘風恣翔翔人生苦拘促竊忝鸞鷲行持  
衡來關輔前賢遙相望桓桓文襄公遺烈未可忘詩書  
化庠序防禦控遐荒回首望南詔昔公游釣鄉異才出  
邊激勳名耀旂常曾披石淙集恍若登公堂

我從勝州來遙征已千里蕩蕩無定河波聲猶在耳回  
望雕陰山去天不盈咫前途苦炎蒸小住探山水詠言  
聊寄懷感時忽興起六合尙未清四郊近多壘憂樂關  
天下此才今有幾輶軒重咨詢用以告多士

偕同人遊清涼山放歌

羣山蜿蜒青不斷忽看峭壁插天半懸崖掩映森陰寒  
登臨直擬入霄漢左縈榆塞右長安對此茫茫忽長歎  
曩霄今日安在哉當時乃爲中國災防秋出塞苦多事  
殺氣遠過單于臺韓范邈矣空懷古不如攬勝登崔嵬  
振衣直上攀絕頂雨後溼雲積陰嶺天風浩浩晴雲開

悔齋詩稿

卷三

六

俯視萬象澄清景中間一境何玲瓏石室高敞凌虛空  
華嚴樓閣飾金碧雕鏤萬佛煩人工我聞佛慈重施濟  
火宅曾種青芙蓉方今回紇正構患五陵慘淡生悲風  
剖肉飼鷹佛不惜忍見四野多哀鴻拈花頗怪佛無語  
小憇倏看日卓午且揮醉墨酬山靈更喜嘉賓盡仙侶  
上方共坐忘塵勞下界安知苦殘暑回首山椒見夕陽  
歸途徑踏槐花黃此遊殊得清涼趣願祝九州萬國俱  
清涼嗚呼安得九州萬國俱清涼勿使登高望遠涕下  
沾衣裳

秋曉

蟲聲猶未歇 曙色上簾鉤  
微雨昨宵過 溼雲空際浮  
看山聊拄笏 法冷罷登樓  
記得趨朝日 臨風聽曉籌

寶雷閣古琴歌爲章子山主簿賦

碧雲深處唳元鶴 商聲響出寶雷閣  
閣中主人撫搖琴 款識辨是雷威斲  
髹紋斷裂徽軫全 照人古色猶斑駁  
我聞威也工取材 撥崖往往披蒿萊  
孤根拔地期正直 濃陰蔽日無纖埃  
元音中閔氣沈鬱 響激泉石生風雷  
雕鐫恰好逢良匠 拂拭親爲剔莓苔  
精神所寄長不朽 流傳千載逾瓊瑰  
主人愛琴琴得所 世守常將錦囊貯  
往年轉徙入青齊 烽煙匝地嗟難禦  
妖氛飄陣雲頽

梅齋詩稿

卷三

七

萬物焦枯供一炬 主人有子誓捐軀  
懷忠肝常自許 人琴已矣拚俱亡  
雍門一曲同淒楚 誰知此琴尚依然  
飄流遠道來三輔 章君話舊心愧傷  
我未見琴意傍徨 方今三輔苦兵燹  
回紇肆逆何披猖 安得時雨洗兵馬  
仰見天際收機槍 重坐君家寶雷閣  
張琴還與彈清商

秋日雜詩

曉起望四山 空濛宿霧合  
萬象入混茫 雲樹相間雜  
微聞杳靄中 鳴鳥聲相答  
晨曦上東峰 高標見孤塔  
溼雲依屋檐 空翠繞周帀  
快覩天宇清 西風吹颯颯  
晨興聊盟漱 孤坐理書策  
不知日已昇 隱隱射窗隙  
束

髮早受書頗 思窮羣籍多  
好苦不專歲 時成虛擲壯  
學卽云遲展 卷終獲益搔  
首日忽中餘 光甚可惜

秋蟲泣曉月 唧唧依露草  
飛鴻唳長空 遠音徹三島  
洪纖雖異致 餘音同繚繞  
騷人感時吟 卽事抒懷抱  
元音歸自然 變調參奇矯  
所苦飢餓家 繁縟難盡掃

秋花三五叢 枝葉雜黃綠  
寒蝶相因依 安知節序促  
感此動百憂 世路嗟蹙蹙  
翹首望沈寥 仰見雙黃鵠  
舒翼摩青天 凌空豁遠目  
俯視翦翎鳥 樊籠苦拘束

晚眺

秋色鬱邊塞 西風吹客襟  
山深圍夕照 雲重結層陰  
寒

梅齋詩稿

卷三

八

落烟中寺孤 城日暮砧青  
門杳何處天 遠氣蕭森

登樓

萬里西風萬戶砧 延州秋色倍蕭森  
淒涼今夜登樓客 多少馮欄望遠心  
露冷三邊沙磧靜 天寒八月塞垣深  
南飛烏鵲棲何處 落葉紛紛正滿林

閏中秋戲作長句示同人

露華重洗浮雲淨 長空依舊飛明鏡  
廣寒讌敞羣真來 金支翠旂相掩映  
手攀星斗鏗有聲 更奏雲璈雜笙磬  
姮娥醉倚桂花叢 西望長安天色暝  
宿霧千尋黯不開 流螢于點光無定  
金山作鎮華山高 誰噴妖霧迷巖磴

商聲尚作金鐵鳴力戰蚩尤乃不勝百靈震疊天容嘖  
倒翻銀漢水爲罄陰霾盡滌天宇開罡風掃蕩力尤勁  
此時入水皆激清颯龍復吐明珠孕紫府仙人更做筵  
七言迭和相酬贈下界偷傳玉笛聲天門再掃落花徑  
晦明轉瞬風景殊陰陽測度璇璣正九秋風露何高寒  
萬里清光正綿亘人間兩度作中秋故事新添入時令

嘉嶺山

延安城南有范文正公石碣

咏史

悔齋詩稿

卷三

九

鯨鯢失駭浪游泳輸常鱗鸞鳳鍛修羽憔悴依荆榛人  
生重意氣肝膽自輪囷契合固有道養晦當自珍文舉  
昔薦士相期出風塵安知羅網羅轉以殺其身正平固  
奇士傲骨何嶙峋擇林感鸚鵡所託殊非人山郊但善  
習究竟慚麒麟遇合每如此懷古涕沾巾

秋日讀書雜感

搔首望入荒茫然百感集秋高鷹隼飛歲晚龍蛇蟄砌  
蟲偶一鳴草根白露溼感茲坐掩關卷軸聊掇拾抗懷  
慕唐虞邈矣不可及周道嗟中衰鴻雁待安輯六月飭  
戎車當時何巖急侵鎬及涇陽猥狃已深入薄伐奏膚

功出師匡王室掩卷思吉甫臨風久伫立

秋日偕同人登清涼山晚歸

琳宮層巒鎖煙扉曲徑回環入翠微崖樹倒懸秋葉墜  
天門高敞暮雲歸山蟠白翟圍邊塞水接丹州漾夕暉  
醉倚西風吟眺久不妨清露溼征衣

食蟹

舉酒對叢菊悵然有所思頗思得雙螯侑此手中卮登  
盤見八跪當筵一開眉延州號窮壤萬山鬱嶮巖此物  
何由致下箸還遲疑坐客忽三嘆爲我前致詞青門方  
全盛民物何恬嬉津沽海客至每當早秋時筠籃盛紫

悔齋詩稿

卷三

十

蟹入市恐稍遲豪家一夕譙貧氓終歲資今年仲夏交  
士馬驚紛馳回鶻始構患如澤集蛟螭涇渭皆鼎沸頰  
尾同嗟咨鴻雁泣中野嗷嗷待王師王師苦不至至復  
久相持白骨徧原野犬羊飽膏脂自夏徂季秋屠戮靡  
子遺商賈並裹足轉徙來邊陲遂令山中人見此競稱  
奇感此不成醉投箸心淡其安得介冑士奮武如熊羆

慶陽試院除夕書懷

簡書迫歲晏流光感電掣仲冬事行役冰雪何凜冽川  
原鬱陰寒朔風砭肌骨出山復入山危途歷百折經旬  
達慶州試院駐使節校士局重門低首日披閱北地苦



僻遠人士安樸拙所見固方隅伊誰窮羣籍師道嗟陵  
夷窳與誰爲關頗懷李空同自命誠豪傑末流好詆媿  
盛名終難沒過過三百年風雅久銷歇勉旃後起秀抗  
志希往哲太白亦峩峩環水殊未竭山川有鍾孕自立  
貴超軼我愧持衡來爲時頗倉卒雨雪方霏霏殘年笑  
兀兀忽聞臘鼓喧將與舊年別開尊酌屠蘇既醉轉鬱  
結烽煙苦未靖構患怨回鶻涇原及蕭關驛道嗟阻絕  
犬羊吮人膏地赭盡流血嗟爾亂王綱豕突矜勇決安  
知天心仁忍令生機滅煌煌文武業百世秉遺烈會看  
滌腥羶大義伸捷伐時運有轉移人心頗奮發秉筆記

悔齋詩稿

卷三

七

中興大書王正月

靈武

靈武書卽位事乃出權宜涪翁苦相詆高詠涪溪詩深  
文語刺骨豈徒有微詞論事貴平恕何以周內爲我獨  
有遺憾感事重嗟咨回紇稱助順劫掠勝赤眉餘殃及  
後世孽類久蕃滋花門旣須留杜老淒以悲太息古詩  
大料事如著龜北征寓碩畫此輩宜圖維廣平馬前拜  
雖悔何可追利害有倚伏撫躬乏良規至今五陵上慘  
淡腥風吹

王家角道中

山勢接鄰時征程百里遙懸崖欲欲墜陰澗凍難消地  
逼人煙雜民醜吏役驕馳驅王事迫行李任蕭條

春日雜感

尋芳常恐負良時攬鏡何堪見鬢絲牘有壯懷頻撫劍  
苦無佳句懶題詩春來邊塞寒猶重書寄他鄉到每遲  
回憶京華文燕好碧桃花放酒盈卮

李鐵梅先生寄示雜感詩三首次韻卻寄

市地煙塵動百憂極天兵氣簇戈矛縱橫駭獸羣相噬  
慘淡哀鴻哭未休內史雄封餘瓦礫周原舊蹟失涂溝  
劇憐涇渭同嗚咽日夕潺湲古渡頭

悔齋詩稿

卷三

七

淒斷城頭畫角吹何人重賦小戎詩空聞櫟邑屯金幣

無復荆扉上屢屢賈誼書陳防厝火杜陵淚盡爲憂時  
扶風馮翊今何似官道燒殘萬柳枝

上郡風煙接五原艱難時勢不堪論遙聞殺氣連西極

尙見羣山拱北門延安尙無營願我有懷嗟靡及問心多咎

愧重捫登龍慙說當年事一例鷓鴣共斷魂先生亦久滯關中

江貫道墨牛圖

此生頗慕田家樂閒騎牛背出林壑英姿不羨師子花  
絡首青絲苦羈縛頻年奔走初心違悵望山村與水郭  
晴窗小坐圖畫開頓覺眼底無纖埃長林豐草流泉繞

涇涇者得先後來三百餘處各殊致降阿飲池訛寢倍  
牧人三五何閒暇青郊雨足秧已栽畫師潑墨寓深意  
考牧猶記周家事旒旒有夢占豐穰佩璫無人生怨懟  
桃林風景猶當時展圖如見承平治爾來關輔車馬馳  
中澤哀鴻淒以悲盡烹穀餼犒壯士豈有臺笠來東菑  
農夫搔首向天泣愁看瓦礫徧原隰牽牛憊矣傭服箱  
麥苗欲種嗟無及我生無分荷煙蓑幾度披圖帳觸多  
南山白石依然在誰和風前扣角歌

秦中雜感

車攻曾說狩岐陽六月重聞詠啟行薄伐戎功驅外寇

悔齋詩稿

卷三

三

中興餘烈告先王勳名未易追方召忠厚須知異漢唐  
回憶西京全盛日百年休養頌成康

阿房宮殿委榛蕪海上神仙問有無小篆空留金石志  
餘威从失虎狼都鋤耨誰信終資寇黔首須知不盡愚

太息焚書餘火在可堪原野半焦枯  
徧栽苜蓿繞離宮天馬吟成樂府工誰遣匈奴遮漢使

非關諸將侈邊功詔書終罷輪臺議牧豎猶傳卜式忠  
今日昆明池上望劫灰飛處起悲風

秋來幾度詠蒹葭悵望伊人日易斜作頌風清周吉甫  
過秦文愛賈長沙三霄露冷金仙淚八月秋浮漢使槎

無阪蒼涼懷古意懶從韋杜問鶯花

長驅萬馬擾中原入寇無端雜吐蕃將士至今思尙父

朝廷曾議賞懷恩似聞靈爽昭陵痛難滌腥羶渭水渾

嘆息廣平親下拜千秋遺患是花門

煙雨迷離紫柏山褒斜南望動愁顏征塵慘入陽平驛

喉火宵騰大散關八陣威名思漢相七盤遠勢控荆蠻

樊襄隴蜀紛交錯莫遣防秋戍平關

千里延州接慶州蕭關迢遞起邊愁笳聲哀怨伊涼曲

兵氣蒼茫救勒秋絕塞功名思介子荒山祠宇祀公劉

瓦雲驛外煙塵合日斷皋蘭怯倚樓

悔齋詩稿

卷三

四

萬疊山圍上郡高邊城亭障冷弓刀西來白翟無餘孽  
東下黃河走怒濤詩詠榛苓聊寄興林檎楨幹莫辭勞

會須重對長安月華岳雲開首共搖

雜詩

虎狼方肆威猶猶踞要路終朝飽膏脂殺人已無數腥  
風來原隰慘慘日將暮憫此行路難頗搜義士怒徒手

往捕之振袂不回顧氣盛初相持力竭嘆終仆惜哉好  
身手見難甘獨赴虞人爾何爲胡不修獵具

車中餘梁肉戰士或苦饑關外有疲卒踴鞠方兒嬉驃  
騎胡不敗功名盛當時觀其辭治第誓將赴邊陲匈奴

尙未滅臣何以家爲斯言頗慷慨用以結生知寄言貪  
昧者貨積身亦危淒涼籍沒後甲第知屬誰

多告難盡廢得體道乃尊絮絮如老嫗聞者增其煩今  
飾事伺喝未可警迷悟默化既無術降而託諸言之  
復無序貽笑安足論我思陸敬輿修詞探本原武夫及  
悍卒聞之涕潺湲文德濟武功大義輝乾坤

春秋盟誓繁行成冀紆難口血猶未乾見利倏已叛秦  
晉原婚端反覆等冰炭况復非族類習俗本驕悍結好  
非由中伺隙將構亂中國緣忍事聊復相羈絆正須慎  
封守未可疏防扞柳渾書生耳料敵有成算

悔齋詩稿

卷三

五

九月十八日雪中作歌

我聞甘涼風物何蒼莽五月雪花大如掌征人未到祁  
連山已覺霜風增颯爽去年驅車入慶環干戈阻絕羈  
塵鞅回車卻駐金明城萬山合市眞僻壤三庚易過無  
炎曦濃陰時時入書幌涼秋九月西風高山鳴谷應聲  
蕭騷昨宵星月猶皎然晨起積雪堆平臯不煩天公更  
醞釀已喜塵土無纖毫且沽甕頭春一笑開清樽黑貂  
之裘雖已做禦寒頗勝放絮温只無廣廈庇寒士往往  
面熱慚無言偶然題句呵凍筆頗恨玉戲陳言聽者煩  
旣不能如李愬夜半驅士卒破敵居然探虎穴又不能

如衰安忍凍臥深巷蕭然無與眞清絕冷冷聞醉殊無  
聊蹙蹙如我庸非拙重進酒爲君歌寒暄變故何其多  
來朝新霽同雲散天心豈必慳陽和輶車待向長安發  
只惜未向焉支山下看積雪

時將返三原

悔齋詩稿

卷三

六

悔齋詩稿卷四

昆明華應星樓

梁義初侍御紹先避暑清川別業索書於予為書

桃源行奉寄侍御用右丞原韻作詩見示歌以

答之

清川之水清且深迴流浩渺圍雲林清川有山碧如玉  
恰借流泉洗空綠山光水色含清輝中有萬樹遮煙扉  
祝融趨炎不到此六月鬢鬢霜華飛是時城市正徂暑  
炎官驕甚日亭午龍眠况復潛深淵蟻鬪未聞致甘雨  
逃暑空思抱冷雲避喧誰引入花漱隴西侍御冰雪姿  
心契流水無塵縞借園林寄幽賞以山架筆川為池

悔齋詩稿

卷四

一

晉人妙墨唐人句神與古會相追隨我為君書等兒戲  
八法未解鍾張闕勞君報我桃花箋的燦光走珍珠字  
按節重吟摩詰詩披襟如讀陶潛記想見清川高詠時  
桃源風景在入世桃源風景何清涼但有嘉蔭無驕陽  
願分幾曲清溪水潤徧焦枯千萬里

寄懷鍊梅先生

日近長安遠原頭落照低離憂盈渭北夫子在關西世  
路苦多梗新詩勞寄題荒莊殊自笑桃李不成蹊

留別梁義初山長

翰墨方期結古灌筠簾風雨共盤桓秦川已喜無豺虎

阿閣終教巢鳳鸞惜別其如王事迫得歸轉覺此心安  
行囊尚有詩千軸且向西窗翦燭看

華嶽廟

宮殿何崇隆神靈儼蕭爽尊收此天府往者曾瞻仰金  
氣鬱寒芒烽煙忽震蕩瓦礫迷壞道塵土蒙殿勝古柏  
無青枝盟碑仆黃壤陳迹感廢興過客增悵惘安能學  
希夷杳然謝塵埃

渡河

三峰回望鬱嵯峩日出潼關過客多載得游秦詩卷去  
輕裝安穩渡黃河

悔齋詩稿

卷四

二

側石驛

暝色起天末羣峰入混茫雪融嫌路滑日暮覺途長轆  
鐸遠相答村鐘微有光殷勤勞驛吏為我具壺觴

國士橋

驅車待過韓侯嶺立馬先經豫讓橋悵望千秋兩國士  
趙城風雨暮瀟瀟

山行

牽迴徑仄馬行遲迎面車聲聽驟馳我畏與人爭要路  
先從寬處立多時

圍居與李錫瑞裕同作

錫瑞裕同作

井華新注盈盆池魚樂從容殊可知種竹森森得好雨  
牽藤曲曲穿疏籬頗慙定遠竟我輩願學廣川同下嶂  
坐看斜陽明屋角嬌黃一色映秋葵

秋懷和佑安

清商正延爽胡為悲素秋仰視嘉樹蔭非復前日稠汲  
汲顧景光勉勉懷前修天運恒不已浩如滄波流引手  
攀羲馭誰能使之留有懷逸萬古請為知者謳  
金井賈梧葉秋江絢夫容盛衰匪一致節候嗟適逢窮  
不厭泉石達不愧鼎鐘立身有本末與道恒相從春華  
競數秀朱草矜蒙毒蕊之歲寒節細彼澗底松

悔齋詩稿

卷四

三

霜高氣何清撫景志逾壯燦燦籬邊菊經秋乃全放用  
激志士心慷慨歷多難長夜雖漫漫終竟有時日守貞  
謝穠華斂氣嚴內勘閉戶韜光采仰天矚雲漢  
我懷中天盛萬物何光華五行既布序眾星拱帝車秦  
灰倏眯日莫羨焦無芽有如沈陰日繼以霜霰如何時  
好風來雲開縈明霞朝陽有鳴風梧桐著新花  
不見古時人猶見古時月皓潔亘八方清輝映貝闕地  
高卽云寒心遠境終澗銀漢淡不收詎容片雲抹何從  
有塵思更與相軫輻俯視萬象列頓覺雙日豁  
秋齋塵事寡孤坐每懷古正喜少客至濛濛鎮日雨燈

火漸可親去日愧重數文章尙浮夸於世究何補緜維  
策治安指事晰條縷壯學雖云遲終較不學愈

蘭園種寒菜壯志嗟蹉跎殷勤二三子載酒時相過修  
竹園左右雨餘新筍多長松留嘉蔭秋老不改柯禽鳥

亦已馴何心施網羅浩歌互酬勸安知醉顏酡

炎蒸幸無慮秋花依舊紅鷹隼縱霜翻肅肅塵晦空蟋  
蟀穴東壁唧唧依簾櫳洪纖物理異隨時荷天功故人

感秋吟妙理探無窮觀化且隨寓忘憂詎有忡

送張芝浦庶常端卿南遊

詩才須得江山助征車又指江南去臨行且復留斯須

放筆爲君歌長句君才何健與何豪奇氣欲薄霜天高

五嶽隆隆起方寸詞源浩浩生風濤今年射策揮彩筆

江都三策富經術此才端合登瀛洲日下聲華早無匹

讀書慧業期千秋寄興酒懷還四溢邀客同上酒家樓

醉鄉之樂逾封侯興酣舉瓊醜花月淋漓染遍金貂裘

二豪侍側爭禮法一笑視之如浮漚多君真率謝雕飾

與君話別殘冬逼君言此行爲尋詩大江左右淮南北

六代山河足嘯歌千年慷慨填胸臆陳隋作者徒紛紛

要洗鉛華存正色感君此語難留君小別何事傷離羣

聯床况憶坡穎約令兄仙舟遙首每望江東雲送君行

聯床况憶坡穎約令兄仙舟遙首每望江東雲送君行

聯床况憶坡穎約令兄仙舟遙首每望江東雲送君行

聯床况憶坡穎約令兄仙舟遙首每望江東雲送君行

矣且揮手出餞依依偕好友佑安明年此日待君來聯

吟共醉臘前酒

張叔平世準以紀行詩見示奉酬

張衡示我詩盈軸古意蒼涼格調高健筆居然凌漢魏  
大聲如聽走風濤客愁莽莽來燕市孤憤時時讀楚騷  
想見郵亭題句處江山勝概助揮毫

鄒慰農大令見贈長歌次韻奉答

野菽充膳非嘉肴嗜者乃謂逾瓊膏人生好惡殊不一  
庖丁豈盡工烹調野人寒儉歷藜藿詎有珍錯供老饕  
鄒君言語妙天下欲與崇愷爭奢豪以味喻詩詩律細

悔齋詩稿

卷四

五

剖別淄澠母溷淆鼎鐘羅列旨且有雜俎兼備瓜與匏  
濃淡異致期適口如割烹者刀各操旨歸要可一言蔽  
調劑正味斥邪蒿偶思螺蛤亦何害泥沙淨洗難辭勞  
君詩醞釀何深厚匪惟備物誇豐饒五音調叶如五味  
濃者不濁清不澆就中甘苦寸心喻朵頤之貞符卦爻  
此事不容越俎代丹黃滿紙皆手鈔願讀萬遍心始飫  
涎流口角難暫拋我如征南嗜左氏賣餅頗笑公羊高  
年來攢眉避吟社得君酬唱開鬱陶八物六牲恣一飽  
心醉倍勝公瑾醪我詩自笑等糟粕遺棄神髓餘皮毛  
平生漫許略知味入護世城庸敢驕羊躡菜園真嚙語

捧腹自笑此中朽還君詩卷有餘慕慰我餽饑匪分毫

世間腐鼠安足道駝羹臆臆方盈庖

張春陔前輩盛藻見示近作奉和

遣興新詩半寓言匆匆秋夢去無痕辭巢語燕難爲別  
以月羈鴻易斷魂楚澤芳蘭懷宋玉漢南衰柳愴桓溫  
枝江大有難忘處蟹火漁歌遍遠村君將請  
儉南歸

寒夜和袁郢材方城編修

簾櫳漾燈影徒倚一窗中庭竹森寒碧盆梅綻小紅漫  
漫憐夜永憤憤笑冬烘會見晨曦上無勞怨朔風  
豈有康成婢會無頴士奴瓶花伴幽寂詩草笑模糊池

悔齋詩稿

卷四

六

涸冰難結星繁月不孤空階人獨立清絕卽蓬壺  
激懷聊習靜守拙未全非漏緩雞鳴早天長雁影稀清  
尊邀月共寒菜得霜肥爲語同心友安貧卽見幾

夜坐

清夢難成刻漏長青鐙耿耿照書堂風摧落葉聲如雨  
寒逼疏櫺夜有霜每聽荒雞傷往事豈無鳴鳳向朝陽  
驚聽爲掃浮雲去莫遣濃陰遍四方

送春陔南歸

楚澤有蘭芷本性含芳馨幽貞幸常葆恥逐江上萍清  
風灑然來餘香流澗汀初佩懷君子移根貢玉庭緇塵

任紛空素質詎凋零回首望江漢煙深雨冥冥

煙雨黯不開歸心久未遂京華三十年世味嘗已備馮

唐傳執戟甯與眾人異亢宗嘿無言誰測賢者意猗嗟

古之人豈必矜意氣貞心亮不移希古信無愧

層陰忽密布二曜黯不光誰能滌氛祲排雲破天閭世

運豈終晦吾道期後昌持危在氣節輔世重綱常側聽

丹鳳鳴快如覩朝陽臣心一以盡行矣事耕桑

枝江古名區清波接山翠九十九洲外雲煙杳無際烽

燧幸不驚結廬喜得地循陔補風詩戀闕懷往事露

霽江上雲拳拳故人意他時雙鯉魚好自楚江寄

悔齋詩稿

卷四

七

西窗遣興

蕭疏宦况似山家半捲湘簾日易斜雲起如扶初上月

雨深留潤後開花金城人老傷枯樹銀漢秋高泛使槎

莫問當年持節地至今慘澹起悲笳

秋園雜詠

半畝無多地蕭然晝掩關編籬界花徑疊石肖煙鬢

與縹緗內立身夷惠間胸中有邱壑何必在深山

南楹頗幽寂習懶坐繩牀積雨洗秋色碧雲生晚涼夫

容被水膩末利入簾香不用燒銀燭宵深月滿廊

啼鴉催早起覓句步前楹睡味中年減吟懷秋日清疏

樵上寒色落木變商聲何事蟲鳴急臨風訴不平

忽忽愁思至秋心黯不開腐儒空守拙人世正需才攬

鏡初心負登臺百感來携鋤聊遣興種菜關莓苔

漢代黑山寇猶傳餘孽多徵兵屯赤縣斷渡守黃河補

闕慚無計憂時盼止戈園居容俯仰壯志愧蹉跎

近得苴蘭信灰飛劫未消將軍下南詔徑擬絕天驕輸

轉軍租急誅求民氣凋故園好喬木聞已當薪燒

去住無長策浮沈笑此身揆著徵悔吝閉戶遠風塵籬

菊禁秋瘦寒藿得味真乘軺能報國低首愧同人

宿雨結層陰蕭蕭秋滿林薄寒中酒意慈母授衣心枝

悔齋詩稿

卷四

八

穩鷓鴣借風清蟋蟀吟笑看丹桂樹手植漸成林

冬至同人集齋中飲酒卽事成詩

當筵不飲三百杯壯懷鬱勃殊難開同人况復盡豪俊

高會欲築糟邱臺仲冬晴煖少冰雪不慮朔風吹凜烈

豈是元冥竟失威大好空庭同對月此時逸興倍清豪

搔首仰視霜天高安能盡挽銀河水一夕醞釀成醅膠

直將北斗作杯杓未飲已覺塊磊消清夜沈沈漏聲緩

燭花低映玻璃盃百罰何辭觴政嚴一室斗覺陽春滿

看盡還將籬菊餐酒翻笑看衣襟澣不知落月轉迴廊

但覺長吟勝簫管從來盛會京華多往往喧笑撓笙歌

1807 7x5

21

駝羹鳧雁誇富有澗澗同之金巨羅我曹豈必侈豪舉  
雅俗自昔原殊科一笑重歌將進酒諸君曠達真吾友  
宛向竹林會七賢未須燕市尋屠狗君不見好風吹放  
玉梅花勸君行樂無咨嗟豈但行樂動春酌會見寒消  
天下樂

丁卯上元

紫禁煙花撒地紅踏歌聲入五雲中除將鳳釐鼇山外  
應制詩難異樣工

奪得崑崙夜未央刀圍玉帳閃寒光今宵故事從新數  
快意惟餘狄武襄

悔齋詩稿

卷四

九

魚龍角觝競稱奇宣德樓前玉漏遲重讀東京夢華錄  
綵山燈火憶當時

香車寶馬與飛騰節到傳柑喜不勝老我心情偏冷落  
閉門獨對讀書燈

督師

督師應轉戰懸賞待酬庸烽火連畿輔軍輸窘大農專  
征唐節度扼要漢提封速殄西山寇飛書告九重

謁告

謁告多清暇端居過客稀楸枰爭小劫花鳥暢天機微  
雨不成滴迴風時掩扉無人持事至高詠對斜暉

石首魚歌

棟花風信猶未起已聞石首出春水玉食先經貢尙方  
冰鮮尋見入都市筠籃捆載柳貫腮都人爭購販傭喜  
細鱗弱骨冰雪肌劑以薑桂湘以醃千錢已足供一飽  
封羊擊豕亦奚爲爾雅釋魚苦未載深秋化鳧尤可疑  
未須數典辨鱖鮓且復侑酒斟瓊卮我聞此魚生海外  
遠從葳那來都會因風萬里競乘潮入饌一朝還作膾  
似是波臣解效靈頗慕中朝恩廣大特毆此物作貢來  
不教比目獨稱瑞嗟爾波臣果效靈胡不盡殄鯨鯢勿  
爲害

悔齋詩稿

卷四

十

報

孫琴西衣言同年入都見示近作輒題四百字奉

天遠晨星稀清輝悵遙隔良會嗟大難去日殊可惜故  
人忽扣門握手話疇昔鬢鬢各老蒼情事雜欣戚示我  
編年詩駸駸感駒隙志潔稱物芳才大取類蹟沉思入  
微茫真意出丹昂上言主恩厚再拜陳碩畫下爲生  
民哀風謠備采擇中間感身世時會嗟屯厄拳拳忠愛  
心桓桓匡時略風騷有正軌萬古此一脉君昔官翰林  
文字乃其職敷陳三百篇諷諭異禍迫一朝辭承明領  
郡控繁劇皖城古重鎮誰令妖氛逼鯨鯢乘駭浪豺虎



滿阡陌皖水咽不流皖山黯無色當年桑稻鄉慘澹少  
人迹擬撰逾十卷悲憤滿胸臆貞元潛轉移人心厭兵  
革天討次第申江介烽火熄君亦歸東山投林息倦翻  
絳帷列生徒丹黃校羣籍掩關塵事稀戀闕誠悃積  
都門重見君相慰風雨夕昔年同榜生競展摩天翼我  
慙鷲下姿低首甘伏櫪晴窗讀君詩觸緒多憤激直北  
方徵兵日夕飛羽檄廟堂塵宵旰詔書屢切貢遙聞  
鼓鼙聲細想方召績連營戒久頓乘機逾鳴鑼駭獸方  
狂奔驚馳走砂礫合圍慎勿疎扼要當迎擊此舉清中  
原餘威被重譯再報皇路清高瞻晴曦赫君固舊史

悔齋詩稿

卷四

十一

官紀事諒精覈

聖德邁元和英辭振金石煌煌中興

頌光芒照簡冊

長椿寺觀前明九蓮菩薩遺像

莊嚴妙相如滿月九蓮遺像未殘缺一龕趺坐閱興亡  
三百餘年電光掣當年慈聖居乾清扶持嗣子何嚴明  
五更視朝警晏佚六年聽政方承平爲民祈禱與梵宇  
豈以土木勞蒼生相公况復能任重同心輔導承恩寵  
秉政直將擬霍光爭權卻怪傾高拱一從駕返慈甯宮  
盡以政事付臣工弄孫含飴不關政尙倚太岳如姚崇  
豈知芒刺久在背帝脊已替難圖終朝廷從此嗟多事

大開礦稅爭言利田賦初加民氣凋廷臣稀見朝綱墜  
不意慈親盥面時卻將愛子憐如意中旨喧傳昏費多  
正供豈慮司農困悔禍空將遺詔頒末流更見中官肆  
徒將殘局付神孫慈聖有靈應隕涕嗚呼古寺長春佛  
火青袈裟紅錦感飄零無復清明陳麥飯只聞僧侶誦  
蓮經

口占謝倪翰卿

潘 餽橋

關心餽問感良朋病肺呻吟笑杜陵乍喜寒香侵齒頰  
高吟橋頌對秋燈

蟋蟀吟同人分韻得月字

悔齋詩稿

卷四

十二

蟋蟀吟清以越繁聲催出長天月初如試秦箏么絃響  
悽切復如瓊環鳴泠泠扣玉玦有客中夜黯無眠感此  
三歎情激烈爾品一何清吟風飲露如蟬潔爾性一何  
介卓立長鳴矜勇決胡爲潛伏草際泣秋風庭草蕭疏  
綠意歇驚颺颯颯秋夜長天陰月黑暗林樾蟋蟀吟聲  
不絕徒令愁人爲爾增徬徨伏枕中宵同嗚咽金籠戲  
劇徒爾爲葛嶺華堂已消滅蟋蟀吟且暫輟我歌爲爾  
解鬱結蚓笛蛙鼓何紛紛安能與煩相煩韻不妨靜夜  
耐清寒聊助商聲鳴金鐵好風相送響遠音應共清商  
入寥法蟋蟀吟唾壺擊碎歌聲閉

秋夜有懷

疏疏落木減清陰  
唧唧寒螿正苦吟  
涼信遠從天末至  
客愁都向雨中深  
西窗鈴火宵無寐  
南浦煙波感至今  
水遠山長人萬里  
哀絃悽斷伯牙琴

陶然亭小集

風月隨地有領者  
趣或殊會心從所適  
大化無方隅登  
高縱瞻矚命酒謝牽  
拘秋光變林木寒色  
萎孤蒲急景  
相代謝人心異慘舒  
與世信無競爲歡斯  
有餘清風散  
薄暝月華照歸途  
孤亭杳木末暮色連  
平蕪無勞感陳  
迹達化真吾徒

惟齋詩稿

卷四

三

夜坐

秋色上叢菊嚴霜萎  
庭莎紫蔞匪一致感時  
將奈何我  
有一樽酒坐對明月  
多飲罷吾意適陶然  
得天和盛衰  
自倚伏寒暑如逝波  
梧桐異松柏秋至將  
改柯  
老桂初綴花雨餘競  
繁茂清風灑然至香  
氣隔窗透花  
陰久伫立零露溼衣  
袖言念山中客有懷  
未云遵良夜  
與閒人頗難巧相就  
鄰家歌舞闌正當鼾  
睡候  
宿鳥時一鳴月上疑  
天曉微聞拍翅聲隱  
隱出林表捲  
簾望長空疏星帶樹  
杪沉澗儼一氣呼吸  
入懷抱無眠  
亦偶然所得未爲少  
轉借漏漸沈傍舍雞  
聲早

在

道

佳

蔣	陸	如	陸
氏	校	月	涂
慎	印	著	月
脩	甲	始	吉
書	寅	丙	成

序

今春正月同歲生朱君崇嶧目所鈔雜體詩見示名之曰在  
莒蓋生平所歷半寓之於詩且屬敘曰鄙作自視無大趣味  
子盍箴之皇然謝曰予夙不解詩又何足目知君設第君與  
予同里而遊同師而學相交垂三十年又同患難而出出而  
歸就詩中所歷之境有不勝今昔聚散之感者烏得已於言  
耶方咸豐癸丑之亂君隨任浙西先君子移家禾中轉徙靡  
定蹤跡參商不相見同治甲子予挈姪子藩應京兆試僦居  
宣南之地藏庵君後至依族子晉夫侍御宅無一日不聚時  
鄉先生有何新甫給諫陳晉人郎中許海秋起居蔡子函員  
外同廬者芸芬月舟二陳君涿州馮廣虞會稽葛振青院中

丁十七 序

金陵遺書  
附氏校印

梧楸陰而地握紙筆凭石磴角藝暑汗涔涔不少休夜分縱  
談古今事佛火熒熒然聽曉夜鷄聲與晨鐘相問舍歎未  
已若不知有故鄉烽燭之苦是歲金陵克復其明春予奉母  
歸里君亦繼歸相見而悲悲已輒喜雖井里邱墟之甚感而  
初不意骨肉生還獲室家之完聚也戊辰 廷試又同入都  
試罷予先歸君從鮑穆堂師校文畿輔別五年回顧南雲陸  
焉馬首歸於癸酉之冬自是鍵戶不復出矣君恃硯田爲旨  
甘計老宅半毀於兵重事補葺奉太夫人日居白髮春暉愉  
愉色養旁一小閣倚淮水日坐臥吟嘯其中先人遺書猶有  
存者近續郡縣志輒從假讀所關係金陵文獻至鉅且備君  
誠有樂乎是所守約而所得多此在莒之所目名篇也嗟乎

今距復城日二十餘年耳事局變幻倏如浮雲不獨風氣遠  
不逮昔人人粉鉅痛深之念日已消亡即平生師友大半零  
落其存者又散處久不得音問嗚呼宣南之會僅予叔姪與  
君三人而已猶幸有一二冷交相與里門晨夕無間差目自  
慰予再赴計車中間薄游梁宋又西泝大江三上漢皋兩入  
皖灑客不久而歸歸又不得不出中年歲月消磨風塵況瘁  
中曾不獲理一日之業讀君斯集益重予負矣而暇論君詩  
哉光緒十一年二月年愚弟甘元煥

一十七 序

金陵遺書  
附氏校印

自序

管子謂齊桓公曰臣無忘堂阜願君亦無忘在莒甚矣前賢之至言也余家小康先人懼溫飽弱志因請同里王善之師從容訓誨俾免游惰然當是時無飢寒紛我慮余亦不知斯境之真樂而相與忘之咸豐癸丑賊竄金陵自分無生理俾脫於難趨浙中先大夫日日經史相勗繼配余亦言無懷安勸束裝赴京兆試戊午己未連報罷庚申春回浙是秋先大夫捐館舍宦藁蕭然境益窘賴慈親支持家務雖處流離顛沛中而身世獲全同治甲子又入都應試聞金陵克復始得旋里蓋亦稍稍獲安矣丁卯補行拔萃科獲選又得館脯助家用竊歎早不能悅我親今始略供菽水費亦覺遲晚且恐

十七

金陵叢書  
附氏校印

薄有傾粥資而忘舊日之艱瘁也因錄前後所作名曰在莒集詩不足存亦聊目自警云爾光緒甲申年十一月二十三日崇嶧朱桂模自序

小傳

朱桂模字崇繹上元人台州同知緒曾子面方頤垂色近頰而舌微蹇吃長不及中人性敦篤博雅能文壯歲喪妻不復娶兄弟析居弗爭沃產同治辛酉拔貢生朝考報罷入直隸學政鮑源深幕三年歸候補道洪汝奎重之延入書局分校爲人胸無城府嘗謂天下皆好人凡多際一出於誠人亦不忍欺之行路必從方遠不知有捷徑眾笑之不顧也生平無他嗜好朝夕手不釋卷每以父書未能盡刊爲憾金陵詩徵之刻與翁鐵梅大令長森募貲采印苦心校讐甫成而卒以爲目幸可瞑也著有在莒集

十七

金陵叢書  
附氏校印

1800 945

質行朱先生傳

江甯汪士鐸撰

金之在沙曰礪玉之在石曰璞識者實之不知者亦不敢藝世之君子加以追琢文飾而人即以此評其工拙遂與渾璞自完者分優絀此吾鄉朱先生所為不可及也先生諱桂模字崇嶧為莊恪中丞之族弟家世鼎盛厥考以名孝廉為嘉興同知君隨侍浙西稟承庭訓既博既精兵燹後歸里以廩生充拔貢 廷試報罷先後應京兆試或既得而桅失君視之怡如歷佐鮑華潭夏子松學使衡文奉母遯歸為洪琴西延課其子兼綜金陵書局又襄余郡縣志局人物蒐訪君力為多修脯所入輒市甘旨親供養猶孺子慕云光緒十二年以疾卒於家春秋六十君無子以猶子傳英為嗣年已冠君

一 一 十 小傳 金陵書局 汪氏校印

將牢甚未使就試也君考諱緒曾與余入泮同月者讀君同癖君繼先志凡開有益齋文集金陵詩徵諸書次第刊成撤瑟時猶殷殷託其友云君所自為詩曰在莒集烏乎孔門論人謂鄉人皆好不若鄉人之善者好之至矣如君者知與不知皆尊為朱先生稱其純孝一時賢士若甘建侯陳兩生顧子朋侯杏樓翁鐵梅咸推挹其篤行無異詞得不為聖門所取乎士之生也富矣或斥其陽從數騎貴者或議其布被脫粟何加於人哉如甘建侯顧子朋陳兩生侯杏樓翁鐵梅所頌君者無溢詞使與富若貴者較得失將何棄何取哉

朱先生家傳

上元顧雲撰

先生姓朱氏諱桂模字崇嶧上元人也郡以粵逆亂同治丁卯始補舉辛酉拔萃科先生貢成均年六十沒無子以猶子傳英嗣生平無烜赫於人之行惟事親孝執事敬遇物無疾言遽色臨財無苟得好學不倦時無異同之者昔杜預有言繼不可以企及立功立言蓋庶幾焉夫非以功之與言并有迹可據者立德則躬行而自得於心雖顏閔之徒不遇孔子且靡得而稱哉不然秦漢以降何必遂無其人卒未有盛著於世者何哉然而君子之道闡然日章豈加損乎物夫亦修其在我而已矣先生殆近之父緒曾嘗輯郡鄉先生暨流寓之詩成數十巨帙曰金陵詩徵先生轉徙兵間守遺書弗失

丁 十 七 小傳 金陵書局 汪氏校印

又手自鈔寫借其曹以次釀餒之板郡縣志之役亦與分纂所著詩有在莒集皆不足傳先生其可傳者獨執人人而問之曰朱先生何如人莫不曰先生事親孝執事敬遇物無疾言遽色臨財毋苟得好學不倦人也今之所希也嘗出今合肥相國門下為書數千言上焉大要皆古誼而非卿大夫所樂聞稿佚不可見然其為君子之言必矣 顧雲曰故事籍弟子員輒贊餼於學之所謂廩保也者廩保輒婪索取盈學校而市廩之習不為怪也先生食餼時獨否亦厲俗之一說又所出必康莊即紆遠毋迴曲或以行不由徑稱之曰非也吾恐倖捷適誤耳夫豈所謂盛德若愚者耶

在莒集

金陵叢書丁集之十七  
上元朱桂模

詠古

天孫雲錦濯銀河組織文章擲鳳梭  
報道騎龍來下界頓教  
編鯉旆狂波藍關雪擁忠誠壯紫蓋  
雲開瑞應多太息淮西  
碑洩倒也同快劍斫蛟龍

薛荔芙蓉嶺嶠中柳州詩思倡高風  
郭駝知政觀培樹弱弟  
分封辨剽桐謫宦州移劉夢得巨文體  
肖魯植弓智囊我愧  
晁公計願築愚溪臭味同

善護賢才判渭涇保全良將肅朝廷  
諫官名已儕王素樞密  
權難授狄青北宋吏馱寬濟猛西江文  
教史兼經鏡歌報捷

歌豐樂

時金大軍克同上滁州太守亭

海嶠浮生任醉眠金焦縱目撥塵緣  
僧宮笑傲陶元亮宦籍  
風流白樂天放鶴池亭留水月衍鱸詩  
酒作神仙瓶笙我聽  
煎茶韻恍共參寥話石泉

齊中咏懷  
花影當軒月入簾草迷三徑任幽潛  
交情蓮萼淡逾永詩味  
蔗竿苦後甜竹未成林生便直雞能如  
木食真廉從來戰勝  
由無慾繞指鋼柔試利銛

勵學

瀟灑還從謹慎來觀流無競撥雲開  
談非驚座休揮塵酒不  
如人且覆杯太白典裴嗤妄費拾遺支  
廈是良材尋師喜近

芝蘭室試坐春風箇月回

能支大厦是良材獨木其如棟易摧  
事已拚同孤注擲志將

重挽百川回治城節並忠貞慕  
寄語諸軍能奮力紅羊何致劫成灰

竹馬重迎下履危果然心跡印冰壺  
士元驥足羈卑宦越石  
雞聲慘壯圖治劇官民聯指臂時艱  
生死不模餽若從大帥

參帷握擊賊當教據小姑  
弔祁方伯

黃雲障天天無光四城忽閉轟雷  
碾雷碾轟雲不散陰雨

溼鼓鼓不揚誰與持  
運國計黑夜量沙楨道濟懸賞重購  
賊人頭士同筆擊與鷹逝南郊數百  
相存人請挫賊鋒難獨

制叩頭向城上呼取城上刀  
先生諸將刀擲下誓屠犀象斬  
蛟龍大吏搖手呼不得謂我輩當固  
守兮無用若曹一聲霹

流水丹心噴出血光紫  
吁嗟呼繞朝有策不得用自古掣肘  
類如此

曹實書先生

方戊昌云公名森字實書上元人道光  
壬午進士山西知  
縣初宰山陰有曹青天之日嗣任榆次  
別蓋減徭民猶戴



之歷夏縣渾源應州陽曲解州擢署大同府政績卓著而  
官忻州爲最久修石連城舉孝子焦潛訪求孝子王侃李  
友直侯進璋之後饋之書院督課之俾克有成舉人焦炳  
照晚年不遇貧病目終公親弔其喪目勵俗在任八年一  
無需索於民訟牘有可緩者輒予摘釋模謹按公爲先大  
夫業師道光己酉公歸里時母夫人春秋高公承歡養志  
無異孩提與弟士龍士鶴終日談藝藹藹如也親課三孫  
書裕昆其長孫也母夫人年九十歿公白首盡哀悉依禮  
制會值咸豐癸丑之難先是公練鼓樓北園戶爲團勇日  
督操演爲保障衛計城破日公帶家丁率之巷戰卓午賊  
退眾方回家噉飯賊嚙至不能再聚先生與夫人李同縊

丁十七 朱集

三

金 謝 書 蔣 氏 校 印

欽天山山下朱氏祠士鶴妻管氏裕昆暨孫女得喜俱死焉  
老成憂國握全圖雉堞傾危督再扶孤掌無權慶戰怒滿膺  
填憤疾聲呼賊忘家室身輕捨民有妻孥膽不竊有志未成  
拚一死成仁宜祀北山隅

湯雨生都督 名 貽 賜 汾 縣 癸 丑 殉 難 貞 烈 節 婦

髮髻如戟寸心丹奮躍蛟宮半畝寒 聖世恩綸同泆髓臣

家忠孝自披肝 林 祖 聖 父 均 殉 景 純 書 注 歸 餘 燼 著 雅 好 中

散琴聲竟絕彈 琴 仙 號 太 息 蒼 英 彫 謝 後 君 金 歲 十 老 會 驚 聲 獅

窟落花殘 子 別 墅 在

弔旗營婦 賦 癸 丑 十 城 陷 至 口 理 有 辜 難 婦 大 怒 街 賦 婦 由 婦 駐 日 我 豈 可 出 死 耶

國於 自賦 制手

英風颯爽木蘭姿坐下桃花匹馬馳我輩韋韜習弓矢 聖  
朝瓜戍重藩籬破巢那得容完卵比戶如何不助陣堪笑男  
兒類巾幗竟教巾幗作男兒

弔武昌烈女 死 烈 女 最 慘 於 難 北 欲 毒 爲 東 王 九 事 妹 洩

紙上空談博浪椎而今何技斬編熊殲渠借此一杯酒俠骨

賢於十萬師嶺外智高驚膽魄中聶姊愧費眉奇冤詎料

成鵠血喚起愁雲散雨絲

李金聲茂才 名 振 鏞 射 癸 丑 庠 生 昭 武 縣 家

襟懷如水氣如虹坐徹青氈控紫聽世胃綿延金瑣甲書生

跌宕鐵胎弓捐軀自矢前賢志磨硯何堪舊日同 事 王 善 余 同

師有叔不癡齊赴敵虞歌聲斷石城中 生 同 叔 戰 亦 上 元 庠

丁十七 朱集

四

金 謝 書 蔣 氏 校 印

曹夏生妹丈 月 名 裕 祖 實 上 書 先 生 癸 丑 死 二

刺史家風子弟承克繩清況玉壺冰陳思逸韻黃初杏萋叔

孤忠碧血凝 喉 氣 絕 傲 骨 那 能 容 濁 浪 成 仁 應 不 負 書 燈

獨留片石旌君義淒絕臺城月半棧 大 君 石 經 未 胸 而 自 已

方烈女 先 女 名 鳳 妻 汪 上 氏 投 水 死 女 生 方 先 時 云 甲 幼 女 癸 丑 金 流 離 萬 陷

苦然心一生一死遂兩不劫 負 死 君 敢 親 與 其 因 難 母 難 陳 朱 仁 事 同 全 時 身 殉 女 子 貞

不受斛塵侵冰壺一片心清風自終古明月證前因王蠟家

拚毀曹娥志竟貞遺芬詩句在泉路殉雙親

懷飲阜兄 兩 弟 豐 俱 從 伍 余 兄 在 祖 母 利 涉 橋 全 家 避 城 居 破 城 音 北 信 桂 香 然 桂 兄 植

三尺提來浙水東 一 刀 回 浙 帶 誓 屠 蛟 鱷 染 腥 紅 光 生 掌 上 風

雲變電掣腰間顧盼雄此刀自衛忽訝傾危推舊雉教

音信杏飛鴻癡心最是鶴原伴猶望中州一介通出傳至河

小依同鄉金

豈是鄰人不余告如何消息欠分明

模翻判死生已有人傳可許吹簫同伍相得如竇褚學荀營

聲聲怕聽能言鳥喚碎哥哥不得行哥有行不得也

猶憶鬢齡上學時案瓶斜插菊花枝書長分果香同嚼夜靜

挑燈味共知細檢書囊尋蠹蝕閒評棋罨畫烏絲去年城破

一為別何日重占說面期

悼桂福弟

鹿岡堂構曉煙迷大房由鹿岡公四世孫露鶴亭荒廢野谿

丁十七 朱集

二房無鶴後立弟東倉巷漫道緹城同燭武弟於癸丑欲出重

其如危綫繫姜齊白頭淒絕縱衣母弟母死伯母陸黃鶴悲

深舉案妻弟妻解谷幸留雛鳳在伶俜弟情誰攜

公衛有一並為孫之聘妻其弟亦為陸太孀今已成立伯母陸太

孀人撫之並為孫之聘妻其弟亦為陸太孀今已成立伯母陸太

孀人撫之並為孫之聘妻其弟亦為陸太孀今已成立伯母陸太

悼亡

室人熊氏名嘉穎字芳持潛山熊藕孫先生長女也年十

一外姑吳孺人棄世居喪中禮嗣事外姑金孺人最得歡

心道光乙巳冬歸余侍養重闈動如儀則成豐癸丑春粵

匪陷九江金陵震動室人曰金陵之險在江不在城今九

江潰敗東西梁山無重兵扼守城危矣何恃不恐余曰然

則居鄉孰與居城安曰居鄉安賊來攻城窮鄉僻壤不暇

顧也況舅在北吳雲燕樹際隔三千一旦音信斷絕可奈

何盡圖之余聞之矍然維時室人母家伯叔有遷至南郊

者先大母卓太恭人余母李恭人因命室人曰爾且隨

伯叔出城家中去留須緩計室人曰不可婦曰夫為家患

難而背姑婢忍乎哉謀未定城閉二月初十日城陷因自

縊女僕救之而甦一日粵匪闖門而進余母恐先大母

受驚叱賊曰出賊怒拔刀出鞘室人奮然曰身蔽余母賊

遂去又因外舅藕孫先生被害勸余速行泊五月十九日

生一女體更羸諱不言余母察之遍覓醫藥不得延至六

丁十七 朱集

月七日酉時殞命年僅二十有八耳余於是月底出城室

人生三女傳芷傳華均殤長女蘭芬今九齡矣余與伉儷

九年未嘗反目箴勸奮用勸余讀書燈月下習帖作畫不

目示人和睦諸奴克戒食噴幼曾侍太岳松樵先生於江

右所過鄱陽風景嘗為余道之嗚呼黑甜夢繞形管型留

謹效義山錦瑟之吟稍紆微之奠齋之恫成詩六篇咸豐

乙卯長至日補序

鸞熊宗胄不須誇但說聞中好歲華座少俗塵清似水室無

交諍靜宜家燈前繡譜垂纖指月下評詩續瑟牙回首已成

燕鹿夢夜寒冰雪葬梅花空對爭梅不花詩云然笑他桃李

若聽當時曲突謀餓生那得火焦頭而今家已悲秦燼憶昔

君曾抱杞憂恨事緣何同暮燕別情無柰悵牽牛傷心自是  
臺城柳一帶煙痕翠鎖愁

建業園林未就燕只言白首共榮枯那知笳鼓聲俱響頓令  
鬚髮貌已癯虛婦衛姑心似鐵曹娥思父淚成珠綠何青鳥

催歸去淒絕籐牀臥泣呱

瞥見儀容入夢中無言驚醒漏丁東披衣坐起霜華白剪燭

光搖燧淚紅埋骨暗傷苔髮兩論詩空憶藕頤風君之曾生

君有類類之類惱人阿女嬌愁甚幾忘慈烏鞠育功

鹿車同挽憶經年往事蒼涼遠斷緣原識智愚歸物化卻憐

貞靜是君賢班紉空憶抱明月君畫已去矣姑石從難補

恨天卅載光陰太匆促駐顏辜負地行仙君祖九十三矣人

丁十一

七

金陵書  
蔣氏校印

誓結他生未了因銅鐘聲裏又酸辛君有詩云聽得難通聲

欸風驚戶頓失輝華月近人識語生憎花命薄君落花同云

歲時頻訝鳥音新鄭家貞懿差堪擬愧我才非施伯仁

哭傅芷女

爾命生不辰爾貌白如粲桃花醜面寒珍重掌中玩咳名願

長齡充耳穿珠貫昨歲仲春時烽煙驚暮且置諸阿母懷沈

腰瘦過半畏寒衣服多保護帶輕汗顏爾常伴母那知失母

歎祖母閱育斯朝暮出膝昨衣食慎調和滿擬增壽算待我

出園期見我聲聲喚一喚心悲酸骨肉雲分散乳燕嬌欲噉

萍藻天風換非我達觀難願復恩情斷瞬屆今春回聞信心

驚惋爾暫嬉遊耳毋乃我心亂

出城寓靜夫姪谷里村鄉居

實楮商人畫計成紆循阡陌記分明別疑泉石饒餘景悔不

煙霞早訂盟秋冷得飛梁上燕山深穩住谷中鶯仲容本是

吾家駿忍使窮途有步兵

自責

一錯焉能鑄九州曾忘桑土預綢繆秋蟬竟未防螳雀呼我

何堪作馬牛世事透來難舉足交情濃處暫回頭人心那得

明如鏡皓月當空射遠眸

憶家

月色橫窗樹影交空梁無燕落泥巢烏私欲報常懷李雞饌

重陳擬學茅訴盡愁腸非酒醉驚醒癡夢是鐘敲君平妙術

一十七

八

金陵書  
蔣氏校印

今何在且數青蚨去問爻

嘉興客中得家嚴書

羅雀階除隻影單忍驚雁影落離關一年音斷淮流綠時在

上淮千里書回橋實丹且向來人問情狀乍開封面識平安篇

中寫得思親切怎禁桐孫淚暗彈

嘉興客中有病

蟲聲唧唧豆花涼燈影將殘隱曲廊碧落月來愁見月黑甜

鄉裏暫還鄉倦依紙帳憎更漏寒戀重衾怯早霜梢袖火紅

支窻角阿兄辛苦滌茶鐺時同

旅店

何日重完骨肉情世人笑我太癡生縱多焦飯難貽母纔有

茱萸便憶兄客裏襟懷雲臥懶夜中心事月來明須臾睡熟  
聽歌凱驚醒譙樓報二更

雨後有懷

竹畔溪橋認蓼汀春光紅暈漲池萍山如米畫雲猶漬路有  
牛蹏水易停柳色淡依松影重菜花黃襯麥苗青呼名山鳥  
音難辨急難原頭問鶴鴿仍時未過弟

喜蘭芬女出城

燈花昨夜卜長檠今日珠還計竟行鱗涸縱歸衣帶水燕輕  
飛過石頭城舊容不改嶺桃面慙態猶餘捉絮情到底天真  
流漫爛牽衣不住喚聲聲目女從西水關榮船出城後朱門  
金迪人烟丈處余自迎

丁十七

朱集

九

金陵遺書  
一 蔣氏校印

弔陳蘭初妹丈名兆藩子元陳叔良

束裝滿擬問苔岑可出重圍惠我音聞信躊躇疑誤聽細詢  
頭末始灰心崔駟傷世運何塞王粲登樓病易侵好待紅旗  
收建業澆君墳土一杯斟君墓在祠左

哀張志義

志義本東城無賴子遇事有肝膽了頭其綽號也張繼庚  
上舍密約內應聞了頭名商之諸同人有劉隆舒者素業  
金珠與了頭同閉居雖然謂繼庚曰我試為君約某隨邀  
吾弟丹臣呂長興同詣了頭家袖短刀兩柄授之聳了頭  
能殺賊當顯功了頭勃然曰我何人諸君枉顧如是是器  
我甚請殺賊洩憤富貴非我望也屆期隆舒告丹臣弟邀

了頭舉事了頭命姪守家云我與朱某作葉子戲遲則宿  
他處言畢出夜半登城見粵賊手提紅燈騰身斬之擲首  
溝渠四顧無影星光耀空外援寂然但聞城上更鼓聲欲  
斬關出同伴只數十人棚堅難越相率下城血淋漓履履  
上灰墨塗之明早賊見無首者七不知有內應事疑湖廣  
人尋讎相殺忽獸醫沈雙林洩其事以告賊目並持鎖拘  
了頭去窮究與謀拷掠備至了頭大誓不屈不洩一人雙  
林復訪有隆舒長興並丹臣三弟同拘至了頭云此三人  
素不識我獨與沈雙林謀雙林知事已洩故先告我雙林  
聞了頭言倉卒夜逸出城外隆舒長興受刑遂招丹臣三  
弟堅不認越日株連至百餘人悉逮出三山門外挖腹剖

丁十七

朱集

十

金陵遺書  
一 蔣氏校印

心哭聲震野了頭目光炯炯罵不絕口隆舒長興同遭屠  
害僅三弟幸免實賴了頭之不洩一言也雙林出城至西  
善橋隆舒之弟豫堂蕭保安周葆瀆並陳某擒之詣太守  
趙公靜山命眾人合刺雙林陳某執雙林髮叱之跪雙林  
猶悍悍舉目四望豫堂取矛戮其背陳某目刀示雙林光  
白如練叱雙林我取汝心日報張某聲色俱厲心膽隨刃  
而出觀者如堵咸樹割目稱快云

有刀不斫強奴頭有生空作市井游身雖市井心魏闕賣漿  
屠博真吾儕黑夜殺人一葉過簾弄賊子如虺虺頭顱已斷  
夢未醒強魂僵臥流水流獨惜此行人太少瞻視星彩隱譙  
樓博浪謀阻且再舉密算不許春風偷何物獸醫嚼舌底生

居同閑操戈矛雙林與居肅政到死言不洩南八睥視森雙  
眸至今橋下鳴咽水三山門外風颼颼

家母率眷屬出城

乍逢萬死回生日出郭忙尋薄笨車隨地賃居惟散廢樂天  
團坐慰全家不因身世驚江燧那識 皇恩被海涯野老負  
喧難報國四郊蠲稅足桑麻

遊石虎林在兩村

昔有班定遠奇質山靈毓燕頰並虎頭萬里飛食肉浩氣感  
樞星石隕依平麓爛斑苔作紋踣踞地貼腹橫臥青山陂渴  
飲白練瀑養威獨不動不動神威肅何止豹深潛居然龍睡  
熟恍若大勇者無能若粥粥我與二三子到此聊寓目戲將

丁十七 朱集

十一

一金陵畫書 一唐氏校印

金鈴繫滿身花氣撲履尾不反噬肆毒異蛇腹忽見山僧迎  
綠葉手一掬云是天闕茶牛首山有咀嚼生餘馥梯影探雨  
前於此參盧陸命彼烹七盃消受此清福兩腋生微涼思泉  
湧百斛滌筆碧甌中佳景寫煙竹坐久聞嘯聲四圍松謾謾  
偶成

名士風流處士規干時還謝五羊皮王無功酒非愆德郭有  
道碑鮮愧辭棋不論贏消夏畫花何妨淡愛霜枝春來春去  
供吟咏深柳堂中日月馳

曹孟德

中原袁呂鬪紛紛頓使奸雄盜萬軍鼓吏不教舒鷲翼仙家  
竟爾入羊羣最憐身世傷兒女可笑當前失使君惆悵鄴中

歌舞地雀臺沙土入黃雲

其二

九錫駟矜騰氣竊妄希靈識記當塗青衿方咏解憂句赤壁  
旋驚塞戰呼怖見獬兒森碧眼休誇虎子持黃鬚陳思讓國  
工謀醉清白猶留七尺軀君文中子謂陳思王曰至極此意最

家石臣兄凡名桂榮博覽君必書不謀往游

憶余總角嬉遊日君已逍遙曳杖行不問主人貪看竹慣教  
童稚共披荆亦謂家有事能強識通今古交到忘年是弟兄回  
首西窗坐燈下津津譜牒說分明

家潤亭姪公名壬勤佐理家莊格

丁十七 朱集

十二

一金陵畫書 一唐氏校印

親承謝傅舊箕裘履履還須子弟籌石氏禮儀循對案范家  
忠厚解推舟且欣頭角誇兒輩謂子和 恥折腰支向督  
郵解用不例合而回工主悲鵬賦成才未竟功名同逐水東流

送仲妹守貞陳門叔妹良陳訪長子

誓將溝瀆一身捐神鬼通靈默轉旋絕一陷後仲妹初投水未  
見岸及上有香無人走人世且將依正命死生今信總由天形  
思毀棄甘塗炭志竟堅貞撤珥鈿紙目更消慈母疾慈心遠

過阿兄賢母之有眼

何事鳴鸞百兩車祇憑縞素洗鉛華果然家禮嫻朱子那愧  
門庭號白沙鏡冷無心窺月影歲寒有味嚼冰花我憐幼日  
萊衣伴分手臨歧各一涯

張渚 蘇州刺史 時避此

兩岸垂楊拂綠渠幾灣曲折路紆徐水風香古魚來聽溪月  
留真樓端合高人築草廬

張渚返棹

舟從山口出水向岸邊趨遶關天依樹蕭條風臥蘆橋低蓬  
放矮路曲繚行紆安得徐熙手秋容繪畫圖

其二

鷺飛如雪點人帶夕陽鈕岸舍牆多礙鄰舟網有魚水邊紅  
繪菱霜後綠肥蔬晚泊依何處炊煙月上初

晚行長岡嶺 地近張渚

丁十七

朱集

十三

金陵書畫  
蘇氏校印

初更月上十里嶺中行樹矮如人立溝深誤草平塞蛩悲  
獨語村犬遠多聲莫道四圍黑中央石路明

哭元姪

三弟 危丹 城臣 子

族弱遭離亂我懷在弱齡雁行欣有弟吾弟喜生丁縣葛雨  
滋蔓佳蘭風送馨奈何環又墮雙袖淚痕零

舟到金壇

眠檣駛斷橋一竿篙在手俯視蔚藍天月在水中走

兩

傍晚眾星收青霄蘸墨汁夜臥不聞聲平明蓬背溼

晴

行止一扁舟恍坐瓜牛室半夜綠蘆風吹出銅鉦日

問雨

簷溜聲忽斷傍晚雨暫停展響從外來錯訝雨和鈴借問  
然者吹笛可有靈答言暮雨止四望天無星

舟中見月

日夕水光紅日入水光碧水碧天宇淨輝出月如鏡澗含山  
黛青倒映闌干赤月動水亦流絲絲澗素魄炊痕淡近村歸

鴉投遠澤好搗金尊酒旋斫銀絲鱸漁笛忽數聲水天一片

白

中秋游顧龍山 山在金陵

山小塔形臺廟空碧韻長捫碑斑藓綠初野花香佛像圖  
荒壁僧經曬石牀歸來重理樓帆轉背斜陽

丁十七

朱集

十四

金陵書畫  
蘇氏校印

仍疊前韻

寺古頽垣綠林深曲徑長雲容侵暮影花味入茶香此地憑  
飛閣前朝賸寶牀那那參幻境杯玻卜陰陽 寺中藏有明太祖

案上有

三疊前韻

戒衣僧衲老實相佛眉長基廢松杉古籃攜芋栗香燕泥淋  
敗鼓鼠跡上繩牀欲問臨流趣樓遲擬汶陽

虞園玩月與靜夫聯句 園在金陵

披襟心跡頓雙清 信步虞園結伴行松蓋影重遮月魄 前韻  
豆棚花木罩蟲聲水浸荒甃迷苔路 露滴空階和漏更惆

悵允文舊風度給巾端不愧書生 夫

和靜夫韻

熊膽應嘗課讀丸驚心駒隙敢求安文如有價金差換食縱  
無魚缺不彈松蓋飽霜猶勃鬱桐材經變識焦殘請纓卓犖  
懷宗怒萬里乘風快破瀾

金壇偶成

結伴羊裘共下帷相觀晨夕訂心知酒宜薄醉斟杯淺棋怕  
乘虛落子遲伴我工夫惟汗簡耐人親近是芳芝閒來鑿字  
尋秋草夕照簷前讀舊碑金壇文廟均是聖像徽國文  
公像顏色與悅神采如生

勵志

百年駒隙忽如流運甓辛勤敢自休坐對古人仁傑志感懷  
天下范公憂誓除榛棘思留蕙欲化鋒鋦盡買牛須識盤根

丁十七

朱集

十五

金壇書會  
蔣氏校印

成大器莫攜書劍漫遨遊

弔德參戎

咸豐甲寅余過溧陽邑人頌公之功云賊撲東壩公知賊  
眾兵寡東壩難守恐賊擄船下竄嚴逐船戶不準停泊賊  
來公力戰死之賊無船不得東犯光緒辛巳高瀆同年夏  
文源云德參戎諱齡滿洲武進士花翎參將統帶福建桐  
山營駐紮東壩南岸營中供設祖父母牌位朝夕上食東  
壩人見者共稱其孝咸豐四年七月二十四日戰歿余詩  
作於是年冬僅就保守溧陽一事言之

猿鶴血碧濺沙場泰山鴻毛判低昂自古專閫裏馬革屏藩  
墮落愚黔殃敵至有誓不知備空拳一死責難償君不見將

軍雖死民無恙屹屹保守東南疆去年粵賊來江泝銀杏壩

頭將軍塔鳩茲賊船敢飛渡賊畏公兮如畏虎紅旗黑旛寂

無聲江清月白嚴刁鼓殘冬賊豕突至將軍斬之血漂杵

黃巾馬倒紅巾散餘匪奔竄鐵及股將軍若提數萬師賈余

之勇乘驅無此行必有大捷獲公而首碎羽書馳奈何兵數

不滿千委目重任摧鋒堅星羅碁布數百人一目當百先著

鞭賊知兵寡妖氛張聲東擊西揭旗槍今夏蛙尊翻水窟狼

煙迭警轟雷礮公呼蒼兕誅鯨鯢鯨鯢血染蛟龍鄉跳梁潛

伏約牙爪聚羣不逞又披猖蜂蟻蔽天黑雲起陰風慘淡無

火光公知援斷矢力竭驅盡旌旌入溧陽舴舻希與賊句連

抗命不發屯壩邊公赫斯怒令如山令不退者火其船諸葛

丁十七

朱集

十六

金壇書會  
蔣氏校印

法重民受福孟明焚舟保障全須臾星殞聲震天賊乘虛兮

轉戰前蘇杭目下不可保哭聲震地民倒懸賊人過壩二十

里蒼茫萬頃惟流水臨淵欲渡喚奈何箕尾作作照銀河英

風髣髴賊股戰抱頭鼠竄棄干戈吁嗟乎巴陵夏口早如此

江漢帶礮資長城一死萬古泰山重東南民仰將軍名

舟中

吳越溪流畫鷁通相看黃葉襯丹楓茶因久坐清香散詩到

無心繪句工雲影淡開天宇碧夕陽鮮簇浪花紅揮毫悟得

縱橫趣鴉點模湖曳遠空

臨平園杭州城外

浪齒船唇響風微不覺喧柏紅明柳岸蔬綠藝桑園鴉點迷

天外魚萍界月痕依橋村市近籬豆傍頽垣

彭越

斷糧覆楚册勳臣殖醢偏酬百戰身垓下風雲空際會榮陽  
雷雨亦酸辛斬蛇辣手收梁地縛虎雄心仗婦人太息樂公  
猶社食彭王誰爲薦池蘋

陳平

美如冠玉漢公卿仗有陰謀博盛名將相交驢憑陸賈機宜  
能贊亞文成誘韓漫詔烹危知王呂全淪敵馬盟更笑食糠  
遭嫂謔幾同轅釜歎殘羹

論詩

樹幟騷壇各一家心兵奇正粲生花眉山漫笑孟東野韓信

丁十七

朱集

十七

金陵叢書  
蔣氏校印

猶師李左車

咏史

古今富貴等雲浮憑眺江山觸遠愁覆轍後先誰一例須知

漢魏兩陳留

陳平

高皇黷武度陰山曲逆空隨扈從班儵倖脫圍憑木偶何如

婁敬勸師還

梁冀

將軍跋扈授人戈擅立功成陷網羅假手盡吾誅首惡不知

何苦廢清河

漢高

莫將大語誑重瞳刀俎須臾是太公儵倖杯羹兒戲甚周苛  
曾入鼎湯中

憶金陵舊宅

赤闌橋畔舊柴關掩映秦淮水一灣堪恨祖龍深鑿浦不教

灰燼賸人間

家藏書入卷

憶飲阜兄

深黃節候到霜柑秋雁音沈杳碧潭猶記小園拾桑葚細分

紅黑付筠籃

兄在嘉興時

有感

化工曾說本無工賦質偏全偶不同使君有時皆眇覽家公  
何事不癡聾許丞已病誰能用師曠雖盲弗礙聰到底良材

丁十七

朱集

十八

金陵叢書  
蔣氏校印

難棄置囊中收取半焦桐

讀柳子厚封建論

陸子著鴻文封建三致意百足蟲不僵觀破商周治柳子聘  
辨雄郡邑創新議封建豈不善立言何太異論各因其時毋  
爲覆轍棄我思孫伯符奪鎧飛輕騎電掃江淮關風逐交益  
地宗族多俊良恍若身使臂禦敵孫桓賢撫眾紫髯寄傳國  
未百年厥有烏程嗣降幡出石頭擁導龍驤吹豈無同宗者  
冀展蛟龍志在外無屏藩中葉傷顛隳士衡慨滄桑和墨數  
行淚唐末節度強詎與孫吳類元濟等編羅泚滔矜猛繁笏  
碎勞司農詔下疲陸贄子厚目炬如流覽傷世事尾大掉回  
難末大折本易書成懸千金誰敢易一字後代雕蟲者豈識



文中義窠白亂翻新箴弄如兒戲古人不我欺論事多卓識  
披文長太息高誦破餘睡

登韜光寺

但見竹千竿不知路幾盤彩虹繪碧落綠笈束飛湍僧向蘿  
徑下人從蘚磴攀振衣躡足上終不見禪關盤古偶焉融我  
豈倦而還磬聲透林際蒼翠勢蜿蜒老衲忽迎笑童稚導我  
前撥開白雲霧一寺置峰巔棟宇圖書傲巖砌苔篆鏤虎臂  
怪石臥螭口水珠濺絕頂復遊覽一線繫雲邊云是龕緒湖  
中有偃佺仙登高四周望見遠理誠然君子貴上達於此悟  
曠筌太山小天下滄海難言傳問誰路先得勤著祖生鞭  
天登

丁十七

朱集

十九

金陵書畫  
蔣氏校印

道光己酉家君幸嘉興夏雨積潦禾苗不登仲秋離城三  
十里王店鎮內蠶生桑頂鄉人賴焉歸功邑侯家君曰嘻  
此非予之功乃醜妨翁之遺澤也翁經緯萬端龍核織錦  
文明之象蠶其兆乎因重修曝書亭故址栽花蒔竹煥然  
一新鄉人感翁之德愈感天之報翁竝及鄉人也因名之  
為天蠶云

經生不作蠶稅詞文章製就布帛耳曝書遺址竹垞居垞南  
垞北陌如綺仲夏溼雲舞商羊韡紋紛錯桑田水天鑿先生  
經緯心蛹母蛾父供驅使食葉蠶聲筆有工先生蛻化妙如  
此新祠小築亭翼然桑陰濃護先生里

遊杭州天竺山

通讀荒碑識古墳秀餐山色趁朝暉矮茶貼地不成樹修竹  
浮空漾似雲石路泉聲穿嶺出梵宮鐘韻隔林聞往來十里  
吟纒就慙愧東阿七步文填出黃泥猶有宋明通商舍人陳人朱

少因填苦謀路有倪節矣婦填知之婦遂王氏後倪從河昌上得屍姑面

朱如生女墳真密女字河鄭清映三日

題聖芳錄長江南高氏次川子名德升投聖易中殉難二丑率長子德

風塵老矣倦征途品粹名高艱願廚交友不嫌同鮑叔毀家

遮莫效於菟保助金辨蒼黃何意逢時厄頌白難甘涉世汗漢

絕孝侯臺畔月憤分清影到城隅隔川近周孝侯讀書臺

伯也英姿咏執及奈將隻手靖芟蒲賊多詭計心如城士有

孤忠首正狐巾幘一時同勵節瑤瑜雙秀戀攜維墨胎長子

丁十七

朱集

二十

金陵書畫  
蔣氏校印

曾嘗厥自可冰魂濯玉壺燻燻二畫謝女節

履堂風度軼羣儂我曾同白下游鍾阜寺樓頻張首長干

烽火忽盈眸春光二月陰雲黯家乘千年姓字留案上有金

收父骨景純仙去卜眠牛金五升名履堂案上置白

煌煌綸綉降從天持贈官階慰九泉可追贈事街武惠雲仍堪

璧合太曹夫子東顧支裔稱珠聯聯生須知青史芳聲永總

仗黃花晚節堅季子更能延舊緒應教名閥繼先賢三子集

名同人所作詩章

悼亡余繼是余繼氏上元縣州史目余物助老行中裝之時女也先丙君辰

次氏州境女苦蘭芬苦年室幼人同知悲飲備宣法濯來之關投芬口樂不依勞下元

若芬所哭之痛已甚六月初七日

一函新訊竹平安豈料呻吟已廢餐數果厄蛇成讖易病如  
抽繭覓醫難懸知夜月廉櫺冷况乃秋風席帽寒差幸黑甜  
鄉路近夢時驚醒月依闌

其二 余庚申由  
京回浙作

了無聊賴著歸鞭乍脫征衣更惘然千里只留書篋在孤樓  
仍憶鏡臺懸苔荒舊宅迷智井樹繞空階鎖暮煙景物那堪  
湖上見一坏新綠草絲芊

癸酉正月由河間回京雜作 時在順天

已耐多旬坐棘闈雞聲催促又征衣今朝飽識程途景昨日  
羸教絮雪霏帶露松林慳日曬驚塵鴉鳥截車飛那知我亦  
忘機者任爾尋巢自在歸

丁十七 朱集

二十一

金陵書會  
附氏校印

也知春曉透風寒強道掀簾眼界寬坐擁氍毹多飲壞默搜  
書史半叢殘粘天料有青雲襯騰雪饒教白玉攢自笑生平  
詩思鈍已投村店句初完

頑健緣何得自由我心豈是淡無求窮通漫計他年事動苦  
惟圖本分謀熊掌那如魚膾美芝苗何似蓼花稠平生愧遜  
煙波叟奇冷還能上釣舟

敢憚程途雪意紛况教開舞散同雲車爭闢道鞭交影路近  
荒郊樹鎖紋此地田原開易潦上流溝洫可曾分牛溲馬渤  
猶堪惜試看農夫荷鋤勤

學幕試大名日和王子容韻 子容名裕  
合山縣人

吾生惟自適憂患莫能加曙曉動推枕更深偶喚茶院中松

影靜巖外市聲諱忽想斑衣樂秦淮問水涯 事中人合山

蘇州王亦曾撰亦附

余癸酉冬回里甲戌歲手鈔 先君所著書

書爲手鈔期漸熟事緣目見始知難長安久滯今番悔差幸

青氈尙耐寒

病愈補鈔 先君手著各書 戊寅十二月十三

先人手澤強留餘病裏愁生萬斛如已分修文歸地下那知

身健尙儲書

囚糧

元馮福京大德昌國州圖志云往宋嘉定己卯縣令于縣  
治之西取在官之田歲可入粟十斛又取富都中莊洋官

丁十七 朱集

二十一

金陵書會  
附氏校印

六七畝歲可入粟二十三斛更爲掌之目濟在囚無親族  
之供贖者亦良法也今歸之有司桂模按族伯祖安齊公  
於乾隆時權直隸臬篆捐廉製辦獄囚冬衣並疾病醫藥  
之費徽州縣各出己力集成巨款存典生息至今循行勿  
替善政類此

柏臺遺愛溯先人岸獄生春挾纘勻太息馮公書善政藁簡

情狀繪圖陳

沙魚皮

元馮福京大德昌國州圖志云歲納九十四張本州實無  
所產至元十八年海都船戶目其力之高下請於官願輸  
其數目免差發乃在他處買納遂目爲例厥後差發仍存

而皮猶納焉

縱談瀛島憤搜奇蜃市紛羅納貨宜一例壇州生杜若

命 題甘建侯同年江上春歸圖 同治乙丑建侯同年奉母回國

舊日風波憶憤經井蛙聒耳涉新亭可憐十二年間事不及

寒鷗一夢醒

征衣憔悴帝京遊青眼欣逢大阮收 君與子凡甲子赴京名

西源為癸 秋雨桂花空落子鄉心一例話歸舟

樓船鉦鼓復江城鎖院烹茶再結盟笑擲毛錐鋒不銳讓

名將慶功成 甲子冬同報

一幅圖成意孰傳驚看珠玉積當前笑余詩債逡巡避疑是

才如水上船

問經曾共向河汾 善與余俱從王磨硯年年散墨芬結習未

忘投卷調知心同遇鮑參軍 余丁卯鮑參軍師督學江南

羨君入選觀龍顏得意蹶聲返故關我愧燕雲徒滯迹黑甜

鄉裏到家鄉 用君朝考余留滯京中

警眼光陰已六年尊鱸鄉味落懷邊到家猶展書三篋津遠

樓中續訂緣 余自丙辰赴京癸酉始

兩家舊例束修羊卷軸傳觀逐日忙一笑古人真不死劫餘

名姓倍馨香 先大夫著與余又許微君兄石庵文獻生會

暫別心慙鄙客生入門欣有暗香迎占魁結子渾閑事知是

君家兆已成

豔說高堂教養兼熊丸飽味偏甜披圖一笑江流處東海

仙籙滿座添 太夫人苦節

擬白樂天孟夏思渭村舊居寄舍弟

麥隴雉鷲雉樹外鶯聲時序忽然遷渭水添鄉夢鄉夢落

枕邊千里清風透醒眼拭臙關心入吟誦憶昔屋兩頭墪

篔和伯仲夜雨蕉窗鳴午餉蔬盤供翻泥藕共栽荷鋪秋曾

種繞戶木向榮更喜青無縫底事轉微官養鶴資餘俸笏拄

但看山花迷難問洞溢城地早溼案牘多倥傯田園忽不歸

舊宅塵生棟旅況月中尋詩句毫端弄池草咏曾諸境遠思

羣從童稚漸長成或可為雛鳳誦讀無懈功益智當貽稷何

日返柴關慰此賞心眾暮鳥倦知還晴雁飛能共竹下引薰

風同醉香醪

唐貞女 湖南唐子明女也字上

我聞湘水深山岑浸寒綠瑤瑟汛中宵幽籟生秋竹仙子翳

何人淵源本希魯欽哉嬪于虞陶唐教嚴肅蒼梧忽不歸供

作鵲聲哭支裔伏詩書女誠嫻家塾冰人結絲蘿湯氏誇名

族待嫁尙有年動止俱雍穆湯郎復聰慧奮志青燈讀如何

玉樓召駒影催匆促兩鬢實我儀聲咽淚盈掬父母諒我心

茶蘗甘幽獨戚黨有芳蹤黎女志同篤成禮謝鉛華心似玉

帝玉祖德誦清芬碧血傷莫叔臣忠配亦賢節孝成風俗華

宗彤史耀貞女迤相續明月照青溪淨洗臨流目

秣陵織業行

江南貢篚達帝鄉千絲萬縷工尤良經緯組織成文章堅緻  
可亞錦七襄遠人狡獪逐利場慣目竄物附海航敗絮其中  
金玉相滅裂不待秋風涼彼特機器製衣裳人功情棄俗堪  
傷鍼線跡斷空傍徨薄絹祇足餬頽牆我皇袞冕坐朝堂  
澤及江南江水長蒼黎待哺重農桑梭聲軋軋鳴朝霜

弔同里陳懋九名懋中營把總父名元母名余氏均投水同里劉長清為之傳其

憶昔咸豐歲癸丑機槍耀芒天狗吼朱雀航頭軍如潮狂瀾

誰障憑隻手陳公一怒目背裂挾矛蕩寇戰良久彼眾我寡

且奈何捐軀殉足酬高厚翁媪取義更從容止水澄清甘濡

首匆匆管限十二年大將卓旗掃羣醜死能為厲報國家九

丁十七 朱集 二五五 金陵叢書 附氏校印

原有知開笑口吁嗟乎忠愍昔日殉松江道光壬寅松江陳公化城殉難

兩陳公名相先後天道昭昭眷盡臣妖書定遣六丁取請看

京觀築鯨鯢鮫人蛋戶躋仁壽

拳毛騮

曾記驕名傳白鼻畫圖時又見拳毛也教足爾誇龍種未許

紫長問馬曹鈞屈乍盤春苑草蕪源思飲曲江濤生擒頡利

功成後按轡當酬萬里勞

獅子花

郭令當年展壯猷宸恩新賜九花蚪可同佛法安心座應訝

蠻方異物收入陣果能威百戰論功今已冠千秋彰彰帖帖

誰工繪詩聖還教妙語留

新筍

行廚風味占櫻先幾簇新班羨少年倏見崢嶸登七箸自來  
瀟灑卜林泉香綉訝脫頭番錦玉版初參半偈禪座內春光  
催早到連山香送燕來天

焦桐

豈與勞薪伍中郎賞識逢知音柯笛伴靈質嶧桐鍾煮鶴迴

餘劫棲風訊舊蹤尾燒誰得意仙鯉亦成龍

畫簡

愛食神仙字書殘苦費誰經術儕點鼠篆飾學蝸牛商頌詩

誰補秦皇火漫投蚘文能默識天許伏生留

殘畫

丁十七 朱集 二五六 金陵叢書 附氏校印

尺幅休嫌窄波濤萬里經開圖難辨路殘軸漫粘屏燕雪枯

留影礬山半露形何如飛壁去風雨助通靈

破硯

磨鐵生涯久休誇瓦當全龍賓呼作侶鸚眼望如穿直以錐

為筆疑同矢著磚石交情不改雲路自高蹇

敵鐘

利劍橫空刺鐘還得啞名寺樓忘報曉江驛罷傳更世遠觀

追盡波澄息吼鯨成虧誰覺悟太古自希聲

廢築

東鄰容鑿壁築廢略堪憑朽木穿同榻寒窗味近燈鐙支依

折足書讀礙橫肱吏部供吟咏光猶萬丈騰

10224 945 149

書何子青家傳名忠高上元縣人成豐己未舉人國大舉一

昔我寓京師閉戶吟唔讀有暇走尋君君亦輒在屋在屋意

云何詩禮趨庭熟時點仙露茶兼蔬屏風菊君時靜無言余

識君衷曲視聽先志意活潑天機觸萍散十數年蘭臭猶留

馥渴慕慰一朝瞥眼駒光速昔別君無餐今見餐飄腹如此

偉丈夫詎肯隨流俗親歿守遺經卑官聊縛束首盤分有餘

藉此酬姻族精舍教弟子義理動灌沃纖塵不受染心如冰

壺玉謠詠者何人逞螯爲虺蝮君志不克伸慷慨辭官粟無

何君死矣博得青衿哭發舍奉粟主公道須臾復穢葉任飄

零芟難何嚴肅宿澤董事葉開舉君上控君死卓哉觀

丁十七

朱集

二二七

金陵書

察使彭輝分榮辱善豈不可爲惡豈能邀福有子能讀書業

可青氈續九原如有知醇酒爲君祝惜哉戴安道泚筆寫高

躅今戴亦物化世事同轉燭村上元戴編江號雲裝明經爲中

傳今也亦物化君

登金陵諸山訪六朝遺跡

幕府山訪王導置幕處

昔年江左仗夷吾北固峰邊萬馬驅骨鯁覆杯留曲沼從容

揮塵作軍符高牙鎮俗威棧靜夾袋收才大業扶百八掾供

元帝用依然天闕羣皇圖

四望山訪溫嶠築壘處

誰爲東晉出羣才制勝能營卻敵臺陶侃自宜輸粟助李陽

應許策動來令森堅壘奸謀戢戢返乘輿國運回自恨孝忠

難並盡雲中燕村憶蘭陵

馬房山訪昭明太子讀書處

蠟鷓誰爲辨沈寃太子饒教器宇溫通德有門延客譽承華

簪筆尙君恩尋幽莫問荒臺址漱蕤仍探少海源江外選樓

曾共峙維揚花柳自迎暄

龍廣山訪雷次宗講學處

木鐸誰能振庶頑儒宗還許駐名山注書唐固曾千古勵行

劉嶽共一班龍廣煙雲都活潑雞窗風月自清閒染藍琢玉

傳高足塵俗全教避市寰

句曲山訪陶通明幽棲處

丁十七

朱集

二二八

金陵書

記曾句漏問丹砂肘後奇方歲月除種朮一山資服餌聽松

三徑當煙霞自從冠蓋情無戀但許笙吹靜不譁展上公應

驂鶴至茅峰疑有列仙家

鍾山訪周彥倫隱居處

栽松峴裏築茅茨泉石盟心獨自知沈約范雲非伴侶務光

消子證襟期蓼莢繞砌機都暢菘韭登盤味有滋腰綰縣符

仍吏隱北山底事用文移

棲霞山訪明僧紹建寺處

江乘名區秀獨鍾翠蘿尋迹最高峰千層石佛渾無語六代

幽人竟罕逢贈物當時惟竹伴榻碑終古認苔封荆公一例

興琳宇捨宅何能繼舊蹤

落星山訪陳霸先屯營處  
軍聲遙震石城潮築柵當年夜擊刁精騎早宜登北岸降人  
無計製南朝杜龕助臂動名就僧辨同心智略饒弩手三千  
真健者陣雲今尙護山椒

謁向張二公祠

黃巾十萬聲如潮愁雲慘淡朱雀橋蒼黎如遇毀室鴟予尾  
翹翹羽脩脩俄然繞郭軍鳴刁飛來天外霏嫖姚高牙大纛  
風飄飄鍾山紫氣霞建標水火爭避寬典邀拊循老壯暨垂  
髮重圍脫出生計饒衣食能謀妻孥招更聞四野免征徭山  
村樂業惠漁樵偉績方期建崇朝昆池大劫火未消武侯星  
隕寇兵驕將軍大樹葉萎凋吁嗟乎二公雖死功不祧靈旗

丁十七

朱集

二十九

金陵遺書  
一將氏校印

風颭入穹霄果陳丹荔漿奠椒民擊鼙鼓奏雲韶神來肝蠻  
風雨調惠我民兮膏我苗

寒漏

窗外渾忘北斗橫但憑銀箭報分明挈壺有令書隨展宿火  
消冰水自行蜨枕那容添夢寐魚更同此算餘贏不堪風雨  
懷人候挽得簷前滴溜聲

寒檠

短檠休道棄依牆須識昌黎詠事忙半夜雨聲聽蟀語一堂  
燈火賽螢囊也同僧院長明借仍記兒時有味儂詩句拈來  
願忽解笑他穿壁納餘光

寒甍

冰簟拋除細蕪痕書甍仍守舊家門蓬門容膝從今暖席帽  
離身待後論蘇武療飢曾暫咽獻之長物自能存有時敲句  
參僧偈贏得蒲團一例溫

寒硯

慳教晴日透窗中雪後徐添枴柑紅鸛眼活時波蕩漾鱗毫  
滯就氣和融傳薪自長文章價煮石俄成翰墨功更有漢書  
堪下酒泥爐新火正微烘

題烏龍潭十二景

龍蟠古里

直瀆穿來漫自矜鍾山依舊嶽雲興三秦圖繇巡行罷六代  
江山王氣增銜燭日光生朗耀栽松濤響助飛騰岷江亦與

丁十七

朱集

三十

金陵遺書  
一將氏校印

天衢接銀漢須臾尺木升

虎踞雄城

江東自有大王風兵火噓成赤壁功嘯谷威稜森境外負隅  
樓櫓阨山中新屯自結當關路飛將誰開射石弓諸葛有人  
堪佐治子瑜經略足稱雄

祠宇迎雲

雞籠山色翠當空十廟曾經祀典崇北極舊游今寂寞西郊  
新構勢穹隆漢唐名世馨香薦方召中興事業豐太息卓祠  
餘斷礎庵名螺髻溯清風

湖亭肥月

鰕肥曾爲桃花水今日湖中朗月迎珠似乍還光更大鏡同

新拭色逾明  
梔香雨後生  
陰滿梅瘦  
霜天弄影橫  
一笑沈腰  
何太減前身  
詩思可修盟

新隄柳色

水枯蘋藻墮  
芳泥深浚波  
寬可築隄步  
月有痕時荷  
鋪交春生暖  
漸生稜界分  
鷗國涵空映  
招到鶯聲儘  
日曬一艇瓜  
皮容繫得筆  
牀茶竈略堪  
攜

遠寺鐘聲

青鐙伴我坐  
中宵萬籟無  
聲味寂寥猜  
到霏霜侵老  
屋是誰得句  
自僧寮闌黎  
音韻詩心共  
梵夾生涯俗  
慮消可似姑  
蘇停泊夜寒  
山一杵動楓  
橋

西郭春游

丁十七

朱集

三十一

金陵叢書  
蔣氏校印

莫愁湖畔趁  
閒游進邈行  
來到石頭郭  
外江聲今漸  
遠城隈花塢  
近時稠好同  
沂水春風咏  
雅似蘭亭禊  
事修指點翠  
微山色在一  
亭煙景六朝  
留

北山雪霽

似將浮玉作  
山名北郭何  
人畫稿成設  
色多從松頂  
繪餘痕偏向  
鷗邊明蔬因  
壓後甜生節  
酒待溫時數  
進航寄語草  
堂高臥士可  
能披覽約同  
行

碧荷水榭

芳荃佳品自  
枚乘四壁誰  
誇位置能開  
榭最宜三伏  
共尋香應許  
一欄憑雨喧  
盤側珠光碎  
日映花鮮錦  
色蒸莫道炎  
歎無計道碧  
筍蕲飲待賓  
朋

黃葉村店

翠綠曾生夏  
雨時秋霜渲  
染更多姿碎  
金散處如花  
映瘦蝶依來  
入畫宜塢衰  
景供僧納賞  
村邊心與故  
人期丹楓漫  
爛仍相襯更  
有霞光作晚  
曦

陶谷尋梅

花中巢許似  
難尋拋卻塵  
寰入徑深幽  
谷儘容閒著  
步暗香何處  
遇知心無人  
月下重攜鋪  
有鶴階前或  
守林疏蕊不  
須多折取江  
南時寄一枝  
吟

群廬載酒

瀟灑春風杖  
履邊醅顏欣  
遇地行仙追  
隨共適山林  
樂沾漑頻開  
翰墨筵美祿  
觀頤堪養正  
濁醪隱語自  
宜賢釀時帶  
有

環滁味列品應呼六一泉

擬蘇東坡聚  
星堂雪用原  
韻

冬蕪萎敗窗  
前葉詩人曾  
畫漫天雪今  
朝雲色正模  
糊寒林凍合  
鳥飛絕須臾  
入幌朔風尖  
龍公試手松  
釵折衣邊夜  
坐峭生稜燈  
昏半熾光未  
滅筆端艱澀  
手縮葺墨藩  
不許龍蛇擊  
遙知壓重漁  
人蓑一竿冷  
入寒波纈枚  
生揣色成底  
事別裁禁體  
清霏屑明朝  
檜頂景長留  
那曾滴溜生  
忽瞥六一遺  
風在眼前聚  
星延賞從頭  
說舉杯邀客  
生醅顏深宵  
坐聽簷前鐵

題吳癡仙師小照

先師繼會江  
甯郡廩生  
曾從

松柏其貌錦  
繡其腸君今  
不作余淚浪  
浪胸無城府  
先曹生稱

吾師世出滄桑高風鼎峙姚偶王姚瑞亭人師諱天三  
稱君竹從山先君游目王善人之師三問元書賦光丙午子壽人陽郡相友  
元國籍也上

題司馬肖山獨立圖名法上元發背幾生殆學友治和粹交壬午目春誠  
二此圖命題八月十四日赴鄉試何如過余家

卓立筋骸固學禮垂良箴君稟過庭訓悠然抱冲襟通醫即  
通道靜定外不侵昔我疽發背時為莊鳥吟君當卓午來研  
究待夕陰棘手屢咨歎補泄意細斟非徒治我病攻錯實知  
音去矜兼釋躁履冰復臨深君為我藥石靜對心彌欽  
和洪琴西都轉入關原韻癸未作

南翔歌唱鷓鴣斑春意晴生紫塞關今日朶雲宣詔令昨宵  
樺燭夢刀環雙檣飄警來遼海一髮微茫指蒜山自笑周璆  
今借楊新吟同待燕飛還維模時節於都轉處寓

追咏甲戌年謁近華山先榮介三世祖與古香公齊名高祖景路  
上公官湖南武岡州有惡政山在板橋左不能築壘為之畏得然  
中下甲

二月南郊節候和椒漿麥飯自紛羅往還八十程途遠馬上  
看山分外多

讀汪梅村先生題黃節婦詩  
原詩無夫身死誰奉姑無子身死誰嗣夫無夫身死誰撫  
孤車輪腹內九回轉妾心自深海自淺羊燈無燄三更寒  
妾夫治命為其難姑喜含飴子入泮外人自歎妾自歎事

姑姑有喜笑聲教子子成庠序名夫身則死心如生妾身  
早死孰重輕模按夫死同殉此指境處不得已而言耳究  
之舅姑子女仰事俯育當目一身任之梅村先生此詩足  
維風化因揭斯旨目成截句

慷慨從容境孰難一篇寫盡淚沈淵養姑教子原庸行須念  
青氈最耐寒

直隸順德書所見甚疑自隨上見一人拜禮  
曾記垂髫入塾時衣冠遵守舊風規而今偶見村農狀猶自  
從容習禮儀

追憶直隸境中溝洫多廢  
早潦由來漫聽天豚蹏春社祝豐年絕潢斷港波俱塞爭道  
家藏百頃田北人遺權若有田賦水處旱不與至於水利地不不至於

追憶直隸學幕事  
賢樸文章意內含深扁鈴閣任徐探三條燭掩書滋味蔗境  
方知到尾甜北地方文章師質朴有前句半余到幕而後文宜細理校

追悼四弟仰虛  
一官飽繫最無聊藥裏經年境寂寥旅櫬扶回憑絡秀酸風

溼雨擁江湖其妻蘇氏自  
追悼三姪傳蘅  
我家長物是青氈凝望芹香魯泮寧豈料錦裘嘔句盡女貞



陰覆雪霜前試而沒姓名列王前茅未及院

追悼大妹曹氏而大曹氏於杭州三天竺墳主胡阿是

驚影傷心鏡破時支離瘦骨暗含悲膏肓二豎難驅遺結繭

何堪細斷絲

追悼三妹妹曹氏在隨京中

噩耗傳來晉水遙旅窗風雨送蕭蕭京華秋冷宵難寐起看

霜鴻過野橋

蜃樓

奇肱入貢詫飛車鮫錦當風翠色舒到底蜃樓歸滅沒何如

春社事擾鉏

追憶查耕麓先生至松江人病難治先生為之診治而愈

丁十七

三十五

金陵叢書  
蔣氏校印

萬種愁懷撥不開僧寮微雨溼蒼苔刀圭仙術殷勤贈驟見

先生曳杖來

追悼舊僕郭刁氏任和州人先大母太極人苦厥功不直信

忘家衛主鎖相依出險居然免禍機得僕問從何卦悟只緣

貞吉不脂韋

題方節婦殉難事元方節氏為余同案上

殺魄千秋仰當年兩賦詩至今搜舊笈痛悔削燕詞彤管清

芬補冰心鑑水知枝官悲我友握手竟無期通刊任所

不鈞

不鈞盤有魚不耕瓶有粟若非祖德貽朝夕焉果腹慈親卻

甘旨仍目勤苦劬似閒他方人飄泊無棲宿我家淮水濱營

築地數笏軒開面小松兩溼蕙秋菊爾硯雖薄收尙不歎勞

獨青箱先世留冬夜可資讀展卷日伊吾自許滌塵俗窺觚

燕名香獸向蒼穹祝明月簾外來翠漾平安竹

追憶唐茂午名茂午居蘇州茂午之入京茂午動

此友之友則平直諒也

我友有唐求直慙寫衷曲京華偶一見亟與尋書簾謂耕必

晨起否則匪瓶粟謂織必寢眠否則空杆袖駑馬瞳在後鞭

策飛行速秋花瘦不禁灌溉精神復今我硯田薄尙可供餽

粥思君為益友太息年華促化鶴不重來步月我行獨

書李幹臣事幹臣名桂有士君子風人會

兩兄忽不祿兩嫂丁為瘡為瘡心憔悴各撫膝前兒執葵粟

一十七

三十六

金陵叢書  
蔣氏校印

匪瓶製衣乏寸絲弱雛號飢寒誰為閱育斯君念兩兄誼竭

厥強支持諸子森成立戒日無惰媾仲姪為最良名在群治

業力不疲漸能謀口食生計饒銖銖青銅有三百長跪獻萱

韓君仍仗助勤始終無改移余與君同閉謂足訂心知問君

何能爾懿行良可師君言實不敏少未讀書詩兄德慙莫報

俯首若有思

其二

巢中燕微弱黃口聲悲悽隔戶誰為繆辛勤運丸泥雛飛能

謀食左右覆翼之間君何能爾君言拙無知生平不識字終

日廬市樓事兄恐有愧瓊屑了無奇鯁生在比鄰招集村塾

兒目見讖頰末掩卷增欷歔歌詩與兒聽兒亦歌吾詩

與陳氏二妹

吟唔終日拙謀身問字人來饋酒頻差幸君微能佐我手調

滌髓悅慈親

書卓節婦事

姑嫜慈母兩龍鍾郊外憑誰拄短筇一例扶持先後到始知

巾幗儘從容成友兄辛西雙妻程氏先難扶杖後卓扶杖出金陵人危城

追憶朱子期為名紹品頤汪深水舉先人著作嘉湖誌核內復行純其執事焉

淹留底事不南行自與何求訂素盟伯何善細柳營中容坐隱

那知賢相未聞名在洪琴西都軍轉門處子然期子於期李終傅未相嘗謂其人相近

蘭芬女因壻洪鍾入泮設祭祀先余見有感

丁十七

朱集

三十七

金陵叢書 蔣氏校印

禁煙時節雨如酥菘甲葵菹飯數盂可憶爾姑完節日山中

薇蕨亦全枯微其姑洪粒王氏在

尋祖母卓太恭人葬事成祖母卓太恭人所人稱甲寅年公於赤手危城

告桂在樓北非為剛克墳後王檢姓尋地難為越居姓數年地有另丁半王墳姓目來

多年桑土費網終劫火生塵大地愁今日芭謀空悵望一坏

澆土痛山邱

追憶往事

仙人縱有孫思邈方著千金費太貴失喜一朝扶杖起他山

求助咏周詩成寅道發於背友

弔鮑寅初太史名存晚

會稽門外水漪漣先隴松楸路渺然惆悵參軍今化鶴錫簫

聲斷禁煙前先君國之公墳浙江為寅初太史所贈太史平為水

追悼余氏室人

廢學曾經戒樂羊典釵催製赴京裝硯田今日收餘瀝惆悵

湖山路渺茫而室人斥辛葬臨杭具州三天應竺山墳試主胡未阿及回

漫興

官不驟遷知政好器無華飾歷年多有人贈語徐參後深夜

斜簾月漾波

春暉

春暉今日映衣斑可憶當年菽水艱萬念灰時生爨火是誰

一十七

朱集

三十八

金陵叢書 蔣氏校印

高誼重如山米詳是時家母為奉國館住如處山白蕭桂額三君皆飲新

髮禿目執每稿已散求今會補各一咏載詩句三焉律

髮禿顏蒼力不支書齋深夜曲肱宜推衾夢醒燈光爨可憶

風簷翦燭時朱前子數年玉生每候月杏樓十到三日雨陰雨生皆與泰伯不虞

祝端木女兄壽

洞酌蘋蕪手自治馨香仍是舊風規最女度兄家不記祖文孫今日

之無識共道鄉賢世澤貽祖無不精木深大易申亦殉承志姊有孫茹七苦齡記

木女心兄實入配鄉賢先世子嗣

書廣西某令卻薦事境當辭之目會聞曉清堂欲薦所云君惜日賦久未忘入

姓名

芑蒲無警樂年豐薦牘休言卻敵功名字依稀循吏在漢廷  
治行重吳公

弔陳積堂丈

名慶生江

憶我昔垂髫君頻過我塾我師最虛懷與王君最治滄茗披卷  
軸漢宋了不爭義蘊動相觸設難辨三魚說經折五鹿我時  
側耳聽頗足膏枵腹匆匆數十年世事驚轉燭梁木忽已萎  
靈光羨君獨茅蔣話名山焦願稽華族歷劫文獻搜舊事梓  
桑熟口述成掌故方書恃廣續府志梅村先生墓江甯共占少  
微星近映秦淮曲一旦掩光芒春聲較比屋小同幸聰慧日  
取楹書讀頭角期嶄然一為揚餘馥

丁一七

朱集

三二九

金陵讀書  
蔣氏校印

藥石

樂師乘轡軒美刺盡良規執政遊鄉校毀譽皆我師逆耳忠  
慙性苦口藥石貴貧醫根峙直繩墨心無欺察物有至理聞  
言宜靜思

前賢

一裘禦冬寒歲久何蒙茸三族待爨火誼洽相貫通處己要  
必約處人要必豐示儉不至吝化俗由持躬萊公後世傑聲  
譽日隆隆樓臺起無地絲竹聽最聰宴客勿慳費居室仍素  
風豐約各得體殆與前賢同

行恕

索綯塞圭竇銜枚赴危城細民供賤役焉敢訴衷情七月東

山詩宗衰為之廣葵菽飽秋風築場並日營瓜薪積零雨缺  
斯頰歲征獵新獻公子如視民忠誠鳴鶴感恩婦恍聞民歎  
聲民忠宜授田百畝資春耕民歎為謀室三年罷戍兵周家  
澤靈長呼籲若與迎宣尼揭斯旨一恕終身行

哀三猶詩

戴錦江字雲裳上元歲貢曾祖翼子祖延祐父損性耿介  
工詩古文詞臨川李小湖大理掌教鍾山目為篤學事母  
孝劉家炳字慎之六合歲貢生髫齡入郡庠江甯太守徐  
公青照亟賞之紹興孟明府烜第三女太守為作伐寡言  
笑教弟子嚴目歲貢終蘭子俊字繡谷江甯縣學附生住  
石壩街精熟左氏色養備至母年逾九十九久享康樂昨歲

丁十七

朱集

四十

金陵讀書  
蔣氏校印

母卒數月後子俊亦卒而年已七十矣

相士貴識真曹邱豈知人嗟彼三猶士韋帶甘食貧聲譽非  
藉藉言貌本恂恂濡墨記往事慨想傷我神戴君名閱族累  
世膺警紳學優何必仕燈火移案親臨川為知己立言謝陳  
因甘旨勤奉母趨侍竭昏晨侯門恥干謁傲骨森嶙峋劉君  
總角時芹藻擷泮濱太守目偉器伐柯締良姻相攸為德耀  
挽車孝雙親年少戒佻達矩矱知所遵五十猶青氈君何運  
艱屯謹篤訓弟子寡言思植身里居最密邇蘭君與我鄰貌  
迥神弗倦披卷味津津胸中羅左癖大義說絕麟慈母年九  
十色養稱閭閻孺慕似老萊立品扶彝倫如何天弗佑落拓  
皆儒巾頻年相繼逝友墓宿草新我友雖云亡芳型豈沈淪

賦詩意不盡在再經冬春安得如椽筆傳誌勒貞珉  
追悼尙仰止上舍

尙兆山字仰止句容廩生博好金石刻徵文獻事親孝奔  
走江南北橐筆謀養贍蔣趙兩太守修府志汪梅村丈任  
總纂事知君耐勞苦屬訪句容事蹟甚詳備節孝祠圯君  
於荒村中得舊總坊名悉補入又得唐顏頤曼玉摩厓遺  
刻爲魯公子也境奇窘減衣食購古書絕弗脂韋隨俗身  
所歷境必繪圖手摹古今名賢像數百紙工墨龍及後遺  
一女著作多散失同里翁鐵梅茂才藏其括囊詩稿焉  
鄉邦耆舊推吳仙陳尋碑走遍荒溪濱丁丁響掛鳥飛散  
剔蘇細意鈎摹銀篆隸真草入袖底驚詫不啻東海珍邇來

十一

朱集

四十一

金陵遺書  
蔣氏校印

此風頗衰歎空山有徑誰披榛狡嘯鶴怨奇蹟杳頽垣斷礎  
閱貞岷尙子嗜學如嗜炙咀含經史甘隱淪事親負米不憚  
苦奔走腳插江村塵有時僧寮夜借榻訪古遠溯周與秦下  
逮元明備蒐輯殘煤賸墨沾衣巾南則茅蔣北甍社詩箋收  
拾文編璘魯公家巷在句曲妙蹟更勝歐陽詢有子名頽書  
疊玉摩厓筆力扛千鈞棄置荒郊無復問前賢集古遺風麟  
君搗數楮贈朋好銀痕屋漏酷肖眞蒼潤軒中帖欲補仲交  
跋尾稱功臣矧君傲骨羞媚世饒無畦菜衣則鵝貌古人失  
滄臺子眞賞誰作九方歎餘功更仿僧繇畫天陰墨沼飛龍  
鱗借書急鈔供夜讀踴躍歲費數十緡假年天果償君願便  
便腹筒誰等倫如何詩人例成讖曙後一星身軀屯呼君弗

起月照屋郊寒島瘦想丰神春草萋萋院梅落在再年華愁  
殺人

王善之師

師諱肇元上元籍道光丙午科舉人孝事雙親伯兄賦閒  
薪米費引爲己任同里蔡孝廉懋鏞幼貧足跛不能具脩  
脯教誨成業模從師十餘年日且根柢之學相勗勉先君  
編金陵詩徵助蒐輯

人生戒游惰師嚴業始專吾師寬嚴濟循循善陶埏余今思  
往事入塾當幼年挾册詔夙興簿籍認晏眠誦讀日弗曠禮  
讓慎無愆有時命呈藝博山香吐煙翻虞瘞垢多踉蹌足難  
前迺蒙賜獎飾色霽意纏綿愚魯辱不棄繩削隨方圓始愧

十一

朱集

四十二

金陵遺書  
蔣氏校印

樗櫟質匠門猶曲全春風一披拂活潑見天淵蔽塞余略啓  
几席樂周旋更親明窗坐虞氏虞易手一編深潛讀爰象  
綜錯妙義宣困學慕伯厚時復加丹鉛常日謂此爲根  
柢經史當貫穿鄉邦蒐文獻舊籍費鑽研吳朱朱文朱侯朱頻  
往來品目勝國寶小子日侍側快聞心怡然如向寶山遊偶  
獲珍珠船邇來年半百喜結翰墨緣甘子久同學志意彌殷  
拳握手思懿訓問孰得薪傳篤學繼卜氏孝行希子篤述德  
口難罄深慙管窺天聞言余首肯瓣香心祝虔祝師舊澤永  
崑源導大川楹書後世守科第起連翩  
題同里翁鐵梅茂才尊甫子謙先生貽硯圖  
銘詞珪璋特達席上之珍發爲文字瘦硬通神此硯甲寅

秋得于澄江辛酉杭城陷失之甲子復城乙丑復購得焉  
王喬鳧鳥淵明琴仙宰瀟灑開胸襟俗塵滌盡名千古遺韻  
足抵甘棠甘先生棠陰復瀟水前人比迹居人欽石生更訂  
歲寒友雷陳膠漆無內慚袍笏既設入門拜明窗時佐解頤  
談春郊聯轡恣游咏六橋三竺清興甜偶然辭別驪駒唱入  
山通谷深復深夢間髣髴見顏色仙緣翰墨何處尋三載契  
闊倏申約空齋岑寂聞足音先生握手莞爾笑金聲玉德稱  
知心听宵促膝交更密臭味奚翅若同岑有時去侑冷泉判  
決疑導滯深相詰結鄰之品果何似毛穎陳元益者三陀羅  
經幢置座右石先生初出土中扶國僧年矣歲已所書陀羅經  
朋儕靜對妙諦參宰官亦是真佛子和南共證香火龕吁嗟

丁十七 朱集

四十三

一金陵書畫  
一蔣氏校印

乎世人訂交似雲雨翻手覆手時浮沈先生石生皆直諒家  
世常留清白箴

題陳雨生運漕小志

水深土厚羨新田負鍤原宜濬百川撈淺近年功孰偉宗臣

遺愛肅雕鏤會文正沈文瀾  
俱命贊勇挑文瀾

桑梓人文地城靈檀橋芹藻舊流帶仲弓居宅今相近太史

應占敬德星

弔朱子期孝廉

君本瀨水人胡爲滯析津析津淹數載羈旅空苦辛孝友具  
舉性非忘手足親聯牀夢池草索離損精神微疴歸世化時  
命何艱屯人生如轉燭誰爲百年身莊生齊彭殤達觀非無

因余心何悽惻良友傷崔駟君才不炫耀鄉里稱恂恂處眾  
泯崖岸論學化畦吟那知貞白操潔如河酌蘋汪汪子頃波  
淳蓄爲清淪文成隱深秀球玉森璘彬山水成地志桑鄰可  
等倫同治時莫甘雨明府任上江兩縣志名何善伯孝廉分  
錫後可備桑梓非功蹟也大雅不復作爲護書篋珍披讀  
淚浪浪霑濡我衣巾

悼吉氏姪媳

不貧誰人甘自貧不苦誰人甘自苦不苦而苦人誰知不貧  
而貧人誰補野菜和根付澆烹生柴落葉供拾取是誰負爾  
爾不言朝朝刺繡開窗軒夕陽易墮燈微燼飢腸九轉手自  
捫譬如枯蚌涓滴澀孕珠惟悴珠無色珠光割出蚌更枯渴

丁十七 朱集

四十四

一金陵書畫  
一蔣氏校印

死沙灘祇片刻吁嗟乎爲夫生子續宗支總帳淒冷風生悲  
蓋棺贏得一門哭試問女史誰如斯

贈李篠雲甥下物名詳雙工畫目

鵬聲紅萼染蟬髮綠雲舒一笑春風入噓枯景孰如

丙戌翠雲窩自遺地餘家利名夢有

笑索梅花細蕊攢吾廬成趣耐盤桓室羅文祿春常滿坐有  
青氈歲不寒半畝衡茅依筍步幾人車馬向長安得能數載  
身頑健暇日橋西理釣竿

題方節母事節母通家統氏方

我聞唐代稱李母治膳獲錢廉弗取二程母曰侯夫人子成  
偉器貽謀久古今完行合符節樞陽江水清且澗斷事家風

五百年形管亦克清芬守所天忽隕雙淚垂勺水不入嚙閉  
口庶姑強語勿輕殉奉上撫孤誰荷負聞言大義權重輕生  
嬰較勝死爲白自茲甘旨竭力供授書紡室循循誘子漸長  
成姑日頽延年莫賞酈泉酒白髮朝露土成墳青燈宵火經  
爲藪冰霜凜凜數十年金比重鏐玉瑩琇賢行積久德愈光  
天教苦節能昌後有子貳尹著循聲黏竿折盡宋賢偶從子  
拔幟登將壇景讓勳名堪左右板輿遊賞兩地春清白官箴  
勤授受請看綽楔時通衢恩綸嘗沐天家厚

丁十七

朱集

四十五

金陵叢書  
蔣氏校印

在莒集跋

右在莒集一卷上元朱崇峰先生著先生名桂模咸豐辛酉  
拔貢傳其父緒曾學博涉多通而操行尤醇篤事母至孝五  
十而慕詩非其所措意然述鄉里之耆宿悼宙合之寇攘一  
篇一什皆非苟作合於興觀羣怨之旨非世之橫山範水嘲  
風弄月者比聞之馮蒿厂先云崇峰家青溪畔匡居奉母怡  
怡色養弟子著錄者眾必導以古義不事科舉速化之術行  
不由徑方領矩步識與不識皆禮敬之與人交繩過翼善不  
爲面諄而使人自化雖豪雋不羈如顧石公滑稽自恣如秦  
伯虞一遇崇峰則淵然以穆肅然以敬不復放於禮法之外  
所稱如此先生之所守可知已抑聞之先生藏金陵遺老之  
書凡數十百家與鐵梅丈埒他口歸當迹之先生家補翁藏  
所未有或亦先生刻詩徵之微旨邪鄉後學蔣國枋

一一七


金陵叢書  
蔣氏校印

風

廬

聖

鐘





屈廬詩稿卷一

遵義 鄭知同

古今詩共七十五首

己酉說己巳

大暑行

金盤湧上扶桑杪天雞忽唱雲中曉我欲驂鸞復御龍  
空中衣袂天風繞騰虛蕩蕩入天門力拒黃人轉蒼昊  
鼓刀奮迅殺蒼鷲一快炎蒸盡揮掃卻念天人隔渺茫  
天公威令誰能矯不能避暑廣寒宮流金炎景催人老  
紙屏石枕視良朋石鼎甌鑪誠至寶黑甜鄉好祇益倦  
蜜汁茶甘愈增懊琥珀冰盤不納涼蒲葵大扇空煩擾

屈廬詩稿卷一

汗流如雨不能揮日夜驅蚊復捕蚤披襟向陰陰亦炎  
赤腳覓泉泉已少土囊杜口不生風白日不動蒼天小  
安得驪龍頷下珠重淵酣睡當胸抱銀漢無波誰復知  
咸池水涸應難保蟠桃何日更開花若木難禁枯復槁  
卻羨六龍不畏曬回車宛轉奔黃道何當青海起伏龍  
掀駕雷公頃刻到快哉風雨拂鬱攸無令旱魃久相絞  
己酉歲九月九日追和靖節先生原韻

有節患無菊有菊患寡交花開客亦滿無酒興復凋三  
者此全具足以壯登壽今載靖節載餘滓仍澄霄歷久  
復有今可辭終日勞壺傾百杯醖麥熟兩甕焦黃昏醉

飽後得句何陶陶雖無南村詩亦足樂今朝

於堰南穫早稻

濁富不足貴清貧亦殊難終年勉嗇事不足供饑寒新  
穀未登場斗儲先已單堰南一畦稻所資繼朝餐歲計  
喜先熟庶無憂一簞晨興度阡陌父老慶有年吁嗟誠  
有年手足胼復胼不見樹藝同飢飽存其間衣食信如  
此人功能奪天吾儕自耕食況乃性分然誰不事經營  
而能求自安

編籬

疎籬短短對南山小圃秋深日往還野趣回環三徑老

屈廬詩稿卷一

二

西風收拾一園關幾聲落葉敲霜冷盡夜鳴蟹弔菊寒  
載酒三更歸未得露深猶自繞苔斑

秋陰

層陰迢遞接空濛無限秋懷倚碧桐蕭瑟山川猿嘯裏  
蒼茫物色雁聲中平原木脫雲無影曠野天低水偃空  
試上松崖舒遠眺淡煙衰柳正西風

釜然 并序

釜底常有墨厚分許煙所成也積久觸微火乃然  
暴火則否俗以兆晴居校官久雨偶於爨後見之  
已而果晴

山城苦雨浹旬日生柴積煙釜生墨晨炊餘火觸臍然  
初如幾點疥癬跡金蛇盤互逐節伸火輪宛轉趨風急  
中間一塔尙昏黑白蠟成陣爭行出滿天星宿散囊螢  
布地黃金走沙磧縱橫散漫奇罕匹過眼罪罪隨變滅  
勢盡延緣作絞綯春蚓穿沙肆紆屈明朝餘渣盡澄香  
物理感通誰盡悉到官十日只望晴笑指乾鍋勝龜圻

遊石碧崖登最上亭

在鎮遠府治對岸

巖上撐孤亭亭上懸蒼巖敲瘦柏作檻縷絡藤爲簾怪  
石如蟠蚪鱗鬣森巉巖仰視何玲瓏縹緲透誰鐫鏡飛  
壓晴波突兀空際黏我來緣髮徑曲折隨留淹上上恣

屈處詩稿卷一

三

窮攬青壁前忽覘攀扶倚楹柱恍立秋毫尖喘息定驚  
魂放膽舒眺瞻雪霽天宇明山水相澄涵城郭接原野  
一碧低橫嵐石屏獨巍聳迥秀凌空添漁水齧崖足湍  
瀨停爲潭鷓鴣曬圓沙漁子歌半酣奔流劃崖去拍浪  
拋輕帆風掀一鬩聲忽若潮來滄市塵來去人行螳相  
聯銜營馬散平林戢戢食葉蠶勝景此超絕餘觀俱退  
謙膜色催返棹戀戀情未厭曾次數月塵快洗泥一枕  
月夜  
獨步林塘下纖雲四捲空松多遺受月柳瘦不牽風人  
意清如許天光澹與同夜深歸未得霜氣下樓東

晚步

雨後輕泥溼行吟出米溪日分峰向背竹暝水東西任  
意移芳躅隨風返故蹊閒農無一事三五話寒畦

山中梅開

冬日過將半梅梢未點妝纔經一夜雪開得半橫塘流  
水春無迹空山月暗香墓門應自此花事漸添長

梅花絕句四首

安排竹屋看橫斜底事纔生幾點花莫是昭君魂未返  
珮環月下滯胡沙

嶺上冰魂無斷絕纔從雪後弄幽光天寒翠袖捲日暮

屈處詩稿卷一

四

一笑巡檐點淡妝

一杯翻綠伴黃昏妙意凝神不可言踏遍羅浮深夜雪

一叢花下一詩人

風雪精神正此時不知百卉竟何之逐春能得幾時好

桃李而今知未知

夜讀

萬籟宵分寂貪書引興長齋心醫鈍藥宿讀饋貧糧  
眼燈懸蟹神昏芋作羊雕蟲何足貴學海望汪洋

竹下偶成

石上有小亭亭北有紫竹稀疏十數竿映帶一庭綠柿

葉久無陰桑枝復已禿冬日小亭上賴此寫心曲密葉  
亂無數秀色濃可掬蕭灑動微風徒倚託芳躅時時彈  
素琴因之酌鄙綠緬懷嵇阮徒長嘯振崖谷景物但適  
性容膝詎爲促

晚眺前林

山山收暝色嵐翠壓松筠返牧兒童樂歸巢鳥雀馴雪  
殘疑有鶴樹遠望如人清景應須畫誰堪與細論

如達小女次義山哀師詩韻

正朔生絳老初度已寡匹重瞳墜膺圖機衡齊政七良  
時適及子寢地曉寒栗喜見一代孫汝乃首出物廬墓

廬廬詩稿卷一

五

遷居來添丁纔第一得數並得先詎不稱貴骨煦嫗未  
周昨威怒成健質慈母飯逃子少姑眠倦姪反側不着  
懷那顧漲乳溢貪華朝暮啼風雨或難出園林日抱翔  
生摘丐果實非親挽不去屹立等圭笏阿翁挈鄙綠喚  
喁便欲吃倒身向阿婆驕氣倍倍倅扱衽着短後學步  
恣衝突爭逐羣幼隊昂藏似鷹鵠牙牙初作語入聽得  
仿佛向人索弄物甘言已如蜜稍長益明儘姿度無可  
疾兩臂光若藕冰玉色俱失兩足白勝雪不喜着背皮  
齒清紈素比面粲蕙芳律長眉同掃妝青眸類點漆家  
人喜穎秀旦晝轉加膝乃祖特鍾愛物物任其乞曲意

揣所歡百計度一日聰明遂速散情態不可筆汝姑生  
昔年家窘尙傳述炊麥雜飛蠱春麻撮狗蝨飴弄得溪  
魚供餐不去乙黃雞絕產卯冬日便無術貧賤養兒女  
艱苦難記悉汝今需百味任意了無悖葷腥每佐飯祇  
慮厚釀疾似此當速成勿使眼穿穴中郎誠有女應付  
青箱帙

觀舞猴

禽獸亂人羣薄習何代垂世願樂異物不復思其宜我  
觀睢肝態有技將何施正以醜見巧俳優娛眾兒旣着  
項羽冠更衣周公衣假面戲侏儒烏龍從指麾居然袁

廬廬詩稿卷一

六

公術木兵臨陣奇忽作猴夫人妖豔扶婁姿頃復着緋  
袍供奉端容儀太息楊于度矯輮物性離野賓曾記否  
山中吟嘯時幾日落機網虛幻從人爲但恐面目改眾  
狙驚見疑

懷趙二珊廷璜姊婿

分襟何草草別後思已遲平居少交際獨子爲相知踰  
歲始集郡瞥復傷別離勿謂前期易少壯能幾時木落  
空山寒鎮日無言辭嗟余寡兄弟手足長如遺心交更  
久濶難勝寥寂思預計元日後珠鐙紅萬枝景貺斯時  
來倡和吟春思蘇子雖畏酒尙非坐窮詩君醉我解詠

饗盡還謀妻

山中即事

冬餘成就石林蟠更向新池起小巒地僻獨嫌春到緩  
居深未覺雪侵寒雜桑先便明年摘種竹纔添一處看  
眼底盤中俱自適一吟一度倚闌干

晚飯

杜老子魚嗟莫辨髯翁蘆菔得非難肯嫌晶飯常供飽  
可想貧家尚絕餐陶令飢驅憐更乞庾郎貧慣卻能安  
蒸豚人乳教神泣何似齏鹽得自完

月夜

倦坐寒帷出微颺拂面輕泉穿幽徑咽月躡薄雲行妙  
境誰曾覺長空似箇清瓊樓高極處果否有寒生

次夜月

風動戰菰蒲清光滿一湖雲輕機散錦星落浦還珠夜  
靜收羣動天空有一吾軒聲方飽臥輪爾惡羝奴

晚歸

水輪聲涸霜氣高磊落石出魚歸濠行人晚度喬木底  
潭古陰陰生豎毛草樹谿頭出岑寂誰家犬吠東林梢  
微澌瀲灩送歸路孤煙斷續瞻衡茅山中小弟聞與杖  
晷短且令勤焚膏

屈處詩稿卷一

七

春晴

簾捲柳陰堂雲山四望蒼高風搏隼翼旭日暈波光冰  
雪寒將盡陽和候漸長 皇心回澤早萬象總懷芳

溪行

曲徑曾經處晴遊興轉奢鴛鴦眠渚靜翡翠點波斜石  
溜聽餘滴人煙見幾家谿山行欲盡何處是梅花

十五月夜

青天一紙輕如浮鋪在雲端長不收女媧鍊石補未到  
炯然一穴當空留回頭驚覺是明月清輝已上三重樓  
香塵步步生羅襪滿地光華如水流咫尺人天不相隔

屈處詩稿卷一

八

余懷渺渺知何適恍如置我滄溟中萬頃波濤皆靜息  
驪龍吐出琉璃珠瓜上分明探不得移時兀坐斗亭上  
涼風裊裊生虛白天漿貯滿玉壺中灑落人間皆露滴  
脫絮帽發浩歌可樂不樂當奈何人生少壯豈易得况  
復明月今宵多月兮酌爾一杯酒似爾清淨之身能得  
否

醉司命三首

爆聲初過紙灰紅盡夜家家祀竈公老婦真堪為眾母  
藍君端合作家翁瓶盆入爨餘周禮精粕塗門尙楚風  
兒女向觚羅跪拜祇求無過不言功

都竈騷除棗栗新少君無術亦通神聰明不用多辭媚  
善惡惟應一歲陳懸釜無炊焉鬼瞰尸囊有罪奈家貧  
呻吟癩祝眞何說可笑鄰翁欲腐屑

搖紅燭影鬱金香侯欲朝天夜未央婪尾儘須傾綠蟻  
爛頭獨愧少黃羊邀鄰恰似孫臍祭坐竈從無向栩狂  
擬待辛盤嘉味飮迎來柏葉更飛觥

上元日諸舅侍外祖過子午山會飲 大人有  
詩紀事命次韻作

持杖將車季與元笑扶紅帶碧山前焚魚快主傳柑會  
稱兒慚非截竹年滿坐德星排玉李幾人 恩遇撤金

屈廬詩稿卷一

九 時粵寇未平

連擬聽三鼓崑崙破鐵鎖銀花且漫然

詠鷺鸞

青田盡作還丹使休怪絲禽不與俱自是胎仙留別種  
人間清品可能無

倦而作

百年一過客萬事徒勞勞流水去無極孤雲閒自高世  
兒誇疾走吾輩獨何遭投筆軒然起熒熒撫佩刀

如達女痘殤於除夕前一日哭之

襁負連朝犯雪花艱難轉徙更無加不緣脫命盪攜汝  
還望歸山竟捨爺惡疾無端摧玉骨殘魂莫便逐風沙

176 8001

早知入劫逃難免總死何須定去家

阿龐兒又痘殤於上元前一日哭之

半載兒生夢幻中依然木篋付城東得無藥誤將誰怨  
終是時乖訝許窮泉路不孤應識姊天涯缺望獨憐翁  
祖塋他日能歸骨揜汝雙骸地一弓

春草感懷

燎原猶憶接天紅轉眼濃青逐暖風劫火未埋蕭艾燼  
春光空汎蕙蘭叢獨憐幽谷沈香藹忍上蕪城對鬱葱  
仲蔚廬荒人不見那堪搔首憶盤中

李作尊 故人見訪

屈廬詩稿卷一

十

念昔無陽縞紵初爲余相就伴居諸那堪風雨連年別  
況少雲山一紙書人事感今同見舛時艱知更極何如  
重勞訪我塵埃裏啞咽難言淚染裾

贈畢俊民 用彰

世上男兒爭附和如君卓識豈平平觀書志大遺章句  
落筆求真見性情樗散自慚長守拙英多堪羨駐蜚聲  
相從朝暮已成慣閒聽宮商不記名 俊民善琴

贈別尹訓三 作書 三首

文會來千里前緣似有由異鄉同作客傾蓋便爲儔詩  
卷徐徐出情詞一一抽儒修期遠大家學道眞求

朝夕頻相過披肝見素誠知君真擇友事我竟如兄曲  
學慚非助無言聽不傾豈徒冠玉美心迹有餘清  
避寇艱難出窮途喪兩孩庭闈無一慰姊妹又雙回  
色奉虞吾薄衰顏俟子開臨歧須共勉莫便沒塵埃

避亂紀事贈別二珊姊婿八十韻

甲寅八月朔羣盜據桐仁婁山失要隘寇禍延於遵萬  
夫守雷台蠶食四境民行及我里間大人思走勻無  
術保桑梓先去誰得論卻慮失民望況乃偏歲寒道復  
阻且長播遷愁苦辛君忽隻身來爲言巨困循不幸罹  
危難上節重辱身戰守無可恃團練空雲屯見幾不俟

屈處詩稿卷一

十一

日那容再逡巡賊來如驅羊害至徒俱焚翁今況就祿  
正藉逃妖氛國家久承平民不知從軍吾力不能出計  
惟附族姻有叔走黃平將母去烏蠻妻兒當累翁相攜  
共風塵童顛父與伯不知更何奔但獲首領全那願骨  
肉分翁家走勻路取直經雲門稍旋自吾里可辭紆道  
艱可奈挾羣幼冒險羊巖津吁嗟計已熟迫切來痛陳  
聽罷仰天歎欲語聲先吞拔脫虎豹場可免崎嶇患嗒  
然其攜手上堂啟尊顏再拜淚如雨具述委與原寒鏡  
定行策翻身君卽還山堂涕如湯行李粗繕完筍籃舁  
二人妻妹同衝寒丁弟共我步丁小衛妹  
婿費在家行行兩河難

近賊十餘里鄉團蜂蟻攢舟師早停渡斷岸勝盤桓殷  
勤告團長逼仄踰巨川月黑趨君家膽縮如臨淵君母  
去不諧且將甥姊前相送君益悲午飯章王村更商還  
奉親我待兩曉曠篋來急如飛恍若重生歡明日渡湄

水即羊巖駭絕非等倫潭落萬丈底不敢窺縮根兩壁一

線逕入地還升天旌旗晃煙樹城堞盤雲關緣崖列梟  
首穢惡逾腥羶戰戰出鬼窟那堪回再觀膽舒即前路  
高下投蠻煙北風朝怒號老幼各凍皴數里輒小憩得  
火環就溫行者借勞煖漸苦精力孱陟阪相挽推並路  
時凭肩足力日不支更癡生胝癩亭午問宿處往往卅

屈處詩稿卷一

十二

里賢縮地既無術安得施羽翰眼穿忽指至急如驥奔  
泉入戶安上下無暇問盤餐救渴七盃茶伸足臥草菅  
倦起甫覺飢送飯如餛飩終夜那反側殭死曉共媻開  
門是何處惟看山復山抵勻十五日回首成經年無錢  
僦廣宅低首窩校官朽腐更狹陋甘口居三間補葺置  
几榻撐拄身不旋草草辦食具金甌依頽垣姻家宦囊  
薄相貸時覺慳囊殫遂拮据仰屋時浩歎有蔬或無米  
有水常少薪食頃一闕聚匙箸交相翻轉瞥已狼籍不  
飽空相看數促已至此天禍仍未竣半月殤兩孩五情  
皆塞墳乃祖失掌珠悲愴來無邊子婦詎敢哀言笑強

慰安所幸兩雛甥怡情猶後先姊妹亦雙雙左右娛晨昏忽聞掃攬槍速歸丁與君整駕各挈家勢無容更端嗟嗟二珊子別矣聽一言生死自命定困窮原偶然從古有離合何得不散筵所悲諸苦并能無摧肺肝流離自今始艱厄知尚纏還家速安置日望回征鞭揮淚恍如夢麤言遂成篇真先諸韻通押祖彭衙行也自記

獨坐感懷

一院深愁晴雨天寂寥官署冷炊煙但傳梓里仍戎馬不得家書已半年

南丹道中

流水小橋西復東獨騎駑馬趁秋風愁人不帶看山眼況是瀟漫煙雨中

題劉仙石

書年

先生所藏春山幽隱圖

嬾僧不出山谷士不入谿天然邱壑誰管領祇有煙霞野客來無期脫巾緩步日卓午酒榼茶鐺行自攜偶逢佳處得小憩靜掃莓苔坐忘機水流雲起別天地蟬鳴鶴唳空塵羈倦遊一盞助歌嘯但聽松風謾謾過頭吹借問人間那得此無乃襄陽米老黃鶴之幽棲吁嗟乎東山戰伐西鼓鼙河清欲俟知無時安能看我移家奉親老青鞵布襪長追隨

山居讀陶集卽事次其歸園田居原韻五首

少年不貴仕息偃在故山壯歲迫飢驅奔走不計年風塵罕知音金石空淵淵所得不救貧還復守硯田盤桓花竹蹊往復泉石間引觴獨自酌悠然遠塵煙偶共羣孺戲時或從華顛依林羨禽還出岫看雲閒親戚叩門至情話益陶然

名利役我形稍稍厭掌鞅琴書有真味迷途胡不想靜玩古人事忽若設身往足不出庭戶自覺意趣長徒令世故深真知幾時廣流俗固多議誰暇辨鹵莽蠶事亦漸了繭成桑葉稀及時課農耕西疇遂忘歸殷

屈廬詩稿卷一

西

勤話桑麻和風吹袷衣經邱復尋壑樂事無所違畏酒不常飲得酒亦歡娛戚里時置酒造飲經邱墟深巷狗迎吠雜遝鄰人居一斗已徑醉皎如玉樹株醅酌即知還無復有戀如歸來仍快讀不暇思其餘會意且忘食那顧簞瓢虛南軒足嘯傲世事付有無

後園有亭池蔬果環曲曲緩步日往涉雖褊亦云足同志以時來共坐彈棋局晝短苦夜長幾番翦明燭不覺東方明高眠看日旭

黎純齋

庶昌

從舅客遊兩湖詩以呈餞

黔中故才難學殖坐孤陋邇來氣運開文章寔增富

嚴君暨莫叟蠶叢闢荒菽漢宋兩學派英華各吮漱海  
內首屈指聲聞與實副極盛固罕繼薪傳亦期後吾舅  
特中起淵源歷請授大義洞經史妍詞粲錦繡欲求醜  
醜深尤覬見聞厚習耳湖湘間人文近輻湊顧闈未墜  
緒師承在毅毅抗志相頡頏挹注取左右雞蹠取千足  
狐腋豈一收行見華實榮賢豪共聲臭富貴所自有餘  
事及組綬白歎戢羽翼飛鳴乃無候羈縻限偏疆一編  
守昏晝屠龍即成技江海幾時觀降心角名場蹈躓復  
不售空羨鯢鵬志萬里無足囿行矣及良時雄飛念雌  
伏他年脫籠檻困獸或猶鬪

屈應詩稿卷一

五

合州登望江樓

百鳥一喧散晴暉動原陞層層敞積霧天外眾峰入輕  
風始柔波雲氣猶戀溼江光洗長空萬木一時立攜酒  
上層樓四望情最愜

除夕病起

痼疾二十日昏昏偏歲除九死餘一生自願喜猶余翻  
憐劇急時百狀苦莫逾度日幾如年自分入死途喪精  
復亡魂身心兩模糊試暗尋舊學一一了若無投藥稍  
得理來甦覺徐徐晨興起兀坐肢體無肌膚血氣耗弱  
甚舉動勉支吾驚心歲垂盡蛇鱗沒無餘爆聲沸六街

鄰童聽歡呼兒女朕無憂安排樂正初啟篋整花冠開  
箱展紅襦安知貧病者百感少一娛頻年無一錢權門  
不能趨欲去誰為主欲歸燬無廬所恃筋骨強耕桑或  
容圓無端困惡疾生計皆成虛靜養使復常知經幾居  
諸人謀既已拙時命增毒痛我生天地間顛蹟誠何辜  
已矣一長歎任運之所如

春閨詞 已下已已

樓頭楊柳暖籠煙樓上佳人思復眠萬里懷人剛入夢  
流鶯忽度曉窗邊欲覺迷離難遠捨猶聞笑語羅幃下  
側身不見方始疑宛轉情懷空自惹姍姍起步捲簾鉤

屈應詩稿卷一

六

目極長江來去舟望盡千帆皆不是相思腸斷白蘋洲  
回頭淡把蛾眉掃次第添妝垂百寶多情子細撫菱花  
暗惜容華空自好雙雙紫燕話雕梁似說愁人哀怨長  
俛首含冤有誰覺日永香銷思未央深閨姊妹何知慮  
相約明朝踏青去紅羅先繡帖幫鞋歡笑牽人強行步  
春歸不使送郎歸惱人錦簇閒芳菲狂蜂浪蝶無端擾  
羞愧回身意轉違倉皇不省芹泥滑誤踏蹄泔濺羅幃  
佩環四檢幸如初柔心暗顛鬆鬆髮入門祇自悵孤衾  
遠人知否此時心一生恩義豈長斷何孤約誓到而今  
年去年來妾衰瘦花開花落君忘舊何日三巴預報書



遠迎握手重新遊

老鶴歎

老鶴志萬里冲霄翮天扉誤鞮樊籠中鍛羽不能飛雞  
鷺恥爭食戛然長鳴悲戾頸遠傲睨江湖情久違鷺鷥  
貞介姿難入俛仰機鸚鵡與鸚鵡毛羽生光輝巧舌調  
如簧愛憎滑是非遂令胎仙禽比視嚇鼠鴟那知松喬  
侶雲程稔相期計日翩翩豐青田識所歸一舉謝塵網  
何處用毀誹

贈劉崧生鶴齡總戎四首

豺虎縱橫廿載中黔南蒼赤幾沙蟲夜郎自古空尊大

屈處詩稿卷一

七

王旅如飛慣戰攻除莠兼施諸葛智前茅重建大刀功  
明時平播劉將軍取道某江楊梓先抵賊巢因以成  
功今劉君師亦由此仍先與賊對壘劉將軍時稱大刀  
書生橐筆無他技說劍風流也即戎

前年營水破封狼文遠威名震孺黃謂平鐔尖  
山王逆比戶望

君猶望歲將軍擒賊擅擒王先聲早逼妖姬遁賊中有  
二婦人

為之計畫諸股匪皆聽其  
指揮聞大兵至遂潛逃去小醜誰當効敵張豈少哀鴻

中澤苦祇今除暴即安良

歷聖承平久偃戈羣酋玩法沸牂柯驕橫難畫羈縻策  
非種無妨斬刈多構机誅鉅盜待教豕蛇薦食復如何  
貧頑還自遭殘賊祇合雄師一蕩摩

李鷗郭雀劇蒼黔浩劫千年又見今誰識熙隆 仁聖

後竟教殘暴殄夷深全清海宇關天數且靖邊疆釋

帝心幾日平蠻馳露布廣都安堵播其琴山海經西南  
黑水之間有

廣都之野冬夏播其琴郭注  
播琴猶播殖方俗言之耳

悼亡詩十五首己巳秋哭  
宦孀人作

貧賤夫妻苦若荼十年避寇更艱虞祇期亂定重堂構  
朝露誰知竟先吾  
早知小別死生休詎踏槐黃作遠遊悔殺求名秦士會  
藁砧空令盼刀頭

不愛華紛愛素修甘心負釜逐黔婁買臣依舊薪樵困

屈處詩稿卷一

六

痛殺牛衣涕泣秋

短衣桓鮑共林居投隙烹泉伴著書忽忽漁洋剛四十

青燈不管悵鯉魚

怕檢妝臺賸粉脂釵鈿猶是結褵時生憎明鏡無留影

不見當年對畫眉

人間何處問稠桑從此幽明隔渺茫卻怪夢魂都不接

真如韓子憶成郎

壯年分手尚汎瀾預訂歸期不肯寬契濶祇今成大別

重泉何自見儂歡

仿佛音容似笑嚙回頭終訝寂無人香魂縱或依儂返

長簾空牀已委塵

廿載賢名徧鄉鄰最難如女事姑嫜阿婆老去衰多病  
忍見晨昏泣据牀

巢成卵破記當時常恐商陵大義離繞膝竭來無別鵠  
援琴翻操雉飛詩

文襟甯馨喜出羣五更索母那堪聞失慈便恐難存活  
一度兒啼一憶君

家無娣姒苦零丁鉅細勞君手自經中饋如勞誰合代  
可憐崔曙一星星

履霜端合鑒前車自分鯁居效子輿悔不昔年嘗買婢  
勞君親訓爲今儲

暫殯西園稍築塋遲遲親爲覓佳城鴛鴦縱不便雙死  
同穴終期踐舊盟

未卜姻緣有再生相從泉路亦恆情東風慎縮歲蕤鎖  
待我他年與合并

十二月廿二日幼子珠樹殤感痛述懷

傷心廿載間各喪三男女或時易寒暄或歲周四五生  
平將九雛過半委黃土姿容各粹美夢寐宛猶覩始殤

尙不覺數四漸增苦今來更慘切母死子接武審疾非  
難治投藥亦無誤奈何便不救自悼運乖迂薄命禍予

屈廬詩稿卷一

九

季過慟那自主佛說不生滅箴規可節取永願絕生梯  
免復摧肺腑人皆勸重媾再拚十年樹喬老梓駢生前  
古可歷數世事良亦然政恐不我與自知時數奇無福  
望蚤羽我生獨行躄亦要承宗祖繞膝存兩兒計猶勝  
乃父但悲門祚衰酷若林縱斧上念祖父行十九緒厥  
戶旁矚羣從輩桑蓬斬一舉妄覲先德厚椒蕃庶我具  
誰謂竟差池填膺氣撐拄造物安可問偏慳不降祐痛  
擲勿復言初心眞負負

屈廬詩稿卷一

三

屈廬詩稿卷一

屈廬詩稿卷二

遵義 鄭 知同 伯更

古今詩共七十首

元日試筆二首 已下庚午

歲歲無常業資生恃客遊  
慈憐憐遠涉良反感相周  
自媿無功食虛傳績學優  
累人還自累閉戶可容不  
仕路崎嶇甚寒酸未易居  
豈甘終石隱不獲薦賢書  
勢利從人熱豪情覺自除  
較量天與奪不必怨穹廬

禹門行

古刹遙傳三百年山環水繞林巒巔  
世世恢宏極雄麗

屈廬詩稿卷二

今時檀越猶增田佛像移來自昭覺  
百夫昇致千里艱不識雪師當時避  
蜀難何處得此布施錢其徒月莖南  
去請經律夥頤萬卷叢樓間破山禪  
宿妙入逸少室寶墨猶留遺像顏  
數公神蹟可勝述祇今父老紛增傳  
畸人舉事自絕俗即此一斑已足知  
豹全固應有靈力呵護道場千載無  
際顛庚辛逆黨縱焚掠連屋累棟皆  
燒殘四境叢林蕩無迹靈光獨此存  
歸然鄉人因恃築砦堡周垣依舊增  
高堅吾舅黎公主厥政兆祺庶蕃佐以  
劉子相仔肩漢英椎牛養禱諭大眾誓  
不與賊同戴天千家蜂湊寇麋至  
殊死百戰梟其元邑中堅壁百數十

非降卽下無一完禹門片壤卒獲免  
神功昭著不可刊

吾家親老謝 徵召團茅亦借居  
西偏抱病彌留遂不起甲子秋深  
歸道山三載服除亂始靖農氓散  
罷耕其廬我獨無資宅故址入口  
且寄徐圖遷晨昏鐘梵清入耳遠  
勝鑿鼓難安眠彌勒同龕未卽擬  
卻與香火爲因緣死生一歲足悲  
咤有如膏火空自煎安得至人談  
寂滅使我萬慮隨雲煙置身清淨  
空眾有冥情逃入忘家禪回頭自  
省豈得已名教難輕中路捐遭逢  
祇合據理遣一任哀樂相摩研

從母楊宜人挽歌詞二首

屈廬詩稿卷二

從母兩人先殞季到今仲氏又長辭  
堪思育我真如子可惜酬恩未許齋  
無力生平嗟莫報懷慚歿世枉長悲  
獨饒一事雙荆盛較勝貧兒養母慈  
萍梗當年各遠馳幾年蹤跡不知姨  
巧因避亂來連屋遂倍相親過數期  
嘗慶康強堪永壽何圖疾痛竟難醫  
他時納窀穸貞石待擬銘詞報母知

黎介亭兆祺舅氏之官滇南獻詩一首

家公官南滇一令三十年循良屢課  
最藩鎮優仔肩苞苴絕上調祿秩久  
不遷晚乃擢貳守倦欲歸故園功德  
在蒼赤神君頌蒙顯臨當組解去遮  
留輿不前當時識

亂萌孽境惜力孱瓊瓊弭荒服措施期後賢民猶望嗣  
君踵起着祖鞭一變煽回紇十年阻烽煙天不負民願  
勇今還此官經濟素在抱韜略尤具嫻欲早起瘡痍必  
先除暴殘誓即提勁旅及茲効籌邊伏波鑄銅柱漢武  
息樓船內以畢先志外以紓國患丈夫貴立義一已  
那得安特恐磊落志不操尺寸權一旦得假手轉瞬救  
倒懸豐功互梁棟浩氣撐坤乾忠孝兩無恨談笑可華  
顛風塵視奔競蟻蝨徒負緣自壯董南筆不假著述傳  
媿我無世用清塵難追攀

憫農篇

屈廬詩稿卷二

三

我行田野問我心苦農耕干戈方罷休饑饉還相攬冬  
早及春仲土膏不上生二麥猶寸苗戎菽無尺莖所恃  
入夏糧望望難收成里中本瘠土民食歲屢更十室有  
五六不能長飽秬薯芋接冬餘菽麥充夏正可憫插禾  
時乾楚饑田氓蠶豆更粗糲枯腸作雷鳴就令滿困窘  
固已非繫精此猶不足舖天公獨何情不見喪亂際連  
燒倉庾積木皮春作餅野蔬煮爲羹弱者委溝壑強者  
勉支撐尙不自降北苦與賊戰爭慘苦數已極忠憤神  
可旌遺黎況無幾依然辛苦并阡陌不辨識蒿萊長縱  
橫高田任棄置低畝芟榛荆生硬艱鉏犂磽確難滋榮

倍力或半獲那足填貧坑稍乞免飢餒已勝厭割烹仍  
恐寇禍復詎敢奢念萌民力已困竭民心歸樸誠何悵  
降豐穰俾能享坻京始信老氏言凶年繼大兵卻憶劫  
奪時今此猶爲贏間里善修德宵蒼固持平勤儉復敦  
龐不請當倍庚我田亦龜坼共期溝澮盈

晨起遣興梨花下

百鳥晨喧夢醒徹起看梨花已堆雪昨宵明月墮何處  
欲雨初陽乍明滅一番花事一風雨妬殺東君巧相設  
我欲多留伴清潔生恐飄零在忽瞥豈知有色總成空  
歡樂無常古難說明妝淨濯得幾時偶然耽玩莫癡絕  
枉教依戀惹情牽徒令低徊苦惜別造物無心故能作  
去聲 弄千錦繡一任爭妍互更迭明朝紅上海棠稍知  
否清尊得閒挈

過禮儀墳穿百花叢中

花光捲過青驄尾亂眼迷魂渺無溪忽驚是處盡仙源  
珠貝高張雲錦翻靈妃顧我嫣然笑誤入天台堪絕叫  
此生何處棄家山真心不爲朱顏掉回首須臾若夢醒  
無端幻境付空冥洞天真有亦同爾歲月百年容易經  
爛柯頃刻成終古蓬島光陰即何取煙霞倏作如是觀  
人間何處不神山且向紅邊好沽酒歸途香色知存否

屈廬詩稿卷二

四

鄰人餉蕨

春來木蕨最堪嘗較勝園蔬美且香廿七鮭盤貧到庾

晨食非數千雞蹠儼如王送新深感煩鄰舍暫食無妨

進北堂俗言蕨不養人臨去為言蠶豆熟及時重餽滿

筠筐

山蠶謠

家蠶已作繭山蠶始三眠不晴亦不雨溫潤陰陰天宜

蠶得蠶旺預卜收上年蠶肥大比擘蠶花香且鮮縱橫

亞枝墜一樹動百千沙沙食葉聲急雨來無邊子婦作

桑屬嘍喏毆烏鳶全家寄芟舍夜還妨野豨一嚮空近

居廬詩稿卷一

五

林滿筐移遠山但得繭成熟那顧櫛剪殘邑中太平業

杭稻及絲絲平岡盡種椽利或倍我田繅車匝城野機

軸滿市塵販緜達湖廣歲入千萬錢十載寇充斥間井

死且遷美植便薪炭軍士隨山刊還歸失所事凍餒貧

可憐本實幸未撥萌孽生蓬然拱把已迷望頓復成舊

觀從此利無算要識降自天我即不衣帛痲瘵情為寬

拇瘡

一指失其養瘡鉅不可耐肘腫及肘腋幾至失肩背腊

毒非一朝根柢在肝肺藥裹了無驗匝月勢罔殺呻吟

動旁觀眠食為兼廢扼腕莫能喻自悼甚矣億來倏如

湧潮去難拔纖芥知更經幾時始能略就瘥誰云尺寸

膚禍延及此大事理無不然可以悟成敗爪甲分不保

拚同滅此害但令滅疾痛無妨速腐潰卻幸夷於左不

至廢書畫計較平生事妄取無一介況敢手上下怒觸

神睚眦特媿少壯年巨擘忝眾戴無實居其名譴罰此

焉在未占勿藥喜祇任自緩退且作奇肱人傷毀置身

外

病居述事

寄跡為家地不治更無主婦理園籬欲聊修潔情終怠

况自芸鉏病不支門外菜畦深沒路牆頭瓜蔓引登楣

居廬詩稿卷二

六

墓祠幾日能重建容我從旁結小茨

晴遊

雨後舒閑眺郊原放午晴雲過山乍綠天淨水逾明鳥

護餘花在蟬添古剎清良晨嗟獨往無語自含情

鄉試不售以事入棲省垣思家感賦

去年應舉家喪偶隔月纔聞悔歸後兒啼女哭守而翁

老夫不覺心如剖今年依舊滯秋闈節過重陽猶不歸

求名無分復求養回首家山隨事非上有老母下有黃

口中饋無人事畜何有行子心酸進退同咎人出內誰

主久處貧難守既無兄弟何堪死婦伊彼蒼天忍使命

窮余獨負嗚呼如此命窮真獨負

修文道中

日薄眾山冷白茅被原野驚風撼落木悅訝綠林者行  
行益悽惻鼻夫怯早啞前途絕人迹焦腸作輪輻指顧  
殺人處捏汗暗盈把頃刻判生死命懸若鎗炮放膽拚  
飛度幸脫一回禍遙遙見人家提心暫安下過此還蹈  
彼喜懼疊相惹恨不插兩翅奚辭奔雙蹠自咎取道乖  
奈何入坎坷平生飽涉險瀕危亦已頗卻憶丁卯冬清  
鎮遭賊夥橫出縱劫奪刀光閃道左健者力逃匿弱者  
肢解墮余病無活理逆黨獨見捨匪特固加害衣襦並  
不裸命數苟應盡當時已無我不作滅身孽慘劫諒不  
坐恃此頗自壯中情轉閒雅明且渡延江快勝脫扇鎖  
誇詡示儕輩可否稱敢果

入南鄉

吾邑數南鄉最號膏腴地忠莊迄螺場百里極昌熾居  
民昔罹難耕作幸未棄邨舍故依然劫火不及被亂定  
還富庶無勞問撫字今秋更成熟狗彘足舖飼餘糧尙  
栖畝十月有滯穗賽神朋酒喧罷市白頭醉牛羊羣寢  
訛兒童聚嬉戲居然太平業氣象何美懿逢人話往事  
賢否並思治肯忘歷艱危永願絕烽燧爲言沅澨間弱

肉飽猛鷲廿載唱苗頑塗炭亦已至未卜底何年始克  
翦醜類彼豈非天民苦樂霄壤異吾徒恃何功安居享  
全利豈知神所福必以善端致觀斯風俗淳固宜獲生  
遂願我同邑人共託高厚賜田疇雖不豐干戈藉得避  
無端慕浮名輕舉身命易微倖出陷阱固已飽憂悻滿  
眼饒恬熙深悔蹈險陂可想家微租暫日足疏食及時  
善料理亦有少蓄積高堂念遊子朝暮喚予季旨甘恐  
缺廢雜糲待歸備室中久無人愈覺憐羣穉可想望翁  
來牽衣索餅餌行當課兒讀暇還教女刺但無飢寒憂  
那願榮辱事

贈王錫三

金詔

十載曾相識交親在客遊葵傾尋吐款蘭臭允相投延  
譽勞君力忘形不我訖更憐囊底澀隨處代綢繆

早行山中二首

絕曉垂鞭出天高未見陽半明猶帶月乾冷欲成霜僻  
徑歧多誤疏鐘遠尙揚前村人未起堪歎已偏忙  
那顧衝寒去猶憐景物新宿雲黏似雪秀嶺謫如春水  
影遙穿樹山光近襲人飢驅甯得已不是愛遊巡

雪後登子午山觀梅

夜分雪霰如飛沙乘風歷亂聲交加明朝知厚幾尺寸

預擬陟屺看梅花擁裘熾炭待天曉早有曙色明窗紗  
凌晨策蹇達丙舍松楸低亞交橫斜湖上幽香正清發  
是花非花白成窟天教瓊玉助精神不隨凡卉同埋沒  
冷豔枝枝解笑頰知爾連朝遲主人紙窗竹屋便安置  
超然絕俗來依因冰肌玉骨肯相負詩腸滄滌還當清  
我神

巢經巢遺書詠示兒

經巢藏書強半燬燼餘千種經十徒擔負隨身徧黔蜀  
得自艱勤益尊視先人手跡況未泯讐較丹鉛滿經史  
挈瓶守器尚不假敬寶遺編固其理古來善讀不貴藏

廬詩稿卷二

九

徒誇插架祇增恥已雖不敢命鴻博家學淵源幸堪企  
轉戀初時據全盛歷久尋思悵難已我邦自昔罕聚書

但解買田遺孫子獨有鋤經借影山外祖黎雪樓公藏書處日鋤經堂

子偃先生藏書處日影山草堂參我舊巢同鼎峙百車匯作三家邨四

部醞醕備醇美壯年容我悉心醉吮漱英華聽驅使那

知造物忌盈滿兩家賊劇無片紙我時力爭出陷阱甯

取緇帙棄行李一任旁觀笑癡駭誓與典墳共生死倉

皇網載亦何危烈焰熒熒及閭里當時倘或稍畏縮畢

生詎復能購此匪惟古本世希有坊間近刻亦難市茫

茫兵燹周四海羣兇專豈仇文字傳聞汲古與天一累

代叢編且傾毀巍巍四庫列南北盜竊燒殘歎同揆大  
江左右號書藪竭來間可收尺咫古籍銷磨過廿年詎  
不淪亡百千氏存者寥寥向曙星知待何年更能梓斯  
文未喪實巨厄那易收藏昔年似後來有志嗟罕觀如  
我蓄儲已稱侈他時就不復哀多考據詞章聊足恃政  
恐兒曹不知惜感賦長篇究終始安得爾輩紹箕裘三  
復斯言當提耳

上元水榭觀燈 巳下辛未

錦綵千門晃耀開萬枝鎧影射樓臺平街皎客排珠肆  
入水馮夷剖蚌胎詢詢兒童擡市去轟轟金鼓破關來  
十年不見昇平樂莫負良宵進酒杯

櫻桃花下作

櫻桃爭春最先放桃李無顏默相向似矜獨捷占韶華  
一夜繁英滿枝上花魂初醒遊塵世雨練風揉元氣王  
不怕東君妬早嬌玉佩銀璫簇成裝我來指眼忽明媚  
殘梅新換清寒樣朝陽初起射園林但見如潮搖滉漾  
興來斗覺天地寬幻想瓊枝百千狀不知大塊連朝翦  
刻若干樹安能眼底全收徧賞極酣暢卻思昨歲看花  
時寓宅株株苦僂傍今年移居此留戀廢園開落如相  
忘眼前殊麗輒歡娛睽隔即非情所尚喜新棄故每如

斯撫景懷人足悲愴安得此花終守到華顛莫使易境  
移情置閒曠

落花

誰令紅粉不消磨飄泊沾泥奈若何最是情緣無好處  
惜花時比看花多

四十初度

孔子論聖愚斷在四十年無聞與見惡一生其終焉馬  
齒忽強仕自忖甯不然豈知三代下英俊尤多患眾妬  
必名姝先竭爲甘泉俯仰稽士林高明誰獲全我本無  
擅長名稱漸腥羶我本無益人聲氣四屬聯譬之五采

居廬詩稿卷一

二

雉文藻掩孔鸞麗影空自愛黃閭潛已彎又如純色犧  
芻豢供牲牲求爲孤犢鳴已作太廟牽殊尤祗自寇那  
許壽命延一朝蹈罟阱痛悔不及俊文豹善隱霧庶幾  
保其天客至聞我論掉首咄我顛人世多畏忌人生何  
樂賢抑余猶有說慎用否泰權雁以能鳴畜木以無用  
完蒙莊善居問無取徇一偏明廷作圭璋叔世效石田  
書此坐右箴出處其懍旃

花朝戲作

百花後我一日生花應爲弟我爲兄昨日階前拜舞似  
稱賀我今來賞宜與花飛觥獨慚羅綺盡驕貴我生貧

病多感喟衣巾狼籍不冠裳得毋笑我非同氣豈知被  
褐別有藏胸中錦繡森開張與酣傾吐龍鳳章椽筆五  
采欺江郎足與嬌紅姹紫爭千場君不見謫仙結伴花  
枝下景物招來盡風雅無情遊勝有情者

懷

蠶豆紫花開滿川漸漸麥秀青連阡香杭垂盡此作天  
農人伛待羣相涎我惟舌耕不力田亦厭耘蕝思春鮮  
夢不到羊蹂菜園自喜穀食逾葷羶幾日租戶初刈稍  
收其以次來南山餽我果贏供朝餐重羅細麩糝椒蘭

居廬詩稿卷二

三

遂設薄壯施安乾如酥豆飯佐食單中有真味非烹煎  
快哉果腹何便便卻嗤日食費萬錢昏昏胸隔不下咽

輟耕歎

斗粟登場三百錢時經春夏常值千農貧歲熟輒賤售  
明年買貴來耕田無錢更苦屢稱貸一石償以數石賢  
不爾先時糶新穀價視秋成還半捐未耕已食又得少  
剗肉補瘡醫眼前縱令豐穰不到口年年負累那堪填  
穀賤傷農自古病今更低昂無一便富者益富利無算  
貧者愈貧情可憐去冬瘴甚牛徧死初正買犢須腰纏  
困約無資坐束手春深耒耜猶高懸閭井蕭條起愁歎



強半停午無炊煙難服先疇去服買東走兩湖西入川  
隴頭空白水活活孰把鋤犁來陌阡稼穡艱難此爲極  
我能獨飽無心煎誰爲農使勤平糶嗚呼不假書生權

感春二首

悄然獨自怨東風花月徒銷別恨中怪底海棠今更豔  
昨宵新與淚添紅

一任遊人樂歲華不隨浪蝶過鄰家翠軒無復歸來日  
那忍重歌陌上花

從母弟楊伯丞

元疑

自滇寄普洱茶

普洱龍團白璧姿都濡月兔未稱奇銀生異產誰曾賞

屈處詩稿卷二

三

日注超羣惜晚知小餅開緘光透紙新甌初試乳浮脂  
南烹未效薑鹽和飽我春濃睡足時

續絃篇

本不欲再娶其如慈命何援琴更求凰不敢期姪娥安  
得彼靜女視昔無殊科履霜可不戒千古同曰窶不幸  
遇驕悍誰能挽頽波三年鴟不雙將諧仍媿嬰彭城有  
逸女待字廿八過苦志慕梁孟塵土視綺羅仕族仰其  
賢登門空執柯母兄徇乃意不復覬盧家我聞詫奇絕  
殆非相遲耶殷勤走媒灼輒願締絲蘿入門齊宿瘤顏  
色勝醉醅對我屏靚妝椎髻不掃蛾豈不畏我嗔知非

意所加井井治中饋婦功乃良多母樂忘喪婦兒親不  
尋翁喜上齊眉案自今免蘆花更慰萊氏妻安貧無怨  
嗟笑指萬卷書詎別求生涯士生滔滔世富貴理則那  
傾耳契素心可共槃澗邁客至考新舊恐有縑素差聞  
說卽相賀還君安樂窩願語地下人無媿稱少霞

閒居雜詩四首

三世來東里三遷祇樂溪田疇連罷亞花果列高低  
燕才收杏山鮮欲熟梨及秋無旱潦便不糝羹藜  
愛日甯窮守安能事壯遊謀生雖偶出異地肯長留莫

屈處詩稿卷二

四

謂門間望能將富貴酬終慙營養拙甘旨且含羞  
浮名身外物冀得慰慈親強仕猶空谷何時應要津非  
關無識者自不唱巴人千載稽行誼宵當問屈伸  
先人遺籍在朱墨繁縱橫著述惟三禮精神聚畢生趨  
庭承旨趣入室想深閱世業慙興眾猶思緒論賡

獨來遊地已荒廢聊勝摧殘卽景志感

亭屋無恙惜荒蕪也玩餘春到日晡淺草侵庭生蚱蜢  
落花黏網誤蜘蛛游常依岸魚遺子飛怕離巢鵲護雛  
回憶午山名勝地那堪樓閣化樵蘇

夜涼久坐

無計可逃三伏暑幽棲尚苦日如年便貪夜坐除煩熱  
靜滌塵襟少睡眠江近竹風涼灑灑月明松露瀉涓涓  
來朝擬向磯頭釣濯足清流更爽然

蚱蜢謠

蚱蜢如蝗不害稻見人羣飛上禾杪鄉人拚取計升斗  
沸膏透炙令焦槁嗜者矜夸勝食蜚我獨不能嘗少  
今年忽變啖苗葉禍同螟蟻僅差好農夫相訝神所使  
轉戒毋傷聽其飽或醜金錢禳田祖神若不聞空請禱  
嗟哉歷年薦饑饉夏日苦早秋逢潦黃穗沾泥半出芽

屈原詩稿卷一

五

枯稻有秕全同草疲民淚滴禾下土得不償勞真食麥  
今年六月尚插秧高田無水一歲了欲種山糧已後時  
荒穢後難施鏽趙晚穀收遲不可恃若遇秋風便中天  
鄉人種稻後時過白露始成穗若天稍寒穀即不實謂之遇秋風 西成祇望三之一更  
堪蟲蟹等原燎我念蚩蚩亦何罪災督得非民牧造四  
蟲自古有由致乞貸昏冥隨應兆高坐堂皇詎不聞疾  
心肯為回蒼昊

感事

文章憎命又誰尤富貴浮雲可自休冀北所傷無伯樂  
天涯何處識荊州朱絃沈響難傳恨白髮無情故狀愁

不作揣摩蘇季子桑榆待價會全收

長歌行

過去已如夢未來那可知我與年光共流駛今時不樂  
須幾時山中萬戶廟堂相兩皆遼絕不我期惟有眼前  
得真趣捨此願外甯非癡我心為物作傳舍何嘗一事  
如所思故應撥棄種種念興來詩酒相娛嬉酣歌白眼  
俛塵世等齊得喪超軒羲天生我輩着此際不爭勢位  
爭文詞翦翎籠中看翔鳥那許振翮摩天垂萬卷叢中  
一枝管鑄鏡造化窮瑰奇若要不成作歌頌 詔恩徵  
起趨彤墀中和樂職何足道追慕清廟生民詩斧辰非  
常賜顏色燭撤金蓮歸鳳池大勝名花美人宣進謫仙  
子沈香亭上承恩私儒林佳話播千紀何取一朝富貴  
死不知為誰

屈原詩稿卷二

六

曉發八里水經樂闔城等處天氣溫涼景物絕  
勝而昔年遭罹賊害乃尤劇此余河梁傳故居  
近地也因思明萬歷間我祖吉水游擊公以偏  
將軍從劉綎平播莛班師被論回衛留部屬領  
舊兵屯防遵義仁懷公任分守郡之西境後與  
士卒悉家焉今凡在西鄉稱江西籍者大抵公  
徒屬也自黃白號賊之亂族人及眾姓重被夷

傷悲感賦之

晨雞送客出主人睡穩熟溼衣露華滋寂寂兩主僕疏  
星淡以隱明月墜前谷青雲忽成霞殷紅半天燭瀕洞  
翔陽升灑灑下高木晨氣何澄鮮煙靄一村綠溝渠繞  
原隰松杉蔚林麓中途揚杭香已見刈早穀繡壤古上  
腴滄桑感在日華棖變瓦礫芳園走麋鹿居人異鄉音  
強半來巴蜀關除爭戰場草草架連屋且喜事耕種收  
成有餘粟新畝雖瘠薄口寡食易足所傷土著農戕賊  
幾類沐蕭條數家在孱懦生理促此邦溯明季征戍留  
部曲占籍二百年十九西江族我祖副戎行分防領若  
屬戰守多殊勛葉禩故蕃育奈何懼寇亂庶姓同殘戮  
輸與益部民布漢此焉畜代興固天數遭喪一何酷對  
此殊茫茫長歌勝痛哭

屈處詩稿卷二

七

田家竹枝詞次東坡漁父韻四首

田家父衰老去漸與子孫交付小兒幼弱獨偏憐不敢  
多分田數

田家媪婆娑舞望斷女兒歸路一年私蓄苦無多分送  
壻家幾處

田家子鋤日午夜冷卻披殘絮生兒能讀一經書便是  
開天盤古

田家婦擔輕舉白足不辭風雨四時相約拜觀音爭說  
慈航普渡

秋雨歎

久雨不出戶天愁人更愁肯放十日晴兩愁俱罷休孤  
負好溪山擲向濛濛秋顧我太閒適無妨阻遊眸可閔  
山中農不能種趁趁節候過榮菊及時那可求頻年穀  
不登如病耗難瘳今茲虐旱魃亦間傷螟蟬或無禦冬  
蓄不如禽養羞蜀地赤千里饑民競來投邑增數萬口  
歉歲尤難周其間業農戶給令耕荒疇紛紛百技輩素  
不操鋤耰食粟家過六安飽何道由豈值穀昂貴行見  
轉壑溝窮餓百巧生風俗逾奸偷明年麥失時土著亦  
亡流人無救荒政天殃連不收我邦凋敝餘十室一二  
留剝極復恬熙謂可含哺遊彼蒼誠難問補救期人謀  
鴻磬滿中澤誰為杞人憂幅錦倘容製試可游刃不

屈處詩稿卷二

六

郡城遇大雪

十日一雨阻不歸雨盡雪來眠不知衾裯但覺有芒刺  
凍不得臥晨披衣開門潑眼晃生暈浩渺一色無流漸  
登高彌望匝野靜厚蕪城郭深沒隄伊誰鑄合千萬象  
化工不懼開無時氤氳陽氣在流水一條溪贖青玻璃  
連年冬煖凍不密地氣上泄陽先施農耕艱苦穀鮮實

風雨不節秋嘗饑今年預擬兆豐稔臘中三白來如期  
田夫飽賀盈尺瑞豈獨糞壤添饒培土脈浮虛飭膏沃  
高低稻麥皆榮滋行看大熟補歉歲造物始信無偏私  
林間凍禽勿叫苦與爾共飽如京坻

贈別詹序東

廷鑄 遊尋甸幕

烽煙六詔久荒涼況復冰霜接點蒼君去豈緣思蒟醬  
我窮例厭索檳榔早知駿足輕千里可忍毛錐處一囊  
從此代飛如燕雁何時夜語更聯牀

索債

閒歲不客遊負欠如邱山債王朝登門出縮兩不安料

屈廬詩稿卷一

九

必如催科隳突門庭間徐察無怒容面見訴所難雌聲  
乞展限生恐不我寬若人轉相慰來索實醜顏非不諒  
君貧其奈家亦殫不爾此區區肯以逼促干俛首不能  
蒼仰視同辛酸感逾稱貸時遮留共盤餐但有償子資  
不令再往還

客文蓉溪家歲盡始歸去時書以贈之

我來苦不速一住十五日傾蓋如舊雨欲去還復尼諧  
笑翻濤瀾議論費梳櫛主人固磊落狂客自怪詭殘臘  
已祀竈驚心歲云卒奈何不顧歸悠悠此間蟲推甕看  
東鄰到豕聽西室相邀飲別歲蟻磨紛迭出延賓問及

我自覩殊匪匹親故各依依羈人祇自失家山好顏色  
歡會少我一況可念庭內心焚甚首疾狂謀外莫遂旋  
返竟不恤落拓誰似我幸勿見鄙黜中情不得已苦難  
向子悉明朝且東去背人自咤叱

母壽日賦養親篇以自責

已下玉申

人欲盡子職勿遽言安貧誰云孝子供菽水承歡乃勝  
謀雞豚六十非肉不能飽忍以粗糲當羶葷不慙無力  
潔修髓漫說養志堪娛親大抵高堂隱憐愛恐覓甘旨  
常艱辛苦辭淡薄素安飽未肯口腹勞兒孫豈識蠶鹽  
強歡嚙盤殮相對暗慘神本不下咽尚請益祝哽空自

屈廬詩稿卷一

三

煩虛文莫便高談到不匱口體且盡如曾元我生長作  
窶人子少年忽忽不貴仕生出窮鄉寡兄弟不能遠去  
離毛裏縱有名賢拔杞梓其奈盤匱要親視終年足不  
出百里此邦無所用其技又難借俗致財賄三牲五鼎  
空相擬寸草春暉恨無已公堂上壽勉稱兕外貌欺人  
祇觀美自問餅蠶得毋恥速舅娛賓陳八簋未能免俗  
聊爾耳隱藏缺陷勝屈指孝思何在難言矣

春晴出遊回憶冒寒奔走感物書懷

開春一月不見日惟有冰雪如隆冬我勞履破笠穿縫  
閒逸乃逐鄰家聽清晨微霜犯寒起朝暾喜見開曠曠

煦煦陽舒氣始弄溪柳搖曳波流風撥棄萬事且尋勝  
白花未綻已含孕芳林生意初盈眸山鳥新聲忽增聽  
白鷗泛泛不驚避相與忘機引幽興意如警我空疲奔  
故見閒身作前證我生本自便山林竹籬茅舍久甘心  
風月嘲吟管城富煙霞追逐桃源深一念高堂顧甘旨  
錐刀競俗霜毛侵榛菅誰念拾幽桂軒冕莫肯低華簪  
人生得喪要有數力耕負米隨所遇強與造物爭權衡  
屠門大嚼終懸慕不如息影還其素管領江山便去住  
桔槔俯仰空隨人春月春花等閒度

次前韻答黎受生 汝謙 表弟見和

居廬詩稿卷一

三

文章後進今誰工如與螻蛄語春冬牝牡驥黃尙蒙昧  
骨相況可論奇聽居然置喙辨白黑可憐夢嚙昏矇瞶  
退之驚倒子美泣竟可閣東騷詩風惟君妙質得天勝  
伏案功深富包孕摘藻如茶豔眾觀劇談中紫移人聽  
嗟我張軍值強敵矛盾相持動高興窮多鬪險鑿新奇  
白戰不許資援證卻思名作古如林濃淡平奇出匠心  
邇來沿襲公剽盜遑問淺易文艱深老輩風流歎消息  
虛窺涯涘衰年侵欲挽頽風乏才力騷壇倡率期朋簪  
君才遠不計里數與我代興亦奇遇宏鐘鏗錡奏大呂  
願我風琴那堪慕君新織縑勝織素喚醒癡兒枕中住

滿堂會有出羣材衣鉢南宗待君度 受生方授生徒

受生再疊前韻因與其兄功甫 汝弼 檢閱鄙著

共稱祖述韓蘇余不敢承然有志焉仍次原韻

論已之所以為詩兼索功甫和章

我詩人巧非天工寒蟲幸免號窮冬經營慘澹欲畫骨  
卻輸曹霸真花驄貌為韓蘇近髮鬢春花霧裏看矇矓  
鷓鴣寥廓翔萬仞那許騷衷追遺風翻思學力亦據勝  
媚川要必珠胎孕天花縹緲維難窺人籟宮商尚堪聽  
琢句昌黎闢蹊徑引韻髯翁工比興若不探原此問津  
漫云入殼人誰證我才不入盛唐林亦無温李錦繡心

居廬詩稿卷一

三

元白陳黃盡甘旨鯖味難合侯門深元明以降更鑿枘  
酸醜異嗜那相侵獨有二公若引臂或免柱杖敲折簪  
君家風雅固奇數合璧聯珠世難遇叔黨箕裘古或聞  
雙溪總武尤堪慕 東坡三子過字叔黨有斜川集子由孫播傳雙溪集余外祖以詩名家  
兩舅伯庸叔吉繼之皆有集 媿我頽張與醉素邂逅鍾  
至功甫昆仲仍續緒篇章 王足難住仲子年來底效瘖一鳴驚人看初度 功甫久不涉吟

生日走筆戲書柬諸弟索和

蘇家老兔生於菟我本虎兒無端幻作媿 先子生丙寅  
卯辛 曾隨吟嘯生雲風指揮黃熊駕羆豕邇來欲攀桂樹

奔月中卻騎蟾蜍因遲鈍眼光百步猶餘威擾擾毛羣  
望風散所嗟駿猛少匹儕幸無傷子與食妃不願生兒  
如狼特願健如馬俯仰龍旂華屋下

梨花吟

香風花底濃明月花間淡我歌楚詞花若聞低昂宛轉  
含哀豔花知我意今在誰東西南北皆欲之形骸偃蹇  
恥蒙垢到處舖糟兼啜醪歌聲悽咽上徹雲倒冠落佩  
幾難持花雖不解語專以神相與不見千紅萬紫鬪妍  
媿獨辦縞裙練悅清如許自然富麗出天姿占斷芳魂  
絕今古浪藥浮花何用相爾汝噫吁嘻收涕不用悲對

居廬詩稿卷一

三

花聊舉卮沁我肝膽醒冷然發深省定心寒骨玉皇家  
轉張幻警今有加分明陶令白衣相挽去安排十日同  
心住明朝尋我雪浪雲濤最深處

將適銅仁留別功甫諸弟

平生劬碌爲文窮廿年顛蹶塵埃中蠅頭龜背得幾利  
夢魂空繞蓬萊宮偶陪高車見禮異驚心繫指歸匆匆  
盤匝瞬顧惻饑饉又待返哺奔西東一年往復銜泥燕  
弱羽憔悴無栖蹤眼底關山坐愁絕星霜回憶增忡忡  
干戈雖異歷虎口腰膝已遜趨蠶叢昔年三次走蜀皆步行出入君  
看種種髮如此豈是風塵奔走躬明知多言造物忌久

欲緘默安羣蓬肺肺槎牙不可遏况復諸君牽晉馮唱  
酬未竟神早敝驪歌那放華筵終依然鹽車困老驥離  
羣空教嘶朔風卻將花月酣飽句擲向雲山千萬重南  
樓片羽有哀響是我寄調隨歸鴻大千來去等一息蒲  
觴遲我同開胸

辭親

獨子當時去萱堂已重悲更堪衰病母還送客遊兒罪  
豈由貧致行終爲拙虧治生今悔晚空自苦奔馳

別內

經滿前人去來債又在君旨甘防習厭色笑重殷勤家  
細全相累門單任孰分要言千萬種臨別不知云

戒子女

我強猶有母汝穉便無嬰所幸新毛裏居然舊惠慈若  
曹非得庇阿爹那能離好自相親照毋令遠繫思

大丁門

盤盤上重關高寒雨初斷雲腳起遙岑風頭送輕煖天  
遣放晨霽飽我看山眼俯視數百里激激無近遠羣峯  
占巾地略不讓平坦迫脅或攢尤疊累增蹇崕坤軸重  
愁歷方輿擠慮福千奇不可狀百態非意撰窟窿差可  
量脈縷那能辨通川絡其間縱橫類溝畎初疑彼任爲

既駭神所辦特訝造化初巧布定誰遣平生習登陟歷  
此莫從算無福栖園林即境暢流眄鄉關在何處去去  
不顧返向後甯忍思當前且安踐想出叢縹間刻劃好  
崖窾不用一錢買延攬胸臆滿小市露腳底落篋得朝  
飯感念鄰賊紛遵涓此關鍵一夫當萬人天塹尤為限  
奈何棄不守井里聽屠剗歷歷數遭罹怛怛尙悚難時  
平置無用徒令客足繭冒涉自茲始長途幸敦勉

龍潭村

迷路入村塢回曲過林泉十里九問途臨歧輒停履寥  
寥野人居幽幽花柳川雲嶺時聞雞煙叢惟響鶉豁然

屈盧詩稿卷一

註

開平疇中有未悉田農忙率扶耒叱叱加驅鞭八哥上  
牛背燕子穿人前開畦浪滄澆水秧芊芊田家布種  
後五六日  
盡決田水令只浸稻芽秧始能着泥植立謂之曬水重為耕鑿眈倏忽又五年依  
依聽相語懇款無佻儇是皆朏樸民九死出願連當時  
恣睢輩那見遺子全留種在良善天命無頗偏媿我不  
及汝風塵坐牽攀安能聚骨肉作息守一廬不知有離  
別條然到華顛

文家渡

延江萬山中是渡皆險絕鳥道懸半空羊腸轉百折高  
疑雲上遊俯訝地底裂兩巖夾驚湍一葦縱飛雪朝與

前山迎暮始後岸別茲川上下流備嘗總一轍今來越  
諸嶂漸逼濤響咽不問知危津未到氣已結况復值雨  
瀟保無偶蹉跌欲前卻顧念一墮不可說牽挽蝦蟆下  
旁眩戒眼纒江干得所憩茅屋倚積鐵夜思轉增悻可  
屢試危輓喜得沿流去免犯前嶽僻三日待船至悶坐  
復捫舌明朝快解纜百里瀉忽瞥一洗憂鬱腸諒無再  
更閱

謁李同野先生墓

先生名渭字混之號同野思  
南府人明嘉靖甲午舉人由  
華陽知縣歷官雲南左參政致仕歸卒萬曆二  
十二年諡崇祀鄉賢郡人別立專祠以奉之

我來禮拜想遺徽馬鬣高封賸落暉肅爾瞻前還在後

屈盧詩稿卷二

美

敢云人往並風微盛名不共江流逝藏骨端宜聖域歸  
墓在府治對岸延  
水之東聖嶺下惜祇頭銜深刻在碑銘惆悵逐灰飛  
自墓飛  
史蕭重望復撰刻祠記自  
經賊焰禍與二石並毀  
壯年喜輯前賢事德業如公已絕倫正學先行人孰繼  
斯文曠代迹都堙遺編豈是六丁取先生著先行錄問  
答毋意編大學中  
庸問易問簡寄大儒治規詩  
文集雜著各種遺訪無一得手澤先為同穴塵先生墓  
左為石室生前秘笈及手稿盡藏其中以殉上合為一  
大家切冢前樹石壁如坊然右題官閣左為取定力題  
明與好學何處吉光留片羽高山空仰不存真  
君于六字  
捷山鍾毓冠羣英不待文王自挺生當代齊驅惟學孔

別明致中理學諸公以先生與清平孫文  
恭公應龍稱最文恭書室名學孔精舍  
陽明先生官左參政時與王陽明弟子羅近溪同僚  
得其力自以為源出陽明實則早年已自成學  
千年起懦方無恨北面陳書未足榮  
傳神廟於潛邸  
而誌傳皆不載  
柳下壟全兵燹後邦人何以重題旌

宿林口店

朝行巉巖上暮宿巉巖底側睨向來路人馬細如蟻知  
再經幾巖始及見銅水夜夢更可駭身落巖谷裏驚醒  
汗如濯恍猶見巖似吁嗟行路難此境亦云止若使王  
陽來回車早旋里未到思匪夷既涉恬不悔諸艱要歷  
試那許避尺咫殷勤問前途喜有平如砥兼儲好巖壑  
迎送遠遊子萬事均乘除苦盡得甘美清晨賀昇夫但  
去莫怨訾

江口放舟下銅仁

辰水出三山高低亂奔注  
今銅仁大江發源于梵淨山  
源別有小江亦源此山分  
流大江之北會於府城南紆遠出重險乃接行客路我  
來經兩岸東西不勝渡沿流百里下始得船代步難尙  
多於麻衝波動激怒輕舟滑投梭底圓如剖瓠滾浪善  
轉側不畏觸石誤因險為之制此理良可悟放溜瞥逝  
箭顛眩難起住真如天上坐飄浮乘雲霧負賤輕江湖  
聽命了無懼灘聲霆急走石脊魚來沂樹樹相切磨山

山盡馳騫到眼景百變知去幾里數遙遙指銅仁樂險

又一度

屈盧詩稿卷二

屈盧詩稿卷二

三



屈盧詩稿卷三

遵義 鄭 知同

古今詩共六十五首

黎平胡子何長新先君子高弟也官銅仁學博

余來造訪話歷年事以數朝夕感賦二首

一別悠悠廿二春舊遊如夢迹都湮閒官羨子能耽道

五技憐余不養身眾母劬勞甘下考君襄辦黎平軍務城鄉賴以保全者

十年不肯言功陞擢僅保阿婆塗抹早從人君以進士告改教職

紛紜競俗無時已似我焉能望後塵

痛念先人舊禮堂仲師承業願難償汝南經術歸毋歛

屈盧詩稿卷三

高密碑文屬趙商自足鴻詞驚海內苦搜遺獻表桑邦

曲高便恐難為和清徵孤吟祇自嘗君哀韓黎平名臣事迹自何忠誠公

以下考核詳確兼采前朝國朝全郡詩文下及可傳雜事並有成書半已刊行

遊東山

我從山水窟中來胸中巖壑爭奇瑰幽居一日不可耐

遊心久已飛崔嵬青山特肯入官府舉頭豁見層巒開

不向山中識真面領取鬱蔥佳氣該此間畢竟不可無

我到雲木蒼蔚瞻環回絕壁臨江屹為郭褰衣跨上凌

虛臺仰企琳宮參差半出沒俯飲蒲萄綠漲新醅酌回

憶經過絕幽處幾許妙句中藏蘊當時收攬未探吐森

然觸類撐胸懷不待追連並傾瀉隨風化為煙霏變滅歸嘶崖

遊銅巖

雙流交會為奔湫一巖矗立森當中濤頭終古撼不去

凌波一朵青芙蓉洶洶水勢觸城闕特遏其怒膺其衝

從來造物隱布置中流砥柱誰言功徒與遊人作名勝

清吟摹繪增詩工搖兀輕舟命儔侶躋攀危磴穿玲瓏

白壁淨指雲母鏡綠陰涼透玻璃風回瀾掀簾忽浮動

悅乘無蒂蓬萊峰孤山負絕金焦雄少此特絕難為同

銅水山川甲黔郡奇觀更吃添奇蹤人生遊迹雪中鴻

屈盧詩稿卷三

妙景與我難追從善遊要令如善讀東書尚有書羅胸

那用陳編日相對幽尋恐不來重重

偕胡檢臣生同顧勉齋立道二生出遊銅仁城

東沿流里許憩觀音寺渡江歷水星寺迫岸登

豐樂亭周覽而歸

銅山面面皆畫圖無一鈍置清而矚佳處如文不相襲

各極其妙韓歐蘇謝公百變寫生手並有絕勝供追摹

奚囊到處索新句窮探竟可長年娛我來小住欲奪取

盡網市利同貪夫城邊看遍指郭外一日括舉東南隅

略觀大意亦自足每到幽藹還踟躕綠陰兩岸夾明鏡

東菴壯麗西菴孤麴塵徵漲渡輕舫風亭水榭穿紫紆  
斷巖回合最高許尙少傑閣凌空虛恰似樂安溪上路  
柳洲琴島春晴初前行得意欲再往同遊已倦催歸趨  
濠梁莊惠各異趣此樂二生知得無誰寫巖濱著我處  
現示百身良不誣如此江山任消受過眼祇惜成須臾  
他日淹留借閒宦擬向水曲安茅居

四袖堂歌

胡君建屋名袖堂四株離立庭中央一株獨茂左階下  
森然展布當門旁高枝齊棟下齊宇纍纍乳竇千百強  
烈日行天等張幕滿堂濃翠無風涼一株摧扞一枝在

屈廬詩稿卷三

三

兩株新植情如傷有似病妻與弱子老翁環顧神激揚  
賴有大袖作主張相攜並作堂前蒼胡君愛堂高且潔  
胡君羨袖貞而芳豈知堂成袖足蔭鵲巢乃預爲鳩方  
堂端置几硯堂側施胡牀臥看好陰影時聞送幽香起  
從樹下八九旋還來堂上歌翱翔我生何福能辦此暫  
据而有計亦良最勝十月經清霜想見屋角垂青黃但  
恐我去袖無色寥落堂空誰詠觴得無懸榻更相遲莫  
遣長懷三宿桑子何欲蒐輯黎平詩擬以秋後招余蒞事

觀龍舟競渡

天公愛人樂佳節和風麗日收愁霖舊俗龍舟弔忠魄

眾艘鱗鬣齊森森船頭樂舞船尾訃趁突波濤爭並擢  
百夫齊力去如飛抨擊投江轉相笑傾都士女出遊觀  
輕篷軟槳紛羅紈絕妙淺斟低唱處管絃分取忙中間  
老夫正復興不淺攜朋小艇隨流轉湖亭空有水嬉情  
無意司勳賞姝變感茲都邑楚南疆應是靈均投足鄉  
遺烈千年尙餘思魂來剌剌其靈揚承平歡宴漲人海

無復當年時曖曖迎神舊曲駕飛龍愧我才非九歌大  
九歌駕飛龍兮北征以下皆言迎湘君之事注家言以  
龍翼舟余謂此即龍舟之始可知楚俗以龍舟迎神在  
屈子之先後人即卻悟喧呼金鼓悲驚走竊食饑蛟螭  
昔人制作有深意菰米無煩纏色絲世俗何知有此等

屈廬詩稿卷三

四

但取樂神神亦領獨憐孤憤苦沈冤給與荆吳恣遊騁  
年來忠毅滿沅湘誰堪配食水仙旁尙有神魚隆報賽  
何年觀祀中湘王黎平何忠誠公爲神魚託生明封中湘王湖湘間廟祀特隆祭以五月迎神之日具歌舞百戲亦鉅觀也

夢亡室三首

五月二十二日

華容綽約宛生存如怨如思未遽言但說遠離由作客  
竟忘已死是歸魂兒仍脫乳投爺抱女尙垂髻泥母喧  
此境當年已成夢禁他重幻惹煩冤  
不緣生死意爲移夢裏音容總未期應念客孤來慰寂  
那知觸緒轉增悲倘令夜夜長相見猶勝生生再合支

蹤迹起尋燈影時枕衾依舊自憐癡  
精靈果否是平生千里關山累遠行慈孝料應遊漢上  
往來自合駕飄輕是何居處偏無語難洩天機豈隱情  
謫滿何年煩問訊待余鸞背共吹笙

還家

去家八百里往來經月途驚心切母病兼程返蓬廬青  
衫犯酷暑人馬同瘡痛倉皇省慈顏早臥黏籬條未及  
詢所苦已起牽兒祛酸腸靜聽訴聲淚同紛挐眼穿望  
兒還迫於倚門閭便恐見無日隱痛忍言諸旁人百解  
慰焉知恨所茹疾劇愈思子思苦疾有逾無益祇自煎

屈原詩稿卷三

五

明知不能祛豈無事我者那得與子俱憫憐好新婦力  
竭勝勤劬汝不幸重媾常恐天喪予平生無多產似子  
又見渠幾見後來人曾無縑素殊翻愁太拮据勞瘵將  
何如下顧兩雛孫亦賴銷鬱紆大者脫羈馬離師歸廢  
書縱樂不可名幾欲壁上趨小者竊食鼠搜物向暗隅  
惟聞嘔噎聲母慈不肯呼衰齡不知怒觀此轉寬娛要  
非兒在前恩勤見親疏久不得兒書慮兒益遠驅連宵  
夢異常疾痛或可虞客中倘在苒艱辛過家居來歸幸  
尚健已較去日驩但遺兒無恙還依我襟裾天幸又生  
旅沈疴當自除哀哉罔極恩負咎高邱墟孝子軫念親

有此懇摯無親不恤已病轉憂纏子驅誰言居無養遠  
遊常有餘看羞羅晨昏允贖此罪歟攬涕不忍思肝腑  
同屠劊苦吟用自警輕言離侍乎此詩誠也隔歲即不  
能生聚矣痛哉自記

養親長恨篇

古人不可見誰無慚事親似我百不遂反覆請痛陳母  
昔養兒時食飲化為乳兒飽母精枯那願異日苦轉瞬  
母衰病兒方強采頤嚼噉等填塹母僅能餽糜貧家薄  
菽水負恩勿庸說朝夕謀雞豚舉箸同哽咽欲刺血為  
羹不能強母嘗欲割肉為脯不能充母腸總角母飲兒  
彌日肥且壯遲暮兒奉母骨立如許狀兒在襁褓年偶

屈原詩稿卷三

六

然一呱嗚母輒察所苦保抱調笑之今日展轉聞呻吟  
恃殘喘肢體無一安扶持豈今善母與兒以驅望望成  
偉人那許還骨肉重增母精神有母善鞠育無德可表  
著有兒能孝養賢聲眾稱譽鬼神亦欽賞人閒居首功  
準情何足異相資如蟹叩母活兒幼少兒哺母衰老譬  
彼負債耳取償遽云好何況歉在在不令報得當忍念  
曩劬勞忍見今臥僵痛恨難為心欲遁冥情境不爾即  
無生使我不識省回首卒不能冤憤與天長究竟此何  
理誰為窮蒼蒼讀鄙作而不墮淚者其  
出自空桑之子乎自記

道過思南留莫莖升

庭芝  
六文學署中賦呈

昨歲三月望中途謁先生今年適如期重來登學橫謂  
何巧似此笑出花間迎白髯沁紅頰不懼神自清德容  
溢睟益喜劇色更盈引坐時園旁溫語何諳誠心期別  
有契迥異世俗情太息十載中斯道大厦傾先正各凋  
謝靈光歸孤撐而我歎索居放散不可名一年一度見  
何以資典型且慰張從韓歡言達五更上下馳風騷不  
鄙爲聾盲卽委編纂任持示珠與瓊作難識不易幾人  
精鑒衡雖非南郭竽敢信鍾期聽倘迷日五色拙目唯  
匪輕難違長者意且諾挾稿行本不欲遽去前途負居  
停天遣聊淹留霖雨爲阻程小住能幾時終隔騷壇盟

屈處詩稿卷三

七

青田足丙舍解組期暮齡裴生近鄰王唱和長隨聲此  
願庶不虛永勒肝腑銘

次韻答周少房

良才

元詩意以不及事先子  
爲憾欲從學於余自註

先人平生學巨浸匯百川南黔關經術北海承淵源篇  
章及餘事高摘韓杜傳楚豪見陳良手障西北天斯文  
在人世早入心脾鐫側間士林論幾擬獨步賢忝趨詩  
禮庭幸廓滄溟觀蠅蛤照速化蟾蜍免慚顏亦匪有異  
聞道在腹笥便莫遠咤嵇紹無遇中散緣汪汪千頃陂  
豈酌餘波漣翻惜禮堂業時無甄子然何敢望私淑把  
臂相周旋雖無房子春那便當成連

由思南萬山中行抵茶寨始見平原景色一新  
馬上口占

山行偈仄出巖阿春到村莊訝獨多四面花香圍麥氣  
一團鳥語趁農歌祈蠶鼓疊晴初放沒馬溪深雨夜過  
遙識家人相擬議行程今已近烏羅

卻寄內子二首

征鞍勞頓幾會停慚愧年年折柳青遠別再逢三月暮  
早眠最怕五更醒戀家老去還逾少涉世艱時等被刑  
滋味箇中人不識料君端爲惜惺惺

屈處詩稿卷三

八

漸濃春色是離情臨歧早怯長途苦失計先輸百畝耕  
特恐此行殊白眼淹留歲月爲牽縈

袁杏村

開第

觀察見貽次韻奉答卽以述志

半生隨處覓居停宦海茫茫眼孰青抱璞幾曾容我獻  
舖糟今始對公醒詩慚門捷猶追步學愧稱師許授經  
試問孟嘗門下客阿誰彈鋏動人聽

讀杏村詩稿再疊前韻題之

對客揮毫不暫停俊才何止海東青迷離楊柳朝眠起  
豔冶海棠初睡醒鐵版銅琶翻古調美人香草託葩經  
千秋猶有廣陵散謬附鍾期取次聽

觀龍舟競渡杏村歸讀余去年詩極稱賞變為  
短章用前韻見示復次韻和作

貧人蜂擁足不停富人爭上雀舫青獨放中流恣龍門  
波濤一鼓一噴醒未必忠魂要人拯果爾靈均殊不經  
舉國如狂自為樂終古汨羅幽怨亭

杏村再次原韻賦閨情索和三疊韻答之

喚起微酣不放停嬌慵斜彈鬢鴉青雙棲燕子還羞見  
悄語鸚哥恰未醒調笑風情渾未慣別離滋味那曾經  
遠遊莫向臨叩去屬付檀郎子細聽

會乙垣焄少尉次前韻見贈四疊韻酬之

屈處詩稿卷三

九

故舊天涯去不停空吟河畔草青青他山何意逢君助  
閱世能毋喚我醒絕愛寫生窮造物自慚無用枉通經  
蘭言祇合同心贈局外區區那慣聽

五疊前韻贈乙垣

長夜傾懷燭久停為言遊覽跨齊青江山到處留題遍  
湖海歸來恍夢醒悟徹功名同泡影狂吟詩句蔑常經  
良緣且鬥詞壇富莫唱陽關入耳聽

子夜無眠尋味韓蘇詩到曉次杏村偶成韻

江城愁酷暑五月便防晴雨捲炎威盡宵延靜境生雕  
籠閒鳥夢虛室歛蚊聲頓起披吟興無妨寐不成

漫興次乙垣韻

當年汲古識夷途十載蓬廬守愛吾先子藏書別室自  
名吾亦愛吾廬  
詡翩翩雲外鶴肯為泛泛水中鳧功名誰待三年學老  
大空含四部腴轉瞬秋高聽鳴鹿未應長繫似瓜壺  
杏村觀察將去銅仁任賦留別二章次韻作

迷路蒼黎失指南室家何地樂耽耽烏羅片壤偏微幸  
賴尾餘生得濡涵小試猶將長策馭推誠豈為去思貪  
風人自動甘棠愛杜老何由詠拔枏

赤子驚心捧簡書羣如鳥雀泥階除與情難挽翼黃駐  
寵命隨頒小白余便任封疆占有牙那容湖上遽騎驢

屈處詩稿卷三

十

鯁生早得峴嶼寄代祝為霖未應虛

疊留別韻贈子何

禮堂絕學冠黔南先子晚自稱  
小禮堂主人絳帳談經白首耽幾輩

仰山嗟卻步饒君觀海測淵涵索居已是彌年久信道  
初無別趣貪梁棟儲材殊不易輪囷莫便老樟枏

廿年名不上賢書少壯豪情未盡除吹送青冥誰薦士  
紹傳紅豆重期余子何嘗比余於惠紅豆先生累  
代傳經博益精審無乃過譽功名

會待風從虎學力差勝磨轉驢特少異聞資俯問君懷  
若谷亦何虛

陪杏村觀察遊東山杏村先成一律次韻和作

羣山萬壑競相撐入郭奇峰特著名紫氣滿關雲外迤  
蒼藤倒谷日邊生嵐光低壓澄潭靜樹色高籠萬戶明  
獨有使君真得似東南屏障久關情

子何數數催詩且云鄙人遊屐所經以文字結  
山水緣隱隱中有相期甚迫者愧不敢居再疊  
東山詩韻謝之

絕愛飛巖截水撐欲留鴻爪託微名筆精那有道州妙  
山色還因謝傅生謂杏村遊客倦難工點綴靈祇空爲  
洗清明風琴幾疊難成弄獎藉能無太過情

銅江六詠次易笏山佩紳太守原韻和杏村觀

屈履詩稿卷三

七

察作

正人峰

吾聞古申甫崧嶽實具體亦有老坡仙峨眉挺生是茲  
山久儲精奚獨外觀美區區雙貴峰相對慚俛詭我爲  
禱山靈鍾育倘際此

文筆峰

筆勢挽雙江狂瀾不使縱峰在大小筆峰點石城盤陀  
作硯供銅城基地本力可扛銅巖鼎足不知重銅巖足  
相傳其下大空有三煙雲快揮灑花鳥助吟弄萬古插  
石柱承之如鼎足然楚南屈宋偶一用

銅巖

山勢不讓水束水皆叢山匪惟夾其動兼遏不使前兩  
江趨城隅孤嶼陵波開我來弄雲水忘歸日西偏羨爾  
不磨泐植根在長瀾

小銅巖

銅巖絕奇秀雖小不容沒下流一拳石頭地那能出類  
茲既迴殊連類可不必世論金雜鐘美反爲醜屈我相  
小銅巖奇峰別有一世所稱小銅巖在下流二里許巖  
岸有石甚奇然一頑石耳殊不相稱近銅巖北  
欲以此易之

水星閣

屈履詩稿卷三

七

曲水環峭壁屹立等城郭捨舟入濃陰始見廢池閣百  
年不修飾偶住僧行腳去歲騁浪遊苦被風雨虐今從  
五馬至晴窗聽求瘼

東山

朝對東山色暮入東山中穩識巖際樹慣看雲外峰山  
靈與我期不厭來重重但遣傳新詩莫孤鴻雪蹤爲問  
愛山癖更有何人同

題向霖三春膏桃源卜築圖

桃源古洞臨湘川幽人結廬居此間當年劫火不到處  
流水桃花今宛然畫師寫意不求似江山縹緲凌雲煙

瓊樓玉宇儼蓬島中有靜者探林泉人間何在非洞天  
要令塵俗無拘牽不遣天游淨六鑿武陵縱入非神仙  
君看託喻柴桑叟北窗高臥羲皇友下溪西田別有天  
即與秦人相比偶何年此地擬仙源兒時勝迹猶目前  
雲樹參天隱巖壑樓臺壓地連城關人龍矯矯數來集  
古貌頎然峨服冠物換星移又一世垂髫黃髮禁推遷  
地靈何代少人傑更看高風君樂全混迹屠沽正無害  
塵囂咫尺如天淵我亦名山寄蹤影相從訪道容追攀  
嵇康有分餐石髓王烈應逢五百年

張曉峰日崙觀察招延編訂龍溪詩稿遍閱一

眉廬詩稿卷三

三

過因題似之二首

才高何必問淵源自寫情真自立言坦易無妨同白傅  
新奇故不讓隨園清風明月來無際遠水遙山淡沒痕  
見說沅湘騷雅盛幾人仙翻謝籠樊  
邇來輕薄號文章法規規說宋唐刻劃無鹽猶自銜  
衣冠優孟儼稱長獨憑意趣無前古動協宮商不預量  
蹇步追攀安可及曷云旗鼓共登場

和曉峰留別郡人二章原韻

宦海紛騰等沸波好雲來去自舒和權時借寇偏無計  
信處留公且作歌上德難名誰指似歷裝稱富獨詩多

中和樂職如成頌應向諸生首選何

大用牛刀預刻期蟻封聊試馭織離陳遵何遽輕爲守

召父能無重去思蓬黍早沾南國澤公始爲遵義令曾

郡守惠改尤多甘棠重護十年枝先以癸亥典郡考成三載承

清問課最酬庸應及時攝那凡

題杜克丞衍慶大令憶岱遊圖並序已下乙

余自居艱以來不涉吟詠久矣甲戌秋客遊張香濤

學使幕遍閱蜀中佳山水哀痛之餘盡歸虛度年餘

服闋追憶舊蹤邈不可接此東坡居士所由有作詩

火速追亡逋清境一失後難摹之句也克丞老友揆

眉廬詩稿卷三

七

余釋服急持憶岱遊圖索題誼不獲辭第頻年舌本

矯強初不習爲朝祥暮歌之魯人茲固宜作彈不成

聲之子夏勉書長句應之工拙所不計也

吾聞五岳同尊岱爲宗造化神秀天然鍾眼高四海小

齊魯側身決皆扶桑東蓬萊瀛洲在足底天門夜半飛

六龍藐姑仙人值奴隸呼吸清虛招赤松笑厲滄海騎

長鯨神遊八極萬緣空歸來營邱之圖東高閣煙霞萬

狀起伏蟠羅胸當時快意疾揮灑已落迹象非全功阿

誰更識此中趣追逋假手知何從聊爲非馬喻馬耳按

圖索驥眞兒童問君四十四頂達封禪氣象果具尺幅

中欲令靈境長在日獨可澄觀以遊尋舊蹤

張香濤之洞學使約遊沈氏園林

成都名園稱沈氏十年曾羨遊人趾我時寄食豪右門  
側睨春申客珠履數聞假館宴賓從慚為大嚼過屠市  
久矣劉郎去後春又經幾輩玄都裏堪歎人間傀儡場  
當年上坐今賤子居停似識白圭辱雅集偏教雪初恥  
主人刮目迎降階依然曩昔書生耳風送滕王又一時  
苦稱題詠得佳士花徑石林迷去向曲池怪島指周視  
薜蘿松柏無世情竟為朱門屈身徒櫛森自不改柯葉  
蒼勁翹然歷桃李層軒面水最幽處古蹟紛綸競雲委

屈履詩稿卷三

左

朱繇鐵石誰與辨翻惜家雞雁刀几眼底桓玄寒具汗  
忍說王涯故垣毀盛衰莫復計他人榮瘁堪嗟殊一己  
從來雲雨劇翻覆無負當前騁觀美他年著屐幸重來  
又知看客情何似

返自甯遠雪晴過相公嶺

並引

嶺界在清溪榮經兩縣間上下六十里峰巒復疊險  
阻繚深半日躋顛高出雲表東望蔡蒙北望玉壘西  
望旄牛微諸山目極數百里益由邛蜀入西域走滇  
雲路所必經過嶺西行不及百里為瀘水瀘水今名大渡河  
宇記云雅州西去大渡河五日程乃蜀相征南蠻故道相傳孔明嘗

駐兵山下南人因名相公嶺以誌其德嶺之東麓有  
繩橋上下橫鐵琅璫作之舊名迎相橋殆亦蠻人初  
時所目大率嶺上自十月已往冰雪曦天春暖始消  
乃自來學使者甯遠試期例以隆冬與馬經行艱苦  
無以復加而相沿莫或改也去時雨滴不勝慄慄逾  
月雪來轉益危懼爰賦長篇用告來者

天半豁鮮皓積雪壓雲上躋攀出其間瑟縮愁在望羣  
情等乘城先登各爭尙安排勝滕六精力十倍償廿里  
造高處皚皚愈巍壯山石漫模糊陰巖可表丈尋途識  
人迹往往迷去向朝光懦無色冷薄不敢放縮風吹益

屈履詩稿卷三

去

堅瑩滑等裝潢上來窮躡躓下去倍招悵昇夫素尚健  
著脚即相妨凌競倒曳繚十步九跌踴簇擁爭扶輿行  
蟻攢肉狀左起右還仆一躡看蛙仰下有無底壑旁絕  
竹樹障不幸作石劬甯免魂骨葬寸移轉一處百險達  
平曠壯遊心頓灰信命理難仗更傳足精物過客語恆  
防叫囂驚其巢風雹輒為恙厥應如影響往驗舉相創  
傷蹶誰敢聲噤齒悄魂喪余問問疑信聊為解愁愴艱  
危良實然佻傀或虛誑不見古夏王神姦鑄鼎象山林  
禁不若災禍弭玩妄唐虞益威遠荒裔恣滌蕩四罪禦  
魑魅歛跡莫敢抗 華勳今繼明妖姦那容張街 命



別天使魁魘自秦報出坎絕怪變羣頌得神王直憂嚴

冬程僕從何冗長跬步輕性命如遇盜侵掠豈不便春

夏由來莫改創世事熟趨避茂法求自既一成不再變

文章獨官樣因循任積弊等此數無量塗炭民力殫夢

夢復誰諒賢者亦無術塞耳聽譏謗書生徒蒿日無和

發空唱香濤見余詩欲改甯遠試期作

由甯遠至雅州十二長亭中途即景偶得新句

既集為竹枝詞十首

年來蹤迹遍蠶叢閱盡村莊好土風獨有羣蠻長不化

氈裘終古蠢如蟲西昌越嶲半屬蠻民俗名熟蠻西南

屈廬詩稿卷三

七

獮悍冬寒悉披氈裏身如裙

窮荒猶似古狽綦偶慕衣冠等效羣癡絕蠻酋稱黑骨

卻教清白讓華人生蠻地華人不易入彼亦不遠出所

女去索重資乃放還否則設為奴婢易以彼服其氏

不或售與富室久不逃歸者即以男女配為夫婦彼女

不堪弱者致死深可痛恨華人生子名為白骨彼自

有酋長尊稱為黑骨復可嗤鄙然華人居其間傳一兩

世性情嗜好亦與彼無異或忘非其族類聞蠻地今已

半是華人但終不與為婚嫁也

越嶲六日始經過邊徼由來棄地多縱有良田皆漢姓

教他蠻子種高坡漢置越嶲郡甚廣今以名一縣猶縱

抵華僅及小邑熟蠻生息不繁智遠遜華人凡有平原大

生蠻則富厚者多因居化外轉

壁立山環五里城果然形勝有天生荒陬混沌無人鑿

市井猶親織與耕清溪縣治在相嶺西麓城四面峻險

之度不可攻領眾還走

杉皮蓋屋盡山家楷榭鑪邊笑語譁大雪團團飛上樹

看儂明歲好棉花蜀中平地少雪積雪尤不易得有即

好花布樹明年

著枕曹鼐便喚行籃輿擁出聽雞鳴曉來一覺醒前路

無限好山都後程

巍巍傑閣表通衢題署清官教養俱試問當年賢父母

屈廬詩稿卷三

八

催科感戴尙如梳

拋卻功夫士女歡三年一度見高官熱場到此真成戲

惹得村人當劇看

警聽窗閒話小姑官家怨曠幾羅敷上頭居處誰夫堵

客裏鬢髮便長鬚

羨殺依依婦子親那堪麟植久羈身居民不識田閒樂

翻說逍遙是貴人

眉州試院與蘇祠東西隔牆余分校士小住祠

中敬謁三蘇袍笏像退而賦之已下丙子

名世挺生不輩出真才千載隆一時唐虞九官周十亂

夏殷之際猶難之矧在同門具宰輔造化正氣專鍾斯  
前有元愷後八士最盛文子承丕基尼山大道允貽穀  
八顏五冉分據奇古今運會獨此耳道汗王降誰庶幾  
漢唐六代眇莫繼區區蘭桂芬庭堦荀陳星聚豈大受  
王謝風流尤小知遙遙曠代紹古昔宋家景運天偏毗  
河南夫子兩弁冕西蜀人豪參鼎彝齊驅競爽頡頏起  
德鄰不假他族滋程門窮理昌孔緒蘇家養氣亦孟師  
帝遣兩宗嗣鄒魯異派同源如合支末流紛紛詆雜霸  
蚍蜉撼樹不諒卑我生學道歎瞠後宮牆負絕無階梯  
壯心瑰瑋竊自僭文章經濟窺峨眉淵源契合豈無謂

屈處詩稿卷三

九

先人崛起巴漢西文安主簿有同調錫我小卯深相期  
蘇次公以己卯年丁卯月生長公嘗以卯君稱之余  
生年月皆辛卯少時先君賜以小卯君印用識嚮往特  
慚力薄困蹇步衙官僕隸徒攀追卻憶當年竭精感夢  
魂飄忽來江涓恍是老翁泉側醴泉寺適遇二公庭侍  
彈琴絲鞞躬請業不我拒仿佛徧記光浮頤竭來更近  
託字下想見駉鸞控鶴神遊歸故蹊獨怪升階展遺像  
迴與夢境相乖違橋仰梓俯已不類遑問龍章兼鳳姿  
稔識真像在真悟欲說已忘思匪夷果盡生平要妙隨  
在等觀面公聞此語應其大笑掀髯願求南宗乞與  
一勺水泉源萬斛可許臨津涯

登雲嶼樓和香濤學使作

蘇祠內環池沼外接耕桑花木龍蔥致爲幽蔚前歲  
試時學政手資付州刺史令增建高樓於水際爲覽  
勝之所踰年工作告竣今復按試顏以嘉名遂宴集  
賓從以落之先賦長篇諸君疊和余最後成章幸未  
罰依金谷酒數

眉州市廛比村落桑畦稻田滿城郭蘇祠十畝據西偏  
曲沼層軒繞蘭薄岑樓涌出池上頭綠陰翠浪看齊收  
江山平遠外無極一點峨眉天際浮廟貌輝煌久雄麗  
舊少飛甍壯奇氣壽樂堂開中舍來特愛山泉養仁智

屈處詩稿卷三

三

捐金創建三歷年落成今始招羣賢留題傳遍蘇與沈  
獨綴梅溪焚尾篇感念邦人重前獻星使他山代完繕  
官囊世上什襲慳小住誰能恣揮散到處卜築鴻爪留  
恰是東坡偕宛邱更聞嘉州闢亭塢指日快作凌雲遊  
初搨黃庭捧瑤軸那許風琴弄成曲若教著色序滕王  
坐客能無子安屬

觀鏡行

眉州畢試學使張鏡雲嶼樓與環祠水榭自宴賓從  
令胥吏大酬初疑事近游戲非主文教者所宜余以  
謂唐時新進士賜宴曲江宜春苑宴名凡九其一爲

月燈夜於閣上張燈泛舟作樂以觀之今當三月適  
唐宴進士時仿其遺意奚不可者退而賦之且意非  
樂觀燈別有所寄云

舊聞眉山絕頂千佛燈五更飛集如霞蒸光明普見大  
智慧屢欲快觀無由登今來眉州蘇祠觀寶炬上徹樓  
臺下池渚九華千眼繁星羅中煥文昌司命主豈特少  
時聚眾歡文翁遠耀方肇端蒼雅重光起楊馬無盡傳  
燈如是觀蜀中數百年無漢學宗法學使初莅官即創  
往講授以篆籀古經義為之倡率蘇子神歸堪絕倒三  
眾咸知所向往成功可計日而待蘇子神歸堪絕倒三  
味嬉遊識安道撐觸金蓮撤燭情定助奎文譽髦造添

居廬詩稿卷三

三

得明珠照座賓公鄉選勝幾回聞應過當年百變魚龍  
臨古汴萬枝星月看端門

到嘉定數日假寐胡牀有人衣冠稱故友來訪  
及見詫不相識問其姓以再對曰與君交舊矣  
歲久忘之耳稍坐起辭出一詩見貽似決後來  
事醒惟記空紅兩韻句了不知所謂以已意足  
成之

依然泥迹逐塵中獨放江山老眼空九轉丹成人不識  
要知鑪火十分紅

仁壽毛蜀雲 席豐 縣竹楊叔嶠 蜀中續學士

也香濤學使納之門下為講明漢學宗旨因與  
余友善亦同氣相求之理各贈詩二首

卓犖天才信不羈百家小技未稱奇且卑脫穎侯門客  
進取明經博士師怡好傳箋同契早更無劉賀異時思  
年來久已成瘖啞千偈瀾翻侍子知

無尊不信古今同誰是登高呼順風罔惜開山如力士  
端須異代起文翁清河正自埤蒼雅少路從知繼大宗  
漢初施孟梁邱三家易學皆出田王孫為孔門商子許  
木正傳施警授張禹魯伯授大山毛莫如字少路許  
鄭功臣今有在豈惟汲古擅元戎國初說文止一小字  
行世始見其書諸經注疏時亦甚  
微皆毛氏首刊于詩禮校訂多審

居廬詩稿卷三

三

百年文物滅西州渺矣常璩紀勝流有志及時鳴後勁  
多才隨地踐前修康成幸免輕根矩君緯何期訪子侯  
楊宣字君緯什邡人少受學於楚國王子張特少他山  
問天文圖緯於河內鄭子侯見華陽國志

攻錯力坐看廊廟進其球  
君家樸學漢儒先千載流風竟寂然京兆而今倉頡故  
子雲他日未央編漢初倉頡三篇俗師多失其讀宣帝  
以傳子吉吉傳外甥杜業又傳子杜林為作故與訓纂  
至平帝時有爰禮傳之元始中徵禮等百餘人令各記  
字解說於未央庭中以禮為小學元士揚雄采其有用  
之文續倉頡編為訓纂篇終於滂喜二字見漢書說  
文敘張博通奇字尋常事領取方言廿七年劉歆問雄  
氏書斷博通奇字尋常事領取方言廿七年劉歆問雄  
上計孝廉及內郡衛率會者雄常問其異語歸以錯摘

次之於藥凡二十七  
歲於茲即今方言  
莫道草冬終覆瓿相期日月與長  
懸

登文學臺階識 並引

香濤學使前於嘉定試院東偏隙地大榕樹下築亭  
臺可以望遠城內外纖悉畢見今來復試題為文學  
臺志先漢創業經師也讌集同人登覽賦詩當頌  
臺高不踰丈眼底生江山特立羣眾表巍然俯塵寰  
遊洽欣賞秀挹眉宇開羣峰趨兩江拱立如仙班一巖  
截中流勢欲掣挽還回旋卻迤去浩淼穿寥天四圍做  
幽蔚百里滋林巒遠近寫殊詭晨昏變雲煙嘉州古名

屈盧詩稿卷三

垂

勝曠日窮躋攀不謂官府居寸地坐攬延達人具天眼  
創造期不刊一朝自得趣他時人共便盛名乃不有題  
署彰前賢豈知芟棠陰指日誰忘旃今古幾興廢姑蘇  
麋鹿閑獨有高人居不並陵谷遷緬昔文學公雅注推  
造端此邦溯明經鼻祖更所專著述有遺址千年如目  
前健為文學注爾雅自經釋文止知其名為舍人漢  
方朔傳中待詔文選李注乃稱其注為郭舍人則為東  
是姓洪所製以武郭帝伴後人疑之錢大昕以為舍人  
周公所製要不可定今依蘇子由發嘉州詩云移舟近  
山陰峭壁無路云有古郭生此地苦綫注區區辨非  
魚非雅細分綴蓋蜀中掌故相傳舍人姓郭系嘉州人  
當依選注傳會其姓武帝伴相傳舍人是官此郭舍人  
是姓名偶相耳其官為郡文學卒史其注蓋嘗上之  
於朝故一本題云魏為郡文學卒史其注蓋嘗上之

今嘉定治對岸絕壁名經巖上有郭氏兩雅會歷幾何  
洞即子由詩所謂但近人又訛傳為郭璞耳會歷幾何  
世遂泯詰訓傳更始復在茲大義方祛拳著籍亦口授  
經緯咸羅穿先漢業再昌士競著祖鞭懸知後來俊陟  
降憑留連追維一時盛想見開講筵豈獨遊覽助尊共  
經巖堅凌雲猶覺卑琴臺空渺然

香濤學使星輅回觀進詩一章無任備述功德  
意惟祇頌恩私

屈盧詩稿卷三

垂

宙余末小子競守挈瓶遠慚繼述仲師禮經特做面牆  
遺詬趨庭踵武竭蹶果否景行志古違今十上不遇重  
嬰泯亂轉徙顛仆刃數磨頸幸脫斧鋸難靖親老困守  
衰暮順受優游知命何求自分巖阿枯槁與儔所不廢  
業懼墜箕裘敢藉養望聞達諸侯洪惟我公饑渴汲引  
撥拾砥礪進借瑜瑾優異禮數決去哇咻過量延譽增  
重楷箇沾及泉壤宅兆安卜使盡禮終厚資仁粟燕丹  
壽金要結祇辱匡章改葬情同質價唯公但誠報施莫  
名不責瓊瑤益媿鯁生借觥祝嘏微獨尊榮德懸日月  
永永颺廣

屈廬詩稿卷三

屈廬詩稿卷三

三

屈廬詩稿卷四

遵義 鄭 知同 伯更

古今詩共六十九首

舟行三峽二首 戊寅冬

水入瞿塘深決地山從澗瀕起撐天但穿巖縫疑難度  
每近灘聲便慮前倘有人煙樓簷絕更無生植上頑堅  
舟師遍指奇蹤跡浪語誰傳總是仙

隔離楚蜀萬峰攢鎮日舟行百轉旋水落迴環時怒立  
山爭奇峭倍新妍魚龍冷蟄千尋底雞犬晴喧五兩顛  
不辨金鷄何處沒惟看歸鳥噪高煙

屈廬詩稿卷四

宿巫峽口

餘冬浪靜已安便寒碧侵人尙瘁然偏仄難飛千里夢  
陰沈况墮九幽眠夜深缺月低窺峽風淺微波輒軟船  
明日石尤毋作惡奇峰十二遲佳篇

巫山十二峰舟中不能盡見惟神女峰足插江  
干高出數峰之表景色畢露祠宇在其麓煥然  
一新雖大蘇詩專美于前不可無以紀之

靈傳瑤姬幻化莫能擬妙用擅尊號方神聽驅使九疑  
爭來迎江斐未容齒巴夔仰呵禁千載共祠祀蛟螭蟠

水府翹翹足荒鄙天特假神柄鎮服及千里舊聞赤帝  
女卒葬巫陽址或云王母息禹功實賴倚遂古渺難稽  
荒忽定誰是洛水降宓妃君山棲帝子位業將無同余  
意殊不爾磅礴萃精靈何用託詠詭豈非宋大夫謫諫  
造伊始雲雨寄高唐寓言成實紀後來爭附和益復逞  
瓊瑋卻驗神所在總出人意指薦享多歷年憑依固其  
理徒登白蘋望未進謁玉几想見天人姿容光溢江水  
安得調絲簧下逮塵俗耳

武昌雜詠八首 已下已卯

屈廬詩稿卷四

二

楚天春序最無聊二月時光尙寂寥一臥江城孤館靜

風風雨雨到花朝

偶向城東探信花茅檐懸落等村家稻田水滿圍畦綠  
且話鉏犁閭歲華

往事追尋不厭詳白頭太息說滄桑苔荒庭院欹花柳  
並是當年歌舞場

名都相競尙豪華豈識天心劫倍加昔日金珠今瓦礫  
可憐萬井化蟲沙

搖漾波光上女牆城邊低處富陂塘居民不識宜菱芡  
時有漁罾下夕陽

蛇山綿亘復蜿蜒花木龍蔥接市廛遠勝踏青郊外去

朝來十女漸喧鬧

方城漢水古稱雄南北東西四望通微逐紅塵隨日起

賁余間唱大江東

黃鶴樓頭洗眼明三城撲地大江橫莫吟崔顥登臨句

何處鄉關動客情

將遊餘杭乘火輪船先至上海即景四首

朝辭鄂渚晚鄱陽奔走雲山過眼忙獨有小姑迎送客

回頭百里尚蒼蒼

宵行一覺是蕪湖千里江山了若無畢竟不孤遊覽興

夢中贏得到匡廬

居廬詩稿卷四

三

白門柳色正朝酣不住金陵那便甘為趁西湖三月景

杏花時節負江南

行過丹徒又晚潮卻從月下指金焦管教春盡還停泊

看到揚州廿四橋

有懷程段二公

誰識徽州程侍御心源一線在經巢遺編零落知多少

威鳳人間賸一毛

遙拜金壇段懋堂汝南絕學獨精詳樓空經韻誰傳業

應識西來有瓣香

偕莫仲武維孫遊觀上海城北英國人園林

春申江頭海人居邇來奢麗逾姑蘇樓臺園苑相縈紆

翦裁裝構百迴殊攜朋命駕青郊驅綠陰初長春三餘

忽離埃俗超清虛魂翻眼倒方詫呀此身條爾躋蓬壺

珠宮貝闕光有無扶桑彩暈朝曦初若華墮地瑤草鋪

雲駟絡繹來藐姑方瞳碧眼為隸奴洞天幽深良不孤

果然雞犬偕妻孥飄飄乘風參彼姝顧我乃似非其徒

回頭警悟何其愚非非幻想甯不誣西土豪華直若渠

此邦昔未通舟車海船遙觀煌燿俱當時即已誤擬摹

三山縹緲傳靈區共羨羣真相與娛豈非歐羅金碧都

華夏瑰奇無彼如訝殊人境惟仙廬千年茫昧誰覺諸

居廬詩稿卷四

四

天公笑倒東南隅竭來繁盛益莫逾機製極巧規利圖

取竭百產精英枯鑿遍混沌眞宰虞富媪雖富難與儲

不知造物胡爲乎從來盈虛交乘除未必竟任終恣睢

不見蟣蝨鑽肌膚會召湯沐無所通

爲人作篆書不勝繁劇兼作數幅寄蜀中諸友

生因賦長句勝之

早年從事許祭酒九千文字無不有苟能深造達神指

眾學根原即淵藪豈惟博奧貫經史用綴辭華亦醇厚

徒工篆迹追冰斯茲道能書最居後但令博本古樸學

下筆自覺蛟蛇走從來玉箸推擅場誰非體用洞蝌蚪

不通蒼雅空摹文無益窮年笑臆手昭代六書絕前古  
段錢王郝最稱首不圖極盛轉衰歇竭來幾輩堪承受  
區區識字見一二涉獵皮毛肯精取末俗紛紛尤慕名  
未瞻叔重是誰某居然詰詘仿秦漢刻劃無鹽倍奇醜  
人往風微遽如此世變攸關正非偶我書謬被羣眾賞  
日踏鐵門幾八九或旋問法底入妙太息難言棘其口  
善書能事不在書那容捷徑獲從苟不求心畫充內蘊  
空腐余唇折余肘應求難勝將懶廢何補離朱遇矇瞍  
堪思吾徒在巴蜀本末何時進詳剖斯文絕續要有人  
戒與積波相習狃

屈廬詩稿卷四

五

再寄蜀中諸友生屬以文字之學歷敘古今原委得五十四韻

小學何自昉先漢肇蜀中史籀倉頡篇揚馬特博通順  
續勤旁搜箸錄承斯翁凡將與訓纂體概略已充六文  
典且要捨是他末從汝南重網羅大成集其終藍本十  
四篇不能越兩公識字貴析義破荒仍祚邛爾雅匯經  
訓細悉及鳥蟲舍人起鍵爲首出殫研窮推譯古名物  
抉剔披根蹤孫郭雖揮精莫掩創造功不幸早淪佚無  
殊殘鼎鐘遺說十一存往往足發蒙豢緇與詁訓百氏  
歸半籠師承溯淵源乃並基蠶叢世降漸微昧續緒猶

偶逢五季林仲緘偏旁閱折衷南宋李肩吾隸古辨異  
同最後迄升菴緬企奇字風撰次已膚末亦見粗磨礪  
不謂人 國朝書學方優隆獨迹濫觴地轉蔽如盲聾  
豈無高明士小技蟠其胸語及本原業且遜漢學僅物  
極詎不返嗣響誰奮庸有志篤前修儒先陰啟聰走于  
二三子誼切他山攻誠能決江河畫導在應龍側聞鄙  
俗論苦其礙辭鋒雅故求確實篇章貴清空欲搆藻綺  
思大懼骨董壅豈知軒頡遺道藝該龐鴻滋培在根柢  
華實疇不豐染翰直餘事辨彬彌見工長卿與子雲甯  
非詞賦宗未聞譏樸學不利爲文雄食古或不化因噎

屈廬詩稿卷四

六

尋廢襄藝林日撓浮正坐謝陋備諸君各英挺力足開  
天夢久已遺元珠要親探驪宮其事良瑣贅補衲耐綴  
縫眾蕊和釀蜜漸覺滋味濃百琲得條貫環照交玲瓏  
恰符活字版錯施隨取供大用無小就蘊積須從容近  
代棊昌明尙易窺藩墉著述復繁富又費兼魚熊亦有  
好異徒新奇出重重五色防目迷慎別紫與紅驥足匪  
一蹶牛背明雙瞳寄聲等嚶鳴聊效求友忠何時快促  
席裊闔馳橫縱同好諒不違水乳應交融

憶少子瓊樹

徐卿小兒五歲氣食牛瓊兮瓊兮汝亦作駒見驂驅免



懷志已絕羣孺向翁索書知孔周有時失意背號泣抱  
來聽讀涕輒收旁觀嘖嘖嗟驥子如此生兒何處求別  
來不見條兩載知汝誦讀如泉流吾家學優仕不優青  
既數世隨窮愁敢云積善生公侯力田農苦甯無秋爾  
日薪傳要承業異時槐衮期鴻猷犀角豐盈驗奇表鸚  
哈炯秀驚雙眸靈仙未必漫親送吉夢諒不虛神庥念  
深忽若靦啼笑回望萬里方饑遊

贈莫梅城弟

人道日衰薄巧誣趨極今我輩本原地獨難塗飾侵有  
子醞粹資庶茲觀體深所生貴曲全承祧尤重任不見  
白頭親子身爲母心他時卿相業此日瓶罍斟嗟余忝  
色養風樹空沈吟每晤篤行士慙思難自禁此意就不  
言諒早式玉金

贈莫楚生弟

子年未舞象事已兼成人器識未易量冠冕不足論往  
者鄭莫黎學峙鼎足尊諸老歎長殂遺徽未便淪朝華  
奪夕秀歿逝惜兩昆今子神骨重任道識所存我勉廸  
前修獨絃苦無鄰踵起見吾黨親幸過朋羣駐羨十年  
後壇坫張吾軍

黎某園庶蕃

從舅令爲審定詩集讀竟即次其

題鄙作原韻書後

近代品風雅先人榜頭狀雁行得影山推助掣鯨浪  
如立岱華跛牂仰絕嶂我公輕步趨王後儼無讓憶昨  
教求珠探得獨罔象早許江東亞後勁文未喪學成遠  
遊宦敬業不忘創一紀重就見含蘊日致上經巢範圍  
在自別騁駘宕取精非一家蘇陸近豪壯賞音期百年  
浮誇任渠王

羈愁曲

月冷霜濃難起遊靜對不覺生羈愁家山在在何處  
夢魂不到東吳陬我心一瞬去鄉里兒書女紅正何似  
諒無饑凍苦相偈獨念時術駭難已老妻又歎一歲終  
十年強半過孤冬不惜隻身掌門戶恨無兩體分追從  
茫茫未易決後計安知底是釋肩歲強顏難勝傷世情  
息影尙恐非天意若曹莫重悲生離田廬得守骨肉私  
酷我綢繆不暫處堂成人去奈何許

東征歎三首

已下庚辰

東征一歲又虛擲鬢髮徒添數莖白舉世悠悠復何適  
服鹽亦既遭王良尙歉駑駘飽甌石  
東征不逢姑射仙厭見蠻貊腥羶杞人到此眞憂天  
夷裔富強我羸瘠當途猶自高枕眠

東征誰謂瞻日近爛羊續貂到髻毳賤士推頰抱孤憤  
欲折若木清曦輝雲霓前禦赫雷殷

將去上海赴粵東姚彥侍方伯觀元幕感遇自

遣

我生百事無如人獨有兩足超等倫壯遊五載巨天下  
西跨江源東海濬春申江頭作小住暫假時日探奇新  
一朝任俠憫遺腹傾危幾及彌月辰投身虎穴奪熾嫻  
回首江山虛一春荒蕪破涕藐孤泣布襪青鞵驚久塵  
不辭險難阻憑眺苦遭反噬來無因貪奇得奇那過此  
莫教悔恨便傷神萬事反覆無不有但令吾善全吾真

屈處詩稿卷四

九

明朝袖拂珊瑚樹恩嫌不到羅浮濱

乘火輪船浮海思往事遣興

一笑脫繁華鞍馬解羈鞅回思向來事紛紜况春夢喜  
幸百鍊身金剛揉不動特訝薰灼場歲月彈指送智者  
可偶試已自費持重何怪銅臭子不值一摩弄蒼茫出  
世外忽覺弭羣鬩魚龍杳何處水天浩沒縫萬慮落空  
真始識漠無用縹緲蓬萊宮可想不可縱要知焜耀地  
亦祇蜃樓供下有溟渤深窅沈幾庸眾幻境那長在隨  
風變頰洞同人有餘羨戀戀談笑共吾欲尋盧敖鞭笞  
馭鸞鳳

遊粵秀山謁鄭東陽祠

隔年不結山水緣如別親交居各天一朝意外忽邂逅  
喜劇無復能言詮登高自倍腰脚健攀援欲睹蜃猿先  
因依花鳥似相識變滅霏霞爭取妍風景依稀舊遊歷  
幾曾著屐珠江邊忽悟平都好巖壑天然酷肖來當前  
洞天大抵等幽藐亦有勝地皆巢仙方平長生盼不到  
恍晤東陽乘紫煙隨風便欲早歸去句漏丹砂奚待延  
倘能念我久塵世分嚙刀圭辭大千咫尺羅浮接真隱  
翩翩騎蝶還華年

粵中時氣中人兼為失飪所傷以致重病既瘳

屈處詩稿卷四

十

遂恆命奴子具食授以烹煮諸法感成

四方水陸平生便初遊嶺表獨不然語言難通梗殊俗  
飲食異嗜愁別天炎蒸潮溼鬱瘴厲臥病匝月命若懸  
去家忽忽極遼海五十依人真可憐經時氣候稍服習  
不免我法調食單決去官廚與土和自取甘美非腥羶  
粉資糗餌豈難辦水引曼頭需幾錢煎鱸臠雞出楚味  
蒸肴炙膾師吳鮮齒落偏耽芋魁輒胃薄爛啗山薯乾  
粵中產魁芋大如岷山蹲踞最美者紋似檳榔名檳榔芋又產山薯數種大者如股臂切而蒸之乾以禦冬名薯乾杜陵發秦州詩所謂充腸多薯食前方丈那顧此芋也薯乾以肉汁烹之尤甘美異常  
亦遣同好旁流涎指揮奴子恣得意相如傭保何傷賢

吾儕一世爲口忙得飽果腹告萬全天涯詎不念妻子  
徒增喫噎不下咽重江艱阻絕音問邊恤豐歉收石田  
要令加餐我健在庶有歸路祛饑寒

幕中即事二首

百尺喬柯蔭畫梁層軒幽敞面新場涼蟬不斷濃雲合  
馴鹿時過異草香伯業此曾窮泰侈神叢知閱幾興亡  
官居華貴園林樂消受權時得共嘗  
牙籤四壁伴居諸臥枕芸香著秘書依舊藏修猶少壯  
還於著述見空疎知新考鏡饒盈尺絕俗詞華戒唾餘  
賣賦那期司馬價略勝辛苦競奔徒

居廬詩稿卷四

十一

官鹿 觀進生獐及獐肉三首

西園羣鹿隊豢養自何年態豈堪供玩才原可逐仙餐  
鬻非易擾濯濯自難鮮似此相憐愛徒令損性天  
物生斯有患更憚是爲犧異齒偏殊眾香臍况特奇獐  
鋤如鴛者擗醫用以畫爲擒身尙在微幸爾應知不見  
猶數十匝即不再腫溢

同儕者烹炮付竈廝

久與山棲別難忘野曠幽從羣聊嘆嘆思草苦叻叻那  
憤求人飼還教共豕遊庖廚雖幸免終失返林邱

冬半作家書適細君生日書此並寄一首

兩地明蟾一樣清年年攬揆望長征魚書空惹悽鸞鏡

鴻案權教換兕觥可想阿奴知跪拜應來家婦侍衿纓  
莫吟角枕當齋祭勝我長悲錦瑟橫余家夫婦生日  
萬里孤鴻渺不歸親朋應未斷柴扉客來且掃蠅蝟戶  
祠祀新披鴻鵠衣暫屏熊丸兼荻畫莫教魁髻更蓬飛  
報音早晚三巴上爲養溪魚尺半肥

金姑行 并引 已下辛巳

金烈女江陰士家子幼字中表繆宗慶未嫁而繆歿  
輒示夢于女初不欲生母諭之乃以禮適繆氏正名  
妻服勤事翁姑撫兄姒子光佐以嗣長娶婦王而光  
佐又不祿則下取嗣孫是爲光佐兄子甫倅復殤蓋

居廬詩稿卷四

十二

其夫即承繼者斯斬焉三世矣時庭帷繼謝姑婦無  
依母氏兼迎還居仍議後以兄姒子光承乃已未幾  
偕兄弟奉親避髮賊走山左展轉有年難靖旋里資  
產蕩然兄若弟各遠謀生女獨任養勞於諸婦年幾  
六十猶拮据母喪比權厝畢泣訴坐前大慟立絕鳴  
呼古今貞孝荼毒極哀愁至于斯劇乎其弟撰具行  
實遍乞能文以彰之余爲蹙額三歎狀以悲歌並志  
其略

道窮苦節不可貞何事投艱如許丁幾回生挽門戶頰  
數定乃爾難力爭金女不造誰忍聽下筆使我無和聲

身未從夫閨夢驚感深寄託來幽冥事畜拚教肩畢生  
三世不許延螟蛉勉完夫嗣回蒼精暮年事竟長歸甯  
奉親八十逃機槍終營母葬仍伶仃一痛相從泉路輕  
更無負擔撒手行古來遭罹幾及此造物有意成其名  
蓼蟲食蓼豈知苦但甘荼藥爲飴錫天公錫類無頗傾  
德門滋長方彭亨他年備福聯簪纓莫忘乃祖百折并  
汲汲吟

出門見襤褸乞錢市糠粃旁有零丁兒索食方饑啼入  
門見高宴酒酣羅庶羞厭飫箸不下脣吻脂橫流通闕  
數十里聯袂騎羅綺炫赫軒冕場貂狐益鮮美卻願窮

屈處詩稿卷四

廬閒翁媪衣百結疲癯更無告被草骨幾折豪右日淫  
縱孤窮滋不聊擅椎稱材官違問屯其膏民政信如此  
魚遊沸湯裏數罟且四增蘊利孽斯起可盡孱懦輩坐  
甘溝壑填見說今跳梁昨往皆顛連莫再作鸚鵡海氛  
正潛煽諸君何所恃百年保安晏

思歸偶成

出門何所圖咄哉飽妻孥妻孥在何許萬里卻似無豈  
直抱窮獨半載絕一書棄家爲有家無乃謚至愚況仍  
舊書劍亦匪善價沽等是得貧窶何事甘羈孤拙鳩失  
營巢遠求從鵲居斂人輕售綃更堪行泣珠腸中轉車

輪脈脈望里悶

述懷

番禺居歲餘局僦如拘囚所遇無一是日惟抱孤愁出  
入向誰語徒聞羣啁啾未暇究何說簧鼓皆浮游從不  
習彼技到口還自收或時強問答俄若魚吞鉤自詫成  
異類人亦置贅疣周張士林內理美復寡儔學術別有  
方氣象先不侔久習畫畛域若自足孔周聲色何訑訑  
遠人敢相謀頻年歷吳楚縞紵隨獻酬人自辨夜光及  
茲窮閭投豈乏古先達曾無貽後休歲月誰與度弔影  
驚遐陬縱情想物外好山都未遊既摧登臨興亦願囊

屈處詩稿卷四

藁羞足不出城闔汶汶春已秋青燈暗白髮萬里乃是  
求吾家老廣文接迹瞻台州才名禦魑魅千載巧率由  
物忌信有然自台將何訖所不忍回首幾年棄山邱圖  
書掩蟬蠹墳壠荒松楸兒童知鑿輪過時急箕裘學徒  
久無執知失正鵠不失察悔相道行迷慙家修補牢或  
未晚飛遞甯無優行當帆江海沂流促歸舟

次韻和長沙楊慎初

太守滬上感懷四首

騷壇雅集已如林遺我明珠喜不禁初揚黃庭超絕詣  
誰廣白雪崑高吟豪情不數何暖叟壯采鷺看魏默深

巧鬥尖叉傳韻事後來辛苦剝蕉心

才思僥君逸興賒愧余落魄鬢雙華曳裾何處懸陳榻  
度曲惟聽豔党家世態憑他鳴嚇鼠客途禁得鳳隨鴉  
依人尙未如王粲誰寫衷情入漢笳

江湖歲月易蹉跎等是傷時歎逝波楚些由來悲屈宋  
南風曾否見陰何衡湘英挺於斯盛雲夢兼吞那便多  
刻羽引商音未遠期君頻倡郢中歌

欲賦登樓輿已闌鄉思脈脈獨憑欄平生不偶甯論老  
夙昔同盟並早寒學有慈湖終命達才非白傅自居難  
翦翎籠鳥空毛羽海運鵬程祇坐看

慎初兩次原韻見示再疊韻答之

先人列傳耀儒林驥子流離便不禁悔失清時攀鳳翼  
徒工小技作蟲吟已拚魏闕難趨步肯厯權門測淺深  
五十頭顱良自斷勿須搔首問天心  
米珠薪桂未容除奔走無遑玩物華間歲不鳴嗟廢業  
數篇感發賴當家撚鬚愁似饑吟鼠呵凍寒於瑟縮鴉  
畢竟毛錐成底用神移營壘起饒筓  
暮顏經得幾蹉跎矍鑠誰同老伏波旅食衣裘都蕩盡  
歲寒妻子更如何空懸衰瘦餘生在況隔鄉關萬里多  
懷抱向人無可罄孰聽彈鋏訴悲歌

棲遲無賴送春闌轉瞬秋梧落井欄不揣臥痾重坎險  
更教羈困過天寒那堪陶令饑行乞纔信韓非苦說難  
溝壑未便填志士梁錚躍馬尙容看

慎初又次原韻憫時政傷末俗依其意三疊韻  
答之

鷺在漁梁鶴在林時方顛覆孰能禁鯨鯢無日忘吞噬  
龍虎何年見嘯吟檮昧居然藩屏寄書生徒仰廟堂深  
間雲尙有爲霖志肯使滂沱慰素心

滄上年來號最賒夥頤壓倒幾章華精英收括三千界  
奇麗爭雄十萬家譙罷金鐙還走馬歌殘海日已翻鴉

荒荒不夜傾城樂那管譙樓曉暮笳

六合澄清等俟河不聞激濁祇揚波蠻夷猾夏曾無比  
天子當陽待若何世豈寡能皆錄錄才非益辦苦多多  
彼蒼厭亂知何日壯士徒悲斫地歌

輓語新聲度夜闌紅樓十里半鈎欄夢殘蝴蝶空阿堵  
冤鎖姮娥閉廣寒兒女牽腸多少在英雄回首去留難  
豪華最是悲涼地漫作風流雅樂看

數和而後以事興索苦不成構茶園舅以詩促  
之次韻答呈

牀不攤書席見經愁來獨擁舊氈青久成芻狗棄無用

甘作木雞空立形吟社頻教荅旁午開山何異窮五丁  
勿須苦索驚人句落落從知向曙星

歲盡寂處無聊四疊感懷韻柬同人

倦鳥何時返舊林桑榆日月去難禁淵明錯擬閑情賦  
諸葛聊爲梁甫吟業笑屠龍無地試威嫌假虎入山深  
芙蓉薜荔誰媒灼松柏徒堅晚歲心

窶人禁得雪霜賒望斷東皇送歲華豈少笙歌妍暖閣  
不堪鐙火憶山家行催春令看蘇蟄仍備風饕怕浴鴉  
凡東南濱海地冬春有風即寒甚古田家諺云鴉浴風鴉浴雨冷寂熏鑪支永夜遲明  
默待戍樓笳

屈處詩稿卷四

七

運至凌霄生羽翼數奇平地起風波漫嫌守拙長無用  
究善趨時得幾何龍轡文章甯久晦螢光興廢亦奚多  
要須萬貫騎黃鶴從和諸君子夜歌

一事無成歲又闌嬾書春勝畫烏欄棄家客久心灰死  
索債人來面鐵寒自幸優游無負累猶勝襤褸乞憐難  
咸陽杜老嬉娛日且作曾輸百萬看

贈蒯禮卿光典部郎已下癸未

我生良友比兄弟早得胡君今蒯子四海論交三十年  
膠漆雷陳獨斯耳諧君邂逅當熱場爾時聲氣勝屈指  
疇非蘭臭附同調徵逐何由辨朱紫不緣旅泊嗟道窮

杜老方將失崔李我頃南遊背時利頓覺人寰不容趾  
翻然婚媾且爲寇遑問朋儔棄如屣不圖聲子念椒舉  
殷勤卻顧拔泥滓緼袍狐貉兩忘形抵掌惟聞議鋒起  
邇室冰霜變暄暖旁觀累足驚諦視豈惟貧病忽若遺  
並令瑕疵一朝洗傾囊周給乃餘事飽德深資洽肌髓  
不有風塵敦古處甯堪末俗重積靡鑄銘五內何足言  
但惜歡會從無幾巴東樂事不可繼十載分攜歎駒駛  
天涯落莫一開顏社燕秋鴻送無已後緣萍合復何日  
況我衰羸更傾否古來聚散奈如斯徒寬海內存知已  
恨非雲雨逐龍騰轉瞬沈思又千里

屈處詩稿卷四

六

贈邱壽田育泉老友

不料重逢是世年忽通姓字意茫然遭時疑作忠魂去  
回首甯非隔世緣訝許飄零才把晤說來潦倒各相憐  
蹉跎卻慰身長健不見朋儔宿草阡

千戈而後困風塵半百相看七十人若遇中途俱不識  
知經世事幾翻新休嗟仕路偏傾險難合時宜在率真  
畢竟升沈猶有待莫教愁思苦傷神

苦寒行

去年十月即大雪百日冰霜厚坤裂海氣霾雲昏無日  
猶風衝霄更慘烈開歲一月轉嚴酷百蟲凍死不啟蟄

噫余寄命居其間骨折皮皴幾流血衣輕策肥者誰子  
我獨裘禪做百結天時巧與人事逼生不逢辰豈關拙  
陰陽易位物數窮我曹焉得避苦節翻愁寒燠兩好還  
熇熇行將困炎熱

釣

睽隔清溪路奄然二十秋歸田乘暇日把釣寫煩憂  
劇蚓兒前躍黏蟲牧代求向諳深樾蔭無改舊磯頭折柳  
聊編翳持竿試相流鞠躬甘起伏瞪目耐旬留伺動睛  
猶審蹲危力尙優頻喧嘖雁鴨戲曳厭鱗條別往循桃  
岸相攜度若洲青腰情最狡赤尾眼時偷跋浪驕難引

屈處詩稿卷四

九

垂綸靜不收未防偏涿餌遲舉已空鉤軟草權跌坐濃  
陰偶倦休欲移仍覘獲既去卻還投巨鯉疑潛過肥鮓  
喜近浮久剛償一得驚或散羣游轉顧尋芳藹端應涉  
險幽何期來共貫乃爾拔其尤藻荇穿那忍筇管入漸  
稠老妻光具染嬌女待烹羞濠上觀徒樂漁家傲可謳  
斜陽催晚飯返影借扁舟豈是嚴陵侶堪思尙父儔誰  
云非事役況足縱冥搜偶寄烟波興仍防歲月偷惜無  
同志賞獨唱情誰酬

瑞雪紀事

今年大熟期明年冬暖如秋過小寒雪霜不降預憂旱

再稔或恐天公慳臘中滕六欲施令豐隆突起收其權  
屏翳助虐復吹散頃刻紅日開雲間異事祆祥定誰兆  
羣情駭訝心懸懸豈知陽極釀陰出一朝栗烈凍合肩  
雪霰須臾怒飄蕩攪翻江海驅濤瀾萬里陰雲盡糜粉  
壹空上界傾大千連宵堆堞委山積畛域不復分原田  
蝼蟻淨盡少遺蟹亦殭虎豹殘鷹鷂獨饒瑞應主多稔  
定教鶴訝同堯天準擬豐穰會重見耕人歌笑牛安眠  
廿載劫灰想在昔邨墟今或無炊煙剝復尋仍固其理  
彼蒼亦應施矜憐安得餘生總觀此饑愁不更來登顏

餌塊粿歌 并引

屈處詩稿卷四

三

黔中謂餅曰粿方語雙聲之變也品類殊多惟餌塊  
絕大乃貴陽人常食然最鮮潔本習傳自古歲終則  
比戶作之以相饋遺若欲久食可收貯瓮中不令黴  
敗乾圻足儲兩三月余食之甚美欣然播諸歌詠以  
傳彼法

餌塊粿如枕長煩攔稻粉調豆漿白肥不異燻豚牂巨  
釜蒸之安以牀隔廚已遠聞甘香出籠柔滑何晶光切  
來冰片盤高張藐哉豚耳與狗舌壓殺粗妝傾餽饌十  
人食一那可盡一人負十重莫當不宜鹽豉兼膏梁絕  
妙輒煮和羹湯俗慙餉客稱家常但飽兒女勝糟糠焉

知至味古邊實餌養羞品供周王從來禮失貴求野干  
秋尚食傳遐方或加豆屑糝其面依然熬糗今誰詳昔  
來行省幾嗟羨莫或肯進嫌邨鄉連朝饋歲自朋好半  
世聞名方快嘗吾鄉豬兒大類此遵義豬兒糝與餌塊相似而形差小愛  
惟土物私心臧官厨厚養日逾分不妨嚼淡聊相讓一  
任旁嘲嗜土炭願屬奴子勤畝藏

張香濤制軍招往粵東舟行遣興二首

冬晴水涸若遲回歲暮途長不可催駿快灘剛姑息過

汎舟牂柯江而水皆淺甚至武宣姑息灘始得放溜倒吹風又石尤來偶逢名

勝還留賞況有居停數宴開獨切海南賢制府深期望

屈盧詩稿卷四

三

眼幾徘徊

前度劉郎事可傷客緣未盡卻還償巧同蘇子過惶恐

有難亦名惶恐仍是韓公下樂昌若榕江邊有樂昌寨三日

復十里水石最為險惡豈行文章超絕域徒令衰朽播巖疆

一趁墟廣中謂邨市為墟猶是古名空羣自合非皮相亦要精誠荅九方

屈盧詩稿卷四